

Gallus Poloniarum valedicens.

Tota vale tellus, tu tota Polonia tantum.
 Duxeris, sis, et plena palustribus undis,
 Et terno damnata gelu, nilvium prosum
 Mole supulta vale: tantum celsum solium
 Et mors placuisse tui, prius oia nostris
 Ut fieri possint et trant contraria votis.
 Quam fuerint, q' nra cunctis tibi tempora sistunt.
 Tota vale tellus, et vos miranda hominum
 Tota vale, et vos hypocrita calantia sanguis,
 Chastrea hominum precum simul, sperimus nullo
 Mixta iacet prius tibi facina, serpsit formidus
 Pona parit, stabulant vituli simul, et in illo
 Graji domus sita est, dies optata rursus
 Anna secla, quibus proficant communia cunctis
 Cuius fuisse, lupis coispe immutib' agnos.
 Antiorum agrosq' aies, mors habetis
 Vobis in casis humiles, atq' oppida facta
 Montes Sarmaticos fastu pe' vitata firmantes,
 Archorum: sed nulla fides fuit ad dita vobis
 Creditatq' nostrum nulli tamisib' vestra
 Ut etiam faciunt oculi, cortissima coram
 Angustia nra: coram videt: oia videt,
 Barbara gens: et vana cui vis ois in una est
 Vincta lingua, iactandaj inania fortis.
 Natus atq' dies clausis frontibus autis
 Inna cuncta, q' ois ois sunt posula vasa
 Impoti in fortuita manus, nisi p'victa vici
 Rictu la manus subter creta vici.

Bellica vis illis haec est: his clara nomen
 Nona de hispo cunctis gratissim' in sua patrum,
 Non virtus, non vestra, Poloni, et lanera, non sunt
 Arma na, q' p'debis p'missis onerat: Equorum
 Non numeris, non lictorum, non viciq' lictorum
 Dextra non ballo fortis, colorisq' sagitta
 Inductos q' vos praestant de viciq' tunc
 Paupertas hac vestra facit quam sospit' hostis.
 Si vobis ius, si cuncta notalia, si qui
 Fortib' irrigui sunt, aut claudantia celi
 Ulla foret, si quod vobis mare, si qua mobilia
 Vestra daret tellus, q' d' viciq' subisset
 Jam inga libertas, et Sarmata p'ra iacerant,
 Arma hominum terror Turcis sua ditia contra
 Extent balla; nullo Minoria, nullo
 Cypria, quam vestra hac vana de glacialia regna,
 Tunc q' armorum furore cupidissim' illi
 Vos aspernat, per Belgica viciq' cohortes
 Quat, Bellorumq' patet sua p'ria viciq' .
 Septima complexit iam fero Gullia, d' m' m'
 Haerici celiq' geniti inter fydora diuina
 Impugn' deforta tenent, d' m'q' ab oris
 Gallorum longis animis confuso quicquid,
 Et iudicium nro represso nulla dolor
 Proterviam vultum laq' cum lictum figo.
 D' faciant prope f'c, Principes fortissim' tamq'
 D' ois opem quo te gens altera, et iusq' altis
 Ornata accipiat Regem, faciatq' f'c te
 Imperij concors Germania tota potantem.
 Domus q' d' vici, q' b' bato na tristia d' vici
 Hic cuncta terrarum referant nro tempora quae vici
 Principis ardorem viciq' atq' ora tuncq'.

Responsio Poloniae
Adversus maledicos cuiusdam Galli Poloniam valedi-
centis versus.

Quidnam dica malum, quae tanta iniuria
In casus tibi tota totit Fortuna? per omnes
Tot animarum terras, adroni ego sola videbar
Digna tibi, nota quae profugis exempla paratos
Regibus? Hauriens hinc bis manus reliquit
Fugivimus, sompniisq; manens, sua nocte silenti
Targa totit fuga. Nocti (mirabile dictu)
Ut venit sic nocti abiit, turbasq; per omnes
Fugamq; sompniis diis una facta, fuit
Hoc tempus precior qd tam tristissima noctis.
Mirabar, nec enim solus interceptis altis
Mors mihi, tanta adeo mihi nunc caligine nubes
Inducens tenebras. Sed si hanc suspicor nubes
Quas decepta quoror, Mors licetq; abhorreris.
Non solus ac glomerans submissa nubila virtus
Nunc sperare diis hincq; provincis alio
Non facit ingratus, qui diros natus hospos
Oro sonans, lacrimans titulos, profubentq; precum
Est muros, qd si gratibus mora pignora pennis
Excutiant, spes certa mea d, qd hincq; redibit.
Sed ne nostra cui, qd iactas crimina, toto
Urbe fidem faciant, reddam pariter tibi Gallie
Vox, Vale: hoc malis quae falsa opprobria dixti,
Mante Vale, qd posthac sita confusa manebit
Hic sine labore vauis. Nam si aequa crimina laque
Cum vasis una facta tuis conforra licet
Ut tua lapsa cadunt, mea sic sublata resurgunt,

Opusculi praestantis editio rarissima
Bauers lib. libror. rarior. 2. T. 64. S.
Engel lib. libror. rariss. 1. p. 68. qui Mathaeum
Hrykowski Offstewitz autorem huius opu-
sculi asserit.
Vterque habet annum editionis 1583.
Heutenio incognita est

C⁷⁹⁰⁴

Uc 4770

Ex
libris
Viri Venerabilis
GOTTL. ERN. SCHMID
Sacror. Antist. Berol.
Regiae Bibliothecae
Dono
aut
minus commendabilium exemplorum
Permutationi
oblatis
MDCCCHII.

AM 7116

RERVM POLONICARVM

Tomi tres:

QVORVM PRI-
MVS OMNIVM POLO-
NIAE REGVM, A LECHO PRI-
MO GENTIS DVCE, AD STEPHANVM BA-

THOREVM, etiamnum Regem: tum Principum Lituaniae,
chronologicam recentionem, ac singulorum res
gestas complectitur:

ADIECTA RECENS HISTORIARVM IN NO-
stram aetatem incidentium continua narratione.

II. PROVINCIA RV M, QVAE VNO SARMA-
tiae Europae nomine vulgo veniunt, chorogra-
phicam descriptionem continet.

III. RES SINGVLARITER A POLONIS IN
Valachia gestas, Orationes item & Epistolas sceptri
Polonici negotia concernentes habet.

ALEXANDRO GVAGNINO, EQVITE AV-
rato pedumque praefecto auctore.



FRANCOFVRTI

Excudebat Ioanna. Wechelus, impensis Sigisf. Feyerabendij.

Andrea Reineccij
Wustet Sanfani Plat.
1507.



stdr0013394



Biblioteka Jagiellońska

Mc 4740



EPISTOLA NVNCVPATORIA,

AD

ILLVSTREM,
AC GENEROSVM DO-
MINVM, DN. MARCVM FVG-
GERVM, DOMINVM IN KIRCH-
berg, & Weissenhorn, &c. atque vrbi Impe-
riali Augustę Vindelic. Præfectum in Re-
pub. spectatissimum : Dominum,
& Meccenatem suum
clementem.



IRTVTEM omnes
admirari, illustris, &
generose vir : etiam
homines ab ea planè a-
lienos, constat: tum mi-
rabiles sui amores excitantem, tum verò
maleuolos stupore percellētem. Quæ qui-

★ ij

EPISTOLA

dem, si non priuatis modò parietibus delitescat: verùm publicā utilitatem potius tueatur, quàm in proprio cōmodo acquiescat: vera demum, & genuina virtus dici meretur. Cōmunē enim generis humani, ac potissimū patriæ salutē cōsiderans, in constituendo quarumlibet Rerum publicarum statu singularem sapientiam: in administrando moderatam prudentiam: in conseruando grauem cōstantiam: nec non interdum erga ciues intra officij sui limites retinendos iustā seueritatem: denique eam animi, morumq; compositionem amplectitur, quæ publicè, priuatimq; prodesse omnibus velit, obesse nulli. Orarā virtutem! ideoq; beata felicitate florentissimas Respublicas, quibus ea potiri datum est. Neq; verò quisquam existimet, vario, & inuitabili (si dijs placet) philosophorum fato eam quoque subijci: itaq; modò huic, modò illi magistratui vel casu obuenire, vel eripi. Impia hæc, & à Chri-

NUNCVPATORIA.

Christianis hominibus reiecta est opinio: diuinitus eam & concedi, & negari pie asserentibus. Testis est Daniel, propheta luculentissimus, qui rerū principatus prouidenti DEI OPT. MAX. nutu stabiliri, & trāsferri edocet: imperantium effrenem quidvis audendi tyrannidem: & huic sese assimilantem populi proteruiam politiarum periodum statuens. Quemadmodum enim, inquit Demosthenes, exerratis, quæ inter nauigandum cōtingunt, si quis nauta peccet, leue & paruum adfertur damnum: verùm si gubernator aberret, omnibus simul nauigantibus cōmune infortunium, ac periculū creatur: sic priuatorum hominum delicta non in plebis, sed in ipsorum capita recidunt: magistratuum autem, & Remp. administrantium peccata in omnes ciues deriuātur. Nōne summa Monarcharum potestas, una extirpata familia ad alterā prosapiam: imò de natione in nationem: mutatis subinde

EPISTOLA

personis, & regnis: hac ratione deuoluta est: donec Romani (quorum virtus maxime emicuit) inuersa Reipub. forma, ad Monarchia tãdem fastigium euecti fuerint: penes quos hodie quoq;, quamuis suis debilitata viribus, consistit? Nonne continua historiarum tam sacrarum, quàm prophandarum series ostedit, quàm miranda semper, & exitiosa plerunq; tyrannidem, impietatem, seditiones, libidines, & alia eiusdem generis nefaria scelera ubiq; locorum, & in quibusuis imperijs sequatur conuersio? Memorabile, proh dolor, exemplum sese offert, calamitosus regni Constantinopolitani, atq; ceterarum gentium immani Turcarũ furori cedetium, status. Luget Græcia, luget Asia, & Africa: nec non plures Europæ provinciæ: sub Christi Iesu seruatoris nostri protectione olim potentissimæ regiones. Nonne etiam nostra hæc secula eiusmodi Rerump. vices nobis exhibent, dum quædã in pristinam se li-

NVNCVPATORIA.

se libertatem vendicarunt: quædam præterius, & æquum seruitutis iugo premuntur: quædam verò inter spem, & metũ anxia, quò se inclinent, dubitant? Concedis ergo, ni fallor, principes suo exemplo vel comodare vel nocere ciuibus: eaq; re vitæ probitatem, res, & fortunas tũ suas, tũ ciuium: adeoq; administrationẽ, ius, & iurisdictionẽ omnem vel penitus euertere: vel, ne quid detrimẽti capiat Resp. in primis curare posse. Concedis etiã, solam virtutẽ efficere, vt princeps non solum sui amore dicto audientes ciues habeat: sed etiam diuino DEI omnia moderãtis fauore, & auxilio nixus, incolumẽ imperij sedem conseruet. Quænam autem illa virtus sit, quidve operetur, haud difficile est cõijcere: si quoddam benè cõstitutæ Reip. regimen cum exquisita historiarum lectione cõtulerimus: prudẽtia nanq; fortitudine, iustitia, & clementia opus est: quæ nimirum fulcra sunt stabiliendi regni, & colu-

EPISTOLA

mnæ. Hac siquidē suis viribus unita virtute parcitur ciuibus: iure, & legibus uiuitur: virtus priuata præmium consequitur: vitium pœnis coërcetur: in aduersis rebus fortunæ nō facile ceditur, nec in secundis superbitur: sed insidijs, seditionibus, atq; periculis patriæ undiquaq; imminētibus impeterritè obuiam itur: ac deniq; ratione, & iudicio cōstituitur, & gubernatur Respublica. At qui nō cuius eò aspirare licet, heroicæ indolis, atq; excelsi animi munus est: cui præterea longus rerū usus, & multarū literarum, præsertim historiarū, cognitio pulcrè respōdeat. Nam eruditio, & plurimarū rerum scientia insitā à natura: seu, ut melius dicam, à Maioribus iure quasi hereditario acceptā ingenij vim magis accendit: &, quod maximū est, vehementem animi generosi impetū absq; ullius iniuria temperat: qua si destituatur, per sepe in perniciosam Reip. tyrannidem, & exitium desinit. Exempla
huius

NUNCVPATORIA.

huius rei apud fide dignos rerū gestarum autores passim obuia sunt, tū eorum, qui ob literarum imperitiā Respublicas per ferocientis spiritus vehementiam tyrannorum more pessundederūt, sædeq; perierunt: tum verò illorum, quibus de patria sua optimè meritis per gloriam virtutis, & eruditionis in perpetuum viuere cōtingit, innumera: vnum saltem è millibus ponā, Carolū V. diuæ memoriæ: Imperatorem non minus literatum, & prudentem, quàm iustum, & magnanimū. Qui memor illius Iustiniani, Imperatoriā Maiestatem nō solum armis decoratam, sed etiam legibus oportere esse armatam: ut utrumq; tēpus & bellorū, & pacis rectè possit gubernari: & princeps Romanus non solum in hostilibus prælijs victor existat: sed etiam per legitimos tramites calumniantium iniquitates expellat: & fiat tam iuris religiosissimus, quàm victis hostibus triumphator magnificus: heroicā, & verè

EPISTOLA

Imperatoriam mentem frequenti literarum lectione in tantum oblectabat, & informabat, ut iuris, & historiarum maxime scriptores, nec in medio quidem armorum strepitu à manibus deposuisse perhibeatur: Imperij Romani acris defensor, & pacis restaurator: nec nō multis regnis ob excellentē cum felicitate iunctā virtutem terror ingens, & formidabilis. Eiusmodi Heroas hoc rerum Polonicarum quoque chronicon plures repræsentat, fortibus ausis, & magnis victorijs insignes: atque sua virtute eo progressos, ut Imperij sui fines longē, lateque extenderent: Boleslaum quoque huius nominis primum Ottho tertius Romanorum Imperator axiomaticæ regio dignissimum arbitraretur. Reliquum est, ut (quod more observatur) quæram, cuius patrocinio chronicon hoc, ex recensione tot, tantarumque heroicarum virtutum per se amabile: viris doctis, & bonis cognitu dignius etiam & iucun-

NVNCVPATORIA.

iucundius fiat: te videlicet, illustris, & generose vir, præcipuum Fuggerana familia decus, & ornamentum, operi huic multis modis conveniens. Quis enim negarit, quin Fuggerorum familia generoso virtutis stimulo eoque pervenerit, ut iam prorsus ad Reipubl. administrationem nata: prudentia, & omnis generis disciplina instructa: atque usu diuturno assuefacta esse videatur. Illud certum est, eo primum tempore cognitam & perspectam eiusdem virtutem fuisse, quo non ullo clariore, & oportuniore unquam potuisset: patria scilicet sub D. Carolo V. in extremo discrimine constituta. Cum enim Tribunitijs, ut tum tempus & res ferebat publica, aliquandiu furoribus exagitaretur: atque plebs inquieta Tribunorum manu contra Magistratum armaretur: eamque ob causam graue Imperatoris, alioquin clementissimi, odium, et indignationē iustam pateretur: mirū est,

EPISTOLA VII

quantus in iuuanda patria, & reconcili-
 andis ciuibus Antonij parentis: nec nō Io-
 annis Iacobi, & Georgij patruorum tuo-
 rum ardor, & indefessa animi constantia
 apparuerit: ut à DEO OPT. MAX. horū
 trium fratrum, Antonij præsertim virtu-
 te, ex faucibus Hispanorum prædā speran-
 tium, & quæuis atrociaminantium, Au-
 gustam ereptam esse, haud obscure pateat.
 Hinc proculdubio nemine repugnante, de
 Antonio Fuggero verè dixerim, quod
 Xenophon Agesilao suo tribuit: inquit,
 eundem, ubi existimasset patriæ profutu-
 rum, neq; labores fugisse: neq; à periculis
 abductū esse: neq; pecunijs pepercisse: neq;
 corporis, neq; senectutis imbecillitatē ob-
 tendisse: patriæ deberi ratum, ut ciues sal-
 uis aris, & focus tuto viuerent. Designati
 me hercule magistratuum honores à D.
 Carolo V. in Rep. Augustana septem vi-
 rales Antonio: consulares Ioanni Iacobo:
 atq; senatorij Georgio publicæ amoris in
 patriam

NUNCVPATORIA.

patriam approbationis instar sunt: eò cer-
 tè laudabiliore, secundum Imp. Theodo-
 sium: quòd nec prece, nec precio illos am-
 biuerint: sed ob merita, & vitæ integri-
 tatem ultrò oblatos, absq; vlla tergiuersa-
 tione, subierint: atq; summa cum laude iu-
 stitiæ, & fidei ita gesserint, ut amarentur
 à plurimis, timerentur à paucis: nō priua-
 tim modò admirabiles, sed & publicè a-
 pud omnes. Encomium eruditionis, pru-
 dentia, māsuetudinis, grauitatis, & in o-
 mnes, præsertim pauperes, beneficentiæ:
 quæ peculiaris huic familiæ esse solet: quis
 nō videt tam Imperatorum, regum, prin-
 cipum, & magnatum gratiam, & amicit-
 tias haud pœnitendas: quàm virorū tum
 doctorum, tum bonorum animos: imò ex-
 terarum quoq; nationum: quibus eadem
 virtus innotuit: fauorē singularem Fug-
 geris conciliasse. Equidem ut, quanti fa-
 miliam hanc faciam, quàm ve te Maiori-
 bus tuis omninò similem mirer, & admi-

EPISTOLA

rer: licet forsitan non pro rei dignitate, at-
tamen ex animi mei affectione, de clavam:
idcirco praesens hoc opusculum, ducum, &
regum Polonorum, atq; rerum ab his ge-
starum conspicuum ordinem continens,
illustri, & generoso tuo nomini offero, de-
dico, consecro: ea lege, & conditione, ut
non solum ipse sereno, & clementi vultu
dicatum suscipias: sed lectum etiam, &
comprobatum tua comendatione gratum
magis, & acceptum reddas: quae quantum
ponderis apud quosuis habitura sit, mini-
me me fallit. Quò enim doctior quisque,
& apertior fuerit, eò aequius & honorifi-
centius de tuo iudicio senserit: non igna-
rus, te Maiorum tuorum vestigijs inhae-
rentem, nullum simulationi, nullum affe-
ctibus locum relinquere: sed candidè o-
mnia, & solerter agere: utpote historia-
rum quotquot sunt omnium peritissi-
mum, & multa multarum rerum expe-
rientia edoctum. Accedit Reipublica
admi-

NUNCUPATORIA.

administratio: cui praefectus, tantus es,
quantum te tua in capeffenda illa virtus
ostendit, magnus merito, & clarus: eo
maximè statui, quo nisi animus praesens &
fortis prudentia, & vigilantia opitule-
tur: verendum sit, ne paruo momento res
magna subuertantur: & cum ciuibus
Respublica simul ipsa concidat: id, quod
DEI OPTIMI MAXIMI cle-
mentia in Christiani sanguinis hostes
redundet, votis supplicibus precor.
Gratuletur igitur sibi Augusta de
te, collegisque tuis rerum iam potiun-
tibus: viris sapientia, & fide specta-
tissimis: quibus nihil religiosius, nihil
antiquius esse ducitur patriae, civium-
que suorum salute: atque vestrum se-
quuta consilium, & ductum: fugata
Ate, quae nullibi non suo nomini un-
quam magis respondit, atque hoc de-
ploratissimo seculo: tranquilla pa-
ce, & concordia animorum perpetua

EPIST. NVNCVPATORIA.

*fruatur. Quæ quidem, tanquã Rerump.
incrementum, lucro cuilibet longè præse-
renda: vera tamen pietate, & assidua ad
DEVM OPT. MAX. oratione expeten-
da est: qui solus, & vnus politias consti-
tuit, & florentes tuetur: Nanque,*

*Te penes, alme DEVS, rerum est dis-
ponere summam:*

*Te duce, ciuilibus iussa capeffit ho-
mo.*

*Vale, illustris vir, cum tota Fuggerana
familia, cõiuge ac sobole generosa: qui per-
pensis animi dotibus, excellens: corporis
bonis, omnibus amabilis: fortune successi-
bus dignus esse videris: meq; tibi, meosq;
commendatos habere digneris. Data
Francofurti ad Mœnum, Calend.
Aprilis, anno reparata salutis humane
M. D. LXXXIIII.*

Tuæ Illustri generositati
deuotissimus

Sigismundus Feyerabeni-
typographus.



PANEGYRICVS, AD
STEPHANVM I. POLONORVM

regem potentissimum,

CHRISTOPHORI WARSEVICII
Equitis Poloni.



INCREDIBLEM lætitiã, STEPHA-
NE rex, quam ex tot, tantisque rebus
præclare abs te gestis omnes concipi-
mus, vix aliquis non dicam verbis
ornare, sed ne enarrare potest. Neq;
enim solum calamitatem nobis de-
traxisti, verum etiam dignitatem auxisti, & noua in-
signia honoris, & adiumenta felicitatis comparasti.
Quo nomine quantum debetur virtuti & fortunæ
tuæ, vtinam mihi esset tantundem eloquentiæ? Quis
enim dubitaret, & admiratione audientium, & vo-
luptate legentium, & eorum qui commemorantur
gratia, nullom mihi dari posse maius argumentum,
præstantiusque dicendi? Sed ego quod tibi deberi
plura video, & quod minus præstare possim, meum
ipse recognosco; eod fugit & reformidat id magis ani-
mus, & in angustum mea redigitur oratio. Dicen-
dum enim est de summi & amplissimi REGIS laudi-
bus, dicendum de tot tantisque rebus gestis & victo-
rijs ipsius, quas, sicuti difficile est explicare omnes, sic

PANEGYRICVS C. WARSEVICII

nefas vel aliquas praterire : quo magis summo ingenio & eloquentia opus est, & nihil nisi eximium solertia, excultum diligentia, debet afferri. Verum dum temeritatis notam cuncti vitamus, ne ingrati animi reprehensionem potius incurramus, audendum aliquid esse puto, & præstare vt si minus disertum & sapientes, at saltem non ingrati videamur. Ac primum verba facienda sunt de causis belli; demum de progressu & cursu ipsius, & cum hostis in inferendis iniurijs libido animiq; impotentia, in omni turpitudinis genere incredibilis luxuria; tum verò summa æquitas in decernendo; considerata tarditas in suscipiendo; admirabilis celeritas & felicitas tua in gerendo bello; & in victoria præclara moderatio, & mansuetudo summam est exponenda. Quam re ita me, Rex, geram, ne aut veram detraxisse, aut falsam affixisse laudem tibi videar; & ad accusandum eum hostem descendisse, studio aliquo maledicendi vel calumniandi. Quamquam quod facere alicui videtur non turpe, id mihi factum ab eo referre, cur sit turpissimum, & si in mortuorum laudationibus, nisi simul cum virtutibus notentur & vitia, suspecta est omnis oratio : in commemorandis viuis id fieri (vt mea fert opinio) quanto magis debet: partim vt à turpitudine ad honestatem; ab inhonorata & ingloria vita, ad decus & gloriam auocentur; partim ne cum lauis tantum certare & viuorum vitia dissimulare potius videamur: nisi fortè metus nos impediatur aliquis, qui tamen ingenuis & in libertate hominibus natis, nec mentem opprimere, neq; linguam obstringere debet, quò minus velint rebus suis nomina dare, & vt ille inquit, Scapham scapham appellare.

AD STEPH. I. POL. REGEM.

pellare. Nemini ergo est dubium hoc bellum contra Moschum tuum, voluntate seruum, necessitate iustum, beneficio erga rempub. gratum, fama gloriosum, exitu maximè utile & salutare extitisse. Etenim cum omnia bella, quæ pro aris & focis, pro patria, pro tuendis finibus, pro conseruandis libertatibus suscipiuntur & geruntur, iusta sunt, tum contra Moschum iustissima; qui non princeps sed tyrannus, non homo sed bellua ex foedissimorum flagitiorum colluione conflata, potius diceretur. Legimus olim veteres, inter deos locum Herculi non aliunde tribuisse, nisi quòd contra Diomedem regem Thracum, qui carnibus hospitum equos pascebat, arma sumserat, & in frustra disiectum patibulo affixerat. Legimus Phylantum non alia de causa celebrari, nisi quòd Dryopum regem Apollinis Delphici fanum violare ausum, regno exuerat, illudq; incolendum Melicensibus præbuerat. Legimus deniq; quos honores, quos hymnos, quos cantus, quas & quales statuas, ijs, qui tyrannos occiderant, homines Græci tribuere consueuerat; vt exstaret ad memoriam posteritatis ara virtutis. At enim Ioanne Basilade magno Moschorum duce, quis vnquam immanior fuit aut esse potuit? plures ille homines sua manu interfecit quàm alij iusserunt, plura genera mortis alijs attulit, quàm omnes tyranni excogitauerunt. Non Dionysius, non Claudianus, non Nero, non Caligula, non omnes ij quorum aliquando nobilitata est crudelitas, non dicam superiores, sed pares isti fuerunt. Nam quid ego immanitatè, quid ferociam, quid libidines, quid stupra, quid scelera & flagitia ipsius omnia commemorem? Quis ita se & fortunas abdi-

4 PANEGYRICVS C. WARSEVICII

dit, quis domum clausit, quis vitam obsepiuit, quis pudicitiam permuniuit, vt ab istius portenti vi & rabie tuta maneret? Quæ vnquam fuit, est, aut erit barbara quam non istius deterrima crudelitas superaret? Et erit qui dubitet ad hunc tantum & tam inauditum tyrannum, suæ parricidæ patriæ, hostem ipsius naturæ, expertem omnis humanitatis, prædonem alieni iuris, vindicandum datum & destinatum diuinitus te fuisse. A quo tot & tantis iniurijs & contumelijs prouocatus, quanta moderatione & patientia fueris vsus, quâquam omnibus cognitum & perspectum est, tamen & ego id tacitus præterire nullo modo possum. Summum enim studium, summa fuit cura & sollicitudo tua, vt omnia prius quàm armis cum eo experire, & vt intentatum nihil relinquere viderere, quod ad Christiani sanguinis profusionem vitandam, & ad pacem concordiamq; ex æquo cum eo constituendam, pertineret. Huc tui toties ad eum missi internūcij, huc literæ, huc legationes, huc mandata legatis data, huc postulata semper tendebant. Quibus rebus omnibus profectum est apud eum nihil, & tantum abfuit vt superbus & crudelis hostis, ea moderatione animi, & postulatorum tuorum æquitate, à libidine ad pudorem, ab audacia ad timorem, ab amentia ad rationem auocaretur: quod etiam illa ipsa inflammari libidine, ardere amentia, efferri superbia tantò magis cœpit, & ea quæ ad pacem & mutuatam subiectorum tranquillitatem vergere iam cœperant, turpiter nefarieq; violauit. Nam vt illa quæ Sigismundi Augusti temporibus fecit silentio præteream, vt insidiosæ pacis iniecta spe Polociam occupatam, vt legatos regis & reip. nomine ad eum missos,

AD STEPH. I. POL. REGEM.

5
 fos, viros graues & præstantes indignissimè tractatos; vt Pernauiam sub Henrico rege, ab eo captā non commemorem; enimvero ignoratur quàm crudelis & perfidus hostis Moschus erga te fuerit. Cùm enim legatis tuis, ad se veniendi potestatem fecisset, securitatemq; promississet, repête vt Prussicis tumultibus sedandis occupari & longius abesse te intellexit, an Liunioniam prouinciam, sepimentum Lituaniæ, sociam reipub. antiquæ pietatis vestigium, Balthici maris præsidium non inuasit, & crudelissimè diripuit? Est autem Liunia non (vt ipse ait) ipsius hereditaria, sed Marianorum militum, Teutonici ordinis vetus domicilium, quam ante annos quatuor & viginti inter Guilhelum Furstenbergium ordinis illius principem, & inter Guilhelum Marchionem Brandenburgicum, & Rigensem archiepiscopum, bello & dissensione orta, cum religione & libertatem simul amisit. Siquidem perfidiam & leuitatem semper manet pœna, & mutatio religionis statum cōmutat libertatis. Quod quomodo euenerit paulo altius repetere me, & auram clementiæ ac benignitatis tuæ ad hunc demissum orationis meæ cursum in altum prouehendum, implorare oportebit. ERAT Liunia in duas diuisa partes, quarum altera magistratui ecclesiastico, hoc autem est archiepiscopo Rigensi, & quatuor alijs episcopis, magistro Teutonici ordinis altera subiacebat. Itaque cùm antea semper Cruciferorum magistri, archiepiscoporum Rigensium, quibus cùm Rigam primariam Liuniæ ciuitatem imperio tenebant, & omnium ad eodē ecclesiarum patrimonio inhiarent; tum verò Furstenbergius Guilhelum archiepiscopum in arce Cocen-

hausen aperta vi inuasit, & captiuum fecit: qui, quoniam Sigismundi Augusti regis Poloniae & magni Ducis Lituaniae cōsobrinus fuerat, & Rigenſium archiepiscoporum patrocinium ad magnos Lituaniae duces, more maiorum pertinebat, nullus est Gasparus Lancius à rege internuncius eo nomine in Lituoniam: quem cum Liouones occidissent, bellū est contra eos motum, & florentissimus exercitus ab ipso Sigismundo Augusto ductus in expeditionem. Cui cum se impares viribus & potētia Liouones animaduertissent, pacem repente petere, supplicesque fieri omnes ei non dubitauerunt, quam facile interponente se pro ijs Ferdinādo Caesare ad Pozuolum obtinuerunt. Huius verò expeditionis contra Liouones exitum, magnus Moschouiae dux apud se admiratus, & eadem se praestare posse cōtra Liouones ratus; Derpatensibus, tanquam vicinioribus, maiorū suorum ius in hac parte causatus, pecuniam imperat, & nisi ea vel quamprimum ab ijs solueretur, cuncta Lituoniae bellum & exitium denunciat. Fit ea de re inter Liouones consultatio; communicantur cōsilia; dimittuntur in Moschouiam legati: qui cum initio (vt ferunt) pecuniam se attulisse affirmassent, demū verò ad rem cum esset ventum, eam non reposuissent, barbarus & immanis hostis, tantò magis irritatus, legatis redire iussis, cum centum & triginta hominum millibus eos infecutus est, ac subitam in Lituoniam irruptionem fecit; vsq; adeò, vt mox Willemburgam & Naruam, deinde verò Derpatum, à cuius ciuitatis episcopo in spem futurae gratiae adiutus fuisse dicitur: tandem & Marienburgam occuparet, & incredibilem captiuorum numerum in Moschouiam secum

cum abduceret. Sic Liouones magnam cladem & vastitatem à Moscho passi, & in rerum suarum desperationem pene abducti, ad Ferdinandum Caesarem & ante, & tum cum post inaugurationē suam Francoforti Augustae comitia celebraret, legatos mittunt; & tam ab eo quàm à cunctis Romani imperij ordinibus auxilium efflagitāt, & nisi celerrimè auxilium eis feratur, sub iugum barbari & crudelis hostis se necessariò ituros esse, nec aliter facere posse testantur. Neq; verò Imperatorem tantum, sed & Danie & Suetiae reges & multos alios principes eo nomine adeunt & implorant. Sed rarò fit, vt ijs, qui sua cōmoda & rationes spectant, alienis difficultatibus & periculis subueniant. Quapropter desperatis omnium auxilijs, ad Sigismundum Augustum Poloniae regem, postremò Liouones confugiunt; apud quem cum semel & iterū coram, per legatos quàm sapissime auxilium postulassent, cumque & propter Lituaniae vicinum malum atq; incēdium, & propter regis ipsius gloriam & amplitudinem eam Lituoniae prouinciae tutelam vtilem & necessariam ei esse, semperq; fore docuissent; tandem in fidem & clientelam recipiuntur, certis pactis & condicionibus, Liouonibus quidem ipsis quam rei aut reipub. commodioribus; quae durarunt certo temporis spatio, & Liouones variam & instabilem fortunam experti sunt, mutationemq; rerum suarum grauissimam pertulerunt. At verò Sigismundus Augustus rex, cum per annos aliquot maximis sumptibus Lituoniam defendisset, & Ericum eius nominis quartum decimū Sueciae regem, praeter omnem expectationem arma cōtra Liouones cepisse, & hostes deniq; alios eius prouinciae auctos esse

se cognouisset, pactis prioribus stare nec posse, neq;
debere se dixit. Sed Nicolaum Raduillum in Oliva &
Niesiues ducem ac Palatinum Vilnensem, summa
auctoritatis & amplitudinis virum, ad Liouones ea de
causa ablegauit; qui in re tanti momēti praeſtare cū
nihil posset, illud quidem impetrauit, vt Guilielmus
archiepiscopus & Gorhardus Kethlerus magister,
quem aetate ingraueſcente Furſtembergius non ita
multo poſt à Moſcho captus, ibidemq; mortuus, in
locum ſuum ſuffecerat, ad regem ſe venturos eſſe,
Vilnam recipere, & cum Palatini Vilnenſis aucto-
ritate, tum verò arce Terueſ munitiſſima & Liouoni-
bus infeſtiſſima à Nicolao Raduillo, tum Troceniſ,
nunc Vilnenſi Palatino, ſub Moſcho expugnata, ad
eam rem magis adducerentur. His ergo Vilnam ad-
uenientibus, cū poſt lōgas & multiplices diſcep-
tationes, euidentiſſimis rationibus declaratum fuiſſet,
niſi communibus tam Polonorum quā Lituano-
rum viribus Liouonię deſenſio ſuſciperetur, à tot tan-
torumq; hoſtium rabie & interitu non poſſe eam
prohiberi. Polonorum verò auxilia, niſi deditione,
non Lituanię tantū, verū etiam Polonię facta
adduci non poſſe. Tandem ad extremum, cū per-
ditis Liouonum rebus nemo ſuccurreret, & vt fortu-
næ ſuę praſidia aliunde quaerere, cū tam Caſar
ipſe, quā imperium non obſcurē annueret, Polo-
nię Lituanięq; pariter deditionē fecerunt, & ea pa-
cta cōuenta Grodnę primū, deinde verò & Lubli-
ni, in maximis totius regni comitijs, quibus Lituania
cum Polonia eſt vnita, per legatos ſuos iureiurando
ſanxerunt & confirmauerunt. Ad eum modum ma-
giſtri Liouonię ſtatu, in ducis Curlandię permutato,
huic

huic regno adhaſit, & eſt associata Liouonia, quę Deo
opt. max. ſic permittente, non ſecus ac ſedes quędam
belli & diſſidiorum facta, graues ſubinde & varios
motus, multiplicesq; dominatus experta eſt, & pecu-
nias quā maximas exorbuir, & immenſis labori-
bus ac periculis regi & deſendi neceſſe habuit, quo-
actu, STEPHANE rex, in regem eligerē. Quem,
vt ſuprà dixi, Pruſſicis tumultibus ſedandis occupa-
tum, cū Moſchus animaduertiſſet, Liouoniā quā
ſpe & cupiditate iam pridem deuorauerat, aperta vi
& crudelitate inuadere non dubitauit. Atque id qui-
dem eò fecit libētius, quò certis auctoribus Germa-
nici magiſtratus ſpe & expectatione iniecta, multos
ad defectionem, & res nouas ſpectare in Liouonia in-
tellexit. Fit enim vt homines ſpe fallaci & opinione
ducti, ſape melioribus noua imperia anteponant.
Verū poſtea quā Moſchus graſſari in Liouonia cō-
pit, & nihil minus quā de Germanico magiſtratu
cōſtituendo cogitare, imò etiam odio Germani no-
minis ſagrarē, & in ſanguine totiusq; Liouonię cine-
re exultare. Liouones ſanè facti mox pœnituit. At ve-
rò hoſtis nihil prius habuit quā vt ſine vlla ſexus,
ætatis & conditionis differentia, tot hominum mil-
lia immaniſſimè truci daret, & inauditam crudelita-
tem atq; tyrannidem ſuam in Liouonia paſſim & vbi-
que exerceret. Iam verò legatis tuis ad eum venien-
tibus, quā ſuperbus, quā contumax fuerit, quā
multa arrogauer de ſe, quā leuiter de alijs coram
eis dixerit, longum eſſet commemorare. Principiō
genus ſuum explicare eſt ortus, & à Pruſſia quodam
nunquam aliās lecto vel audito, quem Octauij Cæ-
ſaris fratrem, & ſe ab eo progeniem quartam deci-

mam dixit esse, originē suam deriuauit. Quem cum in Prussia & Liuania ciuitates multas exedificasse affirmasset, in aliquot huius reip. prouincias ius se habere asseruit. Neq; verò hac & tanta verborū vanitate cōtentus fuit, verumetiam apertam vim & crudelitatem statim adhibuit. Nam cum legati tui in ijs pacificationis literis, quas Moscho dederant, nullam mentionē Liuania facerent, totā Liunioniam & Curlandiam vsq; ad fines Prussię sibi reddi confestim ille postulauit; & nō ad similitudinē literarū legatorum tuorum, sed ad arbitrium suum perscriptas literas superbe & minaciter eis obstruxit: tandem verò legationem, qua illas pactas, ne dicam coactas formulas, infirmare, quàm cōfirmare potius voluerat, in Poloniam amandauit. At enim nihil incōsideratius committitur, nihil periculosius suscipitur, nihil difficilius peragitur, quàm legatio. Cum enim legati Moschi legationē exponere suam secus nollent, nisi detecto capite, & in pedes erectus, de tyranni valetudine tu prius interrogares. Postquā id negatum, & legationem vt exponerent suam imperatum eis fuisset, ira perciti & indignati, nō modò nō perfecta, sed ne quidem affecta legatione Cracouia exire, & ad Moschū sese referre maluerūt. Qui immisso in Liunioniā exercitu, Vendenā principū Teutonici ordinis olim domicilium, prater tuam & omnium opinionē oppugnabat. Quod cum per insignē faceret iniuriam, effectū est prapotentis Dei ope & benignitate, & tua, tuorumq; ducū felicitate, Rex, vt ille exercitus ipsius tam magnus, paruis à tuis copijs, Sueticis cum auxilijs cōiunctis, *Andrea Sapiha*, nobili & egregio duce profligaret, & amplius viginti tormēta bellica prægrandia,

dia, & admirabilis artificij, tuam in potestate peruenirent. Ita tu demum, cum bello vniuersa arderet Liuania, & de quiete sua sollicita esset Lituania, cōsumtis tot studiis & laboribus tuis, quæ cum magno Moschouia duce in cōstituenda pace frustra susceperas: habito Grodnę cōuentu, & amplissimis Lituanoꝝ auxilijs imperatis, non tua tuorumq; tecta contra eum amplius defendere, sed armis hostē aggredi apud te constituisti, cum iam illud bellum omnibus omnium ordinum sententijs, Warsauiensibus comitijs antē decretum, & grandi tributo imperato, ad exteras etiam gētes & nationes perlatū fuisset: quod antequā gereres, Wenceslaum Lopatinscium cum literis, quibus causās & rationes suscepti contra Moschum belli explicabas, in Moschouiam ad eū dimisisti, demū verò grauem & maturā consultationem cum Senatu alijsq; militarib. viris inire placuit, quoniam armorū tuorū vim conuertere potissimū deberes. Quo loco, multa te in vtramq; partē versare animo, & mentis oculis collustrare oportuit, vt ea quæ cōtra eum hostem eras gesturus, non tam impetu & fortuna, quàm consilio & prudētia gessisse magis viderere. Est enim patefacto aditu & vestibulo, feliciores dimidio, & bellagerunt armis & cōsilio. Erat factor nō nemo, qui, relictis arcium & munitionū oppugnationib. in ipsa veluti penetralia hostilis ditiōis pficisci opere pretiū iudicabat: ppter ea quòd exercitui tuo à prelij & dimicatiōis fortuna, quā ille vitaret, periculū esset nullū, & cum oīs bellorū geredorū ratio pgressum habeat arduū, tū verò arces & munitiones capere esset, fuissetq; semp difficillimum; adeoq; Polonis & Lituanis maximē, quorum nō perquē in

expugnandis munitionibus, quàm in vincendis prælio hostibus, aliàs viguisset industria: & deniq; quod ijs, qui nouis imperijs studerent, eumq; tyrannum è medio tolli inprimis cuperent, aduèrantis exercitus fama, animum & quasi anam præbitum iri videretur. Polocia verò, quæ oppugnanda ante alias arces sese offerret, manu & natura munitissima, & omni apparatu belli instructissima, vel diuturnâ obsidionem ferre posset. Atq; hæc quidem cum essent per se magna, tum illud longè maius atq; grauius, quod Polocia magno Ducatui Lituaniæ, atq; adeò ipsi Vilnæ, nulla alia firmiore munitione interiecta, periculosissimè impenderet; ex qua dum in alijs remotioribus regni partibus versaris, non modò affligendæ Lituaniæ; verùm etiam diripiendæ Vilnæ, potestatem esset hostis habiturus. Et cum non modò rerum recuperandarū communis reipub. caussa, sed quo ad eius fieri longissimè posset, remouendi hostis gratia bellum illud susciperetur, haud abs re videbatur fore expeditionibus bellicis, propinquiorem sedem aliquam & quasi officinam comparare, ex qua integri & recètes milites, in hostile solum penitus ducerentur, & instrumenta impedimenta; belli ad res cum maiori celeritate & felicitate gerendas, transportarentur. Postremò, Polocia (qua munitiorem arcem hostis non haberet) expugnata, Moschos, de alijs retinendis diffidere; tuos verò spem concipere oportere: tantumq; abesse, vt id, quod locys ille permunitus diceretur, tibi, tuisq; deberet adeò terrori esse, vt etiam in primis in tanto militum ardore, oppugnandus videretur; & vel hæc reliqua gloria capiendarum expugnandarumq; arcium, Polono & Litvano nomini,

mini, duce & auspice te, adiungenda: præsertim cum munitiones à tergo relinquere nullis vnquam bellis gestis, fuerit obseruatum; & commeatu, milite, auxilijs, receptu deniq; ipso vltro se excludere, admodum sit inconsultum. Hæc cum vicisset sententia, extrema Iulij die, Vilna Suirum est itum ad lustrandas percensendasque copias. Deinde per Hlubokie & Postaui, Dzisnam, ac demū & Polociam. Quo in itinere quantam & quàm incredibilem difficultatem, quantam viarum asperitatem expertus sis, quantum incommodorum molestiarumq; pertuleris, non facile dicendo explicari potest; & prosperat mea ad ipsam oppugnationem oratio, quæ, qualis, & quàm ardua fuerit, vix alicui qui rem oculis non subiecit esset credibile. Fuit certè talis vt & propter defensorum fortitudinem, & propter loci naturam, & propter artem apparatusq; belli, & propter iniurias ac tempestates ipsius cæli, cum difficillimis arcum oppugnationibus possit non immerito comparari. Et enim cum aliàs semper, tum eo maximè tempore, palam omnibus fieri Deus opt. max. voluit, & ab eo cunctas peti & ad eum solùm referri debere victorias. Ac per multos continuos dies tantū pluuiarum cælitus demisit, vt & militum operæ impediri, & ducum industria languescere & vis ipsa parum aut nihil proficere videretur: Eo accedebat summa præfidiariorum cum incredibili mortis contemptu, in defendenda arce obstinatio; vsq; eo, vt non manifesti interitus metus, ad aliquam vel minimā animi consternationem; non sublata auxiliorum spes ad desperationem, non deniq; regiæ clementiæ & mansuetudinis fiducia, ad deditionem eos adduceret. Con-

stabat exercitus tuus, ex tribus quatuorve nationibus, eratque & viris, & armis, & equis, & omni apparatu ornatuque belli instructissimus. Est autem opinio, quo inter se plures nationes coeunt, eò virtutis æmulationem, in eis magis excitari. Sed & Polonorum virtus, & Lituanorum celeritas, & Vngarorum audacia, & Germanorum constantia sui dissimiles fieri iam quodammodo cœperant; & cum hostium pernicacia, tum tempestatum iniuria, expugnandæ arcis rationes omnes maximè retardabat. Quibus in angustiis angoribusque animi, cum diu multumque esles versatus, tandem Augusti dies nona & vigesima, simul cum serenitate initia etiam attulit victoriæ, non magna adeò Christiani sanguinis profusione, & exiguo tuorum interitu parte, summa verò moderationis tuæ laude & admiratione, quæ talis atque tanta fuerat, quòd hostis ipsius præfecti, & perquam plurimi milites, tua vexilla sequi, & tuæ dextræ non modò in præliis, verum etiam in seruandis promissis firmissimè se committere non dubitauerunt. Erat porrò eiusdem hostis vicina Polociæ arx, Socolum nuncupata, cui præter vetus præsidium ei arci impositum, inerant sex millia militum, ex ipsis Prætorianis magni Ducis, selectissimorum. Hanc tu, si non expugnatam relinqueres, nec ex belli suscepti consilio, neque ex dignitate tua, neque ex rei abs te gesta fortuna, futurum iudicauisti. Itaque misso ad eam Nicolao Mielecio Podolici Palatino, & summo copiarum Polonicarum præfecto, viro præstanti virtute, ingenio & felicitate prædito, tam citò, tamque facile in potestatem tuam eam redeigisti, ut arx incendio subito orto conflagrasset; hostium ultra quatuor

quatuor millia cæsa fuisse vna die memorentur. Iam interea Sythno, Crasno, & Touroulia, hostiles munitiones tres, tuis à militibus occupatæ erant. Iam Philo Cmite capitaneus Orshanensis in magni Ducis Moschouici ditiones, longius excurrerat, & duobus millibus hostilium pagorum incensis, Smolensci quæ suburbij ambustis, totam illam regionem quoque versus depopulatus fuerat. Iam Constantinus Ostrogæ dux, cum Michael Vilnieuicio, Braczlauienti Castellano, & Ianusio filio, Borysthenem transgressus, & in hostilem ditionem turmis Tartarorum aliquot missis, longè lateque omnia peruolauit, & usque ad Starodubum Radohostiam, & Podczepouiam, populationibus prolatis, ingenti cum præda domum redierat. Iam denique armorum tuorum, non dicam fama, sed terror vniuersam Moschouiam sic peruaferat, ut non ex rumore bellum, sed ex clade nuntium Moschus expectaret. Restabat Susla, quæ quoniam in medio captarum erat posita, eam quoque breuiter esse futuram tuam, haud vana coniectura prædixisti, eiusque deditione Possesse, nuntium, Vilnam antequam attigisses, accepisti. Ad eum modum hostilibus arcibus sex occupatis, nec multo post duabus etiam alijs Nieszerda, & Coziani captis, & multis hostium millibus occisis, neque adeò multis ex tuis desideratis, cum anni tempus alienum à gerendo bello te excluderet, Vilnam es reuersus, & bello quod media hieme apparatus, ineunte æstare susceptum, exacta confectum, dici potest; tuis te amabilem, hostibus formidabilem, exteris gentibus nationibusque admirabilem reddidisti.

Erat tum cum hæc gereres magnus Dux ad Plesco-
uiam, quæ olim libera, sub imperium nunc eius ces-
sit, & arcium oppugnationem, militumque suorum
cadem à longe audiebat: & vt tyranni natura super-
bi & timidi sunt, vtque in prospera fortuna superbos
& cõumaces, in aduersa humiles & abiectos se adeò
præstant, cum Lopatinscium internuncium tuum
initio arctius detinuisset, capta demum Polocia, ad se
eum accersuit, & humanius multò habuit. Tandem
verò consiliarios suos (si consiliarij & non mancipia
ipsius dici potius debent) ad senatores tuos, per Lo-
patinscium mittere literas voluit, quibus illi vt ad pa-
cem & concordiam hortarentur te impensissime
flagitabant. Quorum tu postulatis intellectis, ad co-
mitia quæ iam pridem indixeras, Warsauiam profe-
ctus es, & interim dum iter facis, Grodnęq; subsistis,
Gasparum Bekeſchium ex maximo & diuturno la-
bore, quem in expugnanda Polocia susceperat, re-
pentino morbo correptum, virum admirabili inge-
nio, & rerum vsu præstantem amisisti. At verò War-
schauiam postquam esset ventum, & res in delibe-
rationem posita, vtrum bellum prosequi, an secus
præstaret: mirum est quàm varię & multiplices sen-
tentia, non modò ordinum, sed hominum fuerint.
Docebat nomine tuo Ioānes Zamoscius, regni can-
cellarius, quid ea victoria fructus, quid gloriæ, quid
emolumenti reipub. attulisset, & quo est ingenio,
facultateq; dicendi, ad prosequendum eum felicitatis
& laudis communis cursum vniuersos hortaba-
tur. Moschum eum esse, qui Cazonios & Altraeanios
Tartaros sub imperium suum subiugasset: qui Se-
lymi Turcarum imperatoris per magnum exerci-
tum

tum decennio ante, aut paulo amplius dissipasset: qui
Sueuos, qui Liuones, qui Tartaros sæpius fugasset at-
que profligasset. Hæc omnia ornamenta illi esse ad-
emta, & nobis haud dubiè restituta: simulque & ex-
pugnandarum arcium, qua antea carebamus, glo-
riam, vel hac sola expeditione cõparatam. Polociam
totius propugnaculum Lituaniæ, matrem negocia-
torum, receptaculum fortissimorum militum, pa-
triam fidelissimorum ciuium, perfido hosti ereptam,
& in pristinam positam libertatem. Sed est huius sæ-
culi labes quædam & veluti macula, vt præsentibus
nequaquam faciri, & semper requirere aliquid, si-
tireq; nouitates homines magis videantur. Sic enim
præclarè abs te gestis & confectis rebus, aderat ni-
hilominus inuidia comes fortuna, & virtutis perpe-
tua; multiq; vt à bello desisteretur, & pax atq; tran-
quillitas reipub. potius restitueretur, non tam ipsius
caussa reipub. quàm priuata nescio qua cupiditate
ducti videri volebant auctores. Rem cum eo hoste
aiebant esse, qui in vastis & remotissimis regionibus
habitarer, & prælij ac dimicationis fortunam nunquā
esset experturus, & bellum trahendo, aduentitium
exercitum faciliè victurus, & in angustias redactus.
Fortunam vagam esse volubilemque deam, quam,
ne sedes mutet reuerenter habere, & pressis mani-
bus tenere oportere. Multorum principum casum
ad misericordiam, & ferendam illis opem excitasse
quàm plurimos, & vnam esse victis ad salutem viam,
omnem spem salutis & incolumitatis amittere, & in
armis atque dextris eam collocare, neque temere à
prudētissimis bellatoribus, fugienti hosti aureum
pontem sternendum esse sermonibus vsurpari. Po-

stremò in tanta caritate annonæ, sterilitateque agrorum, bellum sustineri amplius non posse, & in aliud tempus magis opportunum differri potius debere; nedum aliena querimus, nostra exinanire & pessundare videamur. Lituania & Russia nihil esse miserius, quæ à viginti amplius continuis annis, tot bellorum calamitates pertulisset. Sufficere hostem esse longius reiectum, & ut timeat nihilq; in posterum eiusmodi audeat coercitum: belli immensum esse pabulum, & eius nervo pecunia, hostem magis abundare. Summam subditorum illius obediendi promittitudinem esse, eos denique arces & munitiones, præ omnibus alijs gentibus & nationibus fortiter tueri & defendere consueuisse; nec aliquid esse sperandum minus, quàm ut proditorum & trāsfigurarum opera, in hoc bello adiuuemur: propterea quòd ut non diuturnus esset magister officij metus: ita coniugum & liberorum carissima pignora, quæ omnium subiectorum ipsius, cum vel minima belli suspicio increbruit, in Tyranni manu restricta & inclusa tenebantur. Atque hæc quidem eorum, quibus aut non geri, aut differre bellum placebat, sententia opinioque fuerat. Verum enimvero maior & potior hominum pars ijs argumentis & rationibus ad suadendum bellum, & persequendam victoriam ducebatur. Primum, quòd veteri maiorum suorum exemplo & instituto, magnus Moschouæ Dux cum Poloniæ regibus, per magna verborum & fidei vanitate perpetuò laboraret, nec aliquid nisi coactus faceret: & promissis suis credi facile non debere, plurimis & euidentissimis rationibus iam pridem demonstrasset. Hic inducias eas quas postularet non aliò pertinere,

nere, nisi ut arcibus & munitionibus suis ad omnem obsidionis vim erectis & confirmatis demum in longioribus regni partibus, occupato rege, Liunioniam diripiat, & arcibus ciuitatibusque, quas in ea habet securè potiatur: Liunionibus verò socijs & clientibus reipub. deesse, qui fidem & auxilium nostrum perpetuò implorarent, videri indignissimum, simul & periculosissimum. Siquidem vna alteram inuiteret iniuria, & cum incommodis ijs quæ facta sunt, tum verò illis, quæ inferi ei possunt, prudens quisque & cordatus homo maximè moueatur. Iamque eos qui vincunt, & cur, aut quomodo vicerint non intelligunt, vinctique rursus ab hoste se turpiter paterentur, indignos haberi, quibus Deus opt. max. aliquid opis & benignitatis suæ largiatur, & quorum calamitate ac exitio, ad misericordiam aliquis moueatur. Moschum ferum & crudelem hostem, satis superque esse, etiam si verbis quàm re ipsa Christianum magis se profiteatur. Hunc si non Christiano, at certè Romano nomini infestissimum, & eum qui loco & occasione nacta inimico pepercisset, esse, fuisseque semper imprudentissimum. Dandam ergo operam, ut non tã de continuando & prosequendo contra eum bello, quàm de continuandi & prosequendi rationibus, haberentur consilia. Etenim non modò bello, sed vel belli metu ac suspicione affligi rempublicam, nemo sanus in dubium vocat. Tiburum & priuatarum rerum iacturam, grauem futuram nunquam, cuius esset merces, spes gloriæ & immortalitatis sempiterna, & quam ut pluuias & rempestates splendor & serenitas; sic tranquillitas & ocium & voluptas peracto bello, sequeretur. Pecunia

niam denique neruum belli dici quàm esse potius existimandum, & ex Alexandro Magno contra Darium, aut ex Romanis contra Græcos, exemplum documentumque capiendum. His in vtramque partem sententijs cum diu multumque disputatum, & bellum tandem esset decretum, tu, quæ tua prudentia, & in gerendis rebus cura & sollicitudo est, protinus illud apparare, tu militem conscribere, tu arma, tu commeatus disquirere cœpisti. Erat autem superioris belli, non admodum grata & iucunda omnibus memoria. Sic enim fit vt admirari quàm tractare arma sit longè facilius, & cum domi, tum militiæ multa experiri & perferre miseros mortales oporteat. Itaque præteritarum rerum recordatione vix parem, ne dicam superiorem anni proximi exercitum collecturum esse te aliquis iudicabat: quas tu difficultates & hominum opiniones omnes, addo etiam fraudes & prodiones in te, & in rempub. factas, ita omnino peruicisti, vt diuina ope & benignitate fretus, ad expeditionem eam quam susceperas, expeditus ites, & nulla cuiusquam fraude aut machinatione retardatus viderere. Iam Moschus cum aperta viminus posset, arte & cuniculis fortunam tuam subuertere volebat, & suis ad te non tam oratoribus quàm exploratoribus subinde dimissis, quorundam animos ad prodicionem spe & precio sollicitabat. Et cum multo antè id fecisset, tum verò per Nasczekinum quendam suum internuncium longè diligentius fecit. Qui vt erat mente non obtusa præditus, Gregorium Oseikum, furentem audacia, scelus anhelantem, pestem patriæ nefariè molientem; quo cum clandestina haberet consilia, reperit, & cum

& cum legatos pacificationis gratia ad Moschum vt mitteres frustra postulasset, literis & responsione statim accepta, denuo audientiam abs te petijt, ac insequenti die Vilna ne discederes, vtq; legatos sui principis præstolarè, postulauit. Fuit id admirationi omnibus, vt meritò esse potuit, venia discedendi accepta internuncium hostis ad te redire, & noua mandata exponere, omniaque hæc technarum & fallaciarum plena, & extrahendi temporis causa comparata videbantur. Quæ tu nihil magis quàm ferèda dissimulantissimè, & Nasczekinum (speculatoris quàm oratoris partibus potius fungentem, sine vlla acerbitate dimittendum, & vel hosti ipsi tempus aliquod certum assignandum, quo legatos ad te pacis gratia, si vellet mitteret, & interim metueret abs te nihil iudicauisti. At Oseikum tanquam putidum aliquod & sanguine, hoc est, dilectione patriæ carens membrum, cum nec inficiandi ratio, neque defendendi facultas amplius ei esset, instante senatu, iubentibus legibus, clamante patriâ, iustitia socia, vindice poena è medio sustulisti. Atque ita demum rebus omnibus quæ ad hanc tantam expeditionem pertinebant maturè & diligenter prouisis, teque & tuis Deo opt. max. suppliciter commendatis, & à Gregorio XIII. pont. max. per Paulum Vchanium eximia industria & animo virum, sacratio ense & galea accepta, quintadecima Iulij die Vilna egressus es, & Wczasnikos versus, miliaribus quinquaginta inde distantibus, vbi copiarum omnes tuar debuerant confluxisse, per Minskò, & Borissouo, respectans identidem, & operiens alios lentis itineribus contendiisti. Quo vt peruentum erat, habita est deliberatio, quonam belligerant-

di institutum tuum, vim suam & potestatem exercere ante omnia deberet; & vt improuisum nisi esset, antequam magni Ducis fines & ditiones attingeres. Neque id iniuria. Cùm enim in omnibus alijs rebus, tum maximè in ijs, quæ ferro peraguntur, nefas est dicere, non putaram. Volabat iam pridem fama, te ad oppugnandum Smolenscum, sicuti superiori anno ad Polociam profecturum; quòd ea via tormenta bellica secundo flumine Caspla, ad aliquot saltem à Smolensko milliaria vehi possent: & quod æquum magis esset, recuperare Smolenskum, quod antea erat Lituorum, quàm appetere alienum, si quid aliud esset quod dici deberet tuū, tenebris antiquitatis admodum esse inuolutum, & quod ibi hostem quarere, multò esset melius, vbi & munitionem extruxisse (qua expugnata omnia essent peruia) & exercitum collegisse quàm maximum diceretur. Neque verò Smolensko Moscho adempta, Seueriensem ditionem vniuersam, potestatis tuæ esse futuram aliquis dubitaret; & hostem ea capta animum vel maximè desponsurum omnes crederent, cùm eius titulo inter alios se insignire, & illam arcem, tanquam propugnaculi loco suarum ditionum habere videretur. Sed enim in consilijs bellicis prima & maxima virtus est silentium. Iam enim augurantibus sic de te cunctis, & ipso Moscho, Smolenscum oppugnatum ne ires, vehementius suspicante, tu Magnam Lukam versus ingressus es iter, quod & senatorum penè omnium magna esset eam ad rem consensus, & prouinciæ Liuoniæ atque adeò Lituaniæ, si diuertere bellum hostis vellet defendendæ ratio, & vel minima in eam partem Moschi suspicio, ita suaderet, & quod

quod credibile maximè esset, hostem eò, quòd exercitum iturum coniecturam faceret, deiectis roboribus, alijsque artibus omnem aditum præclusisse, aut impediturum certè esse: & quod parum interesset, tuum ne quod hostis possedisset, an hostile aggredere; & quod denique Magnæ Lucæ agris & regione esset ferax, & opimum magis in tota Moschouia nihil, ad quam defendendam hostis venturus, & quod in votis maximè omnium fuerat, prælij fortunam tecum experturus, ab ipso Seremeto captiuo tuo, qui apud eum exercitus ductasset, omnibusque alijs diceretur. Neque verò vlla in re est lubricum & fallax magis, quàm de futuris euentibus iudicium. Attamen non tam consilia felici exitu comprobata delectare, quàm veritas in disputatione limata erudire nos consuevit. Stante ergo sententia, vt Magnæ Lucæ oppugnatio potissimum institueretur, iustratis veteranorum militum ad Lukomlam copijs & Georgio Farensbeko, egregio & militari viro, regis Daniæ Marschalco, cum certa equitum Germanorum manu eò loci veniente: itum est primū Vitepscum, vbi Lituorum copiarum ornatissimæ obuiam tibi sunt progressæ: demum Surasum, apud quam arcem tanquam in confinio hostilis ditionis positam, rapidissimum & maximum flumen, Dhuna, stratis pontibus superandum erat. Tu interea Ioannem Zamoscium regni cancellarium, summi animi & consilij virū, ad expugnandū Vielisum Vitepsko dimisisti. Distabat illud 16. à Vitepsko mill. & vniuersæ eius regionis ceruicibus, impositum, ac natura & arte permunitum, à forti etiam præsidio hostili tenebatur. Quā ille arcem vt hosti carissimā, ita Russiæ infestissimam, tor-

mentis admotis, diebus quàm paucissimis per dediti-
 onem cepit, & quasi à dextro latere, tibi, & tuis co-
 pijs excubiarum loco factus, Magnam Lukam con-
 tendit. Tu ipse Vsuatum profectus es, & eam magni
 Ducis munitionem, Lituaniæ ademtam, ac Olgerdi
 magni Ducis Lituanoꝝ olim sedem, *Nicolao Rad-
 nio*, amplitudine familiæ, & rebus gestis clarissimo
 imperatore, cum alijs senatoribus & nobilitate Li-
 tuanica, eorumque voluntarijs & præstantibus copijs
 præmissis, potestatis tuæ effecisti. Mittere tum hostis
 ad te literas, & internuncios, & dimissæ iam pridem
 legationis spe distingere te, & ab itinere cæpto, te
 trahere instituit; & suis adeò literis illis iusserit
 versus Davidis, quibus à profusione Christiani san-
 guinis homo videlicet patiens & moderatus te de-
 hortatur. Tu mihi his mouebare, eius artibus & fal-
 lacijs, sed quasi ex composito, & veluti quadam lite
 damni & iniuriæ cōtestata, cum ad VI. Augusti diem,
 sicuti per Nasczekinum assignaras oratores, Moschi
 non venissent, insequenti die Velisum possedisti, &
 breui post Vsuatum, die eiusdem mensis sextadeci-
 ma, cum neq; tunc ut literis suis denuo missis pollice-
 batur, legati ipsius aduenissent per deditiōem acce-
 pisti: dimissis omnibus cum fortunis & facultatibus
 qui in præsidio fuerant, saluis, quòd hac clementiæ &
 mansuetudinis tuæ fama alios quoq; ad deditiōem,
 faciliores esse futuros iudicares. Sed in barbaris & in
 feruitute hominibus natis, seueritas quàm placabili-
 tas, multò magis potest. Iam verò dū Surazo, Vsuia-
 tum, & inde Magnam Lukam proficiscebâre, quot
 & quanta incommoda ferre, & quantas viarum ac
 siluarū difficultates superare fuerit te necesse (quam-
 quam

quam secura molestiarū recordatio habet aliquan-
 do voluptatem) longum esset percerere. Summa
 quod ego quidem sciam fuerunt incōmoda omnia,
 immensa itineris longitudo, silvarum densitas tan-
 ta, per quam via aperiri ferro vix poterat, paludes &
 torrentes transitu difficiles, regiones ob vastitatem
 superatu incredibiles, ita, ut hæc expeditio tua, cum
 longissimis & difficillimis omnium regū & ætatum
 expeditionibus iure ac meritò conferatur. Nō Tur-
 ca in Persidem, non Hispanorum ex vltimis Hispani-
 æ oris, in Germaniæ inferioris prouincias, non illa
 in Syriam quingentos ante annos Christianorum
 expeditio, longior & difficilior fuerat, non denique
 Christianorum regum & principum alius post Vi-
 toudum, sua contra Moschum arma longius protu-
 lerat. Interea rerum Moschouitica illa tandiū expe-
 ctata superuenit legatio, verbis & barbaro fastu
 quàm rebus magis instructa, cuius ego ineptias si
 percerere vellem, dies ipsa me deficeret. Principiò
 negabant legati se mādata sui principis expositu-
 ros, nisi tu etiam ab oppugnanda arce prius recederes,
 teque in Lituaniā referres; id cum nec licere, neq;
 decere ut postulabant, responsum eis fuisset, in ten-
 toria sua se receperunt, tanquam in viam planè se da-
 turi. Demum verò, cum dies aliquot silentio transe-
 gissent, & ardere arcem ex rumore accepissent, au-
 dientiam repente postulant, & legationem exposi-
 tuos se esse pollicentur. Iam dubitabat nemo, Mo-
 schos illos non tam oratores quàm licitatores cense-
 ri potius debere, & sui dissimiles non esse futuros,
 quò minus plaustra verborum tantum afferant, &
 ad extrahendum tempus disquirant tendiculas. Sed

tamen, ne vel in hac parte desiderasse aliquid iure viderentur, denuo ad te honorificè (vt semper aliàs) deducuntur. Fit summum silentium, adest maxima frequentia virorum præstantissimorum, simul verò & illius (si dijs placet) orationis eorum, & tormentorum ad arcem tuorum exauditur sonus. Tum illi nō tam ea quæ ad pacem spectarent, sed quæ animum tuum magis irritarent proferunt: longa serie Principis sui ad te legationes, & rursus ad illum tuas commemorant: damna & iniurias abs te ei factas exaggerant: & nequid tale in posterum fiat, postulant: & omnem iracundiam siue indignationem principem suum, deposuisse erga te testantur, quod etiam si fecus fuisset, & ipse legatorum loco venisset, tu ferre non inuitus poteras. Est porrò in more positum & consuetudine Moschorum, vt cum primā quasi partem legationis suæ absoluerint, reliquum exponant senatui, & de fœderibus conditionibusq; pacis cum ijs tractent. Disceditur ergo ex tuo, in aliud tentorium; assident legatis consiliarij; sit de conditionibus disceptatio, quæ erant perquam ridiculæ, nempe Polociam & alias captas per te arces, vt Moscho restitueres, fœdus perpetuum cum eo (si placeret) iceres, & id genus alia. Quæ cum eis non successisset, mox aliam ingrediuntur viam: neque renuunt vt Polociam habeas, & in Liuonia arces eas, quæ ab ipsius perfidia tibi erant relictæ retineas, vtque arce lezierysce & Vsuata iam possessa pro captiuis illius, potiari. Mouere ista stomachum poterant, & oratores vel licitatores illos potius, tot tantisq; cum ineptijs in conspectum tuum admitti amplius videbatur indignissimum: tu tamen nec publicè neque priua-

priuatim, ne verbo quidem villo violari eos permiffi: sed cum dicerent se habere in mandatis, vt si quæ essent, de quibus conuenire tecum minus posset, per literas vel internuncium, ad magnum Ducem referrent: cum illorum tuum etiam internuncium in Moschouiam dimiffi, ad magnum Ducem literis datis, quibus perpetuam voluntatem tuam ergo Christianam rempub. declarare, & te pacis atque tranquillitatis custodem esse significare voluisti. Interim die ac noctu arcis durabat oppugnatio, & vix vnus diei itinere aberant internuncij, cum magnitudinem ignis conspicati, captam iam arcem esse facillè iudicauerunt. Erat ea in aperto campo, & post tantam siluarum magnitudinem in amœna quadam planicie posita, in quam exulta per ipsosmet hostes, prægrandi & pulchrè extructa ciuitate magnus sese ciuium & agrestium numerus intulerat. Fit ergo ea qua capitur die cedes quàm maxima, vix cum aliquo sexus vel ætatis vel etiam conditionis alicuius discrimine, & quamquam pueris & fœminis, & viris adultis aliquibus vita fuerit seruata, tamen maxima hostium pars furore militari & impetu cadit. Præfecti arcis quos Palatinos vulgò dicunt, in munitiones cancellarij captiui deducuntur. Vieiko, qui tanquam præses & custos omnium, nuper missus à Moscho fuerat, homo nequissimus & administer voluptatum, tyrannidisque ipsius trucidatur; omnia denique fletu, eiulatu & cadibus complentur. Admonueras eos tu, vt regis clementiæ fidere, quæ nulli vnquam defuisset, quàm supremum diei exitum expectare potius vellent: sed nihil est spe vitæ maius, & nihil fallacius, quæ si vix destituit morientes, quid

deslituat armis pro victoria contententes? Quo loco venit mihi in mentem diei illius quo tu electo castrorum loco cum vniuersis copijs tuis sub arcem descendisti. Præibant tot equitum hastatorum milia instructis ordinibus, sequebantur selectissimi pedites suis agminibus, ingens erat equorum fremitus, splendorque armorum, & tubarum sonus, tot arcium & pugnarum victrices bombardæ, & infinita curruum, quadrigarum, & impedimentorum milia, terga claudebant: omnes denique copiarum, viris, equis, armis, gemmis, auro & argento ornata, & terris quodammodo graues, suis inauratis & pictis vexillis distinctæ spectabantur: sic vt terra mugire, torrentes sisti, montes & arbores gestire præ admiratione earum viderentur. Quas lumum arcis excipit silentium, quale aut deditionis spem facere, aut vero hostium in extremis difficultatibus & periculis perferendis obfirmatum animum prænunciare cōsuevit. Qui certè talis ac tantus existit, vt haud scio an obstinatio hostium admiratione, an verò peditum tuorum, maximeque Vngarorum veteranorum virtus prædicatione digna magis fuerit: quorum fortitudo in periculis, labor in operibus, patientia in laboribus, industria in aggrediendo, constantia in persequendo hoste, maxima enituit. Quos vtique crudelitatis & immanitatis damnari ab aliquibus audio: nec verò & ipse illius diei victoriam secus terminari potuisse & debuisse existimo, & illud certè contendo omnes eos qui interfecti sunt, furore Martis occidisse, non ira tuæ victoriæ: & Vngaros dignos esse laudem magis quam conuitio. Qui cum à ducentis penè annis, cōtra Turcas Christiani nominis hostes bella gesse-

*Hyperbola Poet.
non con-
stat oratori*

serint, tamen non modò supersint aliqui, sed in his tam longinquis regionibus militent, & pro principis sui, atque huius reipub. gloria à Danubio, à Tibisco, à Sava, à Draua, à Marosla procul, vix non ad Maotidem lacum, & in vltimas Aquilonis latebras, armorum suorum vim, terroremque extendant. Nō Vngari crudeles sed perfidi Moschi, non illi feroces, sed isti ingrati & immemores beneficiorum sunt censendi. Quod enim est maius beneficium quàm huius lucis viuram alicui dare? vita & facultatib. cum iure & merito possis non eum priuare? At Moschos ista expertos esse omnia nemo est qui negare possit. Vita est ijs data, non latronum more, sed victoriæ lege: non sicuti quidā structis insidijs gloriantur, vitam se dedisse ijs quibus nō ademerint, sed iuste ac legitime bello denūciato & suscepto, & eo iure habito, quod diuina Nemesis armis & victori datur. Facultates postremo eorum sunt ijs restituta, si eorum & non tyranni debent potius appellari. Testis est eius rei Polocia, testis Sussa, testis Vielizium, testis Vsuatum, ex quibus arcibus ij qui in præsidio erant cuncti dimissi sunt, & quò volebant cum liberis, coniugibus fortunisque suis tutò sese receperunt. Agè porrò, quid est minus hominis quàm ingratus esse beneficiorum, etiam minimorum? Aliter enim exsoluitur gratia, & aliter pecunia. Pecuniam qui retinet non dissoluit, qui reddidit, non habet: gratiam & qui retulit habet, & qui habet dissoluit. At verò in Moschis tam ingrati significatio animi, tam immemor mens beneficij, tam nulla ratio humanitatis & officij deprehensa est quam vix credi potest. Siquidem ij quos dimittere placuit non solum Lucam ingressi sunt, sed

hortatores etiam auctoresque ad obstinationem alij fuerunt. Qui tamen omnes sic dederunt manus, ut cum alijs, tum verò id temporis maximè verum fuerit illud quod dicitur, fatis volentes duci, nolentes trahi ad interitum. His ita gestis, tu arcem reparare quam ferè vniuersam flamma absumserat aggressus es, quod in eius restauratione totius illius expeditionis fructus positus esse videretur. Quod dum facis, duo etiam alia, mea quidem sententia es affectus. Primum, quod tantum tamque maximum exercitum, qui centum hominum & centum equorum millibus amplius constabat, mirum in modum refecisti: res omnes non modò ad necessitatem, verùm etiam ad voluptatem loco illo subministrante. Alterum quòd non modò arces & munitiones hosti eripere, sed & ipsum si egredi & praelio experiri fortunam tecum voluisset, vno in loco diu multumque expectare es visus. Sed profugerat iam pridem ille Slobodam vltra Moschouiam, & ut homines cupiditate aliqua perdit, siue fanatici, ægritudini animi sui, vino & somno medicinam quarunt: sic & Moschus, ut quasi exultare suis in illa calamitate videretur, vxorem tunc (ut ferunt) & ipse duxerat, & filij maioris natu sponsalia celebrabat: copias tamen suas varijs in locis habebat distributas, quas, ut ex literis eius apud captiuos inuentis patet, ut nò tam aperto Marte quàm furtim & à lōge exercitum tuum carperent & infestarent, ille tam strenuus & gloriosus imperator identidem admonebat. Has cum ante etiam milites tui fudissent, ita ut nunquam ex nostris, quos pabulum profectos aliquando ceperant, impune Moschi triumpharent: tum verò ad Turopczum

ut con-

ut confluxisse aliquot eorum turmas audiisti, ut non armorum tuorum vim & formidinem, eò quoque proferres, facere non potuisti. Primum ergo Georgius Barbi Vngarus, veteranus & industrius praefectus, mox & Stephanus Zbarascius, Braczlauensis Palatinus, vigilantissimus & animosissimus dux, cum aliquot equitum millibus est abs te missus. Et distat quidem Turopczum sedecim à Magna Luka miliaribus, ob summamque viarum asperitatem, & siluarum densitatem aditum habet perdifficilem; ita ut non minus in faciendo itinere laboris quàm in configendo cum hoste periculi inesse videatur. Eò post infinitas molestias & difficultates cum miles tuus peruenisset, ab ipsis hostibus ciuitas exusta est. Moschorum verò & Tartarorum copiae, tuos, quos longè pauciores fuisse suspicabantur, sub ipsis quasi arcis propugnaculis in planicie expectabant. At verò vsque eò est terribilis victor exercitus, ut vel sine armis geminet saepius victoriam. Iam enim stante aduersa acie, & militum tuorum ordinibus instructis, armisque praelucentibus, persequente adhuc nemine, hostes terga vertunt, & nullo virtutis argumento edito, repente omnes fugere incipiunt; quos miles tuus infecutus trucidat, & capit quam plurimos: sic, ut inter illustriores captiuos alios Demeczin quidam, cognomine Czeremissa, fauore & gratia sui principis, apud suos clarus, & Naszczekin alter, qui postremò Vilnè hostis ipsius internuncius apud te fuerat, tuam in potestate peruenerint. Nusquā autè tam dicaces homines reperiuntur quàm sunt Moschi, & nunquā tam fit eis malè quin remittant animum, & liberius loquantur, pro ut in hac re,

Viderat Nicolaum Olesnium, familiarem tuum, cum esset internuncius Nasczekin Vilne, quem cum illo in loco, sed dispari fortuna rursus vidisset, quam varia diuersaq; inquit, sunt Olesnii tempora. Nuper cui obuiam progredi cuncti non dubitabatis eum nunc demum victum & captiuium ducitis. Idem abs te Vilna, cum in Moschouiam proficisceretur quendam, qui pro ductore datus ei fuerat ad magnū Ducem visecum rapuerat, & miris tormentis vt subijceretur causa & auctor extiterat, vt consilia tua si qua sciret, omnino explicaret. At enim faciendum non est vt decoro & honestati remittamus nuncium impunitans spe & fiducia. Homines quamlibet locis & regionibus disuncti, prater voluntatem & opinionem suam aliquando conueniunt, & sui quēque sceleris sui manet poena. His ita praeclare gestis & confectis rebus, nodum quiescebat regalis mens & animus tuus. Oppugnabatur Neuelia à Ioanne Drohostaicio, Polocensi Palatino, vix non ex eo tempore quo Magnae Lucae oppugnationem tu etiam fueras aggressus, quod eam arcem inter Polociam & Lukam relinquere hosti esset inconsultissimum; & quod arx siue munitio altera, lezerzisce nuncupata, perinde atq; anno superiore Sussa sese deditura, capta Neuelia crederetur, vt mox opinionem euentus comprobauit. Verum ea Neuelij oppugnatio paulo erat languidior & propter praesidium quod ei arci inerat fortissimum, & propter tormentorum, & deniq; propter militum tuorum à quibus oppugnari coepta fuerat paucitatem. Non Palatinorum hortatu qui in Luca capti, & ad Neuelienses vt se dederent missi fuerant, non minis non terroribus, non vi & gratia

gratiae pollicitationibus profectus fuit aliquid: summa erat hostium obstinatio, mira quidem in conquirendis & iaciendis telis in tuos inuentio, incredibiliter insultare tuis, suis vero qui sese dedidissent, perfidiam exprobrare, & praefidere sibi videbantur. Itaque Ioannem Bornemissam, Bornemissa illius clarissimi viri filium, qui contra immensum Solymanni Turcae exercitum sub Ferdinando Casare Agriam defendit cum certo Vngarorum peditum numero & tormentis ad eam arcem expugnandam denuo misisti. Sed omnino est mirabile, quantos tyrannidis metus in animis hominum relinquit aculeos. Iam enim siue fide in principem, siue vero crudelitatis & sauitiae ipsius metu in defendendis strenue arcibus sic peruicaces Moschi fuerant, vt periculi nullius vi, nullo metu mortis, nulla gratiae spe ab instituto dimoueri possent. Erupit simul atq; Bornemissa venit, non parua eorum manus, & cum in munitionibus liberius vagantes, & nihil tale suspicantes, tuos esset aggressa, non paucos vulnerauit, aliquos etiam interfecit. Bornemissa quidem ipse, & strenui militis, & vigilantis ducis tulit eo die nomen. Nec multo post, suis iustam ab hoste maculam, subdita arci flamma, eademque per deditionem occupata, egregie absterfit. Ex qua arce, vt & alibi fecisti, omnes eos qui in praesidio fuerant, vita & facultatibus eorum saluis dimisisti. Supererat Zauolocia, & Siebiezum, & Opoczka, tria hostilia propugnacula, quibus hosti ademptis, per immensa terrarum spacia, imperium tuum prolatum iri, & Russia Lituaniaque tuta futura esse videbatur. Et quantum à Luka, Neuelia, tantum ab vtraq; Zauolocia, veluti in triangulo posita pene di-

stabat. Hanc ad Zauolociam cancellarium mittere, & te ipsum Neuelium proficisci quasi in reditu placet. Philo interim Cmita, post captam Polociam, Palatinatu Smolenscensi auctus, qui certis militum auxilijs coadunatis, primum quidem flate, mox restan- te fortuna contra Moschos ad Smolenscum dimica- uerat, & à te demum accersitus eò venerat, arci præ- ficitur. Curantur omnia quæ tum ad impetum hos- tis propulsandum, tum ad obsidionis difficultatem perferendam spectant: miles, tormenta, & id genus alia relinquuntur, & quod antè posuisse debueram, tua cura, tuo studio, tuo diurno nocturnoq; labore, arx ipsa perficitur. At tandem Neuelium iter suscipi- tur, in qua dum de locorum & temporum rationi- bus in quibus miles hiemaret habetur consilium, Ie- zierziscum sese deditit. Palatini Vilnensis cuius est summa apud hostes fidei & auctoritatis opinio, & a- liorum senatorum Lituaniæ interuentu. Quæ arx siue munitio vt loco & natura munita est, ita arte & structura omnino admiranda. Eò etiam ij, qui ad magnum Ducem ierant reuertuntur internuncij. Iam paulo loqui cœpit Moschus ciuilius, & *Dhunam flamen*, cuius argenteas ripas, aureum fundum, apud se esse olim dicebat, cum arcibus cunctis quæ ei adia- cent restitutum se esse tibi promisit. Quam deli- berationem omnem, tu ad comitia reiecisti. Et quia iam sæuire hiems cœperat, & tam viris quàm equis alimenta defecerant, domum quisque reuerti, & ex horrida regione referre vel quàm primum pedem, nemo non habebat constitutum. Tua vnus in tot tantisq; incommodis ad omnia perferenda incredi- bilis percalluerat patientia: sed dandum nihilomi- nus

nus fuerat precibus aliquid, necessitatiq; communi. Quocirca missis ad cæcellarium equitum & peditum nonis auxilijs, per maximam, & non solum transitu difficilem, verum etiam aspectu ipso horribilem sil- uam, Polociam es profectus, eamque vnus aut al- terius diei itinere mira celeritate superasti: cum re- liqui omnes plures dies in ea hæsisent, & aliqui cum nec regredi, neque progredi possent, currus, equos, arma & supellectilem abiecisent, suspensos iam te- nere cœperat multos Zauolocia oppugnatio, quæ arx vndiquaq; circûfusa aquis, & in colle posita, erat perquam difficilis expugnata, apud quam militum tuorum casum, de quo incerto auctore allatus ru- mor Polociam fuerat, dolere videbare. Sed tamen quæ tua prudentia & ingerendis rebus experientia est, sine cæde & sanguine illa non fieri posse affirma- bas. Imperatoris esse quàm paucissimorum, solius Dei opt. max. interitu nullius constituere victoriam. Ac sic demum Polocia Dzisnam profectus, Zauolo- ciam captam esse audiisti. Quæ perdiderit sanè ali- quos, sed tamen & ipsa hostituo perijt. At verò hæc nimirum laudanda quæ claudit opus est victoria: & cum apud arces alias non frustra tentasse fortunam fuerit pulcrum, tū apud Zauolociam pulcerrimum. Quamuis non tantum equorum & fortunarum, sed etiam multorum virorum bonorum iactura, hæc tot expugnationes arcium constiterint. Quorum mors natura debita, patriæ est potissimum reddita, & quo- rum vitæ virtus socia, interitus comes gloria fuit. Am- missus quippe superiori anno ad Polociam Mi- chaelem Vadas, peditum Vngarorum præfectum, & Ioannem Curoslum equitem Polonum, omni po-

steritatis memoria dignos, & præstantes viros. Amisimus ad Sokolum Kamiensium, Vissocium, & Iacobum Suiecinium, & Iacobum Borukouium & Nicolaum Cloczeuium, vt paucos in multis cōmemorem. Hoc verò anno, Procouitium ad Vsiatum, ad Lukam Petrum Cloczeuium Castellatum Zauichostensem, & capitaneum Malogostensem, studio in reimp. & obeundis legationibus, ad externos commēdatum: Russinium, Drohobuzium, Petrum Gergel Leski amisimus: ad Neueliā Bernhardum Golubicium, & Stanislaum Rucium, nobiles centuriones desiderauimus. Tandem verò & ad Zauolociam Christophorum comitem Rozazeuium, genere, virtute, industria & rerum vsu præditum, & Martinum Veierum, Ernesti illius Veieri, nepotem (qui omnibus ferè bellis, quæ quadraginta annis sunt in Europa gesta, interfuit, & aliquibus præfuit, & qui nunc etiam comitem se tibi præbuerat) eripuit nobis fortuna. Verùm ita se res habet, vt magnæ & memorabiles res nō fiant sine magno & memorabili pluriū inreritu. Non potest non acerbissimus esse casus illorū, qui sua morte victoriā nobis pepererunt: sed enim pericula vitari queunt, mortem effugit nemo. Maxima incommoda & detrimenta passi & experti sumus: at vel summarum voluptatum capit nos obliuio, nisi amaritudo dulcedini misceatur. Denique danda est opera vt non tam mortē eorum qui eam timuerunt nunquam, lugere & deplorare, quā virtutē imitari videamur. Tu saluus & incolumis redijsti, in quo nostra omnium spes est reposita; quem conseruatorem patriæ, firmamentum salutis & libertatis, vindicē libertatis suæ cuncti agnoscunt, & bello

& bello fatentur eximium, & præstantem ducem. Cuius ego in rebus gestis enarrandis nō abutor conscientia, cui nullas mea aut veras adimit, aut falsas annectit laudes oratio: & ad quem prædicandum summa industria aliquem, non secus ac olim Appellem ad pigendum, aut Lysippum ad fingendum Alexandrum Magnum accedere oporteret: & de cuius excellenti virtute, magnitudine animi, consilio, grauitate, moderatione, clementia, non Græcæ, nō Latinæ, non barbaræ literæ conticescent. Quæ cum ita sint STEPHANE REX, frui gaudio & lætitiæ ea, quam tibi præstās regiaq; virtus & felicitas tua comparauit: retine nomen quod habes, bellatoris optimi, moderatissimi que victoris, & te maiora indies manentem summa cum alacritate diuinitus præstolare. Dei opt. max. idem qui fuit semper mos & natura est, vt in dandis beneficijs non sit cōtentus vno, sed cui largiri sua munera cœpit, si gratus fuerit, potiri vel pluribus atq; maioribus cum patiat. Quo per omnes honorum gradus ascenderis nosti, quæ verò in hoc solio fortunæ te maneat, quam tum, cum ad illud nondum ascenderas, faciliorem (vt mea fert opinio) coniecturam capis. Atq; ita velim statuas antithesin illam esse, semperq; fuisse verissimam: Maiestatem regum à summis ad media difficilior detrahi, quā à medijs ad ima præcipitari: & rursus à medijs ad summa, quā ab imis ad media deduci esse facilius, virtutisq; quā ætatis cursum multo celerior. Si modò & illa ima, & hæc media dici in te poterūt & debebūt. Et si in rebus tuis fortuna aliquando multum, non minus certè prudentiā potuit. Si quidem res abs te gesta vt à constituto ducuntur ini-

tios, sic etiam certo terminantur sine, semperq; tu habes vt incipiendi rationem, sic & desinendi modum: & imperium tuum Oceano, & gloriam nō terminas astris (vt ingeniosus cecinit Poëta) sed pace, cōcordia atq; ocio regni tui, neq; ad immortalitatē & laudem tui nominis sanguine hominū, & corporibus occisorū sternis tibi viam: sed cōseruata Dei opt. max. religione, ciuiumq; tuorū ac reip. libertate, pro qua cū bellum geras, & in eo victor & triumphator semper euadas: tamē nemo est qui te alio vultu in bellū euntē, quā ex bello redeuntē cernat. Sic in te nec prudētia cedit fortune, neq; ipsa fortuna tumet & effertur secūdo rerū & prospero flatu. Quē in rebus modum tenere nō posses, nisi hic sensus, hac mens, hac ratio armorum tuorū semper fuisset, vt nō tuum sed Christi imperium, nō tuam, sed Dei immortalis gloriam astris terminares. At verō si C. Iulius Cæsar, qui nō minus moderati animi laudes, quā triumphos, & imperia quasit, vt eas gentes quas Cn. Pompeius paulo antē domuerat, paruo negotio se subiugasse demonstraret, dicere de se veritas nō est, veni, vidi, vici, quid ni tu etiā simile aliquid dicere de tā superbo & crudeli hoste parta victoria possis? Et quisquā dubitabit, eo, qui Cazanos & Astracanos Scythas sibi subiecit, qui Austrū versus ad mare vsq; Caspium, ad Aquilonē, ad fluuiū Obbi, & ad extremos Lappones imperiū suum, ptulit, qui Danorū, qui Suecorū regibus, qui Liouonibus, qui Tartaris, qui Turcis denique ipsis formidabilis, & toto terrarum orbi admirabilis fuit, coercito, plusculum aliquanto laudis posse te iure ac merito sibi vendicare? Perfectis profectō id quod ante te nemo, vt maius hoc & grauius cū Mo-

scho

scho bellum, quā ferē illā cunctā, quā Constantino Ostrogio ad Orscham, Ioanne Tarnouio ad Starodubum, Nicolao Radiuilo ad Iuanskum, Stanislao Lesniouolio ad Neuelim, Romano Siengusko ad Sullām Ducibus, initā sunt cum eodem pugna videatur. Pacem abs te Moschus petit quam semper contemnerat; conditiones eius accipit, quas dare aliās didicerat; legatos ad te suos mittit quos expectare consueuerat. Hic cū ad Cazanos & Astracanos Scythas subigendos iturus, semel Polociam oppugnaturus, iterum Sigismundi Augusti ad Radzkoicz contra eum exercitum educentis bellum a se propulsaturus tertio iurasset, & subditis suis omnia liberratis iura, facta tecta semper fore falso promississet, idem & nunc fecit (vt aiunt) aduentantis exercitus tui terrore, & malefactorum suorum per motus conscientia; neque factu aliquid prius habuit, quā vt & subiectorum suorum beneuolentię pręsidia, & tuorum, si qua fraude posset auxilia contra te sibi compararet. Videt siquidem nobilium & pręfectorum suorum numerū in potestatem tuam quā maximum esse redactum. Videt Cyprianum Magnę Lukę archiepiscopum, a quo & Polocia archiepiscopatu administrari cōiunctim voluit. Videt Basilium Iuanouicz Mikulinski, Telatowski, Demetrium Michaylouicz, Szczerbary Obolinski, Matthæum Iuanouicz Rzowski, Ioannem Hrehorouicz Sustin, Petrum Iuanouicz Volinski, Lukianū Trzeciakow, occupata Polocia, in potestātē tuam peruenisse. Videt Seremetū ad Sokolum captū, qui tot & tantis rebus contra Scythas gerēdis, exercitibus in expeditionem ducendis apud eum pręfuerat. Videt in Vieliza Paro-

C iij

lin Bruczo W, & Basilium Basmako W, in Vſuiata Mi-
chaelem Vieldzemino W, Ioannem Aſcaro W, in Ma-
gna Luka Theodorum Likow, Michaellem Kaſſin,
Georgium Atiſſako W, Baſilium Iſmaelis filium: in
Neuelia Ioānem Cramiſſa, Mindzanum Koliczo W,
Ioannem Bibiko W, Stephanum Bobron: in Zauo-
locia Baſilium Soboro W, qui Aſtracaniſſimum & Ca-
zaniorum Tartarorum ſubigendorum dux auctoꝝ;
fuerat; Ioannem Slobin & Baſilium Nazimor qui
peditatui præerat, captos & detentos eſſe. Videt
Demeczin Ceremiſſam, omnium libidinū & conſi-
liorū ſuorum cōſcium, & Naſzczekinum, non paci-
ficationis, ſed molitionis nunciū, prodromū perfidię,
tyrannidis ſatellitem ſuā, in militum tuorum manus
ad Turopczum incidiffe, vt Boriſſeium Seinum, An-
dread Palecium, Michaellem Licium, Baſilium Kri-
uoborſcium, Ignatium Bludo W, & Voieico magni
nominis duces & præfectos ipſius, multosq; alios oc-
ciſos, & penè infinitos captos, ac in poteſtatē tuam,
tuorumque redactos; tormenta bellica amplius du-
centa illi erepta, magnam commeatus, maximā ap-
paratus bellici vim & copiam ablatam, non comme-
morem. Horum ergo morte, illorum captiuitate, &
cū tot arcium, tum viroꝝ interitu, cū opum &
facultatū, tum nominis & exiſtimationis ſuæ ia-
ctura, vehementer commouetur: harum rerum la-
cerat, harum cruciat eum recordatio: hunc denique
eundemq; exitum, qualis & alios tyrannos ſemper
manſit, cum metu & horrore circumſpectat. Lio-
niam quomodo reſtituat atq; reddat tibi, nunc re-
uoluit ſecum, nunc hæret animo, & acerba eius rei
cognitione penè totus contabefcit; nunc cū ſpe, nūc
cum

cum metu conſigit; nunc imperij augēdi cupiditate
nunc amittendi formidine cruciatur. Turpe eſſe du-
cit ea quæ tantis latebris & tenebris obſcuritatis ſuæ
lucem attulit, quæ nauigationem in varias orbiter-
rarum partes, quæ cum exteris gentibus nationibuf-
que cōmerita illi aperuit prouincia ſeſe priuare: ſed
rurſus quibus dolis & fraudibus eam queſierit, quā
perſide tecū, quā inſidioſe cum tuis ciuibus, quā
immaniter & tyrannice cum omnibus egerit recor-
datur. Hæc ita abire nō poſſe diuturnitatis cuſtodem
metum inſidum eſſe, ſemperq; fuiſſe, genium tuum
fortiorem illius videri, fortunam ſuperiorem indies
euadere cogitat, atq; conſiderat: tot deniq; fraudes &
periuria, tot mortes & ſupplicia, non iam adultis, ſed
pueris & infantibus omnium conſiliorum experi-
tibus, per ſe illata ſtatim ſecum recognoſcit, & con-
ſcientię angoribus, ſclerumq; cruciatibus, tanquam
furiarum tædis ardentib. dies noctesq; terretur. Po-
ſtremo præterlapſa illa tempora cernit in quibus nō
bello, ſed belli metu calamitatem reipub. afferebat,
& quib. maximas clades & ſpoliationes oppidorum,
vaſtitates agrorum, interitum legum, eadē ciuium
apparabat: renixiſſe Viſitandum intuetur, qui non in
ſuorum tectis, ruinis & incendijs, ſed in alienis agris,
fortunis, domicilijs, cum eo non dicam hoſte quod
leuius nomen eſt, ſed cum violatore fidei, cum con-
tēptore pacis, cum auctore inaudita crudelitatis,
cum patrono nequitia, cum labe & dedecore pudi-
citia bella gerit. Quem quidem Viſitandum ad eſſe iam,
& tecum ſic loqui videre mihi videor. Salue heroum
præſantiſſimè, decus & præſidium iſtius reipub. Ba-
thorei generis & nominis gloria, cuius eximiam vir-

*Proſopopœia
ſenati Regis
Viſitandi.*

tutem & ingerendis bellis felicitatem, quam antè laudari audiebamus, nunc re ipsa experimur. Tibi ego non statuas auro vel argento nitentes, nō triumphos arefcentibus laureis, sed longè his maiora & augustiora insignia, honoris & ornamenta dignitatis decerno, atque tribuo. Te non inter minorum gentium populi, rectores aliquos, sed inter summos reges & monarchas, qui respub. gubernarunt, ornarunt, propagarunt, iure ac meritò collocandum puto. Tibi fert acceptam suam Transyluania libertatem, Lituania pacem, Polonia dignitatem: tui ciues amant, hostes timent, socij venerantur, exteræ gentes & nationes admirantur. Suscepisti bellum, fama & opinione magnum, necessitate iustum, beneficio erga rempub. gratum, progressu & consecutione gloriosum: perfregisti hostem natura barbarum, voluntate perditum, fide & religione vanum, superiorum temporum iniuria clarum, tuis regnis & prouincijs infestum, inaudita crudelitate memorandum: cuius impotentia animi in supplicijs, libido in stupris, cupiditas in rapinis, superbia in contumelijs tanta est, semperque fuit, vt nemo non modò augere vel exaggerare eam oratione, sed ne enumerare aut consequi possit. Quo cum eum qui tibi restat actus, solito animi virumque robore prosequaris. Temeritatem eius consilio, malitiam candore regio, fallendi & simulandi artificia perspicaci prudentia, furorem potentia tua superato. Nihil tibi eorum deest, quibus imperia & regum opes continentur. Est felicitas, quæ diuina quadam sorte datur, est prudentia quæ bono, nescio quo natura comparatur. Quæ quantò maiora & augustiora sunt,

sunt, tantò sibi sedem eodè in loco rarius quarunt, & vix aliquando sociantur. At vtrumque illud quod diuinus Plato ad summam perfectionem pertinere ait, in te est vno, summa videlicet potentia & sapientia. Quid enim te solertius? quid felicius? quid admirabilius dici aut fingi potest? Sit mirum C. Iulium Casarem, oppressa republica ab imis ad suprema adscendisse, te non oppressa, sed expressa ipsius libertate regno esse potitum, quanto est magis admirandum? Sit gloriosum Matthiæ Coruino Hunniadis filio, à Georgio Podebracio Bohemiæ rege, ex carcere & vinculis extracto, vna die & regnum & libertatem, obuuisse: tibi non vnus Regis studio, sed multorum hominum iudicio, post tot pericula, discriminaque vitæ, delatum etiam regnum esse quanto est, eritque semper gloriosius? præsertim cum non te locus, quàm tu locum magis exornes, neque tibi splendoris plus regnum, quàm & tu regno afferas & concilies: & cum in administratione gubernationeque reipub. nihil tam arduum & difficile inueniatur, quod tu & labore vincere, & fortitudine animi tueri, & felicitate superare, & celeritate tua non possis conficere. Nam vt ea quæ in Transyluania gessisti tacitis præteream, vt quæta omnium cōsensione electus, quantà constantia defensus sis, quot, quantasque difficultates, æmulos, pericula superaris, quàm fortiter & feliciter res contra eos gesseris non cōmemorem, vt de ijs quæ ad Lubiescheuium lacum, contra Gedanen: Ioāne Zborouio Castellano Cnesnēfaut ad Vendennā cōtra Moschos, Andrea Sapiha, strenuissimis fortunatissimisque ducib. victorias retuleris non loquar:

ut ista, inquam, omnia quæ fuerunt, sunt, & erunt
semper maxima, silentio trāseam: quid hoc Moscho-
uitico bello, cui nō modō interfuisti, verū etiā præ-
fuiſti maius & admirabilius fuit, aut esse potuit? Quæ
post hominū memoriā, oppugnatio ancipiti con-
tentione, duces, & milites distractos, arctius Polocia
tenuit? Quæ arx siue munitio maius præsidium So-
colo habuit? quid Toroſlia, quid Craſno, quid Sy-
thno, quid Nieſzerda, quid Caziani, ditionibus tuis
magis infestum, & quasi ceruicibus eorū impositum
fuit? quæ superiori anno cuncta, armis tuis ceſſerunt,
& sub tuum achuius regni imperium potestatemq;
peruenerunt, quid verō de huius anni rebus abs te
geſtis & victorijs tuis loquar? quid Vielizium, quid
Vſuiatum deditione captū, quid Lukam, totius Mo-
ſchouia horreum, belli armamentarium, exercituum
hostilium diuerticulum, occupatam proferam? aut
quid deniq; Neueliā, quid lezierziſcze, quid Zauo-
latiam poſſeſſam? quid hostis copias ad Turopczum
fuſas, quid tot tantosq; duces & præfectos eius ca-
ptos, quid tot tormēta bellica, quid tantū com-
meatum & apparatus belli ei ereptum commemorem?
Et erit cuiusquam tanta dicendi vis, tantaq; copia, aut
tantū flumē lectiſſimorū verborū & ſententiarum,
quibus aliquis nō modō complecti orando, ſed per-
cenſere numerando hæc omnia queat? Memorētur
omnium ætatum, regum, gentium, & nationum ex-
peditiones, prædicentur tot, tantiq; alij bellatores,
terra mariq; reſgeſtæ eorum celebrentur, erit inter
horū laudes aliquid loci tuo etiam nomini, & maxi-
mas copias, longiſſimas & difficiſſimas expeditiones,
& admirabiles victorias, audientes & legentes tuas,
poſteri

poſteri obſtūpeſcent. Quæ cū in omnium opinio-
ne magna, tū illa certē maxima, ac omni laude & præ-
dicatione digniſſima, magnitudo conſilij, dicēdi gra-
uitas & copia tua, litera, cura, cogitatio, magnarū re-
rum vſus & cognitio, omnes denique artes, tam belli
quā pacis. Gefſi & ego res varietate ſua magnas, lo-
cis diuerſas, regionibus infinitas, rara celeritate ad-
mirandas, Moſchi huius maiores perdomui, Cruci-
feros in Pruſſia & in Liuania vici, cū Scythijs ſæpius,
eum Temeriano eorum duce ſemel (quo habuit ma-
iores copias mortalium nemo) ad flumen Vorkla, li-
cet non feliciter, fortiter tamen ſigna cōtuli; exhor-
ruit ad tubarum mearum ſonum, ſæpenumero Scy-
thia, ſenſit me virum eſſe Moſchouia, vidit Polonia,
audiuit Germania. Verū ut, quod res eſt, fatear, ea,
quæ in te admior & ſuſpicio, ad perennem immor-
talitatis, & gloriæ viam mihi deſuerunt: nec tam or-
namenta pacis, quā adiumenta belli curæ mihi fue-
runt. Tibi verō non modō caſtrenſe munus ſordet
nullum, non ſolū operibus militum adeſſe, ſpecu-
latum egredi, caſtra & ſtationes obire, in ſole, in pul-
uere quotidie verſari, primus inire prælium, poſtre-
mus ex prælio excedere didiciſti, verū etiam multas
alias habes huius bellicę ſocias, & benéuolentiæ ſub-
iectorum tuorum effectrices, regales eximiasq; vir-
tutes. Iam humanitas tua ea eſt, ut quāto te altius ef-
fert fortuna, tāto te geras ſummiſſius: & qui omnib.
dignitate es ſuperior, facilitate rurfus & comitate
anteire te, vel ab infimis non permittis: manſuetudi-
ne & placabilitate eſt tanta, ut non fortuna inſtāma-
re indignationem victoris, ſed bonitas lenire videat-
tur: & nō minus hoſtes victi, ſumma cū animi ſui vo-

luptate te victorem intuentur, quàm interim dum vincuntur, fortunam fortitudinemque tuam extimescunt. Opes & facultates regni non ad tuum compendium, sed ad reipubl. commodum & ornamentum, non vt avaritiæ prædam, sed vt instrumenta bonitatis conuertis. Ius ita dicis, vt æquitate non precio illud definias; & nec odio, neque gratia in aliquem moueare, neque tenuioribus potentiam, neque potentioribus inuidiam apud te sinis obesse. Quod si duabus maximè rebus fortitudine & iustitia regale solium firmatur, & ipsa respublica continetur. Quid Polonia felicius? quid Lituania beatus te regnante & imperante dici vel haberi potest? cum vtra virtutum earum magis præstes non facile dixerim, & an fortitudine, quæ stabile iudicium conseruare, quæ labores suscipere, quæ adire pericula, quæ despiciere mortem docet: an iustitia regina virtutum omnium, fidei & æquabilitatis patrona, nominis & laudis auctrice, verecundia socia, magistra officij potius antecellat. Quæ, quoniam non modò in castigandis malis, verum etiam remunerandis bonis consistit iustitia, videndum est, ne in illam quam in hanc partem magis prolabare. Quod si in alterutrum vitiorum eorum quæ cum hac virtute pugnant incurrere deberes, neque illam mediam virtutis viam retinere posses (nolle enim te nunquam dixero) non tam seuerus quàm benignus, neque tam in congerendis quàm in bene collocandis facultatibus reipubl. diligens & attentus videri; & vt facis, diligere quàm metuere malis. Quod si ipsum talem non fuisse me aliquis dicat

eat vel sentiat, na' haud ille posteriores quàm priores cogitationes prudentiores esse intelligit, & artem gubernandæ reipubl. esse vnâ, cuius perfectam expletamque cognitionem nemo fuerit affectus. Tu certe debes esse is, qui & sapientibus ratione, & rudioribus exemplo, de barbaris documento, virtutem tuam probes, & in summa potestate, summa moderatione animi, prudentiaque vtare. Propterea quod, vt apud, sic & hominum reges debent ~~carere aculeo~~, & quod non tam est regium malè meritis quàm optimè de se meritis referre quod debeas: & quod à parsimonia, à frugalitate, & ab aliquibus virtutibus generis eiusdem æconomi & patres familias commendantur. Reges certe & principes, à liberalitate, à splendore & magnificentia in primis laudantur, linguis & literis omnium celebrantur, æternitati consecrantur, & quo denique nihil habet vis animi tui sapientius, nihil amplitudo maius, nihil fortuna præclarius, quàm scire & velle beneficia collocare. Sed quid verbis hoc loco opus est multis? quid currentem incitare necesse est? aut cur hæc tenuis & impolita oratio, laudibus tuis celebrandis non potius finitur & terminatur mea? O felicem Lituaniam patriam, Samogitiam altricem, Russiam adiutricem meam, quæ abste non dicam rege, sed patre, non domino sed patrono gubernatur. Per te est ciuibz meis pax data, per te calamitas detracta, per te dignitas restituta: Tu dum es in negotio, illi fruuntur ocio: tu dum teneris difficultate, illi lætantur tran-

quillitate & pace: tuis postremò occupationibus, laboribus & periculis, illorum rationibus, commodis & ornamentis prouidetur. Tu quemadmodum istas disiectissimas terras, non tam passibus, quàm curtibus, nò tam hostium sternendis cadaueribus, quàm occupandis arcibus superasti, ita utinam ad hunc plenum siderum & quietis locum, posteaquam & natura, & gloriæ, & reipub. satis diu vixeris citius peruoles; & sicuti imperij & instituti nostri fors similis fuit, ita sempiterno auro vna fruamur. Atque hæc quidem rex Vitondus tecum. Iam verò ego eiusdem insistentis vestigijs, te Deus opt. max. quem omnium regnorum conditorem, regiæ auctorem amplitudinis, victoriarum & triumphorum datorem, summa fide & constantia Rex STEPHANVS colit, semperque coluit; oro & obtestor, vt quemadmodum hæc resp. tuis auspicijs creuit, sicuti ipse ad gubernacula eius nutu & voluntate tua peruenit, ita illam integram religione vera, stabilitam libertate, opibus firmam, copijs auctam, ocio & tranquillitate florentem efficias. Rei verò nostro vitam quā maximè diuturnam, constantem, æquabilemque fortunam & victoriam, & denique pro hac caduca & mortali conditione regnandi, in illo animorum concilio & cœtu perpetuum & immortale imperium largiare.

FINIS.



COMPENDIVM CHRONICORVM PO- LONIÆ SECVNDVM SERIEM

& successiones omnium principum regumque gentis, à Lecho primo duce authoreque Polonorum, vsque ad modernum regem Henricum Valesium ordine seruato.

LECHVS PRIMVS DVX ET AVTOR
Polonorum.

Quamodò Sarmatia est, quondā deserta fuerunt
Inuia, post magnas Dencalionis aquas.
Primus in hac Lechus populum deduxit agrestem,
De patria pulsus seditione domo:
Dalmata vir, Pharijs claro patre natus in agris,
Quos rapidus curuis Crupa pererrat aquis.
Colle super pulcro properata moenia Gnezna
Struxit, & à nidis nomen habere dedit.
Omne per motus: multas ibi namque videbat
Per vicinum aquilas nidificasse nemus.
Exule patre sumus, sed plurima regna per orbem
Principia exilibus dani sua, Romano notho.

D



*Lechus &
Cechus fra-
tres germani.*

*Lechus cum
Cechofatre
in Germa-
nia ditioni-
bus Bremen
adificant.*

*Cechus in
Boemia co-
sedir.*

*Lechus pri-
mus Polono-
rum dux es-
auit.*

X hac gente bellicosa Slauonica, siue Sarmatica, cuius deductionem copiose descripsimus, duo illustres magnanimitque principes ortum duxerunt, quorum ~~vnus Cechus, alter Lechus~~ ^{vnus Cechus, alter Lechus} appellatur, fratres germani, hi exantlatis superatisque multis & difficillimis laboribus, miserisque bellicis temporibus illis turbulentis, in Illyrico & Dalmatia, domestica seditionis (que ex pace compositis bellis oriebatur) pertasi, vegetiora nobilioraque; nacti ingenia, viuendi aliam ratione elegerunt, cum exercitibusque suis a castris suarum tribus Slauonica, ciuili bello dissidente, ex Croatia Illyrici regione sese subdixerunt. Occidentem versus in Germaniarum ditiones contendentes, regiones sitas inter fluuios celeberrimos Albim & Veleram occupauerunt, ciuitatemque cum arce munitam in ripa Velerarum condiderunt, cui nomen Bremia indiderunt, ut significarent se in ea onus miseria depoluisse. Bremia enim Slauis, onus sonat, & hucusque hanc ciuitas Bremen a Germanis appellatur, illique multa & praeclara bella cum Germanis de sedibus decertantes gesserunt, multaque ciuitates & arces terrore eorum percussae, libenter se illis dederunt. Atque ita Cechus ad Danubium & Albim fluuios in Boemia antiqua Germanorum colonia, quae nunc Boemia dicitur, primum domicilium habuit, incolis regionis prioribus partim expulsis, partim inter suos connumeratis. Deinde Austriam, Lusatiam, Morauiam, Misnia ditioni suae subegit. Lechus vero frater suus magnanimus heros ulterius cum suo exercitu, anno quo diuina potestas humana in specie ad salutem nostram calitus sese

sese demisit, processit, inuestigandi eligendi; pro sui arbitrio causa sedes cultiores, primoque ab Occidente in septentrionalē plagam se conferens, hos in campos, ubi nunc Polonia, peruenit, ad Vistulamque fluuium, vnde Vandali Sarmatica gens surrexerat, confedit: ibique cum suis requieuit. Deinde a Vistula ad Oderam usque fluuium Orientem & Septentrionem versus, omnes has prouincias, ubi nunc est Silesia, Marchinoatus Brandenburgensis, Prussia, Meckelburga, Pomerania, Holsatia, Saxoniaque; armis imperio suo subegit, quibusdam incolis earum partim caesis, partim expulsis, ceteris vero in gratiam susceptis. Cum igitur imperium suum strenuo Marte sic dilataret, Regulus quidam Germanorum Lechum ad duellum euocauit, ut secum de imperio ferro decertaret, cui id fortuna obtulerit. In primoque congressu Lechus Germanum trucidauit, regnumque illius cum omnibus maritimis regionibus, quae nunc Pomeraniae nomen retinent, Marte concedente, occupauit. Pacato itaque imperio suo, deserta Polonia peragrans, loca munitiora ciuitatibus, arcibusque erigendis idonea circumlustrabat, forteque reperit locum inter lacus paludesque; lutosas natura & opportunitate loci munitum, ubi primam omnium Poloniae ciuitatem & arcem fundauit, quam Gneznam a nidificantiū multitudinis aquilarum appellauit: Nidus enim animum Slauis Gniaz dicitur. Ariolorumque & auspiciū consilio aquilam albam cum expansis ad volandum alis pro insigni stemmateque patri sibi elegit, quae in vexillis ceterisque signis bellicis utebatur, & ab hoc tempore hoc celebre stemma a regibus Poloniae gestatur. Itaque a Lecho primo duce autoreque Polono-

*Quidam de
tempore ad-
uenit coris
dubitant.*

*Imperij Le-
chy promo-
tio.*

*Lechus Re-
gulum Ger-
maniae duellum
loquitur.*

*Gneznam
prima Polono-
rum ciuitas.*

*Insigne Po-
lonorum re-
gum aquila
alba.*

rum Poloni, à Ruthenis cæterisq; Slaus Lechite, Bohemi verò à Czecho, Czechi appellantur. Hoc verò nomen quo Poloni vocantur, à regionis planicie campisque quos incolunt apertis retinent. *Campus enim, ut diximus, Pole significat.* Multis itaq; præclaris gestis exactis, rebusq; in Polonia omnibus rectè constitutis, extremum diem feliciter clausit.

Post mortem Lechij nihil certi de legitimis hæredibus successoribusq; eius reperitur, magna que hac de re historiographorum Polonorum lise est, sed hic testamento moriens legauerat, ut aliquem dignum virum ex sua gente de patria & rebus bellicis bene meritum, summæ rerum præficerent, cui in omnibus obtemperarent.

VISIMIRVS ex nepotibus Lechij, princeps Polonorum, cum ad Danorum fines usque imperium suum extenderat, & ob vicinitatem à rege eorum Syuardo varijs excursionibus infestaretur, vnde cunque potuit auxilia coëgit, nauesque adornauit, & armato milite compleuit, ex quibus vnam ingentem fabricasse dicitur, cuius solo aspectu Dani perterriti fuere. Nauali itaque prælio fortuna auspicante, Syuardum regem cum ingenti classe Danorum occurrentem strenuè fudit, fugauitq; & ad interiora terræ hostes persequens, has insulas in Dania, Rugiam, Hemeriam, Feondiam, Salendiamque occupauit, plurimasque ciuitates & castra in eis Polonorum præsidij munita, extruxit, vbi ad hæc usque tempora hæc omnes ciuitates nomina à Polonis Slatonico idiomate indita retinent, ut pote Wismer, à Wisimiro, Lubeca vrbs opulentissima & populosa, Danezik siue

Poloni vnde dicti.

Poloni Danos nauali prælio superant, insulasque eorum occupant.

Ciuitates à Poloni fundata.

siue Gedanum ciuitas celeberrima, ad mare Germanicum à Polonis contra Danorum excursiones arceudas in primis condita. Prædictum itaq; Danorum regem filio eius in obsidem sumpto, Wisimirus vectigalem sibi efficiens, & rebus in Dania rectè dispositis, multimodis spolijs onustus classem in Poloniam reduxit. Hocque primo nauali prælio Poloni quasi quodam tyrocinio instructi cum inimicis nauali prælio bella gerere animosiores effecti sunt. Tandem aliquot annis exactis, Syuardus Polonorum iugum ægrè ferens, conspiratione cum Holsatis, Suetijs, Danisque aduersus Polonos facta, exercitum numerosum contra eos eduxit, sed secundo maiori clade cum tota suorum manu in Scania à Polonis prostratus est, ipse verò pernici fuga elapsus mœrore & dolore ob amissum exercitum deploratumque rerum suarum casum consumptus, spiritum exhalauit. Wisimirus verò magnam Daniæ partem imperio suo subegit. Postea multis præclaris gestis editis, finibusque imperij Polonici prolatis absque posteritate decessit.

DVODECIM PALATINI.

CVM itaq; tota domus Lechij decessisset, Poloni libertatem strenuè asserentes, neminemque extraneorum principum sibi imperare patientes, duodecim Palatinos (ut dicitur) viros præcipuos ex sua gente solenni conuentu Gnezna celebrato, ad rem publicam gubernandam subornant, quam viginti annis administrabant. Sed multis & diuersis impetantibus discordiæ & ambitionis impulsu, bellis ciuilibus cladibusque mutuis & intestinis sese afficiebant. Finitimæ verò gētes præcipuè Germani discor-

Dani iterum à Polonis prosternuntur.

Syuardus moritur.

Multorum imperium diuifum.

dia Polonorum considerata rebellare coeperunt, iugoq; excusso suas provincias ab eis occupatas recuperauerunt. Hoc detrimentum & diminutionem imperij sui Poloni ex pluralitate gubernatorum animaduertentes, comitijs generalibus celebratis, ad Cracum quendam siue Crocum, virum tunc temporis insignem de genere Cechij oriundum, sceptrum deferunt.

CRACVS PRINCEPS POLONORVM.

E Lucrata iugo multorum patria, CRACVM
Præsequitur obus lata lubensq; suis.

Finibus hic pepulit Gallos, qui nostra ruebant

In rura, exusta post mala Pannonia.

Inuitus regni tenuit quoque sceptrum Bohemi,

Et rexu geminum, carus viriq; solum.

Tunc habitasse draco fertur sub rupibus Vaneli,

Dirus vicini depopulator agri.

Sulphure facit quem CRACVS, monstro obijcit illo

Interijt ingens bellua victa cibo.

Conditur a CRACO CRACOVIA: fabula Grachi

Frinola Romani iam mihi, quæso, tace.

CRacus nepos Cechij Boemorum principis, ad imperij Polonici falces communibus omnium suffragijs euectus, finitimas gentes iam Polonis rebellantes, iugumq; excutientes coercuit, finesque regni ab omni insultu hostium tutauit. Gallorum copias prostrauit, quæ Hûgaria deuastata in Poloniam excurrabant. Tandem pacato armis imperio, desertaloca solitudinesq; agricolis adornauit, ciuitatem celebrem cum arce in scopulo Vanel dicto ad Vistulam fluium condidit, quam à suo nomine Cracoviam appellauit. In hoc autem scopulo draco ingens tunc

*Cracovia
Poloniae me-
tropolis à
Craco fuen-
datur.*

tunc temporis delitescerebat, qui sordido suo anhelitu cum esuriret, de antro prorepens multos velut peste quadam inficiebat, per ciuitatemq; & loca circumcincta grassando, omnia obuia deuorabat. Quæ ob causam incole ciuitatis ordinaria iumenta per diem ei ad antrum offerre cogebantur. Cracus igitur Princeps suorum exploratum statim videns, cum iam omnibus iumentis expilare non posset, pellē vituli excoctam, sulphure, nitro, pice infarcire iussit. Quod ubi hora consueta ad antrum draconis opponeretur, bestia prorepens, famelica, iumentum putans, venaculum illud deglutijt. Cumq; in eo illa materia igne sulphureo accedente accensa esset, de antro sese proripiens in Vistulam aquam tandem forbebat, quousq; medio creparetur. Cracus tandem princeps rebus imperij rectè dispositis, Cracoque & Lecho filijs, filiaq; Vanda relictis à vita sublatus est.

*Draco in
Cracovia.*

*Draco arti-
ficiose per-
emissus.*

I Vitis Craco gentili ritu persolutis, Poloni cōuentu celebrato, Cracum secundum, natum maiorem Craci filium, in solium paternum substituit, sed Lechus frater iunior ambitione tumens, inuidensq; illi imperium, inter venandum eum occidit, dixitq; falso lacrymas addens, eum equi lapsu, dum temere persequitur feram, dilaniatum, strangulatumq; esse, atq; hac arte callidus imperium assecutus est: sed paulo post dolo in lucem prodeunte regno pulsus, fugatusq; est.

*Lechus fra-
tre Cracum
trucidat.*

VANDA VIRAGO.

Connubij ob crebram virgo formosa repulsam
Teutonici bello VANDA petita ducis.
Hosti concreditur: vincit. Magno ille pudore
Incumbit gladio, se peremitq; suo.
At victrix: mea virginitas sit vltima vobis
O superi, per quos est mihi sospes, ait.

D. iij

*Rotogarieffugi thalamos: sic fata, sub alti
Seslunij rapidas precipitauit aquas:
Bastra Semiramide, Tomyrin Scythaq; ornet, vtrig;
Quam meus anteferat laude Polonus habet.
Aquentur regnis, aquentur Marie, licebit,
Aequari VANDÆ quæ, rogo, morte potest?*

ANNO à nato Christo 730. Vanda filia Craci in ordine ducum Poloniæ quarta, vnica legitima- que hæres regni, omnium acclamatione ad imperij fasces euehitur. Hæc summa prudentia, & rara fortitudine rem publicam (virginalem cœlibemque vitam ducens) strenuè gubernabat, non aliter atq; illa Penthesilea, Orithiaque. Erat autem formosa & pulcherrima nimis, vt pulcritudine sua plurimos principes ad se alliceret, & veluti hamo pisces caperet, vnde *Vanda vel Vonda* quæ dictio Slaus hanc quoque pisces capiuntur sonat, appellata est. Ritagorasigitur princeps Germanorum virtute illius, prudētia, atq; pulcritudine commotus, procos ad illam destinauit, sollicitans vt sibi nuberet, illa verò obstinatè connubium repugnando procos vacuos sæpius dimisit. Quapropter Ritagoras putans se ab ea contēptum, Poloniæ bellum indixit, terroreque & vi ad cōiugium eam cogi sperabat. Illa è contra impauida celeriter vnde cumq; auxilijs coactis, eum in conflictu bis capitali & cruenta clade fudit: ipse autem pernici fugae elapsus, præ pudore quòd virginis manu fusus fugatusque fuerit, nolens testē sui dedecoris Solem amplius esse, gladio proprio sese interemit. Vanda verò memorabili victoria Polonis relicta, prout dijs virginitatem deuouerat, volens voti compos esse de ponte

Vanda Ritagoræ Germanorum Principem fudit.

Vanda in Vistulam de pōre trium- phās desilijt.

ponte in Vistulam sese precipitauit, sicq; aquis obruta interijt. Cadauer illius repertū est in ostijs Dlubne vbi Vistulam influit, atque in scopulo vno milliari à Cracouia in Mogila gentili ritu sepulta est.

Demum post Vandam nullo successore legitimo existente, iterum duodecim Palatinos, vt vnusquisq; prouinciæ suæ præesset, Poloni elegerunt, vnde magnum detrimentum diminutioque regni, velut & prius subsecuta sunt. *Quæ enim in inimicos arma essent conuertenda, in se conuertebant:* ambitioneq; flagrant, mutuis cladibus inter se dissidebant, quæ de caussa Marcomanni, Hunni, & Germani, Poloni- am vndiq; angustabant.

Duodecim Palatini iterum.

PREMISLAUS SIVE LESKO primus.

Restituit patria magna viri interuam
LESCO suæ, miris vsus in hoste dolis.
*Sub nemore hostis erat: Lesko sub nocte silenti
Appendit galeas per nemus omne inbet.
Sed oritur, galeas accendit: id obuius hostis
In nemus, instructi militis arma putans.
Nil reperit: species quia Lesco remouerat illas,
Sic nostros Moranis terga dedisse putat.
Castramero celebrat, bellis securus: in antris
Lesco venit tenebris: castra sopita capit.
Æternumq; hosti dat somnum: longa Polonis
Otia: finitimis fœdera, iura, metum.*

ANNO Virginei partus 750. ex his bisseis Palatinis intestina bella mutuo mouētib; vnus Premislaus Lesko, non sua, sed patriæ commoda querebat. Cumq; Moravi Poloniam vastarent, ille p tem-

pore coacto instructoq; exercitu, hostes iam spolijs & exuvijs onustos ad sua reuertentes, insecutus est: in quos ad montem, ut dicitur Caluū, ubi nunc templum sanctæ Crucis conditū est, sub altis nemoribus castrametatos impetū fecit: statimq; se in abdita sylvarum cum suis subduxit. Hostes verò armis arreptis, in ea loca ubi Lesco eis se apparuerat venientes, neminem inuenerunt, perterritumq; exercitū Polonorum fugere credentes ad sua castra reuersi sunt. Cumq; iam tutissimè omnia agerent Baccho indulgentes, Premislaus nacta occasione ex abditis sylvarum cum suo exercitu, intempestiua nocte inopinatos, somnoq; oppressos Morauios, magna vi, à frōte, & à tergo inuasit: omnesq; ad vnū cruento pralio funditus trucidauit, & spolia captiuosq; recuperauit. Qua insigni victoria clarus, omniū suffragijs, preta pluralitate gubernatorum, regni habenis præficitur, multisq; egregiè gestis editis, ruinisq; patriæ magna virtute restauratis, absq; posteris è viuis decessit.

LESCO SECVNDVS.

*Atulit huic regnum variorum cursus equorum,
Et præter morem, Sors oculata suum.*

*Dignus erat regno, quamuis patre natus agrestis
Rusticus, & modici iustus arator agri.*

*Non bello quam pace minor: mireris in illo
Hoc, qui nulla vnquam nouerat arma, viro.*

*Ante oculos voluit monumentum vile prioris
Fortuna, sagulum semper habere suos,*

*Et tamen illius non legerat ille poeta,
Sarmatico dignum carmen in orbe legi.*

*Fortunam reuerenter habere, quicunq; repente
Dives ab exili progrediēte loco.*

Anno

A NNO à Christo nobis calitus misso 780. Premislaus Lescone absq; posteris decedente, de electione monarchæ voces communes, & sententiæ senatorum discrepabant: comuniq; omnium consensu, post multas litigationes, hunc modum eligendi principis constituerunt: columnam ante Cracoviam statuerunt, desuperq; diadema & sceptrum regale posuerunt, ac palam omnibus & singulis præconis proclamatione notum fecerunt, ut quicunque à flumine Pradnik dicto, equi sui celeriori cursu ad columnam subordinatam ceteros antevereretur, monarcha designaretur. Quidam igitur iuuenis infimæ familiæ, sed astutus & callidus, re diligenter considerata, clauos ferreos in via qua currendum erat occultè infixit, terraq; occultuit, præsignita sibi ad currendum via. Inter currendum autem equi omnium ferro subordinato faucij subliterunt, nemoq; ad columnam ex illa multitudine, solummodo ille peruenit: & sic principatu dolo acquisito, potitus est. Sed occulta fraus illico innotuit. Paulo enim post duo iuvenes ex plebe ludentes simbolo iacto, per illa loca cursu pedestri à flumine Pradnik ad columnam prædictam decertabant, ambobusq; faucijse effectis vnus lenius claudicans primus columnam attigit, socius verò suus clauos in terra considerans brauium ei denegabat: causamq; ad senatum detulit: ubi patefacta est peruersa astutia Lescij: qui dolo prædicto, ad regni fasces euectus erat. Omnes igitur nobiles & magnates de iniuria coram senatu expostulantes, Lesconem folio deiectum tractu equorum membratim dilaniari, dilaceratūque fecerunt. Ille verò qui ludendo pedester ad columnam venerat,

*Theatrum historiam
conij p. 737.*

Modus electionis certare equis.

Equorum cursus de imperio decertatur.

Dolus Lescij.

Dolus aperitur.

Premislaus fraudat.

*Premislaus
Morauios
prostravit.*

*Lesco plebe-
ius ad regnu
euehitur.*

Lesco secundus appellatus, communi omnium acclamatione regno praponitur. Hic quamuis plebeius esset, attamen talem se praeiuit, ac si regali ortus esset prolapia: idque totis diebus vitae suae diligenter observabat, quod ornamentis regis solenniter induturus, vestes quas olim ex villana gerebat, desuper indueret; pro monumento prioris vitae id habens: utque fortunam instabilem, quae sursum eleuatos ad ima deiicit, eluderet. Quam consuetudinem multi principes Polonorum solenniter obseruabant. Tandem Lesco plurimis heroicis gestis exactis, filioque huius nominis tertio relicto, vitam cum morte commutauit.

LESCO TERTIVS.

*Quam fuerit belli cupidus, quam Martis amicus
Iste, vel hoc signo discere quisq. potest:
Cum sub eo patrie pax arma quiescunt teneret,
Bellandi fieret nullaq. causa domi:
Impatiens otij, Gracos contra, atq. Latinos,
Pannonibus toties auxiliaris erat.
Viginti genitor varia de matre nothorum:
Infamat quantum tanta libido virum?
Saepe licet magna, post multa trophaea legantur
Et Cypria studijs incubuisse diuos.
Quod si defendi exemplo non possit Achilles
Lesco, & Alexandri, Mars quoque mæchus erat.*

Vnebribus exequijs Lesconi gentiliter persolutis, Lesco filius eius, huius nominis tertius in ordine Principum Poloniae septimus, monarcha saluatur. Hic à moribus paternis minimè degenerauit, omnes finitimos hostes sedauit. Imperiique sui fines

in

in pace & securitate cecurauit. Postea otij impatiens, Hungaris, Saxonibusq., aduersus Carolum Magnum Romanorum imperatorem auxilia suppeditabat. Tandem anno Domini 801. cum Boëmis, Pomeranis, Prutenisque à Carolo in Silesia cruento praelio ad Oderam fluvium prostratus est. Cui filius Popilius ex legitimo thoro natus (viginti enim illegitimoratos ex concubinis, Pomeraniae duces generarat) successit.

*Inter Pome-
ranos.*

POPELVS PRIMVS.

A Ne tibi lectum tantum, lasciuie, reliquit,
Non etiam clypeos, armaq. dura pater?
Et Veneri tantum iussit seruire? Gradino
Non etiam, o noster Sardanapale, suo?
Quandoquidem in fratrum tam multa gente tuorum,
Legitima solus coniuge natus eras.
Successisse etiam patrijs te laudibus æquum
Non tantum vitijs, imperioq. fuit.
At genitore tuo felicior, ipse fuisti,
Hac in tam rari parte, POPELE, boni:
Quod tibi tu similem genuisti; quig. putaret
A cuculo cuculum degenerare, nefas.

Popelus huius nominis primus Lescij tertij filius, qui à Germanis Offerich dicebatur: patre decedente, regni habenas regendas suscepit, anno Domini 815. Hic à virtute paterna degenerauit: in vrbe Cracouiensi sede spreta, eam in Gneznam, demum in Crusphiciam transtulit: ibiq. arcem in lacu Goplo condidit. Nil amplius de eo scribendum restat: cum nulla egregia gesta memoriae digna ediderit; semper enim libidinibus delicijsque indolgebat.

*Sedis trans-
lato.
Arx Goplo.*

Mos execra-
di sese Popu-
li.

Hac verò execrandi particula sepiissime utebatur, di-
cens: O utinam à muribus corroderet, quod quam-
uis non ipsi sed filio eius prout inferius dicitur con-
tingit.

POPELVS SECVNDVS.

*U*m timet hic regno pelli, vir inutilis, & cum
Coniuge consultat, quid male intus agat.

*V*im morbi simulat: patruos accersit, & illis
(*V*iginti fuerant) toxica mista dedit.

*O*nta cadaueribus vis murum erupit: & illum,

*U*xorem, natos, & indig. dente petit:

*D*ilaniat, frustra medios fugiebat in ignes,

*F*rustra in Goplas perfidus hospes aquas.

*D*iscite iustitiam, qui propter lucra paratas

*F*ertis, & exertas ad scelus omne manus.

*E*st Deus, est scelerum vindicta, est pœna malorum,

*V*nde putes minime posse venire, venit.

Anno salutiferi Virginis partus 830. Popelus se-
cundus, patri in regno succedens, à moribus
eius libidinosis minime degenerauit: postpositis-
que negotijs reipub. vanis otijs, choreisque, & deli-
tjs domesticis indulgit. Insuper nō ille sed vxor eius,
quam insano amore prosequabatur, pro sui peruer-
so arbitrio imperabat. Quapropter magnates & e-
quites regni, eum vt hominem nihili, *Sardona* pa-
lum Poloniz appellantes, spreuerunt. Popelus verò
re considerata, veritus ne Poloniam aliquem ex patruis
suis in locum suum substituerent: vxoris astuto con-
silio infirmitatem simulauit; patruosque omnes qui
viginti numero erant, principes Pomeraniæ accer-
siuit, & decumbens in lecto, obnixè ab eis rogauit,

vt

*A*stuta si-
mulatio in-
firmitatis.

*V*trum filium suum ex duobus, regno se deceden-
te praeferrent, quod libenter patri se facturos spo-
ponderunt, si magnates regni consenserint. Regina
verò interea poculum cum veneno mixto adorna-
uit, & unicuique bibendum pro sanitate regis obtu-
lit. Egressi illi à rege, maxima corrosione ex veneno
hausto excruciat, omnes pariter expirauerunt. Re-
gina autem cum letitia dixit, deos in eos quod ma-
lum regi, domino suo machinati fuerint, iuste ani-
mauertisse. Ideo cadauera eorum inhumata quasi
perfidorum, in lacum Goplo regina iussu, proiecta
sunt. Statimque Deus iustus vindex & ultor nefan-
di homicidij, murum vim numerosam, dictuque
horrendam, ex illis cadaueribus mira quadam me-
tamorphosi, excitauit, quæ regem in arcem laute con-
uiuantem, vxoremque & filios eius cum terribili stre-
pitu vndiq; inuaserunt: & neq; armis, neq; igne se ar-
ceri passa sunt. Rex metu inauditi inusitatisque pericu-
li perturbatus, in arcem quæ est hucusque in lacu
Goplo, iuxta Crusphiciam oppidum, cum vxore &
filijs profugit: mures verò adhuc plures terram &
aquas cooperientes, cum horridis libilis eum perse-
quebantur: Nauta præfens præ oculis exitium vi-
dentes, timentes ne in medio lacus nauem corrode-
rent, ad ripam otius appropinquant, aufugerunt.
Popilius quoque in turrim naturæ loci munitam, &
aquis opportunè circumfluam cum suis se recepit:
ubi cum vxore & liberis à muribus corrosus, con-
sumtusque est, vt ne monumentum quidem eorum
relictum fuerit.

*Grande tur-
peque faci-
mus.*

*Vide infra
tom. 2. p. 36*

*Mira iusta-
que vindi-
cta diuina.
Ex cadane-
ribus me-
res.*

*Popelus à
muribus et
vxore & li-
beris corro-
ditur.*

O Priscos hominum mores, ò nescia fastus
Simplicitas, ingens ò probitas, & amor!
Non puduit procures homini dare sceptrum Polonos
Qui modo cultor agri Crusphiciensis erat.
Ob solas virtutis opes, virtutis honorem,
Qua vir in exigua floruit ille casa.
Hoc orti de fonte duces, regesq; Poloni
Durare dies, ad Ludouice tuos.
Compita Crusphicia veterum, nostro estis in orbe
Euentu gemini nobilitata ducis.
Regnum ruricola deferri: a mure vorari
Regem: res aquo prodigiosa fuit.

Anno incarnationis diuinæ 842. Popilio secundo à muribus portetose absumpso, multa controuersia in Crusphiciensi conuentu de electione principis exorta sunt. Erat autem tunc temporis in Crusphicia Pyastus quidam vir simplex, virtute tamen & pietate præstans. Huic eodem conuentus tempore filius natus est, cui ad nomen solenniter gentili ritu imponendum, mellis mullati duo vasa præparauit, propter conuiuas tractandos, porcumq; mactauit. Interdum aiunt ad eum duos viros ignotos venisse peregrino habitu (quos Paulum & Ioannem martyres Romanos ferunt esse:) Hi in palatium ubi electio celebrabatur non sunt admissi, à Pyasto verò humaniter hospitio excepti fuere, infantemque natum gentili more subraferunt, nomenque ei Semouiti imposuerunt, & tandem discesserunt. Tunc temporis autem in Crusphicia ob magnum confluxum populi ad comitia electionis plurimi comæatus,

tus, pabulique penuria laborantes, ad Pyastum ut si bi aliquid pro victu venderet, veniebant, qui singulis gratis necessaria suppeditabat, quantum cuique opus fuerat, carnis autem suilla & mollis, panisq; copia, apud eum non deficiebat: nam incrementa omnium rerum à Deo copiosissimo largitore & remuneratore illi, procedebat. Omnes igitur manum diuinam cum Pyasto esse videntes, cõmunibus suffragiis & vocibus, monarcham eum salutant, regnumque oblatum, quamuis agresti familia natus, strenue cum summa fortitudine, & dexteritate viginti annis gubernauit, Postea 120. annis ætatis suæ exactis, relicto filio Semouito extremum diem clausit. Ex huius sanguine duces regesque Polonorum ad Ludouicum Hungarum usq; genus duxerunt.

SEMOVITVS.

Sic & Alexander inuenis vix illa suarum
Ingressus rerum limina magna perijt:
Vi SEMOVITE peris patriaq; relinquis acerbos
Mærores, instam mortuū ante diem.
Ense tuo eieci de nostro turpiter agro
Vltra Carpathium, Pannones usq; iugum.
Tot tibi soluit Pomerania victa tributum:
Pluclibus & nostris accola quisquis erat.
Quattuor annorum sunt, hac omnia, quid si
Non abrupta tibi tam citò vita foret?
Quamuis, quantumuis modica sub tempore vita
Maxima qui gessit, vixit abunde diu.

Anno humanæ redemptionis 895. Semouitus patri gentili ritu iustis persolutis, ad regni fasces euehitur. Hic insigni prudentia, fortitudineque, &

*Hospitalitas
largiremur
neratur.
Pyastus ru-
ricular regni
fasces obti-
net.*

*Virtus Se-
mouiti.*

providentia, populum sibi commissum regebat, omnesque hostes à finibus imperij sui sapissime fugabat, Hungaros, Boëmos, Castubios, Pomeranosque ad tributum sibi pendendum compulit, multisque præclaris gestis editis, quatuor in regno duntaxat annis exactis. Patria in pace relicta, immatura morte peremptus est, relicto filio Lescone quarto.

LESCO QUARTVS.

*Q*uam pater inuictis Semouitus fecerat armis
Pacem, Sanromatis attuleratq; suis:

Filius est illam miro complexus amore,

Et vite summam fouit ad usq; diem:

Vir cuius mores nemo reprehendere possit,

Aui nisi quem pugna classica bella iuuant.

Sed cur bella geras, frueris qui pace? quid aptes,

Contentus proprio qui potes esse, meum?

Gloria ad arma vocat multos, laudumq; cupido.

Spes præda multos diues ad arma vocat.

Viraq; bellandi causa iniustissima solam

Quæ pacem quarunt prælia, iusta voca.

Anno Virginei partus 902. Lesco quartus patri Semouito iuuenili ætate, in principatu successit, sub tutoribusque ad annos competentes erat. Postea imperium à patre pacificatum relictum, in pace à nemine laceffitus regebat, patrijs & auitis virtutibus correspondens, relictoque filio Semomislao immatura ætate è viuis decessit.

SEMOMISLAUS,

*V*ltimus iste fuit nostrorum ex ordine regum,
Iunari falsos qui colere deos.

Huis

Huic peperit coniunx oculorum luce carentem

Heredem: sterilis cum foret ante diu.

Moserat infanti, vita ut compleuerat annum,

Ludere, quod vellet nomen habere pater.

Ergo dies venit simul illa, recepit ocellos,

Ostentum dubia plebe stupente, puer.

Resca signabat, discussa nocte POLONOS

Visuros lucis lumina vera noua:

Visuros illo CHRISTVM sub rege negemus,

Quod bona præstiat quæque futura DEVS.

Anno à Christo nato 921. Semomislao patre è viuis decedente regni habenis præficitur. Hic etiam ex auitis moribus minimè degenerauit, filium vix in tenebrotate & ipsum cæcum obtinuit, cumque in Gitezniam primates & equites regni ad subradendum nomenq; imponendum filio gentili ritu conuocaret, Mielconem eum appellârunt. Postea conuiuio indulgentibus in primo mense accubitu, nunciatum est patri, filium cecum visum recepisse, omnibusque conuiuis attonitis, cum claris apertisq; oculis infans affertur. Cumque rex ab ariolis sciscitare-
tur quid hoc sibi vellet, responderunt, sicut hic infans
gratia deotum est illuminatus, sic per eum Polonia
in breui illuminabitur, quod & factum est. Tandem
Semomislao finibus imperij in pace relictis vitam
cum morte transmutauit.

Semomislao
filius cæcus
nascitur qui
postea illu-
minatur, si-
guram illu-
minando
Polonia per
Euangelium
præfugiens.

MIESCO PRIMVS

Christe, sub hoc ad nos venisti principe, ab hoste

Possessas Stygio commiseratus oues.

Cesserunt idolatri: Mars, Lada, Gemelli,

Cynthia, Pluto, Ceres, Iupiter, Aura, Venus.

E ij

*Fœmina te nobis ostendit prima, Bohemo
Sanguine: prima crucem nos docuit, tuam.
Sic tu prima quidem nobis es caussa salutis,
Ipse DEVS, mulier, caussa secunda fuit.
Illa tu ingi Mesconem fonte maritum
Fecit: terra suum est tota secuta ducem.
Plurima tunc data sunt tibi templa, nonemq; cathedra,
Et, quas sacrifici dilapidamus, opes.*

Anno domini 962. Miesco qui erat cæcus natus, patri ex more funebribus exequijs peractis; communi omnium acclamatione in monarchiam Poloniae eligitur. Hic concubinas septem habuit, nullam tamen ex illis fœcundauit, quam obrem maximo mœrore discruciabatur. Quapropter frequenter à quibusdam Christianis sollicitabatur, ut Christo cum sua gente nomina daret, si velit eam sobolem à Deo obrinere. Christianorum itaq; persuasionibus adductus, procos ad regem Bohemie Boleslaum, qui fratrem germanum diuum Venceslaum nefarie occiderat, destinauit, matrimonium filie eius expetens: cui rei Boleslaus libenter annuit, hac conditione si sacrum baptismum cum suis susciperet. Miesco itaque cum vniuersa gente, sua alacriter baptisatus est anno Domini 965. Miesconisq; priori nomine immutato, *Mieczslaus* appellatus est, quasi gladio nomen acquirens clarum. Mandauitque confestim omnibus & singulis suo imperio subiacentibus, die septima Martij, idola omnia vanorum deorum

*Poloni fidei
Christi am-
plexantur.*

*Idola demo-
luntur.*

*comminuere, demolire, igneque consumere. Nam antea quasi libet vanas creaturas Solem, Lunam, Auram, quam *Pogwid* appellabant, cultu diuino prosequi. Quod volunt hoc factum in Dominica celebrantur. Vita Strigani: Festum conc: q. in exordio pag 42. b.*

bantur. Præterea Iouem quem illi *Jessam*, Plutonem quem *Lacton*, siue *Lactonem*, Cererem quâ *Niam*, cuius templum Gneznæ celeberrimum erat, Venerem quam *Marzanam*, & Dianam quam *Zienoniam* gentili lingua appellabant, Lælum quoque & Poletum Romanis Castorem & Pollucem appellatos, pro dijs colebant. Et adhuc in comotationibus illa gens nomine eorum utitur, Lælum Poletum vociferantes. Solebant autem viri, mulieres, iuuenes, & senes horum deorum suorum, diebus festis ad lusus & choreas pariter conuenire, maximè verò 25. die Maij, & 25. Iunij. Quam congregationem populi *Stado*, id est, agmen appellabant, quod adhuc apud Ruthenos & Lituanos passim in villis obseruari videtur. Post dominicam enim conductus Paschæ ad diui vsq; Ioannis Baptistæ festum, mulieres & virgines diebus festis ad choreas turmatim conuenire solent; *Ladonemq;* canentes, & *Lado Lado* frequentius ingeminatis manibus, complaudentes in gyrum choreas ducunt. In Silesia quoque confini Poloniae 17. die Martij, quo videlicet tempore hæc idola demolita sunt, pueri in villis & oppidis ex more recepto simulacrum quoddam, ad similitudinem mulieris conficiunt, opidoque turmatim egressi quandam cantionem ingeminantes simulacrum illud de Ponte in flumen præcipitant. Expurgata itaque ab idolis Polonia Mieczslaus princeps, ad euidentius signum Christianitatis instituit, ut infra officium Missæ, dum Evangelium prælegeretur, singuli virorum ad medium gladij vaginis depromerent, quo se restaretur propter Evangelium Christi ad mortem vsque decertare paratos esse. Multas ecclesias, paræcias & episcopatus

Ritus religionis gentilis Polonorum.

Mos Silesiacus

Mos Polonorum antiquus infra lectionem Evangelij.

fundauit, copiosisque prouentibus ditauit. Ex vxore Bohema *Dambrowka* dicta, filium Boleslaum Chabri suscepit, quæ post partum pauld post decessit, Gneznæ sepulta est, alteram verò Mieczslaus in matrimonium accepit, Iuditham filiam Iesæ principis Hungarorum, quæ ei filium Mieczslauum genuit. Tandem multis Christianitatis monumentis in Polonia relictis, è viuis feliciter migravit. Destinauerat quoq; legatos ad summum pontificem Benedictum, diadema regium ab eo postulans, quod illi denegatum est, suspicabantur enim nondum eum perfectum Christianum esse.

BOLESLAVS CHABRI, PRIMVS
rex Poloniæ.

*V*ici, deuictos cepi cum rege Bohemos,
Subieci Morauos, Saxoniosq; mihi.
Cassubios, populosq; freti cis littora nostri,
Et Prussos, dubia teq; Ruthene, fide.
Imperij fines positos ex ero columnis
Signavi, Hieronlem sic imitatus opus.
Nec mihi templi minus cura, quam castra fuerunt;
Hac quoq; laude patri cedere nolo meo.
Regia ab egregio sortitus stemmata Othone
Sum Gneznæ (Gneznæ, tunc meus hospes erat)
Que quicumq; fac sis hoc dignus honore,
Quo tunc, magno iudice, dignus eram.

*A*NNO à Christo nato 999. Boleslaus huius nominis primus ab heroicis gestis Chabri appellatus, Mieczslai filius natu primus, communi omnium acclamatione in fasces regni euehitur. Corpus diui Alberti episcopi Pragenfis, ex Prussia in

Gne-

Gneznam magno cum labore honorifice translatus, quem gētiles Pruteni, iuxta Saurum flauium prope oppidum maritimum Feselaus, saluifera pabula animæ ferentem, crudeliter occiderunt, ad eius busta Gneznæ plurima miracula, virtute diuina edita sunt. Eodem tempore Otto tertius, Romanorum imperator, acerba infirmitate pressus, itaque animam agens, audiens tanta miracula ad sepulcrum diui Alberti in Polonia fieri, voto voluit se busta illius, si de infirmitate leuaretur, accessurum, atq; statim post votum promissum, sanitatem integram diuinæ benignitate recepit. Cumq; vota persoluturus religiosus imperator ad Posnaniam urbem maioris Poloniæ appropinquaret, Boleslaus splendido equitatu nobilium & magnatum Poloniæ cinctus, obuiam ei processit, honoremq; vt Casari hospiti exhibens, varij coloris pānos preciosos, sericeos quoq; & id genus alios in via per 7. miliaria Polonica, à Posnania in Gneznam usque sterneret fecit, & vltro citroque data salute, illa insigniter strata via vterque manibus iunctis, multa inter se cōferentes, pedestri itinere ad Gneznam usq; peruenierunt. Ingressus itaque deuotus imperator limina templi, pronus pro uolutus ad sepulcrum diui Alberti, ardētē corde Deo omnipotenti, quod mirabilis sit in sanctis suis, gratias agit, votoq; persoluit. Tandem honorificentissime sumptuosissimeque per aliquot dies, à Boleslao tractatus, multisque & splendidis muneribus ab eo donatus est, quibus hospitalitatis officijs Otto in se exhibitis consideratis, Boleslaum eodem in templo Gneznæ imperiali diademate solenniter coronauit, cumque regem Poloniæ declarauit, & in

Prussia in Gneznam transferunt.

Otto imperator ex voto diuo Alberto factus sanatur.

Otto imperator in Poloniam venit.

Boleslaus Casari splendēte honorem exhibet.

Otto Boleslaum Poloniæ regē creat, suūq; diademate coronat.

*N^o
Romanorum in
Polonia quod
olim addita fuit.*

æternâ authoritate imperiali confirmavit, ab omnibusque tributis & obsequiis Romanis imperatoribus pendendis, posteros eius omnes in regno sibi succedentes immunes fecit. Deinde in digressu quo evidentius vinculum societatis inter se cōciperent. Otto imperator Boleslao nouo regi lanceâ sancti Mauricij, clauumque de cruce Christi donauit. Boleslaus verò vicissim illi brachium sancti Adalberti promunere hospitalitatis dedit, quod Romæ in templo diui Bartholomæi imperator posuit. Insuper vinculo consanguinitatis sibi iuncti sunt. Otto enim neptem suam, filiam Palatini Rheni, nomine Rischâ, in matrimonium locauit. Tandem imperatorem ad sua reuertentem Boleslaus cum insigni pompa, splendidoque equitum & magnatum Poloniæ agmine, ad terminos usque regni sui, honorifice deduxit.

Hic primus rex Poloniæ omnia, summa cum prouidētia & fortitudine administravit, supra modumque bellicosus extitit. Marte enim felici omnes finitimos hostes frequenter strauit, regnaque eorum sapius, nullo repugnate, peruastauit; Bohemiæ regem Boleslaum cum innumeroso exercitu fudit, regnumque eius, nullo repugnate infestis armis vastauit; & ipsum captum execrare fecit. Iaroslauum quoque ducem præcipuum Russiæ validissimo exercitu fretum insidiosè contra se procedentem, memorabili, cruentaque clade, prostrauit; Kiouiam urbem Russiæ metropolim cepit, indeque thesauros ingentes asportauit, & omnes principes Russiæ tributarios sibi effecit. Prutenos, Saxones, Cassubiosque, & Pomeranos debellauit; cum Ruthenis ad fluuium usque Tyram, & Borysthenē fines suos posuit; cum Prutenis, Cassubiisque,

*Boleslaus
Bohemos,
Russos, Pru-
tenos & Po-
meranos
stermis.*

que, & Saxonibus ad fluuium Albim, usque ad mare Germanicum siue Balticum imperij sui terminos constituit, Herculemq; imitatus, ad perpetuam rei memoriam columnas areas illic collocauit. Sicque imperio suo amplissimè dilatato, relicto Miescone filio è viuis decessit.

*Boleslaus
fines imperij
sui prolatat.*

MIESCO SECVNDVS.

*Degener, imbellis, gula, crapula, fardibus, uxor
Uxor totius formica, turco nihil.*

Hic erat, uxor erat, rex, princeps, omnia, nostrum

Asperius quouis angue perosa genus,

Teutonibus tantum aqua suis: quam credis ab illa

Tractata est miseris terra Polona modis?

Tunc Boleslai nobis periēre labores,

Ruperunt nostrum regna subacta iugum.

Virapuit tantum mors fausta phrenitide regem,

Pellitur è regno, rixa fugitque suo.

Dant pœnas scelerum: furor hunc, dolor abstulit illam,

At longo fato dignus uterque fuit.

ANno Virginiei partus 1025. Miesco II. patre defuncto, ad regni habenas moderandas euehitur. Hic ex moribus patrijs degenerat: postpositisque negotijs reipublice cōiugis consilio utebatur, & imperium à patre amplissimum relictum, suis libidinibus diminuit, debilitauit, laboresque patrios perdidit. Tandem ab omnibus spretus, infirmitate correptus, relicto Casimiro filio, è viuis decessit.

Mortuo igitur Miescone, multæ controuersie circa electionem principis exortæ sunt. Quidam enim ad Casimirum filium eius sceptrum deferenda volebant: cæteri verò timentes ne mores paternos peruerfos

*Miesco dege-
neratur.*

*Regina cum
filio Casimiro
exulat.*

sequeretur, huic sententia acerrimè repugnabant. Tandem regina Mielconis regis relicta, videns se à Polonis spretam, ad fratrem Cæsarem in Saxoniam, accepto Casimiro filio, coronaque regni & ingentibus thesauris regalibus sublatis profecta est. Interim filium Casimirum studendi gratia Parisios misit, ubi tandem in monasterium Cluniacense ingressus, sacris initiatus est. Poloni verò multis annis hære de legitimo orbat, cum sui & rei publicæ ingenti detrimento, in Gallia eum quærere coacti sunt, qui eis multis de causis denegabatur ab Abbate Monasterij. Tandem vix magno cum labore impensisque Polonorum, per Benedictum nonum pontificem à professione absolutus est, pœnitentia Polonis indicta, pro eo quod dominum suum heredemque legitimum expulerint, ut ab una quaque persona quotannis obulum unum Romano pontifici penderent, quod vocatur debitum sancti Petri. Item ut singuli viri crines supra aures tonderent. Deinde ut præcipuis festis diebus linteo albo pro cingulo vterentur.

*Debitum
S. Petri.*

CAZIMIRVS PRIMVS.

INnocentius cum matre puer CASIMIRVS eodem Exilio, matris crimine, pulsus erat.

Cluniaci placuit sibi vita monastica: seruus Quam cuiusquam hominis, maluit esse Dei: Nos sumus interea sine principe subditi cunctis Terra, dolor fuerit, quæ numerare malis.

Reddimus eiecto regnum, multa ille reuersus Restituit melior vix patre, dignus ano.

Maslaum domuit cinili Marte furentem, In reliquos mansit pax sibi grata dies.

Quid

*Quod Deus innocuis adsit, quod corruat insons,
Maiori ut surgat laude: videre potes.*

ANno Domini 1041. CAZIMIRVS huius nominis primus, è monasterio acceptus, Mielconis secundi filius, tertius rex Polonia, Gnezna comuni omnium applausu sacro diademate coronatur. Hic primum in latrones depredatoresque qui tunc temporis in regno passim latrocinabantur animaduertit. Demum regiones tributarias à regno deficientes adiugum pristinum redegit. Maslaum ducem Maslonia bello furentem intestino, cum Prutenis & Piecingis conspirantem, ad Vistulam fluium cruento prælio prostravit, iuxta Ploesko ciuitatem. Tandem Maslaus exercitum coëgit: sed iterum à Casimiro funditus fusus, desperatis suis rebus ad Prutenos profugit, ubi varijs tormentis examinatus laqueo vitam finiuit. Ab hoc Maslao Maslonia appellata est. Postea Casimirus pacato vndique regno, relictisq; tribus filijs, Boleslao, Vladislao, Mielcone, & filia Suuatochna, extremum diem feliciter clausit. Monasterium in Tyniecius Regulæ quam ipse olim profitebatur, regalibus, sumptuosissimisque immunitatibus & bonis opimis fundatum dotauit.

*Casimirum
Maslaum
cum Prutenis
bello cit.*

*Maslonia
denominatur.*

BOLESLAVS AVDAX.

Quam bello magnus, quam magnis strenuus ausa Boleslaus erat: tam truculentum erat.

Vastauit Moranos, Hunnos, te Russe, Bohemos, Vastauit patria nec minus arua sua.

*Cuncta libidinibus complebat, cuncta rapinis,
Cuncta ignominis, sanguine, cuncta metu.
Pontificem secuit frustratum recta monentem:
Vrbis pontificem, maxime Crace, tua.
O scelus, o portentum, o nostri infamia regni,
Non tibi sacrilega tunc cecidere manus?
Unde, & ubi perijt, ne iam dubitate Poloni,
Raptum sub Stygijs obruit orcus aquis.*

ANNO salutiferi Virginei partus 1068. Casimiro Bolelaus filius ab heroico animo Audax appellatus, communibus omnium suffragijs, rex declaratur. Huic statim Vratisslaus Bohemię rex bellum indixit: infestisq; armis in Silesiam vastaturus excurrit. Bolelaus re comperta, armato milite cinctus, celeriter contra eum contendit: cuius aduentu Vratisslaus perterritus, relictis castris terga pudenda dedit. Bolelaus verò eum in meditullium Bohemię persequens, eam vndique peruastrauit: spolijsq; multimodis onustus, ad sua nullo repugnante reuersus est.

Postea anno sequenti, Bolelaus validioribus copijs coactis, Morauiam, Bohemiamq; iterum infestis armis peruastrauit: donec eū Vratisslaus Bohemię rex, maius periculum timens reconciliauit. Perdomitis igitur ab vna parte Bohemis, & Morauis, a Prutenis tandem & Pomeranis infestatur: quos Bolelaus ad fluuium Ossa vndiq; circumuentos, ad interuicem prostrauit, & deleuit: Pomeraniamq; & plurimas munitiones Prussię, ditioni suę subegit: & ipsos Prutenos sub iugum compulit, anno domini 1059. Interea Bela heres regni Hungarię, ad Bolelaum

*Bolelaus
Bohemiam
vastat.*

*Iterum Bo-
hemiam in-
festat.*

*Pruteni cū
Pomeranis
victi & bel-
licose Bole-
laus sunt.*

lelaum exulans profugit: auxilium contra fratrem Andream (a quo regno pulsus erat) implorans. Bolelaus itaque infestis armis in Hungariam cum Bela cōtendit: Henriciq; imperatoris copias, Bohemosq; & Teutones, partes Andreę defendentes profligauit: vbi & ipse Andreas rex interemptus est. Sicq; Bela auxilio Bolelai ad regnum peruenit. Bolelaus verò rex in Poloniam reuersus, vnicam heredem ducum Russię, Viseslauam nomine, in matrimonium accepit, iureq; dotis Ducatus quosdā Russię acquisiuit. Kiouiam quoque metropolim Russię vicepit, vbi hybernum tempus transegit, vniuersamq; Russiam terrore suo compleuit, & cōcussit, adeo vt complures duces (parum se tutos in Russię putantes) fugā in Grāciam adornauerint. ciuitates omnes oppidaq; & munitiones plurimę, vltro se ei dediderunt. Postea Pramissiam ciuitatem celebrem, vnam ex Ducatibus Russię expugnauit, & exussit, sed arcem propter exundationem fluuiorum, capere non potuit: quę ei postea certis sub conditionibus dedita est. Tandem in Hungariam cum exercitu profectus, inimicitias inter Bela heredes, & Salomonem Hungarię regem composuit: exinde recta in Russię reuersus, Volodimiriam & Chelmiam ciuitates cum suis prouincijs occupauit: postea totum Ducatum Volhinię cepit. Inde recta in Kiouiam exercitum duxit, vbi Suuatoslaum principem Russię cum ingentibus copijs sibi insidiantem cruento prello profligauit, fugauitq; ac omnes vires Russorum prorsus debilitauit, multumq; temporis in Kiouia transegit, vbi in delicias libidinesq; venereos, & cetera vitia prolapsus est. Postea septennio in castris exacto in Polo-

*Bolelaus in
Hungaria
triumphat.*

*Russię Sa-
stat Kiouia-
que capit.*

*Pramissia
dedita.*

*Hungariam
petit.*

*Poloniam
expugnat.
Suuatoslaum
fugat, su-
ditque.*

*Episcopum
Craconie di-
um Stan-
slau occidit.*

*Boleslaus
exulat Go-
lunariis.*

niam reuersus, diuum Stanislauum episcopum Craconensem occidit, membratimque dissecare fecit: cuius postea corpus diuina prouidentia insimul compactum coactumque, & honorifice sepultum, multis miraculis claret, prout latius in Polonorum Chronicis patet. Conscius itaque Boleslaus perpetrati facinoris poenitentia adactus, cum filio Miecislao regno relicto in ignotas regiones profectus est: ubi in habitu peregrino vitam clauit. Filius verò Miecislauus postea in patriam reuersus est.

VLADISLAUS HERMANNVS.

Plurimare scidit fratris decreta tyranni
Hermannus, Latio par pietate Numæ.
Hunc spurcius vetitis vexauit filius armis,
Sed pius arma tulit propietate Deus.
Vincitur impietas Goplea ad stagna paludis,
Induit inq; feras debita vincla manus.
Dic, qui multa legis, quot dignos laude, piosq;
Legeris, historia per genus omne nothos?
Telogonus, qui pisce patrem obiruncavit Ulysses,
De turpi Circes natus amore fuit.
Proditor & Aneas patria est, ne crede Maroni:
Romulus occisor fratris: vterq; nothus.

Anno à Christo nato 1082. Vladislaus Hermannus fratri Boleslao in regno successit. Hic ex Iuditha Vratislai regis Bohemorum filia, filium Boleslauum tertium suscepit, Krziuuousti ab ore recuruo appellatum. Ex secunda verò vxore, Henrici 4. Romanorum imperatoris filia, tres filias produxit: multas ecclesias monasteriaque construxit & ditauit. Prussos, Pomeranosq; rebelles cruento prelio penes

fluuium

fluuium Druuicza profligauit, ad deditionemq; coegit. Interea Bratislaus, Bohemorum princeps videns regē bello in Prussia occupatū, magna damna Poloniae intulit. Rex itaq; Sieciechum Palatinū Craconensem cum filio suo Boleslao nouē annos habēte, contra hostes destinauit, quos vnā cū principe Bratislao strenuē fuderunt: & Morauiam vndiq; ferro & igne vastātes peragrarunt: spolijsq; multis onusti, in pace ad regē reuersi sunt. Tandem nunciātū est Hermannō regi, Pomeranos fœdifiagos Miedzirzece arcem munitissimā in finibus Saxonie interceptisse. Boleslaus igitur 12. annorum munitis patre obnixus cum lacrymis sollicitat, ut sibi copias propter recuperandam arcem cōmitteret, cuius audacie, prouidentie, animositateq; rex admirās, legionem vnā cum certis rectoribus illi cōmisit, cetero exercitui Sieciechū Palatinū Craconensem praefecit. Arcem itaq; obsessam fortiter oppugnauit: sed quia in loco natura munitissimo sita erat, ideo incassum laborabāt. Qua de causa dux exercitus obsidionē soluere suadebat: sed Boleslaus regius filius à proposito eū retraxit, & militibus confirmatis domos & tuguriola circa arcem, hyemis tempore imminente, erigere iussit, ut videretur arcem se per hyemem oppugnare velle. Qua re conspecta, Pomerani obsessi ad Boleslaum cum muneribus supplices veniunt, se & sua ei offerentes: Quos ille liberos dimittens, arcem recuperat: prudentiaque sua omnia damna à Pomeranis illata resciscit; ad patremque ingenti cū praeda ouans, reuertitur. Postea Hermannus senio confectus, multis fortibus, preclarisq; gestis exactis, vitam cum morte feliciter commutauit.

*Prussos Her-
mannus &
Pomeranos
domat.
Bohemia à
Polonia ca-
statur.*

*Miedzirze-
ce interce-
pta.*

*Assueti op-
pugnatio-
nis.*

*Miedzirze-
ce à Polo-
nia recupe-
ratur pru-
dentia Bo-
leslai.*

BOLESŁAVS KRZIVOVSTL

Hic quinquaginta pugnavit pralia, signis
Collatis, casu non variante fidem.

Pugnavit quoties, toties & vicit: eorum

Nomina quos vicit, quod breve claudat opus?

Caesaris Henrici magnas fuisse cohortes,

Sat sibi, si deessent cetera, laudis erat.

Morore interijt: quod prorsus inermis ab hoste

Ædifrago victus fraude, doloq, semel.

¶ modo Pompeij numeram mihi Roma, triumphos,

Nos Bolesłai pralia: maior vter?

Pompeium Caesar bello prostravit aperto:

Fraus potuit nostrum vincere sola ducem.

Anno domini 1103, Bolesłaus Krziuvostis ab ore
recurso siue retorto (quod ex morbo contra-
xerat) appellatus, patre è viuis sublato, communi o-
mnium applausu, regni habenis præficitur. Hunc
Zbigneuius monachus, frater illegitimus sceptrum sibi
invidens, in primis laceßiuit: Boriuiumque Bohe-
miæ regem, & Suatopolkum ducem Moraviæ, con-
tra eum commouit: quos Bolesłaus egregiè per Ze-
lislauum ducem exercitus sui profligauit. Anno dein-
de sequenti validioribus copijs coactis, in Morauiam
excurrit, quam nullo repugnante, ferro, & igne, per-
uastauit. Terriò Bolesłaus exercitum in Bohemiam
& Morauiam duxit: dumque agrum hostilem vndi-
que armis & flamma peragraret, Bohemi ex insidijs
in loco arctissimo in eum impressionem fecerunt.
Rex verò strenui militis & imperatoris officium a-
gens, vnum ex hostibus primus gladio interemit.
Derfniak quoque eques Polonus, secundum hasta

Zbigneuius
monachus.

Zelislauus
Bohemus
Morauosq,
profligauit.

Bolesłaus
Morauiam
Bohemiãq,
vastat.

transiit. cæteri Poloni animosiores effecti, Bohe-
mos fugientes insigni clade profligârunt. Tandem
Bolesłaus Pomeraniã armato milite aggressus, eam
vndiq; peruastauit: plurimisque oppidis & munitio-
nibus occupatis, spolijs onustus, ad suos reuersus est.
Accidit autem dum, post hæc insignem victoriam, in
felto dedicationis templi apud quendam nobilem
conuiuium celebraret, recreationis gratia, centum
duntaxat equitibus cinctus, venatum processit: vbi
tria millia Pomeranorum insidiantium incidit, in
quos ipse rex veluti leo rugiens, primâ impressionem
fecit: tribusque interfectis, suos animosiores reddi-
dit. Quidam verò Pomeranus in ipsum regem colli-
mans, equum sub eo transiit: attamen à persequen-
dis hostibus equo altero naçto, haud destitit: donec
multo cum labore à tanta obstinata audacia vix re-
tractus fuerit: victorque ad suos conuiuentes, pro-
fligatis hostibus redijt. Interea Boriuogius rex Bohe-
miæ exulans ad eum venit, auxilium contra Siuato-
polgum nepotem suum implorans, quem Bolesłaus
in regnum reduxit, Bohemiamque peruastauit. Tan-
dem in Pomeraniã expeditionem adornauit, qua
vndiq; peruastata, Bielgradũ arcem munitissimam
cum ciuitate, & multitudine Pomeranorum, expu-
gnauit: cætera autem ciuitates & munitiones, vtpo-
te Camenecia, Golimberg, Vielim, Czarnkouia, li-
benter sese ei dederunt. Postea Bolesłaus irritatus
Bohemiam deuastauit: Zbigneuiumque & Gueuo-
nirum Pomeraniæ Duces rebelles, & ædifragos,
fudit cepitque.

Henricus 4. Romanorum imperator, Bolesłao
ob damna Bohemis sapissime illata inferius, cõiun-

F

Bohemis pro-
fligantur.
Pomeraniã
vastauit &
Bolesłao.

Bolesłaus
strenue di-
micat.

Bohemus
auxilium
impetrat.

Expediit
Bolesłaus in
Pomera-
niã.

Henricus 4.
Caesar in Bo-
lesłauum ar-
ma extollit.

*Boleslaus
repugnat.*

*Conditiones
latur à Bo-
leslao si quis
Bohemiarum
occiderit.
Bohemia
rex occide-
tur.*

Arma Oxa.

*Acceperit me-
morabile
certamē Bo-
leslai cum
Henrico Ca-
sare.
Henricus
Casar fudi-
tur & fuga-
tus.*

Etis viribus cum Suuatopolgo rege Boemiae, validis-
simas copias contra eum in Silesiam duxit, Lubusa-
que ciuitate expugnata, Glogouiam urbem Glogou-
ienſis Ducatus sedem, acerrimè, frustra tamen op-
pugnauit: magna & crudeli strage in militibus acce-
pta. Boleslaus quoque valida Polonorum manu sti-
patus, contra imperatorem & Bohemos processit:
& in exercitu suo proclamari fecit, vt quicumque se
talem virum praeberit, qui Suuatopolgum Bohe-
miae regem occiderit, ille dono insigni in sempiter-
num cum posteris suis remuneraretur. Vnus igitur
Bohemus in castris Polonicis militans conditionem
datam accepit, explorataq; habens castra Bohemo-
rum ad tentorium vsq; regium peruenit, & horribi-
liter in vocem prorupit dicens, Fuge, fuge o rex. Mul-
titude enim Polonorum nos vndique inuasit: re-
gem itaque ex tentorio profilientem lancea transfi-
xit, & ad Polonos frustra insecutus aufugit, ac mu-
nera promissa stemmaque Oxa dictum securim vi-
delicet accepit, & in magnam familiam Poloniae ex-
creuit. Henricus tamen imperator magna damna
Polonis in Silesia exercuit, quem cum Boleslaus ad
amicitiam iustis conditionibus perducere non pos-
set, armato Polonorum milite accinctus, in aurora
impetum in Caesarianos fecit, distantia vnus millia-
ris à Vratiflauia vrbe Silesiae, sicque ad vespem vs-
que acriter decertabant. Boleslaus autem cum for-
tiori agmine Polonorum & Silesianorum in acies
Caesarianas à latere irrumpit, totumq; exercitum disper-
sit, fugauit & ad internitionem prostrauit, vt ipse im-
perator fuga sibi consulens vno duntaxat seruo com-
mitatus vix euaserit. Poloni vero spolijs exuijsque occi-

occisorum ditati victoriae palmam obtinuerunt, ad-
huc locus in quo conflictus erat Polonicè, *Psie pole,* *Psie pole.*
id est, caninus campus appellatur: nam illic multitu-
do canum ad cadauera humana confluxerat, vt mul-
to tempore vix praetereuntes tuti transire possint.
Tandem anno sequenti Henricus imperator expe-
ditionem Romam versus obuiam summo pontifici
adornabat, timensque ne Boleslaus se absente pro-
uincias suas vastaret, legatos ad eum destinauit, ro-
gans eum sub certis conditionibus habita dignitate
imperatoria, vt ad se Bambergum veniret, promit-
tens illum huius conditionis nequaquam poenituisse.
Vbi Boleslaus veniens imperatori omnia obse-
quia ad quae praestanda attrahebatur, in perpetuum
renunciavit, abdixitque & consanguinitatis vinculo
(vt fit inter pacificantes principes) sibi iuncti sunt.
Boleslaus enim sororem imperatoris Adchleydam
nomine, Vladislaus vero filius eius Christinam filiam
eiusdem imperatoris in matrimonium accepit, sicq;
pace composita captiuos vtrinq; restituerunt.

*Poloni tri-
umphant.*

*Henricus cu
Boleslao a-
micitiam
inire optat.*

Anno deinde Christi 1113, Pomerani & Pruteni
postposito iuramento inopinate in Massouia Du-
catum excurrerunt, regionemque totam infestis ar-
mis peruastrauerunt, sed eius orae praefectus hostes
cum spolijs reuertentes inopinate aggressus, omnes
trucidauit & spolia abegit. Hac perfidia Pomerano-
rum Boleslaus exacerbatus, instructis copijs contra
eos processit, Nakloque arcem in qua erant 10000.
Pomeranorum graui obsidione cinxit, sed obsessi
ad quindecim dies inducias impetrauerunt, hac con-
ditione, vt si intra concessum tempus nullum auxi-
lium à suis haberent. Interea vero nunciatur Bole-
slao obsi-

*Pruteni &
Pomerani
fatis agri
trucidantur.*

*Naklo obsi-
detur.*

*Pomerani
vincuntur.*

*Iterum Po-
merani ster-
nuntur.*

*Boleslaus in
Dantiā na-
uigat.*

*Rutheni in
Boleslaum
conciantur.*

*Insidia Bo-
leslao pa-
rantur.*

flao, Pomeranorum & Prutenorum quinquaginta millia in subsidium obsessis clanculum per sylvas aduentare. Quorum castra Boleslaus explorata habes, à fronte & à tergo in eos impetum fecit, omnesque inopinato funditus prostrauit, quorum 4000. caesa sunt, ceteri capti & fugati. Nakloenses verò se & artem cum ceteris ciuitatibus regni vltro dediderunt. Postea Pomerani cū Prutenis vires magnas insimul coniunxerunt, omnes tamen à Boleslao velut à leone fortissimo iugulati, princepsque eorum perpetuis carceribus mancipatus est. Rex itaque rebus in Pomerania & Prussia rectè constitutis, expeditionem in Dantiā regionem trāsmarinā nauali classe adornauit, anno Domini 1124. vnde thesauros ingentes abstulit, regnum verò vltro oblatum respuit, & thesaurarium regni Danici cum tota familia in Poloniam transtulit, cuius posterī hucusque in Polonia & Prussia celebres restant. Duninique à Dania vocantur. Boleslaum itaque è Dania in Poloniam reuerentem principes Russiē seditiosi bello appetierunt, & quo magis eum irritarent, principem Haliciensem consanguineum regis expulerunt. Quos Boleslaus egregiè vltus est, Præmislensemque ducem cum ingenti exercitu prostrauit, vbi tres duces Russiæ in conflictu occubuerunt. Postea Iaropolhi ducis Kiouia consilio astuto omnes principes Russiæ aduersus Boleslaum regem conspirauerunt, utque eum facilius sub prætextu amicitia obruere possent, legatos ad eum destinauerunt, obstringentes se omnes tributarios, ac subditos Poloniæ regno fore, utque ducem Haliciensem in locum pristinum reduceret optabant. Rex igitur nihil mali suspicans expeditionem

nem in Russiā paruis copijs cinctus adornauit, cumque ad Halaciam ciuitatem appropinquaret, ecce principes Russiæ cum auxiliarijs copijs Hungarorum quasi congratulantes ei ex insidijs eruperunt, regemque vndiquaque circumdederunt. Rex autem astutiam Ruthenorum cōsiderans, milites suos qui pauci erant, ad resistendum hosti fœdifrago fœcunda oratione confirmauit. Sed Palatinus Cracouiensis admonitione regia minimè motus cum præcipua ala equitum, cui præfectus erat, inter primū tumultum aufugit. Rex verò rem aliter non posse fieri videns, strenui militis & imperatoris officium agens, primo cum suæ aulæ equitatu Hungaros aggressus est, quos strenuè repreflit & prostrauit. Viribusque resumptis cum validis Ruthenorum copijs manus acriter conseruit, iamque Ruthenorum acies inclinabantur, dum recentes legiones auxiliares validiores, Polonos vndique circumdederunt, viresque eorum perfregerunt, equus sub rege ipso confusus ut intestina ex eo profluxerint, alium tamen eques ei suppeditaui, sicque vix à suis ad fugiendum cōpulsus illesus euasit. Quapropter mœstus animo angebatur, non tam Ruthenorum fœdifragorum insidias, sed Palatini Cracouiensis perfidiam turpissimā execrans, cui pellicem leporinum, & colum instrumentum quo mulieres fuso fila ducunt, linique fasciculum, & cordam misit, indicans eum lepori in fugiendo similē esse, & quod indignus sit vir, sed mulier haberi: resque muliebres & non viriles potius tractare, suspendique dignum. Palatinus itaque ille, in desperatione adactus, in campanili oratorij sui fūne campanæ sese suspendit, cuius nomē propter posterorum dedecorem in Chroni-

*Boleslaus
circumue-
nitur.*

*Palatinus
fugit consti-
tum.*

*Boleslaus
strenue sese
defendit.*

*Donum Pa-
latino pro-
fugo à Boles-
lao dignum
mittitur.*



*Castellanus
Palatino
Cracouiensi
dignior ti-
tulo.*

*47. conflictus
Boleslaus &
Rorabij.*

cis reticetur, ab hocq; tempore Castellanus Cracouiensis, Palatinum auctoritate dignitateq; antecellit. Boleslaus autem quotidie aduersam fortunam exorando tristitia consumptus, sumptis sacrosanctis Sacramentis extremum diem clausit, annos ætatis suæ 54. regno 36. annos præfuit, in ecclesia cathedrali Ploccensi sepultus. Porro nullus rex Poloniae adhuc usq; tempora illo felicior bellicosiorque extitit. Omnes enim reges & monarchæ finitimi vndiq; in eum iruebant: ille verò eos strenuè casu non variante, fidem propugnabat, & regna eorum secundum arbitrium suum militis strenui & imperatoris mœnia obiens peragrabat. Conflictus cum hostibus principales & memorabiles ac publicos 47. commisit, exceptis congressibus excursionibusq; paruis, qui sæpissime eueniebant, excepto quoq; hoc ultimo certamine, quod cum eo Rutheni astutè commiserant, ex quo ille nō secus atq; ille Hector Troianus, Hannibalque Carthaginensis suo Marte sese strenuè defendens, aciesq; hostiū instructas fortitudine, dispergens euasit. Adhuc vitæ superstes filijs suis imperium disposuit, Vladislao natu maiori Cracouiensem, Si radiansensem, Silesiaq; & Pomeraniae Ducatus legauit. Boleslao Crispo Massouiam, Dobrniā Cuiuiamque. Mieslao Gnesnensem, Posnaniensem, Calisensemq;. Henrico verò Lublinensem, Casimiriensemq; tractum testamento ordinauit. Casimiro autem omnium iuniori quicquam reliquit. Admonentibusque se de eius sorte senatoribus, respondit: An ignoratis, inquit, quod in curru quatuor rotæ currentes necesse habent, vt aliquis eis insideret, quod & factum est, vt inferius dicetur.

VLA-

VLADISLAUS SECVNDVS.

*Quattuor in natos regnum diuiserat equis
Paribus, egregia cum ratione, pater.*
Ladislao, tibi cessit Cracouia natu
Maxime: auaritia maxime, Marte nihil
Fratribus eiectis, solus dum quæris habere
Omnia, possessis pelleris: ipse bonis,
Coniuge cumq; tua, quæ rem tibi suasset iniquam,
Victus in externam profugis exul humum.
Ignorata tibi fuit alea: discere in illa,
Contentus proprio viuere quisq; potest.
Namq; aliena petens perdit sua lusor, & aurum
Dum cupit, amisso flens abit ære domum.

ANno Domini 1140. Vladislaus secundus, Boleslao patri in regno successit. Hic ex moribus patris degenerauit, vxorisq; impulsu sorte sua nō contentus, fratres suos Ducatibus exuendos proposuit, eosque bello appetijt, auxiliariis copijs à principe Russiae acceptis. Henricus itaque, Boleslaus & Crispus, cum Mieczlao in arcem Posnaniensem fratris metu sese receperunt: quos Vladislaus oblitus fraternæ caritatis, grauiter obsedit, iamq; obsessi penuria victus coacti deditiōe moliebantur: sed veteranorū militū persuasione confirmati, aleam belli tentare proposuerunt: namque occasione, cum hostes choreis temulenti indulgerent, intempesta nocte ex arce cum ingenti vociferatione vnusquisque facem accensam manibus gestando, eruperunt, castraque hostium incenderunt, & ipsos hostes ferro protruxerunt. Vladislaus vix turpi fuga elapsus est: quem fratres victores Cracouiam vsque insequuti sunt.

*Vladislaus
degener.*

*Vladislaus
fratres op-
pugnatis ipse
fugatur re-
gnoq; exiit.*

F iij

Sed postea in Germaniam ad cognatos vxoris suæ aufugit: quem postea vxor cum filijs secuta est. sicque proprio viuere non contentus, alienis inhians, sua amittit.

BOLESŁAVS QVARTVS

Crispus.

Dum cogit Prussos ad Christi dogma Polonos,
Amissio ene: tit milue Crispus, opes.
Transfuga ducebat nostros malefidus, iniquum
Transgressos Ossam pertrahit inq; locum,
In conuestitum viridanti cespite cœnum,
(Atergo in siluis abditus hostis erat)
Insiluit: inclusos cœno suffocat in illo,
Vix pauci incolumes se eripuerunt fuga.
Mens generosa dolo, quia nil agit, ipsa malignie
Opportuna dolis, insidiusq; capi est.
Ei quia metitur proprijs virtutibus omnes
Est in perniciem credula sape suam.

Anno domini 1146. Boleslaus Crispus, à capillis contortis dictus, fratre Vladislao seditione expulso, habenas regni suscepit. A Conrado imperatore frequenter sollicitabatur, vt aliquam regionem exulanti fratri concederet, quod ille strenuè repugnabat. qua de causâ imperator in Silesiam exercitum duxit: sed pluribus damnis à Polonis affectus, re infecta discessit. Eadem de causâ cum Friderico Barbarossa imperatore, Boleslaus bella gessit. Inimicitijque vtrinque compositis, Vladislau fratre ex Germania reuocatum, in gratiam accepit: qui postquam aduenit, in Ploczko ciuitate non sine veneni suspitione, spiritum exhalauit. Tandem anno Domini

Cum Conrado imperatore & Friderico Barbarossa belligeratur.
Vladislau in Polonia reueritur.

mini 1164. rex cum fratribus triplici exercitu instructus, in Prussiam descendit, quam ferro & igne latè perualtauit, ad Christianitum Prutenos sollicitans, donec se baptisari sponderent: sed demum baptismo spreto, contra Polonos in Massouiam excurrerunt: contra quos denuo Boleslaus cum fratribus exercitum duxit. Interea verò, ad Polonos duo Pruteni, sub prætextu exulâ astutè defecerunt, qui se totius Prussie sitâ exploratissimè nosse affirmabant: ideo eos Poloni, duces belli sibi delegerunt: qui exercitum perfidè inter densissimas palustrosasq; syluas induxerunt, vbi in palude quadam cespite viridanti contecta, tanquam muscæ in pice haerunt: vt nec vterius progredi, nec retrogredi potuerint. Pruteni autem ex insidijs prorepentes, Polonos ingenti clade affecerunt, vbi Henricus Lublinitis, & Sendomiriensis dux, frater Boleslai, strenuè dimicando occubuit. Princeps verò Boleslaus in Poloniam reuersus est, qui postea multis gestis extrenuè peractis, extremum diem clausit. Anno Domini 1171. ætatis suæ 29. in arcis ecclesiæ templo, Cracouiæ sepultus.

Pruteni à Boleslao oppugnantur.
Profugi è Prussia sunt dulenti.

Profugis nō credendum.

Poloni funduntur.

MIECZŁAVS SIVE MIESCO tertius.

Sæpe dies oritur nitida face, nec tamen illi
Credideris: subito nubilus esse potest:
Grandine messoris lapidare: tonitribus orbem
Concutere: & rapidis frangere fulminibus.
Ecce senex noster, regni cum cepit habenas,
Vir bonus, & placidi fratris imago fuit.
Mox sobole ingenti generis, affinis, auro
Inflatus: ceptam destitit ire viam.

*Nil illo peius, nil & crudelius illo,
(Audace excepto) patria nostratulit.
Sed tamen est pulsus: Nunquam impunita tyrannis
Sarmaticis feritas scilicet vlla fuit.*

Anno Domini 1174. Mieczslaus senex, fratri Boleslao Crispo in monarchia successit. Hic rapax, crudelis, seuerusq; in subditos extitit, & tyrannidem ingentem exercuit: qua propter ab omnibus diris execrationibus maledicebatur. Episcopus itaq; Cracouiensis Gedeon nomine, cum ceteris senatoribus consilium occultè iniit, de Casimiro in locum eius substituendo: & nacta occasione temporis, cum Mieczslaus rex in maiorem Poloniam discessisset, ad Casimirum fratrem eius iuniorem, quamuis inuitum, scepra derulerunt.

*Mieczslaus
tyrannus
regno exui-
tur.*

CASIMIRVS SECVNDVS IVSTVS cognominatus.

Tactus ad imperiū precibus, lacrymisq; suorum,
Imperij fractas surgere fecit opes.
Percussit scelerum fratris iusto ense ministros,
Sacrificis pacem, ruricolisq; dedit.
Qui modo calcati sub direptore iacebant,
Inq; suis rebus nil habuere sui.
Intulit in patriam corpus, Roma usq; petiitum,
Dini qui floris nobile nomen habet.
Mista dedit domino scelerati aconita ministri,
Iner solennes perfida dextra dapes.
Trusit & in subitum, patria plangente, sepulcrum,
Delicias hominum, deliciasq; deūm.

Anno

Anno salutiferi Virginei partus 1184. Casimirus facinus fratris aboleuit, in comitijsq; generalibus Lancitiae celebratis, omnes qui erant causa intestinae dissensionis dignis supplicijs affecit. Fratrem postea Mieczslaum in gratiam accepit, Gnesnensemq; tractum & Posnauensem ei concessit. Tandem Pruteni & Pomerani Casimiri regis clementia considerata, ultro se ei obtulerunt. Interea verò Lituanie ciuitas Brestia, à Polonis defecit. Eo itaq; rex cum exercitu profectus, ciuitatem cum arce cepit eosq; qui erant causa defectionis, dignis supplicijs affecit. Inde rectà in Russiam profectus, Seuoldū & Volodimirū duces rebelles, cruento praelio fudit. Rege autem in Russia militante, Mieczslaus senex priorem dignitatem affectans, Cracouia potius est, arcem tamen capere non potuit, ciuitate verò suis praesidijs firmata, ad comparandum maiorem exercitum, profectus est. Casimirus autem ex Russia exercitum reducens Cracouiam libenter intromissus, de seditionis seminatoribus, dignas accepit poenas. Postea non oblitus cædis Henrici fratris cladisq; Polonorum, in Prussiam exercitum duxit: quam vndique armis peragravit, Prutenosq; & Pomeranos tributarios sibi effecit: Cracouiamq; reuersus, anno Domini 1194. extremū diem clausit: non sine veneni suspitione. Eius cura & impensis corpus sancti Floriani Roma Cracouiam allatum est, anno Domini 1184.

LESCO QVARTVS.

Cum sene benauit patruo, sed an impius isto
Sit factio, iusti discutite viri.

Esset uter rerum dominus, certauimus: at me
 Id velle in patriam, nudus adegit amor.
 Ne paterer regnare lupum, maiore petentem,
 A quo pulsus erat, cum feritate gregem.
 Dum labo: inuadit Pomeranus balnea, incrementum,
 Dat non sperata, meq; meosq; neci.
 Quanto igitur rerum dominis securius animum
 (Quod quidam scripsit) cernite pauper agit?
 Tempora sunt, loca sunt quæuis metuenda potenti,
 Quod viuit, totum est cura, pericla, metus.

Iustis Casimiro persolutis, Lesco filius eius à crinibus Albus cognominatus, ab omnibus rex salutatur; anno Domini 1194. Mieczslaus tamen senex, patruus eius monarchiam regebat: pro qua postea, vario Marte cum eo Lesco bella gessit. Tandem comitia generalia in Zueyman ciuitate celebravit, ad quæ plurimi magnates, & principes Poloniae conueniunt, ubi citatus est mandato regio Suantopolus, capitaneus Pomeraniae, qui tributum 10000. marcarum argenti per aliquot annos iuxta pacta regi non pendebat, qui, occasione per exploratores nata, armata manu ad ciuitatem prædictam inopinatè acceleravit, diuerforiaque obruens, qui se defendere volebant, interfecit. Regi statim tumultus causa qui in balneo tunc temporis erat, significatur. Ex balneo itaq; exiliens, cum paucis famulis equis confectus, aufugit. Suantopolus verò eum insequutus, ut fœdifragus, & nequissimus, sine vlla dignitatis ratione, trucidauit. Henricum quoq; Vratislaviæ principem, letali vulnere affecit, & plures alios trucidauit: anno Domini 1227. Cadaver Lesconis per suos

*Lesco cum
Mieslao pa-
truo demo-
narchia cer-
tat.*

*Lesco nefarie occisus
à Pomerano fœd-
fago.*

relatum

relatum, in Basilica Cracouiensi cum maximo luctu terræ mandatum est.

BOLESLAUS QVINTVS

Pudicus.

Tartarius furor, in cineres regnante Pudico,
 Sarmatia tota: penè redegit opes:
 Inflammas abiit Craconia: quicquid & agris,
 Porrigitur ripas, Odera, ad vsq; tuas.
 Fugerat ad Ingrors princeps, quia viribus impar
 Ad conflegendum cum subitio hoste fuit:
 Stanislae, tuos cineres tellure lenauit:
 Et sacrum in fastis fecit habere locum.
 Coniuge consenuit cum virgine, virgo maritus:
 Addictus studiis, casta Diana iuvis.
 Bochnenses reperit thesauros primus: & inde
 Sarcija à diris damna recepta Geris.

Anno Domini 1243. Boleslaus Pudicus, patri crudeliter occiso, in regimine succedit. Eo regnante multa mala Poloniam premebant: id verò ob principum pluralitatem, qui tunc temporis 24. erant. Quod malum tandem penitus redintegratum est. Tartarorum enim 100000. Poloniam Russiamq; populabundi venientes, utramque regionem crudeliter vastabant: ciuitatibus, villisque succensis, captiuos educebant. Rex igitur Boleslaus cum Henrico duce maioris Poloniae, ceterisque principibus contra Tartaros vnanimiter progressi, prælium cum eis acre commiserunt. Iamq; Tartari inclinabantur: sed quidam vexillifer Tartarorum, cum vexillo, in quo erat scripta litera Græca tali modo, X, processit, superius verò in cuspide hastæ, erat caput quoddam terribile in-

*Tartari in
Polonia cre-
deliter gras-
santur.*

*Poloni cum
Tartaris de-
micant.*

fixum, arte magica confectum, ore fumū vaporemq;
 sordidum in Polonos euomēs: quo velut peste qua-
 dam infecti, & incantationum vi fascinati, vires ami-
 serunt. Sicq; funditus à Tartaris nō secus, atq; à gran-
 dinibus frumenta, prostrati sunt. Cupientesq; Bar-
 bari numerum occisorum peruestigare, auriculam
 vnicuique dextram amputantes, nouem saccos ma-
 gnos eis impleuerunt, vbi diminuta est multitudo
 principum Poloniae, Silesiae, atq; Russiae. Tunc tem-
 poris Tartari totā ferē Russiam, & Poloniam, Hun-
 gariaq; & Germaniae partem, flamma ferroque per-
 uastauerūt, terroreque inaudito omnia cōpleuerunt.

*Incantatio-
nis vis.
Poloni à
Tartaris
funduntur.
Auricula-
rum nouem
sacci imple-
unt.*

Anno Domini 1269. visus est in cælo exercitus
 equestris, inter se acerrimè confligens.

*Miracula,
monstraq;
in Polonia.*

Eodem anno mulier quædā nobilis, in terra Cra-
 couiensi triginta sex pueros vno partu edidit.

Eodem anno in Calissia ciuitate vitulus duo
 capita, septemque pedes habens enixus est, cuius ca-
 dauer nec à canibus, nec auibus commestum, per-
 mansit.

Boleslaus postea rex exactis in regno 37. annis, è
 viuus decessit absq; prole: calibem enim vitam (vnde
 Pudicus appellatus est) duxisse fertur.

LESCO SEXTVS NIGER.

Quanta locustarum, quo nos hæc scripsimus anno,
 Appulsi in nostros agmina, ventus, agros:
 Agmina tanta ferunt in nos venisse Getarum
 Sub Nigro, & primum congeminasse malum.
 His cessit solis, alioqui semper in hoste
 Cum quocunq; iniit prælia, victor erat.

Arma

Arma Ruthenorum, ductore superba Leone

Et magna, exigua contudit ille manu.

Obruiuit quoties Lituani & Iazygas (hoc iam

Interijt nostro funditus ense genus.)

Multa in Christicolis nillaudum habitura fuerunt

Bella: laceffit sed quia vici, habent.

Anno Domini 1279. Lesco Niger dux Siradien-
 sis, mortuo fratre Boleslao Pudico, habenis re-
 gni præficitur. Quem statim pericula insecta sunt.
 Tartari enim validis copijs Russiam, & Poloniā ite-
 rum crudeliter peruastauerunt.

*Tartari Po-
loniam & Ru-
ssiam.*

Tandem anno Domini 1280. Lesco rex meliōri
 fortuna vsus, Leonem principem Russiae superbum,
 cum ingenti exercitu Tartarorum & Russorū cru-
 enta clade prostrauit, Russiaque prouincias fugato
 hoste, infestis armis peruastauit, ex quibus multis
 trucidatis, sex millia captiuorum abduxit.

*Lesco Niger
Leonē Rus-
siae ducem
prostrauit.*

Postea anno à Christo nato 1282. Lituani in ter-
 ram Lublinensem valida manu excurrerunt, ingen-
 temq; captiuitatem hominum eduxerunt: quos Le-
 sco collectis vndecunque prò tempore copijs perse-
 quutus, ad Nemen & Natē fluuios infectos, clade
 cruenta prostrauit, captiuosq; liberauit. Cæsa sunt
 tunc temporis 14000. Lituani infidelium.

*Lituanorū
14000. ca-
duntur.*

Demum anno Domini 1285. Lituani collectis
 maioribus copijs, per abdita sylvarum in Lucouien-
 sem tractum excurrerunt: quos Lesco simili modo
 assecutos fudit, & fugauit, spoliaque & captiuos ade-
 mit. Tandem multis gestis strenuè editis è viuus de-
 cessit: Cracouia terræ mandatus est.

*Iterum Li-
tuani fu-
duntur.*

T Eutonibus solis clauis permiserat vrbis,
Qua regni titulum possidet vna, Nigri:
Illi Silesium furium sub nocte silenti,
Moenibus accipiunt, cui studuere, ducem:
Nobilium contra, contra decreta senatus,
Nam cui legitime sceptrum darentur, erat.
Perfida pars vicit: regnat Probus, exulat heres,
Sed res parta dolo non diuturna fuit.
Silesij Henricum dubio rapuere veneno:
Quod factis alter, nomine & alter erat.
Qui fraudem in vita coluit, rem fraude parauit,
Qua perijt: dignus fraude perire fuit.

*Discordia
 principum
 Poloniae de
 monarchia.*

*Craconia
 bis capitur.*

A Nno à Christo nato 1290. Henricus Probus
 dux Vratislauię, Lesconi Nigro in regimine suc-
 cessit. Episcopus quoq; Cracouiensis cum cæ-
 teris proceribus, Boleslaum, Massonię ducem ad re-
 gnum vocauerant: sed ab Henrico eiectus est. Tan-
 dem Vladislaus Cubitalis (ad quem etiam monarchia
 iure naturali competebat) dux Siradiensis, adiunctis
 sibi in auxilium maioris Poloniae equitibus, cū Hen-
 rico de regno acriter contendebat, exercitumque
 eius cruenta clade in Silesia ad Sieuieram ciuitatem,
 prostravit: vbi ducis Glogouienensis filium, & Sprot-
 uia principem occidit. Vnusquisque eodem tempo-
 re ex Silesijs insignem victoriam reportauit: & vi-
 ctor Cracouiam vltro deditam occupauit. Sed Hen-
 ricus denuo ad expugnandam Cracouiam, exerci-
 tum duxit: quem Teutones ciues clandestino noctu
 in ciuitatem immiserunt: adeo vt Vladislaus vix eu-
culla monastica indutus, effugerit. Et sic Hēricus re-
 gno

gno potitus est. Sed paulo post, anno in regimine nō
 exacto, è viuīs decessit: non sine veneni suspitione:
 Vratislauię terrę mandatus.

PREMISLAUS SECVNDVS.

O B scelus Audacis, raptum diadema Polonis,
Retulit istius gloria, luxq; viri.
Magnus erat, tantum peperit qui primus honorem
Nobis: munus & hic qui renocauit, erat.
Splendidus, antiquis certans heroibus omni
Virtute, in summo quam decet esse viro.
Cadit in insidijs, celebrans solenne Lijci,
Inuidiam virtus dat sibi, & illa necem.
Et cante, & timide, genio seruite potentes:
Ex quo multis lux genialis erat.
Hac Cyrus interijt, Macedo interijtq; Philippus,
Hac est Argolicis, Troia cremata, rogis.

A Nno Domini 1295. Premislaus princeps maio-
 ris Poloniae & Pomeraniae, regni habenis praefi-
 citur. Hic omnibus principibus finitimis terro-
 rem incusserat: ideo Marchiones Brandenburgenses,
 impulsu regis Bohemiae Venceslai, nacta occasio-
 ne, cum rex ipse die S. Dorotheae cum suis conuiua-
 ret, ex improviso in eum irruerunt: multisq; vulneri-
 bus affectum (quamuis sese strenue cum suis aulicis
 defenderet) occiderunt. Septem tantum menses re-
gno praefuit.

*Mage Simon de
 Brandenburg.*

*Premislaus
 rex occidi-
 tur.*

VENCESLAUS BOHEMIAE REX.

A D Venceslai usq; dies, Auguste, Bohemi,
Scortea Saurromatis tota moneta fuit.
Nummus erat pellis, detracta animantibus illis,
Quas aspergillos patria nostra vocat.

Hoc ego dum quidam narro, qui strangulat amplo
Arcas argento, semper egens ait:

Ergo putrescebant tunc nummi? O dura priorum
Tempora: tunc nasci res misera danda fuit.

Gratia magna Deo, quod homo sum natus in isto
Seclo: cum pelles non nisi futor habet.

Quod si quando Deus mala vult secula illa reuerti,
Tunc ego, tunc superi, miluius esse precor.

Peregrina-
tio Vladislai
exulis.

Vladislai
regno por-
tus
Argentea
moneta in
Polonia.

Cracovia

Anno Virginei partus 1300. Vladislai rex Bo-
hemiae ad regnum Poloniae vocatur. Cum Vla-
dislao Cubitali de regno acriter contendebat,
omnesque possessiones & arces ei ademittit, quibus
non Polonos sed Bohemos praefecit. Vladislai ve-
ro omnibus spoliatus (ad quem monarchia iuste
competebat) in Hungariam exulans perrexit, inde
Romam petijt. Demum Roma in Hungariam re-
uersus, sumptis ab Hungaris auxiliariis copiis, va-
rijs excursionibus Bohemos in Polonia infestabat.
Postea Pelcen, Visliciam, & Lelouiam arces occupa-
uit. Tandem post nebulam (ut dicitur) Phaebo illu-
cescente, Venceslao Bohemo e viuis sublato, Vladi-
slai Cubitalis regno multis ab annis expectato po-
tuitur. Hic Venceslaus Bohemus, primus monetam
argenteam, grossos videlicet Bohemitos, in Polo-
niam intulit: qui adhuc in vsu Cracouiae passim ha-
bentur. Primò verò frustulis quibusdam argenti, pel-
libusque aspreolorum, & ceterarum rerum trans-
mutatione, necessaria comparabant. Eo quoque re-
gnante, Cracouia muro cincta est.

VLADI-

VLADISLAUS CUBITALIS VVLGO
Lokietek.

Corpore paruum eram, cubito vix altior uno:
Sed tamen in paruo corpore magnus eram.

Non ego Prussorumq;, Bohemorumq;, cruorem
Iactabo, cladem nec Gediminetnam:

Fortunam vici, cum qua mihi bella fuerunt,
Vt niger e terris triste volarat iter.

Ter cecidi regno: per te Rhamnusia semper
Post lapsum erexi, maius ad arma caput.

Corde viris opus est magno, non corpore: magnum
Qui strauit Goliath, nonne pusillus erat?

Ingentem paruum Polyphemum vicit Vlysses.
Sed tamen ille hominem: tam graue numen ego?

Anno Domini 1306. Vladislai Cubitalis, post
multa pericula perpassa, frequentibusq; repulsis
exantlatis, monarchiam Poloniae se gerere coepit. Hic
eodem anno, collecto exercitu, contra Henricum
ducem Glogouiae, in Silesiam processit: quā flamma,
ferroq; nullo repugnantē perualtauit. Postea anno
Domini 1320. Vladislai praefatus dux, in verum re-
gem & monarchā Poloniae coronatur cum Heduigi
conforte sua: ab eoq; tempore ecclesia Cracouientis
iure coronandi Poloniae reges primum dotata, & pri-
uilegiata est. Primò enim in loco minime tuto Gne-
zna coronabatur. Demum anno Domini 1326.
validioribus copiis ex Lituaniis, Ruthenis, & Polo-
nis conscriptis, rex Vladislai, eadem fratris Prae-
mislai vlturus, in provincias Marchionum Brande-
burgensium infestis armis excurrit: omniaq; ab O-
dera fluuiio & a Brandeburga, Francofordiam vsque

Vladislai
Silesiam
uastat.

Cracovia
pro corona-
tione regum
delecta.

In Marchia
Vastabundus
consensat.

*Cum Cruci-
geris acre
certamen.*

*Crucigeris
prostratus.*

in latitudinem & longitudinem igne, & gladio per-
uastauit: multisque spolijs onustus, cum sex millibus
captiuorum, ad sua in pace reuersus est. Cum Cruci-
geris Prussiensibus plurima bella gessit. Postea cum
præfati Crucigeri iniuste in Polonia grassarentur,
eorum iniuria rex prouocatus, exercitum in Prus-
siam duxit, cum validissimisq; Teutonicis copijs, an-
no Domini 1331. mense Septembri, ingenti armorum
fragore acerrimè conflixit, ac primas acies Po-
lono milite protriuit, fugauit & disperfit. Postea viri-
bus recentes phalanges Teutonicorum (quibus præ-
erant Commendatores Russer de Plauno Comes,
& Otto magnus de Brunldorff) contra Polonos
processerunt, bellumque redintegraverunt: omnes
tamen à Polonis prostrati sunt. Cæsa sunt in eo cõfli-
ctu 4000. Crucigerorum Prussiensium, cum pluri-
mis Commendatoribus. Postea Vladislaus Cubita-
lis infirmitate correptus, extremum diem vitæ Cra-
couiæ clausit, anno Domini 1333.

CASIMIRVS MAGNVS.

N Il hoc splendidius, nil magnificentiùs vno est,
Quodcumq; illius respiciatur opus.
Legibus armauit patriam placidumq; sub illo
Libertas ad nos prouult alma caput.
Oppida tot cinxit muris, quot pene per omne
Hoc regnum muris oppida cincta vides.
Tres simul hospitio exceperunt cum Calare reges,
Cum ubi dat neptem, Carole quarte suam.
Rex ingens opibus, bello pietate: quid illum,
Quid premis infami Cypria sola notha?

Hanno

*Hunc dici Magnum, est iniuria magna Poloni,
Iure suum nomen, Maximus, esse potest.*

A Nno Domini 1333. Casimirus Magnus, patri
iustis persolutis, rex cõmuni omnium acclama-
tione salutatur. Regnum oblatum ex omni par-
te in primis pacificatur: in seditiososque, & passim la-
trocinantes animaduertit. Postea anno Domini 1339.
Ludouicum nepotem ex sorore, Caroli regis Hun-
gariæ filium, successorem post se in regno Poloniæ
assignauit, & declarauit, constituitq;. Tandem 1340.
Casimirus armata manu in Russiam progressus Leo-
polim regionis metropolim cepit: vnde thesauros
ingentes asportauit. Deinde ad Volodimiriam con-
tendit: qua expugnata, Cracouiam triumphas exer-
citus reduxit. Denuo in Russiam validioribus copijs
cinctus descendit: hasq; prouincias, cum ciuitatibus
ad deditiõem compulit, Premisliam, Haliciam, Leo-
polim, Sanociam, Lucouiam, Volodimiriam, Luba-
czouiam, Treblouiam, Tustaniam, & complures a-
lias, quæ hucusque à regno Poloniæ non separantur.
Tertiò Casimirus anno Domini 1349. exercitum in
Russiam duxit, arcesque quas nondum possederat,
suæ ditioni subegit.

*Casimirus
Leopolim
cepit.*

*Volodimi-
riam expu-
gnauit.*

*Casimirus
Russiæ pro-
uincias tri-
butaria red-
didit subin-
gauitq;.*

*Ad nuptia-
rum solennia
tres reges im-
perator, &
multi prin-
cipes à Casi-
mirus inui-
tantur.*

Postea anno Domini 1363. Casimirus rex Caro-
lo 4. Romanorum imperatori, neptem suam Elisabe-
tham, ducis Stolpen filiam in matrimonium de-
dit: ad nuptiarumque solennia ipse Carolus impera-
tor, Ludouicus quoque Hungariæ, Petrus Cypriæ,
Sigismundus Daniæ reges, Otto Bauariæ, Semoui-
tus Massoniæ, Boleslaus Suidniciæ, Vladislaus Opo-
liæ duces, satis splendido apparatu Cracouiam con-

G iij

uenerunt, absolutoq; nuptiarum conuiuio, quidam
cuius Cracouiensis, Vietinok nomine, à Rheno ori-
undus, thesaurarius regius, hos omnes reges & prin-
cipes cum imperatore, lautissimo conuiuio aliquot
diebus excepit, muneraq; insignia singulis obtulit.

*Casimirus à
pedis fractu-
ra mortuus.*

Anno tandem Domini 1370. Casimirus rex, iuxta Przedboriam ciuitatem, inter venandum, ceru-
um insequens, equo succumbente pedem fregit: à
quo vulnere spiritum exhalauit Cracouia: ibidem-
que sepultus. Hic omnes ferè ciuitates & arces, in Po-
lonia muro cinxit: plurimasq; arces & Basilicas con-
dixit. Legibus quoque tam equestribus, quam ciuili-
bus patriam locupletauit, quæ hucusq; vigent; & om-
nes reges antecessores suos, summa dexteritate in
promouendis thesauris & prouentibus regni supe-
rauit: ideo Magnusi iure appellatus est.

*Casimirus
bonus pater
familias.*

LVDOVICVS HVNGARVS.

*Non quia vir fuerit, nequaquã Ludouicus, & ultor
Cruelis nostras non bene rexit opes.*

Sed quia Pannonia, dum plus amat arma paterna,

Linguebat sensus istud ouile lupis.

Qui nouit quid agant famuli, si longius absit

(Præsertim fuerit qui minus asper) herus.

Hic videt ærumnas, quas multa absentia veri

Pastoris nostrum tum cumulabat auis.

Illo rege quidem leges creuere: sed illo

Regetamen, robur non habuere suum.

Lex nisi tutores habeat, contra arma potentum:

Est quod araneolus sub trabe nectit opus.

DEcedente Casimiro Magno absq; hærede ma-
sculino legitimo Ludouicus rex Hungariæ ne-
pos

pos eius, anno Domini 1370. sacrum diadema Polo-
nicum suscepit. Eo in Polonia regnante nihil memo-
ria dignum gerebatur: sed homicidia, latrociniaque
passim exercebantur, propter absentiam illius. Qui
verò de iniuria sibi illata in Hungariam ad regem pro-
ficiscebantur, hi à rege ad reginam: à regina verò ad fa-
ctores regios, & à factoribus ad gubernatores in Po-
loniam cum literis relegabantur, plurimisq; iniurijs, &
angustijs Polonia tunc temporis, premebatur.

Postea anno Domini 1381. Ludouicus filiam suam
Mariam, Sigismundo Marchioni Caroli quarti Ro-
manorum imperatoris regis Bohemiæ filio, despon-
savit, regemque Polonia post se futurum declara-
uit. Qui in Poloniam armata manu veniens, quas-
dam rebelles puniuit: rectaque contra Massouie du-
cem exercitum duxit, qui etiam sceptrum iure pro-
pinqunitatis affectabat. Massouia itaque flamma &
ferro peruastata Polniam maioris Poloniae me-
tropolim profectus, ab omnibus honorificè pro-
monarcha agnoscitur. Interea verò Ludouicus Hun-
gariæ & Poloniae rex è viuis decedens, Albae regiæ
sepelitur, anno à Christo nato 1382. Regno Poloniæ
12. annis præfuit. Poloni itaque Ludouici regis mor-
te audita, consilium clandestinum inierunt, vt Sigi-
smundo relicto pro hærede regni, Ludouici regis fi-
liam ad se reciperent: eamque in matrimonium tali
principi, qui rempub. rectè gubernaret, ab hostibus
que vindicaret, locarent. Regina itaque Hungariæ
Ludouici coniunx, filiam Hedwigem in Poloniam
misit, quæ honorificentissimè à Polonis proceribus
accepta, sacro diademate solenniter Cracouia ex-
more coronata est.

*Sigismundus
Caroli filius
regnum Po-
lonia. Suab-
tinere ten-
tat.*

*Poloni Sigi-
smundo
spreto pro-
hærede re-
gni filiam
Ludouici
accipiunt.*

*Iagielo Li-
thuanus.
Hedwigis
Polonia ha-
r dem cum
regno sub
conditioni-
bus petat.*

Anno igitur Domini 1385. Iagielo magnus Dux Lituanie certior factus de Hedwigis reginae ex Hungaria in Poloniam aduentu, pulcritudine, moribusque eius honestis commotus, oratores ad eam fratres suos, Skiergielonem, & Borissum cum peramplis muneribus destinauit: coniugium regnumque dotale ex petens, promittens se cum vniuersa gente sua baptisatum, omnesque ciuitates & arces cum suis prouincijs, quas Lituaniam a regno abstraxerunt, & etiam captiuos liberaturum: insuper etiam Magnum ducatum Lituanie cum regno Poloniae vniturum, & incorporaturum; Silesiam, Prussiam, Pomeraniam armis reueraturum, thesaurosque omnes in usum regni Poloniae conuersurum; omnia denique quae ad amplitudinem reipub. Poloniae, & ad incrementum totius Christianitatis spectarent, acturum curaturumque. Haec legatio Lituanorum, grata pericundaque Polonis erat: sed regina eam detractabat: à barbari enim matrimonio abhorrebat. Nam adhuc patre viuente, Wilhelmo Austriae duci desponsata erat: ideo illum priorem sponsum ardenti animo complectebatur. Quae de causa oratores Polonorum legationem Iagielonis Lituani, ad reginam Elisabetham in Hungariam detulerunt, quae in omnibus se contentam esse respondit, quidcunque boni proceres regni constituerint. Legati igitur Polonorum in Lituaniam profecti, ut Iagielonem in Poloniam cum promissis muneribus, Hedwigi reginae maritum, adduxerunt. Interea vero Wilhelmus Austriae dux, certior rerum Polonicarum factus, Cracouiam splendido aulicorum equitatu stipatus eum ingentibus muneribus, ad praecipendum matrimo-

*Oratores in
Lituaniam
pro Iagielo-
ne.*

*Wilhelmus
Austriacus
Cracouiam
venit.*

nium venit, à reginaque alacriter acceptus, multa conuiuia quotidie alterutrum celebrabant, choreisque honestè tamè & modè indulgebant: quae de causa proceres Poloni Wilhelmum Austriacum apud reginam videntes acceptum, gratumque hospitem, & propensam vtriusque erga se voluntatem animaduertentes, in arcem eum deducunt: cum regina desiderato matrimonio copulant. Sed Iagielonem aduenisse audientes Wilhelmum ex arce propellunt, portasque post eum obserant. Cuius expulsionem regina animo egre ferens, suis manibus leras porte frangere, & contundere coepit: optatis cum eo nuptijs in ciuitate futura. Sed per consiliarios longa dissuasione à proposito retracta est. Wilhelmus verò videns sibi proceres Poloniae apertè & obstinatè aduersari, de aduentuque Iagielonis audiens, è Cracouia cum suis (relictis thesauris) clandestinè discessit.

*Wilhelmus
Austriae
dux, Craco-
uiam exiit.*

IAGIELO SIVE VLADISLAVS

Lituanus.

Hic gentilis erat Lituanus de stirpe Iagello,
Vir bonus, & tantas inter honestus opes.
Mox est caelesti princeps baptismate unctus,
Quem subito est dominum gens imitata suum.
Hinc dotale caput pulchra cum coniuge regnum,
Et tribuit Litani signa Polona suis.
Rege sub hoc memorem suscepit Prussia cladem,
Saepe & rigidus concidit ense Getes.
Quam multa in regno struxit delubra Polono,
Monstrat Gymnasium sat puto Crocatum.
Et linguens gratos ex iusta coniuge natos,
Lucida fulgentis scandit ad astra poli.

*Lituania in
regnum Po-
lonie acce-
ptum.*

*Lituania
Polonia ad-
sumpta.*

*Expeditio
in Lituaniā
Iagielonis.*

*Lituania
& Samogi-
tia ad fidem
Christi con-
uertitur.*

ANno à Christo nato 1386. Iagiello magnus Dux
Lituanie (cuius genealogia in Lituanie descri-
ptione latius patet) cum fratribus suis Borisso,
Suidrigielone, & Vitoldo, Cracouiam satis splendide
12. Februarij venit: ubi ab omnibus ingenti cum laci-
tia acceptus & in arcē honorificē deductus est. Itaq;
14. die Februarij, cum fratribus in fide Christiana in-
structus, sacro baptismi fonte abluitur, & Vladislauus
appellatur. Eadem die baptismi absoluto matrimo-
nium cum regina Hedwig contraxit, magnumque
Ducatum Lituanie, Samogitie, Russie, sicut promi-
serat regno Poloniae incorporauit, vniuit, diploma-
tibusque, & iureiurando confirmauit. Tandem heb-
domada elapsa in regem Poloniae solenniter con-
stituitur, & sacro diademate coronatur. Postea nu-
ptiarum solennis peractis, Iagiello cum regina in ma-
iorem Poloniam sub Quadragesimæ tempore pro-
fectus est, propter pacificandas seditiones, quæ per
Domaratum capitaneum generalem maioris Polo-
nie, & Vincetium Palatinum, excitabantur. Rebus
itaque in Polonia maiori compositis, in Lituaniā
expeditionem adornauit, nolens eam amplius cul-
tui idolorum & dæmonum vacari: in Comitatu suo
magnam procerum, & equitum Poloniae cateruam
habens. Archiepiscopus quoque Gnesnensis, pluri-
misque ecclesiasticorum, & Semouitus Massouie,
Conradusque Olenficiae duces eum secuti sunt.
Vilnaeque solenniter conuentu indicto, sub initium
Quadragesimæ, de vano idolorum cultu abolendo
tractare cœperant, sicque illa gens barbara Litu-
anie, & Samogitie sacro baptismi fonte lauata est.
Porro turmatim stantes aqua lustrali (nomine vni-
cuique;

cuique, turma, Stanislai vel Petri, &c. imposito) asper-
gebatur, prout latius in descriptione Lituanie patet.

Rebus in Lituania pius rex rectè dispositis, Vitol-
dum patruelum summæ rerum præfecit, in Poloni-
amque reuersus rectè in Silesiam exercitum duxit, ar-
cesque & ciuitates sub Vladislao duce Opoliensi re-
belli cepit: Krzepice, Bobolicze, Olstin, Brzeznicæ,
Ostresuo, & Grabouo dictas, Boleslauiecz arx se-
ptem annis obsidebatur, quam postea Ofka ducissa
vidua, penuria cōmeatus coacta regi subdidit. Dux
igitur Opoliensis reliquas arces quadraginta milli-
bus florenorum, videns se eas non posse defendere,
Crucigeris Prussiensibus vendidit, quas illi suis præ-
sidijs munierunt: sed rex destinato exercitu ceteras
arces diuioni suæ subegit.

Moritur anno Domini 1399. Hedwigis regina, de
cuius vitæ sanctimonia testatur annales Polonorum.
Postea anno 1400. regi Ciliciensis Comitis de Hun-
garia filia Anna Cracouiam allata est.

Tandem anno Domini 1410. rex armatis copiis
cinctus contra Prussenses Crucigeros profectus,
superato Vistula fluuio ad Cierniensko oppidum
castra metatus est, vbi etiam Vitoldus patruelis re-
gius cum suis Lituanis & Tartaris venit. Semouitus
quoque & Ianusius Massouie duces, suas cohortes
adduxerunt, viribus itaque coniunctis castra ad Ta-
nebrigum & Grimoaldum oppida mouerunt. In-
terea verò rege officium missæ manè in tentorio
audiente, duo nuncij alterutrum sese anteuertentes
venerunt, nūciantes iam iam imminere sibi Pru-
tenos. Attamen rex pius à diuino officio quin prius
absolueretur discedere noluit: quo absoluto mili-

*Iagiello ar-
ces in Sile-
sia recupera-
uit.*

*Opoliensis
dux arces
vendidit.*

*Hedwigis
moritur.*

*Expeditio
cōtra Prus-
senses Cru-
cigeros.*

*Iagielonis
denotio.*

*Superbia
Crucigero-
rum.*

*Humilitas
Iagielonis.*

*Certamen
acre initur.*

*Magister
Crucigero-
rum casus o-
mnisq; exer-
citus suus
profligatus.*

*Ordinis co-
mendatores
erant quasi
Palatini
prouincijs
comendatis
presidentes.*

tem in acies celeriter instruxit, quinquagintaque vexilla Polonorum ordine suo distribuit. Vitoldus similiter copias suas contra hostem recte direxit, quadragintaque vexilla Lituanorum iusto ordine disposuit: quibus Tartarorum manum ingentem adiunxit. Interea vero magister Crucigerorum Prussien-
sium, Vlricus Iungingen illudens regi, duos gladios euaginos, totidemq; clypeos ei dono misit, dicens: Quid remoraris praelium o rex, si tibi defunt gladij, en tibi vnum, fratrique tuo Vitoldo alterum mitto: si vero campum ad ordinandum exercitum arctum habes, ego tibi suo cedam. Rex igitur pius gladios oblatis humiliter accipiens ingemuit dicens: Quamuis armis omni generis abundo, attamen hoc munus per quod mihi signum victoria (Deo fauente) datur, libenti animo accipiam. his dictis, signa vtrinque canuntur, inde maximo clamore infestis signis concurrunt: Tartari & Litvani arcubus & sagittis assueti, creberrimo telorum iactu aethera obumbrant, à Teutonibus tamen in primo conflictu fugati sunt, in quorum locum Poloni armis & viribus recentes, cum ingentis sonitu, armorumque fragore successerunt, Prutenasq; acies perfregerunt; & vndique circumdatis, ad internecionem funditus prostrauerunt. In hoc conflictu magister Crucigerorum Prussien-
sium, Vlricus cum suis Comedatoribus (quos Siluius 3000. recenset) occubuit: Duces quoque Stetinensis & Olesnicensis capti, cum multis alijs precipuis Germanis equitibus. Cæsa sunt tunc temporis 50000. Prutenorum, Teutonicorum. Siluius vero 40000. testatur. Ingentes exuias ex castris Prutenorum Poloni tulerunt: victoriamque insignem obtinuerunt, & vexilla

& vexilla hostium præcipua 50. ad perpetuam rei memoriam Cracouiae in Basilica arcis posuerunt. *Poloni triu-
phant.*

Denuo crucigeri auxiliares copias ex Saxonia, & à Sigismundo Romanorum rege corrauerunt, quibus Poloni pro temporis necessitate exercitu confecti pro occurrerunt: manusque cum eis conseruerunt. Interea quidam eques Polonus Ioannes Missai exercitum Crucigerorum strenue dimicando, ad vexillum usque principale pertransiuit. Vexilliferoque trucidato vexillum arripuit, & post tergum sibi infixit, ad suosque acies disuerberans incolumis rediit. Crucigeri itaq; vexillo orbat, ordinibus solutis, terga verterunt, quos Poloni insequentes per agros & sylvas pallantes passim trucidabant, in quo conflictu 10000. Teutonicorum cæsa sunt. *Alius consi-
derat Polono-
rum cum Cru-
cigeris.*

Eodem anno Hungarorum copias duodecim vexilla habentes, in Poloniam excurrentes, Poloni fuderunt. Postea anno Domini 1414. rex cum Vitoldo ingentem in Prussiam exercitum Polonorum & Lituanorum: (quod Crucigeri promissis non starent) duxit, plurimasque ciuitates & munitiones expugnauit. Militibus autem & equitibus Lituanorum in bello bene meritis insignia stemmataque nobilitatis Poloniae pro donarijs distribuit. *Poloni Hun-
garos truci-
dant.*

Tandem anno Domini 1432. rex Iagielo senio confectus multis gestis strenue editis, Vladislao & Casimiro hæredibus relictis, vitam cum morte feliciter commutauit. Cracouiae in Basilica arcis sub marmoreo sacrophago ubi sua imago expressa est, terra mandatur. *Poloni cum
Lituanis
Prussiam
diripiunt.*

*Litvani in-
signia nobi-
litate Polo-
norum acci-
piunt.*
*Iagielo mo-
ratur.*

VLADISLAUS QVINTVS.

L Adislaetibi regale Polonia sceptrum
 Coniuli ob proprijs splendida facta patris.
 Hinc quoq; & Vngaricus defert diadema senatus,
 Et quæ sunt lati iugera multa soli.
 Egregia verò tu præditus indolere regnas,
 Ac regis imperio subdita regna tuo.
 Nec piguit Macedum fines vastare remotos,
 Nominis vi foret gloria nota tui.
 Donec inire petis tecum trux fœdera Turca,
 Quod facis: at latius frangere Papa iubet.
 Cui tu dum pares, te ad Varnam Marte paludem
 Fudit Amurates, & tua castra capit.

Polonus
 Hungaria
 rex coro-
 natur.

I Agielone Vladislao è viuis decedente, Vladislau
 filius eius, anno Domini 1434. habenas regni mo-
 derandas suscepit. Tandem anno 1437. Sigismun-
 do imperatore Romanorum, rege Hungariae & Bo-
 hemiae fatis concedente, Vladislau, Hungariae pro-
 cerum assidujs precibus, ad regnum Hungariae sus-
 cipiendum vocatus est. Itaq; anno 1440. in eo pro-
 fectus, Budæ coronatur.

Vladislau
 arces Rascia
 recuperat à
 Turcis.
 Vladislau
 Turcas pro-
 fligat.

Anno Domini 1443. Vladislau expeditionem
 bellicam contra Turcas suscepit, arcesque in Rascia
 ab eis occupatis recuperauit. Audiens tandem Tur-
 cas cōtra se processisse, Ioānem Hunniadem Palati-
 num Transilvaniae, cum armatis copijs Polonorum
 & Hungarorum aduersus eos destinauit, qui absque
 rumore in Turcas irruens omnes funditus prostra-
 uit & disperfit. 4000. captiuorum & nouem vexilla
 abduxit, omnesque Slauonicas prouincias Macedo-
 niam vsq; Hungari cum Polonis peragrarunt. Tur-
 carum

carum verò imperator exercitum propter Roma-
 niam & Macedoniam defendendam in montibus
 collocauit. Bassa itaque Turcicus numeroso exer-
 citu fretus, victoriam sperans cum Polonis & Hun-
 garis confligit, sed spe frustratus cum Turcarum
 viribus ingenti clade à Christianis prostratus est:
 adeò vt Turcarum imperator Amurates ad regem
 Vladislau legatos pro pace impetranda mittere
 cogeretur, omnes possessiones, arces & ciuitates in
 Rascia occupatas restituendo, quibus restitutis, ad
 decem annos fœdus vtrique iecerunt, & iureiu-
 rando confirmarunt. Interea verò Iulianus cardina-
 lis, legatus Apostolicus ad regem venit: multisque
 & varijs persuasionibus hoc fœdus irritum fecit, re-
 gemque summi pontificis potestate à iuramento,
 quo se Turcis obstrinxerat, absoluit: vtque expedi-
 tionem aduersus Turcam Christiani nominis ho-
 stem cum vniuersitate Christianorum susciperet,
 persuasit.

Turca pro-
 fligatur.

Turca pa-
 cem petit.
 Papa fœdus
 frangere
 suadet.

Anno igitur 1444. armatis copijs Rex contra
 Turcarum imperatorem Amuratē processit. Amu-
 rates verò re comperta inconstantiae, leuitatiq;
 Christianorum admirabatur, quod Dei sui nomen
 flocci penderent. exercitu itaq; validissimo ex Asia
 conscripto, ad Varnam paludem iuxta littus ponti-
 Euxini, praelium acre cum Christianis cōmisit, quos
 vndiq; circumdatos cruenta clade prostrauit, vbi &
 rex inclitus strenui militis, & imperatoris officium
 adimplens occubuit cum multitudine Polonorum,
 quæ clades ingentis mœtoris planctusque toto orbi
 Christiano caussa extitit.

Vladislau
 contra Tur-
 cas.

Hungari &
 Poloni cum
 rege suo à
 Turcis ob fœ-
 dus fractum
 profligati.

Præfuit Vladislau Poloniae regno decem, Hun-

gariæ verò quatuor annis. Anno verò ætatis suæ vigesimo primo, ad Varnam à Turcis occisus est, consilio summi pontificis parens, qui eum adfrangendum fœdus barbaro hosti impulerat.

CASIMIRVS QVARTVS.

Post fratrem Casimirus adest, quem Turca peremit.
Sarmaticas instus qui regit ultor opes.
Eripit & captas Marianis fratribus vrbes,
Æthera terribili discutiente modo.
Hoc duce sacrificij magnas sensere repulsas,
Hic ubi Castalliam Vistula voluit aquam.
Hinc repetit Maria non vi, sed munere castrum,
Prussiæ quod tunc incoluere duces.
Hunc quoque Choynitium multis licet inde peremptis,
Sensit, & illius quæ ditionis erant.
Ducem rem reliqua felicia tempora vite,
Fata grauem nobis eripuerunt ducem.

Anno humanæ redemptionis 1447. Casimirus magnus dux Lituaniæ, fratri Vladislao Poloniæ & Hungariæ regi, à Turcis perempto in regimine succedit.

*Homagium
 Palatini
 Valachia.
 Valachis
 funduntur.*

Anno Domini 1448. Petrus Valachiæ Palatinus in verba regis iurauit: tributumque debitum & obedientiam se præstiturum obstrinxit, quem Bochdanus frater ex illegitimo toro natus, dominatu propulsare nitebatur: sed ipse à Polonis cum exercitu pulsus, fugatusque & trucidatus est. Tandem anno Domini 1454 legati à nobilibus, ciuibusque Prutenorum venientes, regi se in clientelam & patrocinium subijcentes venerant. Crucigeri enim intolerabili

lerabili onere adiuuentiisq; eos exactionibus premebant, vxores à viris, virginesque teneras vitabant, possessiones, iumenta colonis abstrahabant, vulgum in seruitutem redigentes, eorum opera velut iumentorum in arcebus, mœnibusque erigendis utebantur, quos rex certo tributo indicto in clientelam suscepit, & sicut pro temporis breuitate potuit, exercitu conscripto, in Prussiam contra Ludouicum Crucigerorum magistrum infestis armis contendit. Ludouicus quoque ingentem exercitum Teutonice atrox oboritur, prælium itaque ad ciuitatem Choynitium perfregerunt, funditusque profligauerunt; & Baltazarem ducem Zeganensem occiderunt, Bernardumque Stumbarg ducem exercitus ceperunt: ubi verò ad vnam cohortem Polonorum male ordinatam peruentum est, Poloni Prutenorum vim sustinere non valentes, solutis ordinibus terga verterunt, quos rex frustra tamen ut conuerterentur admonebat: parumq; abfuit quin ipse hostium manus effugerit, multi Poloni caesi, 300. verò captiuorum abducti sunt.

Rex tandem nouis copijs cōscriptis Prussiam infestis armis aggreditur, plurimasque munitiones & ciuitates expugnauit, & occupauit. Prussia autem magister non habens vnde stipendium suis militibus persolueret, Marienburgam arcem præstantissimam in potestatem dedit, quousq; illis stipendium persolueretur. Qui arcem Casimiro regi pro summa 476000. florenorum, anno Domini 1457. vendiderunt, eamque cum omnibus tormentis, instrumentisque bellicis dederunt. Postea magister Prussiae

Prussiæ à Crucigeris ad regem Poloniae deficiunt.

Tyrānis Crucigerorum. Expeditio in Prussia.

Dux Zeganensis occisus.

Clades Polonorum à Crucigeris.

Rex Prussiae Marienburgam occupat.

Marienburga Polonis venditur.

*Crucigeri
funditus
profligati.*

*Pax cum
Crucigeris.*

*Pomerania
recuperata.*

*Casimirus
moritur.*

*Casimiri
proles.*

iniuriam à rege sibi illatam ulturus, quasdam munitiones regis in Prussia expugnauit: qua de causâ rex armata manu egressus, Crucigeros cum validis copijs cruenta clade ad internitionem prostrauit: ipse verò Ludouicus magister vix elapsus est: sicque Poloni (quamuis magna cum difficultate) omnibus armibus Crucigeros exuerunt.

Tandem anno Domini 1466. Casimirus rex ciuitate arceque Choynici vi expugnata, concordiam foedusque perpetuum, suffragijs multorum principum adductus, cum magistro Prussie & ordine Teutonico iniit. Ab hocque tempore Pomerania Ducatus, Michlouiensis quoque & Culmenfis terra, regno Poloniae adiuncta est, pro quibus Poloni 180. annis, armis cum Crucigeris decertabant.

Tandem anno Domini 1490. Casimirus rex multis egregijs gestis exactis, vitam cum morte feliciter Grodnæ in Lituania commutauit, filios sex Vladislaum, Casimirum, Albertum, Sigismundum, Fredericum, Alexandrum: filias verò septem, Hedwigin, Zophiam, Annam, Barbaram, Helisabetham, &c. genuit. Vladislaus post mortem Matthiae communibus Hungarorum suffragijs, in regnum Hungariae euehitur, qui etiam postea regnum Bohemiae in tutelam suscepit. Albertus verò patri in solio successit, Alexander magnum Ducatum Lituaniae, Sigismundus Glogouiae, sorte acceperunt. Fredericus episcopatum Cracouiensem & Posnaniensem accepit, postea inter Romanos patres cardinales scilicet connumeratus.

IOAN.

IOANNES ALBERTVS.

*D*ucis Ioannes Alberte binominis agmen
Sarmaticum matre id perhibent tua.
*I*nstaurasq; nono, sed frustra Marte tumultum,
Ulturus patris funera mœsta sui.
*N*am Dacus variat primo quod dixerat ore,
Te contra Turcam velle inuare ferum.
*I*nstruit horrendos te contra perfidus hostes,
Et fudit populos Marte inuante tuos.
*U*nde nemus nostris patuli memorabile fagi,
Dum sol syderico tramite currit, erit.
*S*ic igitur multis non faustis obrutus actis,
Terapuit inuenem Parca seneca ducem.

*A*nno à Christo nato 1492. Casimiro rege è viuis ad superos commigrante, Ioannes Albertus filius in locum eius substituitur: sacroque diademate solenniter insignitur. Ad quem oratores Venetorum venerunt: cuncta prospera, fortunamque contrahentem Christianum propitiam illi exoptantes. Postea Turcarum legati inducias petentes venerunt: cum quibus rex foedus ad certum tempus pepigit.

Tandem anno 1494. Albertus rex cum fratre Vladislao Bohemiae & Hungariae rege, in Liucza conuentum habuit: consultantibus quomodo coniunctis viribus, eandem crudelissimam Vladislai patris sui, viciisci possint, propositumque constitutum nemini reuelabant. Sed Turcarum imperator omnium exploratissimus erat: qua de causâ legatum magnum ad regem Albertum propter confirmandum foedus destinauit. Interea verò Stephanus Palatinus

Legatio Venetorum.

*Oratores
Turcarum
inducias petunt.*

*Conuentus
Alberti regis cum Vladislao rege
Hungariae
fratre contra
Turcam.*

Turca inducias petit.

*Expeditio
Alberti con-
tra Turca-
rum impe-
ratorem in-
felix.*

*Signa ad-
uersa.*

Ab.

*Perfidia
Palatini
Valachia.*

*Arma in
Turcas pa-
rata in Va-
lachos con-
uertuntur.*

Valachia, vt feudalís, à rege auxilium contra Turcas implorauit: qua de causa rex apertam occasiõem vl-
ciscendi barbari hostis nactus, ingentẽ validissimum-
que exercitum ex Polonis, Lituanis, Massouitis, Ru-
thenis, Prutenisque & Silesijs conscripsit: expeditionemque in Moldauiam contra Turcas celeriter ad-
ornauit. Vbi statim signa aduersa fortunæ apparue-
runt, equus enim generosus in quodam paruo tor-
rente, iuxta Leopolum Russiæ sub rege succubuit,
pauculoque aquæ obrutus est. Leopoliẽ etiam eques
quidam Polonus Sropski dictus, insanæ mentis cla-
mabat dicens: Nostri in suum malum proficiscuntur.
Fulmen quoque quendam equitem in tentorio cum
duodecim equis interemit. Palatinus autem Molda-
uiæ regi com meatum pabuliq; necessaria & vniuer-
so exercitui, se suppeditaturum promissit. Rex itaque
falsis eius promissis fidem adhibens, vbi in Valachiam
exercitum induxit, ad Palatinum, vt promissis staret,
contra Turcasque expeditionem secum adornaret,
misit. Ille verò perfidus respondit: Caveat sibi rex à
Turcis vel ab alijs, quod ausus sit in diriones meas,
me in scio venire. Rex verò secundo & tertio eum ad-
monuit, vt promissa persolueret: sed Palatinus hæc
flocci pendebat: qua de causa Poloni iniuste exacer-
bati arma quæ in Turcas parauerant in suos conuer-
terunt. Soczauamque Valachia metropolim obse-
derunt: quam grandioribus machinis bellicis inter
regem fratrem suum, & Palatinum inimicitias per
legatos composuit. Fœdere itaque alterutrum firma-
to: rex infirmitate, partim ex aduersa fortuna, par-
tim ex nimis curis correptus, in Poloniam cum vni-
uerso

uerso exercitu reuertitur. Cumque in meditullium
syluæ amplissimæ (quæ *Bukonia*, à faginis arboribus
dicitur) penetrarent: vbi arbores succisæ erant, Ste-
phanus Palatinus Valachia fœdistragus, contra ius
diuinum & humanum, à fronte & a tergo armata
manu in regis copias irruit, ingentiq; & cruenta clade
Polonos inopinatos oppressit, captiuorumq; multi-
tudinẽ abduxit. Inter quos insigniores erant, Nico-
laus Palatinus Russiæ, Gabriel Comes à Tenczin, Ioã-
nes Zpigneuus Capitanei Marienburgensis filius, &
alii complures qui sanguine suo vitam regis redime-
runt. Vbi adhuc signa huius cladis infelicitis ossa vide-
licet albetia in hac sylua ipsemet vidi, cum magni-
ficus dominus à Lasko, Palatinus Siradia, Despotam
Heracidem in occupanda Valachia iuuaret, in cuius
castris ego peditum præfectus fui: anno Domini
1562. Sed ad rem redeo.

Anno Domini 1493. mense Ianuario, & Februa-
rio tantus calor, quod in illis regionibus mirum est,
in Polonia extiterat, vt pomeria florerent, aues ni-
dificarent, graminaq; pulcerrimè virescerent. Postea
mense Martio tanta frigora subsequuta sunt, vt hæc
omnia gelu arefacta marcescerent.

Anno sequenti iuxta Cracouiam in villa Czarna
dicta, mulier quædam puerum cum leporino collo,
& auribus peperit: qui ore aperto hiabat. Non mul-
tum post altera mulier serpentem cum puero edidit:
qui serpens puerum ad intestina vsq; corrosit.

Anno Domini 1499. Cracouia Iudæa mulier vi-
tulum bicipitem peperit, qui vnum caput in cauda,
aliud verò in principio habebat: cauda verò in tergo
sita erat, pedes septẽ in dextro latere, in sinistro ve-

*Valachus
Polonos fœ-
dere fracto
sternit.*

*Calor im-
mensus.*

*Monstrata
in Polo-
nia.*

*Aliud mon-
strum.*

*Tertium mon-
strum inter
Iudæos na-
tum.*

rò nullum habebat: multo tempore extra Cracouiam hoc monstrum, vt ab hominibus videretur expositum erat.

Ioannis Alberti regis mors.

Anno Domini 1501. Albertus rex Cracouia in Prussiam profectus, Torunia apoplexia correptus extremum diem clausit. Aetatis suae 41. anno. regnauit octo annis totidemq; mensibus.

ALEXANDER.

Multa laborati hoc recinunt de regis libelli,
Quam duri promptus Martis ad arma fuit.
Nil illi morbi, nil frigora sanam mouebant,

Vt non inceptum perficeretur opus.
Saepe insano compressit Iazygas arcu,
Et dedit horrenda millia multa neci.
Indigna vlciscens saevi periuria Moschi,
Illius constans abstulit ultor opes.
Nec tantum bello studuit, sed legibus aequis,
Subiectam patiens est moderatus humum.

11 Ille ducis laus est certo verissima magni,
11 Qui sacra, qui iustum cum pietate colit.

Perfidia Valachorum gliscitur.

Anno à Christo nato 1501. Alexander Magnus dux Lituaniae, fratri Alberto in regimine successit. Postea anno Domini 1506. expeditionem in Valachiam adornauit, multasq; arces ad Tyram fluiuium sitas sub Valachis expugnauit. Eodem anno in Lituaniam profectus, Vilnae infirmitate correptus est. Interea verò Tartarorum 20000. populabundi in Lituaniam excurrerunt, contra quos rex Stanislaus Kiskam Lituaniarum cum armata manu destinauit: ipseq; sua persona semiuuius ferè exercitum sequutus est, recensitisq; copijs in Lida arce remansit.

Lituani

Lituani igitur inopinatè in Tartaros securos, ad Klecoz oppidum ingenti impetu irruerunt, quos ad vnum cruenta clade fuderunt, & spolia, captiuosque abegerunt. Quae victoria cum regi iam animam agenti nunciaretur, ille, quamuis beneficio linguae priuatus, manus tamen in altum extollens, suspirante cum lacrymis Deo gratias egit, omnibusque circumstantibus manum porrigens, ad superos commigrauit: anno aetatis suae 45. Vilnae vbi & sepultus quiescit: quatuor annis, & mensibus octo Poloniae regni scepra tenebat. Magno verò Ducatui Lituaniae 14. annis praefuit.

Alexander moritur.

SIGISMUNDVS PRIMVS.

Cum iurarat atrox deuicto Glinscius hoste.
Suspectam pulsa suspitione fidem.
Qui caperet regni post mortem fratris habenas,
Tota Sigismundum terra Polona cupit.
Hoc, qui magnatum tunc nemo tenacior aequi,
Maior consilij, & pietate foret.
Dux regum decorabat eum clementia, solus
Dux, lagelona stirpe superstes erat.
Prostravit fretum numerofo milite Moschum,
Millia quo bello his cecidere decem.
Quantus amor populoq; suo, externisq; monarchis,
Tantum erat Turcis, & tibi Theuto, tremor.

Anno Domini 1507. curato sumptuosè funere Alexandri regis, Sigismundus frater eius dux Glogouiae, & Opauiae Capitaneus generalis, magnus dux Lituaniae regni gubernacula suscepit. Hic lapsam ferè rempub. Poloniam humeris suis e-

*Moschouia
depredatur.*

rexit, qua rectè constituta, & vndique pacata aduersus Moschouia principem Basilium armatas copias duxit Tartaris Præcopensibus in auxilium sibi acceptis: arcesque plurimas expugnauit, & suorum præsidij munivit.

*Tartari
profligati.
Valachus
Poloniam
infectat.*

Eodem anno Tartari in prouincias Russiæ excurrerunt, contra quos Castellanus Leopoliensis, cum quingentis equitibus Polonorum profectus, gentem barbaram auspice Deo inopinatè oppressit, & profligauit, spoliaq; abegit.

*Poloni & ci-
scuntur, Va-
lachos egre-
giè.*

Anno 1509. Palatinus Valachiæ scedifragus in Russiam armata manu excurrit: Leopoliq; spoliavit, vnde thesauros plurimos abstulit, Rohatini- am arcem deditione cepit, de Polonorumq; contra se expeditione audiens, in Valachiam aufugit, quem Poloni insequuti, damna in Valachia ferro & igne nullo obstante (ipse enim Palatinus in abditiis syluarum latitabat) maxima intulerunt. Hasque munitiones, Dorochiniam, Sczepanouice, Czarnouicze, Borusaniam, Chocimiam ceperunt, Soczauam metropolim regionis grauitè oppugnarunt: sed re infecta multimodis spolijs onusti, vniuersa regione peruastata, ad sua reuertuntur. Cumq; Tyram siue Nestrum fluiuium traicerent, Valachij nacta occasione è syluis ad pugnandum instructi erumpunt, cum quibus equitatus aulae regiæ qui adhuc in hostili ripa remanserant, manus acriter commiserunt, à tergoque hostium aliquot cohortibus Polonorum clandestino transmissis, omnem exercitum Valachiorum fuderunt.

*Valachi ca-
duntur à
Polonis.*

Postea anno Domini 1512. Tartari Præcopenses stipendiarij regis, in 24000. equitum in Russiam ex-
curre-

currerunt, ad Visniouiciūq; in Podolia castrame-
tati sunt, ad quorum viū reprimendam Poloni & Lit-
uani expeditionem susceperunt: certamenq; acre cum eis commiserunt, & dum vna ala Polono-
rum ad castra hostium vbi captiui Polonorum Li-
tuanorumq; erant, penetrarunt: captiuos solu-
entes, ad arma excitarunt. Statim igitur captiui soluti à tergo, illi à fronte in Tartarorum ordines solutos ir-
ruerunt: quos paruo negotio fuderunt, & celebrem victoriam impari Marte obtinuerunt.

*Tartari in
Russiā gra-
santur.
Poloni triū-
phat de
Tartaris.*

Anno 1514. Sigismundus rex audiens Smolen-
sko arcem munitissimam in ditione Lituanorum à Moschouia duce Basilio captam, exercitum ad vl-
ciscendum hostem duxit. Moschus verò 8000. equi-
tum contra regem destinauit: Polonorum autem, & Lituanorum copiae 35000. non excedebant. Con-
stātinus itaq; Ostrouuski dux exercitus, strato pon-
te pedites vltra Borysthenē iuxta Orsham oppidum
transfert. Equitatus verò augustum vallum sub ipso
castro Orshæ superat. Mox vbi dimidia pars exerci-
tus Borysthenem transiret, nunciatur Ioanni An-
dræ Celadin, cui summa rerum à Moscho commis-
sa erat, vt hanc exercitus partem inuaderet. At ille re-
spondit: si partem hanc exercitus oppresserimus,
quid postea faciemus: cum ceteri metu percussi ter-
ga vertent, expectemus tantisper dum totus exerci-
tus transferatur: tantè enim sunt vires nostræ, vt cir-
cumuentos hostes Moschouiam vsque velut iumen-
ta agere possimus: tandem quod vnicum restat to-
tam occupemus Lituaniam. signa itaque vtrinq; ca-
nuntur, Moschouitæ primi in Lituanos impetum fa-
ciunt: illi haud timidi strenuè resistunt. Postremò

*Expedi-
tio
regis contra
Moschorum
ducem.*

*Constātinus
Ostrouuski.*

*Andreas
Celadin.*

*Certamen
acre cum
Moschouit-
is.*

*Moschouita
crudeliter
profligatur.*

*Numerus
Moschorum
occisorum.*

*Moschus
fugit.*

*Smolensko
obsidetur.*

*Conuentus
regum Po-
lonie & Hun-
garie cum
imperatore.
Bona ducis
Mediolani
filia Sigi-
smundo nu-
pta.*

maxima vi certatur; Lituani studio cedentes ad col-
lem ubi tormenta collocata erant, ea in Moschos in-
sequentes exonerant: extremamq; aciem eorum in
subsidijs collocatâ feriunt, turbât, dirimuntq; hoc no-
uo belli genere Moschi perterriti terga vertunt, quos
Lituani cum Polonis conuersi omnibus copijs effu-
sis insequuntur, fugant, confodiunt, caduntq; bel-
lum sola nox diremit. Est inter Orsham & Dubrou-
nam, fluuius Cropsiana dictus: in cuius dubijs & altis
ripis Moschi fugientes, tor submersi, ut cursus flumi-
nis impediretur. Capti sunt in eo conflictu omnes
militiæ præfecti, & consiliarij, qui ad regem missi sunt.
Ioannes verò Celadin supremus dux exercitus, cum
duobus præcipuis viris, Vilnæ in compedibus ferreis
detinebatur. Cæsa sunt tunc temporis Moschorum
42000. capti 2000. exceptis ijs qui in fuga aquis ob-
ruti sunt. Ex Polonis & Lituanis 300. duntaxat oc-
cubuerunt, ab hoc tempore Moschouic dux campestre
prelium non audet regi Poloniae opponere. Moscho-
uia principes accepta suorum clade, Smolensko con-
tinuò relinquens in Moschouiam fugit: Lituanicus
verò exercitus Smolensko obsedit: sed eam capere
non potuit, bene enim firmatâ Moschus reliquerat:
tribusq; alijs castris citra Smolensko occupatis, qui-
busdam peruastatis præda onusti ad sua reuersi sunt.
Anno Domini 1515. mense Iulio, Sigismundus
Poloniae, & Vladislaus Hungariae Bohemiaq; reges,
fratres germani, cum Maximiliano imperatore Vi-
ennæ Austriæ conuentum insigni splendidoq; appa-
ratu habuerunt.

Tandem anno Domini 1518. Bona Ioannis Sfor-
tiæ ducis Mediolanensis filia, Sigismundo regi Craco-
uiam

uiam allata est: cui episcopi, magnates, equitesq; Po-
lonorum, insigni ac splendido apparatu obuiam pro-
cesserunt. Hæc anno Domini 1520. filium Sigismun-
dum Augustum Cracouiæ in absentia regis peperit.
Anno 1525. Albertus Marchio Brandenburgensis,
magister in Prussia ordinis Teutonici, post pluri-
ma bella & simultates cum Polonis susceptas, videns
frustra contra stimulum calcitrare, regni Poloniæ Si-
gismundo iuramentum Cracouiæ solenniter præ-
stitit, habituq; ordinis abiecto in ducem sacularem
Prussiae creatus est.

Postea anno Domini 1526. decedentibus imma-
tura ætate Stanislao & Ioanne ducibus Massouia:
Ducatus Massouia: regi Poloniae cessit.

Anno Domini 1530. Sigismundus secundus Au-
gustus, patre viuente sacro diademate solenniter
Cracouiæ coronatur, decem duntaxat ætatis sue an-
nos habens.

Anno 1531. Petrilo Palatinus Valachia: infestis
armis in Pokuciam irruit, Snijatinq; & coloniâ cum
adiacentibus pagis exussit. Rex itaq; sex millibus mi-
litum pro stipendio conscriptis, Ioannem de Tarno-
uia Comitem eis præfecit, contra Valachiosq; desti-
nauit. Poloni igitur ad Obertinâ castra metati sunt,
in loco munitissimo. Petrilo verò Palatinus Valachia:
cum quinquaginta millibus Valachiorum, & Turca-
rum atque Hungarorum in colle editiori sese appa-
ruit: tormenta q; bellica aliquot in Polonos direxit:
nihil tamen effecit. Postea vtrinque tormenta exo-
nerantur, plurimosque Valachiorum Poloni globis
glandibusque ferreis trucidant. Inde infestis armis
maximo clamore vtrinque concurrunt, gladijs, lan-

*Magister
Prussiae or-
dinis Teuto-
nicæ regis in-
gum subit.*

*Massouia
Polono regi
cessit.*

*Sigismundus
Augustus
coronatur.*

*Valachus
Poloniam
infestat.*

Acer con-
fluitus.

Poloni Va-
lachos pro-
fligant.

Tres soles.

Moschouita
Lituaniam
castant.
Poloni in
Moschouita
cōtendunt.

ceis, omniq; telorum genere res geritur. Poloni fortitudine, Valachij multitudine superabant. Postea Poloni tormenta, bombardasque in Valachos exonerant, exercitumque eorū fudunt, dissipant, & vndiq; affligunt. Sicque Valachij ordinibus solutisterga vertunt, quos Poloni omnibus copijs effusis insequuntur, fugant, cædunt, turbant, trucidantque. Itaque omnis generis rerum copia ex castris eorum onusti, quinquaginta maioribus tormentis ablatis, milleq; captiuis insignioribus abductis, ad regem reuerſi sunt cum insigni victoria.

Anno Domini 1532. in Moravia supra Olomunciam tres soles apparuerunt.

Anno 1535. Ouczina tutor, gubernatorque moderni ducis Moschouia, valida manu in Lituaniam excurrit, quam igne & ferro peruastauit, quindecim milliaribus à Vilna reuerſus est. Rex itaque Polonia milites stipendiarios, voluntariosque, quibus Ioannem de Tarnou præfecit, in Moschouiam destinauit, cum quibus Lituani vires suas coniunxerunt, finesq; hostiles ingressi arcem Homel expugnarunt, suisque præſidijs munierunt. Inde recta ad Starodub arcem munitissimam, in qua Owczina, Suyſki, & KoluczoW caterique proceres Moschorum erant, contendunt: eamque grauius tormentis bellicis adactis oppugnant. Moschouita quoque quorum numerosa multitudo in arce fuit strenuè sese defendit. Arx ex roboribus ædificata terraq; & lapidibus propugnacula, & parietes impleta erant: ideo tormenta incassum exonerabantur. Postea pulueribus, bombardarijs suppositis, arcem incenderunt: thesaurosque ingentes quibusdam flamma absumptis asportauerunt.

runt. Owczina gubernator totius Moschouia, Suijski, KoluczoW, caterique magnates & proceres Moschouia capti sunt. Vulgi verò multitudo exercitum regium numero 60000. superabat: qua de causa Ioannes Comes de Tarnow, supremus dux exercitus, omnes senes, plebeios, & parum idoneos decollari iussit, iuuenibus, nobilibusque & virginibus relictis.

Starodub
capta.

Anno Domini 1548. Sigismundus rex multis gestis præclaris summa cum laude strenuè editis, imperioq; in pace relictò, & reipub. rebus rectè dispositis, vitam cum morte feliciter commutauit, ipso die solenni Pasche, ætatis sue 81. annos, menses duos, & dies septem peregit, Cracouia in Basilica arcis honorifice 26. die Iulij sepultus:

Sigismundus
moritur.

Martinus Bielski Polonus, qui annales Polonorum vulgari lingua conscripsit, facit mentionem, in principio imperij huius Sigismundi primi: nobilem quendam Iacobum Mosſinski, prætorem de Brezinij ciuitate, ex leuitate quadam animi, seu potius desperatione, nomen auctoritatemque Christi sibi adscuisse, Petrumq; Zatorski ciuem Cracouienſem, ceterosque sibi similes latrones duodecim, secundum numerum apostolorum elegisse: singulisque nomina apostolorum imposuisse: se verò Iesum Christum appellasse. Qui per villas vbique ambulantes, prodigia morionum, & prestigiatorum more exercebant: sicophantasq; alios, & latrones velut mortuos subornantes suscitabant: pisces in paludes lutosas primo impositos, vbi nunquam eos nasci possibile erat, in nomine Christi sui manibus capiebant: panes in fornaces imponebant: in nomine Christi cum illic an-

Simili fari
nue homo fuit Da
uid Grog 20
Mosſinski
se Christum
fore sinxit.

*Latrociniū
en signa.*

tē non essent, depromebant, cum ingenti simplici
vulgi admiratione. Quodam tempore ad Cestocho-
uiam monasterium diuæ Virginis imagine celebre,
prædictus Christus cū suis apostolis vbi adhuc igno-
tus erat, venit, cumque illic aliquot diebus moraren-
tur, vnum ex suis quasi obsessum à dæmone subor-
nauerunt, cuius opera victum acquirebant, cum sua
coquina carerent: ille enim quasi dæmiophoretus per
hospitia, diuersoriaque ambulans, carnes de coqui-
nis rapiebat, in suosque proieciebat, qui cruce illas mu-
nientes carnes comedebant. Illic autem ingens erat
confluxus populi tūc temporis ad diuæ Virginis ima-
ginem, quæ ibi perinde, vt apud nos in Loreto mira-
culis celebris est. Prædicti itaque sicophantæ, illum ob-
sessum suum, ad altare diuæ Virginis ducunt: duplici
veste ad id studiū præparata indutum, in cuius inter-
capedinem necessaria imponere possit: lapillos verò
intra indusium à corpore ei imposuerunt, cumque ad
altare deduceretur, ille è manibus ducentium furi-
bundus, sese proripiens, in altare oblationibus pecu-
narijs onustum irruit, pecuniasque de altare rapiens
in vestis duplicatæ intercapedinem eas imponebat.
Monachus verò ab altari diuino officio intermissio
aufugit: ceteri monachi stupidi accurrentes cingulū
illius resoluunt, putantes eum pecuniam intra indu-
sium posuisse: sed lapilli duntaxat quos antè studiū
imposuerat, in terram exciderunt: pecunia verò in
veste duplicata remansit. Monachi igitur mæsti pec-
uniam arte dæmonis in lapillos transformatam pu-
tantes, exorcismos, orationesque supra lapillos sine
intermissione fundunt: vt deinde in pristinam for-
mam transformarentur: sed cum lapilli immutati in
sua

*Exorcismi
supra lapil-
los.*

sua forma perseverarent, monachus librum Agen-
dam (vt dicitur) indignabundus in terram proiecit
dicens: adhuc talem dæmonem nunquam experti
sumus: abite cum eo ad omnes dæmones. Hoc latro-
cinio prædicti sicophantæ perpetrato, cum illa pecu-
nia rectè in Silesiam vicinam Poloniæ perrexerunt,
simplicem vulgum suis præstigationibus seducen-
tes, vbi ad quandam matronam nobilem, in quo-
dam pago diuertentes, dicunt ad illam: Christus te
cum suis apostolis visitat ô mulier, ideo te offer il-
li, & saluabitur anima tua. Illa verò virum domi non
adesse, in cuius absentia id sibi non licere, respondit.
Cui Apostoli dixerunt: Habesne mappas vel telam
ad sacrificandum: mulier verò ligaturam telæ illis
obtulit. Qui dixerunt, hanc nobiscum accipiemus,
Christusque tibi benedicet, vt tibi linum abundan-
tius crescat, ostende aliam si habes telam: quam cum
similiter accipere volebant, mulier dixit: non dabo
vobis hanc: maritum enim timeo. Illi autem fru-
stulū fomitis cum in igne telam inuoluentes mu-
lieri reddiderunt: quam illa nihil suspiciens in ci-
stam reposuit. Itaque cista à tela, à cista verò domus
accensa in flammam abiit. Vir igitur illius vxoris re-
uersus, domum conflagrantem inueniens: causam
sciscitatur, cui vxor se malè Christum cum suis Apo-
stolis tractasse respondit: ideo hanc plagam iniuste in
se permisisse. Vir autem ira excandescens, latro hic
inquit nequissimus, & non Christus fuit. Ideo cum
vicinis malefactores persequitur, quos in quadā vil-
la insequuti sunt. Ille itaque pseudochristus re animad-
uersa ad illum qui vocabatur Petrus dixit: Petre, iam
mea passio, calixque bibiturus sum appropinquat.

*Aliud latro-
ciniū pseu-
dochristi.*

*Fuga pseu-
dochristi.*

Cui Petrus: Et mihi vt video Domine imminet. Christus verò dixit: Petre, ego aliter non possum, nisi per fenestram hinc euadere. Ad quem Petrus: Et ego te quoad vitam non derelinquam Domine, sed quocunque tu fugeris, sequar te. Sicque ille Christus per fenestram, Petro sequente, aufugit: ceteri quoque Apostoli quà potuerunt euaserunt. Quos villani vnà cum suo Christo infectos, & vndique circumuentos baculis, fustibusque prauis ceciderunt, dicentes: Prophetisa nobis Christe cum tuis Apostolis, qua in Iherusalem baculi creuerint. Sicque plagis emendati vitam suam poenitentiam agentes, postea emendarunt, dicentes: Difficile est nobis Christi passionem, Apostolorumque tormenta subire.

Pseudochristi cum Apostolis baculatur.

SIGISMUNDVS AVGVSTVS.

Sigismundus 2. Augustus.

Anno salutiferi Virginis partus 1548. iustis Sigismundo primo honorifice sumptuoseque; per solutis, Sigismundus Augustus, filius eius magnus Dux Lituaniæ, regni habenas moderandas suscepit, quas summa cum prudentia & fortitudine in pace gubernauit.

*Prima uxor
Augusti.*

Hic anno Domini 1543. Ferdinandi Romanorum Hungariæque & Bohemiæ regis filiam Helisabetham, matrimonio sibi copulauit, quæ Cracouiam honorifice allata est. Postea immatura ætate & sine prole anno Domini 1545. decimaquinta lunij è viuis decessit.

*Secunda
uxor.*

Deinde Barbaram Lituam ex domo Radivilorum, quæ antè Gastoldo Lituano nupta fuerat, duxit. Inuita matre regina Bona, proceribusque Poloniæ repugnantibus, hocque matrimonium indigne ferentibus,

tribus, & parum abfuit quin rebellio eorum cœpta, in perniciosam seditionem abiisset. Hæc quoque; non multo post è viuis sublata est sterilis: non sine veni suspitione, quam rex Cracouia, Vilnam vsque; metropolim Lituaniæ deduxit, ibidemque in Basilica arcis diuo Stanislao sacrata, honorifice tumulauit.

Hac mortua ad redintegrandam cum Ferdinando amicitiam, & affinitatem conuersus, alteram filiam 3. uxor. eius Catharinam, quam Franciscus dux Mantuæ vi-
duam reliquerat, germanam sororem Helisabethæ duxit. Nuptiarum solennia celebrata sunt Cracouia 31. Iulij, anno Domini 1553. quam postea sterilitate causata repudiavit: Maximilianoque fratri, Romanorum imperatori, in Germaniam honorifice remisit.

Tandem anno Domini 1557. iustissimū bellum *Augustus* aduersus *Guilhelmum Furstemberg*, magistrum Li-
uoniæ ordinis Teutonici suscepit: centenisque mil-
libus equitum & peditum electorum, tam Polono-
rum quàm Lituorum Ruthenorumque; accinctus, in Liuiam sua persona contendit. Sed Liuiam
magister difficile contra stimulum calcitrare videns, supplex pacem efflagitat, præliumque; deprecatur, & se cum vniuerso ordine, & tota ditione in fidē & clientelam regis submittit, prout latius in Liuiæ descriptione patet.

Tandem princeps Moschouia anno Domini *Bellū cum* 1558. hereditarij cuiusdam iuris & denegati tri-
buti prætextu numerofo cum exercitu in Derpten-
sem Liuiam provinciam excurrit, Derptamque; ciui-
tatem episcopalem cum arce cepit, ac plures muni-
tiones temporis successu expugnauit. Itaque Sigi-
I

contra Lituos cœdit.

Moschorum duce.

frundus Augustus rex, Liouones feudales & clientes suos strenuè propugnando bellū (pio dolore stimulante) cum Moschouia magno Duce suscepit, quod vario Marte tam in Liouonia quàm in Russia alba, diu durauit, & in hunc diem fœdere intercedente perseverat.

Anno Domini 1562. sub tēpore Carnispruij Fe-
Dux Mo- bruarij 23. die, Ioannes Basiliades, magnus Dux Mo-
schouia Po- schouie, trecentenis millibus armatorū coadunatis
laczkan- in sua persona Poloczka dura oppugnatione cep-
capit. pit, vnde thesauros dictu incredibiles, captiuorumq;
 octuaginta millia quibusdam cæsis, in Moschouiam
 abduxit. Iudeos verò omnes baptismū abhorrentes,
 aquis DWine fluij submergere fecit. Solummodo
 Polonos stipendiarios remuneratos, liberos dimisit.

Postea anno Domini 1564. magnus Dux Moscho-
 uia, detectis oratoribus Lituanorum, diutius in Mo-
 schouia, exercitum celeriter conscripsit, quem abso-
 lutis oratoribus in Lituaniam populabundū destina-
 uit. Hic exercitus in duas partes diuisus vnus à Smo-
 lensko duce Srebrnij, alter à Poloczka duce Soiski
 cōtendebat, qui in campis Czaſniciansibus ad Vlam
 fluiū castrametatus est, Nicolaus verò Radiuil Pa-
 latinus Vilnensis, dux exercitus Lituanie supremus,
 & Gregorius Chodkie Wicz. campiductor, rem cer-
 tam ab exploratoribus de illis tenētes, parua manu
 hostes aggrediuntur, securosq; & inopinatos cēdūt,
 trucidā, cōfodiunt, fugātq;: qui per syluas & agros,
 paludes, partim à colonis cēsi, partim aquis submersi
 sunt, quorū 30. mil. occisa esse cōpertū est. Ibidē Pe-
Soiski occi- trus Soiski suprem⁹ dux exercitus Moschouici vul-
sus. neratus fuga euadens, à rustico securi (cū magno do-
 lore

lore Lituanorum, quod viuis nō caperetur) occidi-
 tur, Vilnā delatus honorificè in Ruthenorū Basilica
 sepelitur. Alius verò exercitus, qui à Smolensko ad
 Orshā cum duce Srebrnij cōtendebat, audita suorū
 cruēta, infeliciq; clade, metu perterriti, omni bellica
 ipsaq; copiosissima supellectili abiecta, in pedes sese
 coniecerunt, turpiq; fuga salutē suā consuluerunt.

Anno Domini 1564. ipso festo diuæ Margarete,
 magnificus dominus Stanislaus Pacz Archidapifer
 sacra regie maiestatis magni Ducatus Lituanie, ac
 locum tenens tunc temporis Palatinus Viteblien-
 sis, collecto ex Vitebliensi Palatinatu exercitu, ad-
 iuncta curia sua, & duobus centurionibus, alijsque
 cohortibus, quibus praeceperat duces, Isidorum si-
 gniferum Vitebliensem, & Ioannem Snieporod-
 tenutarium Vitebliensem, hi in armatura leui duo-
 rum millium, cōtra hostem Moschum, qui tūc ten-
 poris arcē lezeiriscza tredecim millibus armatorum
 grauius oppugnabat, processerunt, manusq; acri-
 ter cōseruerunt, & hostium perrupta acie tormen-
 ta obrinuerunt: vltioremq; exercitum qui fugam
 cōperat, insequuntur, trucidant, verberant, cōfo-
 diunt, nonnullos captiuant: octoq; millia Moscho-
 rum cæsa, ceteri armis abiectis quoquo potuerunt
 fuga salutē suā consuluerunt. Nostri verò omnem
 supellectilem bellicam, & vniuersā hostium arma,
 tormētumq; magnum, tela ignea, vexilla, bombar-
 das, & id genus alia abstulerunt, & ipsi Dei benigni-
 tate sani & incolumes spolijs onusti paucis in cōfli-
 ctu desideratis, ad Witepskam redierunt. Georgium
 autem To Wmak dux exercitus hostilis vix euasit,
 qui postea viribus relumptis, eandē arcē lezeiriscza

acerrima oppugnatione, & igneis telis expugnauit.

*Dux Roma
1566.*

Postea aliquot annis vario Marte vtrinque certatum est, magnis & paruis congressibus, arces quoque alterutrum tentatae & dux Romanus Sangusko campiductor exercitus Lituanici vires Moschorum debilitauit; paruaque manu magnas copias hostiles saepius fudit. Sussam & Vlam arces Moschouiticas saepius tentauit.

Sitno lacus.

Moschouita castris.

Anno Domini 1567. 16. Septembris, nostrates ex Witebska in Sitno lacu Moschorum trecentos occiderunt, bombardas 120. pulueris, globorumque multitudinem, & spolia abstulerunt. Eodem anno pedites nostri ex Witebska 12. Decembris, sub arce Wielis multos Moschos prostrauerunt, ceteri ex ijs fugientes in Duna fluuio submersi sunt. Duo nobiles Alexius Simiczow, & Bachdanus Hreori cum multis alijs captiui abducti.

*Expeditio
in Raskoni-
ce regia.*

Tandem anno Domini 1568. Sigisfundus Augustus rex, conscripto validissimo exercitu, ipsoque electissimo plusquam centum millium cum tormentis, & omni suppellectili bellica sufficienti sumptuosaque, in Moschouiam sua persona tendere proposuerat, ad Rodosko Wiczeque à Vilna 24. milliibus progressus, ibidem castrametatus, aliquot hebdomadis tractatis, re infecta exercitus parte dimissa, ipse Gronam reuersus est. Stipendiariorum militum, equitum, & peditum copias, cum tormentis

Vla obfessa.

magnis muralibus, ad Vlam arcem Moschorum expugnandam, destinauit, quibus illustrem dominum Ioannem Chotkie Wicz, capitaneum generalem Samogitiae, virum militiae peritum, & in bellis de Carolo quinto optimè meritum, praefecit: sed quamuis

uis arcem grauitè strenueque oppugnarent, auxilio obfessis adueniente, re infecta obsidionem soluerè coacti sunt, quam postea dux Romanus Sangusko inopinata irruptione cepit & exussit, anno Domini 1568. 28. die Septembris. Hostium maior pars caesa, ceteri combusti, quidam in Duna & Vla fluuijs, qui eam præterfluunt, fugientes naufragio perierunt: pauci captiui abducti, ex nostris aliqui vulnerati, spolia magna, exuias, pecuniae argenteae multitudinem, & tormenta aliquot abstulerunt, & cetera multa instrumenta bellica. Victus maior pars combusta, arcem ipsam nostri occupauerunt, quam & nunc suis praesidijs tenent, attamen longè à prioristructura, (vt eam Moschouita firmauerant) differentem. Hanc nos anno Domini 1564. cum eam in primis Moschouitae aedificare coeperunt obsideramus, nihil tamen nescio cuius causae (alter iudicet) effecimus, quamuis in strenua peditum oppugnatione quidquam defuerit. Ibi Nicolaus Venetianus Rotmagister peditum in Leplo, glande bombardae ictus strenuè officium suum adimplens, hebdomada elapsa in Vitebsca occubuit. Ego quoque cum peditibus Rotae meae tormenta defendens, vndique hostili manu ex arce erumpente circumdatus, vim impetuosam sustinere non valens, vix de manibus ferè hostium, armata manu euasi.

Vla capta.

Venetianus occisus.

Vitebsca obsessa.

Eodem anno 1568. nostri pedites Vitebsenses nocturna irruptione inopinata iuxta Vielsam arcem Moschouiticam ciuitatem exusserunt, hostiumque 300. occiderunt, & spolia magna abegerunt, Ianuarij 5. die.

Postea 17. Ianuarij, iidem pedites nostri sub arce

Vitebsca dirupta.

Moschouitica Vſwiat, ciuitatem septis penetratis, perfractisq; exuſſerunt, multis occiſis bombardas & ſpolia exuiasq; multas abſtulerunt, parum abſuit, quin arcem ipſam caperent.

Kozacy.

Corſari.

Freibuteri.

Eodem tempore Ianuarij 18. Birula cum ſuis pedibus (qui vulgò *Kozacy* dicuntur, id eſt, qui hoſtem furtiuè & inopinatè adoriri ſolent, Italicè *Corſari*, Germanicè *Freibuteri* dicuntur, qui in mari latrocinantur: ſed Ruthenis huiusmodi *Kozacy* dicuntur, qui vias hoſtium circūſident, & furtiuè inopinatèq; interdum decem *Kozacy* prædicti, ad centum Moschos ex inſidijs irruunt, inopinatosq; trucidant, ex Moschouie terra à Ducatu Biela magnis ſpolijs onuſtus, cum captiuorū multitudine Vitebskam redijt.

Vielis exiſta.

Tandem 28. Ianuarij noſtrates pedites ex Vitebska & Surafa arcibus, cum equitibus domini Palatini Vitebliensis Paczi, Vielisam circumuſſerunt, erumpentes hoſtes ex arce cum Rotmagiſtro eorum Poluiato occiderunt. Aulicos quoque magni Ducis præcipuos triginta, cum trecentis equitibus ad præſidium arcis ferendū eadem nocte venientes, inopinatos in ciuitatē fuderunt, cæteris fuga dilapſis, nondum enim in arcem quod intempeſtiuè venerint, intromiſſi erant, Ioānem Michaelis Holopinū inſignem virum, magni Ducis pincernam, captiuum multis ſpolijs onuſti Vitebskam adduxerunt.

Captini inſignes.

Eodem anno 27. Maij die, in feſto Aſcēſionis Domini, noſtrates ex Moschouia cum magnis ſpolijs & exuijs venerunt. Rotmagiſtrum cum vxore & ſeptem nobiles, cum multis alijs captiuos adduxerūt.

Vſwiat exuſta.

Eodem tempore 29. Auguſti Viteblienses noſtri, ciuitatem ſub arce Vſwiat exuſſerunt, captiuosq; & exuijs

exuijs onuſti, Vitebskam redierunt. Huiusmodi autem excuſſiones innumeras noſtri pedites Viteblienses cum maximo damno hoſtili quotidie, dies noctesq; exercebant, propter ſuam vtilitatem, videlicet: ſpolia enim magna referebant. Arcium reliquarum finitimarum excuſſiones taceo, niſi huius mentionem facio, cuius ipſe præſidia egi.

Anno ſupradicto 1568. Septembris 29. die, in feſto diui Michaelis archangeli noctu diem Veneris præcedente, Moschouitarum cum Tartaris Nahaiſenſis Horde ſex millia numero, ſub Vitebskam venerunt, quibus præerant tres Palatini præcipui, Seremiet, Baſilius Buturlin, & Hreori Szoborow, duobus diebus ſub arce exactis, ciuitate in duobus locis ſuccenſa nocte tertia ſequente diſceſſerunt.

Tartari Nahaiſenſes cum Seremiet Vitebskam oppugnant.

Poſtea per legatos, oratoresq; generales, magnus Dux Moschouie & rex Polonie, ſedus ad res annos vtinq; percuſſerunt. Legati noſtri anno Domini 1571. Varſouiam ad regem ex Moschouia fœdere confirmato redierunt, ex Polonia Palatinus Inowlaſſauienſis, ex Lituania Caſtellanus Samogitiæ.

In hoc fœdere anno Domini 1572. ſereniſſimus, inuictiſſimusq; rex Polonie Sigismundus Auguſtus, magnus Dux Lituaniæ, Ruſſiæ, Pruſſiæ, Maſſouiæ, Samogitiæ, Liuoniæ, &c. dominus & hæres, pacis in tota vita ſua amantiſſimus, vereq; Chriſtianiſſimus appellandus obdormiuit in Chriſto, Iulij 18. die *Knyſinje*, in confinibus Lituaniæ, & Podlaſſiæ, Maſſouiæq;. Interregnum per integrum annum pacificum, & diuina ferè proteſtione cōmunitum, contra ſpem omnium, nullo finitimorum hoſtium nequidem muſſitante durauit.

Sigismundus Auguſtus rex moritur.

Interregna regni Poloniae fuere nouem à Lecho primo authore & propagatore gentis, ab anno Domini, ut quibusdam placet 550. vsq; ad hunc annum currentem 1572. in quo naturae debitum persoluit praedictus inuictissimus princeps Sigismundus Augustus.

Interregna nouem.

Primum interregnum post Lechij deficientem progenie in Polonia extitit, cui postea incerto tempore Visimirus, secundum quosdam, Visimiro autem Cracus successit.

Secundum interregnum post Vandam Cracifiliam, quae de dijs virginitatem deuouens, victo tribus cruentis praelijs, Ritagora duce Germanorum, in Vistulam sese praecipitauit, postquam duodecim Palatini provincias distributas rexerunt.

Tertium interregnum cum equorū cursu Premislao sterili decedente, de principatu decertarent, dum Lesconi infimae familiae iuueni sceptrum obueniret.

Quartum interregnum post Popelum secundum Crusphiciam à muribus deuoratum, quando Piaslus ille Crusphiciensis ciuis, & agricola simplex, sed probitate pollens, communi omnium consensu monarcha designatus est.

*Supra pag: 63
Et tomo 2da m.
fra pag: 30.*

Quintum interregnum post Mieczslauum siue Miesconem 2. quando Rixa vxor sua senatus consensu, imperium aliquot annis, cum detrimento regni administruit, quae postea ob suam peruersitatem à Polonis iuste in Saxoniam ad fratrem imperatorem Romanorum, cum Casimiro haerede innocuo exclusa est.

Sextum interregnum post Premislauum occisum ab Otho-

ab Othone Lango, & Marchionibus Brandemburgensibus, quando Venceslaum Boheimorū regem, ad scepra regenda vocauerunt.

Septimum interregnum post Casimirum Magnum Vladislai Lokietkonis filium, quando Ludouico Hungariae regi habenas regni obtulerunt.

Octauum interregnum post Ludouicum Hungariae & Poloniae regem quando Iagielonem Lituani, ad reginam Hedwigis filiae Ludouici coniugium vocauerunt, cui & regnum obtulerunt. Huius posteritas ad hoc vsq; nonum modernum interregnum durauit. Sed ad rem vnde digressus sum redeo.

Anno eodem 1572. statim post mortem regis multi conuentus particulares, nobilium & procurū regni, magniq; Ducatus Lituaniae celebrati sunt, de pacificandis finibus tam Podoliae à Tartaris, quam Lituaniae, Russiaeque à Moschouitis, & de electione regis tractantes. Subinde multi legati & oratores, tam à summo pontifice imperatoreq; Romanorū Maximiliano, quam à rege Franciae & fratre suo Henrico Andegauensium, & Borboniorum duce, à rege Suetiae, alijsq; monarchis, ducibus, & principibus circumiacentibus, adueniebant. Omnia tamen in pace diuina protegente clementia, contra spem omnium agebantur.

*Conuentus
de electione
regis.*

Tandem anno Domini 1573. in Sabbato magno Paschae praecedente Tartarorum mille octingenti, cum ducibus Baca & Sicoza, in Podoliam sub Baram arcem excurrerunt, vicisque aliquot & praedijs circumiacentibus succensis, cum spolijs reuertentes ab aulicis & seruatoribus Buczaczij capitanei Camienecensis, inopinata irruptione trucidantur,

*Tartari
prostrati.*

confodiuntur, & spolijs abiectis ceteri in fugā conuertuntur.

Electio regis.

Electio incepta est celebrari extra Vistulam Orientem versus apud Varsouiam in tentorio magno 7. Aprilis die, ubi omnis senatus regni, & magni Ducatus Lituaniæ de eligendo nouo rege cōsultabant.

Orator à Bassa Turcarum.

Interea Machmet Bassa supremus Constantinopoli, litteras intercessorias per oratorem suum ad senatum destinauit, intercedendo nomine imperatoris sui pro Henrico Andegauensium, Borboniorum duce, regis Galliarum fratre, in regem eligendo, multis conditionibus vtilibus regno proposuit. Hic legatus retentus erat à Buczacio Capitaneo Camienensi, tandiu donec innotesceretur senatui. Venit itaque Varsouiam 12. Maij, auditus 17. absolutus, 21.

Orator imperatoris Turcarum.

Postea ab ipso imperatore Sultano Zelim orator Achmet Czaus venit, imperatoris sui gratiam, amicitiam & beneuolentiam omnem senatui denuncians, rogando sinceriterq; optando, quatenus aliquem ex suis dignum virum, in regem eligere dignarentur, ex hijs præcipuos proposuit, Iacobum Vchanski archipræsulem Gnesnensem, primarem regni, Ioannem Fierlei de Dambrouicza Palatinum Cracouiensem, regni Marschalcum, Georgium Iazlo Wiczi Palatinum Russiæ, Nicolaum Mieleczki Palatinum Podoliæ, quod si id facere tenuerint, obnixè rogauit, vt huiusmodi regē ab extraneis quaererent, qui fœdus & amicitiam cum imperatoribus

Legatio Turcica.

Turcarum & Tartarorū auxiliares copias, ad quemuis hostem eorum si oporteret reprimendum. Pro quo beneuolenti auxilio senatores ei gratias egerunt: dicentes, sibi benignitate diuina ad quemlibet hostem

hostem propullandum vires proprias sufficere, huiusmodiq; auxilijs minimè egere.

Itaq; post multas consultationes, Henricum Andegauensium, Borboniorumq; ducem, eligendum censuerunt, aliquot Palatinatibus Cracouiæ videlicet, Sandomiriæ, & Podoliæ non consentientibus, priusquam sententiæ de religione in suo statu concluderentur, & iura, ac leges cum immunitatibus nobilium rectè constituerentur: sed in eundem regem in quem ceteri consentiebant.

Archiepiscopus itaque Gnesnensis, primas regni, Henricum prædictum Andegauensium ducem, regem electum esse denunciauit. Quamobrem commoti sunt domini Marschalci, & ceteri ordines ad quos hoc officium pertinebat, multiq; re incontinua, domos suas repetere proposuerant. Postea diuina affulgente gratia, dissidijs vtrinque compositis, insimul conuenerunt: Maij 13. & 14. diebus, pacta & conditiones ad libertatem, immunitates, leges & iura regni, magnique Ducatus Lituaniæ, cum legatis Francis Henrici ducis statuerunt. quæ omnia iuramento solenniter (cuius formam episcopus Cracouiensis tradebat) prædicti legati confirmauerunt, & firmiter tenenda, administranda, augendaq; semper à duce suo, rege futuro promiserunt. His solenniter peractis, omnes & singuli, tam Poloni quam Litvani vnanimiter cōcordibus vocibus, & suffragijs electum & confirmatum regem Poloniæ, magnumque Ducem Lituaniæ, &c. supranominatum ducem Andegauensium Henricum Caroli regis Galliarum fratrem, denunciauerunt, solenniterque confirmauerunt. Quem Ioannes Fierlei de

*Henricus Andegauensis REX
POLONIÆ declaratur.*

Dambrouicza Palatinus Cracouiensis, Marschalcus regni Poloniae, & Ioānes Chodkie Wicz, capitaneus Samogitia, Marschalcus generalis magni Ducatus Lituaniae, Lituaniis proclamauerunt. Sicq; rebus omnibus conclusis, Varschouia in ecclesiam diuioannis: tam catholici quā euangelici conuenerunt: concordibusq; vocibus vnanimiter, Te Deum laudamus, & alia secundum ritum ecclesiae Romanae decantauerunt: bombardas & tormenta grandia, ad laetitiam exprimedam explodentes.

Concilio nondum dimisso tabulae electionis confectae sunt. Ad eas in Galliam perferendas, & salutandum regem electum, delecti tam a senatu Poloniae, & Lituaniae, quā ab equestri ordine, tredecim oratores magno nati loco, & singularis prudentiae viri. Legationis principem locum obtinebat Adamus Conarski episcopus Poshaniae, eius collega Albertus à Lasko Palatinus Syradiensis: Ioānes Comes à Tenczin Castellanus Voiniciensis: Ioannes Tomiczki cum Nicolao filio, Gneznenfis Castellanus, Andreas Comes à Gorka: Ioannes Herbortus Castellanus Sanocensis, Stanislaus Criski Castellanus Raciaznenfis: Nicolaus Christophorus dux in Olika & Nies Wicz, Ioānes Zamoiski Belfensis praefectus: Ioānes Zborowski Odalanouicis: Nicolaus Fierlei Casimiriensis: Alexāder Prunski Palatinides Kiouiensis: qui petita quidē facultate, nondū tamen impetrata per Germaniam transeundi, accelerantes in Galliam salui peruenerunt. Parisijs 14. Calendas Septembris feliciter appulerunt, nullo suorum itinere relicto, quorum praeter legationis principes & complures nobilissimos adolescentes, in comita-

*Legati in
Galliam.*

tu erant amplius ducenti quinquaginta: omnesque à rege Carolo & suis procuratoribus comiter quacum decebat reuerentia suscepti, omnibus officiis blandē hospitalitatis tractabantur.

Conclusionibus autem & conditionibus ultrocitroq; alterutrum absolutis & compositis, frequentibus conuiuijs lautissimē apparatis interuenientibus, rex electus Henricus omnibus rebus ad tantum iter cōparatis, Parisijs valedixit. 4. Calen. Octobris. Abeuntem vniuersa Gallica nobilitas, ciuium omnium turmae faustis omnibus sunt prosecuti.

Rex Carolus proposuerat cum vniuerso comitatu ad ultimos regni fines cum fratre amantissimo progredi, nec prius diuelli, quā ad Germania limites ventum esset: verū in ipso itinere morbo correptus propositum mutare coactus est: animo & corpore fratris discessum agrē ferens. Rex electus, fratre Carolo amantissimo infirmo relicto, à Calalonorū finibus Nansium peruenit: ubi à duce Lotharingiae fororio, cum omni comitatu, lautissimo hospitalitatis apparatu exceptus est. Tunc temporis verò duplex gaudium accidit: nā Claudia cōiunx duois filiā recēs enixa erat: cui in sacrosancto baptismo, Poshaniensem episcopum, & collegas, Christiano ritu sponsores esse voluit.

Postea valedictione fororio data, Henricus ad imperium citato cursu pergens Blamontem peruenit, ubi cum Catharina carissima matre, & Francisco duce Alenconiorum fratre dilectissimo, cum Margaritāq; sorore amantissima, & alijs proceribus Galliae vltimō amplexus est. Eum in Poloniam usque sedis Romanae nuncius episcopus Montisregalis, &

*Henricus re-
gis Parisijs
discessus.*

*Itinera Hen-
rici regis.*

magna nobilitatis Gallicæ caterua, duces & comites magnosq; in illis regionibus natali loco viri sexcenti ferè, cum suo comitatu Gallico, præter Polonos secuti sunt. Germaniæ principes Blamontum vique regi obuiam venerunt, utpote Christophorus Friderici Comitis Palatini filius, princeps Patruæ petra cum Ludouico fratre, per quos velut itineris duces

3 rex Tabernas oppidum deducitur, ubi ab episcopo Argentorati susceptus est incredibili hospitalitatis officio, cum vniuerso comitatu. A Tabernis per

Henricus regis in Germaniam ingressus.

4 Nemetes & Vangiones ad Rhenum fluium celeberrimum venit, quo superato, ad Fridericum Comitem Heidelbergæ agentem diuertit, qui etiam regem & imperatorem hospitem, summa hospitalitate prosecutus est. Trāsito postea Rheno, ad Vangiones reuertitur, & Moguntiam peruenit, à cuius vrbis antistite cum sexcentis equitibus Germanis, honorifice exceptus est. Rhenoq; fluio tertio superato

7 Francfordiam ad Mœnum sitam contendit, ubi etiam à ciuibz summa cum obseruantia tractatus fuit. Francfordia mouens Fuldam oppidum in vigilia natalis Domini peruenit, ubi festis transactis,

8 Vahicum appulit, ubi etiam à Wilhelmo Lādgrauio cum tribus equitum Teutonicorum millibus occurrente, maximo hospitalitatis honore susceptus

10 est. Postea superatis Visurgi & Albi fluijs in Saxoniā intrauit, ibiq; à Casimiro Saxoniæ principis genero, cum duobus millibus equitum, nobilitatis Saxoniæ armatorum salutatus est, & ad fines ipsos regionis honorifice perductus. Locris postea à legato Maximilianj imperatoris mille quingentis equitibus cincto susceptus, & salutatus ad Marchiæ Bran-

Ingressus Marchiam.

debur-

deburgensis principis Polonia Vassalli, fines perductus, à cuius quoq; aulicis nullo officio hospitalitatis pretermisso honorificentissimè exceptus, Francfordiam Oderæ fluio qui Polonia fines cum Germanis dirimit contiguam perducitur. Poloni itaque fines suos vltra Oderam iam læti considerantes, Deo omnipotenti vota persoluebant. Rex etiam Henricus imperatori omnibusq; Germaniæ principibus, per quorum regiones iter habebat, pro fide publicè data, & sincerè conseruata, gratias immensas per facundum oratorem, suoq; ore proprio confirmatas egit. Tandem feliciter Miedzitzece oppidum Polonicum peruenerunt, ubi maximo cum gaudio à nobilitate gentis Polonia, proceribusq; & magnatibus summo apparatu, pompis, copijsq; instructissimis susceptus est. Post hoc in maioris Polonia metropolim Potsnamiam honorificentissimè ductus, magnificentissimeque acceptus plures dies in ea transegit, & Cracouiam contendens, ad sepulturam Sigismundi Augusti prædecessoris sui solenniter honestandam, Albertum Marschaleū Franciæ, Comitem Radesiarum præmisit. Quæ tunc temporis ante aduentum suum solito more peragebatur, ea nunc nobis breuiter describenda videntur: nam cum de serenissimi & potentissimi regis diui Sigismundi Augusti vitæ curriculo, rebusq; feliciter gestis, tum placida & beata ex hac mūdi colluuiæ emigratione, interregniq; felicissima tràquillitate multa superius cōmemorata sint, id vnum te humanissime Lector, desiderare amplius velle existimaui, quæ is funeris pompa, & honore ad sepulturam latus, quoque splendore, & qua magnificentia, iusta ei fa-

11

12

13

Ingressus in Poloniā.

14

15

eta essent, de qua re, quoniam ea quoque ut reliqua, honorificentissima ipsi merito contigerunt, quam potero paucis dicam.

Exequia Sigismundi Augusti Regis Poloniae.

Cum enim iam annos 50. exegisset, & arduis curis ijsq; frequētib; regni debilitatus, & lenta morbi diuturni tabe confectus esset, integris planē vniuersis, & immotis animi sensibus, de arduosa hac vita, obitu sanē per quā tranquillo, & pio discessisset, Knyfinā quo se Varsovia Lituaniam inuisurus contulerat. De Knyfinia postea Tikocinam arcem quam ipse edificauerat munitissimam, duobus miliaribus distantem, funus deductum, tandem Varsoviā vno quasi anno exacto, Varsovia Cracouiam cum magna senatorum pompa, regina sorore sequente, deducitur ad sepulturam, cum iam felix aduentus regis electi Miedzirzeciam nunciaretur, ante Cracouiam aduectū, Pradnik Curia depositum, triduoque exacto, omnibus pro iustis persoluentis tanto principe dignis preparatis, 15. Februarij die omnes senatores, & episcopi, ac equites qui ad id funus cohonestandum & expectationem futuri regis vndique confluxerant, lugubri vestiti habitu, ad serenissimā reginulam Annam infantem, prudentissimam, piissimamque & honoratissimam virginem, in arcem omnes sese conferunt. Similiter matronae illustres tetrīs velamentis capita obuoluta confluunt, quae principem inestam, atque adeo exanimatam ferē largifluisq; confectam lachrimis, amanter & diligenter consolabantur. Hac dum fierent, interim arcae campanae, in aedibus sacris vrbs omnibus, & circumquaque in pagis vicinis paracialibus, nuspiam cessabant, quibus & vrbs ipsa, & omnis

mnis circumuicinia latē personuit: sic omnes senatores reginulam Pradnik vsque prosequuntur. Inde funus plumbeo loculo depositum serico viloso nigro obductum, stemmatibus & insignijs regni ornatum, octo equis absolutā nigredinis deducitur, aulicis circumquaque serici vilosi tegumenta longē per terram errantia tenentibus. Sequebatur verō longē honestissimus illustrium & ornatissimorum virorum comitatus, quibus omnibus vnus habitus atratus & lugubris erat. In his nobilissimi, grauissimiq; viri legati externorū principum, archiepiscopusq; & episcopi cum abbatibus conspiciabantur. Infans inestissima à legato summi pontificis & Venerorum oratore pedetentim deducebatur.

Hinc 32. pheretra serico viloso, & pannis aureis, holosericoq; preciosē tecta praeferruntur cum insignijs regijs. Equi 33. similiter omnis generis sericei coloris tecti velamine, vtrinq; latus armis regni ornati deducuntur. Demum singularū prouinciarum vexilliferi, vexilla terrestria, armati equites insidentes generosi praeferrunt.

Primò vexillum nigrum aulae regiae, aquila alba coronata cū expansis ad volandum alis in campo rubeo praeferebatur: aquilam verō omnia insignia prouinciarum regni cingebant.

Postea magni Ducatus Lituaniae vexillū rubeum quo currētī cum equite armato gladium supra caput tenētī, ex alia parte quatuor columnis insigniebatur, in campo rubeo. Postea vexillum Goncza dictum cruce duplici in campo laurino insignitum.

Cracouiensis terrae vexillum rubeum, aquila alba similiter insignitum.

Vexilla:

i

ii

iii

- III** Sendomiriensis terræ vexillum rubeum insignitur, clypeo sine scuto diuiso, in vna medietate lineas tres rubeas, & tres albas, in altera campum lasurini coloris cum tribus ordinibus stellarum portante.
- V** Kalissiensis terræ vexillum capite bisontis inter cornua coronam auream gestante, per nasesq; circulum aureum habente, in campo more schachorum distincto albo & rubro insignitur.
- VI** Poshnienensis terra aquilam albam simplicem in campo rubeo gestat.
- VII** Siradiensis terra leonis rubei & aquilæ nigre medietate, corona insigniti.
- VIII** Cuiauiensis leonis nigri, & aquilæ rubeæ coronatorum medietate.
- IX** Lancienensis aquilæ albæ & leonis nigri coronatorum medietate.
- X** Rauensis terræ vexillum aquila nigra R, in pectore aureum gestante insignitur. Similiter Plocensis littera P, in pectore ad differentiam ornata.
- XI** Belzensis Grifone albo in campo rubeo insignitur.
- XII** Lublinensis terra ceruum in collo coronatum gestat in campo rubeo.
- XIII** Podolienensis terræ vexillum, Sole radianti in campo albo.
- XIV** Leopoliensis, leone petram ascendente in campo lasurino.
- XV** Premisliensis aquila aurea bicipiti coronata in campo lasurino.
- XVI** Cheimenensis vrsio inter tres arbores gradienti in campo glauco.

Dobri-

- XVII** Dobrinensis capite humano coronato ex cornibus eminentibus.
- XVIII** Vielunenensis agno Dei cum vexillo cruce insignito, & calice, in campo rubeo.
- XIX** Sadecensis scuto diuiso, in cuius medietate, tres lineæ rubeæ & glaucæ, in altera nouæ stellæ in campo rubeo gestat.
- XX** Liuenensis aquilæ rubeæ & vrsi albi medietate coronati.
- XXI** Drohicinensis stemmate magni Ducatus Lituaniæ, ex alia parte aquila alba insignitur in campo rubeo.
- XXII** Kiouienensis sancto Georgio draconem lancea feriente in campo lasurino, ex alia parte vrsio albo in campo viridi ornatur.
- XXIII** Ducatus Prussiarum aquila nigra, ex alis manu armata cum gladio prominente, vexillum rubeum ornat.
- XXIV** Ducatus Silesiarum Grifone albo in campo rubeo vexillum insignitur.
- XXV** Palatinatus Valachiarum vexillum capite bisontis inter cornua stella & latere dextro luna defectuosa ornatum, cum circulo per nares transducto, in campo caelestino.
- XXVI** Zatorienensis Ducatus vexillum caelestini coloris, aquila alba litteram Z, in pectore ornata insignitur.
- XXVII** Ofwiecimensis aquila nigra O, litteram in pectore ornata in campo lazurino.
- XXVIII** Massouiarum Ducatus aquila alba cum Ducali pileo in campo rubeo.
- XXIX** Slupcenensis Ducatus Grifone rubeo in campo albo.

K ij

xxx

bo, vexillum insignitur. Similiter Pomerania Ducatus iisdem armis vtitur.

Ante funus regium magnificus dominus N. Macziewski integra armatura cum equo tam affabre facta subtilissimeque, tum argento, tum coloribus distincta, ut omnium oculos in admirationem conuerteret armatus, in manu gladium auratū punctura ad latus conuersum gestabat. Hunc sequebatur armiger atra veste circumdatus hasta cuspidem in terram conuerso cum vexillo, scutoque à leua cum insignijs regijs armatus. Ensisfer quoque regni gladium punctura cōuersum ad latus præferebat. Tum populi typum mundi representans, sceptrum, coronam aurea à senatoribus, quibus id competebat, portabantur. Legati autem singularū provinciarum antecedeabant. Post nobilitatem succedebat urbis senatus & populus longo ordine. Omnes quoque processiones omnium ecclesiarum præibant, longo honoratissimoque & præcedentium & comitantium agmine. Ex ludis deinde literarijs pueri de morte antecedeabant cum cantoribus, lugubres cantiones decantantes, hos alimæ vniuersitatis doctores, & magistri, omnisque studiosorum ordo in sequebatur. Hinc plusquam 4. millia obscuro, & tristi habitu vestiti vulgus, cum funeralibus & candelis vndique collucentibus ibat. Vbi iam in arcem ventum est, in eadem cathedralem, quæ vndiquaque defixis cereis collucentibus ardebat, funus honorificè & summe deponitur, regalibus supra impositis. Exinde finitis cantionibus vltatis & solennibus, oratione funebrem habuit abbas Magilensis, pietate & doctrina venerabilis; postea conuenientissimis decentissimisque cere-

ceremonijs exequiarum absolutis, in tumultū maiorum suorum deponitur. Postera die in omnibus ecclesijs episcopi omnes sacra celebrabāt, ad omnes sanctos, ad sanctum Franciscum, apud sanctam Annam, Stephanum, Marcum, apud sanctam & indiuiduam Trinitatem, & in arce apud diuū Stanislaum. Vexilliferi quoque singuli cum suis vexilijs, & turba vulgus cum ceteris eadem ut prius processione cum equis totidem, & pheretris prædictis urbem lustrabant, eques quoque ad funeris pheretrum catafractus vndique cassidem pro plumis cereis ardentibus circumuolutus, equo delabatur, hasta con fracta, & gladio proiecto, cumque cantaretur Agnus Dei, cancellarius, & vicecancellarius sigilla regis mortui confregerunt: ceteri autem senatores sua sceptrā posuerunt in altari. Cives quoque urbis suas exequias funebres in ecclesia parochiali apud sanctam Mariam celebrabant.

DE CELEBERRIMO INGRESSU

Craconiam, & coronatione præclarissimi Henrici Valesij, potentissimi & inuictissimi Poloniae regis.

ANNO quo diuina potestas humana in specie salutis nostræ restauranda gratia cælitus sese demisit 1574. curato solenniter sumptuoso funere diui Sigismundi Augusti, & depositis atris lugubribusque vestimentis, & pullis integumentis, omnes ordines regni, & magni ducatus Lituaniæ, Russiæ, Massouia, ac cæterarum regionum Sarmatiæ, in noui regis desideratissimum aspectum anhelantes, tandemque visendi illius expectatissimi vultus, non secus

ac patres in lyombo ardentes, animos affectionatissimos ad honores illius adiecerunt, nullisque sumptibus quamuis profusissimis ad cohonestandum tantum principem pepercerunt. Longum esset hic referre incredibilem, inæstimabilemque vestitum, apparatus, quibus inter se cum pomposi Poloni, cum magnifici & profusi Litvani, & vinci impatientes cum Massouitis Rutheni, magnificentissimis sumptibus concertabāt, & quisque quibus potuit quāmaximo sumptu cōparatis, suum prae ceteris in regem affectum ostentare nitebatur. Hi aureis, isti argenteis, illi holosericeis, alij polymitis, alij planis, alij villosis, tum infectis purpura, & tinctis murice & cocco, tum Attalica Semiramidaque textura, & Phrygio opere elaboratis, infectisque cum vnionibus variorum gemmarum lapillis, resplēdebant. Equi omnibus tales, quales Vergilius Turno fuisse describit, & Homerus ad Troiam narrat venisse Menonis, Euripidesque Rhesi Thracum principis. Ea erat pompae solennitas, cui nihil adijci ad gloriæ magnitudinem potuisset. Cracouia quoque vrbs regni caput & metropolis nihil ad tanti principis aduentum expectatissimum omisit, non sumptibus, non continuis laboribus quicquam pepercit. quid referant publicos, priuatosque apparatus, quacunque ingressurus erat rex, expurgatae plateae, frondibusque abiectum, ac pinearum semper virentium exornatae, parietes peripetasmatis auro purpuraque distinctis, & hinc longē pendebantibus, in arce vbique radiabant, affixa longis tractibus in palatijs aurea balthea: tum aurea & argentea vasa instar scalarum per gradus exposita, crebris repercussu Solis radijs fulgurabāt, illa quoque

que olim pulueribus squalentia ob diuturnam regis mortui absentiam inaurata pavimenta, aurea lacunaria optimè extensa, excussa, & expolita resplēdebant. Plebs quoque passim portas, ac fenestras virentibus sertis coronabat, alij ad nocturna lumina funabula parabant, alij lignorum strues congregabant, tormenta bellica in vallo & propugnaculis arcis, & vrbs disponebatur, nullus aut arate, aut valetudine tam imbecillis, qui otio detineretur, qui nō aliquid ad publicum gaudium pari latitia, diligentiaque, aut excogitaret, aut operaretur. Cumque iam omnia apprimere & plusquam perfectè apparata optatam diem expectarent, rex electus ad Balicias sesquimiliari à Cracouia distantē villam Palatini Cracouiensis hereditariam aduenit, innumerata Gallorum, & Polonorum multitudine stipatus: ibi noctem ineffabili sua & omnium cum latitia feliciter trāsegit. Die vero illa optatissima, & niueo calculo signanda illucescente, quae erat 18. Februarij. Cum discursu triūphali nobilium turmae plateas vrbs complent, tantaque hilaritate cuncta gaudebant, & serena facie gestiebant, ut praeter peculiare morem, etiam equi & canes, & quaeque domestica hominibus animalia, iucundis gestibus, vocibusque exultare sentirentur, canoroque aeniale suauissimos concentus, vltra consuetum adsonarent, exultantiumque vocibus ipsum caelum reboaret. Phœbus patet, qui caput suum aris olim (ob regem mortuum mœrorē exprimens) nubibus occultauerat, obscura caligine pariter cum hominibus disiecta, igni uomis radijs coruscās, propriaque lucis candore resplendens gratissimus apparuit. Interque & post coronationem aliquot hebdomadis

assiduè latus permāsit, vt non bruma, sed ver ipsum appareret. Antequam se autem à Balicijs rex mouisset, de repēte vndarum violenter altis de montibus cadentium in speciem effusa senatorum, equitum, populi, & totius vulgi, vtriusque sexus inæstimabilis multitudo, in occursum eius, magnifico ornatu, spectabiles, Xerxisque exercitum referentes, omnes campos extra urbem, omnes montes, colles, aggeres, omnes vias, ac villarū tecta, & summa arborum oppleuerunt, densissimisq; turbarum globis, principi suo quàm longissimè obuiam procedere gestiebant. Primus autem senatorū archiepiscopus Gnesnensis Hungarico habitu ducentos hastatos equites fulgentes, holoserico auro intertexto, produxit, quos ipse insequitur rubea rheda, quam sex equis serico rubeo ornati trahebant, vectus in qua cum eo episcopi Poznanienſis, Adamus Conarski, & Plocensis, Petrus Miscofski sedebant. Crux autem præferebatur. Hos Leopoliensis archiepiscopus Stanislaus Slomowski, cū Cameneceſi episcopo, subsequuntur, qui etiam splendenti equitatu roboreque militum magnum triumpho supplementū addiderunt. Cracouiensis episcopus Fraciscus Crassinski, proximus fuit, quem Italico ornatu ducenti equites, holoserico vestiti, marturibus subducto & argento affabrè depicto, aureis torquibus insigniti, præcedebant. Eius vestigijs Cuiaviensis Stanislaus Carnouuski cum Chelmenſi episcopo, & Lancienſi Palatino viris & equis illustres insitebant. Castellanus Cracouiensis Hūgarico ornatu, primus post episcopos, ducentos hastatos equites auro & argento conspicuos, clypeisque & vexillis fulgentes produxit.

Hinc

Hinc Palatini summa grauitate insignes procedunt, quorum primus Cracouiensis, cum fratre Sandomiriensi Capitaneo generali, trecentos viros, auro argento iuxta, ac equos Hungarico more, & Scythico supra modum exornatos producunt. Sandomiriensis quoque Palatinus, cum fratre Enſifero regni, ducentis quinquaginta equitibus tam ad pompam, quàm ad pugnam perfectè instructis holoserico auro & argēto fulgenti Hungarico more pariter cum equis vestitis commitati prodeunt. Hos Ofwiecimensis, Bresnensisq; Castellani subsequuntur, qui numero & apparatu hoc triumphale cumulabant agmen. Tandem Calissienſis Palatinus Hunnorum habitu instructam turmam clenodij, monilibusq; coruscantem, & equis auro ornatis superbam ducebat. Hunc lumen patriæ, & firmum virtutum omnium propugnaculum Albertus à Lasko Palatinus Siradiensis visendo apparatu, cum quadringentis equitibus Hungarico, & centum Scythico more instructis procedit, qui omnium consensu facile tulit in hoc triumpho partes priores, tanta enim cura suas apparauerat turmas, vt neque virum alio equo, neq; equū alio viro indigere diceres. Postea Podolia Palatinus huic triumpho agmini 150. equitibus armatis decora quasi addidit corollaria. Deniq; Lituanix & Russix procures promiscui, sumptuosè & profusè pomposi, acies tam ad bellum quàm ad triumphum instructas producunt, Quorum primus Nicolaus Georgius Radiuſius dux, Palatinus Vilnensis, decoris patriæ, & senatoris eruditi, ac solertis planèq; diuini ingenij equitatus, Polonorum adæquat laudem. Hunc Castellanus Trocensis decenter tam

viris quàm equis instructus committatur. Hinc Ioannes Chodkieuicius Samogitiæ generalis capitaneus, &c. bello ac pace clarissimus, & ad res magnas gerendas natus procedit. Deinde eiusdem Ducatus thesaurarius supremus, & Minscensis Castellanus equis & viris auro corruscantibus superbi sequuntur. Postea Nicolaus Christophorus Radiuillus dux, curiæ Marschalcus, Italico eoque sumptuosissimo equitatu cinctus. Tandem exercitum campiductor, incisior, dapifer, pocillator, hij Hungarico, illi Italico, isti Scythico, Moschouiticoque habitu & ornatu superbe instructi insequuntur, & alij innumeri quos recensere longum esset. Dies me deficeret, si ordine persequar singulos, qui viri, qui heroes, qui duces, ad illam celebritatem cohonestandam vndiq; confluxerunt. Apparebat Lituanorum equitatum tria millia superare, holoserico, gemmis, vnionibus, corruscantē. Post Lituanos proceres dux Cōstantinus, Kiouic Palatinus cum duobus filiis, vno Italico, altero Moschouitico habitu ornato, præcedentibus trecentis equitibus superbe auro & argento rigentibus stipatus occurrebat. Braslauiensis quoque Palatinus Wolinius suos Scythico more pulcerrimè & sumptuosissimè vestitos ducētos produxit, pharetris, & arcubus auro corruscantibus. Tandem Culmensis, Marienburgensis, & Pomeraniæ Palatini Germanico ritu superbas producant acies. Dulcius quoq; Prutenus 36. equites loriceis indutos & auro fulgentes adiunxit, eisdem. Hinc Comites à Tekin, Ioannes Woinicensis, & Andreas Belzensis Castellani, familia antiqua, & reb. insigniter gestis illustres 250. Hungarico more hastatos equites, clypeis, vexillisq;

ac ve-

ac vestibus & equis auro micantibus, educunt. Eos Herbartones, ingenio & prudentia, librisq; à se editis clari, cum ducentis. Camenecensis, Sauch Wostenisq; Castellani cum cētum quinquaginta equitibus cincti. Andreas Wapowski cū centum, & Bieccsis ac Radomiensis cum octuaginta bene armatis egrediuntur. Post hos Stanislaus Comes Tarnow Castellanus Cechouiensis 200. equitibus, clypeis hastisq; & vexillis auro redimitis, murice tincta cocco & marturibus subducta vestitis, cum tormentis duorum curruum affabrè instructis progreditur.

Castellani quoque cæteri quos sigillatim numerare infiniti laboris esset, bene in acies instructi, & ad triumphum cohonestādum tanti principis conuenientes, subsequuntur. Cancellarius quoq; cum thesaurario regni Hieronymo Buzinski omni virtute & patriæ amore senatores venerandi, suas copias insigniter adornatas præsentant. Post hos Marschalcus curiæ, Andreas Opalinski vnde quaq; virtutibus absolutus vir, cum 75. equitibus Italico more egregiè exornatis. Deinde vltimum agmē claudēbāt capitanei ciuitatumq; & officiorum regionum præfecti, qui etiam suas in acies pomposè instructi ingentem exercitum exprimebant, aliorumque aut adæquabant, aut superabant laudem: & vereor ne tiantorum illustrium virorum splendore captus obuias imprudēs alios præteream, alios verò absq; discrimine ponam. Lublinensis verò Palatinus Maciewski cū filio, & nepotib. insigni virtute præstantibus 200. equitibus cum vulturinis alis & clypeis ac vexillis Hungaricè terribilibus. Hos Dzialini, Sęgnieuiorum, Camieneciorū, Ociescij, Coscielecij,

Tomicij Castellani Gnesnensis cum filio, Padnieuij, Barfi, Bonaronum, Misicouij, Droieuij, Lefnio Wolij, Staskouij, Nemsta, Reiorum cum oloribus in tegis coronatis & lilijs in pectore super clypeos ad similitudinem cādidarum aquilarum insignitis, Noscouij, Belzēsis præfecti Zamoiscij, alijq; innumera- biles & inestimabiles equitū exercitus, vt ita dicā, omnib. portis, & suburbiorū latebris sese effundebāt. Aulici quoq; regis mortui officia sua minimè neglexerūt, equi quoq; singulorū senatorum, & equitum ducticij, magnā triūpho præbebant amplitudinem, Cubicularij etiā regis mortui, hi Italica, illi Hunga- rica specie auro & argento, vesteq; prætexta fulgidi, ceteros claudebant, quibus nihil neque dici, neque fingi speciosius potest. Post senatorum & equitum turmas, ciues cum plebe, subsequebantur, quorum equites Germanico habitu erant 120. pedites 4000. adaquabant, omnes fulgidis armaturis splendidi, ac discolori vestitu & vexillis secundū opificum cōtur- bernia, corruscantes, similiter Clepariana, Casimiri- ana, & Stradomiana gentes. Exercitu omni per hunc modum disposito, iuxta Lobzowium & Bronouice vicos ciuitatis. Rex suis Gallis, Guafconibus, & magna nostrorū turba stipatus aduenit, tormen- ta autem vbique horribiliter interdum explodun- tur, & taratantara, taratantara acriter resonant, ibi episcopus Plocensis Misicouius facunda & Cicero- niana oratione, regem omnium ordinum nomine salutauit. Bibracus postea regio nomine affabiliter ad omnia respondit. Dehinc ciues Casimirienſes, Cracouienses, & Clepardienſes, eum salute humi- liter impertiunt, qui etiam placida, & optimè spei plena

plena respōsa retulerunt. Absolutis salutationibus, rex singulos exercitus, agmina cōstricta, oculis per- lustrat auidē, quę tanta erant hominum bene arma- ta congeries, vt plerique vsu rerum bellicarum pe- riti, eandem etiam valido hosti opponi potuisse af- firmarent, tormentorum magistri & scloppetarij tonitrua crebra iterant, resonant, & concutitur so- nitu æther. Tandem rex circiter primam noctis ho- ram urbem ardentibus facibus resplendentem diui Floriani portam ingreditur, albo equo & sublimi al- titudine illustri magnificentissimè epiphianto, pha- leratoq; auro vndiq; refulgente vectus, cui insidens altior omnibus eminebat, vt à cunctis cōspiceretur. Consules autem urbisymbellam auream vsque in arcem super illum portauerunt, veste nigra pelli- bus patherinis suffulta indutus erat, Valcones sclo- petarij 40. & Heluetij cū alabardis 60. duobus cum tympano & fistulo præeuntibus latera eius munie- bāt, quibus holoserice virides vestes, croceo colore distinctæ erant, in primo loco circa regem Niuer- nensis, & Dimeneius duces, Marchio Elbensis, Du- ca de Gwisa, alij primores Galli, & aulici regij, sin- guli honoris causā inter binos Palatinos deducebā- tur, sequebantur & anteibant tympanistarum, tibi- cinum, cornicum, multitudo, singuli suum taratan- tara resonantes. Succedebant quoque diuersorum principum, & populorum, oratores & legati, popu- lus promiscuus per varias turmas & cuneos egre- diens regem suum videre gestiens, quo ille proce- debat ferebatur, omnes sui ordinis & decoris obliti quem sors cuique locū obtulisset, occupabat. Con- scendunt alij recta, & summis pendent regulis, alij

trabibus insident, alij columnis implexi, alij muris
 haerent, omnes fenestras, omnes rimulas spectato-
 ribus referrant, perforati parietes, diruptae mace-
 ries, quo oculos suos tam expectati regis spectaculo
 populus expleret, nullus locus non occupatus, ne
 ijs quidem qui non nisi ruinosum & periculolum
 caperet vestigium. Cum ad forum fuisset peruen-
 tum, tandem omnium aures tubarum clangore, &
 scloppetariorum bombardariorumque tonitribus
 obfurduerant: in ipso autem Castrensis portae ve-
 stibulo, arcus affabrè extructus erat triumphalis, ta-
 petis exornatus aureis, in quo tibicines officium
 suum strenuè adimplebant, in summitate verò tur-
 ris aquila alba subtiliter & artificiosè facta liliis in
 pectore insignita, in omnes partes quo rex ibat cir-
 cumuoluebatur, stridentibus alis, & capitis inflexio-
 ne, ac quodam strepitu latitiam quasi praefere-
 ns. Cumque rex arcem ingrederetur, scloppetæ omnes,
 tum & maiores machinae tanto strepitu, fulgoreque
 exonerabantur, ac si Iupiter ipse quidquid vispiam,
 in thesauris suis fulminum, tonitruumque conclu-
 sum habuerit, id totum pariter, simulque nunc cae-
 lo demississet, tum verò genere, tympanorum, ty-
 biarum, tubarumque sonis nubes perstrepebant.
 Arcem ingressus ubi etiam supra, aquila affabrè fa-
 cta alis applaudebat, in ecclesia diui Stanislai cathe-
 drali, à canonicis salutatur, & postquam Te Deum
 laudans, suavi melodia decantaretur, ad reginalem
 maiestatem rectè deducitur, ubi ultro citroque data
 salute in palatium auro splendidum conuenerat, &
 acquieturus pergit. Postridie verò rex in senatus-
 cōsultum veniens per Bibracum cancellarium pri-
 uatum,

uarum, omnibus ordinibus regni gratias egit: quod
 sibi integrum atque floridum tantum regnum di-
 uinitus administrandum praestiterint, Deumque
 omnipotentem precatur, ut is ipsis, atque adeò toti
 Reipub. Christianae sit salutaris, polliceturque da-
 turum se sedulè operam, ut concepta de se apud il-
 los opinioni cumulatè satisfaciatur, & ut coronatio
 properaretur obsecrabat. Ad hæc sequenti die San-
 diuicius Carnouius Refferendarius regni maiesta-
 tem regiam à nobilitate affabili oratione salutauit,
 in qua & Reipub. incolumitatem, & regiam digni-
 tatem sufficienter deduxit, explanauitque, ut omni-
 bus satisfactum videretur. Regio quoque nomine
 similiter responsum est, omnibus eum satisfacere, &
 salua omnia sibi cōcredita conseruare velle, & non
 tantummodo literis approbare, verum etiam san-
 guine obsignare paratum esse. Eadem die sole occi-
 dente cum magna episcoporum caterua, & legato
 summi pontificis in rupeculam Casimiriae, diui Sta-
 nislai (ubi occisus fuit,) ad eum Polonorum patrōni,
 deducitur, ubi Deo deuotissimè supplicauit, & sacris
 de more exosculatis, in arcem rediit. Quam visita-
 tionem sancti Stanislai in Rupella omnes re-
 ges ante coronationem obire de-
 biti sunt, ex more re-
 cepto.

EXEMPLAR QVARVN-
DAM LITERARVM SVPER
DISCESSV CHRISTIANISSIMI
AC SERENISSIMI HENRICI III. GALLIA-
rum ac Poloniae regis: itemq; illustrissimi se-
natus Poloniae ad eundem
regem.

IN CERTO AVTHORE.

ORATIO

DANZÆ AD SENATVM REGNI
Poloniae Graconia congregatum habita.



ENRICVS Christianissimus & Se-
renissimus Francia & Poloniae rex,
dominus meus clementissimus, me
die 18. huiusce mensis Iunii, hora
nona pomeridiana, aut circiter ad
se vocavit, qui primum agnovit me
fideliter, & diligenter Christianissimis regibus, avi,
patri, & duobus ipsius fratribus inseruisse, eademq;
se à me obsequia certè expectare significavit. Et cum
ille de suo discessu mentionem fecisset, ingenuè fa-
teor, me magnitudine periculi vehementer percul-
sum, perturbatumq; esse. Postea honorificè multa
de regno Poloniae loquutus, tandè testatus est, cum
ordines regni Poloniae eum regem agnouissent, sa-
tis scire, illos se, uxores, liberos, fortunasque omnes
vnà cum regno fidei ipsius commisisse, eam ob cau-
sam, se probi, digniq; regis officio nunquam defutu-
rum, affirmabatq; se nec eos nunc deserere, nec vn-
quam

quam deserturum. Adhuc, referebat, se amplissi-
mum regni Poloniae senatum, qui tunc hic aderat,
de obitu Christianissimi regis ipsius fratris certio-
rem reddidisse, & quanto desiderio regni Francia
ordines eius in patriam reditum expeterent, decla-
rasse. Præterea, reginam ipsius Serenitatis dominam
matrem iam saepius & scripsisse, quòd si maturè in
regnum non rediret, eam tot hostium viribus, qui-
bus vrgebatur, diutius resistere non posse, ab eoque
summis viribus contendere, vt patriæ in tanto peri-
culo consuleret sua præsentia, cum ipso absente id
effici posse non speraret, dictum regni Poloniae se-
natum illam quidem profectionem probasse. Ve-
rùm reliquos regni senatores prius conueniendos
esse respondisse. Cum verò regni Francia negotia
eam moram non paterentur, sibi vel vitæ periculo
patriæ necessitati esse subueniendum, statum regni
Franciae perturbatissimum, afflictissimumque esse
narrabat, cum prouinciæ omnes in armis essent, bel-
lumq; nunc illic maioribus viribus, maioriq; animo-
rum exacerbatione, quàm antea vnquam, gerere-
tur. Adhuc, aduersarios ingenti classe lituus Galli-
cum infestare, & principem Condaum cum sex
millibus Germanorum equitum in Franciam pro-
fiscisci, maioresq; copias per Germaniam, vicinaque
locacogi, quæ illum esse subsequituræ, eam ob rem
se non posse, nec etiam velle patriam in tanto peri-
culo deserere, pro qua sanguinem fundere illi esset
incredulissimum: scire eum, sibi moriendum esse,
honestam verò mortem nunquam fugiendam, sed
potius optandam. Hæc cum fortissimi principis, ma-
gnoq; animi officia sint, non dubium est, quin is ve-

rus, sincerusq; amor, quo reuerendissima, illustrissimaq; dominationes vestrae sint amplexae, & confirmabitur, & augebitur, cum illae eum in pace moderatissimum, & quissimumque: in bello vero constantissimum, acerrimumque defensorem essent habiturae: Interim vero nobis Francis tristissimum & quavis morte grauius. Et cum reges Christianissimi haecenus, quacunque ire voluerint armis, & vera virtute sibi iter aperuerunt. Nunc videre hunc regem nostrum ea qua est aetate, vagum & in peregrina terra errantem omnibus supplicem esse: nec iam sua culpa, sed nostra causa, & vero in patriam amore. Et quoniam ipsius Serenitas facile providebat, dominationes vestras reuerendissimas & illustrissimas inopinatum istum suum discessum molestissime laturas, ille mihi sapientius iniunxit, ut graues, & quissimasque causas, quae illum tot, tantisque periculis se exponere cogant, dominationibus vestris reuerendissimis & illustrissimis declararem. Quibus intellectis sperabat, ea sibi nihil de ipsarum in illum beneuolentia remissuras esse: sed constanter in data fide perseveraturas. Haec autem ut ille consequeretur facilius, significauit mihi, se ad quosdam regni istius senatores literas dedisse, & a me petebat, ut ipsis redderem, eosque suis verbis diligenter rogarem, ne illi hoc suo discessu offenderentur, sed iustissima, necessariaque causa perspecta, illum haberent excusatum etiam apud ceteros regni senatores & principes excusarent, illum omnia ipsis clementissimi. Principis officia polliceri, & cum ipsius Serenitas literas illas in suo cubiculo esse putaret, vni solici cubiculatio qui tunc adfuit, iniunxit, ut mihi illas daret: qui respon-

respondit, nullas ibi literas esse, tunc ille promisit, securaturum, ut mihi altera die traderentur, & quoniam heri amplissimus senatus a me serio petijt, ut si ipsius Serenitas mihi alia mandata, vel priuatim, vel publice quibusdam deferenda demandasset, illa ego aperte declararem. Ego sanctè iuro & affirmo, ipsius Serenitatem nihil mihi iniunxisse, cuiquam dicendum, proponendum, & promittendum, quam ea, quae exposui, videlicet, ut eius discessum apud omnes declarata vera causa excusarem: eos, quibus scribebat, hortari, ut in veteri in eum fide & beneuolentia perseverarent, ab ijsque obnixè peterem, ut eum quoque apud ceteros regni senatores, & principes excusarent, & omnibus clementiss. & optimi regis officia promitterent: ut autem ipsius Serenitas propensissimum suum in hoc regnum studium, sollicitudinemque testaretur, mihi quoque demandabat, ut dominationibus vestris reuerendis. & illustriss. significarem, sibi consultum videri, ut in primis idonei legati ad ipsius Serenitatem eligerentur, qui magnis itineribus in Franciam contenderent: hac enim ratione fore, ut omnes facilius in officio vestris prudentissimis consilijs & autoritate continerentur. Nam vbi illi intellexerint, ipsius Serenitatem mortuo rege fratre pro motibus regni Franciae sedandis, paceque sua praesentia conficienda a regni illius ordinibus supplicibus precibus, magna contentione euocari, & eam ob causam militum regni Poloniae senatum legatos misisse, ut eorum consilijs & intercessione pax aequissimis conditionibus facilius constituatur, sperandum est, quod interim omnes regni Poloniae legatis decerneretur,

sunt expectaturi, & certè legatorum præsentia ad Francorum animos flectendos, & negotia publica ad optatum finem perducenda, profutura. Ego Carolus Danzæus, à Danzj, Christianis. & sereniss. Franciæ & Poloniæ regis consiliarius hæc quæ hoc scripto nomine ipsius Serenitatis declaravi, & confessus sum, vera esse testor & affirmo. Cracoviæ 22. Iunij, anno 1574.

Carolus Danzæus manu propria subscripsit.

LITERÆ SENATVS REGNI POLONIAE ad imperatorem Romanum.

Sacra Cæsarea maiestas domine, D. clementiss. faciendum putauimus, vt sacram Cæs. maiest. vestram pro ratione vicinitatis & officij nostri certiorerem faceremus de ijs, quæ proximè præteritis diebus apud nos acciderunt. Quamquam ea minimè ignota sunt S. C. maiest. vestræ, quin imò certò scimus, sereniss. regem nostrum ditiones S. maiest. vestræ intrasse non satis pro regia dignitate, paucis duntaxat comitum. Quæ ex re S. C. M. vestra facillè intelligere potest, sereniss. regem nostrum præter scitum & opinionem nostram è regno discessisse: nam C. M. V. non ignorat, qua fide & obseruantia nos principes nostros prosequi soleamus, neque hunc sereniss. regem nostrum debito honore priuaremus, si cum scitu & consilio nostro eam protectionem instituisset. Subsecuti sunt & officiales regni, & insequendo Plezinam vltra oppidum domini Premniz ditionis Maiest. vestræ processerunt: sed ab instituto suo nulla ratio-

la ratione se reuocari passus est. Reliquit quidem sua maiest. literas ad nos, quibus hoc regnum nobis commendat, & causas explicat, quam ob rem nos celauerit de protectione sua: nimirum, vt sereniss. matrem, patriam, & regnum illud florentiss. ab interitu vidicaret. Sanè vt primùm de morte Christianiss. regi Galliarum, fama apud nos increbuit, & successionem ad sereniss. regem nostrum deuolutam esse, ne in eo quidem, quod illi naturaliter & hæreditatiue obtigit, sereniss. regi nostro obesse voluimus: nam & de periculis omnibus, de salute & commodis regni illius non minus quam de nobis ipsis cogitationem susceperamus, communicatiue consilij de rebus omnibus statueramus providendum, adeò vt nullum sereniss. rex noster fidelium subditorum officium in nobis desideraret. Sed eius rei culpa hæret non tam penes excelsum, & verè regalem ipsius animum, sed penes eos, qui eum priuato consilio ad hoc factum impulerunt. Ex quibus omnibus Sacra C. M. V. pro sua prudentia iudicare poterit, discessum hunc sereniss. regis nostri his temporibus accidisse, quibus maximè ab hostibus Christiani nominis ex minima occasione metuenda sit omnis periculi suspicio in hoc regno potissimum, quod est quasi pro aliquo præsidio Christianis prouincijs collocatum, quæ quidem pluribus verbis S. C. M. vestræ scribimus, primùm ad remouendam prætermissi officij erga sereniss. regem nostrum culpam, ne quis in eo nos deliquisse arbitretur: deinde verò vt S. C. M. V. ad eam fœderum & pactorum communionem, quæ M. V. cum regno Poloniæ intercedit, inuitaremus, rogâtes, vt quem-

admodum sanctè, & inuiolatè hæcenus ea coluit, ita & nunc ea obseruare non desinat. Porro negocium hoc omne S. C. Maiestati V. ita commendamus, vt nulli magis vnquam commédare possimus. Nam vt nollemus inuitum quenquam nobis imperare, ita non libenter videremus, nostales existimari, qui nesciamus officio nostro vt, & voluntates principum moderari. Non deest nobis animus pro dignitate, & libertate nostra queuis consilia habere: sed Polonorum semper fuit reges, & principes suos colere, reuereri & honestis potiùs, quàm externis studijs & officijs eos prosequi. Quod reliquum est, nos, studiaq; nostra S. C. Maiestati vestræ commendamus. Data Cracouia, 21. Iunij, 1574.

Eiusdem S. C. Maiestati vestrae additis, seruiores, senatus regni Polonia, Cracouia congregatus.

REVERENDISSIMIS, ILLVSTRIBUS & magnificis dominis, senatoribus, nobilibus, & generosis equitibus regni nostri Polonia, & magni Ducatus Lituania, Henricus Dei gratia Poloniae rex, magnus Dux Lituania, &c.

Reuerendissimi, illustres, & magnifici domini, senatores syncerè nobis dilecti, vosq; generosi, & nobilissimi Equites, dici non potest, quanto cum doloris sensu in animum nostrum induxerimus, vt non expectatis incliti huius regni comitijs, in Franciæ regnum, quod nobis nuper legibus, iurèq; hæreditario obuenerit, properandum statuerimus. Siquidè in merita vestra erga nos, in caritatem, & bene-

& beneuolentiam, qua nos complectamini, intuentes, non potuimus sanè sine lacrymis ac firmo dolore hac nostra in Franciam profectio cogitare. Multa ante oculos obuersabantur, quæ commemorare longum esset, idq; planè vinceret recordatio beneficiorum vestrorum, ita vt omnino nobis certum & constitutum esset, Franciæ regnum administratione sanctæ reginæ matronæ concessa, & demandata, hic non modò comitia expectare, verum etiam si ira nobis videretur, integram ferè ætatè degere. Testis mihi Deus est, testes quoq; non pauci senatoribus, cum quibus simul atq; de morte Christianissimi regis fratris mei indicatum vobis est, copiosè de hac re egimus, atq; ex illorum sententia sub huius regni nostri sigillo ad serenissimam matrem meam mandatum amplissimum, quod Regentiam Galli vocant, misimus, priuatis etiam nostris literis illustrem principem Alanconium, Henricū Navarra regem, & omnes Galliæ principes ac proceres sedulo monuimus, vt nostri desiderium equo animo ferrent, nec aduentū nostrum frustra expectarent. Ita profectò res se habent, mutadi verò huius cōsilijs, aut potiùs sententiæ nostræ, quæ penitus infederat animo, hæc fuit causa, quæ vobis, hoc est, prudentibus ac sapientibus viris spero probabitur. Hæsterna die sub nocte ferè allata sunt nobis literæ à serenissima regina matre, & multis Galliæ proceribus, & primarijs viris, in quibus scriptum erat, necessarium omnino esse, vt quàm primùm dispositis equis ad celeritatem istuc aduolare, in summo esse discrimine res Gallicas, actū prorsus aliter videri de vetustissimo, nobilissimoque totius Europæ regno, nec vllam aliam

rationem esse tuendi, & cōseruandi nobis illius imperij, quàm si intra dies viginti ad summum Lutetiæ Parisiorum, vel saltē in finibus regni nos sisteremus. Multa erant alia diligenter perscripta in illis literis, ex quibus non modò periti rerum Gallicarum, sed etiam exteri non ignari rerum humanarum facillè possent intelligere, ilico & sine cunctatione nobis discedendum esse. Quamobrem lectis illis literis, apud me necessariò constitui, quanta possem maxima celeritate in Galliam proficisci. Cùm autem si de profectioe mea cognitū esset, multa imminere videbantur, quæ celeritatem, in qua omnia posita essent, retardarent, faciendum nobis putauimus, vt tacitè proficisceremur. Itineris Gallici ratio nobis non est ignota, nec ignorantur studia, & mores illarum gentium, per quas nobis transeundum est. Itaq; nihil opportunius, nihil securius visum, quàm vt omnes de profectioe nostra celaremus, & subita ac festina abitione discessus nostri famam anteuertiremus. Haberis paucis rationem consilij nostri. Reliquum est, sic vobis persuadeatis, nihil quicquā hoc facto de pristino nostro erga vos, totumq; hoc nostræ Poloniæ regnum amore decessisse. Vos quoq; nobis illam summam, qua hætenus nos profecuti estis, beneuolentiam, & obseruantiam integrā conseruabitis. Nullam certè nos vestri tuendi, ornandi, & augendi huius regni nostri occasionem labi, aut disfluere permittemus. Dignitatem nostram, & Poloniæ regni tantisper dū absumus (aberimus autem, quàm minimū poterimus) fidei, integritati, prudentiæ, & sapientiæ vestræ commendamus. Cupimus insuper & hortamur vos, vt primo quoq; tempore

egregios

egregios viros ex omnibus ordinibus lectos, ad nos in Galliam mittatis, cum quibus seriò, & diligenter de omnibus, quæ ad vtilitatem, & ornamentum huius nostri regni pertinent, tractabimus. Iterum atq; iterum salutem, concordiam, incolumitatem regni nostri, & existimationem nostram vobis quàm obnixè fieri potest commendamus. Benè valete. Cracouiæ, 18. Iunij, 1574.

Henricus rex manu propria subscrip.

REVERENDISSIMO IN CHRISTO

patri, domino episcopo Cuiariensi, sincere nobis dilecto Henrico Galliarum, & Poloniæ rex.

Reuerendissime domine sincere nobis dilecte, pro mutatione rerum, & temporum mutanda quoq; esse consilia, paternitas vestra non ignorat. Quod ipsum viri prudentes fecere semper, & nobis nunc quoque necessariò faciendum est. Constitue-ram quidem superioribus diebus quemadmodum vestra paternitas de me bis intellexit, apud vos manere, saltē donec comitia indicta, coacta, & peracta fuissent. Nunc verò, cum ex literis serenissimæ reginæ matris meæ, quas hodie sub tēpus cænæ accepi, intelligam regnum Galliæ in eo esse statu, vt de toto illo amplissimo & nobilissimo regno nostro planè actum sit, nisi quàm primū incredibile celeritate illuc peruenero, celare discessum meum æquum est propter multas causas, quas paternitas vestra cognoscet à nobili & generoso viro D. Danzæo

consiliario nostro, cui vt fidem adhibeat in omnibus rogo. Ego nihil magis cupio, quàm vtrumque regnum retinere: neque enim id nouum est, neque legibus vestris aduersatur, & erit Polonicæ genti perhonorificum & tutissimum, eum habere regem, qui Galliæ simul imperet. Verùm, de toto isto negotio, quod grauissimum esse puto, mihi magnopere curæ est, vt debet esse, cum paternitate vestra copiosè ex animi mei sententia dictus Do. Danzæus communicabit. Puto me à vobis amari plurimum, quemadmodum quoque vicissim nihil est certè, quod non vestra causa velim. Noui ingenium tuum, noui fidem, & integritatem. Hoc tandem peto, & à prudentia tua, ingenio & dexteritate illud expecto, quò contendat, & efficiat paternitas vestra, vt incliti senatus Poloniae, & alterius quoque ordinis studia erga nos eadem maneant, quæ hactenus fuere. Incumbe quæso totis viribus in eam curam, & sollicitudinem, nihil nobis gratius quicquam posset accidere. Faciam autem, vt tu nec immorem amasse, nec ingratum principem dilexisse videare. Bene valeat paternitas tua, sincerè nobis dilecta. Regnum nostrum vobis commendamus. Data Cracouiæ, 18. die Iunij, anno 1574. sub nocte.

Henricus manu propria subscrip.

ILLV

ILLVSTRIBVS AC MAGNIFICIS
dominis, domino Palatino Cracouiensi, & domino
Zbiero Wio Marefc. curia, sincerè nobis dilectis, &
reuerendo D. Wolki Vicecancellario nostro,
Henricus Dei gratia Galliarum, & Po-
lonie rex, magnus Dux Li-
tuania, &c.

Magnifici domini sincerè nobis dilecti, cogimur in Galliam nunc proficisci cōtinuato die-
rum, noctiumque itinere. Nam ex literis sereniss. reginæ matris nostræ, quas hodie sub tempus cœnæ accepimus, intelleximus, regnum Galliarum in co-
statu esse, vt nisi incredibili celeritate illuc peruenerimus, regnum nostrum omnino pereat. Quo quidem nuncio valde commoti sumus: nec enim quicquam minus expectabamus, & motus Gallicos, aut leues esse arbitrabamur, aut eiusmodi, qui me absente, autoritate serenissimæ reginæ matris meæ sedari possent. Sed postquam aliter esse video, nolo nunciple deesse. Itaque nunc maxima celeritate in Franciam proficiscor: necessariò me id facturum homines prudentes, qui Gallica norunt, statuent. Discessum meum celare operæ precium fuit propter eas causas, quas Magnificentiæ vestræ à nobili, & generoso viro D. Danzæo consiliario nostro intelliget. Ego vos, totamque familiam vestram amaui semper, & quantum animo licuit, libetè ornaui, à vobis nunc omnia beneuolentiæ ac sinceræ amicitie officia expectans. Illud oro in primis, vt autoritate vestra, quantum fieri poterit, omnia cōtendatis, vt incliti senatus studia eadem erga me absente maneant, quæ hactenus

fuere. Verum de hac tota re, alijsq; grauissimis multis rebus dictus dominus Danzaus meo nomine vobiscum aget copiose, cui vt fidem habeatis, vehementer rogo. Data Crocavia, die 18. Iunij, 1574.

Henricus rex manu propria.

ILLVSTRI ET MAGNIFICO DOMINO a Tienſi in Castellano Weinicensi ſubcamerario noſtro, Henricus Dei gratia Galliarum, & Polonia rex, &c.

ILLuſtris, & magnifice domine, ſincerè nobis dilecte. Non ſpontè quidem, ſed coacte, & cogente rerum omnium neceſſitate in Franciam nunc maxima celeritate proficiſcimur. Ex literis enim ſereniſſimæ reginæ matris noſtræ, quas hodie ſub tempus cœnæ accepimus, intelleximus, eo ſtatu eſſe res Gallicas, vt niſi expeditis equis illuc aduolauero, omnino de illo regno actum ſit. Id quoque ſcriptum eſt ad me ab omnibus Galliarum proceribus ac primarijs viris. Quamobrem cunctandum mihi minimè putauim, ne mihi ipſi in tanto momento de eſſe videar. Diſceſſum verò noſtrum tacitum eſſe, operæ premium fuit propter incommoda itineris. Noui enim ſinceritas veſtra, ingenia Germanorū, & quanto odio proſequantur catholicos homines. Quid autem nunc à ſinceritate veſtra expectam, & expectem, nobilis & generoſus vir Danzaus conſiliarius meus exponet vobis: cui vt fidem habeatis, vehementer rogo. Hoc vnum tantum addam, hac poſtiori epistoſe parte, te cum eſſe, quem ego ſummo pere

pere amaui, quem plurimi feci, & cuius viciffim amicitiam, & beneuolentiam erga me ſempiternam eſſe cupio. Bene valeat illuſtris ſinceritas veſtra. Data Cracouia, die 18. Iunij, anno 1574.

Rex manu propria.

ILLVSTRI ET MAGNIFICO DOMINO Radl Wielduci in Olira, Mareſchalc. curiaſe Lituanie, ſincerè nobis dilecto, Henricus Dei gratia Galliarum, & Polonia rex.

ILLuſtris & magnifice domine, ſincerè nobis dilecte. Hæc ad te ſcribens, neceſſario itinere in Galliam ingredi cogor. Intellexi. n. ex literis ſereniſſimæ matris meæ, ſcriptis in eo ſtatu eſſe res Gallicas, vt niſi intra 15. dies ad fines Franciæ appulero, actum eſſe videatur de toto illo regno. Id quoque ſcripſerunt ad nos omnes proceres, & primarij viri, fidè meam implorantes. Quamobrem cunctandum, & procrastinandum minimè putauim. Sed diſceſſum meum diſſimulandum exiſtimaui, vt ſecuriſt tranſeam per Germaniam. Noui enim ingenia Germanorum, & quanto odio catholicos homines proſequantur. Quid verò nunc à ſinceritate veſtra expectem, & expectam, nobilis & generoſus vir dominus Danzaus conſiliarius noſter exponet meo nomine copioſe, qui has literas ſinceritati veſtræ reddet: cui vt fidem adhibeat, omnino cupio. Bene valeat ſinceritas V. & me, vt hætenus fecit, diligat. Data Crocavia, die 18. Iunij, 1575.

Henricus rex manu propria.

*LITERÆ AD SACRAM MAIESTATEM
regiam à senatoribus regni Polonia scriptæ, cum
quibus cubicularius maiestatis suæ, Viennam
xx. Junij, Craconia in expeditis equis
delectatus est.*

Serenissime rex, & domine, domine clementissime. Obsequia nostra cum testificatione fidelissima subiectionis nostræ S. maiestati vestræ cōmendamus. Itane meriti sumus de sacra maiestate vestra, ut præter spem omnem, & expectationem nostram, hinc discedere nobis inscijs, sacra maiestati vestræ placuerit? Graues impulerunt causæ, S. M. V. & induxerunt ad hoc tam graue, & periculosum iter. Sed grauius illud existimamus esse, quod sacra maiestas vestra inconsultis nobis, hoc fecerit, quasi fidem fidelium subditorum suorum dubium faciens, neque res suas concedens illis, qui se, salutem, facultatesque suas omnes, fidei sacra maiestati vestræ concederunt. Non deerat animus, non defuit facultas, nulla nobis ad aras usque; (quod dicitur) S. M. V. sequentibus. Sed neque S. M. V. bene apud se examinavit, quam est aggressa, neque committere debuit, ut ultro se tot periculis obijceret. Precamur S. M. V. omnia feliciter ex animi sententia euenire: sed ita tamen, ut prius illi Deus mentem inspiret, ad nos, regnumque suum reuertendi. Vbi salua & incolumis Viennam S. M. V. peruenerit: rogamus sacram maiestatem vestram, ne ulterius procedat, ne se maioribus discriminibus exponat, ne cum periculo suo maiores, & excellentiores hominum gradus appetat. Hic enim honos, in quo maiestatem vestram Deus max. collocavit, eo est excellentior, quò processit non à fortuna

fortuna, sed à diuina voluntate, & proborum, & de maiestate vestra bene meritum iudicio. Confideret maiestas vestra, regnum se reliquisse planè periculis omnibus expositum, nullis fœderū, & pactio- num renouationibus confirmatum. Nisi dominus custodierit, actum est de nobis, nulla nobis diligentia, nulla prudentia proderit. Nihil enim sine sacra maiestatis vestræ præsentia stabile & firmum statuere possumus. Petimus igitur à S. M. V. ut maiestas vestra memor sit fidei suæ ac iuramenti regno huic præstiti, memor expectationis suæ, quam semel de maiestate vestra conceptam eò usque retineremus: memor ad extremum salutis, & incolumitatis nostræ, quam Deus max. maiestatis vestræ fidei commisit, & potestati. Nos si deleteret maiestas vestra, vindicabit Dominus iniuriam populi sui, neque formidabit maiestatis vestræ actiones, nostris malis, & periculis fortè grauatas. Hoc si impetrabimus è maiestate vestra, dabimus operam, ut in reducenda maiestate vestra omne studium, officium, & operam nostram sacra maiestati vestræ comprobemus. Deum rogamus, ut sacram maiestatem vestram sacram & incolumen aspiciamus. Datum Craconiæ, die 20. mensis Iunij, Anno 1574.

*Sacra maiestatis vestra subditi
& consiliarij.*

*Senatores regni Polonia
Craconia congregati.*

EXEMPLVM LITERARVM A SA-
*cra Casarea maiestate ad senatores regni
 Polonia datarum.*

MAximilianus reuerendissimis, &c. Accepimus dominum, & vestras literas die 21. mensis Iulij iam elapsi datas, quæque ipsdem, pro solita vestra erga nos beneuolentia de serenissimi principis domini Henrici regis Franciæ, & Poloniæ, magni Ducis Lituaniæ, consanguinei, & fratris nostri carissimi istinc discessu nobis significanda duxistis. Cognouimus dominationes itaq; vestras, & vos celare non possumus, eundem serenissimum regem vestrum hisce diebus instituti itineris sui ratione ita ducente, huc venisse, tanta quidem celeritate, *ut non modò planè nobis inscijs, ditiones nostras intraret, sed, parum etiam abfuerit, quin aduentus sui nuncium anten-
 teneret.* Nos verò serenitatē suam eo pacto huc delatam, ita excepimus, ut ex mutua vicinitate, quæ cum Poloniæ regno nobis intercedit, dignū & fraternæ, atq; necessitudini, qua serenissimis & Christianissimis Franciæ regibus iuncti fuimus, conuenire existimauimus. Sicque serenitas sua iter suum quàm citissimè peragendi desiderio hinc festinans, nudiustertius in Galliam perrexit. Porro velim dominationes vestras, & vos vobis in mentem reuocetis, antiqua fœdera, & pacta, quæ ab antecessoribus nostris accepta cum inclito Poloniæ regno nobis intercedunt. Dominationibus V. & vobis sic persuasum cupimus, nos, qui hactenus nihil magis curæ, vel etiam in nobis habuimus, quàm ut huiusmodi fœdera, atq; pacta firma, inuiolataque conser-

uaren-

uarentur: adeoque omnibus, quæ huc pertinere visa sunt, nunquam defuimus, nec in posterum hac in parte fore dissimiles. Quod ut de vobis pollicemur, ita nihil diffidimus, quin, qua estis erga nos, regna, dominiaque nostra præclara, integerrimaq; voluntate, vestrū vicissim in ipsdem fœderibus sanctè obseruandis, officium haud vspiciam desiderari passuri sitis. De cætero, D. V. & vos, quibus mutua beneuolentia, & bonæ vicinitatis studia deferimus, rectè valere cupimus. Datum Viennæ, 1. Mensis Iulij, anno 1574.

EXEMPLAR LITERARVM AD
 HENRICVM ANDEGAVENSEM A
 Senatu, & Ordinibus regni
 Poloniæ.

*SACRA CHRISTIANISSIMA, ET
 serenissima maiestas regia, domine nobis
 clementissime.*

STudia obseruantiam nostram S. regiæ maiestati vestræ commendamus, à Deoque max. S. maiestati vestræ precamur optimam salutem, felicissimos rerum successus, ut S. maiestas vestra diu sana & incolumis sit, & longissimè ac felicissimè populis à Deo suæ fidei & gubernationi concredit, imperet cum summa laude sua, & eorum, quibus præest, felicitate. Quæ fuerit vniuersi regni Poloniæ erga maiestatem vestram propensio, cum rex à nobis electus, & ex remotissimis orbis partibus in Poloniam exci-
 tus esses, non est opus longioribus verbis maiestati

M

vestra cōmemorare. Siquidem in memoria tua esse existimamus inter clarissimos principes, & orbis monarchas, te omnibus à nobis cōpetitoribus praelatum, in Poloniam ex Gallijs honorificè exceptum, sacro deinceps diademate coronatū, & ita apud nos habitum, vt tibi libentissimè vitam, salutem, iuramentum, & carissima quæquid patriam nostram pignora concedere, & in potestatem tuam tradere non dubitauerimus. Et sperabamus quidem, nos imperij tui moderatione post interregni tempus illud luctuosum & difficile, quasi sole post obscurissimas tenebras elucente, regnū Poloniæ splendore suum recuperare posse, fecissetq; vtinā Deus max. vt expectationi de te nostræ exitus respōdisset, nec ea felicitas, quā ex imperio tuo cōceperamus, interfecta fuisset tristi reip. nostræ casu & perturbatione. Discessisti à nobis, sereniss. rex, patriæ nostræ, imò quoque verò tue, corpus integrū tuo hinc discessu reliquisti mancum, ita vt quasi per te capite diminuto, patria nostra sine rege suo vitam ducat egram, & nō mediocri dolore sese conficiat. Auget etiam dolorē nostrum, quod consilium discessus tui, & te ipsum, vitam, dignitatem, maiestatemq; tuam hic concedidisti, qui priuata magis apud nos obseruantia, quàm vlla fide publica se tibi esse obstrictos, agnoscere debuerunt. Nos tibi fidem nostram, nos obseruantiam, nos cultum, nos in prosperis & aduersis constantiam, sacramento oblato, obstrinximus. Nobis propterea, te, tuāq; cōsilia, tuas res cōcedere debuisti. Nos enim pro tua dignitate, pro gloria, pro salute, pro acquirendo non modò paterno regno, quod à Deo, naturaq; datum, amittere nullo modo potuisti, sed etiam pro

alio

alio quouis imperio cōsequendo, fidem, studium, operam, vitā deniq; deuouissemus, te, tuamq; fortunam comitando. Legis annales nostros, fidem Poloniæ reges suos deseruere nunquā. Polonorum nomen contra principes suos sinistra machinatione contaminatū non esse. Reuocādum est illud in animum tibi, quā primū de obitu Christianissimi regis Caroli IX. fratris tui desideratissimi, fama in Polonia peruulgata fuit, tuāq; fraterna viscera morte ipsius non mediocriter cōnota vidissemus, tute scis, nō magis te, quā senatū, & vniuersam Poloniā acerbissimo calu mortis illius perturbatam extitisse, quasi rex noster mortuus esset, ita mortem illius indoluit Polonia. Quid actū est? quod erat officij tui, rem ad senatū tibi tūc assistentem retulisti, deliberatum est, dictæ sunt sententiæ, dies luctus publici per vniuersum Poloniæ regnum constitutus & inditus est. Summa totius deliberationis erat, quid tibi faciendum, quomodo Galliæ tumultuanti succurrerēt: quæ ratione regnū ad te naturali successione deuolutū, retinendum. Hec omnia, quæ erāt grauissima, nec ab vna parte reip. sed ab omnibus ordinib. constitui & finiri poterāt, in maiora regni comitia, te consulente, te annuente, te applaudente, reiecta sunt. In hac expectatione comitiorum quid actum sit, proh dolor, cōmemorare quid amplius opus est? Regere nemus in Polonia, at quomodo? neque hoc sine dolore reticere potest: ita à nobis discessisti, vt vix impressum abitum discessus tui videre potuerimus. Sed dolorem & orbitatē nostram amplificare nolumus. Deus maximus, qui corda regum gestat in manibus suis, ille iudicet hoc factum tuum, ac be-

ne vertat hoc non modò Gallia, quæ te à nobis euo-
cavit: sed patriæ quoq; quæ tuam fidem secuta, nunc
de statu & felicitate sua laborare cogitur. Cuius
quidem saluti prospectum esse volètes, quò nos pa-
triæ amor, quò necessitas ipsa, quò periculorum me-
tus, & consuetæ cõsiliorum ratio vocabat, Warscha-
uiam conuenimns omnes, vt orbitati patriæ, paci, &
securitati publicæ consuleremus. Et caput quidem
deliberationis nostræ hoc fuit vnum, vt regem ha-
beremus in Polonia, cuius autoritate pax interna,
& externa tranquillitas retineretur. *Omnes te hic
regem optabamus, requirebamus: sed quæ inueniri,
quem alloqui, quo cum agere potuissemus, habui-
mus neminem.* Est certè verum, quod scribimus, se-
renis, rex, non defuisse nobis animos, non occasio-
nes, nò commoditates, nò etiam causas, vt patriam
seruaremus, liberas voces ad eligendum nobis re-
gem alium cõuertere, & spretæ patriæ ignominiam,
periculaq; imminencia noua regis electione deter-
gere: sed natura, constantiaq; nostra vincit neces-
sitate eam, nec id quidem sine periculo, ne sequa-
mur prius, *donec à te seiremus, an ad nos redire, no-
bis semper imperare, sceptraq; Polonia gestare ve-
lis.* Voluntatem tibi esse quidem quis dubitet? regia
virtus & natura tua non Septentrionis fortasse mo-
do: sed regnorum aliorum quoq; imperium animis
cogitat: sed voluntatem istam multis fortasse cogi-
tationibus occupatam, aut temporum necessitate
distractam, non vult Polonia magno cum suo malo
experiri, te longum tempus expectando. Vis igitur
rex noster esse? Venias quamprimum in regnum
hoc, cape sceptrum senet tibi data, accipe gladium rega-
lem,

lem, quo nos defendas à vicinis hostibus, quorū ar-
ma iam personant in auribus, micat in oculis ex Wa-
lachia, Scythia, & Moschouia. *Veniendum est autem
matrè, ne consilia & machinationes hostium, lon-
garia expectatione maturecant, & nos, regnumq;
istud pessundent.* Rege diu carere nò possumus pro-
pter grauissima pericula, in quibus, tanquam in lu-
brico, versamur, quæ talia sunt etiam, vt à nobis ne-
queant, nisi præsentè rege, tolli. Propter discessum
enim tuum multis domi incòmodis affectū est: bo-
na regalia à militibus occupata, stipendia per se pro-
missa, & non soluta, priuatorum in publica bona in-
uasiones, direptiones, occupationes. Non comme-
moramus licetiam, iniuriam, cædes, audaciam, quo-
rundam perditorum, quidlibet faciendi. Nec vindi-
cari absente rege, silente lege, cõuersis omnium ad
extrema pericula oculis, vix facile possunt. Ne igitur
longa, irrita vetui aduētus expectatione nos suspen-
sos reddas, & cunctatione tua regnū maioribus pe-
riculis inuoluas, non aggrè feres, quod pro salute pa-
triæ nostra facimus, & tibi tempus in Poloniam ve-
niendi assignamus. Hoc autem est, serenis, rex, qua-
tenus adhuc humeris nostris, pondus periculi huius
sustinere posse, nos arbitramur, & te ad nos còmo-
dè ex Gallia in Poloniam peruenire, nobiscumque
esse posse iudicamus: diem *duodecimam mensis Maij*
proximè venturam, pro quo etiam tempore comi-
tia magna, decreta & instituta esse scito, ad quod
quidem tempus assignatum, ad ea quoq; comitia
conueneris quoq; Polonia expectat, vt venias in re-
gnum hoc, in comitia illa, quæ sunt instituta, vt de-
 liberationes cum senatu, & ordinibus regni iuxta

morem & consuetudinem præscriptarum legū ab-
soluas, & pericula imminencia vnā nobiscum amo-
neas: tum etiam conditiones ab oratoribus tuis in
conuentu electionis receptas, & iuramento firma-
tas, atq; cōditiones & articulos per legatos tibi obla-
tos, ac hos per te ipsum Patijs, illas verò per serenissi-
mum Carolum olim Gallie regē fratrē tuum desideratissi-
mum, sacramento roboratas, confirmes, expleas, &
re ipsa præstes, ac in posterum Rempub. nostram
præstans semper gubernes. Hoc ad officium tuum
regale, & sponsonē factam, fidemq; datā, pertinere,
maximē intelligimus, vt nō dubitemus, te nō magis
curaturum esse, vt huc venias, quā vt promissa ex-
pleas. Si verò, quod à nobis vtiq; longē abesse cupi-
remus, ad nos venire nō potueris, tardauerisq; cum
nostro summo dolore tibi dictum, nunciarumq; vo-
lumus esse, omnes nō posse amplius, quod cū gratia
tua dicere licebit, sine rege, sine lege viuere in Re-
pub. nostra, conuersisq; nostris animis ad Deum, id
faciemus, quod ad incolumitatem & salutem patriæ
nostræ pertinere videmus, eamq; ab illo tempore, si
nō veneris, salua tua gratia, honoreq; nostro, obedi-
entiam, & fidem datā tibi renitiamus, & noui regis,
electionisq; cōuentū indiximus, statuimus, promul-
gauimus, atq; id quidem ita certē, ita firmē, summa
necessitate constricti, apud nos statuimus, vt nullis
excusationibus, nullis modis, nullis ad extremā ra-
tionibus, ab instituto nostro nos abduci patiamur.
Non debēs autē aestimare, serenissime rex, id nos a-
nimo erga te sinistro, aut consilio præproprio face-
re. Abest longē à nobis ea cogitatio: sed iudicare de-
bes in primis, Poloniam ita esse constitutā, vt barba-
ris ho-

ris hostibus ad eam solam pateat aditus, ipsaque sola
ad omnia Christiani orbis regna, sit quali porta, quæ
nisi firmissimis claudatur præliis, non ipsa modò,
sed multæ Christiani orbis prouinciæ, certum est,
de salute sua periclitabuntur. Nos igitur hic pro om-
nibus quali excubias agimus, & vt securè dormiāt
alii, nos in somnes oportet peragere noctes. Tale
igitur regnum, quomodo sine rege, sine duce, sine
capite esse possit existimas? Nosti potentiam Mo-
schouiticam. Non est incognita tibi Scythica feroci-
tas, quæ cum Turcica potentia mixta, his diebus vi-
cinam nobis Walachiam solo æquauit. Est regnum
hoc cinctum & circumuallatum hostibus Christia-
norum Catholico nomini infensis, nostro verò in-
fensissimis, quod veteres ex se ductos triūphos, tunc
maximē vindicare cupiant, cum remp. hanc capite &
rege suo videant orbatam, & tanti casus nouitate
tumultuantur. Occasionem igitur oppugnandi nos
& Rempubicam nostram habent illi percommo-
dam. At dices fortasse, vires nobis esse tantas, modò
velimus, posse nos etiam defendere patriam no-
stram, eamq; tibi seruare saluam & incolumem, ho-
stium insultibus ab ea pellendis. Est ita serenissime
rex, pro patria nos nullis etiam extraneorū adiutos
auxilijs fortiter pugnauisse, præclarisq; triūphis latè
& longè fines illius protendisse, paratos etiā esse, pro
his tuendis & conseruandis, sanguinem nostrum ef-
fundere: sed illius optimæ voluntatis impedimenta
tuo discessu rãta sunt effecta, quãtā vix vllō vnquam
tempore in Polonia fuerunt. Inimicitias cum bar-
baris gentibus, non vnas sed multas, & graues, pro
gloria, & libertate Christiana habemus, amicitias
M iij

quoque cum Christianis, vicinisque principibus, nullis per te foederum & pactorum vinculis colligatas, ita retinemus, ut dubia potius, quam certa sit eorum possessio existimanda. Quid horum quisque molietur, quod adspiret, quid neget, non videmus: tu verò considerare potes. Simus etiam superiores hostibus nostris, at eorum conatibus hinc inde irrumperentibus, quomodo sine capite, sine rege resistemus? Quomodo vires cōiunctas cōtra diuersos hostes habebimus? maximè, cum regni huius pax, cum vicinis nulla per te pactorum renouatione firmata consistat. Bellum in Polonia, publico etiam edicto sancitum, sine rege, tanquam summo belli duce, ex praescripta lege fieri non consuevit, neque potest. Erit ne amplius sine rege Polonia salua? Minimè gērium, serenissime rex, regem oportet habeamus, aut te, aut alium, quem nobis Deus & fata prospexerunt. Durum est telum necessitas, qua abducimur, ut si rex praesens nobis noster semper nolis esse, alium, qui nobis imperet, eligamus oportet, te id minimè egrè ferente, imò collaudante studia nostra seruandae patriae cupiditate tantopere incensa. Non dubitamus autem, serenissime rex, si ita tibi, & Deo videtur, ut rex noster amplius futurus esse non possis, quin nos & regnum hoc in tua gratia, & fauore, & beneuolentia perpetuò retineas, & in primis gratum, & memorem te studij, & obseruantiae nostrae erga te praestes, quam tibi etiam omni studio, opera & diligentia comprobare studebimus, ut intelligas, erga te apud nos etiam nō regnantem, non desituisse studia, beneuolentiam, obseruantiam nostram, quinimo duratura haec esse omnia, quandiu in ani-

in animis residebit tua erga nos gratia, & beneuolentiae memoria. Quod superest, commendamus nos in gratiam maiestatis vestrae, Deumque maximum precamur, ut S. M. V. clementissimè seruet sanam & incolumem ad perpetuam Christiani nominis gloriam, & salutem obseruandam. Data Warschaviae ex congregatione ordinum Poloniae regni generali, die 18. Septembris, 1574.

*Sacra Christianiss. & serenissima
Maiestatis V.*

Seruitores addictissimi

*Senatus, equestris ordo regni Poloniae,
& magni Ducatus Lithuaniae.*



*Verba Regis Poloniae & maior
terrore & horrore facta.*

*Non sum in causa sed hoc liber natus, neque ante in hac terra
veni, dicti et amici mihi defuit: Amo ego libertatem
meam, et eam conseruabo Deo volente: per vos in regem
vestrum sum electus, vestris postulantiis et in presentibus huc
veni, per vos corona capiti meo est imposita. Si igitur rex
vestrus, non fictus neque pichus, volo regnare et imperare, non
ut is mihi imperet: Custodes libertatis vestrae estis, non
ut vos paedagogi mei fieri volo: sihi itaque libertatem vo-
stram custodite ne libertas vestra in alium vestrum.*

Clades
DANTISCANORVM,
 ANNO M. D. LXXVII.

17. Aprilis.

A

IOANNE LASICIO POLONO
 DESCRIPTA: IN QVA CAUSSÆ BEL-
 li à serenissimo rege Polonia Stephano con-
 tra Gedanenses suscepti, refe-
 runtur.

MAGNIFICO VIRO, DN. IOANNI
Zborowski, Castellano Gnesnensi, duci copiarum au-
lico serenissimi regis Polonia Stephani, Odolano-
niensi, Kiesensti, Volpiensi, praefecto, sena-
tori integerrimo, salutem &
felicitem.



ITTO ad te, strenue imperator,
 hanc belli abs te, angelis Dei inuan-
 tibus, confecti, descriptionem: ut
 gesta tua, tuorumq; fortium mi-
 litum, quae iam literis mandari in-
 ciipiunt, nunquam esse moritura, nisi cū hac uni-
 uersitate rerum, cognoscas: & eò maiore inde vo-
 luptatem percipias, ad maiora tātò magis inflam-
 meris. Qua in descriptione, tute nosti, quale meū
 fuerit studium, ne quid falsi esset. Si quae praterij,
 ea supplere licet alijs. Dolenda est sanè isthac Chri-
 stianorum

stianorum calamitas: at quid aliud magistratus
 ageret, imperata facere nolentibus? et si nondum
 hic magistratus noster, suo usus esse gladio, quem à
 Deo ad coercendos malos accepit, videtur: id tan-
 tum apparuit, quemadmodum pro eo regum illi
 rex ac defensor pugnauerit: quum hostes non con-
 renti eo, se ut intra mœnia continerent, defende-
 rentq; foras etiam, regē suum oppugnaturi prodic-
 rint. Quorum consilia quem finem sortita sint, tu
 ipse vidisti, ego descripsi. Faxit igitur Deus, quan-
 doquidem perduelles ne nunc quidem resipiscunt,
 ut de te, milite eodem tuo, & rege nostro fortissi-
 mo, similia scribere liceat. Attamen magis illud à
 Deo precor, ut, qua Gedanenses ob peccata affecit
 cecitate, eam post hanc cladem, animis illorum
 adimat: ne forte accensa magis vñcti Dei ira, fun-
 ditus eueriantur: quod ut Ioannes Dantiscus, ci-
 uis illorum, supra annos XL. prædixit: ita & ego
 mihi videre iam videor. Vale, & pugna feliciter,
 decus amplissima Zboroniorum familiae: hanc au-
 tem meam lucubratiunculā eodem animo, quo me
 miles, annis abhinc 19. in Gallia cōplexus es, quæ-
 so te, accipe. Barcini, anno M. D. LXXVII.
 20. May.

Tuæ dignitatis obseruantissimus
 Ioannes Lasiczki.

CLADES DANTISCA-
NORVM, ANNO CHRISTI

M. D. LXXVII. 17. die Aprilis.

A Ioanne Lasicio descripta.

Ntequam ad funesti Gedanensium
suo cum rege belli descriptionem
accedam, illud mihi præfandum ef-
se videtur, ipsosmet Gedanenses tan-
ti sui mali causam fuisse: quod qui-
dem præter hunc miserabilis pugne
euentum, ab irato proculdubio Deo profectum: ex
conditionibus quoque à clementi rege ipsis non se-
mel oblatis apparet. Nam quum rex Stephanus,
quinto vt regnare cœpit, mense, (qui erat anni supe-
rioris September) firmandi regni sui causa, Craco-
uia Marieburgum venisset, opinatus tantò facilitus,
quantò Gedanum propius omne negotium transa-
ctum iri: factum necessariò est, senatu, qui cum rege
fuit consulto, vt Gedanenses, rebelles pronuncia-
rètur: quod à Cossobucio secretario, Andrea Sboro-
uio curiæ Marschalco, & ab alijs duobus senatoribus
ad ipsos missis officij admoniti, nihil de sua obstina-
tione remitterent: quodq; ad causæ suæ dictionem,
fide bona vocati: quamuis commodè potuerint, ta-
men non venerint: quæ nota in fontibus grauis, ni-
hil quidquam illorum animos permouit: nullum in
illis sermone placandi regis, contumacia offensi, studi-
um apparuit: quinimo regi legem imponentes, vt
antea, ita post, liberari ab eo fide Casari Maximilia-
no, à

no, à paucis appellato Poloniae regi, præcipitanter
data, volebant: triginta alijs conditionibus (quarum
primæ, vt à quibusdam oneribus ab Augusto rege
ipsis impositis liberi essent, & portorio ipsimet frue-
rentur) cum illo pacificebantur: militem in Germa-
nia, in consulto rege, & regni senatu, conscribebant:
portas interdiu, nullum habentes hostem, claude-
bant: non contenti generali regis iureiurando, legi-
bus publicis, priuatisq; suis singulari quoque (regem
hæc ratione infidi animi arguentes) cauere postula-
bant: cõrumeliosis, & ab omni veritate alienis de re-
ge laudatissimo, & regno, officine Jacobi Rothi scri-
ptis Germaniam implebant: Grebino, territorij sui
capiti, in ipso regis conspectu, præsidia imponebant:
urbem suam tam milite mercenario, quàm validis
propugnaculis, magis ac magis muniebant. Quibus
eorum facinoribus benignus rex irritatus, arcem
Grebiniensem, 26. die Septembris occupat, præsidia
cædit, & fugat, multos pagos, quos Zula Waillorum
habuit, euastat. Perciti inopinatis cladibus, damnis-
que, impetrant quatruidui commeatum, vt vrbe tu-
to exire liceret. Egressi suburbium, pagumq; ditionis
episcopi Vladislauensis, senatoris regni Poloniæ,
igni comburunt: ac paulò post cœnobium, iuris
eiusdem antistitis, intra sua mœnia, ac ite aliud extra,
quod Oliuense vocatur, antiquis principum Pome-
ranie sepulcris clarum, euertunt: imbelles mo-
nachos, alios contrucidant, alios ludibrio habent:
misere tamen ad regem cum certis postulatis octo
viros: ad quæ eiusmodi responsum, primis Octobris
diebus, accipiunt. Rege copias suas ex agris illorum
abducturo, ipsi quoq; suos milites dimitterent, ius-

iurandum darent, exteros iurare nolentes vrbe mouerent, supplices veniam peterent, cōfirmationem iurium habituri, ad comitia regni venirent: tum decretū ob contumaciam contra ipsos latum, & quæ vocaret graua mina iniuste sibi imposita, suo modo tollerentur. Acceptis his conditionib. nō omnes illis probata: oblatas deinde alias, eodē modo aspernati sunt. Rursus impetrata 17. Nouembris, suis internuncijs, Constantino Ferbero, & Georgio Rosenbergio, vltro citroq; commeandi hisce legibus securitate, Calendis quoque Decembribus vltius propagata, vt pacata ciuitate, dimissoque milite, ad regem venirent, delicti veniam petitori: rescribunt quædam à regis voluntate aliena: & quoniam conditionibus non satisfecerunt, retenti sunt à rege legati. Aliud semper, quàm par erat, & rex iustus volebat, respondentibus, humilibusque verbis superba feribentibus: extracta res est ad comitia Toronensis mensibus Octobri atque Nouembri, anni 1576. Gedanensium potissimè causā celebrata. In quibus regia de ipsis sententia, ab omnibus prouincijs, ordinibusque comprobata est: deliquisse Gedanenses, & crimen contra maiestatem commisisse, inueni. Quòd, hoc cum responso, illi idē reuerterunt, quamuis rex exercitum abducere Sula Walsum, ipsos tamen non esse id facturos: nec ad commune concilium, quum ad illud non pertineant, venturos. Mirabantur nostri hæc ab illis scribi, quum anno 1569. rex Augustus Lublini, aui sui Casimiri quarti, de cōcilijs, conuentibusq; Prutenicis illam legem, *Omnes causas notabiles, ad terras Prussie pertinentes, cum communi consiliariorum earundem terrarum consilio*

*liberabimus: ita commodè interpretatus sit, vt ostenderit, non esse certum locum hisce causis tractandis definitum: nec hinc senatum regni, sine quo nihil magni rex cōstituat, excludi: sed ex indiuiduo Poloniae cum Prussia vinculo, anno 1454. opera eiusdem regis facto, omnia communia sequi: non tamen leges harū gentium confundi: ideoq; tali iurificationis formula, fidem suam regibus, & regno Poloniae, consules ciuitatum Prussiae atq; nobiles obstringere: Ego Niuro, quod serenissimo D. Sigismundo regi Poloniae, & suis successoribus regibus Poloniae, eiusq; regno. fideus ero: eiusq; maiestatis honorem. statum regnum, & commodum Reipubl. regni, & terrarum Prussiae. pro virili procurabo: suamq; maiestatem de omnibus damnis, quæ sciuerō, certiore faciam: & ea manifestabo fideliter: sic me Deus adiuet. Non destitère portò tempus terere varijs effugijs, clām in Germania auxilia, conuerentes, rege prudenti futura prouidente, ac quæ iam acciderunt, prædicente. Ad quem vbi Rosenbergius cum Henrico Lempkajuriconsulto, vltimum ipsorum, ad ea quæ 15. Ianuarij acceperūt respōsum, multò aliud, quàm sperabatur, Bidgostiam attulissent: statutū est, post diu tentatam, tandem etiam contemptam mitis regis patientiam, debellare superbos, & vi cogere ad officium ciuitatem, quæ potestati à Deo institutæ nō let subijci. Nam quid aliud, bonum regem facere oportuit? Adducam huc, quæ tum etiam illis gratificabatur. *Responsum sacra maiestatis regia, internuncijs ciuitatis regiae Gedanensis a maiestate regia ad eorū supplicationē datum.* Sacra regia maiestas satis abundè omnia intellexit, quæ ciuitatis Gedanensis*

nomine ab ipſius maiestate petebantur. Exiſtimat autem, ad frequentes ciuitatis ſuæ Gedanenſis ſupplicationes, ſatis, ſuperq; ſenſum eſſe clemētia, conuiuentia ſua regali: ita vt ampliùs vtendum ſibi eſſe nō putet tam diuturna procraftinatione, rerumq; & negotiorum propoſitorum dilatione. Vt ea in re iudicat dignitatem ſuam, expēdireque rebus & conſilijs ſuis cenſet, vt iſta tractatio iam pridem inſtituta, nunc tandem finem ſuum ſortiatur, modo & ratione infrā ſcriptis. In primis concedit maiestas regia, vt pro concludendis, vltimoq; ſine terminandis conditionibus, à regia maiestate ciuitati oblati, iſto modo, quo regia maiestas cōcluſit ac determinauit, in ſpacio ſex dierum maiestati regię ſatiſfiat, pleneq; de his omnibus ciuitas regię maiestati reſpondeat. Hi verò dies per reliquos menſis Ianuarij dies anni præſentis, ciuitati conceſſi eſſe cenſeantur. Primò quidem ducenta millia florenorum, numeri, & moneta Polonica, regia maiestati ciuitas perſoluere debet. Prima quidem, in ſpacio vnius menſis: alia verò cētum millia, prima die Martij, anni futuri 1578. regię maiestati reponet. Et nunc etiam oblationi ſtatuum Pruſſię innitendo, duplicem acciſam ciuitas iuſtè & integrè contribuet, eamq; in theſaurum regię maiestatis inferet, prout id melius & vtilius ipſius maiestati fore videbitur: de quibus omnibus obligationem forma concepta, quæ mittitur, faciat. Illa quæ merè regalia ſunt, quæ ex priuilegijs ciuitas Gedanenſis regię maiestati pendere debet: ea quotannis exoluantur: iſta enim obligationibus aut exemptionibus vllis ſubijci non vult. De 4. tormentis bellicis, vnà cum puluere, globisq; bene præparatis,

paratis, ad vſum belli præſtandis, ciuitas regię maiestatis voluntati ſatiſfaciat: in eoq; regię maiestati morem gerat. De prōrogatione temporis ad Palatium, aliq; ædificia regalia in ciuitate Gedanenſi extruenda, permittit regia maiestas ex gratia, clemētiaq; ſua, tempus competens ciuitati ſe cōceſſurū eſſe. De portorio maris, negocium ad futurum regni cōuentū reiſcit: ita tamen, vt regię maiestatis ſcriba peculiariſ ibi adſit, iuxta priorem declarationem. Grauiamina, quæ authoritate ſua citra conſenſum ordinum regni tollere poteſt, ea tollit: reliqua ad conuentum regni generalem differt, vt de illis ex ſententia ordinum decernatur. Quæ tamen regię maiestatis de grauiaminibus iſtis ſententia ſit, eam peculiari priuilegio ſuper his conſcripto declarauit. Si verò vult, aut magis cupit ciuitas, non abnuat regia maiestas, vt omnes articuli, & omnia grauiamina, ac omnes actus commiſſariales, inter quos & portorij negotium eſt, ita vt etiam ſcriba ad id non adhibeatur, ad futurum regni conuentum reiſciantur. Reliqua tamen placationis capita, ac declaratio religionis conſeruanda, ſtare debent loco, & tempore ſuo. Confirmationem iurium, & libertatum, iuxta formam præſcriptam, quæ mittitur, regia maiestas ciuitati dabit: omniaq; priuilegia, iuxta illius contenta, conſeruabit, eamq; authenticè nunc extradet. Si fortè ciuitati placeat grauiamina omnia, articuloſque (placationis conditionibus & capitibus, tum etiam religionis conſeruacione, de quo ſpecialibus litteris cauebitur, exceptis) ad futurum regni conuentum reiſcere: litteras reuerſales, prioribus nō abſimiles, ciuitati dabit: quibus promitter, authoritatem

suam apud ordines regni interposituram esse, ut ciuitatis ratio habeatur, grauaminaque ipsius illegitimè interrogata discernantur, & abrogentur. Ante omnia ciuitas militem dimittat, regiam maiestatem forma concepta deprecetur, cōuentis se stare obliget: fidelitatis iuramentum præstet: omniaq; faciat, quæ ad subiectionis, fidelitatisq; officium spectant, & pertinent. In quorum omnium fidē sigillum nostrum apprimi iussimus. Datum Bidgostie 25. Ianuarij, anno Christi 1577. regni verò nostri primo. His subscriptio manus regie accessit. Dedit iisdem die eodem priuilegium de grauaminibus, eodem quo dictum est modo, abrogandis, vsu Augustanæ religionis cōseruando, omnibus priuilegijs legitimè impetratis cōfirmandis, deq; cæteris rebus, quadraginta capitibus cōprehensis. Quæ omnia quo animo acceperint, incensibus confisi suis, id ex ijs liquet verbis, quæ de Gedanensibus regia maiestas senatorib. absensib. vndecima Februarij Bidgostie perscripsit. In primis, inquit, declarationem conditionum à nobis oblaturum illis dedimus: grauamina, quæ ipsi soli poteramus abrogare, dato priuilegio abrogauimus. Commissionis negotium, ad futurum regni cōuentum reiecimus: vt de eo ex omnium regni ordinum consensu decernatur, exemplum cōfirmationis iurium, amplissima forma, citra omniū exceptionem, illis dedimus: vt nihil superesset, quod eorū animos obstinatos à præstanda fidelitate, ac relinquenda reuerentia, retrahere posse videretur. His ita constitutis, sex dierum spatium datū est, vt senatui & cōmunitati ea omnia videnda mitterentur. Expectati sunt ad 12. dies: quibus cunctationem hanc, certam pacem

pacem parituram esse credebamus. Ecce autem Roembergus cum syndico aduenit: responsum nobis attulit, in quo nō modò ea, quæ pacta & resposō nostro cōcluta fuerant, inuersa sunt: verum etiam multa alia adiecta, quæ non modo dignitatem nostram, verum etiam iura publica perstringere videbantur. Etenim ducenta millia florenorum, quæ nos non placationis, sed debitorum retentorum nomine, ab illis pacti eramus, quæ ipsi etiam tempore constituto soluere promiserant, in tempus postea longissimum & incertum transtulerunt. Contributionem accisæ abiecerunt: regalia nostra, quæ nobis à ciuitate singulis annis pendere solent, in dubium vocarunt. Commissionem abrogare autoritate solummodo nostra, extra conuentum, voluerunt: cum regno nihil se habere commune. Item alia, quæ non commemoramus, scripserunt. Quid saluo conductu durante fecerint, omnibus notum est: internuncijsq; pacis prætextu ablegatis, nihil minùs, quàm pacem in ciuitate tractarunt: hanc propugnaculis, & antemuralibus extructis muniuerunt: militem, qui dimitti debuit, auxerunt: eruptiones multas fecerunt: ex villis, & domibus nobilium prædas egerunt: villas incendunt: euertus vt demonstrauerit, illos nō pacificationis, sed ludificationis causam nobiscū egisse. Tacemus eorū innumera in nos & remp. cōmissa delicta. Iam videmus eorū animos obcæcatos, in perniciem suam ructe. Sed nobis Deus testis est, quod lenis & clementis principis officio hactenus vsi sumus, atq; curauimus, vt illos ad sanā, rationiq; obsequētē inētem reduceremus. Nihil profecerunt hortationes, legationes, persuasiōes, cūctatiōes nostræ. Expectatū diu

est, cum summa nostra, & Reipub. indignitate: nihil est intermissum, quod ad quietem publicā retinendam pertineret. Quid igitur aliud restat faciendum, quàm ne nobis & Reipub. desimus: atque ut sequamur, & suscipiamus ea cōsilia, quę ratio suadet, & iustus dolor exprimit? Hęc rex Stephanus animi erga suos paterni. Porro quod respōsum ad illorū postrema verba, eodem tempore à tribunali regiæ maiestatis profectum sit, operæ precium est his addere: ut cuius notū sit, nihil regē temerē, nihil iniquē, nihil precipitater egisse, quo cū missis in custodiam Lenciciensem Ferbero, & Rosembergio cōsulibus, post decretū contra omnes latum, remissus Lempka est. Prospiciebat animo sacra regia maiestas, dominus noster clementissimus, hac omnia quę agerentur à Gedanensibus impetrandis toties salui conductus prorogationibus, non aliò spectasse, quàm ut retraherēt ad hoc ipsum tempus, quod ad detegenda apertē nefaria sua cōsilia magis idoneum arbitrabantur. Cuius illorum instituti cū antē nō parua indicia hac essent, quod in tractationibus, à leuioribus postularis orti, grauiora, quoties legatos ad sacram regiam maiestatem remitterent, indices adderent: quibus tantum abest, ut pro patrato crimine omnium grauiissimo, regiæ maiestati satisfacerent: ut etiam iam propē gloriādo de crimine hoc admisso, magis, magisque offenderent, quod tamen sacra regia maiestas patienti ac paterno animo ferebat, ac ea, quę ad iura illorum, & libertates augendas spectarent, illis concedebat, quę non rebellibus, verū bene meritis de principe suo subditis deberentur: ut hac sua clementia eos ad officium reuocare posset: nihil

nihil tamen, ut videt, eos hęc benignitas mouit: cū ad superiora postulata iniqua, hac posteriora impia ac nefaria prorsus adiecerint, ita cōcepta, ut iam meditata scelus prorsus detegant, & tam regiæ maiestati, quàm Reipub. communi regni Polonia, contra iusiurandum maiorum suorum, diuo Casimiro regi, eiusque successoribus ac regno datum, valedicant: nec publicis regni cōsilijs ac ipso regno, in cuius titularum ac ius, ut maiores ipsorum iurarunt, concessissent, quidquam commune habere, impudenter, & nefariē scribant. Iam verò sacra maiestas regia non solum iniquitate, & insolentia postulatorum in dies lædebatur: verū etiam alio genere iniuriarum, non modò ciuitate non exonerata (iuxta formulam salui cōductus, mittendorum ad regiam maiestatem oratorum dati) externo milite, verū etiam maioribus conductis copijs, & nobilium ac aliorum subditorum sacre regiæ maiestatis vrbi vicinorum pagis ac ædibus spoliatis, direptis, ac etiam exustis. Quamobrem, cū iam apertē constet, obfirmatas in scelere perduellium Gedanensium mentes, humanitate sacre regiæ maiestatis ac alijs lenioribus rationibus ad officium reduci non posse: alijs grauioribus sacra regia maiestas uti, pœnasq; meritis de illis sumere necesse habet. Itaq; decretū suum, quo illos perduellionis damnauit, iam iamq; publicat, & promulgat: omnem securitatem terra, marique illis adimit: & tanquam impijs in principem & patriam hominibus, aqua, & igni interdicat. Bello sic indicto, & cura illius Ioanni Zborouio, vni ex ordine senatorio, demandata: posteaquam Gedanenses cognouissent, quàm paucos milites rex

Stephanus, Grebino capto, & Sulaua depopulata, in agro ipsorum reliquisset: quasi nōdum satis tot malis, damnisq; quæ illis rebellio attulit, afflicti: accersenda plura esse potius, quàm aliquid regi cōcedendum, qui illis nihil, nisi Batori effret: & si fortuna faueret, opprimendos esse paucos antè quàm plures confluerent, animis obfirmatis statuerunt. Iam verò ab illis, qui ad regem ventitabant, voces illæ audiebantur, posse ipsos, si modò vellent, nulla negotio nostros obruere milites: rati idem esse, velle quid & facere posse. Reigitur huius auspiciato aggrediundæ diu expectabant occasionem. Visum est Palcha per commodum, (septima Aprilis fuit) quū omnes vbiuis Christiani cultui diuino maximè incumbere solent. Consili ergo viribus suis, & Ioannis Coloniensis, ducis sui magno præmio ex Germania euocati, experientiæ: ad hæc omnibus necessarijs ad euerrenda, diruendaq; oppida bene instructi: hoc consilio urbem egrediuntur crepusculo vespertino, ut oppresso milite nostro, & Derfsauia, (Czceum nos vocamus) in quam se tempore hyberno ex agro receperat, expugnata: ad Gnieuum, Nouum, Stragardum, cæteraq; regia oppida procederent vastanda. Verum nondum vrbe omnibus egressis, ea tempestas exorta est, (Deo profanata augustæ diei, & regis contemptus vindice) ijque calitonantis sonitus, & fulminis ictus auditi, ut vnus propugnaculi pars auulsa, in fossam corruerit: equus ductoris, fulgore atque fragore attonitus, succubuerit: ipse forsor à satellitibus, quibus stipatus erat, suffultus: duo equites è ponte fossæ imposito, in aquam profundam delapsi sint, nec sine labore alter extractus, al-

ter aquis obrutus. Reducto itaque in urbem exercitu, idem postera die, alijsque deinceps ab illis tentatum. Sed hæc ipsorum aduersus summum Prussiae magistratum suscepta consilia, semper pluvia impediabantur. Ea tamen caritas hominum fuit, ut ad eò aperta futura stragis omina, non Deo, à corporis eos, quæ oderit dehortanti, sed sagarum veneficijs tribuerint: duasque eam ob causam in carcerem compegerint: suspicati, à nostris conductas procellam incantamenti excitasse. Armant interim duas naues vectorias, totidemque minores, duplici via regios milites inuasuri. Tandem 16. die mensis eiusdem, sole ad occasum vergente, aduerso flumine Vistula sed ventis iuuantibus, Czceum primum oppugnatum contendunt: parte ab altera, tam equestres, quàm pedestres cohortes emittunt: de quorum lento progressu Zborouius, insignis virtutis imperator, à velitibus Strussij, qui tum in excubijserant, certior factus, & quos sæpe ad pugnam prouocasset, mœniaq; illorum penè attigisset, nunc primum prodire miratus: procedit illis cum suis obuiam: locum pugnae commodum ad pagum Rokitki prope aquas deligit, & donec propius accederet, locaque aquosa præterirent, ordinatis aciebus expectat. Substitere Dantiscani ad villam Langna W, quæ paulò plus vno milliari distat Derfsauia, præmissa ad excubias ea exercitus sui manu, quæ maior fuit omnibus Zborouij copijs. Hic Zborouius memor circumspècta celeritate nihil in bello melius esse inuadendi securos, latosq; consilium capit. Sed timens oppido, ne interea ab hoste nauibus egresso occuparetur, nève bono mutato loco, incōmodio-

re agenda res foret: prudenter illud mutat: nec tamē in oppidum redit, veritus civium prodicionem: nam cum Gedanensibus facere videbantur. Dispositis igitur quaquaversum, vigilibus, & missō cum 60. Tartaris, qui navibus imminerent, forti viro Andrea Carcho Wscio: noctem in equis cum suis transigit. Oriente sole, septima decima Aprilis die, hostis appropinquare visus, nostris nonnihil multitudine illius perculsis. Conspexit & Colonienſis nostros, non absque stupore: quōd pauci, quos ad sui cōspectum fugituros putabat, tātis cum copijs venientem expectarēt. Illis ergo ultra fluuiolum, & lacum editiore loco constitutis, nostris ex aduerso stantibus, neve ab illa vi hominum magna circumdarentur cauentibus: incipit velitatio, duabus ferme horis ab ortu Solis, grauis nostris Cosakis (quos ferentarios, licet, seu velites vocemus) Germanus eques fuit, vndique armis tectus. Quibus confestim misit imperator in auxilium 20. Vngaros generosissimos, & Stanislaum Iordanum manu promptum iuuenem, cum 50. equitibus. Descēdebat in arenam ipse quoque Colonienſis, veluti quidam suorum moderator. Ciebatur ergo prēlium magna animorum alacritate, sed Germani ita cursitare, vt impetus hastatorum vitarent, idque vnum facerent, quō nostros illo pertraherent, vbi tormēta anea collocata erant. Quod vbi animaduertit Zborouius, datis de vitando periculo praeceptis, miscuit hastatis equites ē peditatu sumptos, cum tormentis longioribus. Defatigatis pugna, & cursu vtrisque, succēdere integri. E nostris Zolkienius cum turma Ioānis Zamoiski, regni Poloniae Vicecancellarij, nō minus, quā priores alacer pro-

cer prodit. Vulnerati aliquot Germani: vnus equo detrusus, equus alterius transfixus corruit: iam etiam duo à ferēarijs anteuinentes currentibus occisi fuerant, nostris saluis. Felix praelij principium incendit spectatores ad audenda facinora maiora: equis nostrum, ad clangorem tubarum, tympanorumque sonum, ad eō gestientibus, vt ab sessōribus agrē tenerentur. Quum tali pugnae praeludio detinerentur nostri, Colonienſis missō illo pergendi ulterius ad oppidum obsidendum consilio, postquam vidit Zborouium pugnandi copiam haud impigrē facturum: suis vt consuleret, sepimentum ē fissis trabibus, quas secum, vt alia omnia, vehabat, facit: nihilominus tamen ferme ducentos, ad nostros in acie destinendos mittit, astutē omnia: vt cuius rei bellica scientia, celebris in Germania sit ob defensam Magdeburgū. Igitur collocata intra illud munimentum suorum bona parte, ipse interim cum tormentis, & lectissimis quibusque viris, ab altero montium latere, nostros à tergo aggressurus, ad lacum Libisfeuiensem suis fatalem, iter intendit: ratus vndique comprehensos, nisi fugerent, sua in potestate facile futuros: vbi iussus properare centurio Rausavius, respōdisse fertur, lentē festinādum esse: videri enim sibi Polonos ad certamē magis, quā ad fugam esse paratiores. Erat autem ibi in excubijs Temrucus, expertae virtutis miles, cum 50. velitibus. Qui hostilem vim imparem esse suis viribus sentiens, maturē sibi subueniri petijt: laborantibus missum euestigio subsidium. Zborouius, altu hostis deprehenso, quid facto opus foret (fugere enim ignominiosum esse ducebat) protinus inquit cum suis consilium. Virgēte

vndiq; periculo, non longa consultationi mora data, placet illuc omnem equitum, peditumq; globum conuerrere, vbi ipsum caput hostium foret. Quum verò nostri vidissent, mutatum esse ab hostibus aptum ad pugnam locum, (nam & alij, qui munitione continebantur, iisdem tramitibus ducem sequebantur) adducti sunt in spē victorię. Proinde extemplo disijciunt ponticulum fluuiolo impositum, ne ab velitationi deditis, & intra sepimenta latentibus, à tergo inuaderentur. Itaq; quum in illa potissimum parte, quòd properè tendebat Colonienſis, omnis belli vis sita esse videretur: nec periculum ab nauibus brachiorū vento aduerso tardè tractis, oppido incūberet: Zborouius suis præcipit, vt velitationi finē imponerēt: præterea ciuium magistrum dubię fidei confirmat, vt, si quæ vis hostilis ingrueret, saltem aliquot horas bona fide obsidionem sustineret: cuius rei causa quinquaginta pedites Polonos cum tormentis manuarijs ei reliquisset, ipse breui, hoste, Deo adiuuante, superato, cum pluribus affuturus. Tum admonitus ab Haidonum ductoribus, quorum tres in acie cecidēre, vt prælium antè iniret, quàm hostis suos ordines planè explicaret, tormenta iam disposita, terra congesta muniret: ficta oratione addit suis animos, spe iam iam Vistulam trajiciētis mille equitum, peditumq; auxiliij: orat præterea omnes, vt alij alijs offensas condonent, pœnitentia placato Deo, suppliciter opem illius implorent, morti gloriam anteferant, hostes non numerent sed inuadant: ne eorum conspectu terreantur, qui breui tempore futuri sint in ipsorum potestate: quòd superbi, male dīci, rebelles, cōtumacesq; sint: paucis antè mensibus

Oratio Zborouij ad milites.

bus ad Grebinum, Glowam, & alibi ab illis proſtigati: olim verò ab ipsorū auis atq; proavis ad quinquaginta millia caſi, capti, fugati: omnino absq; dōbarbis & munitionibus imbelles ac timidi: quod illico ipsimet experturi sint, modò pristinę virtutis, nominisq; sui, à cāpestri prælio accepti, memores pugnet viriliter pro Christiano magistratu: Deo freti, ultore rebellionis, quem ducem habeant propitium, quiq; paruis copijs, tam iusto quàm hoc sit bello, ingentes superare soleat. His alijsq; istiusmodi dictis, mirum in modum recreati sunt omnes, & ad impar prælium accensi. Dehinc Haidones, velut in rabiem versi, (erat à meridie hora ferme prima) ab dextro latere, equites à sinistro, in hostem, vbi tormenta fuere, irruunt: suos contra ipsum sclopos quinquageni exonerant: hastati sarissas, ferētarij venabula in oppositos vibrant: alij arcus manu certa tendunt. Centuria verò Strußij, sublato clamore terrorem Germanis à tergo incutit. Nascitur pro formidine gaudium, multis ex aduersa parte cadentibus. At ab hoste emissæ è tormentis iacula, per paucis nocuerunt, hastas nō paucas cōstegerunt: quippe quòd equites in cōmodo loco cederent, pedites autem, conspecto ardente puluere tormentario, supini caderent, pro mortuis ab hostib. habiti: rursusq; sclopis instructis, resurgerent. Damnoſa hæc Germanis fuit carnis resurrectio. Quibus aliquātisper resistentibus, monet Haidones moribundus ductor ipsorū, vt si vincere vellent, abiectis sclopis victoriā retardantibus, acinacibus, recti capita securibus, rem cominus agerēt. Obsequuti monitori, manus cū hoste acriter cōse-rūt, & adiuuātibus equitib. ordines cōturbāt ferro-

rum hominum poplites succidunt. Ceteri hastis & gladijs nunc pectora transuerberant, nunc capita petunt. Par gentis utriusque virtus & gloria: par hostium diuersarum gentium debilitas & formido. Aduolat & turma aliquot equitum, quæ ad succurrendum lassis, à prouido imperatore in proximo collocata erant, nequaquam alijs segniores. Paulò plus vna hora incerto euentu dimicatum. Vrgentibus nostris ferro, equis, clamore, cadunt primores Germani, denique & alij, viri proceri ac lacertosi, tormentis, in quibus illis omnis spes victoriæ fuit, & priuati, & frustrati. Dein magis ac magis instantibus nostris, tergiverunt reliqui, tanta festinatione, ac ita confestim, ut alius alium ponte derruderet. Magna pars festinè arma exuentes (miseram spem salutis) ad proximum lacum tranandum conuersi. Nimirum ea vis metus est, ut homo à quouis potius alio, quàm ab homine irato absumi malit. Quare magnus numerus in lacu demersorum visus. Pars suo cum glorioso duce, in lacum etiam impulsio, vertit se in fugam: nostris eos ad tertium à prælio miliare (Prusiecz ruri nomen) summa contentione persequentibus, & magnas illorum strages edentibus. Non pauci montes, alij sylvas Cassubicas & Pomeranicas, effuso cursu petierunt. Tunc illud euenisse visum, quod Moses malis prædixit: Efficiet (inquit) Iehoua ut corruas ante hostes tuos, & in quos vna via exieris, eosdem septem vijs fugias: quibus in rerum omnium penuria seruietis: illi verò imponent ceruicibus vestris iugum ferreum, usque ad vestrum exitium. Intacti illi, equis currus trahentibus conscensis, profugerunt, qui extremum agmen claudebant. Permulti è montibus & syl-

& syluis à regio milite extracti, ad imperatorem trepidi adducebantur. Post victoriam aiunt Haidones Zborouio, ab inclementia illos auocanti, hisce verbis respondisse: Si nos hosti parceremus, ille victor eodem modo quo nos nunc (quæ dicentes, hos è captiuis detruncabant, illos mutilabant) in te sauiisset. Fugientes persequentium tantus erat ardor, ut ad signum inclinata die receptui datum, non nisi ducenti equites, bene cruentati, ad ducem oppido opematuri redierint: alij post, cum præda sequuti. Vbi Haidonum ductores orauit Zborouius, ut suos ad alterum hostem adoriendum conuocarent. Qui licet non minùs quàm equites cadendo defessi, notisque præteritæ vigilia atque diei inedia fracti forent, tamen simul omnes præeunte Zborouio, illos qui è nauibus iam ad alteram ripam stantes, & nuncios de victoria suorum opperientes, globos machinarum muralium aduersus oppidum incassum eiaculabantur, inuadere, aggrediq; cupiebant. At hi casu suorum, ex aduëtu nostrorum, & globis tormentarijs contra se eiaculatis, cognito: domo, vbi tractus est, incensa, & omni quæ in ea fuit cereuisia epota, supellectile direpta, fugere incipiunt: paululumque prouecti, (nam ventus aduersabatur) se post insulam abdunt. Interim Mariæburgo, ad preces Zborouij, nostris subsidio venit Stanislaus, filius Ioannis Kostka, præfecti Mariæburgensis, cum suorum globis, & quatuor tormentis telorum: cui persequendi hostem ab illa eadem ripa, datum negotium: quod bene cæptum, non minori fortuna peregisset, ni & nox obscura, & ventus secundus, fugientibus opem tulisset. Quàm autem salui hi quoque domum reuer-

terint, parum liquet: illud certū, multoties à nostris fuisse globis tormētarijs petitos. Qui cladi superfuerūt, capti mille, præter illos quos vicina nobilitas fugientes cōprehendit: aliquot ita opulenti, vt vitam multis nūmiem aureūm millibus redimere cupiant. Vidisses decē, plus minus, Germanos ab vno vinciri, vel Polono, vel Hungaro: vixit & quādā mulier duos: (tantus paor pectora illorum occupat) ac quodā nōstris vincula querēte, protulit sua spōre ē sinu captiuus: En (inquit) habes: colliga manus, vitæ parce. Occubūere in acie 44 27. viri: id ex illis qui iussu imperatoris occisos humabant, cognitum. In fuga castrorum, & aquis obrutorum, quum hæc scriberem, nondū erat collectus omnis numerus: non paruus, opinor, si modò victus verū fateri veller. Tēdebat iam tor cadauera, quorū lacus atq; viæ plenæ erant, terra obruere: à feris & alitibus multa depasta. Inuēri à vespillonib. seu duo seu tres, qui ad tertiam vsq; à pugna diem, denudati vti omnes alij, morte simulata, inter occisos latuerūt: rogati verò cur nō interea temporis fuga vitæ consulissent, responderunt, metu Haiducorū inclementium, qui sibi instare visi semper essent, assurgere ausos nō fuisse. Signa pedestria quinq; adempta, vnum equestre: idq; erat maximū, & AVREA LIBERTAS, aureis literis scriptum habebat. Scilicet rex eam illis eripere voluit: qui se omnium iura, publica & priuata, & quam quis profiteretur religionem, incorruptè seruaturum, semel ad aram sanctè promisit, idq; adhuc præstitit. Tormenta anea magna septem: parua triginta, tribus vecta curribus, ablata: currus 150. relictī: armaturæ ter mille quingentæ, è spoliatis ad ducem com-

portatæ, & tormenta manuaria pēmulta: quibus iacturæ militum compensatæ sunt. Largitus est alia quoq; dona Zborouius cuiq; fortissimo: adeò munificē, vt ipse nihil planè è præda sibi reliquerit, contentus sua gloria, quæ illi ex re bene gesta nata est: tamen si hanc etiam ab sese amouens, soli Deo, à quo profectam manifestè videbat victoriam, & felicitati regis sui, triplici iam triumpho insigni, libenter tribuat. Quis enim, nisi impius, hoc solius Dei beneficio factum esse nō fateretur, vt bis mille viri, 12000. siue 14000. hostium, profligarint, maioriq; ex parte ceciderint: Falsus est hoc & agnouit pius rex cum illo loci veniens vbi pugna peracta est, hæc proferret: *Non nobis, Domine, non nobis, sed nomini tuo da gloriam.* Regij verò milites (quod mirere) solum duo desexaginta occisi, centum triginta vulnerati: hos inter nonnulli, dum tormentis potirentur, sædè ambusti, quod magister tormētorum, viso extremo discrimine, dolio pulueris nitrati ignem iniecerit: quo ipse vnà interiit. Horū nomina, ni pigeret possem referre: sed breuitatis habenda est ratio. Equi 38. cæsi, q. saucij ac lesi. Reperta apud plerosque omnes Germanos, varij generis vincula, nostris ligadis parata, quæ ipsorummet brachia senserūt. Ita illud verè dictū à Solomone: Parari equum ad pugne diem, sed Dei esse victoriam. Illud immanius, cōfectas ab illis fuisse glandes venenatas, quæ sursum è tormentis breuioribus (quæ duo fuere) eiecte, mortem illis adferrent, quoscunq; earum scintillæ attingerent. Fastū porro illorum, & ante victoriam triumphū, illud arguebat, quū sui generis vicinos præmonerēt, maturè migrarent aliò cū preciosa, quaq; supellectile,

*Vixit
Nam
Propria laus
sordet.*

¶ 115.

nequid hostile à milite experirentur: quorum dictis quidam oppidani territi, sua Grudzaſium, alij aliò auehebant. Quinetiam in ipſo procinctu, alter præbibens alteri, hic tres, quinque ille, alius decem Polonos vinctos, vir vxori, miles amicæ, adducturum ſe promittebat, & pro vno capone pingui tres ſe captiuos daturum ſpondebat. Præter hæc, vrbe exituri, ſpectatores alloquebantur, eos ipſi quoque comitarentur ad pugnam breuem quidem, ſed longa, opimaque prædæ: (perrecturos ſe vltra Derſauiam opinati) vel ſaltem extra urbem opperirentur reduces cum ſpolijs Polonicis atque Vngaricis. (ita paucitas noſtrorum deſpecta ab illis fuit) Stabat ergo populus in montibus belli euentum expectans. Primum, eumque certum, irati numinis ciuitati nuntium carnifex attuliſſe dicitur. Non credita res diu, mutilis curſum carnificem ſequentibus, fidem meruit: & poſſe abs rege vinci ſuperbos ſubiectos, vt antè Lanſcorona, Grebinum: ita Derſauiam declarauit. Conſtans fama eſt, paulo minùs ſexcentis mulieribus Dantiſcanis hoc prælium viduitatem, nò paucioribus reor orbitatem attuliſſe. Cumque Coloniensis in urbem anhelus refugiſſet, hiſce illas cum eo verbis expoſtulaſſe: Redde nobis, ſceleſte, viros: redde filios, redde cognatos, quos tu non eduxiſti, ſed ſeduxiſti: victuros, ſi intra portas ſe còtinuiſſent. Is Zborouio denuntiaſſe fertur, ſe de integro fortunam belli experturum, ſumptis ſecum vrbis clauibus, ſi ſuperetur, victori tradendis. Quod an credam, ambigo, quum tanta ſit ciuium conſternatio, tantus mulierum & natis orborum parentum dolor atque plangor. Addere animos poſſunt Danica, ciuita-


ciuitatumque maritimarum auxilia. Et Gedanenſes quidem ita attriti ſunt, die, menſeq; eodem, ſed anni alterius, quo Stephanus Batorius, primùm ex Hungaria Cracouiam (quæ regum ſedes eſt) ingreſſus, regnum inijt. Afflicti autem, non ob ſolam diu meditatam rebellionem, (non enim temerè urbem ſuam magno ſumptu & ſtudio, muris, propugnaculisque aliquot annos firmabant) ſed etiam propter tetra de bono rege, regnoque ipſius, à quo Gedanum alitur, ſcriptis prodita mendacia, & in ipſa vrbe iactata in regem conuitia: quum regi, qualis qualis eſt, neſas ſit maledicere: crimen, de altero falſum dicere. Aded infelix prælium, tantum terrorem permultis incuſſit, vt clam cum ijs que facilè auferri poſſunt, emigræt ex vrbe, (metum illis aduentu in Pruſſiam fortunati, animoſi; regis, quotidie augente) nec vlturi ignominiam, ad tympani, aucto ſtipendio, trium dierum pulſum, dare nomen militiæ alia lege quiſquam voluerit, quàm ne pugnatum foras educatur. Ij miſſum ad ſe à Zborouio cum literis tubicinem, quibus eos addeponendam rebellionem, cuius pœnas luiffent, inuitabat, interemerunt. Quibus Zborouius iratus per obſcurum quendam libertate donatum captiuum, denuntiari iuſſit, ſe 50. ex illuſtrioribus captiuis, in ipſorum còſpectu palis infixurum, ni ſibi paritidas traderent. Ad hæc illi, ab irato ſuis peccatis Deo ſe punitos eſſe còfeſſi, tradituros ſe homicidas reſcripſerunt, & ad colloquium cum imperatore & Ioanne Koſtka, Voiuoda Sendomiriensi, ſe admitti petierunt.

Habuit Zborouius, Gneſnenſis Caſtellanus, non plures milites 2027. Prima equeſtris centuria, ipſuſ-

mererat: altera, Andree Fierlei, Castellani Lublinensis: tertia, Ossolinij Krzessouienſis Præfecti: quarta, Kaſanoui: quinta, Nicolai Goſtõski: ſexta, Adami Balini: ſeptima, Zebrzydoui: octaua, Leſniouolſcij: nona, Gnieuolſij. Stanislai Iordani 50. ſolũ egres fue-
re. Ex voluntarijs, Ioannes Zamoyſcius, Procellarius, 37. Hieronymus Goſtõſkius, 10. Stanislauſ Przienskius, 16. ex aulicis autẽ regijs Ioannes Ten-
cinus comes, Caſtellanus Voynicenſis, 50. equites habuit. (ſunt Caſtellani ſecundũ rege ordinis ſenatores: Voiuoda, quos Palatinos vocamus, primi) Zloſtoui 7. Iacobus Pilchoui totidem, Malicius, 5. Bielaſkius, 4. Procopius Pieniazek, eques Mal-
tenſis, 6. Hungari 40. quorũ cognomina ignota mihi ſunt: nota virtus & fortitudo. Hi omnes, nu. 1134. haſtas prælongas, ſcuta, breues ſclopos, & gladios du-
plices gerebant. Huſſarorum nomen habent. Veli-
tes 215. fuerũt: quibus, præter acinaces, venabula, arcus, lorica, arma ſunt: 100. Struſſij, Præfecti Bratilla-
uiẽſis: 50. Tenruki: 30. Scythæ regij: totidem Andree
Comitis Gorkani, Caſtellani Miedzyrzecenſis: 5. Andree Karchoſkij. Hos appellat Kolakos: equi-
tes celerrimi. Regios Stanislauſ Gizitzki etiam tum
(opinor) ducebat, miles celeberrimus. Pedites verò
regij, generis Hungarici & Slauonici, ſtupendæ au-
dacie atq; agilitatis, 600. Haiduci patrio ſermone vo-
cati imperatoris, 30. Fierlei, 100. de quibus 50. oppidi
defenſio iniuncta erat. Tormẽta cãpeſtria duo tan-
tum: his multò minora, Haken Germanis dicta, 27.
Contrà, Gedanenſium cohortes pedẽſtres ſex fue-
runt. Quar erat imperatoris, viri cætera egregij, ni o-
peram ſuam rebellibus nauaſſet, 600. viros cõple-
tebatur:

tebatur: centurionis Kleuneri, 500. Lemka, 600.
Eſterreicher, 600. Raula Wi, 500. Veſteini, 300. E-
quites mercenarij, 400. ciuiles totidem. At ciuium
numerus, omnibus quaſi ad certam victoriam cupi-
de ruentibus, cõfeſſione captiuorũ, vel 8. vel 10000.
ſuperabat. Vt enim diues opum, ita populofa eſt ci-
uitas Gedanenſis: cuius portu nullus alius in Ocea-
no Germanico nobilior: aqua profunda, muris &
aggere præalto, ita munita, vt inexpugnabilis eſſe
videatur. Si igitur 8. tantum millia oppidanorum, ad
excutiendum iugum regium egreſſorum poſueri-
mus, numerus omnium militũ 12000. minus 100.
efficit: ſi duobus plus, (nam captiui variant) 14. ſunt
millia. 12. igitur viri vnum militem regium fugie-
bant. Hæ fuerunt Gedanenſium copie, lanè magnæ:
quibus freti, Magiſtratu, toti Pruſſiæ diuinitus da-
to, reſiſtere voluerunt; nolle ſe vnctum Dei oſcula-
ri, quem ille præ cæteris ſeptem competitoribus de-
legit, oſtenderunt. Regem prudentem, pium, clem-
entem, quem alij omnes reuerentur & amant: ſo-
li inſelicitè oppugnauerunt: & (quod illi moleſtiſ-
ſimum eſt) à ferendo Ruſſis contra Tartaros auxi-
lio, qui eodem tempore in Ruſſiam irruerant,
auocauerunt: cuius cauſſa, vt æquior
eſt, ita fortuna ſuperior
futura.

212 RERVM POLON.
SVPPLEMENTVM DE REBVS
GESTIS INTER REGEM POLONIÆ,
Stephanum, & magnum Ducem Moschouia:
anno Domini 1579. in Augusto.

 Onstat ex lectione historiarum, inter Polonos & Moschos, diuturna bella extinxisse. Dum vel maxime Moschus Lituaniæ aliquot præcipatus & prouincias sibi usurpare voluit. Poloni verò ubi Jagellonem magnum ducem Lituaniæ, qui Wenceslaus dictus, in regē assumpserunt, regnum cum Lituano principatu coniunctum, & armis Polonorum defensum. Hoc videre est locupletissimè apud Cromerum historiographum Polonum. Et licet multis præclaris victorijs Sigismundus primus, Poloniæ rex de hoste Moscho potitus est: tamē sub Augusto Sigismundi filio cepit dux Moschorū, valde esse infestus Polonis, & toti Lituaniæ. Atq; prætere dēre cepit sibi nescio quous in Liuoniā, quæ ante aliquot annos dedit se in fidē & clientelam regis regniq; Poloniæ. Quare occupato rege Polono: & etiā oscitate, impetū fecit in Liuoniā, eam est depopulatus: arces & oppida multa occupauit. Et deinde in Februario ante annos viginti, arcē Polosko in Lituania, minus diligenter munitā obsedit, & per deditiōē capit. Paulo post alias arces & ditionē Polokensem, quæ satis ampla est, in Lituania accepit. Sic res illi succedere Moscho

TOMVS I.

213

feliciter: quamuis Poloni collectis copijs sæpius unā cū Lituaniis, voluerint recuperare amissa: sed hæc nō potuere suā sortiri effectū, ob varios Reip. Poloniæ casus aduersos. Nimirum ppter interregna, cū Sigismundus Augustus obiit, & Henricus Valesius electus: Deinde cū Henricus Valesius inde discederet, & Poloni de noua electione solliciti, Stephanū Battori principē Trāsyluaniæ elegerūt. Quocirca postquam in locū Henrici Valesij, Stephanus Battori est successus, dedit operam, ut ea quæ ad dignitatē regni pertinerent, persequeretur. Et cū iam induciæ cū Moscho propter Lituaniæ principatum æstate superiori finiedæ essent: haberetq; rex Polonus apud se legatos principis Moschorū: qui satis superbe pro more gentis legationē suam obire voluerāt: existimauit ē re totius regni esse, si armis aperiret nomē famamq; Polonicam, & repeteret possessiones à Moscho iniuste acceptas. Indicitur itaq; bellum aduersus Moschū: conscribitur undiq; à rege Polono miles, siue Polonus, siue Germanus, siue Hungarus fuerit. Vnde factū est, ut à vere vsq; ad ipsam æstatē rex tantū laboris impederit: qd expeditione publica facta, exercitū mouerit in ipso Augusti mēsis principio aduersus Moschū: Quod quā illi fortunatum fuerit, ex edicto regisq; iussit fieri, prefeliciter gesta aduersus Moschū videre est: illud edictū, ut est Craconie typis expressū, hic subiiciemus.

EDICTVM REGIVM DE
SVPPPLICATIONIBVS OB
*rem bene aduersus Moschum
gestam.*

STEPHANVS Dei gratia rex Poloniae, magnus
Dux Lituaniae, Russiae, Prussiae, Massouiae, Samo-
gitiae, Liouoniae, Kijouiae, Volhyniae, Podlachiaeque,
&c. princeps Transyluaniae.

Vniuersis & singulis, reuerendissimis, reueren-
dis, magnificis, generosis regni nostri consiliarijs, di-
gnitarijs, officialibus, nobilibus, atque alijs ordi-
nibus omnibus sincere & fideles nobis dilecti. Quod
superioribus proximis omnium reipubl. ordinum
comitijs decretum fuit, vt bellum hoc anno contra
magnum Moschorum Ducem administraremus, cu-
rae nobis pro regio nostro munere, nostroque in
rempubl. studio esse suimus: & contractis exerciti-
bus nostris, comparatoque aliquo partim contribu-
tionum pecunijs, partim (quod contributionum pe-
cunie minimè satisfacerent) alijs rationibus belli ap-
paratu, extrema Iunij die Vilna ad copias nostras re-
censendas lustrandasque Suirum discessimus. Quo
quidem in loco, multa nos diligensque deliberatio
tenuit, quorsum nos potissimum cum exercitibus
nostris in hostem conferremus, quidque rectissime
& quam maxima cum utilitate reipubl. nobis ante
omnia, bello aggrediendum esset. Rebus verò o-
mnibus in accuratam considerationem vocatis, ex
iudicio & senatorum nostrorum & aliorum milita-
rium virorum, qui nobis aderant, eam tandem in
senten-

sententiam descendimus, vt primam nostrorum ar-
morum vim ad Polociam oppugnandam conferri
oportere concluderemus: quod quidem ea arx cer-
uicibus magni Ducatus nostri Lituaniae, atque adeo
ipsi ciuitati nostrae Vilnenli, nulla alia firmiore mu-
nitione interiecta immineret, ex qua nobis in alijs
remotioribus regni locis occupatis, oblata occasio-
ne summam non modò Lituaniae diripiendae, sed
Vilnae etiam adoriendae facultatem hostis habitus-
rus videretur. Faciendum praeterea necessario nobis
visum est, vt cum bellum hoc non modò rerum
communis reipubl. recuperandum causa, sed ho-
stem quam longissimè remouendi, grauiusque co-
ercendi gratia susceptum habeamus, expeditioni-
bus nostris in his potissimum regionibus maxi-
mae parti parte, aut frigoribus grauissimis, aut imbri-
bus assidujs militie infestis, tum quoque ob vastitatem
difficillimis: propinquiorem aliquam sedem & quasi
officinam, quam ipsa Vilna esset compararemus, ex
qua quidem officina, quam maximè integrè recen-
temque penitus in solum hostile ducere militem, &
belli instrumenta impedimentaque minore cum ne-
gocio ad res cum celeritate felicitateque gerendas trans-
ferre possemus. Quarta enim cum difficultate ac detri-
mento Vilnae illud facturi essemus, breui hoc itinere,
quò cum exercitu nostro progressi sumus, magna nostra
cum molestia cognouimus. Accessit & illud, quod hac
arce qua firmiore maioremque hostis nullam habet, ex-
pugnata de alijs retinendis hostem eò magis diffidere,
& occupandis militibus nostris sperare doceremus. Tan-
tum verò abfuit, vt nos eò deterreri oportere iudica-
remus, quod locus ille ab omni opere bellico appa-
re-

tu firmissimus esse, perhiberetur: ut hoc potius de principio nobis recentibus militum nostrorum viribus animisque, quam ijs militiae diuturnitate afflictis tentandum existimauerimus. Cum igitur nihil factu potius vtiliusque indicatum esset, nos factis ab inuocatione opis diuinæ auspicijs, Suiro primum illustrem Nicolaum Radziuil Palatinū Vilnensem, cum aliquibus equitum peditumque Lituanorum copijs, & certo Vngarorum numero, cum generoso Gasparo Bekkiefz Polociam præmisimus itinerum claudendorū causa, ne quid à magno Moschorum duce præsidij accederet, quo & si maioribus in magna etiam viæ difficultate itineribus peruenisset, tamen cum iam antè nostras ad hostem literas misissemus, quibus bellum ei diligenti cum explicatione causarum denunciauimus, biduo antequam nostræ illæ copiae ad Polociam accessissent, equitum & peditum aliquid ab hoste in arcem immissum est: adhibita verò à Palatino Vilnensi, posteaquam propinquo ad arcem loco confedisset, ea diligentia est, ut post nullius subsidij hostilis accessio facta sit. Nos cum exercitu nostro & tormentis impedimentisque bellicis, in summa viarū iniquitate quā pluuiarū assidua magnitudo, & horū agrorū natura effecit, minoribus itineribus subsequuti fuimus, interea à copijs nostris quæ præcellerant, arces tres, Kosiana, Krasne, & Sithno per excursionē celeriter occupatæ, & incēdio deletæ sunt. Vndecima Augusti die proximè Polociam cum copijs omnibus nostris mouimus, & propinquo ad mœnia loco castra metati sumus, arcem ciuitatemque tribus locis obsidione cinximus, eademque die locis omnibus munitiones, fossasque propius hostem

hostem agere iussimus. Postridie ciuitatem nō mediocriter fossis & aggere, & propugnaculis & parietibus densissimis, tum quoque præsidio firmā ea maxime de causa, quod illo loco nos à propinquiore ad arcem accessu prohiberet, incēdimus, ac totam paucis horis deleuimus. Tum longius munitionibus nostris ad ipsas arcis portas promotis, omni conatu in arcem expugnandam incubuimus. Ostenderat vi sua præpotens Deus, in manu sua rerum gerendarum potestatem esse, & assiduas pluuias pluribus diebus ita immiserat, ut & operæ militum maiorem in modum impedirentur, & oppugnandi ratio etiam atque etiam retardaretur. constitit tamen militi nostro maximis etiam in incommodis singularis animorum ad omnia obeunda tolerandaque ardor, sic ut in summa pluuiarum iniquitate, altissimoque luto nihil prætermitterent, quæ ad oppugnandum pertinere possent, hostibus contra omnes nostros conatus acerrimis animis, & incredibili tormentorum vi, ita dies noctesque propugnantibus tanta peruitacia, & flammæ à nostris illatas extinguentibus, & vim omnem depellentibus, ut se tormentorum telorumque nostrorum iniurijs certatim offerrent, & succumbentibus alijs alij cōfertim succederent, ostenderentque Moschos arcium defendendarum vi atque ardore cæteris omnibus gentibus antecellere. Respexit verò tandem nos sua benignitate clementissimi Deus, concessitque, ut quæ prima nobis paulò serenior dies vicesima nona Augusti illuxit, ea incendium à milite nostro arci illatum sit, summa cum contentione atque discrimine, cum se miles noster in fossas dimittere, & Polottam flumen su-

perare, deniq; arduum clium cui impositum propugnaculū erat subire, & manibus materiā ignemq; inter infestissima creberrimaq; hostium tela inferre necesse haberent, quod incendiū cum vehemētius exarsisset, & munitionis anterioris, in quo sclopetariorum domicilium fuit, aditum aliquem patefecisset, teneri militū nostrorum ardor non potuit, quin per ipsam flammā irrumperet, atq; hostem feriret, a quo tamen cōcepto cum propugnatione hostilitum maxime flammæ vi reiectus est, paruo cum nostrorum neque amplius viginti septem pluribustamen vulneratis, hostium tamen ad ducentorum interitu. Dederat aliquam hostis eadem die deditionis significationem, quam nō seriatim fuisse animaduertsum fuit, cum nouis se munitionibus flammæ altitudine nostris conspectum eripiente circumdare deinceps cognitum esset. Nulla igitur cum intermissione oppugnationis vim omnem adhibendam, nullumq; hosti quiescendi, aut se firmitus muniendi spaciū concedendum iudicauimus, posteroq; die ignem in alias munitionis partes miles in quo equites etiam erant, qui missō equo in pedes descenderant, intulit, quo cum iterum aliqua muri pars deleta esset, & cliū in quo propugnaculū antea igne absumptum erat tenuisset, ac inde ad latus hostilium fossarum ac munitionū illa parte deleta tumultuario opere factarum fossas ac munitiones ducendo praesidiarios circuire ferē cōcepisset, atq; sic in potestate hostis esset, nos & sanguini Christiano parcendū & operam dandā rati, vt arce quā maxime integra cū tormētorum aliorumq; belli instrumentorū apparatu potiremur, quæ hostis ipse ad extremum

muniniecto igne delere posset, facta omnibus vite gratia permisimus, vt qui nobis militare vellent (quorum qui velint magnus sanē est numerus) fortunas omnes suas incolumes conseruarent, atq; stipendia nostra mererent, quibus redeundi in Moschoniā animus esset id nobis permittentibus atq; omnem securitatem praestantibus facerent. Palatini, Baillius Iuanouicz, Mikolinski Telakowski, Demetrius Michalouicz Szczerbati Obolinski, Mathaeus Iuanouicz Rzo Wski, Iwan Hrehorouicz Sufin, Petrus Iuanouicz Volinski, Lukian Tretiakow Rakou filius scriba, qui partim praefuere, partim in arce fuere cum se sponte dedere, ac gratiæ nostræ permittere nollēt, captos in custodijs habemus, & arcē ipsam praesidio nostro immisso iā obtinemus. In qua quidē arce, q̄ eam defendissent, & arma tulissent ultra sex millia fuisse cōpertū est. Nostri cū ingressi essent, passim magnā cadauerū insepultorū numerū reppererūt, tum tormentorū ac pulueris tormētarij globorumq; tantā vim deprehenderūt, quāta in arce aliqua Christiani orbis his rebus instructissima posset reperiri. Quos quidem rei gesta successus vt in primis ad Deum praepotentem referimus, ita illi summa animi pietate agimus gratias, ac sync: & fid: vestras hortamur, vt eadē pro bene gesta re publica agant simul etiam cōprecentur, vt quæ gerenda supersunt, quæq; in hostē hunc deinceps etiā suscipiemus itidē clementissimē fortunare dignetur. Quod illū pro sua benignitate, & causæ quæ hęc nobis arma induit bonitate facturum confidimus. Nos quidem ad res pro communi republ. gerendas, omne animi studium curam, laborem, operam, sanguinem,

adeoq; vitam nostram cupidè semper promptèque afferemus. Datum ex arce nostra Polocenfi die vltima mēfis Augusti. Anno Domini M. D. LXXIX. regni vero nostri anno IIII.

Stephanus rex sst.

Ex hoc edicto videre est, quàm fausta & fortunater fuerit hæc prima regis Poloni expeditio, quæ hanc inclementissimè anni tempore suscepta fuerat: Nam intemperies tanta aëris & pluuię continuę videbantur prænunciare infelicem & irritam fore illam expeditionem: At regis strenua virtus, hæc coram impedimenta superauit, præterque spem & opinionem hostis castra metatus est ante arcem Polosko: qua, vt suprà dictum, capta non substitit, donec totam illam prouinciam recuperaret. Magna vis, iumentorum & equorum ob pabuli defectum, & corruptam annonam propterea pluuias perijt: nihilominus rex non conquieuit, donec quod volebat, perficeret. Nam hac arce Polosko sic feliciter capta, progreditur vltèrius, & diuiso exercitu, Polonorum, Hungarorum, Lituatorum, alias arces obsidet, capitque partim vi, partim deditione. Lituani miro stratagemate arcem Turo Wla ceperunt, dum scilicet vnā partem arcis versus planitiem sitam defendit hostis: milites aliquot Lituani collem noctu conscendunt, & ingressi aliquot per foramen, qua tormenta eiulantur, clamant, impetum faciunt in Moschos, per scalas alij ascendunt: & sic illa arce potiti. Sokol arx tertia, quę accipiter Latine dici potest, fortissima & bene munita, obsessa fuit à Polonis,

lonis, quibus præest imperator Milecius, vir summus, animosus, & gloria maiorum clarus, Podolia Palatinus: hæc defendebatur à bellicosissimis viris Moschouitis, qui tam viriliter repugnant, vt non sine vtriusque gentis & Polonorum & Moschorum clade capta sit: ferunt enim ad tria millia Moschorum ibi interfecta: Atque istud est feritatis & immanitatis barbaræ indicium, quod Moschouitæ quotiescunque Germanum militem capere poterant, tum illum dilaniatum & dissectum, ac puluere bombardico infartum, ita extra arcis mœnia eiabantur: vt odium suum in gentem Germanicam re ipsa testarentur. Inter dedititios captus est præfectus militum Fedor Walsclouicius Seremiczius, qui erat ipsi magno duci Moschorum ob suam fortitudinē pergratus & amabilis: cuius viri iacturam grauiter tulit magnus dux. Milecius cum Polonorum exercitu, ne quid deesset, ad perfectum victoriæ triumphum, castra mouet, & grauiter iudicat arcem vnā residuam esse, quæ nisi capiatur: futurum sit, vt perpetuis incursionibus Plocensis agere recuperatus infestetur. Est autem arx illa Susa, in summa planitie & palustri loco posita: cuius accessus est perdifficilis ob profundas paludes. Tamē cum obsessi viderunt Polonū imperatorem nihil remittere de sua diligentia, lapsi animis: tandem se dedunt & veniunt in potestatem Polonorum, certis legibus & conditionibus præscriptis. Vbi arx illa Susa tradita fuit, ibique magna vis tormentorum & commeatus bellici inuentus fuisset: de consilio regis arx illa deturbata & euerfa, ne & hosti amplius esset utilis: neue in ea seruanda à Polono multum cōsumeretur. Sunt postea ab exer-

citu regio aliquot arces capte & euerſæ: veluti Kraſno, Sithno, & Koſiani: id quod prudēter à Polono factum, ne tot arcibus muniendis, vires exercitus diminuiere cogeretur. Itaque rebus ſic perbene & laudabiliter, Dei auſpicio, peractis, Rex diſpoſuit in hybernis militem cū equites tum pedites: Et deinde indicit comitia regni, vt inceptum bellum cum hoſte potenti, ad ſalutem totius regni perficiat. Celebrata ſunt comitia Calendis Decembris, vbi ab omnibus Ordinibus aſſenſum eſt, vt rex fortunā belli ſequatur, & occaſionem datam recipiendi omnia amiſſa à maioribus artipiat, ratioque nerui bellici, tam tributis que alio pacto regi eſt conceſſa. Sic ſperatur quod in Februario anni iſtius, & toto hoc anno perget rex Polonus aduerſus Moſchum: Quod vtinam felix fauſtumque ſit, ad ſalutem & incolūmitatem illius potentiffimi regni, quod eſt Germaniæ maceria & propugnaculum aduerſus fe-
ros hoſtes & barbaros.

Amen.

EDI-

EDICTVM REGIVM SVIRENSE AD MI- LITES.

EX QVO CAVSSÆ SVSCEPTI

*in magnum Moſchouia Ducem bel-
li cognoscuntur.*

STEPHANVS Dei gratia rex Poloniæ, magnus Dux Lituaniæ, Ruſſiæ, Pruſſiæ, Maſſouiæ, Samo- gitæ, Liuoniæ, & princeps Tranſyluaniæ, exercitus ſui cuiuſcunque nationis, atque ordinis militibus. Eſt tanta & tam nota omnibus iniuriarum magnitudo eſt, quas magnus Moſchouia Dux regno noſtro Poloniæ, magnoque Lituaniæ Ducatui adhuc attulit, vt arma hæc, in quibus hoc tempore verſamur, ſera potius cunctis, quam vel præpropera, vel non ſatis iuſta cuiquam vilum iri arbitremur: tamen cū ſtudio noſtrum ſatis expleri non poſſit, quo deſideramus, vt quæ ſuſcipimus gerimusque, cum æquitate iuſtitiaque nos ſuſcepiffe, ij penitus intellegant, ad quos cauſſa quæque attinere videatur: faciendum nobis hoc in bello exiſtimauimus, vt exercitus noſtri, cū eos nō tantum ex regni noſtri Poloniæ, magnique Ducatus Lituaniæ, verum etiam Hungariæ atque Germaniæ, alijsque nationibus exteris compoſitos habeamus: certius vel recetiora cognoscant, quæ inter nos, poſteaquam regni huius noſtri principatum gerendū ſuſcepiffemus, & magnū Moſchorū Ducem interceſſiffent: quæ quidē iſtiusmodi ſunt, vt facile pateat, nihil à nobis præmiſſum eſſe, q̃

ad principis Christiani officium, ad vitandum Christiani sanguinis discrimen, ad constituendū ex equitate cum eo hoste concordiam, pertinere posset: ab illo autem, quæ suscepta actaq; sunt, omnia cum hostilibus iniuriis coniuncta, & ad arcium, ciuitatum, ditionumque nostrarum circumuentionem & detrimentum, nostrique nominis dedecus comparata fuisse. Nos quidem simul ac in regnū hoc nostrum peruenissemus, vt ceteros principes Christianos, partim ordinum regni nomine, ita etiam magnam Moschouia Ducem de accessione dignitatis potentiaque nostræ, deque optima nostra cum eo etiam pacis constituendæ colendæque voluntate, fecimus per internuntios nostros certiores. Et dederat verbis, non nullam tum significationem mutæ voluntatis atq; studij sui erga nomen sanguinemque Christianum, & literas addidit, quibus ampliori alicui legationi nostræ securitatem accomodabat, & peculiari epistola, quæ etiamnum nostra in potestate est, confirmabat, se imperasse suis, vt dum mutuo inter nos per legatos res agerentur, ab omni iniuria maleficioque in nostros se abstinere, exposcens vt eadem ad nostros mandata daremus. Et si verò tam callidè hæc simulare non enim posset, quin se etiam tum proderet, verbis in nomen nostrum valde iniuriosis, infestus illius erga nos animus, tamen cum eo se vsque tantum iactaturam eius esse superbiam, in posterum verò illum ad mentē meliorem, & publicæ pacis, & suorum salutis curam aliquam reuocatum iri existimaremus: habita à nobis eius literarum confirmationi fides est: pro qua quidem fiducia, & mandata nostris dedimus, vt cum Moschis indu-

inducias diligēter cōseruarent, & ad ipsum Moschouia ducem, legatos quàm amplissimos, magnificum Stanislauum Kryski Massouia Palatinum, Nicolaum Sapiha, Palatinum Minscensem, ac Theodorū Skumin curia nostræ Lituania thesaurarium misimus. Quæ dū à nobis fiunt, ille violata promissi fide (qua nos inducti, tantum abest, vt ab eo, dum nostri ad illum legati proficiscerentur, hostile aliquid pertimescendum putaremus, vt tuta nobis atq; amica omnia pollicemur) subito nulla, aut renuntiatione induciarum, aut belli denuntiatione adhibita, cum exercitu ipse, adeoque vnā filius natu maior Liouoniam inuasit, ac fraude potissimum. & conspiratione adductis in potestatem subditis nostris, in libertatem, liberos, coniuges, vitam, ac sanguinem Christianorum hominum crudelissimè flamma ferroque grassatus est: arcibus nonnullis ditionis nostræ, dum extremis in finibus regni nostri necessariò versamur, insidiosè occupatis: quo tempore, quæ illius in trucidandis per acerbissimos cruciatus captiuis truculentia, quæ flagitiosa in vexandis honestissimis nobilissimisq; feminis turpitudine, quàm inexplēbilis in hauriendo sanguine Christiano sitis, & in omni genere iniuriarum immanitas fuerit, cōmemorari satis non potest: & qui supersunt crudelitati, & modis aliquibus se ex illa acerbitate liberarunt, satis ista testatur. Accesserant iam tum oratores nostri ad ipsos Moschouie fines, cum inexpectatum de his Moschi cœnes accipiunt nuncium, quo quidem permoti, ad finem Moschouia subsistunt: nosq; faciunt de violata pace, de qua literis suis magnus Moschouie Dux nobis confirmauerat, diligenter certiores. Et si verò ab

illo hæc fieri indignissimè perspiceremus, tamen adducti, studio consulendi Christiano sanguini, atque hæc sine maiori Christianarum vtrique prouinciarum vastitate, atque incendio ad tranquillitatem & pacem reuocandi: mandata nostris oratoribus dedimus, vt se nihilominus ad ipsum magnū Moschouia Ducem conferre pergerent, & penitus, quis illi pacis nobiscum colenda sensus esset, explorarent. ablatas verò à Moscho eo tempore res, contra literarum fidem, vt repeterent, & quæ subditis nostris ab illo calamitas proximè illata esset: eam modis omnibus sarciri postularēt. Quid rum verò: cum peruenissent oratores nostri, ac Moschus agere cum illis per homines certos suos cœpisset, subito ad omnē superbiam, atq; animi impotentiam descēdit. Liouoniam non modò ab omni pacificatione, verum etiam mentione facienda exclusit: nos dignitatemq; nostram regiam, ijs verbis atq; scriptis, à quibus non modò principem virum, eumq; Christianū, verum quemuis etiam cuiusuis ordinis abhorrere quàm maximè decet, acerbè violauit, in regnum nostrum Poloniae, magnumq; Lituaniae Ducatū ius sibi arrogauit, idq; vanissimis modis asseruit, dum à Prusse nūquam inter mortales cognito aut nato (quem Octauij Caesaris fratrem, generis verò sui auctorem fuisse contendit) orsus, ab eo se esse propaginē quartam decimam significauit: quibus quidem generis sui vanissimis deliramentis, sibi ius per quam absurdè in vnūuersum Poloniae regnum, magnumq; Lituaniae Ducatum, aliasq; prouincias vendicare instituit. Ac hæc omnia, cum post multas variasq; actiones, nostrorum oratorum, cum consiliarijs magni Moscho-

Moschouiae Ducis, quos eam ad rem designarat, de certa induciarum ratione cōuenisset, nostriq; pro eo ac vtrique conuenerat, suas de eo literas perscripissent, & magno Moschouiae Duci tradidissent: ille suas, quas è conuerso daret, non (vt facere par erat) ad similitudinem literarum earum, quas oratores nostri obtulissent, veritatemq; mutuæ inter legatos nostros eiusq; consiliarios conuentionis: sed ad arbitrium libidinemq; suam ita perscripsit, vt inducias ad Liouoniam pertinere noller, quinimo non modò eam sibi cum Curlandiae Ducatu, verum etiam quicquid nobis vsque ad Prussiae fines ditionum est: (interest autem ipsius Lituaniae pars) credi à nobis oportere significaret: quas suas literas ita perscriptas, cum in eas iusiurandum dedisset, nostris oratoribus per vim superbè obtrusit. Quare cum nos oratores nostri ante suum è Moschouia discessum, facerēt certiores, ad magnū Moschouiae Ducem, ex aulicis nostris, internuntium misimus, nobilem Petrum Haraburdam, iterata cum pacificatione propensionis nostrae, colendæ cum eo pacis atq; concordiae, idq; rei Christianae consulendi causa, qua quidem in testificatione luculenter ostendimus, si cōmune idemq; vtriusq; nostrum iuramentum esse deberet, cōmunem eo iuramento inter nos atque omnes prouincias nostras pacem comprehendi oportere. Neq; enim honestati atq; rationi cōgruere, si iusiurandum, de pace inter duos susceptum, bellum quacunque de prouincia inter eos ipsos consequatur, quodq; sanctissimum cōcordiae vinculum sit, in eo locus hostilitati relinquatur. Conuenire præterea nobis, tanquam principibus

Christianis, nos vt dictis factisq; omnibus, ita maxime religioſæ iſti iuriſiurâdi affirmationi, cōſtantiam adhibere. Curandū igitur eſſe, vt ne qua inter nos fidei, recteq; factorum noſtrorum conſcientie, viſaſſeratur. Quæ noſtra æquitatis optimiq; ſtudiij plena cohortatio, tantū abeſt vt ponderis aliquid apud Moſchū habuerit, vt internūtiū noſtrum, poſtea- quā admiſiſſet audiſſetq; à ſe longè remouerit, & in modū captiui diu inuitum retinuerit: cumq; ſuos ad nos legatos miſiſſet, in Liuania miſſis iam ad nos legatis ſuis, arces noſtras, ac ſigillatim Vendam bis oppugnaverit. quod cum per inſignem faceret iniuriam, effectum Dei præpotentis beneficio eſt, vt & exercitus ille à noſtris copiis, cum ad eas Suetica auxilia acceſſiſſent, deletus ſit, & in poteſtatē noſtram tormenta, aliaq; quibus noſtra oppugnabat, cuncta peruenerint. Sub id ipſum tempus legatos Moſchicos ad nos Cracouiam, in ipſum regni noſtri quaſi domiciliū atque ſedem admiſimus, cum eo tum loco, permagna propè vndiq; gentium Chriſtiana- rum, frequentia hominum verſaretur, legati exter- norum regum, principum, atq; nationum ad eſſent eorum in oculis, cum eos audiendi cauſa ad nos in ſenatum noſtrum perhonorificè, vt fieri inter prin- cipes par eſt, introduci curāſſemus, à faſtu ſuo, noſtræque dignitatis contemptione orſi, ad explican- da, quæ haberent mandata, nulla cohortatione ſe paſſi ſunt adduci: quod à magno ſuo Duce præſcri- ptum ſibi eſſe ſignificarent, ne quæ apud nos verba facerent, niſi nos antè, quæ à nobis ſuperbè atq; ad derogandum dignitati noſtræ, in quodam genere habèdi ſibi honoris ſagitarèt, præſtiſſemus. Quod cum

cū nobis minimè committendum iudicaſſemus, neq; illi à faſtuola pertinacia ſe deduci ſinerent, etſi iterum atq; iterum ab illis, vt dicerent, contendere- tur, indiſcretis rebus è ſenatu noſtro, atq; adeò Craco- uia diſceſſerunt, atq; ita re vlla non modò non con- ſecta, ſed ne affecta quidem dicive ab ijs cœpta, per- miſimus vt ſe in Moſchouiam referrèt. Quæ omnia, vt perſpicuè teſtatur, quale noſtrum extiterit ſulci- piendæ cum hoſte illo concordia pacisq; ſtadium, quod conſulendi ſanguini ac trāquillitati Chriſtia- næ deſiderium, ita oſtendunt planiſſimè, magnum Moſchouia Ducem eò potiſſimum incumbere, hoc agere, huc omnes ſenſus conatusq; ſuos conferre, vt nobiſcum hoſtilibus iniurijs perpetuò diſſideat: & cum ditionibus noſtris, tum nomini amplitudiniq; noſtræ modis omnibus derogatum velit. Miſit ad nos poſtea per nuncium ſuum literas, quibus à no- bis poſtulat, vt in ea induciarū verba, quæ citra ora- torum noſtrorū aſſenſionē perſcripta oſtendimus, iuſurādum daremus, legatis ſuis redeundi ad ſe po- teſtas fieret, & ſi viſum nobis eſſet, oratores ad ſe ite- rum mitteremus, qui de Liuania ſecum agerent. Quā autem & ab æquitate, & ab officio dignitate- que noſtra alienum ſit, ad ea nos iure iurādo deſcen- dere, quibus non modò aſſenſum nullum vnquam accommodauimus, ſed de quibus nos cogitationem aliquā ſuſcipere non oportere intelligimus, quis non perſpiciat? Qui enim nos eius crudelitati Li- uoniam, Curlandia Ducatum, ditioneſque alias noſtras, quæ Lituanici iuris intermedia inter Liuo- niam & Pruſſia ſines ſunt, permittere poſſimus, quæ nobis pro regio noſtro ſacramento, quod in noſtra

regni inauguratione verbis solennibus dedimus, omni fide, cura, conatu tuenda, & ab aliena potestate, vitæ etiam nostræ discrimine defendenda intelligimus? quod quidem officium nostrum, ut nobis antiquissimum commendatissimumq; semper fuit, ita alienæ ab eo voluntatis significationem nullam vnquam dedimus, neq; de ea oratores nostri quicquam polliceri potuerunt, atque adeo constat, minimè pollicitos esse. Nam quæ illi in verba cautionis suæ de inducijs perscriptæ iurarunt ea ab omni istiusmodi concessione longè remota sunt. Quæ verò non modò pacis inter principes feriendæ, sed inter priuatos etiam cōventionis alicuius ineundæ ratio, quævis, quæ necessitudo esse possit, vbi res alterius non modò nulla consensio voluntasq; sed ne quidem suscepta aliqua cogitatio accedat? non vtriusque voluntatibus ad consensionem adductis, & literis non tantum sententiarum, sed propè verborum omnium similitudine perscriptis, negotium administratur: Quod quidem ita administrari & solere & oportere, hunc ipsum hostem nostrum fugere haudquaquam potest, ut non iuris æquitatisq; memorem, at ea tantum recordantem, quæ in faciendis inducijs, & pace feriendæ, inter serenissimos prædecessores nostros, atque eius maiores, adeoque cum illo ipso, ante hac suscepta atque vsurpata fuerunt. Neque verò minus, quam superiora illa & hoc iniquum est, quod magnus Moschouia Dux, nos in literarum suarum verba iurare voluit. Quæ quidem literæ, etsi ex voluntate atq; consensione vtriusque nostrum, ac literis oratorum nostrorum congruenter scriptæ fuissent, tamè ut ille in cautionis suæ formulam

lam iurasset, ita nos in nostram iurare conueniret: tantum abest, ut à nobis in eas literas iusiurandum rectè possit exigere, quæ ab ipso pro arbitrato suo perscriptæ, ab animi nostri sententia, mandatisque nostris, & legatorum nostrorum assensu, plurimum dissidēt. Quæ omnia quàm plena iniuriæ doliq; fuerint, quis nō facillimè perspiciat? cuius quidem doli studia, ex eo se etiam ostendere, quod quæ communicata, gesta, actaque inter oratores nostros, & eos, quibus agendi cū nostris Moschouie Dux negotium dederat, quæque ab ipso Duce constituta fuerant. Legati eius, cū ad nos Cracouiam venissent, profiteri atque explicare minimè voluerunt. Ad has verò omnes fraudum technas, mox armata vis, aperta quæ iniuriæ accesserunt, cū non modò Liouoniam assidujs direptionibus ac bello infestam habere Moschouia Dux non desineret, verum etiam in finibus Vitepscensibus, in ipsa magni Ducatus Lituaniæ ditione, propugnaculum nuper collocaret, ac per suos rei militaris præfectos, illis etiam locis subditos nostros trucidaret, alios crudelissimè diriperet, se deniq; maximis delectibus habitis, magis magisque contra nos armaret: qua quidè de re, cū non modò ad nos illustris Curlandiæ ducis, & Rigensium, simul etiā nostrorum in Liouonia præsidiariorum quotidiani nuncij ac litteræ peruenirēt: sed summa etiam imploratio opis defensionisque nostræ accederet, nullo modo debuit potuitque belli administratio diutius à nobis differri. Proinde iustissimis istis grauissimisq; causis adducti, repudiandas minimeque iuramento nostro confirmandas Moschi literas, de inducijs ab ipso arbitrato suo perscriptas nobis esse

iudicauimus: quinimo ipsas in Moschouiam ad magnū Ducem, expositis quibus id faceremus de causis, per internuncium nostrum remisimus, ac hosti illi bellum iustum legitimūque indiximus, cum iam tum ille maximas contra nos copias ad Pleſcouiam coactas haberet. Quod ad oratores attinet, quos remitti postulauit: etsi qui neque literas, quibus fidē legationis suae facerent, nobis reddiderint, neque ullam legationis partem explicarint, exploratorum potius quam oratorum loco haberi à nobis merito potuissent, tamen quod oratoribus nostris in Moschouia significatum intellexissemus, legatos eos ad nos missum iri, nihil illis in omni genere & honoris habēdi, & laucia conferendi vllō loco ditionum nostrarum deesse suimus, permisimusque, ut quod facere obstinauerant, nullis rebus apud nos expositis, se in Moschouiam referrent. Quod verò postulabat, ut nostros oratores, qui de Liuania agerent, iure iurando prius in eius literas de inducijs dato, iterum ad se mitteremus, non perspicimus, quid agi de Liuania per oratores possit, si antē iurati in eius conditiones (quod exposcit) non tantum de Liuania atque Curlandia, verum etiam parte nostrarum Lituaniae ditionum, quae mediae Curlandiam ac Prussiae dirimunt, decederemus. Minimè igitur nobis committendum esse intelligimus, ut noua legatione, nihil aliud, quam prouinciarum nostrarum incurramus. Intelligi atque adeo cerni arbitramur, quale nostrum fuerit studium, vitādi omnem Christiani sanguinis profusionem, quod nostrū pacis tranquillitatisque desiderium, pro quo quidem nos, ijs rationibus

tionibus, quae suprà expositae sunt: experiri pacis conciliationem cum hoste illo cōtendimus, atque omnia indignitatum genera, quae maiestati nostrae regiae ab magno Moschorum Duce allatae essent, libenter tranquillitati publicae atque saluti, sanguini, fortunisque hominum Christianorum condonauimus: verum his nostris omnibus studijs ad concordiam pacemque propensis, tantum abest, ut quidquam ab eo aequi bonique consecuti simus, ut ille hoc magis effrenatę superbię atque impotentiae animi sui indulserit, & quae ad contumeliam nostram, nostrique regni & magni Ducatus Lituaniae detrimentum pertinere possent, suscepit. Cui quidē rei, ut modum aliquando finemque sponte sua facturum illum desperemus, facit inueterata iam perpetuaque eius cum serenissimis praedecessoribus nostris simili genere agendi ratio, quam quidem ex ea iniuria aestimare licebit, qua diuum Sigismundum Augustum serenissimum praedecessorem nostrum affecit, cum missos ad se ex ordine senatorio splendidos oratores Palatinum Inouladislauiensem, & Castellatum Samogitiensem cōtumeliosę tractauit, & modis indignissimis contra gentium iura violauit, hominem nobilē ex serenissimi praedecessoris nostri aulicis spoliavit, & cum res quasdam preciosiores inspiciēdi causa accepisset, superbē retinuit: mercatoribus qui vnā venissent, magnam mercium vim eripuit, equos in oratorum illorum conspectu productos ferro dissecari curauit: à qua indignitate vindicanda, cum diuum illum antecessorem nostrum mors (quae breui subsecuta est) exclusisset, nos per oratores nostros postulauimus, ut iniurias eas id temporis illatas, sar-

cire studeret, cui quidem postulationi nostræ nulum animus eius, iniurię pertinacissimus, reliquit omnino locum. Quid illa, quæ serenissimo antecessori nostro Henrico regi per litteras de pace vtrinque retinenda promiserat? & contempta promissi fide, non ita multò post capta Pernauia, alijsque Liouoniae atque in potestatem suam redactis violauit? Quæ quidem fidei vanitate, maiores etiam eius erga serenissimos prædecessores nostros propè omnes vsos esse perspicimus. Neque enim obscura est plurimum quæ ista verè memoriæ prodidere consensio, & maiorum istius Ducis Moschouia literis, quæ in tabulario magni Ducatus nostri Lituaniæ seruantur, comprobari potest, quàm saepe magni Moschorum duces serenissimis Poloniae regibus, pace suscepta, ac iuramentum religionis sancita, ad tranquillitatis fiduciam adductis, & contra barbaros nominique Christiano infestos populos bella regentibus fidem impie frugerint, pacta omnia violauerint, & redintegrato bello, vel à necessaria prædecessores nostros contra Ethnicos defensione, vel pulcerrimis pro Reipublicæ Christiana cœptis reuocarint, & obistere suis iniurijs coegerint. Quorum maiorum in dictis factisque inconstantiam, fraudem & insidias, hic Ioannes Basilij filius, hostis noster, non modò omnem in se admisit, verum etiam auxit, idque tum maxime egit, cum litteris missis ad diuū Sigismundum Augustum serenissimum antecessorem nostrum, de securitate oratoribus præstanda, qui ad se de pace concilianda mitterentur scriptis, subito Polotiam inuasit occupauitque; consimili fraude erga nos vsus, cum postea quàm nobis fiduciam pacis attulisset, repente Liouonia

niam armis oppugnauit, & tamen nos, regnum nostrum Poloniae, magnum Lituaniæ Ducatum à defensione eius prouinciæ excludere instituit. Quandoquid igitur spes nulla nos tenere amplius potest, ad mentem fidemque meliorem magnum Moschorum Ducem se vnquam recepturum esse, quinimo iniurias veteres recentioresque; nouis quotidie magis magisque accumularet, certæ pacis fiduciam nullam afferat, omnia ad nos circumueniendū derogandumque cum nomini, tum ditionibus nostris suscipiat, nos adhibitis atque adeò consumptis omnibus studiis nostris, quibus fida atque æqua inter nos pax conciliari, & rei sanguini; Christiano consuli posset, expleto iam omni officio regis Christiani, hanc re & Deo prapotentem, oculis hæc suis iustissimis aspicienti, & legitime vindicationi permittendā iudicamus. Quo nomine remissis illis insidiosis induciarum literis, bellum iustum legitimumque, Ioanni Basilij filio, magno Moschorum Duci denunciamus: quo bello multiplicem nobis, cum ab ipso magno Moschorum Duce verbis literisque, tum ab eius legatis factam contumeliam, allatasque subditis nostris acerbissimas multis iam annis iniurias, & detrimenta omnia, quæ regnum nostrum magnusque Lituaniæ Ducatus accepit, armis propulsa & vindicare in animo habemus. Vt verò perspicuum sit omnibus, nos ad eorum, qui magno Moschorum Duci parent, hominum Christianorum calamitatem aut sanguinis profusionem minimè ferri, declaramus nos ita armis nostris moderaturos esse, ut ne ijs (quanta maxima cura ac studio cauere poterit) quisquam violentur, qui non aut in præsidij, aut acie suo periculo

propugnandas hostis nostri partes suscepit. Nam ut ab vno magno Duce causas omnes, quibus in arma hac impellimur, profectas esse intelligimus, ab vno nos honorem dignitatemque nostram oppugnari, ac prouincias nostras illius vnus libidine appeti ac sitiri perspicimus: ita in vno illo vindicare omnia, vnus refrenata audacia grassandiue atrocitate, in posterum tranquillitati publicae pacique Christianae (si fieri vlla ratione posset) consulere desideramus. Quae cum ita sint, spe vel potius fiducia sumus, & DEVM OPTIMVM MAXIMVM quod bellum grauissimis iustissimisque atque adeo pernecessarijs de causis iniuimus, nobis, exercitibus nostris, ac Reipub. vniuersae, quam obtinemus, bene & feliciter fortunaturum esse, & principes Christianos, adeoque omnes homines, qui ista accipient, facile arbitrarios nos ad bellum hoc permagnum non temere neque vlla profundendi sanguinem Christianum (cui prodesse, consulere, cauere semper studuimus) cupiditate ferri, sed ad ea hostilib. tot temporum per summam atrocitatem crudelitatemque exercitis iniurijs impelli, nostra dignitate, & regni nostri magnique Lituaniae Ducatus ceterarumque prouinciarum nostrarum statu, & subditorum nostrorum salute, fortunis, vita, sanguine, quem hostis ille truculentissimus iam nimium diu immaniter hausit, necessario commoueri, consilio iudicioque omnium regni nostri magnique Lituaniae Ducatus ordinum duci, dignique nos fidam stabilemque tranquillitatem, & publicam inter populos Christiani nominis pacem concordiamque spectare. Quae quidem belli nostri causa, quaeque animi consilijque nostri ratio,

tio, etsi de militum nostrorum studijs, alacritate, fortitudine, fide, nobis dubitationem nullam relinquit: hortamur tamen ut animum ad res nostro ductu in hostem hunc nostrum gerendas magnum fortemque adferant, existimentque & gloriae & felicitatis summam in eo potissimum versari, si pro tam iusta honestaque causa dimicetur: subditi nostri diuturnas grauesque iniurias hostiles, vel a se vel ciuib. suis adhuc perpeffas, hoc tempore pro more, virtute, rebusque gestis maiorum suorum & vindicandas & in omne tempus sibi depellendas statuunt: extranei pro vicinorum salute, suam in discrimen vocare, fortissimeque armis contendere pulcerrimum, necessitudini quae vicino ad vicinum est conuenientissimum, & delere proximi parietis incendium, suae suorumque securitati vtile existiment: omnes sibi tam iusto in bello summa fortium factorum studia esse adhibenda iudicent: quorum hoc maior laus atque gloria quemque consequetur, quod in grauiore hoc maioreque bello contra crudelem vniuersi prope generis humani hostem nobiscum versabitur. Nos profecto cuiusque militum nostrorum virtutem, fidem, operam, conatum in omni genere praeclare factorum, ea beneuolentia, gratia, munificencia prosequemur, ut neminem gestae abs se fortiter rei poeniteat, omnes intelligant, nos cuiusque industriae, fidei, fortitudini sua praemia ornamentaque libenter tribuisse. Suiri, die duodecima Iulij, ANNO DOMINI, M. D. LXXIX. REGNI vero nostri anno quarto.

RERVM POST CAPTAM POLO-
tiam contra Moschum gestarum
narratio.

Capta Polotia, & iam antè in vicino arcibustribus, Cosiana, Crasna & Sithna deletis, tres omnino arces, Turoulia, Socolum & Sussa in Polocensi ditione hostiles supererant, quas hosti relinquere, neque ex belli suscepti consilio, neque dignitate sua, neque rei abs se gestæ fortuna rex esse iudicauit. Turoulia quatuor supra Polotiam arcem miliaribus, ad Dhunā flumen, quo loco illud Turoulia amnis illabatur, sita est, sic ut duorum amnium confluxu maxima parte comprehendatur, quæ in continentem patet, inter vtriusque præterlabentis fluij ripas, lacum transversum, tanquam obicem, obiectum habeat. Quod inter Polocensem arcem, atque inter Vlam, Vitepscium, aliasq; arces & ciuitates, altius in Dhunæ ripis sitas, quæ semper in potestate regum Poloniæ retentæ sunt, media Turoulia interesset, facile à regijs castris ad Polotiam positis, com meatum exclusit, qui commodè ex locis superioribus poterat importari: quæ res non mediocriter in exercitu annonæ caritatem atq; adeò inopiam auxerat. Qua de causâ, circūfessâ primùm Polotia, Franciscus Zucus à Nicolao Radiuilo Palatino Vilnensi, tentadæ certis cum copijs per celeritatem rei causâ ad arcem Turoulam missus est. Verùm quod & præsidio firmo, & defensionis diligenter intento locus teneretur, & pauca minoraq; belli tormenta Zucus secū traxerat, effici ex sententia nihil potuit. Socolam ab arce Polocensi quinque miliaribus ea via distatē, quæ Septentrionem versus rectissima

Pleſco-

Pleſcouiam ducit, duorum itidem concurrentium fluminum, Dryſſæ & Niſciæ, cōplexus continet: ea in arce præter vetus præsidium, quod tuendi Polotiam aditus causâ firmū semper inerat, Theodorus Basilij F. Seremetus, & Borissus Basilij F. Seinus, Andreas Pelecius, Michael Georgij F. Lycus, Basilus Criuoborsius Palatini, clari cū propinquitate Moschouitæ Ducis, alij tum rebus anrea gestis omnes copiarum præfecti, cū magno Moschouitice nobilitatis ac sclopetariorū numero cōfederant, posteaquā se ab aditu Polocensis arcis, primū à Palatino Vilnensi obsessis itineribus, mox ipsa obsidione regia exclusos esse intelligerēt. Accesserat huc etiam Georgius Bullahacus cum duobus millib. sclopetariorum, partim Dunsium, partim Voliensium, qui ad Dhunæ & Volhię fontium paludes ob perpetuas cum Tartaris dimicationes, cæteris belli vsu ac iaculandi petitiâ facile præstāt. Quod hi omnes magno discrimine nostrorum ex propinquo castris imminerēt, dū oppugnatur Polotia, Lituanicę quædā copiæ primū Ioāne Voliminscio, deinde Christophoro Radiuilo, qui in Lituania regiā poculis est, dimicandi studio Socolam excurrunt: sed q; hostis arce & munitionibus prope arcem extructis, aut propinquo tormentis suis spacio in tuto se teneret, velitationibus tantum, nonnullis vtrinq; desideratis, res gesta est. Vtramq; arcem rex occupata Polotia iustis copijs oppugnandā ratus, Nicolaum Mielecium Podolię Palatinum, summum copiarum Polonicarum præfectum, cum equitatu Polonico stipendia merente, cumq; peditatu Polonorum, ac Germanorum cohortibus Socolam mouere; Vngarorū copias Turouilā accede-

re iubet: ipse vt medio loco omnem in partem casumq; intetus esse posset, motis trans Polotiā castris, ijsque secundum flumen Dhunam metatis (quod pristinum castrorum locum, obsidioni quidem opportunum, cum ad cingendum maxima ex parte arcem, tum ad prompta munitionibus omnibus, ex quibus miles oppugnabat, auxilia afferendum, affludi imbres iam antè iniquissimum, & valde quàm cœnosum effecerant) ad Polotiam permanet, curatq; quod ad arcem Polocensem, qua munitiones aut flamma conflagrant, aut tormentis verberata vitium fecerant, instaurandum pertineret: simul etiam arci Palatinum præfecit Nicolaum Derohostatium, in quem iam antè, regno primùm inito, non inani omine ius nomenq; eius magistratus contulerat: hunc ipse in possessionem mittit, præsidium iustum imponit, & quibus circum locis miles finibus tuendis rectè collocetur constituit: templi etiam, quod monumentum diuinæ ad victoriam opis esset, ædificationem decernit. Interea dum quæ opus erant ad Socolæ & Turouliæ oppugnationem expediuntur, & miles vasa colligit, visum est Palatino Vlnési, de Turoulia leuioribus copijs experiri, & quid hostibus in recenti consternatione fiduciæ esset tentare. Mittitur cum aliquo numero equitū expeditorum armaturæ leuioris quos Cosacos nominant, Constantinus Lucomscius Vlnensis præfectus, quem Turoulienses præsidarij conspicati, cum paucior maiorem quàm pro numero militum speciem copiarum obiecisset, exercitum vniuersum adesse rati, per auersam portam se properè omnes eijciunt, ac fuga euadūt, Palatinis suis desertis: qui cum arcem

arcem sibi non deferendā putarent, ac soli in ea permanerent, ad quartam Septembris diem cum arce & belli apparatu ac com meatu omni regiam in potestatem peruenerunt. Arci ita occupata miles ille, qui ceperat, præsidio relinquitur. Is dū inter ligneas munitiones ac domos tæda ædificatas indiligenter ignem habet, tormentisq; maioribus gratulationis & læticiæ caussa iaculatur, temere incendio causam præbuit: quod sublatū paucis post diebus, quàm capta esset, arcem deleuit, vt non minore celeritate, quā occupauerat, Turouliam miles amiserit. Quod quidem hoc iniquiore animo à rege acceptum est, quò præsidio hostili Sussam etiam tum obtinenti, Turoulia nostræ potestatis facta, omnem subsidij aditum & com meatu accipiendi spem, certius eripere potuisset. Interea rerum Palatinus Podoliæ Socolam (à qua Dunenses cohortes fama aduentantis exercitus permoti contra imperium præfectorum, vt est genus illud militū leue, & insolens disciplinæ, iam antè in Moschouiam redierant) cum copijs progreditur, & Drissam flumen imbribus proximis admodum redundans ponte subitario opere effecto, transmittit, hoste quod facere in procliui erat, nihil repugnante, qui in aduersa ripa ociosè tantum inequtans, inani metus faciendi studio, clarè vt exaudiri à nostris facilè possent, subinde inter se sciscitabantur, adessent apud se Astracanorum, adessent Casanorum copiae, quas alter adesse magna itidem voce respondebat. Flumine superato Palatinus nulla cum mora propius hostem mouet. Qua accesserat inter vtrumq; flumen non ita magno ab arce intervallo sylua est, in qua maximam equitatus partem

tendere iubet, peditatui imperat, vt munitiones, in quibus versarentur, & tormenta dirigerent, fossa atq; aggere subito efficiant: quas Poloni secundum Nissam, Germani iuxta Drissam ita ad arcem perducunt, vt cum iusto iam ab ea spacio abessent, trāsuer-
sa ab Nissia Dryssam, itidemque ab Dryssia Nissam versus promouerentur, atq; opera vtriusque nationis committerentur: vltra Nissiam amnem minorem, qua promptum hosti effugium patebat, Ioānes Zabarasius Palatinus Brassauensis consistere & curare iubetur. Munitionibus perfectis, ac tormentis, vt visum erat, collocatis, cum iam tum in vespere dies vergeret, qui tormenta administrant, periclitari rem globis candentibus instituunt, tribus tantum in hostiles ditiones perlatis, cum alij alijs locis periculum incendij afferrent, & ijs restinguendis hostis detineretur, tertius eo loco, quo nascens primum fumus, mox flamma ab hoste nō facile potuit deprehendi, vires cepit. Ab hoc incēdium ortum, cum magnam hostilium munitionum partem subito complexum esset, hosti summam defensionis desperationem attulit. Quocirca vt perditis trepidisque rebus, & flamma se iam longius latiusque fundente, pars magna hostium globo temere facto, porta, que meridie versus ad Nissam vnā patebat, cōfertim erumpunt: quibus ex proximis munitionibus Poloni impigrē occurrunt, & obstant. Perducitur eodem properē signo sublato Germanorū sclopetariorum cohors: sic hostis in arcem flammamque reijcitur, quem dum nostri magna vi premunt, se, atq; signa portę arcisq; inferunt. Dabat mox hostis intra arcem desperatis rebus magnas cum armis tum verbis dedendi

dendi significationes, quas cum miles Germanicus Russicę lingę nesciens, preterea Polocensis pręsidij crudelitate, qua immanissima in captiuos omnes ac potissimū Germanos fuerant, irritati, minimē acciperet, eademq; acerrimē misceret, ille desperata salute totis viribus cōtrā dimicat, quęq; supra portam custodię erant, cataraclā ē turri portę imminentem in irrupentes deijciunt, sic nostros receptu alios, alios aditu subsidioq; excludunt. Atrox inde vtrinq; pugna fuit, æquata vtrorūq; desperatione ob incendij vim, q; vndiq; se circūfuderat ac pluribus locis dimicantes inter se pari interitu victi ac vincētis extinguebat. Ad dexterā arcis partē per munitiones ostiū fuit, ad quod qui nostrorū errādo perlati sunt, integri euasere. Interea foris milites, quanta vi maxima possunt cataraclā moluntur, atq; opere magno perstringūt: patefacta via, qui nostrorū supererāt, faucij propē omnes atq; ambulti, pariter cū hoste erumpunt, inferūt se integri alij pręda ex ipsa flamma rapiendę causā. Pars magna hostium aut in munitiones aut stationes Germanorum incidit, qui omnes per irā militarem & lingę ignorantiam interfecti sunt, in his Borissus Seinus, Andreas Palecius, Michael Lycus, Basilus Criuoborscius Palatini cecidere. Quib. in Polonorū potestate peruenire cōtigir, plęriq; omnes, cum qui aliquo aut munere aut numero fuissent, pro se quisq; nomē ederet suum, faciliē apud lingę intelligentes seruati sunt, ac captiui habitarum fama, ita & corporis specie vultuq; & animi sermonisq; cultu ceteris pręstantior, & Mesoia dus Dunensium aliquot cohortium pręfectus, qui post

militum etiam suorum discessum, cum ceteris praesidiarijs in arce permanerat. Arx ipsa cum iam incendio occurri non posset, conflagrauit. Hostium ad quatuor millia caesa, quos ex lectissimo, & quidem praetoriano milite magni Ducis fuisse, & si ex captiuis cognitum est, tamen etiam ex ipsa corporum stragorum forma & proceritate, animisque perditis in rebus adhibitis, tum praedae ratione potuit intelligi. In qua quidem praeda maior & pecuniae, & vestis pretiosae, & aliorum ornamentorum numerus fuit, quam ut gregarij militis fuisse videri posset. Captiuorum ea multitudo est, ut & penes praefectos copiarum permulti sint, & Polonorum militum propè sint nulli, qui in potestate non singulos, alij plures habeant. Sussae oppugnatione, quam suscipere difficilem & spaciosi lacus, & palustria circum loca, & autumnii ipsius tempestas redditura erant, temereque militum iam antè maximis incommodis affectum nouis periculis obijcere, regi visum non est: cum potissimum arcem eam, penitus Lituaniam versus sitam, & ab omni suorum subsidio, & com meatu consequendi potestate exclusam, (ut vis nulla adhiberetur) sponte dedituram sese non dubitanter existimaret. Itaque praesidia tantum militum stipendiariorum circumquaque in statu disponit, quae Moschos ab aditu ad Sussanos arcerent. Neque fefellit ea regem existimatio: nam & ipse Moschouiae Dux, diffidens Sussam amissa Polotia retineri posse, sexta primum, tum iterum decima septima Septembris die, mandata ad Petrum Theodori F. Coliceum, Palatinum Sussensem ac praesidiarios omnes dederat, ut templi imaginibus & libris, omni que apparatu sacro in terra de-

fossis,

fossis, aut quacunq; alia cura adhibita, ne in hostium potestatem peruenirent, arcem incenderent: bellica tormenta, ac puluerem tormentorum omnem igne delerent: tum operam, qua euadere possent, diligenter darent, ac saluti suae cõsulerent. Hec mandata cum (quò certius perferrentur) per plures nuncios Sussam misisset, nonnulli eorum in arcem perueniunt: vnus à regio milite interceptus, ad Palatinum Podoliae cum literis perducitur. Sub id ipsum tempus, Palatinus Polocensis dat Sussa literas, quibus significat, se Polotiae cum parte exercitus, à rege ijs cum mandatis relictum, ut quicquid ea in prouincia hostile superesset, modis omnibus tollere contenderet: Regem summa placabilitate & clementia principem, quam suae voluntatis significationem dedisset, cum primum magno Moschouiae Duci bellum indiceret, ea in voluntate etiamnum permanere: eorum, qui magno Duci parerent, hominum Christianorum caedem & sanguinis profusionem haudquaquam expetere. quinimo illi parcitum ac consultum velle: acceptas iniurias in autore ipso magno ipsorum Duce vindicandas statuere, nisi verò essent, qui istas iniurias suo discrimine, pugnare vellet. quod ut illi ne suscipiat, illorum maxime referre, hortari se, arce sponte sua potius abscederent, impetrabili venia & salute, quam vim atque oppugnationem experirentur. Palatinus Podoliae Moschi literas ad Palatinum Sussensem, ac praesidiarios, qui dedì arcem postularent: illi salutem, & rerum quae cuiusque essent auferendarum potestatem, atque in Moschouiam tutò se referendi concessionem adiungit, arcem cum omni bellico apparatu com meatu;

Palatino Polocensi militibusq; à Palatino Podolia
missis, sexta die Octobris dedunt. Iam antè Philo
Kmita capitaneus Orsanensis, cui aliquot turmae e-
quitum, & peditum stipendiatorum cohortes, erant
in eam rem assignatae, coacta non mediocri sum-
mis in locis ex nobilitate alijsque incolis milium
manu, in Moschi ditiones excurrit, magnamque o-
mnia populando vastitatem affert: ad duo millia po-
gorum incendit, & Smolenscia suburbij ambules
magnum ex eo agro hominum, magnū pecudum
numerus agit: suosq; nullo detrimento accepto, in-
tra fines reducit. Idem non multo post Constanti-
nus Ostrogia dux, cum Michaelè Viskiuecio Cr-
stellano Brassauense, & filio Ianusio Borysthenem
transgressus, facit, expeditissimas quasque Tarrac-
tum aliorumq; turmas praemittit, has longè lateque
populari, & terrorem vastitatemque in hostico ci-
cumferre iubet: ipse cum reliquis copijs Czerni-
uiam progreditur, castrisq; ad arcem metatis, oppo-
gnationem suscipit, ipsaq; ciuitate incendio delecta
vim omnem arcis expugnandae adhibet, sed quod ea
praesidio firmo, cui nihil ad omnē propugnandū ap-
paratum desisset, teneretur: acerrimeq; locum Mo-
schi defenderet, in castris paucae peditum cohortes
essent, afflictae maximis tempestatum iniurijs, milla
obsidione, vicina circum loca omnia diripit, totaq;
Sueriensis ditione vastata, ac populationibus ad Sta-
rodubam, Radohostiam, ac Podczpouiam usq; per-
leniores equitum turmas factis, praeda ingenti acta,
discessit. Simili successu Mecislauensis praefectus la-
niskam oppidū, pagosq; quā plurimos euerit.
Rex posteaquam dierum quinquaginta spacio, sex
arcibus

arcibus captis, ad quas Sussa non ita multo post se-
ptima accessit, prouinciam omnem Polocensem mi-
ra agrorum fertilitate, magna fluminum opportu-
nitate praeditam, octauo decimo post anno, quā
esset ab hoste occupata, bello Reipub. recuperasset,
Polotiam praesidijs, fines copijs firmasset, decima se-
ptima Septēbris die, illo de loco discedit. Vehemen-
ter quidem studio ferebatur, ut ceptū felicitatis cur-
sum vrgeret, & cum magna hostes locis omnibus
consternatio ingensq; pauor teneret, longius arma
sua in hostiles ditiones proferret. Sed cum & prete-
riti temporis iniurie, (quibus miles admodum affli-
ctus, equorum ingens numerus enectus fuerat) &
grauiores autumnī tempestates, indies ingrauescen-
tes, isti voluntati & studio planè repugnarent, omni-
cura in comitia omnium Reip. ordinum habenda in-
cumbit, cumq; iam antè ex castris de ea deliberatio-
ne literas ad regni senatores dedisset, rediens in Li-
tuaniā, ea ad diem vigesimā secundā Nouem-
bris Varšauiae habita iri edicit, in quibus consilia de
bello diutius administrando suscipiantur. Dum Vil-
na rex ad comitia proficiscitur, è Moschouia per nū-
cium Moschicum literae afferuntur, à duobus lega-
tis Nonogrodiae duce Ioanne Theodori, F. Mecisla-
uensi, & Mikita Georgij F. Romanouicio Sachari-
no, ad Nicolaum Radiuilem Palatinum Vlnōsem,
& Eustathium Volouiciū Castellanum Trocen-
sem, Plescouiae die trigesima octaua Septēbris scri-
ptae, hoc omnino argumēto. Cum offensae duorum
summorum principum eo progressae sint, ut arma
vterq; sumperit, quib. Poloniae rex Polotiam expu-
gnaret, magnus Moschouiae Dux vindicare vicissim

id factum in animo habuerit: se cum reliqua nobilitate Moschouitica ad principis sui pedes se abiecisse, obsecrasseque, ut sanguini Christiano consultum atque parcitum vellet. Istitis precibus principem suum reliquisse locum, & belli expeditionem repressisse, nunc mutuo studio ipsis atque alijs regis Poloniae consiliariis, apud regem suum elaborandum esse, ut ad similem voluntatem & sistendi cursus sui bellici, & pacis cum magno Moschouiae Duce locis omnibus tam regni Poloniae, quam magni Ducatus Lituaniae, atque etiam Liouoniae causa suscipienda adducant, in primis vero ab eo impetrent, ut in regiam suam se referat, ac copijs suis omnibus tam in Lituania quam Liouoniae finibus imperet, se ab omni in Moschos maleficio atque iniurijs abstineant. Hac eadem magnum suum Ducem diligenter facturum, redditurum ad sedes suas, suosque à vi atque iniuria, cohibiturum. Interea temporis dandam vtrinque operam, ut principes missis inter se oratoribus rem vtilem & pernecessariam pacem ac concordiam suscipiant. In extremo literatum excusant, cur Basilius Lopatinscius, quem rex ad magnum Moschouiae Ducem ante expeditionem suam cum literis miserat, quibus se bellum illi facturum iustum legitimumque denunciabat, adhuc in Moschouia detineatur. promittuntque, simul ut principum se vterque ad sedes suas retulerit, se operam duros, ut cum mandatis sui principis de pace consilianda ad regem Orcus remittatur. Sub idem tempus Philo Kmicha, Orsacensis praefectus ad regem literas mittit, quas à Palatino Smolensciano acceperat. Ijs Philonem Palatinus certiore facit, se à magno suo Duce mandata

data accepisse, ne quam regijs finibus atque ditionibus vim aut iniuriam adferat. Monere igitur, ut mutua etiam Philo praestet: neque permittat, ut sui fines transgressi, hostile aliquid in magni Ducis Moschouiae ditionibus committant. Allatis lectisque vtrisque literis rex omnem eius deliberationem ad comitia referendam esse iudicauit.

EDICTVM DE SVPPPLICATIONIBVS, A SERENISSIMO POLONIAE REGE STEPHANO.

Wielicoluco ex Moschouia missum, die 5.

mensis Septembris, anno Domini,

M. D. LXXX.

STEPHANVS Dei gratia rex Poloniae, magnus Dux Lituaniae, Russiae, Prussiae, Massouiae, Samogitiae, Liouoniaeque, &c. princeps Transyluaniae, &c. reuerendissimis, reuerendis, magnificis, generosis, nobilibus, famatis, archiepiscopis, episcopis, Palatinis, Castellanis, regni nostri senatoribus, praeterea cuiusvis ordinis subditis nostris, sincere fidelibus nobis dilectis, gratiam nostram regiam, reuerendissimi, reuerendi, magnifici, generosi, nobiles, famati, sincere fideles nobis dilecti. Vtrumque facimus quam libenter, ut & ea quae decernuntur, communibus Reipub. comitijs geramus, & de rebus à nobis gestis, synce: & fideliter vestras faciamus certiores. Cum superioribus proximis Reipub. comitijs placuisset, bellum contra magnum Moschouiae Ducem susceptum continuari, nihil praetermisimus, quod

posset ad illud rectè atq; ordine administrandum, & in primis ad exercitus cum veteres retinendum, tum novos conscribendum pertinere: quib. omnibus, postquã ut ad Czafniciam (quo loco nos & Russiæ contra iniurias Moschi præsidio esse posse: & ad primarias alias atque alias arces hostiles per opportunos aditus habituros intelligebamus) certo die convenirent, edixissemus, nos Vilna profecti, eodem ad octavam Iulij mensis diem pervenimus: ac in primis frequentiore, & senatorum nostrorum & hominum militarium conuentu, de belli administratione, & quò potissimum arma in hostem inferremus, ad concilium nostrum retulimus: in quo & si variae initio dictæ sententiæ fuissent, eò tamè descensum postea est, ut Vielicolucum nobis cum exercitu ante omnia movendum, eamq; arcem omni conatu oppugnandum concluderemus: secuti quàm maxime, cum ipsam seriem & quasi tenorem gerendum rerum, qui nos ex locis, anno superiore proximo expugnatis & receptis Vielicolucum vocare & ducere visus est: tum Russiæ defensione, quàm uniwersam eo loci cum exercitu progressi, nos ab hostili vi tueri posse intelligebamus: præterea Lucensis arcis situ, fama, ditionis amplitudine, vbertate, qua exercitus nostri sine ditionum nostrarum detrimento ali ac sustineri possent, opportunitate deniq; ad signa nostra penitus in hostilia loca inferendum, eoq; hostem ad aliquam prælii dimicationem eliciendum: ceteraque deinceps ex Vielicoluco facilius promptiusq; administrandum adducti. Habito igitur exercitus nostri delectu, ex agro Czafniciensi Virepsium profecti sumus: quo in itinere, cum arces duas

hostiles,

hostiles, Vielisium vnam, in Dhunæ ripa, Virepsio ex superiore fluminis loco oppositam, atq; alteram Vŵiatum, quæ ad amnem cognomine in Dhunam fluvium illabentem, & propius Lucum versus ferentem, sita est: exclusuras nos tormentorum & cômatus ad exercitus nostros supportandi commoditate accepissemus, & cetero quum studium nobis esset Dhunani flumen magis magisq; ab hoste in potestatem nostram vindicadi, quò res maiore celeritate conficeretur, magnificum Ioannem de Zamoscie regni nostri cancellarium, & cum ijs copijs, quas hoc in bellum nobis adduxit, & alijs additis Vielisium oppugnandi causa præmisimus, quæ ex arce, cum vnius diei oppugnatione præsidium hostile feliciter deiecisset, nos ea poriti, præmissis primo agmine copijs Lituanicis Vŵiatum cum exercitu accessimus: locumq; munitionibus oppugnandi causa iam actis, metu potius admodò tantum quam ipsa adhibita deditione cepimus. Inde contractis in itinere copijs omnibus, quas duarum istarum arcium oppugnatio diuiserat, movimus, ac superata locorum inde ab Czafnicia incredibili vastitudine, itinere summo cum labore militum ac ingenti difficultate, quæ Vŵiatum, qua Vielisium exercitus inere, per assiduas densissimasq; sylvas factò, Vielicolucum progressi, ad arcem xxvi. mensis Augusti die castra metati sumus, quæ in castra cum id temporis oratores ab magno Moschouæ Duce ad nos venissent, eos nulla interposita mora audiuius. Verum cum à nobis contra omnes nostras rerum gerendarum rationes, contraq; dignitatem nostram postularent, ut nos in Lituaniam cum exercitu referremus,

negaretq; nisi id ante omnia fecissemus, se per principis sui mandata quicquam de ipsa legationis causa dicere posse: nos, repudiata & postulationis indignitate, & infidiosa tergiuersatione non cessandum rati, eundem Ioannem de Zamoscie cancellarium, cum copijs suis attractis, ceterisq; quas ad Vielsium habuerat, & maxima parte omnis peditatus trans flumen propius arcem castra alia facere, ibique curare iussimus, illaque ex parte nulla mora munitionibus, quibus visum est locis actis, & quo oportebat perductis, ipsis Kalend. Septemb. oppugnationem maiore apparatu ac conatu suscepimus: nihilque aut lenitatis, aut terroris pratermisimus, aut oppugnationis non adhibuimus, quo integra arce potiremur. Verum cum & praesidiariorum summa loci retinendi pertinacia esset, & vltima sibi expectanda coniurassent: & arx non modò loci natura, in edito planissimis circù locis, partim intra fluminis Louati, partim intra lacuum còplexus sita, nec tantùm modo consuetis ante hac Moschis parietum densissimorum còtignationibus firma, sed aggere etiam densissimo ac latissimo ex cespite extrinsecus obducto, tū qua flumen aut lacus non ambiunt: fossa maiore munitissima esset, ac omnino Polotiam omni genere firmitatis superaret. ad hæc praesidium validum & Polotiae aliarumque arcium propugnatione è quibus à nobis anno superiore impetrata salute discesserant, exercitatus inesset, vt omnino sine maiore militum nostrorū interitu, ac diuturniore obsidione, si in instituto permaneremus, necessario res nobis incendio experienda fuit, quod cum magna militum nostrorum virtute & discrimine, primum ex Vn-

garorum

garorum peditum munitionibus allatum, & hoste incredibilem in modum restingente, sæpius tri-duum repetitum atque diutius altum esset; ac deinde ex altera etiam parte per militem Polonicum, & attractas illas cohortes aggere ad propugnaculum maius, ad ligneas vsq; subtractiones suffosso, in nocte ante quintam Septembris diem maius conflaretur, praesidium verò, quoad igni iam temperari nullo modo posset, ab obstinatione hostili nō discederet, factum est, vt & arcem flamma, & ferrū quidquid propè hominum in arce fuit, per militarem iracundiam hostili illa pertinacia, & acceptis in oppugnatione incommotis, & eorum qui Polotia ac ceteris ex arcibus iam antè occupatis impune dimissifuerant: hunc in locum ad hostilia reditu irritatam, quinta istius mensis die prima luce deleuerit. Dum hac in oppugnatione versati sumus, oratores magni Moschouiae Ducis iterum apud nos dicendi potestatem sibi fieri petiuerunt: qua impetrata cum ea exponerent, quæ honestæ nobis & Reipub. paci & sarcendis incommotis, quæ ab eo hoste accepta sunt, minimè satisfacerent, leuioraque omnia quam nostra dignitas & iura Reipub. paterentur proponerent: ostendimus nos ad istiusmodi descendere non posse: cumque illi alia mandata se hoc tempore non habere dixissent, & à nobis peterent, dare ad magnum suum Moschouiae Ducem literas liceret, quibus cum de nostra voluntate atque conditionibus redderent certiore, ne quid pratermisisset videremur, quod facere ad spem iustæ honestæque pacificationis posset, & nostras dedimus ad Moschum literas, & oratores dare suas permisimus: ad

quas cum responderit, qua voluntate sit, certius fortasse cognoscemus.

Nos hæc Sinc. & fide. vestras scire volumus: cumque ea quæ adhuc bene feliciterque gesta sunt, vni Deo grata, cum animi pietate acceptum referamus, parq; sit, vt illi volenti, & propitio, & nos & omnes in Repub. nostra, ad cuius hæc utilitatem, amplitudinem, laudem in primis redundant, gratias agamus: hortamur sinc. & fid. vestras, ad ea omnia gratarum mentium studia, quæ supplicationibus alijsq; rebus, quoties bene gesta est res publica, suscipi consueuerunt. Quemadmodum hic res porro administranda, & hic locus nobis tuendus sit, de eo hoc tempore consilia cepimus: quæ deinceps è Repub. geri à nobis hoc bello posse, videbuntur, in ijs studium, consilium, curam, operam omnem nostram libenter consumemus. Bene valeant sinceritates & fidelitates vestrae.

Datum ex castris. nostris ad arcem nostram Vielicolucum die 6. Septembris, anno Domini, M. D. LXXX. regni verò nostri anno quinto.

Stephanus rex ss. t.

ORATIO

Oratio

CHRISTOPHORI WARSEVICII, AD SERENISSIMUM STEPHANVM, REGEM POLONIÆ:

QVA, EXPOSITO TOTO BELLI negotio, cum Ioanne, magno Moschorum Duce, XV. Ianuarij ad Zapolsciam confectam pacem gratulatur.

PACIS nuncium, Stephane rex, habes, quam Christo opt. M. de Virgine nato calitus Angeli venerant olim nunciatum. Perfectum est tandem summi Dei benignitate erga nos, & tua quadam veluti vigilia regali, eximiaque virtute vt contra magnum Moschouæ Ducem, iuste & legitime bello abs te suscepto, & prosperè fortiterque gesto, in tot annis & bellatoribus, quibus cum bella gessit, penè omnium solus, ad pacis conditiones quas volebas accipandas adegisse cum videre. Quò equidem nomine & tibi & Reipubl. in primis gratulor, & præstanti virtuti felicitatiq; tuæ, omnia præmia & insignia honoris, & ornamenta laudis ac gloriæ, iure optimo deberi, agnosco & profiteor. Quid enim aut beneficio carius, aut fama & opinione maius accidere potuit, quàm quod vt diuturnam quietem, prænunciam tempestatis, maximum & grauissimum bellum, sic demum instar solis, post

densissimas tenebras, optatissima pax, terrorem belliest subsecuta? Et verò iucundū est semper nomen pacis, & res ipsa salutaris, quæ & desiderio expectantium, & voluptate exultantium, & eorum, qui sunt eius seruatores gloria, vix admirabilius aliquid dixeris. Sed nimirum fert hoc humanarum & diuinarum ius legum, consuetudo gentium, ratio ipsa muneris & dignitatis regum, vt suæ subiectos potestati, omni iniuria & calamitate, prohibeant & defendant. Res porrò bello gestas, plus quàm pacem admiremur. verum si calu non consilio, temeritate, non necessitate, bella suscipiantur & gerantur, vel maxima quæq; vis expers rationis & consilij, mole sua ruit, nec sine vicissitudine aliquid potest esse diuturnum. Quo magis venerari & suspicere te cuncti debemus qui vt oculum metiris dignitate, ita bellageris & administras necessitate: & vt armorū capiendorum certam tenes rationem, sic deponendorum modum. Quippe cum non ea mens institutumque tuum sit vel fuerit, vt in luctu & sanguine eorum, quos ex præscriptione diuinæ legis non minus ac te ipsum diligere debes, nominis & imperij tui titulos proferas, & per omnia diuina, & humana iura impotenter grāssēre, sed armorum tuorum vis & ratio tota eò spectauit, vt imbelli multitudini sacerdotibusque & religiosiis viris, alijsque id genus subiectis tuis, digna professione pax nō desit, & vt ea quæ per manus tradita accepisti, non tantum sarta tecta que conseruare, verum etiam quoad eius fieri maxime possit, ornare, & augere videāre. Hoc animo & consilio ductus, Polotiam primū, deinde Velicolucū atque ita & Plescouiam, demum oppugnare aggressus es.

sus es. posteaquam, tot literis, legationibus & admonitionibus tuis cū grauissima testificatione desiderij pacis, apud magnum Moschouia Ducem nihil esset profectum. Quæ omnia & quale initium ac progressum habuerint, & quo exitu terminata sint, nullus est, vt opinor, in orientis & obeunris solis & Aquilonis, Austrivæ partibus locus, ad quem fama, & latitia earum rerum non perueniret. Nam & Polociam, quam sub Sigismundo Augusto rege, certa spe induciarum per literas facta, magnus Dux à Lituaniam auulserat, in pristinum statum libertatemque posuisti: & aliquot millibus hostium ad Socolum celis, orbi terrarū testatus es, illud esse bellū iustum, quod esset necessarium: illa arma gloriosa, quæ non ad innocētis sanguinis profusionem, sed ad sui suorumque defensionem: non ad inuidiosas opes minimeque ferendā potentiā, sed ad Dei opt. max. cultum, gloriāque propagandam, reges & principes caperent atque conuerterent. Quod tum vel maxime paruit, cum ad eius victoriæ monumentum, non statuas vel trophæa, non mutum aut tacitum aliquid, sed domum orationis, sacrarium pacis, templum Deo opt. max. Societatis Iesu extruxisses: vt cuius esset victoria, eidē daretur & honos, & à quo profectū, eadem ferri acceptum beneficium videatur. Etenim multa multis, soli Deo opt. max. cūcta debetur. Tandem verò in sequenti anno, contra hunc eundem Moschum, subsecuta est expeditio tua altera Velicolucensis, & multarum aliarum arcium expugnatione clarissima, in qua quàm longum & difficile iter emensus fueris, quomodo te erga captiuos gesseris, & quid potissimum in eo spectaueris longum esset

R

In expeditione prima anno 1579. Seren. regio Polonia contra Moschū. Litere pacis & legationes M. sua regia à Moscho non suscipiuntur. Polonia capitur.

Arcus triumphalis Deo extruitur Polotia.

In expeditione secunda anno 1580. Velicolucum & cetera arcus expugnantur.

Oratores
Vel potius ex
speculatores
Moscha in
castra regia
admittun-
tur.

Rex Varso-
niam ad co-
mitia reuer-
titur: Sbi &
manu con-
sensu omniū
ordinū rex
sterum in
Moschonia
professio-
nis.

In expedi-
tione tertia
anni, 1581.

commemorare. Illud quidē non pręteribo, etiam in medio cursu, & quasi ardore belli, à fide pacis cōditionibus alienum te non fuisse: & magni Ducis oratores (si oratores & non speculatores potius appellandi fuerant) in ipsa castra ad te admississe. Sed diem illos de die ducere, & nihil nō simulatē agere cognitum est. Itaq; capta & expugnata Velicoluco hostilibus copijs eis Turópeciā fulis & fugatis, Velisia, Neuelia, Zauclotia, Iezeriscia in potestatē tuam redacta, Vilnam reuertis, & mox Varsoviam ad comitia pfectus es. Quo vel legatos quoq; illos ducere placuit, ut quid & illi postularent, & tu velles, & Reip. expediret ab ordinib. regni cognosceretur & decerneretur. Sed vix in illatata, non dicā ordinū, sed hominum multitudine aliquis reperiebatur, qui ijs, quas illi offerebant conditionibus acquiescendum, & à bello desistendum arbitraretur. Non obscurē pręferebant omnes Liuoniam provinciam, pro qua bellum susceptum & gestum esset, sub Moscho recuperari oportere: & vel grauissimas quasq; difficultates, iacturas atq; detrimenta potius subeunda, quā ut nomine insidiosę pacis, pactio seruitutis Liuonię afferretur. Nec nō tot pręstantium virorum militumq; casus in bello, cum gemitu & lacrymis notabatur: siquidem omnium iacturarum iactura maxima hominum est, & videri debet. Quocirca in eam curā potissimum incubuisti, ut tertiam belli expeditionem contra Moschum, vel quā primū apparare potuisses, neq; aut tenuitas ararij, aut angustia tēporis, aut tardium & facietas belli, aut itineris longitudo, à persequēdi hostis celeritate te retardauit. Duxisti exercitū, haud scio, an etiā quā antē florenti-

florentiorem, copiarum numero, varietatē gētium & nationū, vsu & exercitatione bellandi planē mirandum: ita ut Plescouia, ad quam vis & ratio armorum tuorū conuerti in primis debuerat, postquam Ostrovia paucis horis oppugnata, per deditionem esset capta, breui etiam in potestatem tuam redigi posse videretur, & hac demum occupata, nō modò Liuonia hosti eripi, verū etiam ad maiora audēda & molienda occasio & materia pręberi posset. Sustine sustine rex, si Deus opt. max. ab imminente intuitu multitudinem cōseruauit eam, quā nec contra furorem Martis, superbiamq; victorię seruare fortasse potuisset. Hoc quidem tibi ademptū est nihil, quin etiam id, quod quæsieras, habes, & Liuonia pro qua bellū susceptū gestumq; abste fuerat, potire. Nemoq; sapiens culpę potius, quā fortunę, id iudicabit telum. Moschis verò, quę vnquam letior illuxisset, dies quā ea, qua pręter suam omniumq; opinionem sunt diuinitus ab interitu cōseruati? siquidem vitę latitia, quem nascendi conditio certior sit, semperq; fuerit. Oppugnavit olim terror ille gentium, tot molitor cladium, Aquileiam per triēnium enā: Carolus Quintus Cæsar Mettim frustra tentauit. Quid? num quod conatibus eorū euentus non responderint in eo quo tempore necessitatiq; paruerant, & fortitudinis laudem secuti fuerant protinus honorem & existimationē concoxerunt suam? Minimē gētium. Magnorum enim hominū gestas res, exitu metiri par non est, sed iustitia & æquitate. Et quāquam prosper & æquabilis sine vlla offensione

Ostrovia
capitur.

Plescouia
oppugnatur.

Moschi elatus & tumidus animus ad percedam pacem impellitur.

bellorum cursus in primis delectat, tamen nescio quo modo aduersis interdum casibus in bello etiam illustratur: & nō semper cūm volumus oblata, aliquādo etiā desiderata res magis nos recreat atq; reficit. Quo magis hoc tuum Plescouiense bellum gloriosum est, & videri potest, in quo nec tentata irruptionis infestus casus, neque alienum anni tempus, neque multa alia incommoda de statu mentis solitaque constantia animi te deturbauerunt. Quin etiam virtute & fortitudine tua talem exitum sortitū est, qualibus iustitia & aequitatis radicibus, vel inde ab initio innixum fuerat. Petijt tandem is abs te pacem, qui intra quadraginta annos nullas ad te literas daturum se, missurūve internuntium, paulo antea minabatur. Cessit Liuaniais, qui ne Liuania inferretur literis pacis, mētiōe vlla de ea fieret, à legatis tuis ante omnia postulauit. Denique, is qui tam gloriose & magnifice & loqui, & sentire de se multa ausus fuerat: quiq; diffidens suae, alienae virtuti & amplitudini frustra inuiderat, supplex tibi est factus: & eas conditiones pacis postremo accepit, quas tot latebris fallaciarum, & missione legationum subterfugere videbatur. At quomodo id non faceret? tua rex, & celeritate apparandi, & scientia administrandi, & fortitudine continuandi belli, tuiq; exercitus famis, frigoris, difficultatumq; omnium, incredibili tolerantia adactus & compulsus? Quid enim per Deum immortalem exercitu illo laboriosum? Quid ad omnes difficultates & discrimina vita ferenda, obfirmatum magis fuit aut esse potuit. Equidē quoad per aratē grauissimasq; occupationes licuit legi, & vidi aliquid, nec nō meminisse possum ducum & exer-

exercituum multorum, quorum in omni genere belligerendi, nobilitata est patientia, ita tamen statuo, nec pabuli vel commeatus quarrendi difficultate, nec longitudine viarum, nec intensissimi frigoris magnitudine, nec ferocia & crudelitate hostium erga captiuos, vllius exercitus labores & pericula, cum tuo posse cōferri. Memorabilis illa est eritq; semper, Alexandri Magni militum perseverantia, quorū opulentos Persas inopia Græcos, luxuriosos continentia, Indos desides, vigilantia, Caucasum postremo ipsum, siti, labore, inedia superauit. Ac ne vetera memoria repetere videamur: quā graue & difficile bellum Caroli V. Cæsaris ad Alligerium, quā molesta & exitialis Metensis obsidio fuerit, quis ignorat, vt tot tantorumq; aliorū bellatorum, eorumq; exercituum incommoda silentio trāseam. Sed inter horum gestas res, erit etiam, vt opinor, aliquid loci tuo, tuorūq; nomini: & haud scio, an exercitus fortitudinem & constantiam legens & audiens tui, non aliquis obstupescat. Quis enim media hyeme in media Moschouia in castris vnquam permansit? Mansit miles tuus. Quis in præduro & immanis frigoris cōcreto solo vallum tulit, corbes vimineos contexuit, munitiones exstruxit? cuncta hæc miles fecit & perfecit tuus. Quis adeo totis & tam longis, tamq; intempestis noctibus hybernis excubias egit? egit miles tuus. Quis nō modò cū hostibus, sed etiam cum elementis ipsis pugnam sibi desumpsit? sumpsit miles tuus. Ac breuiter, nullum difficultatum, nullū laboris, nullum tædij & patientiae est genus, in quo non exercuerit exercitū tuum hæc bellorum abs te gestorū ratio aut conditio, si-

ue querendi victus & pabuli gratia longissimas profectiones susceptas: siue tot manifesta mortis & fortunarum pericula adita à tuis, quis consideret: siue cum ferocissima gente, varia eorum certamina, leuioraq; praelia, & excursions hostium infinitas intueatur, in quibus milites tui duce & authore te, fere semper victoriam reportarunt. Cessit malitia iustitię, fraus & dolus veritati, temeritas rationi, furor virtuti: vis deniq; ipsa vi victa est, nec quo se contra te Moschus iactet vel excuset, habet. Fac Plešcouiam irruptione tentatam, in potestatem tuam non venisse. Quid tum postea? Enimuero ignoramus optabilius esse, semperq; fuisse, in hostili ditione armorum suorum vim, & terrorē longē lateq; proferre, quàm vnus vel alterius expugnata ciuitatis mœnibus includi & mancipari: ita, vt si optio eligendi detur, capiendā vrbs spe, nonnunquam excidere, quàm capta & possessa aduentui hostium opponere se non posse, malle videres non neminem, & quidē omnis belligerendi & administrandi ratio difficilis est, capiendarum arcium & ciuitatum difficillima. Quid & erit qui nesciat, in quanta trepidatione Moschus fuerat, cum tu hac eadē in bellum expeditione Plešcouiam ipse profectus, aliquā exercitus tui partem in penitiora Moschouia Polotia dimisisses. Quæ sane pars cū Christophoro Radiuilo Castellano Trocen. duce, imitatore auitæ & patriæ virtutis singularis, maximis & difficilimis itineribus Stariciam propè venisset, incredibile dictu est, in quantā desperationem Moschus adductus fuerit, si quidē in fugam versum biduo triduove latuisse, sunt qui assueverant, suam certē filiorumq; suorum coniuges, & ancillarum

Dux ipse Moschouia pro nimio terrore in abdita speluncarum loca detruditur.

rum greges, eum amandauisse Staricia cōstat: quādoquidem nō solum de vastitate agrorum, tantisq; suorum cadibus, ad ipsius aures constans & perpetua fama quotidie peruolaret: sed adeo flāmas & incendia à tuis excitata ē fenestra ipse intueretur, & singulis momentis ijs adhuc deteriora cum metu & horrore expectaret. Hęc similiaq; vulnera, ac (quod horum nō postremū est) perpetua illa cōscientię carnificina magno Duci de pace cogitationē iniecerunt, cum videret, ne ei quidē exercitus tui parti resistere se potuisset: & in quo spem ponebat maximam, mentes aliquot effluxisse, quibus vel maximis illis fratribus durantibus, vtq; obsidio Plešcouiē non soluebatur. Quid de se futurum esset, si aut Plešcouia caperetur, aut ea relicta in penitiora Moschouię ingrederetur hostis, prospiciebat animo: & tū externum, tum & internum malum magnopere verebatur: nempe morbi iij, qui in venis & visceribus inclusi latent, quā qui apparent, ægrius curatur. Dimisit ergo ad te internuntium, & vt pacificationis cum eo gratia, legatos Zapolsciam mitteres, quo propediē essent venturi sui, magnopere contendebat. Cuius tu postulatis, ne tui ipsius dissimilis viderere, qui semper honestam pacem, vel explorata victoria, anteferre te velle testatus es, refragari nec potuisti, neq; debuisti: præsertim cum adeo Pont. Max. autoritas eo quoque accessisset, qui à Moscho literis & legato habitis, Antonium Posseuinū Societatis Iesū sacerdotem, maximis quibusq; & grauissimis rebus recte & scienter tractandis, in primis probatum, ad te, & Moschus suo nomine ablegauerat, & ad Christianā pacem paternē vtrumq; hortabatur. Proinde biduo.

Internuntius ad te de pace tractanda mittitur.

Ad quā accessit authoritas summi pontificis, per legatum suū sanctitatis.

*Rex legatos
Zapolciam
mittit.*

*Tractatur
de pace.*

ante, quàm ipse ex castris discessisset, misisti Zapolciam legationem amplissimam cum mandatis, non obscure præferēs, si causa belli, quæ esset Liuania à magno Duce è medio non tolleretur, bellum etiam ipsum cessare non posse nec debere. Distat verò Zapolzia viginti propè à Plescouia miliaribus: via, quæ magni Ducis instituto, equi ad celeritatem Nouogardia, Zauolociam & Velicolucum, aliàs disponebantur. Cuius circumuicinam regionem omnem, magno & incredibili metu, hostibus incusso, miles tuus ita occupauerat, ut nescio quo modo in media Polonia seu Lituania quàm in Moschouia ipsa versari securius potuisset. Quo quidem ipso magni Ducis legati, non nihil de se solliciti, ad locum tractandæ paci destinatum aliquàto posterius, quàm tui aduenierant, & Posseuinus, quæ spe & cupiditate constituendæ pacis exarserat, ad eos profectus fuerat, ut nulla interposita mora, pacis tractatio sequeretur. Id adeò cum esset factum & varijs sermonibus, atq; disceptationibus, dies quamplurimi dati, tandem de Liuania tibi restituenda, quæ ante omnia ab ijs postulabatur, mandata habere Moschi legati confessi sunt, & ut vicissim arces aliquot, eo bello absto occupatæ magno Duci concederentur, efflagitarunt. Est Moschis fides Græca, siue ritum & doctrinam, siue mores eorum spectes. Itaque quicquid in quaestionē disceptationemq; ab eis veniebat, id diligenter versare animo & circumspicere cogitatione oportuit. Turpe namq; labi & decipi in ijs, quæ mutare nunquam possis. Erat præterea memoriæ proditū, Ioannē magni istius Ducis auum, sub Casimiro Poloniae rege, & magno Lituaniæ Duce præter fœ-

das

ductum, Magnam Nouogardiam possedisse. Quæ aliàs libera & immunis per se ex pactione fœderis, à neutro eorum infestari, & subigi debuerat. Huius verò filium, & istius patrem Basilium, sub Alexandro, Starodubum, sub Sigismundo I. Regibus Smolenscum, iurisiurandi religione violata occupauisse memorabant, nec non & ipsum hunc sub Sigismundo Augusto Polotiam, sub Henrico Peruauiam, ijsdem artibus possedisse. Quibus vestigijs & quasi impressis signis improbitatis atque fraudis territus, vel legationis illius fidem suspectam habere aliquis potuisset, sed timidi & suspitiosi cogitatio impedit se ipsam, cum maximè dispicit & prouidet cuncta. Dandum erat temporibus aliquid, dandum rationi moriq; communi, cum verū sit illud, quod dicitur, milles licet homo fraudetur ab homine, utiq; hominē cum homine viuere debere: dandus Pont. Max. suus auctoritati & postulatis locus, qui diuino nutu & potestate, in altissima specula pastoralis vigiliæ positus, per longissimam ætatem qua vixisset, maximarum rerum momentis, ad certam rationis normam toties ponderatis, amplissimis legationibus pro ecclesia obitis, & tot deniq; regnorum cladibus & mutationibus cognitis & perspectis, nunc in hanc, nunc in illam partē Christianæ Reipub. inferet oculos: & tanquam solers quidā prouidusq; nauarchus, Christianos reges & principes in his procellis & tempestate, ad concordiam hortaretur. Neq; verò & fletu ipso lacrymisq; legatorum magni Ducis vel ferreus aliquis commoueri nō potuisset. Qui de cæde & interitu suorum, cum aliquid inaudissent, (inaudiebant autem quotidie) aut cum suis captiuos duci &

longè à patria auehi cernerent (quod cernebant ^{sa-}
pissime) supplices manus in cælum tédere, & ad no-
mè pacis suspiria geminare videbantur. Et horù qui-
dè (vt opinio mea fert) fictè aut simulatè nihil. Quin-
etià si quis risus fuerat, fuerat à cordolio. Quis enim
non ingemisceret, tãta vastitate agrorum, exitio fa-
cultatum, direptionibus arcium, cæde & interitu ci-
uium, euerfione patrie, còmotus & excitatus. Graue
erat Moschis Polocense bellù: nemo eorù nò indo-
luit clade suorù ad Socolum. Velicoluensi excidio
quid miserabilius fuit aut esse potuit? ad Turapediù
suorù copias fusas & fugatas, præcipuos viros captos,
tot arcium præfectos, tantà commeatu & appara-
tus bellici, omnis generis vim interceptà memine-
rant. Harum rerù excruciat & torquebat eos re-
cordatio. Hoc aut casu grauius, aut còditione peius,
aut iactura famæ & hominum, maius nihil eis vide-
batur. Quid verò de bello isto Plescouiensi loquebat?
dies me deficeret, si quot Moschi in excursionibus
ab vrbe cæsi: quot dum suis opem ferre conàtur, per
agros interfecti: quot capti, quot in seruitutè abdu-
cti sint, vel fuerint, còmemorare velim. Nã & tum,
cùm in castris manebas, ferè singuli dies hostib. aut
captis aut interfectis nouis gratulationibus celebra-
bàtur. Post discessum tuum Ioànes Zamoscius regni
cancellarius, & exercituum tuorum imperator, vir
perpetuæ laudi & maximis muneribus obeundis in
Rep. natus, tot hostibus captis, tot interfectis, tot cò-
tinuis vigilijs fameq; fatigatis, suam & exercitus tui
perseuerantiam ita probauerat, vt non modò lega-
tis Moschouiticis ad conficiendam pacem stimulo
fuisset, verùm etiam vniuersæ Moschouie maximum

terro-

terrorem iniecisse, & dici & videri queat: præsertim
cum Spirkone Iordano præfecto, vetustate generis,
spectata virtute, còmendato certo militù numero,
in penitiora Moschouia immisso, agrisq; vastatis, &
hostium occisis plurimis, armorum suorum vim &
terrorem in ipsam Nouogardiam intulisset. Nò igitur
mirum est, aut videri debet, si vel legati magni
Ducis tanto desiderio pacis & quietis, vt diximus te-
nebantur: & ipse magnus Dux, còditiones eas, quas
subterfugere aliàs visus est, tandem aliquando acce-
ptauit. Non mirum si in Liuania triginta quatuor
arces, quas possidebat, tibi concessit. Non mirum si
Derpatù sibi & ditionibus suis adeò adiunctù, quæ
prima belli Liuonici eius materia & quoddam velu-
ti integumentum fraudis fuerat, post tot suas suo-
rumq; legatorum inficiationes, tergiuersationesq;
interpositas, reddidit. Non mirum si in Derpato se-
ptuaginta & octo maiora tormenta bellica, & in o-
mnibus arcibus, penè trecenta, & deniq; infinitum
minorum bombardarum, apparatusq; bellici vim
& numerum, volens nolens, reliquit. Non mirum
si tot & tam magni momenti captiuorum suorù li-
berationem conditionibus pacis non inseruit, sed
quoad eius fieri melius citiusq; posset, vt quisq; eorù
redimeretur nò recusauit. Non mirù si Velicoluca,
Zauolotia, Neueliaq; abs te redditis, & Plescouien-
castellis quibuscùq; relictis, decennalem ferire pacem
tecù non dubitauit. Non mirù si primi belli trophæa
& monimèta tuæ victoriæ, Polotiam Nieszerdam,
Cozianam, Socolum, Turouliam, Sithno, Sussam
Crasnum: si secundi Vsiatam, Velisiam, & lezieri-
scum, quas antea tenebat, cūctas in potestate tua re-

*Moschouia ce-
dit Liuania,
relictis 34.
arcibus cum
tormentis
maiorib. &
minoribus,
alijsq; in-
strumentis
bellicis, &
apparatu.*

*Captiui re-
dimuntur.*

*Pax decen-
nalis certa-
rum arcium
caussa fer-
tur.*

*Arces præ-
cipue per
nostros ca-
ptæ circaro-
gem relin-
quuntur.*

liquit. Non mirum si solitas illas licitationes & postulationes suas, de Liuonica hereditatis, de Cazanij & Astracani imperiorum titulis, tandem posthabuit & neglexit. Non mirum si legatos suos (vt ex verbis eorum, cum quid intemperantiùs loqui cœpissent, multò sese admonetium, elici potuit) in dictis & factis ad moderationem est præter morem adhortatus. Non deniq; mirum, Græci ritus cum sit, atque adeò, cum rex sacrorum quidam, simulq; Imperator videri velit: & cum plusquã regiam, & pontificiam maiestatem, in vestitu, consellu, & reliquis præferens, admirabilis nescio cuius potestatis & intelligentiæ rerum, diuinitus sibi datæ & conceditæ, apud suos exstimationem certa quadam arte & diligentia tueatur: si à Pont. Max. cuius nominis & gloriæ amuli, leues & temerarij Græci semper sunt & fuerunt, ad consequendam à te pacem, fauorem & auctoritatem, implorauit: & Antonium Possuinum Pont. Max. nomine missum, tanquam quẽdam arbitrum, istius pacificationis fieri permisit. Quid enim illo stimulis conscientiæ compunctum? Quid infelicitate miserum? Quid voluntate perditum? Quid metu abiectum magis dici aut cogitari potest? vetus est prouerbiũ: Nullam esse calamitatem solam. At hæ non vna aut altera: sed conspirant in Moschum infinitæ. Vidit ille domi suæ proditorem: in castris desertorem: sociam thori repudiavit, liberos in omni turpitudine & ocio educavit. Sentit se esse suspectum & odiosum suis, cum & ipse fuerit semper hostis suorum. Grauiissimas habet insidias eas, quæ latent in simulatione officij, & aliquo vinculo sanguinis vel propinquitatis. Præcepit in fu-

rorem

rorem agitur, & nuper mortis filij est causã sui. Restituit tandem vel inuitus Liuoniam: & cum Prussone scio quo, gentis suæ authore excogitato & confecto, Prussia ipsi adeò inhiasset, de qua ne verbum quidem apud se vllum fieri voluit: amisit & Liuoniam Dei opt. max. iusto iudicio, omninoq; admirando: quippe qui appetit aliena, perdit sæpe ea quæ æstimat sua: sicuti tu etiam hanc tam nobilem prouinciã, quam ille semper dixit & duxit suam, sepimentum Lituaniæ, decus & ornamentum regni tui, tot distinctâ castellis, refertam portubus, exaggeratam bonis omnibus, ex faucibus ipsius eripuisti. Quæ si loqui posset, ita haud dubiè ad te verba faceret. Grates tibi ago rex optime, quòd post tertium & vigesimum annum, ex quo Moschus libidine dominandi incitatus, me meaq; aggressus est, dextera tua forti, & non magis in bellis ac prælijs, quàm in pactis & promissis seruadis firma & laudata, sublato metu & formidine belli, in pristinã quandã dignitatis spem me reuocare dignatus es. Multa ego multis debeo. Sed vni tibi post Deum opt. max. acceptam fero libertatem. Præclare olim Meinardus, & post eum Albertus episcopus, Christianæ religionis & pietatis nostræ authores, non deterius Bremem: hoc eodem nomine de me meriti sunt & fuerunt. Grata Guilhelmi Cardinalis Mutinen. ex cõcilio apud Lugdunũ habito, in has oras missi, apud me viger memoria. Sed enim decora & ornamenta omnium, situ iam pridem obsita, squalore sordida, tenebris vetustatis inuoluta, tu in pristinam lucẽ & dignitatem posuisti: vt cum multa illis plurima Cruciferis, tibi demum cuncta iure optimo debeamus. & sicuti est

Moschus prænimo furorẽ filium necat, facitq; inuitus finẽ belli.

iucundior valetudo ijs, qui graui aliqua infirmitate impediti & lecto affixi diu admodum iacuerunt, sic & nostat opere desiderata, per te verò libertate parata vehementius recreamur. Sit clara & commemorabilis Platembergij apud nos: sit Hasencapij virtus qui ordinis Teutonici magistri hic aliquando fuerunt, & maxima grauiissimaque bella pro communi salute & dignitate confecerunt. Enimuero ea, quæ tu pro nobis suscipere & gerere voluisti, & intus laeta, & progressu gloriosa, & exitu salutaria magis censentur, literis monumentisque nostris inserentur, ad memoriam posteritatis transmittentur: quædoquidem vt & pater benignissimus, & bellator sapientissimus à meis te & domicijs, in hostiles agros armis conuersis & prolati, quod iam pridem sequutus, id assequutus es: vt ego à tot continuis bellis & calamitatibus respirare, & tandem nullam non gratiam à me tibi debitam, si nō referre, attestari erga te possim. Sic olim vt virtus Moysis illustris & peruagata magis videretur, populum Israeliticum seruire seruitutem in Ægypto Deus opt. max. voluit. sic vt magnitudo animi Cyri esset clarior, Persas à Medis graui dominatu opprimi contigit: sic ad ostendendam virtutis præstantiam Thesei dispergi aliquando Athenien. opportuit: sic deniq; (vt ad me ipse veniam) maximis & grauiissimis malis affligi Liunioniam necesse fuerat: vt de tua præstabili virtute, fortitudine, moderatione, iustitia, nulla vnquam vetustas obmutescat. Vicit nempe is, qui non insolenter efferri victoria sua, sed cuncta æquitate metiri videatur: neque cum Moscho immanitate sibi certandum, sed omni genere benignitatis, seipsum superandum potius

titus arbitraretur. En verò tibi bone vir superbia & tyrannis tua: quæ tumens & inflatus, nescio quæ non despicere præ te nuper videbære. Quin nec vides ipse, tãquam alicui Polyphemo oculo vno, Liunia, quo in diuersas orbis terrarum partes prospectabas, tibi adempto & euulso: nimirum intelligis, quantas vires virtus habeat, & quàm longè melius fuerit, Hyeroni Syracusano, cum priuatus esset, quàm Persæ Macedoni, cum rex diceretur, esse similiorem. Hic enim præter regnum, regale in se habuit nihil: ille non tam regno, quàm regnum eo, indigere videbatur. Cogita quatum inter sit, inter veram & fucatam gloriam, & quomodo diligi, quàm metui præferat: neq; sutorum tantum, verum etiam & externorum beneuolentia ad incertos temporum casus, & bellorum exitus expediat obsepiti. terræt apud te vestigia multos (vt aliquando dixit poetæ ille: intro spectantia nulla retro) & ferro gerirem, non semper aurum & argentum neruum belli esse, malo tuo experire. Deniq; si sapias, cur non potius Agesilaum, Tymoleonem, Dionem, quàm Nabidim, quàm Phalarim, quàm Dionysium imitandum putes? latiusq; esse viuere vitam Scipionis, quàm desiderare principatum Cæsaris. Quorum enim aliquis imitatur mores, eorum & exitum expectare debet. Vide quomodo Titus, Nerua, Traianus, Adrianus, Antonius, & Marcus apparitoribus, & doryphoris non egebant Romæ. & rursus, quomodo Caligulæ, Neroni, Vitellio, neq; Orientis, neque Occidentis exercitus, opem ferre potuerint. Animaduerte tyrannorum vim & potentiam corporibus nostris esse persimilem, quæ quoad bona vtuntur valetudine, latent in ijs incommoda

singula: nec facile morbum ægritudinemq; deprehendas: statim verò ut grauior morbus aliquis incurrerit, & corpus aduerſa valetudine vexari incipit, omnia etiam minima cum doloris ſenſu maximo, repente commouentur & excitantur. Ad eum modum tyrannorum iniuriæ & contumeliæ, prosperitate veluti velo obductæ, deliteſcunt: ſimul atq; increpuit bellū, aut ſeditio tyrānus corrui: neq; quicquam violentū poteſt eſſe diuturnum. Sed quid ego te admoneam? & num humanitatē ab hominū hoſte, ab immoderato modū, ab effreni diſciplinā, à barbaro expectē doctrinā? cur non potius ad te mea vnde initium cœpit ſe conuertit oratio? Ego te Stephane rex, pro eo ac debeo, veneror & colo, neque vllum præmium virtutis, vllum inſigne honoris, vllum monumentum laudis eſſe fieriq; poſſe exiſtimo, quod tibi à nobis iure & meritò non debeatur. Tu ex ſeruitute in libertatem, ex profundiffimis tenebris in lucem, à morte (ut ita dicam) in vitam me reduxiſti; tu calamitatem omnem & ſqualorem mihi ademiſti; tu & ſubſidia belli & ornamenta pacis attuliſti. Paruit olim orbis terrarum Romanis, ſeruauit Aſſyrijs, ſubiectus fuit Perſis: at enim & Perſarum diſciplina dignitate Aſſyriorum, & humanitate Romanorum videbatur tolerabilior conditio ſeruitutis. Huic verò tam fœdo & impotenti domino ſubiecta ſi fuiſſem, quam lucem ſolatijs, quod perſugium pacis, quem portum quietis ſperare poteram vel debebam, in cuius regno, nihil aliud quam flagitioliſſima luxuria, quam deterrima crudelitas, quam contumelioſiſſima ſuperbia, nihil aliud, quam dolor & gemitus perpetuus audiuntur.

Ergo

Ergo quàm maximas poſſum gratias tibi ago, rex, maiores etiam habeo, eiusque beneficij tui, memoriam erga me, nulla vnquam in obſcurabit obliuio. Tu fac, ut ſicuti ſperamus & optamus fore, pace concordia, tranquillitate, & ocio per te & in te perſuamur. Hæc Liuania, ſi poſſet, apud te hodie diceret. Quæ quoniam non poteſt, id à nobis tacita requirit, ut præſtanti virtute, rebusq; abſtegeſtis optimorum olim regum & principum memoriam in Polonia in animum nobis reuocemus & Lechos fortes, ſolertes Gracchos, Leſcones ſtrenuos, ſapientes Cazimiroſ, audaces Boleſlaos, moderatos Jagellones in te vno contemplemur: Deumq; opt. max. cuncti precemur, ut eum, quem per omnes omnium honorum gradus, ad regiam dignitatem extulit, quem poteſtatis ſuæ participem in terris, adminiſtrum iuſtitia, authorem pacis exteris admirabilem, ſuis venerabilem, hoſtibus fecit formidabilem, bonis omnibus auctum, & florentem, & quàm maximè diuturnum, & in omnes partes victorem eſſe, perpetuoq; fieri, patiatur.

FINIS.

S

ORDO QV ALITER SE-
RENISSIMVS REX POLONIE
IVXTA VETEREM CONSVETV-
DINEM CORONATVR, ET QVÆ SO-
lennitas & cerimonia circa
id seruari sint so-
lita.

IN primis congregantur episcopi & consiliarij re-
gni, alijsq; officiales, item abbates infulati, admi-
nus ex Diocesi Cracouiensi, qui omnes conuenire ve-
nientur pro die statuto coronationis.

Rex itaq; electus parabit se ut dignè accedat men-
sam diuinam corpus Christi sumpturus in die coronat-
ionis, unde ieiunio, elemosyna, & confessione expia-
bit peccata sua. Sequenti autem die quæ erit Domini-
ca, quæ rex est benedicendus. Archiepiscopus & sus-
fraganei, Abbates infulati, alijsq; Prelati omnes con-
ueniunt mane in Cathedralem ecclesiam, omnes ami-
cti stolis, pinialibus, mitris, infulis, superpilicijs, & il-
lud genere sacerdotalium. Senatores quoque omnes, & re-
questis ordo congregatur, quibus sic peractis, proce-
ssione ordinata per magistrum ceremoniarum, cum
turibulo & aqua benedicta alijsq; episcopalibus de
ecclesia in palatium eunt, si hola cum sacerdotibus &
abbatibus ad scalas palatii remanentibus, soli episcopi
cum archiepiscopo palatium ascendunt, ad deducen-
dum principem in ecclesiam Cathedralem, qui antea
inductus per supremum regni Marschalcum, vel per
magistrum ceremoniarum sandalijs, tunica chirote-
cis, alba dalmatica & pallio sine cappa, quem sic orna-
tum

um & inter barones primoresq; regni stantem, archi-
episcopus aqua benedicta aspergit, post hoc collectam
dicit:

Deus humilium institutor, qui nos Sancti spiri-
tus illustratione consolaris, præstende super hunc fa-
mulum tuum Henricum gratiam tuam, vt per eum
tuum in nobis adesse sentiamus aduentum.

Hinc rex in ecclesiam per Cracouiensem, & Cu-
taviensem episcopos deducitur, a dextra lenaq; appre-
hensa, præferentibus Castellano Cracouiensi coronam,
Palatino sceptrum, Vilnensi item Palatino pomum
aureum, & Andrea à Zboro W gladium enaginatū,
episcopi cum archiepiscopo cruce præcedente, abbates
infulati, & ceteri principes suo ordine quilibet succe-
debant. similiter duces Francia, & externorum prin-
cipum legati. Regalia supradicta à senatoribus qui
ea portabant accepta in altare deposita sunt, rex in so-
lio sistitur, ante quem archiepiscopus certas orationes
pronunciat.

Antequam autem rex coronaretur, orta est ma-
gna controuersia, ratione confederationis, inter quos
facta, Catholicorum, & Euangelicos sub interregno
facta, episcopis eandem, uti diuinis pariter, ac Eccle-
siasticis contrariam legibus, ipsisq; inuitis, & recla-
mantibus factam, improbantibus, Euangelicis con-
tra, propter rerum suarum securitatem, omnino fir-
mam haberi contententibus, sed postea omnis illa
contentio, inuento medio Deo volente sedata fuit, &
pace facta vnus episcoporum dicit subsequentem O-
rationem.

Omnipotens sempiternus Deus, celestium ac terrestrium moderator, qui famulum tuum ad regni fastigium, dignitatemque dignatus es prouehere, concede quæsumus ut à cunctis aduersitatibus liberatus, & ecclesiasticæ pacis dono muniatur, & ad æternæ pacis gaudium, te donante peruenire mereatur, per Christum Dominum nostrum, Amen.

Finita oratione admonet diligenter regem, de fide, de pietate in Deum, & de alijs virtutibus regis dicens:

Cum hodie per manus nostras optime princeps, qui Christi saluatoris nostri vices in hac re fungimur, quamuis indigni sacram vñctionem, & regni insignia sis suscepturus, bene est, ut te prius de onere, ad quod destinaris aliquantulum moneamus. Regiam hodie suscipis dignitatem, & regendi fideles populos tibi commissos curam sumis: præclarum sanè inter mortales locum, sed discriminis, laboris, atque anxietatis plenum: verum si consideraueris, quod omnis potestas à Domino Deo est, per quem regnant reges, & legum cōditores iusta decernunt, quodq; de grege tibi commissio, ipsi Deo rationem redditurus, primum pietatem seruabis, Dominum Deum tuum tota mente ac puro corde coles, Christianam religionem ac fidem Catholicam, quam ab incunabulis professus es, ad finem usque inuiolatam retinebis, eamque contra omnes aduersantes, pro viribus defendes. Ecclesiarum prælatis ac reliquis sacerdotibus, condignam reuerentiam exhibebis, ecclesiasticam libertatem non conculcabis, iustitiam sine qua nulla societas diu cōsistere potest, erga omnes inconcussè administrabis, bonis præ-

mia

miæ, noxijs debitas pœnas imponendo, viduas, pupillos, pauperes, ac debiles, ab omni oppressione defendens, omnibus te aduentibus benignum, mansuetum, atq; affabilem pro regia tua dignitate præbebis, & ita te geres, ut non ad tuam, sed ad totius populi vtilitatem regnare, præmiumq; benefactorum tuorum, non in terris, sed in cælo expectare videaris, quod ipse tibi præstare dignetur, qui viuit & regnat Deus, in sæcula sæculorum.

Absoluta oratione interrogat illum episcopus hijs verbis:

Vis fidem sanctam, à Catholicis viris traditam tenere, & operibus iustis seruire? R. Volo.

Vis ecclesijs ecclesiarumq; ministris tutor & defensor esse? R. Volo.

Vis regnum à Deo tibi commissum, secundum iustitiam patrum tenere, regere, & defendere? R. Volo.

Et in quantum diuino fultus suffragio, ac solatio omnium fidelium suorum valueris, ita me fideliter per omnia acturum esse promitto.

Finita interrogatione, rex coram archiepiscopo genuflexus capite ad aperto, dicit in hac verba: Ego Henricus, Deo annuente futurus rex Polonorum, præstator & promitto coram Deo, & Angelis eius, deinceps legem & iustitiam, & pacem ecclesiæ Dei, populoq; tibi subiecto, pro posse & nosse, facere atq; seruare, saluo condigno misericordiæ Dei respectu, sicut in consilio fidelium meorum, melius potero inuenire. Pontificibus quoque ecclesiarum Dei, condignum & canonicum honorem exhibere, atque ea quæ ab imperatoribus & regibus ecclesiæ collata, & reddita sunt, inuiolabiliter obseruare: abbatibus, comitibus, & vassallis meis com-

S in

gruum honorem, secundum consilium fidelium nostrorum prestare.

Post hoc, utramque manum ponit supra Evangelia dicens: Sic me Deus adiuvet, & hæc sancta Evangelia.

POSTEA DICIT ARCHIEPISCOPUS Collectam.

Omnipotens sempiterne Deus, creator omnium, imperator angelorum, Rex regum, & Dominus dominatum, qui Abraham fidelem servum tuum de hostibus triumphare fecisti, Moyse & Iosue populo tuo praelatis, victoriam in multiplicem tribuisti, humilemque David servum tuum regni fastigio sublimasti, & Salomonem sapientiae pacisque ineffabili munere ditasti, respice quaesumus Domine, ad preces humilitatis nostrae, & super hunc famulum tuum Henricum, quem supplici deuotione veneramus, & in regem eligimus, benedictionum tuarum dona multiplica, eumque dextera potentiae tuae, semper hic & ubique circunda: quatenus praedicti Abraham fidelitate, Moyse mansuetudine fretus, Iosue fortitudine sultus, David humilitate exaltatus, Salomonis sapientia decoratus, tibi in omnibus complacere, & per tramitem iustitiae inoffenso gressu semper incedat. Tuae quoque protectionis armis, & scuto insuperabili iugiter protectus, armisque caelestibus circumdatus, optabilem de hostibus crucis Christi victoriam fideliter obtineat, & triumphum feliciter capiat, terroremque suae potentiae illis inferat, & pacem sibi militantibus latenter reportet, per Christum Dominum nostrum, qui virtute

tute crucis tartara destruxit, regnoque Diaboli superato, ad caelos victor ascendit: in quo potestas omnis regni, consistit victoria: qui est gloria humilium, & vita salusque populorum: qui tecum vivit & regnat Deus, per omnia saecula saeculorum, Amen.

ALIA ORATIO.

Teinuocamus Domine, sancte Pater, omnipotens sempiterne Deus, ut hunc famulum tuum Henricum, quem tuae divinae dispensationis providentia in primordio plasmatum, usque ad hunc praesentem diem iuuenili flore latantem crescere concessisti: eum tuae pietatis dono ditatum, plenumque gratia & veritate, de die in diem coram Deo & hominibus ad meliora semper proficere facias: ut summi regiminis solium gratia supernae largitatis gaudenti suscipiat, & misericordiae tuae muro, ab hostium aduersitate undique munitus plebem sibi commissa cum pace propiciationis, & virtute victoriae feliciter regere mereatur, per Christum Dominum nostrum, Amen.

Post hæc archiepiscopus genua flectit, & rex infantiem prouoluitur: Cantores autem canunt, choro correspondente, & cum cantant hunc versum: Et obsequium seruitutis nostrae tibi rationabile facias. R. Te rogamus audi nos. Archiepiscopus stans ad regem prouolutum, cum cruce dicit: Et hunc electum in regem: Coronandum, benedicere digneris. R. Terrogamus audi nos.

Iterum canit: Et hunc electum in regem coronandum benedicere & consecrare digneris. R. Te rogamus audi nos.

Post hoc episcopi omnes cum abbatibus genua flectentes, lataniam prosequuntur supra regem prouolutum, quam cum finierint, archiepiscopus orationem Dominicam exorditur. Pater noster, &c. Et ne nos inducas in tentationē. R. Sed libera nos a malo. V. Saluum fac seruum tuum Domine. R. Deus meus sperantem in te. V. Esto ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

O R E M V S.

DEVS qui populis tuis virtute consulis, & amore dominaris, da famulo tuo Henrico sapientię spiritum, cum regimine disciplinę, vt tibi toto corde deuotus, in regni regimine maneat semper idoneus, tuoque munere ipsius temporibus, securitas ecclesię dirigatur, & in tranquillitate deuotio Christiana permaneat, vt in operibus suis bonis persequerans, ad aeternum regnum te duce peruenire valeat, per Dominum nostrum Iesum Christum, &c.

Benedic Domine hunc regem Henricum, qui regna omnia moderaris a saculo, & tali eum benedictione glorifica, vt Dauidicę teneat benedictionis & sublimitatis sceptrum; & glorificatus in eius protinus rapiatur merita: da ei tuo spiramine cum mäsuetudine, ita regere populum tuum, sicut fecisti Salomonem tuum continere regnum pacificum, sit tibi semper cum timore subditus, tibi que militet cum quiete, sit tuo clypeo protectus, cum proceribus, & vbique tua gratia victor existat: honorifica cum

eum pre cunctis regibus gentium, vt feliciter populis tuis dominetur, & feliciter eum nationes adoret, viuat inter gentium cateruas magnificus, sit in iudicijs aequitatis singularis, locupletet eum tuā perdiues dextera, frugiferam obtineat patriam, & eius liberis tribuas profuturam. Protella ei prolixitatem vitę, & in diebus eius oriatur iustitia, a te robustum teneat regiminis solium, & cum iucunditate & iustitia, aeterno gloriatur in regno, per Christum Dominum nostrum, Amen.

Postea archiepiscopus sedet, rex verò genua ante eum prouolutus, Dalmatica & piualia exuitur. Archiepiscopus autē intincto pollice dextro in oleo sacro ungit illi dextram a palma, ad cubitum, & inter scapulas, & in brachio dextro, dicens:

Vngo te in regem ex oleo sanctificato in nomine Patris & Filij & Spiritus sancti, Amen.

Pax tecum. R. Et cum spiritu tuo.

O R A T I O.

VNgo te in regem ex oleo sanctificato Spiritus sancti gratia humilitatis nostrę officio in te copiosa descendat, vt sicut manibus nostris indignis, oleo materiali pinguescis exterius ablutus, ita eius inuisibili vnctione delibutus, impinguari merearis interius, eius quoque perfectissima spiritali vnctione semper imbutus, & illicita declinare tota mente discas seu valeas, & vtilia animę tuę, iugiter cogitare, optare, atque operari queas, auxiliante Domino Iesu Christo, qui tecum viuut & regnat, Deus Dei fi-

lius Iesus Christus Dominus noster, qui à Patre oleo exultationis unctus est, præ participibus suis, ipse per præsentem sanctæ unctionis infusionem Spiritus Paraclyti, super te benedictionem infundat, eundemque usque ad interiora cordis tui penetrare faciat. Quatenus hoc visibili & tractabili oleo dona inuisibilia percipere, & temporali regno, iustis moderationibus executo, æternaliter corregnare ei merearis, qui solus sine peccato rex regum, vivit & gloriatur, cum Deo Patre in unitate Spiritus sancti Deus, pro omnia sæcula sæculorum, Amen.

O R E M V S.

Omnipotens sempiterne Deus, qui Azachiel super Syriam & Iehu super Israel per Heliam, Dauidem quoque & Saulem per Samuelem prophetam in reges ungi fecisti, tribue quæsumus, manibus nostris opem tuam benedictionis, & huic famulo tuo Henrico, quem hodie licet indignis in sacro vngimine delingimus, dignam delibutionis huius efficaciam, & virtutem concede. Constitue Domine, principatum super humerum eius, ut sit fortis, iustus, prouidus, & indefessus regni huius, & populi tui gubernator, infidelium expugnator, iustitiæ cultor, meritorum remunerator, ecclesiæ tuæ sanctæ, & fidei Christianæ defensor ad decus, & laudem tui nominis gloriosi, per Dominum nostrum Iesum Christum filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.

Christe perunge hunc regem in regimen, qui vn-

xisti

xisti sacerdotes, & prophetas, reges, & martyres, qui per fidem vicerunt regna, operati sunt iustitiam, atque adepti sunt repromissiones, tuæ sanctissimæ unctio super caput eius defluat, atque ad interiora descendat, & cordis illius intima penetret, & promissionibus, quas adepti sunt victoriosissimi reges, gratia tua, dignus efficiatur, quatenus in præsentem sæculo feliciter regnet, & ad eorum consortium in celesti regno perueniat, per Dominum nostrum Iesum Christum, qui tecum vivit & regnat, &c. Unctus est oleo lætitiæ præ consortibus suis, & virtute sanctæ crucis potestates aëreas debellavit, tartara destruxit, regnum Diaboli superavit, & ad cælos victor ascendit, in cuius manu victoria, virtus & potestas consistunt, & tecum vivit & regnat per omnia sæcula sæculorum, Amen.

Deus qui es iustorum gloria, & misericordia peccatorum, qui misisti filium tuum ut pretiosissimo sanguine suo genus humanum redimeret, qui conteris bella, & es propugnator in te sperantium, & sub cuius arbitrio, omnium regnorum continetur potestas, te humiliter deprecamur, ut præsentem famulum tuum Henricum in tua misericordia confidentem, in præsentem regali sede benedicas, ei que protinus adesse digneris. & qui tua expetit protectione defendi, omnibus sit hostibus fortior, fac eum Domine beatum, & victorem de inimicis suis, coronam ei corona iustitiæ & pietatis, ut ex toto corde, & tota mente in te credens, tibi deferuiat, sanctam tuam Ecclesiam defendat & sublimet, populumque à te commissum iuste regat, nullum ius insidiantibus malis iniustitiam vertat. Accende Domine cor eius,

ad amorem gratiæ tuæ, per hoc vñctionis oleum, unde vñxisti reges & prophetas, quatenus iustitiam diligens, per tramitem iustitiæ familiariter populum ducens, post peracta & disposita in regalia excellentia annorū curricula, ad te pervenire mereatur, per Dominum nostrum Iesum Christum, &c.

Prospice omnipotens Deus ferenis optatibus hūc gloriosum regem Henricum, & sicut benedixisti Abraham, Isaac, & Iacob, sic illum larga benedictionis spiritualis gratia, cum omni plenitudine potentiae irrigare, atque perfundere dignare, tribue ei de rore cæli, & de pinguedine terræ abundantiam frumenti, vini, & olei, & omnium frugum opulentiam, ex largitate diuini muneris, longa per tempora, vt illo regnante sit sanitas corporum in patria, & pax inuiolata in regno, & dignitas gloriosa regalis palatij, maximo splendore regiæ potestatis omnium oculis fulgeat, luce clarissima clarescat, atque splendore, quasi splendidissimo, fulgore maximo perfusus lumine videatur. Tribue ei omnipotens Deus, vt sit fortissimus protector patriæ, & consolator ecclesiarum, atque cœnobiorū sanctorum, maxima cum pietate munificentia, atque sit fortissimus regum, triumphator hostium, ad opprimendos rebelles & paganas nationes, sitq; suis inimicis, satis terribilis, præ maxima fortitudine regalis potestatis. Optimatibus quoque & præcellis proceribus, ac fidelibus sui regni sit magnificus, & amabilis ac pius, vt ab omnibus timeatur & diligatur. Reges quoque de lumbis eius per successiones temporum, futurorum egrediantur, qui regnum hoc valeant regere totum, & post gloriosa tempora, atque felicia præsentis vitæ gaudia

gaudia æterna in perpetua benedictione habere mereantur. Quod ipse præstare dignetur qui viuunt & regnat in sæcula sæculorum, Amen.

Postea episcopus aliquis, eorum manu gestans, in multa loca detergit, dicens:

Deus, Rex regum, & Dominus dominantium, per quem reges regnant, & legum conditores iura decernunt, dignare propitius benedicere hoc regale ornamentum, & præsta vt famulus tuus rex noster Henricus, qui illud portaturus est, ornamento bonorum morum, & sanctarum actionū, in cōspectu tuo fulgeat & post temporalem vitam, æternam gloriam quæ temporis non habeat finem, sine fine possideat, per Dominum, &c.

Deum induit regem piualii, & Dalmatica, dicens:

Accipe pallium, quatuor inijs formatum, per quod intelligas, quatuor mundi partes, diuinæ potestati esse subiectas, nec quenquam posse feliciter regere in terris, nisi sibi potestas fuerit collata de cælis.

His absolutis archiepiscopus manus abluit, & deposita infula dicit confessionem. Rex vero deductus in solium orat, & post alleluia in Missa, orationes pro rege aliquis episcoporum dicit. Postea regi genu flexo, archiepiscopus gladium porrigit, dicens:

Accipe gladium desuper altari sumptum per nostras manus licet indignas, vice tamen, & auctoritate sanctorum apostolorum consecratum, regaliter tibi concessum, nostroque benedictionis officio, in defensionem sanctæ Dei ecclesiæ, diuinitus ordinatum, ad vindictam malefactorum, laudem verò bo-

norum, & memor esto eius, de quo Psalmista prophetauit dicens: Accingere gladio tuo, super femur tuum potentissime, ut in hoc per eandem vim equitatis exerceas, molemq; iniquitatis, potenter destruas. Et sanctam Dei ecclesiam, eiusq; fideles propugnes, atq; protegas, neq; minus sub fide falsos, quam Christiani nominis hostes execres, ac disperdas, vi duas atq; pupillos, clementer adiuues, & defendas, desolata restaures, restaurata conserues, vlciscaris iniusta, cōfirmes bene disposita. Quatenus in hoc agendo virtutum triumpho, gloriosus iustitiæq; cultor egregius, cum mundi Saluatore, cuius typum geris, in nomine eius, sine fine regnare merearis, qui cum Deo Patre, & Filio, & Spiritu sancto, viuit & regnat Deus per omnia sæcula sæculorum, Amen.

Ibidem ulterius in Missa proceditur, & accingens illi gladium archiepiscopus, dicit:

Accingere gladio tuo super femur tuum potentissime, & attende, quod sancti, nō in gladio, sed per fidem vicerunt regna.

Postea ei diadema imponens dicit:

Accipe coronam regni, quæ licet ab indignis, episcoporum tamen manibus capiti tuo imponitur, in nomine Patris, & Filij, & Spiritus sancti, quæ sanctitatis gloriam & honorem, & opus fortitudinis intelligas significare, & per hanc te participem ministerij nostri, non ignores ita ut sicut nos in interioribus, pastores rectoresq; animarum intelligimur, ita & tu contra omnes aduersitates ecclesiæ Christi defensor assistas, regniq; tibi à Deo dati, & per officiū nostrę benedictionis in vice apostolorū, omniumq; sanctorū regimini tuo cōmissi, vtilis executor, perspicuusq;

spiciusq; regnator semper appareas, ut inter gloriosos atletas virtutū gēmis ornatus, & premio sempiternę felicitatis coronatus, cū redēptore & saluatore nostro Iesu Christo, cuius nomē vicēq; gestare crederis, sine fine glorieris: Qui viuit & imperat Deus cum Patre & Spiritu sancto in sæcula sæculorum.

Demum pomum typū mundi referens in sinistram & sceptrum in dextram ei dedit, dicens:

Accipe virgam virtutis atq; veritatis, qua intelligas te obnoxium mulcere pios, terrere reprobos, errantes viam docere, lapsis manū porrigere, disperdere superbos, & releuare humiles, & apperiat tibi ostiū Iesus Christus Dominus noster, qui de semetipso ait: Ego sum ostiū, per me si quis introierit saluabitur, qui est clauis Dauid, & sceptrū domus Israël, qui aperit, & nemo claudit: claudit & nemo aperit, sitq; tibi auctor qui eduxit vincitū de domo carceris, sedentē in tenebris, & vmbra mortis, ut in omnibus sequi eum merearis, de quo Dauid propheta cecinit: Sedes tua Deus in sæculum sæculi, virga æquitatis, virga regni tui, & imitando ipsum diligas iustitiam, & odio habeas iniquitatem, qui propterea vixit te Deus: Deus tuus ad exemplum illius, quē ante sæcula vnixerat, oleo exultationis, prę participibus suis, Iesum Christum Dominum nostrum, qui cum eo viuit, & regnat Deus in sæcula sæculorum.

Inter offeritorium, rex panem & vinum in altare offert. pacemq; (ut dicitur) exosculat. & sacrosanctum corpus diuinum accipit. Post hoc gladius ei discinditur. Absoluto sacro in thronū medio templo ordinatū deducitur, ubi ab archiepiscopo intronizatur & gubernaculis regni præsicitur, dicente:

Sede & retine amodo locum tibi à Deo delegatum, per auctoritatē omnipotentis Dei, & per præsentem traditionem nostram omnium, scilicet episcoporum, cæterorumq; Dei seruorum, & quanto clerum sacris altaribus propinquiorem aspicias, tanto ei potentior in locis congruis honorem, impendere memineris, quatenus Mediator Dei & hominum, te mediator em cleri & plebis, in hoc regni folio confirmet, & in regno æternæ, secum regnare faciat, Iesus Christus Dominus noster, Rex regum & Dominus dominantium, qui cum Patre & Spiritu sancto, uiuit & regnat Deus, per omnia sæcula sæculorum.

Tandem archiepiscopus exorditur, Te Deum laudamus, quo absoluto, stans à dextris regis dicit: Firmetur manus tua, & exaltetur dextera tua. R. Iusticia & iudicium preparatio sedis tue. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

O R E M V S.

DEVS qui victrices Moyfi manus, in oratione firmasti, qui quamuis ætate lægueretur in fatigabili, sanctitate pugnabat, vt dū Amalech iniquus vincitur, dum prophanus nationum populus subiugatur, exterminatis alienigenis, hæreditati tuæ possessio copiosa seruiret, opus manuum tuarum à nostræ orationis exauditione confirma: habemus & nos apud te sancte Pater Dominum Salvatorem, qui pro nobis manus suas extēdit in cruce, per quem etiam precamur altissime, vt tua potentia suffragante,

gante, vniuersorum hostium, frangatur impietas, populusq; tuus cessanti formidine, te solum timere condiscat, per eundem Christum Dominum nostrum. R. Amen.

O R E M V S.

DEVS inenarrabilis auctor mundi, conditor generis humani, cōfirmator regni, qui ex lumbis fidelis amici tui, patriarchæ nostri, Abrahamæ præelegisti regem sæculis profuturum, tu præsentem insignem regem hunc, cum exercitu suo, per intercessionem omnium sanctorum vberi benedictione locupletā, & in solium regni firma, stabilitate cōnecte, visita eum per interuētum omnium sanctorum, sicut visitasti Moysen in rubo, Iosue in castris, Gedeonem in agro, Samuelem crinitum in templo, & illa eum promissione, & sydereā benedictione, ac sapientiæ tuæ rore perfundere digneris, quam Dauid in Psalterio, Salomon filius eius te remunerante percepit de celo. Sis ei contra acies inimicorum, lorica in aduersis, galea in prosperis, sapientia in protectione, clypeus sempiternus, & præsta vt gentes illiteneant fidem. Proceres atq; optimates sui habeant pacem, diligant charitatem, abstineant à cupiditate, loquantur iustitiam, custodiant veritatem, & ita populus iste pullulet, coalitus benedictione Trinitatis, vt semper maneant tripudiantes, armis gaudentes & in pace victores, per Christum Dominum nostrum, Amen.

Tunc rex accepto in manus sacro gladio, aliquos tum nobiles, tum consiliares viros, habita cæ-

rimoniae dignitate, ad equestris ordinis dignitatem praecinctos prouexit. His peractis rex in palatium deducitur cibum capeffurus, ubi instructis mensis, accumbebat summum thronum ipse ac deinde per ordinem ceteri principes suas mensas accumbunt, tunc primores barones & senatores loca sua occupant. Marschalcis ceterisque officariis munia regalia obeuntibus, Dapiferis Architruchinisque praeeuntibus cum suis scipionibus, argenteis canistris panem, & auratis patinis varia tuceta, leucophaga, frictellas, tortas, & quicquid praeclarum ars appetitia exquisitissimas sumptuosissimasque per ordinem epulas copiose apponunt, assa, elixa, iusculenta, fruxa, pastillia, promulsidaria, pultaria, crustulenta, aliisque lautissimorum eduliorum genera sapidissimis succorum, multiuigis condimentis suffusa, quae L. Luculli Romani mensas superabant. Tandem die Lunae sequenti iisdem quibus antea insignia praeferebantur, in forum summa cum celeritate deducta, à ciuibus in edito folio ad id pulcerrime iuxta praetorium facto, iusiurandum & argenti ingentia per amplaque munera accepit. Ibi etiam assumens in manum aureum pomum, tum euaginatam gladium aliquot strenuos & benemeritos viros equestri ordini asciuit, ac aurata militia condonauit. His peractis ad Andreae Zboronij nuptias pedes, omnibus

plateis

plateis & tectorum summitatibus, multitudine oppletis, iuit. Peracto prandio hastiludia rege inspiciente exercebantur extra muros, ibidem & postera die sacra regia maiestas liberalissimè tractabatur. Samuel autem Zborowski qui ad coronationem neglexerat venire, centum viginti equites sumptuosissimo ornatu Hungarico ei ostenderat. Plurimi postea dies in audiendis gratulantium principum externorum legationibus & in quibusdam causis decidendis transacti sunt. Atque hanc veram coronationis augustissimi Poloniae principis descriptionem, Lector candide, boni consule. Vale, & nos redama.

T y





COMPENDIUM CHRO-
NICORVM LITVANIÆ, SE-
CVNDVM SERIEM ET SVCCES-
SIO-
NES DVCVM GENTIS A PRIMO HO-

*rum conditore ad nouissimum or-
dine seruato.*

*Lituania
populi.*

*Cimbri En-
deprognati.*

TOLEMÆVS ille vniuersi orbis
geographus curiosissimus, his in re-
gionibus quæ hodie à Lituanis co-
luntur, & quæ eorum ditioni vtpo-
te Russia, Podolia, Volhinia, Podlas-
sia, Samogitiaq; subsunt, hos populos colonias suas,
(quorum hodie ne vestigium quidem apparet) anti-
quitus habuere recenset, Galindos, Bodinos, Geni-
nos, Sudinos, Cariones, Amaxobios, Stabanos, Stur-
nos, Nascios, Asubios, Wibiones, Ombrones, inter
Lublinam & Brestiam, Sargatiosque. Quos omnes
ex Cimbris, Gothisq;, & Sarmatis ortum sumplisse
idem Ptolemæus asserit. Sarmatorum autem dedu-
ctio cum latius à nobis descripta pateat, Cimbro-
rum nomen, & successiones mihi explanandæ vi-
dentur. Cimbro itaq; à Gomero nepote Nohæ ex
maximo natu filio Iapheto ortos esse, nomenq; ab
eo per tot sæcula paululum immutatū trahere con-
sentiens

sentiens omnium historicorum opinio est. Hæc
posteritas Iapheti, cum maiorem orbis terrarum
partem, in Europa, Asiaq; minori occupauerit, quod
ipsi cum etymon nominis dilationem significantis,
tum fausta Nohæ parentis imprecatio portende-
bant, pars eorum à Gomero orti, ad Bosphorum Ci-
merum Mæotidis paludibus proximum, (qui de illis
Cimmerius est appellatus) ultra fontes Tanais flu-
uij, vbi in Ducatu Rhesanensi Moschouia principi
subiecto oritur, sedes suas habuerunt. Postea suc-
cessu temporis, quod haud difficile illis fuit, per
regiones propinquas, Russiam, Lituaniam, Liioni-
am, & Borussiam, nunc Prussiam appellatam, & Cim-
bricam chersonesum vbi Sueci, Dani, Holandi pro-
gressi, toto eo littore se passim diffundentes latè do-
minati sunt, & castrato paululum nomine, litteraq;
interiecta Cimbri nuncupati. Quando verò & qua
occasione hæc migratio contigerit, quoniam nulla
gentis ab eo tempore monumenta extant, ex quib.
id constare possit, ignotum est. Caterum fuerunt
semper Cimbri gens bellicosa, strenua, manu prom-
pta, id enim res ab ipsis fortissime adacissimeq; ge-
stæ testantur. Hijs namq; colonijs septentrionalibus
relictis in numero trecentorum millium, per Ger-
manorum regiones in Heluetiam, Galliamq; in pri-
mis penetrarunt. Deinde Hispanias populabūdi va-
stauerunt. Inde annū circiter centesimū decimum,
ante natum Christum in Italiam excurrerūt, quam
vastabundi passim deprædarunt, Romanorumque
consulem Papyrium Carbonem, cū vniuerso exer-
citu fuderunt. Postea ab eisdem M. Iunius Siluanus,
& ipse Consul contracta infelicitè pugna, supera-

*Tanais flu-
uium.*

*Cimbrorum
patria.*

*Cimbri Gal-
liam & Hi-
spaniam in-
gressi.*

*Cimbrorum
in Italia bel-
la.*

*Infelix cum
Cimbri Ro-
manorum
conflictus.
æruū strages.*

tur. Aurelius deinde Scaurus Consul is legatus am-
fiscopijs Romanis, in manus eorum viuis perue-
niens, à Bolo rege Cimbrorum occiditur. Id Tacito
affirmante actum est, anno sexcentesimo quadra-
gesimo post urbem conditam. Tandem Romani
maioribus copijs collectis in aditu Alpium contra
Cimbros exercitum opponunt, fusi tamen & ad in-
ternitionem prostrati, vbi C. Manlius in pugna in-
terfectus, occubuit. Octuaginta verò millia Roma-
norum militum cesa. Q. Seruilius Cæpio imperator
exercitus, ex conflictu funesto vix cum denis elap-
sus, Romam tantæ cladis nuncius perueniens, bon-
is omnibus publicatis, ex decreto senatus, quod te-
meritate sua exercitum perdiderit, iugulatur. Aiunt
Romanos vno in prælio maiori clade & detrimen-
to vnquam affectos esse, quam obrem suspensis me-
tu animis, de exitu imperij sui magnopere solliciti,
præsentique rerum suarum periculo vehementer
conturbati, cum hostes exitum, vbi minitantes pro-
pediem aduentare nunciarentur. Caium Marium ex
Lybia vbi Iugurtham deuicerat, ducem bellicosissi-
mum, & fortunatum vocauerunt, duobusque an-
nis ab illa clade Romanorum elapsis, Marius, Cim-
brorum & Teutonum, ad aquas Sextias crueto præ-
lio ducenta millia fudit, tantâque fertur caesorû mul-
tudo, vt Massilienses congestis defunctorum ossi-
bus, vineas eisdem oblesperint, sanguineque huma-
no agri quasi stercore multo pinguescentes vber-
rimi, feracissimi que redditi sint. Itaque Cimbri at-
tenuati & numero virib. sed animo minimè fracti,
in vnum conglobati, Q. Catuli proconsulis exerci-
tum in fugam verterunt, ad fluuiumque Arthesin ca-
strame-

strametati sunt. Quò Marius summa celeritate ad-
uolans, coniunctis copijs suis, cum exercitu Catuli,
inito prælio 29. die Iulij centum quadraginta mil-
lia Cimbrorum occidit. Quæ clade ad extrema reda-
cti Italia egressi, patrias oras, vtpote Daniam, Prussi-
am, Suetiam, Liunioniam, Lituaniamque petierunt, ex
quibus illi qui Lituaniam occupauerant Gepidæ
nuncupati fuere. Hac verò in regione vbi Samogitia,
Æneas Syluius Massageras, gentem Plinio celebrem
confedisse testatur. Lituani verò gentem, qui
antiquitus Gepidi vocabantur ex Gothis oriundam.
Erasmus Stella pulcris rationibus affirmat cum du-
ce Litalano, siue Litwone, Vedenuti Prusie regis fi-
lio, anno Domini 573. in has regiones vicinas patris
imperio quas olim Alani incolebant, venisse. Li-
tuanieque nomen à sui denominatione eiusdem
indidisse. Samogitiam verò à fratre eiusdem Lituo-
nis Saimone principe appellatam, idem Erasinus
Stella in Prussia historia testatur, quæ tunc temporis
longè in Prussiam, & Liunioniam usque extendeba-
tur. Similiter Lotialos, siue Lotwonos, qui nunc Li-
uones post Germanorum ingressum Latinis di-
cuntur, ab eodem Litwone cum Litwania pariter
nomen traxisse. Hæ autem gentes, vtpote Pruteni,
Polowci, Samogitæ, Gepidæ, Lituari, Liuones, Cur-
landi, latwinge siue lazyges & Iaczwingi appellati,
vt vnum idioma, ita eosdem mores, consuetudines,
legesque & bellorû expeditiones in Christianos con-
cordi Marte, semper habebant, nisi singulæ singulis
principibus finibusque certis dirimebantur. Iaczwingi
autem fuerunt populi crudelissimi, in finibus Litua-
niæ iuxta Massouiam, vbi hodie Podlassia colonias

*Marius Cim-
bros fudit.*

*Cimbri in
Italia.*

*Lituani à
Cimbris or-
ti.
Lituania,
Samogitia
& Liunia
denominan-
tio.*

*Iaczwingi,
siue lazyges
gens crudelis.*

*Lituaniam à
Lituo.*

*Itali Litua-
nia gentis
propagato-
res.*

*Vulgus Li-
tuanorum
ex Gothis
nobiles ex
Italis orti.*

*Polamon
Italus pri-
mus dux Li-
tuanorum.*

suas habebant, qui in bello non referebant pedem, quin vincerent, aut vincerentur: ideo bellis assiduis interierunt; reliqui eorū in Lituanos Russos, & Masovitas ob vicinitatem abierunt. Opinantur alij Lituanos, à *Lituo* quod cornu venatorium significat, dictos esse, quorum opinio, ut anilis & stulta iure ab omnibus irrideretur. Matthias autem Miechouienfis, & Dlugosus Polonicae historiae indagatores, ac antiquales Ruthenorum testantur, Italos duce Palamone, vel ob tyrannidem Neronis, vel pro meritum exilium, aut ab Attila Hunnorum reges crudelissimas patriae vastationes fugientes, has regiones, longa navigatione superata, ex sinu maris Baltici, quod Prussiam, Samogitiam, Liunionāq; alluit, per Nēnam fluvium *Crononem* Ptolemæo dictū, classe ingressos fuisse, quod & ipsa gens Lituanica strenuè asserit. Quamplures enim dictiones Latine, & Italicae idiomati eorum intermixtae habentur. Aiuntq; hūc Palamonem (quem ipsum nomen Latinum, Italumq; esse prodit) cum certa comitina ex nobilibus propinquitate iunctis collecta, quorum præcipuos, Virginius, Columnas, Iulianos, Calatianos, Gastaldos recensent, Lituanie nobilibus familijs & stemmatis principia dedisse; vulgum verò Lituanorum vepote colonos, & agrestes ex Gothis natos asserunt, in hancq; sententiam plurimi Polonicae & Germanicae, ac Russorum historiae scriptores astipulantur, quorum iudicio & auctoritati, nos quoq; acquiescentes cum eisdem sentire volumus.

Hic itaque Polamon ob innatam industriam, à gente barbara princeps salutatus, eam coram nomine patriae suae Italiae (præposito articulo Italis in fa-

mini-

minini generis nominibus efferendis consuetudo) *Italia* appellasse creditur, quæ postea longo temporis successu Italicis moribus, idiomateq; in barbariem populi cōmutatis, Lituania dicta est. Quidam etiam eosdē Italos à littore maris Baltici, quod Prussiam, Liunioniam, ac Lituaniam, Samogitiam extrema aluit, eò quod ibi prius confederint, Lituaniam cognominasse putant. Succedente postea Palamoni quodam ex eadem gente principe, Itali recens Latinarum nomen non modo deposuerunt, sed ignatam quoque & peregrinam eorum incolarum linguarum, apud quos principatum aripuerant addiscentes, in suam cooptarunt, viuendiq; normam & modum cum eiusdem barbaribus susceperunt. Ceterum hæc gens Lituanica longo tempore à sui imperij primordijs obscura fuit, Ruthenorumq; iugo subiecta, ut princeps Kiouienfis Russiae quondam monarcha, ab eis periomata, subiectaq; ob egestatem & soli sterilitatem, in signum tantummodo subiectionis exigeret: donec Mendolphus siue Mendog, & Witenen, Gediminusq; duces illustres heroica magnanimitate illa innata, dudumq; segnitia rei militaris oppressa excitata, rebellionem contra Ruthenos, ab antecessoribus suis inceptam continuantes, vnus post alium in Lituaniae imperio succedentes, Russiae principibus partim strenuo Marte, partim astu frequentius aggressis, & quasi debellatis, sensim adeo viribus creuerunt, ut iugo Ruthenis omnibus iniecto, etiam ad tributa sibi pendenda eos compellerent, quæ pluribus ab annis Ruthenis ipsi pendebant, ac pro periomatibus & subere aurum, argentumq; exigunt. Nunc Lituanorum successus & seriem

*Lituaniam ab
Italia cognominata.
Lituaniam à
littore.*

*Lituaniam
obscuram,
Russiae tribu-
tarij.*

*Lituaniam
iugum Ruthenorum excus-
tantes.*

à primis principatus, incrementis, secundum Ruthenorum opiniones aggrediar, à tribus fratribus Palamonis nepotibus, initio sumpto.

ORDO, GENEALOGIAQVE Ducum Lituania.

*Palamonis
nepotes.*

Palamoni ex Romanis patritijs genus suum ducti, fatisq; in Lituania multis periculis exaltatis commigranti, tres nepotes (quos Rutheni filios eiusdem contra veritatem histotia legitimos scribunt) in imperio Lituano successerunt, Borcus, Cunossus, & Spera nominati.

*Borcus.
Kunos.
Spera.*

Borcusq; arce ad Iuriam fluvium vbi in Crononē siue Nemnam exoneratur, in Samogitia erecta, à sui nominis & fluij cōposita denominatione, eam *Jurborg* quæ hucusq; durat, appellauit, imperiumq; in Samogitas exercuit.

*Kunossow
arx.*

Cunos, verò vltius procedens eadē in regione castrum Kunossow fundauit à suo nomine appellatum, ad quod regio subiacens pertineret.

*Kiernus.
Gybus.
Kiernus
arx, & se-
des magni
Ducatus Li-
tuania.*

Spera quoque Vilkomir arce ad fluenta Swenta edificata, ibidem dominari cōcepit. Tandem Borco & Spera fatis concedentibus, Cunos in vtriusque partes successit, duosque filios Kiernum & Gybutum procreauit. Mortuo Kunosso, Kiernus filius in Lituania principatu ex vtraque ripa Wilia fluij arrepto, Kiernow arcem Ducatus sedem erexit. Hunc Lituania à littore & tuba siue lituo cornu venatorio, appellasse Rutheni & ipsa gens Lituanica nulla certa, probabiliq; ratione fulti autumant. Gybutus etiam Kiernow Germanus Samogitiae habenis praefuit, manuq; coniuncta cum Kierno

Ruf-

Russiam apud Braslaw & Poloczko longè lateque vastauerunt. Cumque exuijs onusti reuerterentur, Samogitiam à Liuanibus vicinis spoliata inuenerunt, quam vlciscētes Liuaniam vicissim igne, & armis, vastatam diripuerunt.

Kierno è viuīs decedente Ziibundus filius in Lituania succedit, Gybuto verò in Samogitia Mūt Wil, hi quoque fraterna synceritate sese prosequentes, pacificè gentium suarum habenis praefuerunt. Russiae principibus tributa persoluentes, periomata videlicet ad balnea & contornos de subere more gentis contextos. Munt Wilo deinde Parcīs vocantibus, non diu regnanti, Vikint filius in Samogitiae principatum, euectus est.

*Ziibundus
dux Litua-
nia.*

*Munt Wil
Samogitiae
dux.*

Vikint.

Interea verò cum Batti Tartarorum imperator, Russiam magna ex parte deuastasset, potentiamq; ducum eius diminuisset, & debilitasset, Ziibundus Lituaniae dux nacta occasione ad iugum Ruthenorum excutiendum, & libertatem vindicandam, fratribus Wikinti Erdziwilum filium in Russiam infestandam armata manu destinauit. Itaque Erdziwil tranato Vilia flumio, Nowogrodek arcem & ciuitatem Ruthenorum occupauit, ibidemq; sedē Ducatus sui posuit. Vltiusq; castra mouendo ad Nemnam fluvium, scopulo, natura loci munitissimo reperto, castrum quod *Grodno* appellatur ibidem erexit. Tandem in Podlassium cum exercitu penetrans Brzestiam, Mielnicum, Drohicinum per Batti Tartarorū desolatas arces Ruthenorū occupauit, muniuitq; & omnē eam oram suam in ditionē paruo negotio redegit. In Lituania verò bene meritis exercitus ductoribus prouincias, vnicuique pro sua di-

*Batti Rus-
siam vastas-
sit.*

*Grodno a-
dificata.
Podlaskia
ab Erdziwilo
occupata.*

*Eixis.
Gransis.
Campā.
Lituanis
procceres.
Erdziulus
Tartaros
sternit.*

*Mingailo
dux Litua-
nie.*

Skirmunt.

Ginuil.

Boris.

gnitate, distribuit, Eixio ex quo Douoinorum familia creuit, regionem hanc ubi ab eo nunc Eixiski oppidum nuncupatur. Granso ubi Granskij: Campa verò ex quo Gastaldorum nomen in Lituania Osmianam dedit.

Erdziuil igitur viribus in Russia & Lituania auctis, Tartarorum ZaWolhensium regem Kurdalsum nomine cum suis copijs Ruthenorum regionis ex consuetudine depredantem apud Mozeram oppidum, in fluuio OkunioWka dicto prostravit, fugauitq; Multis gestis heroicis exactis, fatis concessit. Mingailum verò & Algimuntum filios imperij successores reliquit. Algimuntus Samogitię prefuit: Mitgailo verò Polocensibus Ruthenis liberè absq; iugo cuiusquam uiuentibus bellum intulit, quibus apud Grodzecz arcem eorūdem quam exulit debellatis, Poloczka cepit, imperiumq; in Polocenses, ac Nouogrodeneses latissimè exercuit, Ginuilo, & Skirmunto filijs, patrię dominis relictis, è uiuis decessit.

Skirmunt itaq; persolutis patri funebribus exequijs, Nouogrodecensium & Lituanorum habenas moderauit. Ginuil verò Poloczka iure naturali deuolutā administravit, qui ducta in matrimonium Maria Twerensium ducis filia baptizatus est, atque Georgius cognominatus, cum Pskouiensibus, & Smolenscijs acerrimum bellum pro patria gessit, Borisso filio in Polocensi Ducatu relicto, spiritum exhalauit.

Boris ex more patri iustis persolutis, Poloczka summa cum dexteritate moderauit, Basilicam sub titulo sanctę Sophię in arce de lateribus coctis pul-

cerri-

cerimine sumptuoseq; erexit. Item aliam Saluatoris Iesu Christi, qui *Spes* Ruthenis dicitur, & monasterium virginum medium milliari à Poloczka, (ubi modernus dux Moschouia in oppugnatione Poloczka, domicilium suum habuit) Borissq; & Hlebi duorum Ruthenici ritus ecclesias instaurauit ac dotauit. BorissoWo arcem & oppidum ad Beresinam fluuium, à sui nomine appellatam fundauit, ad quā usque magnus Dux Moschouia fines suos pertinere contendit. Borisso decedenti Basilus RechWold filius in Polocensi principatu successit, qui ætatis plenus ad superos migravit, relicta filia Poroskauia & Hlebo filio. Hlebus paucis annis in Poloczka exactis, fatis concessit. Poroskauia verò soror sua calibem virginealemq; vitam ducens, in monasterio Ruthenici ritus vixit, postea deuotionis causā cum quibusdam monachis Gracis, Romam petijt, ibidemq; mortua, ob vitę sanctimoniam canonisata & catalogo sanctorum scripta Paraxidisq; Latinis secundum Ruthenorum opinionem appellata. Nunc à Polocensibus Ducibus, ad Lituania principes redeo.

Skirmunt filius Mingaili & frater Ginuili, Lituania habenas viriliter moderans, Mscislaum ducem Lucensium cum copijs Russorum sibi occurrentem prostravit, arcesq; Pinskam, & TuroWiam eisdem eripuit. Postea Balaklaium Tartarorum ZaWolhensium regem apud KeidanoW Russiam ualentem cum vniuerso exercitu fudit, fugauitq;.

Tandem Russia principibus bellum intulit, ed quod illum Lituania pellere niterentur. Mortisque successu copijs Russorū debellatis, Mozeram, Cer-

*Borissow
fundata.
Basilus
RechWold.*

*Poroskauia
Poloczka
Ducissa.*

*Skirmunt
Ruthenos
prostravit.*

nihouiam, Karasouiam arces cum suis prouincijs expugnauit, imperioq; suo subiugauit, ac tribus filijs, Stroinato, Lauborto, & Pislumonto in hereditatem concessit.

Giedrus. Kukouoitus patruus Skiermonti in Lituania & Samogitia principatu multis annis exactis, naturæ debitum soluit. Giedrusso verò genero, qui filiam suam Poiatam matrimonio copulauerat, principatum commisit, qui Lituania & Samogitiæ habentis summa cum dexteritate administrans moritur, Ringolto filio relicto.

Ringoltus princeps Russiae stirnit. Ringolt patri funebribus exequijs more gentili persolutis, Lituania & Samogitiæ præficitur. In hunc principes Russia inuidia ducti, ob tributa non persoluta exacerbati conspirauerunt, quatenus Ducatu paterno exueretur. Itaque exercitibus conscriptis, in Lituaniam valida manu cum Tartarorum auxiliarijs copijs excurrunt, quibus Ringolt viribus Lituanicis & Samogitiæ accinctus occurrit, acrique commisso prælio ad Nemnam fluuium iuxta Mohilnam, Tartarorum sex millia Ruthenorumq; ingentes copias prostrauit. In quo conflictu ex ductibus Russia, Demetrius Drucensis, Sweroslaus Kiouiensis, Leoq; Wolodimerensis occubuerunt. Ringoltus hac victoria & alijs multis clarus, rebus humanis excessit, cui Mindog filius in principatu successit, anno Domini 1340.

Mendog siue Mindog dux Lituaniæ, Samogitiæque, cõmunibus suorũ acclamationibus creatus, cum Prussienfibus Crucigeris & Liouienfibus multa præclara bella gessit, Smolenskam & Wolhinia duces imperio suo post varios conflictus subiecit.

subiecit. Boleslaum Pudicum regem Polonia 1243. anno à Christo nato, Danielemq; Russiæ monarchæ & regē coronatum 1246. sæpius excursorijs pugnis, cruenta cum clade Christianorũ molestauit. Massouiam, Dobriniam, Kuiauiã, igne ferroq; multis spolijs onustus frequenter peragrauit. Postea anno Domini 1252. à Cruciferis Prussiæ, Liouiaq; inductus, fidem Christianã cum nõnullis Lituanijs & Prutenis suscepit, deditq; literas Cruciferis Prussię (Magistro Henrico de Zalcza in ordine tunc temporis quarto præfidente) quibus astruit, & recognoscit, se ab illis multipliciter honoratũ & adiutũ, & ideo terras suæ ditionis, videlicet Samogitarum, Iacz Wingorum, Curo Wiensium, Weizessum, & totã terrã Lituaniæ perpetua & irreuocabili donatione ipsis donasse & inscripisse. Consilioq; fratrum Cruciferorum Prussię nuncios suos, nuncijs Magistri & Cruciferorũ adiunctos, ad Innocentium papam quartũ misit, profitẽs se puritatem Christianam suscepisse, & coronã super Lituanos regnandi petens. In cuius fauorem Innocẽtius papa fratrem Heinericum olim prouincialem Polonia, & episcopũ Armacanum, cum alijs episcopis de Riga Liouia misit, qui Mendognem in regem Lituaniæ inunxerunt, sub eodẽ tamen anno, cum omnibus baptisatis ad pristinos idololatriæ feces, prioribus peiores redijt, siue dolore & pœnitentia amissatũ terrarum, quas Cruciferis inscripserat, siue alia causa commotus. Postea anno Domini 1260. Mendog, siue Mendolphus princeps Lituaniæ ordinatione Crucigerorũ regē legerens ex Lituanijs, Prutenis, Iacz Wingis, Samogitijsq; triginta millium exercitu coadunato, Massouię oram cruciatam.

Mendog coronatur. baptisatur.

Mendog Christianã fidẽ spernit.

Massouia castrata.

*Prussia à
Mendog val-
datur.*

delissimè depopulatus est, castrum Poloczko cum ciuitate exussit, deinde Prussiam inuadens, Cruciferis tantummodo castra tuentibus, ciuitates quas Cruciferi extruxerant flamma, & excisione deleuit, omnesq; Christianos illic repertos trucidauit, opimisq; spolijs onustus in Lituaniam redijt. Item eodem anno Magistro & Cruciferis Prussia, erigentibus castrum Carlowin, in monte sancti Georgij, à Lituaniis, & Prutenis barbaris prostrati sunt, ubi Henricus de Horshusen Magister Liuania, & Henricus Marschaleus Prussiae cum multis alijs occubuerunt. Lituani autem castrum Carlowin & Heizburg, maceratis fame defensoribus conquiescerunt. Ad castrum deinde Königsberg obsidione promota à Crucigeris repulsi sunt.

*Massonia
elades, & b
Semouitus
obtruncatur.*

Tandem Mendog valido collecto exercitu cum Swarnone Prussiae principe, anno 1262. in Massoniam irrupit, ubi in vigilia sancti Ioannis Baptiste Semouitum ducem Massoniae incautum in curia Iasdo cum filio Conrado, & alijs militibus, occupauerunt. Swarno dux Russiae Semouitum ipsam crudeliter decollauit. Conradum verò filium ipsius, Mendog, & Lituani cōseruauerunt, & eodem anno ab eis redemptus est. Lituani itaque & Rutheni, vniuersa Massoniae ora & Cuiaviae parte peruastata, cum immentis praeda hominum & pecorum, succensis opidis & villis in suas terras redierunt. Sequenti deinde anno Lituani & Rutheni non contenti prima deuastatione in Massoniam iterum remeauerunt, & in ea propter desolationem nihil repredientes, Castellaniam Louiciensē ad archiepiscopum Gnesnensem pertinētem, igne & multiplicibus pradis consum-

*Lesicz
exussit.*

sumpserunt: nemineq; defensionem opponente, in terras suas superbiendo disceslerunt.

Tandem Deus misericors Polonis, Massouitisq; Christianis propiciaturus, dissensiones ciuiles inter Ruthenos & Lituanos immisit. Nam Mēdolphum, alias Mendog regem Lituorum, nepos eius Stroi- nat cum Do Winanto genero eiusdem principatum Lituanicum ambiens, quiescentē obtruncat, & duos filios eius, Ruklam, & Rzepicaslam, sicq; principatum arripuit, anno 1263. in quo & fratrem To Wci- uilum Polocensium ducem ambitione commotus trucidauit. Woisalk autem monachus tonsus Ruthenicum ritum primò professus, filius Mendolphi, patri occiso parentando Stroi natum exprobrando illi nephariam eadem, anno Domini 1264. occidit. Itaq; Woisalk monachus ducem Lituorum se gere- re coepit, Poloniamq; & Massouiam, ac Crucife- ros crebris irruptionibus infestauit.

*Mēdog, cum
filijs occisus
à Stroinate.*

*Touicius
trucidatur.*

*Stroinat ob-
truncatur.*

Anno autem Domini 1267. praedictus Woisalk propter similitudines & odia pro terris Russiae, quas si- bi appropriare nitebatur, in Wro Wsko monasterio Ruthenorum sancti Michaelis circumuēsus à Leo- ne duce Russiae, qui & Leopolum fundauit, filio Da- nielis olim regis Russiae, occisus est.

*Woiesalk in-
gularur.*

Sublaris per huiusmodi seditiones ducibus Li- tuaniae, Vtenus siue Vcienus ex principum Lituaniae profapia familia Kitaurorum communi omnium acclamatione in magnam Lituaniae Samogitiaque ducem substituitur, qui pluribus bellis cum Ruthenis, Cruciferisq; Prussiae exantlatis Swintoroho li- o relicto è viuis decessit.

Vcienus.

Swintorohus paucis annis in imperio exactis, Swintorohus.

*Giernotum.**Trahus.*

Reipublicæ tamen negotijs optimè communis, constitutisque, ex hac luce commigravit, cui Germonius filius succedens, & ipse non multo tempore imperans, relictis Trabuso & Aligino filijs, in fata cecidit. Trahus magni Ducatus Lituaniæ, Samogitiæ, & quibusdam regionibus Russiæ iure hereditario ad se devolutis imperans, bello & pace clarus oppidum à suo nomine cum castro hucusque Trahy appellatum condidit, & quinque filios legitimos Narimundum, Dowmantum, Holsanum, Giedrutum, Troidenum, procreavit, pluribusque egregijs gestis exactis, fatis interceptus est.

Sedes de Nonogrodek in Kiernowam translata.

Duces Giedrotenfes.

Perfolutis gentiliter patri funebribus exequijs, eiusdem in magno Ducatu Narimuntus natu maior filius successit, sedemque suam de Nonogrodek Kiernowam transtulit. Dowmant verò Vcianam castrum cum suo districtu tenuit. Giedrotus siue Giedrus, arcem ad lacum quendam à suo nomine Giedrote appellatam, condidit, in qua sedem sui principatus habuit, ex eo ad hæc usque tempora innumeralis progenies extat propagata, ducum Giedrocensium titulo gaudentes, ac pro ducibus sese gerentes, & à Vilna Lituaniæ metropoli, quatuor milliaribus incipiendo, in Lituaniam usque ditiones eorum extenduntur per 26. millaria Polonica, plurimique eorum pauperissimi vix colonorum conditionem adæquantes, cæteris dominis inferiories nihilominus tamen titulo ducum sese priuari permittunt, atque aliter appellati agrè ferunt: verè enim ex ducum Lituaniæ prosapia, genus suum ducunt, & armis Ducatus Lituaniæ antiquis, quas à Romanis importatas, ferunt Kijtauro videlicet secundum

dum illorum opinionem vtuntur. Sed ad rem redeo. Holsam quartus Trabussi filius ultra fluvium Viliam versus Orientem procedendo, & Korablamm amnem arcem sui Ducatus sedem, à sui denominatione Holsani appellatam condidit. Horum ducum Holsanensium Paulus episcopus Vilnensis modernus, verè reuerendissimi, domini Valeriani episcopi antecessor familiam terminavit. Ducatus verò ipse in ditionem regis cessit. Quintus Troidenus lat Wingorum, ubi nunc Podlattia, & Doino Wiorum principatum ultro sibi oblatum accepit, ubi Rayrodam arcem hucusque manentem condidit, ad Biebram fluvium.

His quatuor fratribus, Narimuntus secundum prærogativam natiuitatis, in magno Ducatu præpositus, coniunctis eorum viribus Poloniam, Russiam, Massouiamque & Prussiam infestabant, Crucigeros quoque sæpius, tam Liouonenses, quam Prussienles oppugnabant. Postea Narimuntus cum Dowmant fratre bellum civile, quod sibi uxorem rapuerat mouit: Vczianaque quo se Dowmantus receperat obsessa, uxorem recuperavit, & arcem conquistuit. Dowmantum verò Ducatu exiit, fugauitque, qui Pskouiam fugiens in principatum à Pskouiensibus promotus est, quorum armis Polocenses Ruthenos Poloczka conquistata, suam in ditionem subiugauit.

Porro Ruthenorum annales Narimuntum magnū Ducem Lituaniæ primū autorem stematis siue insignij Lituanicij, viri videlicet armati quo insidentis albo, gladium extensum super caput tenentis, in modum persequentis fugientes, vnde vulgariter Pogonia dicitur. Fatis tandem obtemperatis, Nari-

Insignia Lituaniæ.

*Troidenus
Lituanie
princeps.*

munto, Troidenus frater in magno Ducatu Lituanie & Samogitiae successit, qui rebus omnibus imperij bene compositis, finibusq; ab incurſu Ruthenorum & Crucigerorum vndique tutatis, summum cum terrore finitimis gentibus principatum gubernauit, filius verò suus Rimuntus, quem ex Maſſouie ducis filia ſuſceperat baptiſatus, monaſticam vitam ex præſcripto Ruthenorum profeſſus eſt.

*Prusiam
Troidenus
vaſtat.*

Postea anno Domini 1278. Troidenus coadunatis Lituanorum, & Prutenorum, barbarorum copijs, quæ 30. millia pugnatorum excedebant, eas trifariam diuiſit, vnā partem in Maſſouiam, duas verò in terram Culmenſem contra Crucigeros deſtinauit, maximāq; parte Prusiæ ditionis Crucigerorum peruaſtata, caſtris Burgela W, Luba W, Chelm, expugnatis, maximam captiuitatem hominum & iumentorum in Lituaniam abduxit. Eodem anno terra Cuiuienſis circa oppidum Ko Wale, & Lancienſis ciuitas à Lituanis, ſubita incurſione ſpoliata eſt. Poſtea Do W mantus Pſkouienſium, & Polocenſium princeps, Troidenum natum minorem fratrem, magno Ducatu Lituanico dominari ægrè ferens, tres ruſticos ſubordinauit, pretio corruptos, qui eum de balneo euntem incautum obruncarunt. Do W mantus itaq; copijs cōſcriptis valiſſimo cum exercitu, ad Lituaniam occupandam progreſſus, à Rimunto filio Troideni, ex monacho principe factō, viribus Lituanicis proſtigatur, trucidaturq; , qui eius ſanguine parenti, victorioſè parentauit. Facta in Kierno Wa conuentione omne ius hereditarium in magno Ducatu abdicauit, ſeculariq; principatu ſpreto, vitam monaſticam cōtinuare delegit. Vithenes verò

*Troidenus
trucidatur.*

verò Samogitam de familia Kitautorum ex Romanis principibus oriundum, virum strenuum & magnanimum, in magnum Ducem Lituanie conſtituit: quamuis enim ſuperſſent patruſcles ſui duo, Giedrocenſis, & Hoſſanenſis duces, ad quos magnus Ducatus iure hereditario pertineret, ſed quòd erant puerili ætate ad imperium minus habili, ideo principatum ad eos deferri diſſuaſit, dicēs: patruum ſuum Narimuntum feliciſ memorie, arma ſue inſigne magni Ducatus ſibi fabricaſſe, virū armatum cum gladio equo inſidetem, ideo oportere, vt princeps, armis bellicofis, ſtrenuè correſponderet.

VITHENES PRINCEPS

Lituanie.

ANno quo verbum Diuinum ſalutiferum, humana in carne, mundo cælitus apparuit 1279. Vithenes communi omnium ſuffragio, princeps ſalutatus in Lituanie, & magne parti Ruſſiæ, latè imperauit, frequenterq; bella cum Polonis finitimis, Ruſſiæq; ducibus geſſit.

Annoq; Domini 1282. cū Lituanis & Iacz Wingis 24. die Septembris in terram Lublinenſem deuenit, & 15. diebus eam vaſtando, magnam prædam in Lituaniam referebat, Leſko autem niger rex Poloniæ, Lublini ex viſione angelica cōſolatus, ad perfequendosq; barbaros animatus eſt, quos cum parua manu Polonorum militum inter Nare W, & Nemen cōſequuros, ſecurè agentes, facilè proſtrauit, ad decemq; millia barbarorum trucidauit, & ſpolia abegit, ac in ſignum victoriæ Lublini eccleſiam parro-

*Lituaniam
ſugantur.*

chiale sub titulo sancti Michaelis Archangeli fundauit.

Anno Domini 1286. Pelusa vnus ex ducibus Lituaniae suas iniurias in Lituanos ulturus, ad Albertum de Missen, commendatorem in Konigsberg, secreto confugiens, viginti viros militares Teutonicos armatos sibi dari petijt, quorum principales erat Martinus de Golin, & Conradus Twil Crucigeri, cum his ad locum vbi principes Lituaniae conuiuiabant perueniens, nocte incautos oppressit, 70. principales Lituanos dormientes, plurimamque multitudinem vtriusque sexus trucidauit, sponsum & sponfam, cum matronis & virginibus, spolijs, clenodijs, vniouibusque onustus in Konigsberg deduxit.

Anno Domini 1287. Lituani, Pruteni, & Samogitae, furtiuo & silenti agmine, in terram Dobrzinensem venientes, principalem ciuitatem Dobrzin, die Dominico, ciuibus sacris occupatis comprehenderunt, & trucidatis senibus atque lactantibus ceteros, spoliatis villis & oppidis, in miseram seruitutem abduxerunt.

Anno Domini 1289. exercitus Lituorum, in numero octo millium armatorum, in terram Sambiensem Prussiae, descendens, flammis, caedibus, & spolijs eam vastauit, & exuijs onustus in propria redijt, Cruciferi decernere cum hostibus non audentes, 50. duntaxat Lituanos interceperunt.

Anno Domini 1291. Lituania Cruciferi Prussenses, vastauerunt, multisque occisis septingentos captiuos abduxerunt. Postea & Mederabe castrum Lituanicum, commendator de Konigsberg coquepsuit. Magister quoque Prussiae Memer, cum forti exercitu

*Lituani in
captiuos truci-
dantur.*

*Dobrz. ensis
terra vastatur.*

Prussia vastatur.

*Lituania
vastatur.*

citu Lituania aggressus, duos districtus, Pastonow, & Gerslow, in cinerem redegit, & cum multa praedam captiuorum reuersus est. Paucis post diebus Witenes Lituorum dux terram Cuiaviae hostiliter ingressus, caedibus & spolijs, circa ciuitatem Brzeskie patratis, hominum & rerum praedam ingentem secum abduxit, & licet Vladislaus Loktek & Casimirus, Cuiaviae, & Lanciciae duces, cum militibus suis, Magister quoque Prussiae Meinhardus tempestiue eos fuissent insequuti, re tamen nulla memorabili edita, omnes abiire retrorsum.

Anno Domini 1293. Conradus Stange commendator de Ragneta circa festum S. Iacobi castrum Mindege in Lituania expugnauit, & magnam multitudinem Lituorum, pluribus caesis in Prussia abduxit. Witenes autem cum multitudine Lituorum, & Ruthenorum, Prussia 80. diebus vastauit.

Postea anno Domini 1294. cum mille octingentis equitibus, per syluas & nemora, silenti agmine Witenen, in terram Lanciciensem post festum Pentecostes ingressus, primum in ecclesiam collegiatam Lanciciensem impetum fecit, & frequentiam populi, quae illuc confluerat trucidauit, alios vero captiuauit; praelatos, canonicos, & sacerdotes in seruitutem accepit; vestes sacras, & vasa diripuit, & qui supra ecclesiam confugerant, domibus ecclesiam circumstantibus accensis, suffocauit. At rura, deinde & vicos discurrendo, magnam praedam abigebat, redeuntemque Casimirus dux Lancienensis, cum militibus suis prope Sobaczou, ciuitatem, in villa Troia nouo consequutum, impari Marte praelium cum eo commisit, vbi a multitudine Lituorum con-

*Cuiavia
vastatur.*

*Lituania
vastatur.*

Prussia vastatur.

*Casimirus dux
Lituaniae
occisus.*

foffus strenuè dimicando, occubuit. Peraçto prælio cuiuslibet Litvano 20. Christiani Poloni in sortem cesserunt.

*Lituania
vastatur.*

Anno Domini 1294. Meinhardus Prussiae magister, binos districtus Lituanorum Pastow & GierſchoW vastauit. Eodem quoq; tempore cōmendator de Rugneta Lituanorum castrum Kijmel conquisiuit, & succendit.

*Prussia &
vastatur.*

Anno Domini 1296. Witenē, ingressus terram Culmensē, & districtum Colubiensem spolijs, & caedibus eas afflixit, deinde in Liouoniam vastatrices suas copias duxit, eamq; igne & ferro protituit.

Anno Domini 1298. Litvani oppidum Straſburg in Culinenſi terra vastauerunt, quos Cruciferi assequentes, partem prædæ abegerunt.

Postea anno Domini 1299. sexcenti Litvani Prussiam igne & ferro protituerunt. Natangiamque districtum depredati 300. captiuaerunt Teutones, plurimos verò occiderunt.

*Vithenes à
Gedimino
obtruncatur.*

Hic Vithenes habuit magistrum stabuli, Gediminum nomine, virum ambitiosum & excelsi animi, qui imperium ambigens prædictum Vithenem dominum suum nacta occasione temporis obtruncavit, statimque magno Ducatu, & vxore domini occisi (quæ etiam in necem mariti consenserat) potitus est, atque hunc exitum Vithenes habuit. Chronica verò Ruthenorum hunc Gediminum legitimum filium Vithenistestantur, & legitimè eundem patri successisse, sed ceteri historici probabiliores ab eorum sententia discrepant.

GEDI-

GEDIMINVS MAGNVS DVX
Lituania.

ANNO à Christo nato 1300. Gediminus imperio industriose inter suos arrepto, latè illud propagauit, nonnulla parte Russiae partim vi & armis, partim pacis occupata. Dum autem Lituaniae habenas strenuè Gediminus gubernaret, à Ruthenisque & Polonis fines suos felici Marte pacaret, Crucigeri, Prussienſes, & Liouonienſes armata manu, & conscriptis ex Germania validis copijs, Samogitiam hostiliter ingressi, quæq; obtinua vastauerunt, Kunosſow arcem obsederunt, machinis eam quatientes, quam violenti irruptione ceperunt, & Galtaldum campiductorem Lituaniæ in ea captiuaerunt, vniuersamque terram Samogitiæ occupauerunt. Sequenti anno Gediminus ad vlciscendas iniurias sibi illatas, in inuasa & violenter occupata Samogitia, Lituanorum copijs conscriptis, & Russiae principum auxilijs, ac Tartarorum accinctus, contra Prussienſes, Crucigeros & Lituaniensēs expeditionem egit, & ordinatis vtrinque aciebus à mane vsq; ad meridiem durissimo Marte, ad Okmienam fluuium pugnaerunt, donec Samogitarum exercitus, in ipso furore belli à Crucigeris ad Lituanos deficiens, Gedimini vires augerent, qui fortiter ordinē Teutonicorum dirupit, copiasq; eorum in fugam vertit, pleriq; ergo Almanorum, cum suis commendatoribus intercepti, alij in fuga capti, Gedimino præsentati sunt, quam victoriam prosperè, nactam persequens, in Prussiam contendit, duobusque castris Ragneta & Cilza conquisitis, ciuitatibus & villis circumquaque

*Samogitia à
Crucigeris
occupatur.*

*Crucigerorum
strages.*

*Victoria
Gedimino.*

*Gedimino
principes
Russia pro-
ficat.*

*Nio'sa prin-
cipatu cum
suis adha-
rentis occu-
pat.*

ferro & igne deuastatis, magna spolia in Litua-
niam triumphator abduxit, & Samogitiam totam
recuperavit, praesidijs & incastellationibus Cruci-
gerorum eradicatis. Hoc bello feliciter continua-
to, anno Domini 1304. in Russia principes exp-
ditionem parabat, Volodimirum Ducem Volhinię
cum exercitu Russorum trucidauit, Volodimiriam-
que cepit. Postea contra Leonem Lucensem ducem
armata manu contendit, quo fugato Luczkum oc-
cupauit, & totam Volhyniam in suam ditionem re-
degit, Brestliam exercitum reducens ibidem hiber-
nauit. Tandem otij pertectus maioribus copijs con-
scriptis, contra Kiouia principem Stanislauum pro-
cessit, Wruczaiumque, & Zitomiram, castra expu-
gnauit, ipsum Stanislauum Kiouia, & ceteros princi-
pes Russiae, Leonem Lucensem, Romanum Bran-
scensem, Olham Praeslauensem, coniunctis viribus
sibi occurrentes, felici Marte profligauit, ubi Leo
Lucensis, & Olha Praeslauensis occubuerunt, Stani-
slaus verò Kiouienensis cum Romano Branscensi, fu-
ga salutem consulentes Branskam fugerunt. Gedimi-
nus autem victoria hac elatus, Bialygrodek, postea
Kiouiam ipsam tunc temporis Russiae metropolim,
Cercassos, Kanio Wiam, Put Wilam sexaginta mil-
liaria ultra Kiouiam, Slepouuotum, Branskum, Pe-
reslauiam, fauente Marte, partim vi partim dediti-
one expugnauit, & totius ferè Russiae, Seueria, & Vol-
hinia princeps facili negotio factus, in Lituaniam
triumphantia castra reduxit.

Postea Gedimino de Kiernouua ad venandas
feras causa solatij, quinque miliaribus ultra Viliam
fluum emensis, nactò loco natura & opportunitate appri-

apprime munito, arcem ibidem erexit in lacu, ciui-
tatemque eidem adiecit, quam vocauit Troki, in eam
sedè magni Ducatus de Kiernouua transtulit. Postea
anno Domini 1305. Orientem versus causa vena-
tionis exercendę progressus, in quatuor miliaribus,
ubi Vilna Vilię fluuiò cõmiscetur, plurimas feras na-
ctus est, ibidemque in monte Krzyuuagora tũc tempo-
ris dicto, qui modò Turzagoria, vel Lissa, id est, Cal-
ua vocatur, Vru feram grandẽ, sua manu trucidauit,
venationeq; lassatus vespere imminẽte in eo mōte
pernoctauit, dormiensque per somnium vidit, lupum
ferreũ rugientẽ, in cuius vtre alij centũ lupi rugie-
bāt, experrefactus somniũ aulicis & stipulatorib. expo-
nit, quod varijs variè exponẽtib. Ledzieiko, sacerdos
suius gentilis (quẽ dicunt in nido Aquilę repertũ) qui
etiã auguria, & futura p̃lagire solebat, huius somnij
arcana exposuit, Lupũ ferreum rugientẽ, urbẽ for-
tem, insignẽ, & celebrẽ significare, lupos verò in eo
rugientes, multitudinẽ populorũ portẽdere. Qua de
causa Gedimino principi suasit ciuitatẽ & arcẽ ibi-
dem erigendam, & ideo Lezdzieiko sacerdos plu-
rimis beneficijs, ob singularem virtutũ excellentiã au-
ctus Radi Wil, quasi consiliarius Vilnẽ edificandę, voca-
tus est, de cuius familia p̃stantissimi heroes semper
fluũt, q. belli pacisq; munia, maxima animi ingenijq;
vi p̃clarẽ in Reipublica Christiana emolumen-
tum obeunt. Itaque Gedimino persuasione Lez-
dziekonis ductus, illico arces duas, vnã in monte
excelsò, alteram in planicie inferiorem erigere mu-
nirẽq; fecit, ciuitatẽ etiã populosam edificare iuxta
mandauit, quam Vilnam à Vilna fluuiò praterla-
bente appellauit, & sedem suam de Troki in eam

*Stare Trokẽ
erectam in se-
dẽ ducis Litua-
niana.
Calua
mons.*

*Somnium
Gedimino
de Lupo fero.*

*Vilna con-
dita.
Lezdzieiko
ex quo
Radiuilo-
nes.*

*Vilna com-
dita.*

translulit, ac feliciter principatus finibus prolatatis imperauit.

Anno à Christo nato 1306. audientes Lituanii, dissidia in regno Poloniae, per nemora, & inuia, in terras maioris Polonie, irruerunt, & oppida Kalis & Strawissino, villasq; in vicinis eorū exusserunt, depredarunt, senes, & impuberes trucidarunt, pluraq; millia promiscui sexus, in Lituaniam abduxerunt. Eodem anno Henricus de Pleczko Saxo, magister Prussiae, castrum Gartin in Samogitia praesidio Lituanorum munitam, sub tempore nebulæ apertum, cum Teutonicis inopinatè cepit, & omnes Lituanos trucidauit. Multis demum peregrinis, ex Germania in Prussiam aduenientibus aliud bellum Lituanis illatum est, & districtu Karlsru Win spoliato, in Prussiam cum captiuis redierunt.

Anno Domini 1307. Lituanii in die S. Galli, terras Syradia & Kalissiensem subito irruentes, plurimam rapientes praedam, caedeq; & igne plurima loca vastantes, concito gressu in Lituaniam redierunt.

Anno Domini 1308. Olgerdus filius Gedimini cum Lituanis Prussiam ingressus eam ferro, & igne protriuit, praedamq; ingentem abduxit. Hanc autem sibi Lituanii, & Pruteni, Crucigeri vicissitudinem sapissime alterutrum reddebant.

Anno quoque 1311. idem Olgerdus cum omnibus suis copijs, terras Prussiae sub carnis priuio ingressus, per caedes & flammam magnam partem terrae in fauillam, & desolationem redegit, in Lituaniam cum quingentis captiuis reuersus, dijs suis libamina obtulit, quam cladem Cruciferi vlciscentes, vicissim terram Samogitiae vastauerunt. Lituanii quoque

*Polonia a
sua à Litua-
nis vastatur.*

*Syradia à Li-
tuanis vastatur.*

*Lituanii
Prussiam,
Crucigeri
Lituaniam
vastant.*

que similiter eorum regiones depredauerunt. *Prussia vastatur.*

Anno Domini 1315. Samogitiae numeroso exercitu, Ragnetam cinxerant, & cum longum tempus in obsidendo castro non expugnato consumpserat, conculcatis segetibus & omnibus in circuitu vastatis, in Samogitiam redierunt. Olgerdus autem Samogitarum ceptum continuans cum frequenti exercitu, castrum Trismemel obsidione vallauit, proiectioneq; machinarum 17. diebus, expugnabat. Ducentos milites ab Henrico magistro Prussiae missos, ad obfessos ingredi contententes, ad vnum omnes profligauit. Anno Domini 1320. Henricus Marchalcus Prussiae, cum bene instructo exercitu Lituaniam vastauit, circa Vornianij, interim verò Lituanii, & Samogitiae, nihil ea vastatione deterriti; angustias vnius saltus, quem Crucigeri in redeundo transitori erant, occupant, & arboribus magnis succis vias obstruunt, insidias parandas, dumq; Marchalcus cum exercitu ignarus insidiarum, lyluam ingrederetur, à Lituanis & ipse, & exercitus vniuersus omnes ad vnum trucidantur. *Crucigeri profligantur.*

Eodem anno Lituanii terram Dobrzinensem inopinatè excursionem vastauerunt, & Dobrzin ciuitate exusta cum praeda, ad sua reuersi sunt. *Dobrzin vastatur.*

Anno Domini 1322. Lituanii Derptensem episcopatum in Liuania vastauerunt, & quinque millia captiuorum abduxerunt. Eodem anno hyemis tempore David Capitaneus de Gartin Lituanus, frigore non torpens, ad Rualiam vsque Liuaniam vastauit. Ecclesias incendit, & sacra vasa recepit, & sex millia captiuorum cum ingentibus spolijs de Germanis, in Lituaniam abduxit. *Liuania vastatur Prussiae ab hostibus expugnatur.*

*Henricus de Capion pro-
fligatur
Massonia
Castatur.*

Deinde sub eadem hyeme Litواني & Samagita ciuitatem Memel, & tria castra in eius vicino expugnauerunt, post hæc, districtum Vilouu in Prussia adeuntes, strage magna edita, commendatorem de Capionu, cū exercitu Teutonicorum occurrerem, occiderūt. Massouiam quoq; Dauid de Gartin, multis villis & oppidis succensis, vastauit.

Anno Domini 1323. Litواني clandestinis itineribus, in Dobrzinensem terrā Poloniæ, subito irrum-
pentes, ipsam ciuitatem exusserunt, & captiuorum nouem millia eduxerunt.

*Polouusko
exusta.*

Dauid Capitanens de Gartin, anno Domini 1324. Massouiam circa Polouusko, iussu Gedimini, deuastauit, & centum triginta villis exustis, trigintaque ecclesijs parochialibus deuastatis, quatuor millia captiuorum in Lituaniā deduxit. Alius quoque exercitus Lituanorum in Lituaniā descēdens, eam pluribus in locis deuastauit. Sequenti autem anno 1325. Anna filia Gedimini principis Lituanorum, in coniugem duci Casimiro, filio Vladislai regis Poloniæ, cum omnium captiuorum ex regionibus Polonorum, per Lituanos receptorum redditione, pro dotibus data, & pax Polonis carissima & desiderabilis, per hanc affinitatem à Lituanis data est.

*Filia Gedi-
mini Casi-
miro filio
regis Polo-
nia nupta.
Pax Polo-
norum cum
Lituanis.*

Gediminius postea in oppugnatione castri Fridburg, quod Crucigeri in Samogitia erexerāt, à quodam Crucifero sagittandi perito, sagitta ignea per dorsum transfixus est, à quo vulnere spiritum exhalauit.

Hic princeps septem filios ex vxore Vithenenis, domini sui occisi, suscepit, Montiuudum, siue Montiuudum,

midum, Narimūdum, Olgerdum, Iauunutum, Keijstutum, Koriatum, & Lubarum, filias item aliquot, ex quibus vnā Casimiro regi Poloniæ datam diximus. Imperium viuens inter filios diuisit, vt Muniudo nati maiori Kiernouia & Slonimum, ciuitates cum suis prouincijs. Narimundo Pinskum cum suo tractu de Russis, vel bello partum, vel pactis quibuscūque acquisitum. Olgerdo Krewo, Keijstuto Troki, Koriato Nouogrodek ciuitas cum suo territorio. Iauunuto verò (quem pater impēsius diligebat) Vilna metropolis Lituaniæ, & summa rerū obuēnit. Lubartus Wolodimirensem Ducatum Russiæ obtinuit. Nam cum Russam vxorem Wolodimirien-
sum Ducis filiam duxisset, ac socero hæres factus esset, nullam inter fratres sortem accepit. Ex his Olgerdus & Keijstutus coniunctissimè inter se vi-
xere, & vegetiora nacti ingenia molestè tulerunt pe-
nes Iauunutum nihili hominē principatum esse. Ita-
que hi duo decedente è viuis patre Gedimino, Iauunuti de Vilna eijciendi, & principatu exuendi, con-
siliū iniierunt, diemque certam conatus perficiendi inter se constituerunt. Habebat etiam Olgerdus in Russia Vitepscensem Ducatum cū vnica eius
oræ principis filiam vxorem duxisset. Itaque cū
coprofectus esset, non venit ad constitutam cum
Keijstuto diem. Keijstutus verò vt voti compos foret, cum armatis copijs inopinatè Vilnā adueniens,
arcem vtramque occupauit, Iauunutus autem inter
primum tumultum elapsus in sylua à Keijstutanis
perquisitus, captus & Vilnā adductus, in vinculaq;
fratre cōiectus est, paulo post Olgerdus ex Russia
aduēnit. Ibi præclarum inter coniunctissimos fra-

*Sorpes en de
uise ducum
Lituanie.*

*Iauunutus
Gedimino
patri in ma-
gro Duca-
tu successit.*

*Vilna cap-
tur à Keij-
stuto.*

tres de magno Ducatu suscipiendo, certamē exitit, Keijstutus enim Olgerdo velut natu maiori illud concedebat, Olgerdus vicissim Keijstutum sibi eum habere iubebat, quem ei fortuna, virtusq; obtulisset. Tandem sic inter eos euenit, vt launutijs portionem aqua lance diuiderent. Vilna tamen cum principatu penes Olgerdum maneret, neuter alterius ditionem inuaderet, sed vterq; alterius bona perinde ac sua curaret, siquid vel bello, vel quavis alia ratione deinceps vteruis acquisuisset, ex aequo vt inter se partirentur. Atq; his conditionibus secus inter se ieecerunt, & iureiurando vtrinq; confirmarunt. Iauunuto verò Zaslauensem Ducatum in Russia, fraterna misericordia concesserunt.

OLGERDVS PRINCEPS

Lituania.

Olgerdus principatu sub Iauunuto, per Keijstutum potitus, plurima bella cum Lituonensibus & Prussienfibus Cruciferis finitumis, vario Martegessit.

*Olgerdus
patrem in
Cruciferos
transfertur.*

*Marchia
vastatur.*

Anno à Christo nato 1327. Olgerdus Lituanorum, Ruthenorumque copijs conscriptis Prussiam hostiliter ingressus eam crudeliter vastauit, Crucigeris decernere cum eo, non audentibus, pluribusque munitionibus expugnatis, exercitum præda onustum in Lituaniam reduxit, de Teutonibus captiuis trucidatis, Gedimino patri nuper occiso à Crucigeris parentauit. Marchiam quoque nouam, eodem anno silenti agmine, adortus Francofordiam usque & omnem oram circa Oderam fluuium, depulatus est.

Tarta-

Tartarorum Regulos fratres Germanos Kutlubachum, Kaczbeium, & Dmeitrum profligauit, Podoliaq; eiecit.

*Tartari ex
Podolia csa-
ti.*

Postea Dux Moschouię Demetrius Iwano Wiz potentia sua elatus, promisit se armata manu, vno mense elapso ditiones illius vastaturum, & Olgerdum in Vilna, cum gladio & igne sub Paschalis tempore visitaturum. Olgerdus autem tunc temporis Vitebskæ agens voinitem accensum, illi misit. Moschouiæ antequam extinguatur adfuturus, arctique eius hastam illisurus. Confestim ergo collecto exercitu in Moschouiam breui itinere contendit, qua obsessa inopinatè tyrannum compulit, ad se exire, ibi pacis conditionibus ex voto firmatis, hastam ipsamet quemadmodum promiserat, ad arcem frengit, sinibusque Lituaniæ ultra Mozaiskum sex miliaribus ex vna parte promotis à Moschouia vrbe duodecim miliaribus, ex alia ad Vhræm fluuium, in Lituaniam triumphator redijt. Vniuersam ferè Russiam ditioni suæ subiugauit, cuius principibus olim Lituani tributa soluere cogebantur.

*Olgerdus in
Moschouia
triumphat.*

Suscepit autem ex Matia vxore Thwerensium ducis filia, duodecim filios, Iagielonem, (qui postea ad regnum Poloniae vocatus erat) Skiergelonem, Borilum, Coributum, Vigundum, Korigelonem, Natimundum, Languinū, Lubartum, Andream, & Butanum. Ex his omnibus Iagielonem natu maiorem dilexit pater, quod is & effigie, & virtutibus, vigoreq; animi expressius, patrem referebat, huncq; successorem sibi in magno Ducatu annuente fratre Keijstuto designauit. Keijstutus quoque sex filios habuit, Vitoldum, Patricium, Totiuilum, Sigismundum.

*Keijstutus
filij.*

dum, Voijdatum, atq; DoWgotum, Vitoldum verò præ cæteris impensius diligebat, ingenio enim animoq; excelsò pollebat, eumq; successorem sibi designauit. Inter hos duos Iagielonem scilicet & Vitoldum patruales summa erat animorum, & voluntatum coniunctio.

IAGIELO PRINCEPS LITHUANORVM.

ANno Domini 1381. Olgerdo è viuis decedente, Iagielo paterno principatu fauente Keijstuto patro potitus est. Multa bella vario euentu cum Ruthenis, Polonisq; & Crucigeris Liunionibus, ac Prussiensibus gessit. Erat apud eum Voijdilo quidam rusticanæ & obscuræ familiæ homo, callidus & vafricia pollens, qui cum primum pistrinam apud Olgerdum exercuisset, & industriam suam principi probasset, cubicularius, ac deinde pocillator fauente fortuna ei factus est, fuitque postea intimus secretarius Olgerdi quoaduixit, neque Iagielo quicquam de paterna beneuolentia in eum diminuit, quin sororem ei suam in matrimonium collocauit, quæ res non leuiter Keijstutum patrum Iagielonis offendit. Id ubi animaduertit Voijdilo veritus ne ei auctoritate honoris & gratiæ periculum adiret, apud Iagielonem, Keijstutum, per contumeliam criminari cepit, eoque cõsilijs suis inuenem principem adduxit, vt is clam fœdus cum Crucigeris Prussiensibus, aduersus patrum iniret. De eo fœdere Keijstutus Hosteroensis Commendatoris Crucigeri (qui filiam eius Ioanni Massouie duci nuptam baptilarat) proditiōe certior factus est, tamen Vitoldo filio Iagielonis

*Voidilo ex
castro prin-
cipis gener.*

*Perversum
Voijdilonis
cõsiliū.*

Iagielonis patruelis caussam diluente quieuit, donec Iagielo bellum cõtra Polocenses Ruthenos, quibus Keijstuti filius Andreas Harbati præfuit, suscepit, quo ei etiã magister Liunionensium auxilia ferebat. Inter ea verò Keijstutus sublata omni dubitatione, armata manu Vilnam inuasit, eamq; in potestatem suam redegit, filioq; Vitoldo accersito: (nam ille arma cõtra patruelem carum nõ sumpserat) deprehensa fœderum cum Prussiensibus Iagielonis munimenta ei ostendit, sed ab eo tamen exoratus Vilnam solummodo ademit Iagieloni. Kreuam verò paternam & Vitepskam maternam sortem retinere eum passus est. Voijdilonem autem perfidiosè inter se inimicitias seminantem, laqueo vitam finire fecit. Paulo post, dum Keijstutus Nonogrodiam Seueriensem in Russiâ oppugnat, Coributū rebellem perdomado. Iagielo non modò Vilna per proditiōem potitus est, verum etiam Troki arcem oppugnatam proditiōe occupauit; deinde contra se vterq; cõparauerunt exercitus, Keijstutus è Samogitis & Ruthenis, Iagielo verò è Prussis & Liunionibus Crucigeris, ille vt recuperaret Trokos, hic vt defenderet. Sed cum in conspectum venissent antequam infestis signis concurrerent, Iagielo per fratrem Skergelonem, Keijstutum, & Vitoldum filium eius sub specie colloqui ad se vocatos, cepit, Keijstutumq; catenis vincitum, Kreuam missum in carcere suffocare ordinauit. Vitoldum verò patruelem Vilnæ in custodia diutius detinuit, neque Lituanorum procerum, neque magistrum Prussensium, Crucigerorum, neque fratrum & patrum deprecationibus, liberari potuit. Postea Kreuam missus & morti destinatus, nocte

*Keijstutus
magnus dux
Lituanie.
Vilna capi-
tur à Keij-
stuto.
Voijdilo suspē-
ditur.
Vilna recu-
peratur à
Iagielone.
Troki ca-
pta.
Bellum Ia-
gielonis cõ-
Keijstuto.*

*Keijstutus
in vinculis
trucidatur.
Vitoldus in
carcerem.*

Vitoldus à quadam vxoris misericordia, doloque liberatus est: *Sinculis au-*
nam ea cum liberam habuerit adeundi ad eum po-
fugit.
testatem, commutato cum vna de duabus pedille-
Vitoldus cu
Crucigeris
Lituaniam
Vaslat.
bis enim erat, emissus ille in Massouiam ad Ioanem
ducem affinem suum, atq; inde in Prussiam ad Cru-
cigeros cōfugit, à quibus obiurgatus, primum quod
aduerso demum tempore suo locietatem ipsorum
expeteret: deinde benigne recreatus & bene spera-
re iussus est. Statimq; Crucigeri cum Samogitis, qui
Vitoldo immensè fauebant, impetum in Lituaniam
fecerunt, Trokiq; arcem expugnauerunt, & præ-
sidijs impositis muniuerunt, sed eos postea illinc, re-
uersus ex Russia eiecit. Tandem Iagiello Vitoldum
ex Prussia per internūcios reuocauit, Grodnensem-
que tractum, Brestiam, Drohicinum, Mielnikū,
Bielsko, Surasum. Cameneciam & Wolkouiskō
oppida, cum suis territorijs concessit, fidemq; &
obsequium eius sibi conciliauit, ita ut is ne legatos
quidem quoquam se inscio mitteret. Lituanorum
annales, etiam Voliniam, & Podoliam ducatus Rus-
siae, Vitoldo tunc datam à Iagielone esse testantur.
Paulo post hærede legitimo Polonorum regnum
post Ludouicum Hungarorum, deficiente, Iagiello
ex magno Ducatu Lituanie, à Polonis ad regnū cer-
tis sub cōditionibus (prout latius in descriptione re-
gum Poloniae patet) vocatus est: cum fratribus
que & patruelibus Cracouiae (quæ est Poloniae Me-
tropolis.)

Iagiello ad
regnum Po-
lonia voca-
tur.

Anno Domini 1386. decimaquarta Februarij
sacro fonte ablutus, & fidei Christianæ præceptis in-
itiatus, eademq; die solenni ritu cum Hedvigi vniua-
regni

regni hærede Hungariae regis Ludouici, & Poloniae Iagiello ba-
filia, matrimonium cōtraxit. Indultumque est con-
uiujs choreis & lusibus Cracouiae complures dies,
per quos dies Magister Crucigerorū, Prussienſium,
Contradus Zelner, Lituanorum ducibus vacuam vi-
dens, (omnes enim in Poloniam cum Iagielone Zelner Ma-
discefferant,) hostiliter eam duplici agmine, con-
iunctis viribus cum Magistro Liuaniae aggressus est: gister Pruf-
quam longè, lateque ferro, & igne depopulauit, Lu-
comliam arcem in Russia vicepit, & Andream Ia-
gionis fratrem apud Russos religionem Christiana-
nam professum, (quo authore expeditio illa susce-
pta erat) cum præsidio in ea reliquit, cui se quoque
Polocenses, Rutheni dederunt. Sub idem tem-
pus Swetoslaus, Smolensciorum dux in Russia cir-
cum Vitepscum, & Orsha, arces depopulauit, & Suetoslaus
Mscislauiam vi cepit. Iagiello in Polonia re audita, Russiam &
confestim Skiergelonem, & Vitoldū cum Polonis Iagiello ar-
voluntarijs, & Lituanis, in Lituaniam misit, qui fe-
stinantes cum Crucigerorum exercitum Lituania-
disceſſiſſe comperiſſent, Lucomliam arcem recepe-
runt, inde Mscislauiam profecti, paruo negotio o-
mnem eam oram, in potestatem suam redegerunt, Swetoslaus
loczkam etiam recuperauerunt, de authoribusque occiditur.
defectionis, pœnas sumpserunt. Andreas autem dux Andreas
regis frater, cuius autoritate hæc agebantur ca-
ptus, integro triennio in arce Theczinensi Poloniae in-
pauclis, & carceris detentus, postea suffragijs Vitoldi
quomodo fidei Christianae præceptis gens Lituanica
cum suis Ducibus iniciata & sacro baptismo fon-

te lauata fuerit, pauca quæ ad rem pertinent nobis dicenda restant.

DE PRISCA RELIGIONE

Lituanorum.

Ignis Lituanorum idolum.

Fulmen idolum.

Arbores generantur.

Sol colebatur.

AD Iagielonis Vladislai regis Poloniae ex duabus Lituaniae tempora, de quo in Polonorum regum descriptione copiosius diximus, tota gens Lituanica, & Samagitica priscae multorum deorum, seu potius Daemonum superstitioni dedita erat, imprimisq; ignem, (quem sua lingua *Znicz*, ut rem sacram appellabant:) cultu diuino prosequiebantur, eumq; in celebrioribus locis, atque oppidis perpetuum obseruabant, & sacerdotes cum ministris ad hoc munus obeundum adhibebant, quod si incuria ministrorum ignis exstingueretur capite plecebantur. Huiusque modi ignis Vilmæ metropoli Lituaniae in arcis medio (ubi nunc Basilica diuo Stanislao dicata, erecta est,) perpetuo asseruabatur. Fulmen quoq; quod *Perunum* Slauonica lingua appellabant, pro deo colebatur. Lucos praeterea & eximias procerasque arbores, in syluis singuli sacrosanctas habebant, easq; cultu patriae venerabantur, ita ut violare eas ferro iniuriave aliqua nefas esset. quod si Lituanus eiusdem fidei perpetraret, ut videlicet aliquam arborem, vel ignem quolibet modo dehonestaret, statim vel daemonum violentia interiret, vel membro aliquo arrepti priuabatur. Solem fortè nubibus obscuratum credebant sibi succenseri, ideo sese illi quo placaretur, deuoueant. Viperas item atque serpentes deos esse credebant, eisque cultum praecipuum exhibebant, & singuli patrefamilias,

familias, ciues, coloni, & nobiles singulos, serpentes domi asseruare solebant, quos pro penatibus, & laribus familiaribus adorabant, lacq; & gallos gallinaceos, eis immolabant, eratque inauspicatum & exitiabile toti familiae, quempiam ex eis violasse dehonorassee, aut domi non fouisse: tales enim, vel bonis omnibus priuabantur, vel crudeliter lacerati interibant. Erat autem apud eos quotannis solenne sacrificium, sub initium mensis Octobris post collectas fruges, ad quod frequentes, cum vxoribus & liberis seruisque, conueniebant: ac toto triduo opipare epulabantur, de hijs quæ dijs ad offerendum mactarant. Quod & nunc in Samogitia, Lituania & quibusdam locis Russiae, ab agrestibus obseruatur, prout inferius suo loco dicitur. Ex bellis reuerentes manubias & vnum aliquem de captiuis praecipuum, & insignem virum victimæ loco igni consecrabant. Corpora mortuorum cum pretiosissima suppellectili, qua viui maximè utebantur, cum equis, armis, & duobus venatorijs canibus, falconeq; cremabant, seruum etiam fideliores viuum cum domino mortuo, praecipuè verò magno viro, cremare solebant, amicosq; serui, & consanguineos, pro hac re maximè donabant. Ad busta propinquorum lacte melle mulsato, & ceruisia parentabant, choreasque ibidem ducere solebant, tubas instantes, & tympanas percutientes. Hic mos adhuc hodie in partibus Samogitiae cōfinibus Curlandiae ab agrestibus quibusdā obseruatur. Quos omnes errores & vanas superstitiones, Iagielo postquā cum Hedwigi hærede regni Poloniae vnica, ut supra in serie regū Poloniae patet, matrimonium contraxit, abstulit, sedauit, &

Serpentum cultus.

Solennes epulae.

Victima.

Sepultura.

Serui cremantur.

*Agielonis
in Lituaniā
ad baptis-
mū gentem
expeditio.*

*Idola Litua-
norum de-
molita.*

Christianū nomen Lituani baptismi lauacro ablu-
tis, indidit. Rebus enim in Polonia rectè constitutis,
volens ne Lituania patria sua ulterius Daemonum
cultui vacaret, comitia generalia Vilnæ Lituaniæ
metropoli, anno Domini 1387. ad initium quadra-
genarij ieiunij indixit, ad quas ingenti procerum &
equitum Polonorum caterua stipatus, vnā cum re-
gina in Lituaniā se contulit, archiepiscopum Ge-
linensem, & multos sacerdotes, ac pios homines, se-
cum duxit. Semonitus quoq; & Ioannes Massouie,
Conradusque Olesnicæ, duces, eum comitati sunt.
Conuenerunt quoque Vilnam, Skergelo Trocen-
sium, Vitoldus Grodnensium, Volodimirus Kiou-
ensium, & Koributus Nouogrodensium duces, fra-
tres principis, & infinita equitum plebisque multi-
tudo. Ibi de religione Christiana populariter susci-
pienda, ac de exterminando cultu falsorū deorum,
& omni superstitione diligenter actum, ipso rege,
maximam ei rei operam nauante, non solum hor-
tando, & premijs alliciendo, sed etiam docēdo, cum
Polonici sacerdotes linguę gētilis ignari essent. Por-
rō gens barbara maiorum suorum, religiones agrē
relinquebat, sed cum mandato regis ignis sacer ex-
tinctus, templum araque eius vnde oracula à sacer-
dote edebantur, euersum esset Vilnæ, vbi nunc diui
Stanislaus templum, necarique serpentes, & succisi
luci, arboresque sacrae, absque cuiusquam læsione,
Lituani admirantes stupidiq; dicebant, quomodo
dij nostri istis peruersis Polonis Christianis, hanc
iniuriam dissimulant, seque lædi scelestis manibus
sinunt, quod si hoc aliquis nostrum perpetraret, cō-
festim ira deorum interiret. Sed cum Poloni præter
opinio-

*Lituani ba-
ptiscentur.*

opinionem barbarorum, idola euerterent, tum ve-
rō Lituani vanitate sua agnita, alacriores, ad princi-
pum suorum religionem facti sunt, plurimam ex
his multitudinem rex aduectis ex Polonia pannis la-
neis albis, ad baptismum perduxit. Porrō cum im-
mense laboris esset, singulos sacro fonte tingere, no-
biliores tantum hic honor tributus est: reliquum
verō vulgus turmatim distributum, aqua sacra à sa-
cerdotibus aspergebatur, vnumque nomen singu-
lis turmis, tam viro- rum quā mulierum, in nomi-
ne Patris & Filij & Spiritus sancti, inditum erat, at-
que vna die triginta millia barbarorū baptisati sunt,
exceptis nobiliores, & illis qui antè sacro fonte,
in Polonia lauati erant, atq; ab eo tempore Lituani
in fide Christi permanent.

SKERGELO PRINCEPS

Lituania.

I Agielo rex Poloniae post baptisatam gentem pa-
triam, in Poloniam reuersus, Skergelonē fratrem
pro se, magno Ducatu Lituaniæ inuestiuit. Vitoldus
verō excelsi animi vir, indignum ducebat deteriori,
& nihili viro subesse, ideo Grodna, & Brzeste arci-
bus suis, valido praesidio firmatis, in Massouiam ad
Ioannem ducem generum suum, cum vxore Anna,
profugit, indeque in Prussiam ad Crucigeros con-
tendit, à quibus humaniter acceptus est, quod ij per
eū facile se Lituania, & Samogitia potituros esse spe-
rarent. Itaque Vitoldus Prussien-
sium Crucigerorum armis Lituaniā vexauit, sed
cum sibi fidem suspectam Crucigerorum videret,
fratrem Agielonem regem Poloniae, per internun-

*Vitoldus in
Massouiam
fugit postea
ad Crucige-
ros.*

*Vitoldus a
Crucigeris
fugit.*

*Vitoldus a
sua Vilnam
capere ven-
tat.*

*Vitoldus ad
Prussiam
fugit.*

*Iagelo Vi-
toldo obstat.*

tios reconciliauit, & accepta ab eo spe adipiscen-
di magni Ducatus Lituanici, inscientibus Cruci-
geris in Lituaniam, vestitus habitu Crucigerorum
profugit, & vt aliquo cum munere ab hostibus re-
uerteretur, tres arces Crucigerorū Samogitis con-
fines, Iurgēburgum, Mergenburgum, & Neginha-
sun, fortē cum velut socius & amicus intromittere-
tur, cepit, & exussit, prefectosq; cum praesidijs mi-
litibus Crucigerorum partim trucidauit, partim in
seruitutem abduxit. Cum autem spem sibi à rege
datam de magno Ducatu diutius differri videret,
consilium cepit Vilnā, per prodicionem capiendā,
hoc modo: rumores sparsit quasi sorori nuptiarum
solemnia Vilnā facturū esset, currusq; centum in-
gentes praeparauit, quos armato & delecto milite
compleuit, & desuper stramine texit, eosque quasi
carnes, & conuiuij necessaria, in arcem Vilnensem
duxit, verū fraude intempestiue detecta, ad arcem
non est admissus. Sicque spe frustratus, in Prussiam
reconciliatis sibi deinde per internuncios Crucige-
ris profugit, indeq; biennio cum auxilijs eorum Li-
tuaniam infestauit. Postea anno Domini 1390. Ia-
gielo rex è Polonia ad reprimendas incursiones Vi-
toldi in Lituaniam, armata manu venit, Camene-
ciam cepit: Grodnoq; arcem ad Nemmem fluiuium
sitam Vitoldi praesidijs munitam, post quinquagesi-
mum diem obsidionis cepit, Vitoldo suis varijs re-
chnis, frustra tamen, cum Crucigeris auxilia feren-
te. Eodem anno maturescenibus segetibus, triplici
agmine Crucigeri in Lituaniam descenderunt, Vi-
toldi vindicandi restituendiq; praetextu: re vera au-
tem vt Lituaniam sibi subiugarent, vnum agmē Vi-
toldus

toldus ducebat, alterū magister Liucionensium Cru-
cigerorū, tertiu ipse dux belli magister Prussiensium
Conradus Valerodus, hostiliterq; regionē vastabāt,
Troki oppidum igni cremarunt, hinc Vilnā, castra
mota, arx verò Vilnensis inferior, vix obfessa, à pro-
ditoribus Russis & Lituanijs succensa est, è quo in-
cendio cum sese Corigelo frater regis & patruelis
Vitoldi subduceret, ab hostibus captus & capite ple-
xus est, cetera multitudo in ea arce, partim igne, par-
tim ferro hostili caesa est, quatuordecimq; millia ho-
minum ibi periisse aiunt. Superiore arcem Poloni
cum Nicolao Moscorouio praefecto tenebant, nec
aut clade suorum, & conflagratione arcis inferioris,
aut minis hostiū, & ostentatione capitis Corigelonis,
ac ne acerrima quidē oppugnatione, quamuis pars
muri maior deiecta erat, ad deditionē compelli po-
terant, loca deiecti muri ad extremū corrigijs pecu-
dum, (simo terraq; deficiente) laxē pretendebant, &
sic tormentorū ictus illudebant: deniq; corporibus
suis aditū hostibus irrumperē conantibus obstrue-
bant. Skergelo quoq; regius frater cū suis Lituanijs,
& Russis erumpens magnis cladibus hostes debilita-
bat. Demū Octobris diebus, Prussienſes Crucigeri
cum Vitoldo ingēti strage in Lituania edita ab obsi-
dione discesserunt. Estate sequenti rursus Vitoldus
cum Crucigeris exercitū ad Vilnā duxit, quā frustra
resistentib; strennē Polonis aliquot diebus obsides,
re infecta reliquit. Et ne quicq; agere videretur Cru-
cigeri, reuertētes Vilcomeriā & Nouogrodū castravi-
ceperūt, interfectisq; praesidijs Skergelonis exussērūt.
Deinde alij duab; excursionib; Crucigeri eadē estate
Lituaniam depopulati sunt, apud Cownamq; tres mu-

*Crucigeri
in Litua-
niam tem-
dunt.*

*Lituania
sastratur.*

*Vilna obse-
detur capi-
turq;
Polonorum
strenna re-
pugnatio.*

*Crucigeri
iterum Li-
tuaniam in-
vadunt.*

*Lituania
iterum sa-
stratur.*

nitiones extruxerunt Menerderum, Metenbur-
gum, & Riteuerderum, vnamque Vitoldo conce-
ferunt, reliquas verò duas suis praesidijs munierunt,
ex quibus circumiacentem regionem infestabant.
Tandem Iagielo rex Poloniae Lituanorum calami-
tatis pertaesus, Henricum Sentouiti Massouiae ducis
filium, ad Vitoldum in Prussiam, vt cum eo clande-
stino de pace ageret, & in Lituaniae magnum Duca-
tum reuocaret, destinauit. Hocque modo inter re-
gem & Vitoldum de pace conuenit, cum rex ei ma-
gnum Ducatū Lituaniae, posthabitis fratribus ger-
manis superstitibus, pollicitus esset. Vitoldus itaq;
rebus suis cum Iagielone patruele, ex animi senten-
tia compositis, Crucigeros atque Germanos mer-
catores Riteuerdero castro secum commorantes
inopinato comprehendit, incensaque arce, vin-
ctos in Lituaniā abduxit, abeuntem, Crucigeri re-
lictis duobus castris, persequuti, sed paruo negotio
a fusi prostratiq; sunt, & castella à Vitoldo vi capta &
exulta. Veniens autem Vilnam Vitoldus cum capti-
uis & ingenti praeda parta de Crucigeris, honorifi-
cè à Iagielone rege clementerq; susceptus est.

*Vitoldus à
Crucigeris
fugit, da-
mno illato.*

VITOLDVS MAGNVS DVX

Lituania.

Vitoldus reuocatus ex Prussia, anno Domini
1392 à Iagielone patruele rege Poloniae, apud
Lituanos atque Ruthenos, summa rerum prae-
fectus & magno Ducatu solenniter inuestitus est, iu-
reiurandoque, & litteris consignatis, se in fide regi
Poloniae semper futurum spopondit.

Postea

Postea Svidrigelo & Skergelo indignè tulerūt, quod Germani fratres Vitoldo patrueli à rege post-
habiti essent, bellaq; intestina aduersus Vitoldum
commouerunt. Sed Svidrigelo cum minus animi
habiti essent, bellaq; intestina aduersus Vitoldum
commouerunt. Sed Svidrigelo cum minus animi
& virium haberet, ad Crucigeros in Prussiam pro-
fugit, & Lituaniā cum eis vltro in Vitoldum inci-
tatis, crebris populationibus diuexauit, Surasumq;
Gartenam, & Stramelam arces Crucigeri in Litu-
nia ceperunt. Skiergelo verò maiore animo & opi-
bus praeditus, armatis copijs ex suis corrahis, colle-
ctisque cum Vitoldo ad inimicitias deuenit. Quo-
rum malorum sedandorum causa, rex Iagielo rur-
sus in Lituaniā venit, Skergelonemq; adiecto ei
Cremenēsi, Starodubēsi, & Trocensī tractu placauit.
Postea Coributus Vitoldo fratri rebellans ab eo
dē in conflictu victus est. Tandem Vitoldus Orshan
arcem Russiae, iussu regis expugnauit, Vitebscumq;
per deditionem sub Svidrigelone recepit, deinde
duces Odrucenses, & princeps Smolenticensis Rus-
si ad Vitoldum in Vitebscum supplices venerunt,
& omnes se in potestate eius semper fore spopode-
rūt. Postea Vitoldus Zithomiriam, & Kiouiam me-
tropolim Russiae in potestatem suam redegit, ex-
pulsoq; Volodimiro duce Russo Skiergeloni fratri
eam sicuti promiserat, tradidit. Skiergelo tandem vl-
tra Kiouiam Circassos, & Swinogradum arces ad
Borysthenē stras cepit, nec multo post ipse Skierge-
lo ad venationem profectus à monacho quodam
Russo, Humeno Metropolitae vicario ad villam in-
uitatus, venenato poculo intoxicatus de medio sub-
latus est. Kiouiaque in cauernis subterraneis quae
Perzari dicuntur sepultus. Sunt autem Perzari specus

*Lituania
castatur.*

*Skiergelo
contra Vi-
toldū bellū
monit.*

*Vitoldus Co-
ributus vicit*

*Vitoldus
Vitebscum,
Orshan, &
Kiouiam
cepit.*

*Skiergelo
venenomo-
ritur.*

*Resanensis
Ducatu Vi-
toldi expu-
gnat.*

*Vitoldus
Tartaros
fudit.
Vitold. Podol-
ia ducem
sternit.*

*Crucigeri
Lituaniam
vastant.*

*Vitoldus
Tartaros
profligat, &
in Lituaniam
eos collocat.*

vastissimus, apud Kiouiam, illustrium ducum Rus-
sia sepultura clarus. Deinde Vitoldus Kiouienfibus
præfexit ducem quendam Olgemundi filium. Rhe-
lanensem autem ducatum Russia per Simonem du-
cem quendam, magna ex parte vastauit. Smolenskum
deinde ipse contendit, & Glebum ducem eius ore
iugum excutientem expulit, & alium Smolenscijs
præfexit, eoq; ad Vitoldum Basilius dux Moschoujs
inuitatus venit, postea honorificè, & liberaliter di-
missus. Tandem Vitoldus per legatum suum Alger-
dum, ducem exercitus, Tartaros profligauit, tresq;
eorum duces trucidauit.

Deinde Coriati filium Podoliæ ducem rebellan-
tem, Theodorum nomine Vitoldus fudit, ipsumq;
cepit, & Bratislauiam, Cameneciam, Smotriciam,
Scalam, Ceruonigrodum, & omnem Podoliam in
potestatem suam redegit, quam postea regi Polo-
niæ Iagieloni concessit. Interea verò Crucigeri
Prussienfis, incitante Suidrigelone, qui ad eos pro-
fugerat, Lituaniam crebris incursionibus longè la-
teq; vexarunt. Castella quædam expugnarunt, Vil-
namque caput gentis tentauerunt, à qua re infecta
discesserunt. Lituari verò cum Polonis similiter in
Prussiam excurrerunt, damnaque Crucigeris, tanta
quanta illi in Lituania intulerunt.

Postea Vitoldus, anno Domini 1396. expeditio-
nem in Tartaros adornauit, ac tribum vnã, quam
illi Hordam vocant, cum liberis abegit, exercitu eo-
rum profligato, partemque captiuorum regi, &
proceribus Polonis dono misit, reliquos in medio
Lituanie supra Vaccam amnem, duobus miliaribus
à Vilna, agris attributis, collocauit, qui illic manet
vsque

vsque in hodiernum diem, boni ac diligētes patres-
familias & virtutis priscæ, armorumque non im-
memores, ritus patrios Machometicæ superstitiones
seruant, & liberi legibus suis viuētes & ex equo
cum Lituanis, regis Polonia, magni Ducis Lituaniæ,
imperium cognoscunt, vexillumque proprium,
Arabicis litteris inscriptum, quo in bello vtuntur,
habent.

In sequenti deinde anno Vitoldus frustra dissua-
dentibus Iagielone rege, & regina, alteram expeditio-
nem maioribus copijs, in Tartaros fecit, ad quam
permulti illustres de Polonica, & Germanica nobi-
litate viri gloriæ cupidi profecti sunt. Fuerūt autem
in ea expeditione de Polonis maximè insignes &
principes viri. Recensitis itaq; apud Kiouiam Vitol-
dus copijs, bonæ spei plenus longo itinere, Tartaro-
rum campestria inuasit, tunc temporis apud Tartar-
os, Tamerlane in Scythia magna regnante, humi-
li quidē loco nato, verū scientia rei militaris, for-
tunæ beneficio, eo potentie prouectus erat, vt duo-
decies centena millia hominum haberet in exerci-
tu, ac Turcis profligatis imperatorem eorum Batas-
zerthem, (qui tunc temporis Constantinopolim ob-
sidebat) captum in ferrea cauea, autem catenis vin-
ctum per totam Asiam circumuehebant: caesa sunt
tunc temporis Turcarum 200. millia. Anno Domi-
ni 1397. Hiberiã deniq; hic Tamerlanes, Albaniam,
Armeniam, Persiam, Mesopotamiam, Asiam, & Æ-
gyptū, incredibili celeritate vastauit, & occupauit,
orbemq; terrarum sui nominis terrore impleuerat.
Iamq; transmissis Sula, & Psola fluminibus ad Cam-
pestria Tartariæ, Vitoldus cum suis, nullo repu-

*Vitoldi ex-
peditio in
Tartaros.*

*Vitoldiani
prostrati
sunt.*

gnante, peruenerat, cum Ædigam vnum ex du-
bus Tartarorum potentissimum, Tamerlanis lega-
rum cum innumerabilibus copijs, obuiam habuit.
Vbi ad conflictum venit, Tartari vicerunt, non in-
cruentatamen victoria, quod nisi multitudine ab-
undassent, virtute Vitoldianorum superati fuissent.
cecidere ibi insignes viri, ex his fuere Iagielonis re-
gis fratres, Andreas, & Demetrius, Coributus, & alij
nouem duces Lituani, & Russi pauci viri capti. Vi-
toldus cum SWidrigelone patruale, Ostrorogôq;
& Samotilio Polonis, pernici fuga euaserunt, Mel-
stinius Polonus, cum fuga saluus esse posset, inter
confertissimos hostes sese coniecit, strenueque di-
micando honestissimè occumbere maluit.

*Vitoldus
Smolenscam
cepit.*

*Vitoldus Li-
uones vicer-
suntur.*

Tandem anno Domini 1403. Vitoldus magnus
dux Lituaniæ, cum Smolenscijs rursus rebellibus,
bellum gessit, fretusq; Polonorum auxilijs arcem
Smolenskam, in quam ciues, & nobiliores vxores,
liberos opesq; suas contulerant, post diuinam op-
pugnationem, vi cepit: magnasq; opes in ea reper-
tas partim Iagieloni regi in Poloniam transmisit,
partim militibus, ut quisque meritis erat distribuit,
ceteras arces deditione accepit, & principatum in
provincia formam redegit.

Deinde Crucigeri Liouienfes, in Lituaniam ex-
currebant, quos Vitoldus cum præda reuertentes,
vestigijs clam insecutus, cum ij domos diuersè abij-
scent, regionem illorum vicissim longè lateque va-
stauit, pagos & vicos incendit, oppidum cum arce
munitum à Germanis Dunemburgum appellatum,
ad Dwinam fluium conditum, vi cepit, quibus in,
censis in Lituaniam, se cum ingenti præda recepit
Neo

Nec multo post rursus Lituania hinc à Prussienfi-
enibus, illinc à Liouienfibus Crucigeris, SWidri-
gelonis profugi, opera peruastrata est. Tandem Ia-
gielo rex, & Vitoldus, patriæ afflictæ vicem misera-
ti, SWidrigelonem fratrem exulem à Prussia euo-
cauerunt, Podoliaq; Ducatum in possessionem ei
concesserunt. Postea SWidrigelo hac liberalitate
regia minimè sanatus, homo ambitiosus & peruer-
sus, nō habens receptaculum apud Prussienfes Cru-
cigeros: (nam certis sub conditionibus, propinquos
regis exules, ex Lituania suscipere, nequaquā Prus-
sienfes sese obstrinxerant,) ad Moschouia ducem
Basilium profugit, arcibus quas in Russia tenebat
succensis. Eodem anno 1406. Vitoldus pace nacta
cum Crucigeris, transmissio Hagra flumine, primam
expeditionē in Moschos adornauit, à genero duce
gentis iniuria prouocatus, peruastrataque longè la-
teque Moschouitica regione, præda onustus, in Li-
tuaniam redijt. Postea maiori vi in id bellum, anno
vno intermisso sese expedit, fretus maioribus au-
xilijs Polonorum, & Crucigerorum, & vsq; ad Oc-
cam fluium permagnum, Moschouia deuastata,
populabundus peruenit, quominus autem fluium
transmitteret, SWidrigelonis patruelis nuper pro-
fugi (qui Moschouitis operā suā nauabat) armis pro-
hibitus est: Impetrauit tandem à Vitoldo, Basilius
Moschouia dux pacem, æquis sub conditionibus.

*SWidrigelo
ad Moscho-
uiam fugit.*

*Vitoldus
Moschouia
vastat.*

*Vitoldus
Prussiam
vastat.*

Dum hæc aguntur Sigismundus Coributus Vi-
toldi frater, nihil de inducijs cum Crucigeris Prus-
sienfibus compertum habens, absente Vitoldo cum
Lituanis in Prussiam excursionem fecit, & tribus
oppidis, plurimisque pagis direptis, & succensis in-

*Crucigeri
Lituaniam
vastant.
Vitoldum la-
cet.*

gentem prædam asportauit. Quos vt Crucigeri vici-
ciscerentur, nullam exculationē ignorantia admite-
rentes, simili modo in Lituaniam per auias solitudi-
nes excurrerunt, in Wolkouisko oppidū improvise
impetum fecerunt, quo succenso multitudinē ho-
minum, qui ad rem diuinam, festo die cōuenerant,
captiuam abduxerunt. Vitoldus verò cū septem
milliaribus ab eo loco abesset, raptim in interiores
syluas cum vxore sese abdidit, donec hostes discessis-
se cognouit, nunquam enim hostibus regiones suas
vastantibus, occurrere ausus erat, sed illis disceden-
tibus vicissim regiones eorum vastabat.

Deinde Vitoldus, anno Domini 1415, cōducto in-
genti exercitu de Polonia, contra Pskouienfes Rus-
sos expeditionem fecit, qui pacem magnā vi auri, &
argenti redemerunt.

*Vitoldus No-
uogrodenses
capit.*

Postea Nouogrodensibus Russis liberē videnti-
bus, Pskouiensium vicinis bellum intulit, quibus et-
iam supplicibus, & ingentia dona afferentibus pa-
cem dedit.

*Sigismundus
imper. cum
Vitoldo gra-
tiam impit,
& diadema
ei pollicetur*

Tandem Sigismundus Romanorū rex, inimici-
tias inter Iagielonem regē Poloniæ, & Vitoldū dis-
seminaturus, societatem cum Vitoldo secreto iniit.
Diademaq; regium, in iniuriam Polonorum ei dare
pollicitus est, cupiebat id Vitoldus homo ambitio-
sus, & ingētis animi, sed ei obnixē Iagiello frater cum
Polonis, ne voti cōpos foret oblectabatur, denega-
batq; vnde variæ controuersia vtrinq; intercelle-
runt. Postea à Sigismundo rege Romanorum draco
aureus affabrè factus, pignus societatis, per legatos
ei allatus est, expetitumq; ab eo iusiurandum de so-
cietate vtrinq; seruanda. Sed Vitoldus dracone pro
hospi-

hospitali munere accepto, iusiurandum nullum de-
dit, nec tamē à cœpto de ambitione diadematis re-
gij destitit, legatiq; regis Romanorum de eo afferen-
do, certū tempus præscripserunt, ad decimū sextum
Calendas Septembris. Hoc vbi rex Poloniæ Iagiello
rescijt, Ioanni Czarnkouio Subcamerario Posnani-
ensi, viro impigro, negotium dedit, vt ad confinia
Poloniæ, & Saxoniz, legatos Romanorum regis, &
Vitoldi, vltro citroq; comeantes obseruaret, inter-
ciperetq; Statimq; Baptistam Cigalam Italum iuris-
consultum Genuensem, & Sigismundum Rotum
Germanum à Cæsare ad Vitoldum proficiscentes
intercepit, excussosq; incōsultē dimisit. Litteras ve-
rò ab eis ablatas ad regem attulit. Missi autem hije-
rant, vt Vitoldo dubitationem omnem eximerent, *Legati Ca-
saris intera-
cipiuntur.*
diademaque ad tempus allatum iri, ab alijs legatis
promitterent. Præterea vt confederationes & so-
cietatem Prussiensium, atq; Liouoniensium Cruci-
gerorum, Hungarorumq; & Germanorum, cum
Lituanis aduersus Polonos confirmarent.

His cognitis Poloni nemine iubente, quasi sub-
latis signis, armata manu apud Turagoram insede-
runt, pro patriæ tranquillitate & honore ad extre-
mum Oceanū Germanicum, decernere parati. Iam
legati cum diademate Prussiz appropinquabāt, per
quam profecturi erant, cum didicerunt à Polonis
vias obsideri, & non ausi periculo sese committere,
cū duos menses frustra expectassent, ad Cæsa-
rem in Hungariā reuersi sunt. Nec multo post Vitol-
dus voto frustratus ex angore animi, anno Domini
1430. mense Septembri in Troki ciuitate spiritum
exhalauit, cum octuagesimum annum excessisset.

*Vitoldus
moritur.*

*Vitoldi mo-
res.*

Princeps impiger & vegeto ingenio, abstemius in omni vita nihil præter aquam bibere solitus, in vitu temperas, temporis perparcus, ita ut supra mensam iudicaret, & responsa legatis daret. Caterum in Venerem procliuor, confecto enim felicissimè bello temper solebat relictis copijs in hostico; domum transmutatis equis, ad uxorem otius præcurrere. In externos liberalis erat, suos verò metu magis quàm beneficio, in officio continebat. Statu- ra fuit mediocri, gracili corpore, radere barbam & genas solitus.

SWIDRIGELO PRINCEPS

Lituania.

*Poloni ma-
gnam Podo-
liam partem
occupant.*

*Iagiello rex
cum Polonis
in periculis.*

Uisit Vitoldo, Vilnæ in arce persolutis, Iagiello rex Poloniae, SWidrigelonem fratrem germanum, patruelem Vitoldi, hominem nihili, & ebriosum, summæ rerum apud Lituanos præfecit. Poloni verò primores, patriæ utilitati consulentes, re animadu- uersa Daugertum Palatinum Vilnensem, qui Podoliam Vitoldi nomine administrabat, rerum om- nium adhuc ignarum, euocatum ad colloquium ceperunt, arcemq; Kameneciam, Smotriciam, Skala- lam, & Ceruonigrodum occuparunt, & magnam partem Podoliæ facile in potestatem suam redege- runt, ne in ditione Lituorum deinceps esset. Vbi factum hoc rescivit SWidrigelo, homo violentus & in- iracundiam præceps, beneficiorum regis fratris obli- tus, in eum (tunc temporis exequias funebres Vitoldi celebrantem Vilnæ) fremere, maledictisq; lacessere, palamq; vincula & necem regi, Polonisq; qui cum eo aderat minitare, cœpit: ita ut Poloni, die no-

cteq;

cteq; circa regē excubare cogerentur. Rex verò siue quod sibi meruebat, siue quod SWidrigelonis incre- mentis impēsius fauebat, Podoliam ei restituere as- sensus est, eaq; de re Tarlonē in Podoliam cū literis & mādatis milit, qui eam Michaëli Babe Russo, SWi- drigelonis nomine recipiendam & obtinendā tra- deret. Andreas verò Tencinius, & Nicolaus Dreui- cius, iuuenes ex nobilitate Polonica, qui annulū si- gnatorium habebant, amore patriæ ducti, litteras ad Michaëlem Buczadium, qui Cameneciam Podo- liæ obtinebat, scripserunt, regem extrema necessi- tate adaectum, Podolia SWidrigeloni cedere, nun- ciantes, sed ut non modò, non parceret mandatis re- gis, verum Tarlonem & Babam pariter compre- henderet. Eas litteras quoniam palam ferri nequi- bant (SWidrigelo enim omnes iter in Poloniam ca- pescentes excuriebat) cera obuoluerunt, & cōtexe- runt, ut speciem & similitudinem cerei præ se fer- rent. Tarloniq; legato dederunt, ut is cū primū Cameneciam venisset, cereum illum Buczacio red- deret, atq; hæc verba adderet, ut si errare ille noller, ex eo cereo vnā cum magistratu urbano, lumē que- reret. Quæ omnia Tarlo iuuenis omnium rerū igna- rus, bona fide perfecit. Buczadius præfectus cereum acceptum refringit, litterasq; inuenit. Tarlonem le- gatū & Babam comprehendit, in arcesq; Podoliæ intromissionem non admisit. Poloni quoq; casum regis sui animaduertentes, exercitum sine mora conscripserunt. SWidrigelo autem Polonos, arma parare ad vindicandum regem audiens, confestim eum sibi reconciliatum, auroq; & argento liberali- ter donatum liberum dimisit. Tandem SWidrigelo

*Lumen ex
cereo qua-
ritur.*

*Valachi
funduntur.*

exercitū in Podoliam duxit, cui Iagiello rex cum armatis copijs Polonorum, anno Domini 1431. ad diem S. Margeretæ apud Luczkum ciuitatem occurrit, excursorijs pugnis utrinque collatis, fœdus ad purificationis diuæ Mariæ festum inierunt. Interea verò Palatinus Valachię tributarius Polonorum, infestis armis in Poloniam descendit, cuius exercitum Poloni & Podoliani dissipatum, & per agros, sylvasque pallantem, cruenta clade prostrauerunt. Postea rex Iagiello in Swidrigelonem fratrem seditiosum, & ad sanam mentē redire nolentem, Lituanos concitauit, Sigismundumque patruelem, Vitoldi fratrem germanum, Starodubensem ducem, ad inuadendum principatum Lituaniæ animauit. Statimque proceres Lituaniæ cognita voluntate regis, cum Sigismundo aduersus Swidrigelonem ducem suum, ob nimiam crudelitatem conspirauerunt, in eumque apud Osmanam, tunc temporis agentem, impetum fecerunt, qui de insidijs à Ioanne Muniuido pramonitus, pernici fuga in Russiam euasit, ideoque postea adiunctis sibi Liouonensibus Crucigeris, Lituaniam vexauit.

SIGISMUNDVS PRINCEPS

Lituania.

Anno Domini 1432. Sigismundus Keystuti principis Lituaniæ filius, dux Starodubensis, in Russia, regis Iagielonis patruelem, beneficentia & fauore Lituaniæ procerum, expulso iusta de causa Swidrigelone seditioso, rerum in Lituania potitur, & magno Ducatu solēniter in verba regis Iagielonis & procerum Polonię, Lituanięque iurans inuestitur. Ideo

Ideò tertio magni Ducatus Lituanię cum regno Poloniæ unio, incorporatioque celebrata est.

Eodem anno rex Poloniæ Iagiello, vltima mensis Maij vitam cum morte feliciter commutauit, cui Vladislaus filius in regno, anno Domini 1434. successit, qui postea rex Hungariæ creatus est, quo ex Polonia in Hungariam, anno Domini 1440. ad suscipiendum regnum discedente, Czartorienſis dux, Russus, Sigismundum magnum Ducem Lituaniæ, dolose, perfidioseque necauit Troki. Atque post hunc magnus Ducatus Lituaniæ ad secundo genitos regnum Poloniæ translatus est. Quapropter proceres Poloniæ cum ducibus Massouiæ Casimirum haredem regni Poloniæ, cum ducibus Massouiæ Casimirum haredem regni Poloniæ, Iagielonis regis filium, in magnum Ducatum Lituaniæ duxerunt, quem Lituani cum ingenti lætitia, susceptum, communibus suffragijs, summæ rerum apud se præfecerunt. Qui postea Vladislao fratri, anno Domini 1447. in regno successit. Magno verò Ducatu Lituaniæ Alexander filius eius ardentibus suffragijs Lituonorum, præpositus est.

ALEXANDER PRINCEPS

Lituania.

Alexander Iagielonis nepos, Casimiri regis Poloniæ filius, magno Ducatu Lituanię potitus, apud Ioannem magnū Ducē Moschouiæ, filiam Helenam, in matrimonium accepit, in sponſalibusque conclusum erat, ut templum Ruthenico ritu, in castro Vilnensi destinato loco, edificaretur, eięque certæ matronæ, ac virgines eiusdem ritus iungerentur.

Moschus in Alexandriam Lituaniam Ducem insurgit.
 tur. Quæ cum aliquanto tempore negligerentur, sumit locer causam belli contra Alexandrum, & triplici exercitu instructo, contra eum progreditur, primum, versus provinciam Seueram, in Meridiem, secundum verò, in Occidentem contra Toropiec & Biela instituit, tertium in medio, versus Drohobus & Smolensko collocat, ab ijs exercitum in subditis retinet, quo ei maximè, contra quem Lituanos pugnuros animaduerteteret, succurrere posset. Postquam autem ad fluvium quendam Wedrasch, vterque exercitus convenisset, Lituaui duce Constantino Ostrolki, maxima procerum, & nobilium frequentia septo, ex quibudam captiuis, numerum hostium ac ducum quoque cum cognouissent, magnam spem profligandi hostem concipiunt, porò cum fluvio l'os cõdictum impediret, ab vtriusque transitu seu vadum quaritur. Primi autem Moschi aliquot superata ripa, Lituanos ad pugnam l'acessunt, atque illi haud timidi resistunt, eosque insequuntur, fugant, vltraque fluvio l'um pellunt, mox vtrinque acies committuntur, præliumque atrox oritur. Inter ea dum vtrinque eodem ardore animorum, acriter certarent, exercitus Moschorum in insidijs collocatus, eo latere in medios hostes inducitur, Lituaui metu perculsi dilabuntur. Imperator exercitus, vna cum plerisque capitur, reliqui perterriti, castra hosti concedunt, se & arces Drohobus, Toropiec, & Biela pariter sese dediderunt: exercitus verò, qui Meridiem versus processerat, cui præerat Machmetin Tartarus rex Cazanensis, forè Bransko, ciuitatis præfectum comprehendit, Branskoque ciuitate potitur. Paulo post duo Germani fratres, Seueriæ

Lituaui funduntur.

Arces à Moscho capuntur.

Duces Seueriæ Moscho se dedunt.
 ueriæ principes, Semetici dicti, alioqui ducibus Lituaniam obediens, imperio Moschorum principis se tradunt, sic vnico conflictu, & eodem anno adeptus erat Moschus, quæ Vitoldus magnus Dux Lituaniam multis annis, maximisque laboribus, obtinuerat. Porò Moschorum dux cum hisce captiuis Lituanis crudelius egit, Constantinumque ducem exercitus præfectum, crudelissimis vinculis, pollicitationibusque sollicitabat, vt relicto domino naturali, sibi seruiret, qui cum aliam spem elabendi non haberet, conditionem oblatam accepit, in verbaque Moschorum principis iurauit. Et quamuis prædialia, possessionesque amplissimas, pro status sui cõditione habebat attributas, à principeque summo amore prosequeretur, tamen aliquot ibi annis exactis, nacta occasione, per inuasasylvas, in Lituaniam cum ingentibus thesauris profugit. Qui postea, anno Domini 1514. cum exercitu Polonorum & Lituanorum strenui militis, & imperatoris officium adimplens, sub Sigismundo rege Poloniae, octuaginta milia Moschorum strauit, prout superius, in gestis Sigismundi regis Poloniae patet. Sed ad rem redeo.
 Alexander magnus dux Lituanie, postea decede Ioane Alberto fratre, Polonie rex creatus, liberatione captiuorum, cõtentus cum socero Moschorum principe Ioanne, ad sex annos fœdus iniit, anno Domini 1503. Postea anno Domini 1506. Vilnae mortuus est, ibidemque sepultus, ætatis suæ 45. annos habens. Præfuit magno Ducatui Lituanie 14. annis, regnum Poloniae 4. annis & 8. mēib. administrabat, huic in magno Ducatu Lituanie, & regno Polonie Sigismundus frater Germanus, huius nominis primus successit.

Octuaginta milia Moschorum caesa.

Alexander moritur.

Nova Gubernationis
LIVONIAE FORMA, RE-
CENS A STEPHANO REGE
POLONIAE INSTITUTA, ANNO

M. D. LXXXIII.

STEPHANVS DEI GRATIA
REX POLONIAE, MAGNVS DVX Li-
tuania, Russia, Prussia, Massonia, Samogitia, Li-
uonia, Kijouia, Volhinia, Podlachiaq, nec
non princeps Translyvania, &c.

Significamus tenore praesentium, quibus expedit
 vniuersis, praesentibus & futuris harum notitiam
 habituris. Quia nos per Dei gratiam recuperata de
 potestate Moschi prouincia Liouonia, eius statui ac
 bono ordini prospicientes, ac defensionis & iustitiae
 rationem habentes, atq; exemplum in primis terra-
 rum Prussiae nos accommodantes, infra scriptas le-
 ges & constitutiones ei prouinciae, de consilio con-
 siliariorum nostrorum dandas, & promulgandas esse
 duximus, damusq; & promulgamus praesentibus.
 Iura tamen nostra regalia integra nobis in omnibus
 reseruando.

Episcopatus Vendenfis.

In primis Deo optimo gratias pro victoria con-
 cessa agentes, ad eiusq; cultum actiones nostras re-
 ferentes, fundauimus episcopatum in eadem pro-
 uincia in locum archiepiscopatus, & episcopatum,
 qui fuerunt superioribus temporib. primum discor-
 dia in-

dia interna, deinde verò hostili gladio exterminati:
 cuius sedes Vendra futura est. Vbi etiam canonico-
 rum collegium instituimus, ac item per ciuitates, op-
 pida, & villas nostras regales, parochias, & scholas
 ritus Catholici ereximus.

De dissidentibus in Religione.

Annuimus petitionibus prouincialium prouin-
 cia Liouoniae, Rigae & hinc ad nos factis, vt Augustanae
 confessionis, quae vnica post religionem Catholicam
 illam in prouinciam introducta erat, liberum vsu
 illis permittamus.

Tres praesidatus in Liouonia.

Prouinciam Liouoniam, quae adhuc à nobis parta
 est, in tres diuidimus partes, tum iurisdicundi, tum de-
 fensionis causa: quarum prima erit Vendenfis, atq; id
 quicquid inter flumen Dunam, & Gouiam, & inde
 ad fines Moschouiae versus Opoczka, supra Marien-
 hausen situm est, ad praesidatū Vendensem specta-
 bit, inclusis etiam arcibus Marienhausen, Ludzen, &
 Rozythen: Derpatensis, quae à flumine Gouia ad fi-
 nes vsq; Moschouiae extendetur, & versus Felinum
 Vilscher lacu terminabitur: Tertia Pernauensis, quae
 Felinum, Pernauiam, & ceteras arces, inter Gouiam
 flumen, & mare, & lacum Vilscher continebit.

Praesides Liouonia.

Quibus quidem in partibus singuli praesides Ven-
 denfis scilicet, Derpatensis & Pernauensis praerunt eo
 iure & autoritate in illa prouincia, qua Palatini in
 Prussia sunt, cum quibus etiam, necessitate exposcen-
 te, ad bellum mouere debebunt, postquam praedicti
 praesides à nobis, vel gubernatore Liouoniae, vel locū
 tenente, vel commissario nostro admoniti fuerint.

Succamerarij.

Statuimus, vt in eadem prouincia tres itidem Succamerarij sint: Vendenſis, Derpatenſis, Pernauienſis, eadem authoritate & functione, qua Succamerarij ſunt in terris Pruffiæ. Iſdem finibus inter nobilitatem regundis præerunt.

Vexilliferi.

Tres itidem prædictæ Liuoniæ prouinciæ regiones, tres ſuos vexilliferos habebunt, ſubque ſignis à nobis illis attributis, neceſſitate expoſcente vt ſuprà ſcriptum eſt, dictæ prouinciæ nobiles & incolæ, ad bellum & deſenſionem progredientur.

Iudicia terreſtria.

Iudicia terreſtria in ſingulis præſidatibus, quotannis bis celebrentur, ita vt in præſidatu Vendenſi, prima iudicia feria tertia poſt Dominicam Quaſimodo geniti: ſecunda, feria tertia poſt Lamperti in Pernauienſi, duabus poſt hebdomadibus. In Derpatenſi duabus poſt alijs obſeruentur. Ex quibus quidem iudicijs terreſtribus appellationes ordinariæ ſient ad conuentum Liuoniæ.

Iudices, Scabini, & Notarij terreſtres, ac Tabelliones.

Iudicia terreſtria iudicabuntur ab iudice. Iudex autē cuius præſidatui, ex quatuor à nobilitate propoſitis, vnus per nos assignari debet, cui aſſidebunt ſex ſcabini, ex duodecim à nobilitate propoſitis à nobis deſignati. Notarium verò terreſtrem ex quatuor à nobilitate electis, vnum itidem deſignabimus qui acta ac decreta iudicij terreſtris conſcribet & edet. Pro incidentibus verò paſſim neceſſitatibus publici tabelliones in conuentibus Liuoniæ modo inſcri-

ſcripto habendis, qui fuerint teſtata probitatis ac fidei, ex conuentus illius ſententia, creati poterunt.

De appellatione.

Vt autem friuolæ & temerariæ appellationes nonnihil cohibeantur, quiſquis in iudicio terreſtri ad conuentum appellauerit, octodecim marcas Rigētes in iudicium reponat. Et ſi appellans ſuccubuerit, in vſum publicum iudicij in quo erant repositæ, cedant, alioquin parti reſtituantur.

Iudicia Præſidum, & ſanguinis, ac facti recentis.

Nec præſides cauſas ad ius terreſtre ſpectantes, niſi de conſenſu partium iudicent, & prouocantes ad iudicium terreſtre remittant, exceptis cauſis leuioribus, quæ videlicet valorem triginta marcarum Rigenſium, non excedant. hæ quidem ſine ſtrepitu iudicij, de ſimplici & plano ab eis componi poſſunt. In cauſis autem ſanguinis, & facti recentis indilatam iuſticiam miniſtrent, nec partes contententes ad componendam amicè inter ſe controuerſiam cogant, nec vllas pœnas exigant, niſi per iudicium decretas. Quarum pœnarum tertia pars iudicio terreſtri, reliquæ duæ partes præſidi loci cedant.

Præſides & Capitanei ceteriq; omnes iudicio terreſtri ſubſint.

Præſides & capitanei, ac quiuis incolæ Liuoniæ, ſue Poloni, ſue Lituani, aliq; omnes citati: tam in iudicio terreſtri, quàm cōuentuum publicorum, reſpondere ſint obligati, exceptis obligationibus ſuper bonis noſtris regalibus emergentibus. Ciuitatibus etiam iudicia iuxta priuilegia ipſorum relinquimus.

De Commiſſionibus.

Vt autem temerariæ lites amputentur, commiſ-

farios siue iudices delegatos non deputabimus in causis ad iudicium terreſtre ſpectantibus, & minus in eo iam pendentibus, niſi per rationē ordinariam, de qua infra dicitur, à ſentētia definitiua, ſeu interlocutoria iam lata, ad nos remiſſa fuerint, exceptis cauſis limitum bonorum noſtrorum regalium & diuiſionis fratrum, & proximorum. Nec iudices delegatos ſeu cōmiſſarios, à quibus ſemel appellatum eſt, in eadem cauſa denuo deputabimus, aut cauſam ad ipſos remitemus. Non enim veriſimile aut honeſtum videtur, quòd iudex ſuam priſtinam ſententiam retractet aut aliter poſtea iudicet quàm antea iudicauerat.

De Conuentibus publicis iudicialibus.

Conuentus autem publici iudiciorum cauſa in Liuania Vendæ quotannis bis celebrentur, verno videlicet tempore, ad diem S. Stanislai: tempore autem autumnii ad diem S. Michaelis. ad prædictos conuentus publicos omnes cauſæ, tam ex ciuitatibus, quàm ex iudicijs terreſtribus, per appellationem deuoluantur, ac etiam ex Feudis ducalibus. ex verò appellationes cognoſcentur, in dicto conuentu, ab epifcopo, tribus præſidibus, capitaneo Vendenſi, quaſtore prouinciali, tribusque Succamerarijs, ciuitatumque, Rigenſis duobus, Derpatenſis vno, Pernauienſis vno, Vendenſis vno, deputatis. Præſidebit verò gubernator Liuania, vel locum tenens, aut cōmiſſarius noſter, à nobis pro tempore designandus, atque ibi omnes cauſæ ſinientur, ſine vltiori prouocatione, exceptis cauſis amifſionis

ſionis hæreditatis bonorum, in quibus ſi quæ pars à conuentu ſe grauata putauerit, vtriuſque partis allegationes diligenter conſcribi, & ad nos obligata ſigillis omnium ſupraſcriptorum per gubernatorem, aut locum tenentem, vel cōmiſſarium noſtrum remitti debent, de quibus nos ſententiam noſtram iidem ſcripto noſtro declarabimus: ac item exceptis cauſis famæ, in quibus hoc idem, niſi ſint ſanguinis & facti recentis, obſeruari volumus. Decreta verò prædicta conuentionalia, à notario terreſtri Vendenſi conſcribentur, ſub ſigilloque eiufdem terræ edentur.

De iure municipali Liouonico.

Tam in iudicijs terreſtribus, quàm conuentionalibus, iuſtitia adminiſtrabitur ex præſcripto iuris prouincialis in Liuania recepti, cuius quidem iuris municipalis exemplum prouinciales ad nos mittere debent intra quadrimeſtre, vt à nobis recognoſcatur, & authoritate noſtra publicetur. Præteritas omnes iniurias facti inter priuatos perpetua obliuione delendas cenſemus. De cauſis autem pecuniarum creditarum, & bonorum ademptorum, inter ſe iure experiri poterunt. Neque tamen ab ijs qui tempore belli uſuras in bonis ſuis inſcripſerunt exigere debent. In poſterum autem non niſi mediocres inſcribi & accipi poterunt.

Conuentus neceſſitatis publica cauſa.

Quando opus fuerit cōuentu pro neceſſitate publica, quē nos & ſucceſſores noſtri, arbitrio noſtro, loco & die, quo nobis videbitur, indicemus, prius in ſingulis præſidatibus, Venden. Derpaten. Pernauien.

fiat nobilitatis cōuentio particularis, quam præsides in suis præsidiatibus ad aliquē locum conuenientem literis suis de mandato nostro conuocent, vt nuncij ad huiusmodi conuentum eligantur. qui autem vocatus non comparuerit, pœnam sex marcarum Rigenſium pender, cuius medietas præsidiij, altera verò fisco Liuonico proueniat. Mittent etiam ad eundem conuentum nuncios duos ciuitas Rigenſis, vnum Derpatensis, vnum Pernauien. vnum Venden. ac item Curlandiæ dux, cuius nuncio locus dignus ac conueniens in confellu, attribui debet.

De executione rei iudicata.

At quum frustra sententiæ ferantur, nisi legitime executioni demandentur, volumus, & irrefragabili constitutione sancimus, vt deinceps vnusquisq; cuiusvis conditionis aut eminentiæ fuerit, rei iudicatæ sine omni contradictione cum effectu pareat, & obsequatur, alioqui locorum præsides nullo alio à nobis mādato expectato, legitimam executionem faciant, adiuncto sibi, vbi causæ conditio id postulauerit capitaneo, & nobilibus illius districtus, aut etiam, si necessitas exegerit, omnibus & singulis vassallis nostris seu nobilibus illius præsidiatus, quos ad assistendum illi sub iurifiarandi debito & amissione bonorum obligatos esse decernimus. Si verò maiori potentia sit opus, negotium ad nos referri volumus, vt opportunis rationibus rebus prouideamus. Præsides similiter ad huiusmodi executiones faciendas, iustitiāque oppressis ministrandam iusiurandum nobis prestitum adigat, quos etiam, si remissiores fuerint, quinquaginta florenorū Vngaricalium pœna plecti volumus, cuius mulctæ medietas parti,

cui

cui iustitia denegata est, altera verò medietas fisco cedat. Vbi autem quis exequutioni voluerit resistere, aut iam factam violare conuictus fuerit, pœna banni siue proscriptionis, ac bonorum confiscatione, irremissibiliter puniatur. Ex quibus bonis parti læsæ primum satisfiat, quod reliquum fuerit, prædicto fisco applicetur.

De violentijs ac vijs publicis.

Statuimus præterea, vt nullus capitaneus, nobilis, ciuis, aut quiuis alius, cuiuscunq; conditionis existat, qui personis, castris, domibus, aut possessionibus alicuius vllam violentiam inferre, incursiones facere, in publicis stratis insidias ponere præsumat. super his conuictus, capitali pœna puniatur.

De captiuatione, criminibus ac contractibus.

Et cum aliquis nobilis decreto publici conuentus, iudicio præsidiū aut terrestri capitur, quod sub certis pœnis in potestatem aut carcerem ciuilem non tradatur, sed in manus præsidiū. Si quis autem in ciuitate, vbi nulla arx est capitur, & autoritate conuentus præsidis, aut iudicij in carcerem ciuilem conjicitur, in potestate eorundem & non ciuitatis permaneat. Fideiussoria autem cautione à carcere huiusmodi liberetur, nisi causā fuerit criminalis, & vt sub pœna viginti florenorum Vngaricalium, quorum medietas præsidi, altera parti læsæ cedat, absque vlla remissione persoluenda, nobiles & eorum subditi, autoritate seu potestate ciuili non capiantur, detineantur, aut arestantur, nec nobiles autoritate propria capient, aut detineant ciues vel eorum subditos, sed vnusquisque coram iudice suo

Z

ordinatio conueniatur, & iustitiam requirat, nisi in calibus recentibus, & actionibus criminalibus. nam delinquens in loco delicti deprehensus, & contrahens de contractu recenti, in loco contractus poterit conueniri.

De fluminibus.

Præterea ne in fluminibus terrarum nostrarum Liouonię quibuscunq; ab antiquo nauigabilibus obstacula fiant, vt tam piscibus, quàm nauibus, & lignis liber transitus permittatur, bonis ac iuribus nostris regalibus, & quorumcunq; priuilegijs antiquis, & præscripta consuetudine saluis.

De bonis terrestribus ciuium, & nobilium ciuilibus.

Ciuiibus bona terrestria, & nobilibus ciuilia bona liberum sit deinceps emere: ita tamen, quod ad paria onera vtrinq; ferenda sint obligati. Quod scilicet ciues ratione bonorum terrestrium omnia nobilitatis onera, & nobiles ratione ciuiliū bonorum omnia ciuilia onera, æquis passibus ferant, & eidem iuri sub sint.

De Prædonibus.

Statuimus, vt præfides & capitanei, quisq; in suo præsidatu, & capitaneatu diligenter fines terrarum obseruent, ne prædones & grassatores ingrediendo impunè grassentur.

Rustici arma non ferant.

Et præterea ne rustici cum bombardis, cuspidibus, lanceis, gladijs aut similibus armis, publicè aut priuatim incedant atq; ea deferant, nisi ad venatio-

nationem, aut publicam pacem tuendam, à dominis & potestatibus suis euocari fuerint. Sculteris etiam exceptis, quibus ob publicam functionem, armatos esse liceat.

De mercimonijs, & rusticis.

Ne etiam mercatores & præsertim peregrini siue exotici homines, in nobilitatis ac ciuitatum iniuriam, merces in villis ac pagis clàm & publicè cõmere, & negotiationes exercere audeant, auctoritate nostra regia firmiter prohibemus. Statuentes vt deinceps subditi dominorum merces & res suas vendibiles in ciuitatem ducant, & in foro publico venales exhibeant. Cum verò supra actis temporibus, plebem rusticam miris modis pressam in Liouonia fuisse audiamus eam ad tolerabilem statum reducendam, eiusque rei rationes aliquas in conuentu provinciali ineundas censemus, ad quã nos quoque auctoritatem nostram, & ordinationem, communicato cum provincialibus in eodem conuentu consilio, abhibebimus.

De mercimonijs Moschouiticis.

Mandamus locum tenenti nostro, præsidibus, capitaneis ac alijs prouinciæ ac ciuitatum magistratibus, vt merces omnes Moschouiticas, Plelcouia, & aliunde perditiones nostras, Rigam, aut Pernauiam, quo ad diuersum aliquid pro ratione temporis statuerimus, dirigant. Riga verò & Pernauia trans mare, tum in Lituaniam Poloniamque: necijs mercimonijs vt, nisi subiectos nobis patiantur sub graui animaduersione.

*De constitutionibus in posterum faciendis
aut emendandis.*

Si quid postea de statu Liuania, eiusq; bono ordine statuendum sit, aut in suprascriptis constitutionibus emendandum, mutandum, addendum, id prout res ac necessitas tempusq; exigit, matura ac bona deliberatione faciemus. Quae omnia & singula ut suprascripta sunt sancimus ac decernimus robur debitae firmitatis habere debere, ac ab omnibus in eadem prouincia obseruari, ab ijs vero quorum interest manu teneri, & exequi. Harum quibus sigillum nostrum appressum est, testimonio literarum. Actum & datum Varlauiae, die quarta Decembris correctionis. Anno M.D.LXXXII. Regni nostri, anno septimo.

Per manus illustris, & magnifici Ioannis de Zamolscie, regni nostri supremi Cancellarij, & exercituum regni generalis. Cracouiensisque ac Marieburgen. Miedzyrzecen. Knyschynen. Krzeczouiensis, &c. Capitanei. Sincere nobis dilecti.



STEPHA-



STEPHANI POLONIAE
REGIS LITERAE AD ORDINES
REGNI POLONICI, DE
*rebus à se in bello aduersus Moschos superiori aetate
gestis.*

Anno 1580. Die 6. Septembr. ad
Vielikolukum scriptae.



STEPHANVS Dei gratia rex
Poloniae, magnus Dux Litvaniae,
Russiae, Prussiae, Samogitiae, Liuaniae,
Transilvaniae princeps. Reuerendiss. Reuerendis, Magnificis,
Nobilibus, Famatis, Archiepiscopis, Episcopis,
Palatinis, Castellanis, Regni nostri Senatoribus:
praeterea cuiusvis ordinis subditis nostris sincere
fidelibus nobis dilectis Gratiam nostram Regiam.
Reuerendissimi, Reuerendi, Magnifici, Generosi,
Nobiles, Famati, sincere fideles nobis dilecti.

Z ij

Notum facimus, quàm libenter & decreta communibus Reipublica comitijs geramus, & de rebus à nobis gestis, Sinc. & Fidel. vestras faciamus certiores.

Cùm superioribus proximis Reipublica comitijs placuisset bellum contra Moschouia ducem susceptum continuari: nihil pratermissimus, quod posset ad illud rectè atque ordine administrandum, & in primis ad exercitus cùm veteres retinendos, tum novos conscribendos pertinere, quibus omnibus postquam, ut ad Ciusniciam (quo loco nos, & Rustia, contra iniurias Moschi, praesidio esse posse, & ad primarias alias atque alias arces hostiles, per opportunos aditus habituros intelligebamus) certo die conuenirent, edixissemus: Nos Vilna profecti, eodem ad octauum Iulij mensis diem peruenimus, ac in primis frequentiore & Senatorum nostrorum & hominum militarium conuentu, de belli administratione & quò potissimum arma in hostem inferremus, ad concilium nostrum retulimus. in quo, etsi variae initio dictae sententiae fuissent: eo tamen descensum postea est, ut Vielikolukum nobis cum exercitu ante omnia mouendum, eamque arcem omniconatu oppugnandam concluderemus:

mus: secuti quàm maximè cùm ipsam seriem & quasi tenorem gerendarum rerum, qui nos ex locis anno superiore proximo expugnatis, re recentibus, Vielikolukum vocare & ducere visus est, tum Rustiae defensionem, quam vniuersam, eo loci cum exercitu progressi, nos ab hostili vi tueri posse intelligebamus.

Præterea Lucensis arcis situ, fama, ditionis amplitudine, vbertate (qua exercitus nostri sine ditionum nostrarum detrimento aliac sustineri possent) opportunitate denique ad signa nostra penitus in hostilia loca inferenda, hostemque ad aliquam prælii dimicationem eliciendum, ceteraque deinceps ex Vielikoluko facilius promittisque administranda adducti.

Habito igitur exercitus nostri delectu, ex agro Ciusniciensi, Vitepscium profecti sumus: quo itinere cum arces duas hostiles (Vielepscium vnam, in Dunæ ripa Vitepscio ex superiore fluminis loco oppositam: atque alteram Vsiatum, quæ ad amnem cognominem in Dunam fluium illabentem, & propius Lukum versus ferentem, sita est) exclusuras nos tormentorum & commeatus ad exercitus nostros supportandi commoditate acceperissemus, & cetero cùm studium nobis esset Du-

nam flumen magis magisque ab hoste in potestatem nostram vindicare: quores maiore celeritate conficeretur, magnificum Ioannem de Samoysczie Regni nostri Cancellarium, & cum ijs copijs, quas hoc in bellum nobis adduxit, & alijs additis, Vielescium oppugnandi causa praeiisimus. qua ex arce cum vnus diei oppugnatione praesidium hostile feliciter deiecisset, nos ea potius (praemissa primo agmine Lituanicarum copiarum parte) vsuiatum cum exercitu accessimus, locumque munitionibus oppugnandi causa iam actis, metu potius admoto quam vi adhibita, deditioe cepimus.

Inde contractis in itinere copijs omnibus, quas duarum istarum arcium oppugnatio diuiserat, mouimus, & superata locorum inde ab Ciusnicia incredibili vastitudine itinere (summo cum labore militum ac ingenti difficultate, qua vsuiatum, qua Vielescium exercitus iuere, & per assiduas densissimasque sylvas) facto, Vielikolukum progressi, ad arcem vigesima sexta mensis Augusti die castrametati sumus. quae in castra cum id temporis ab magno Moschonia duce legati ad nos venissent, nulla interposita mora eos audiimus.

Verum cum a nobis, contra omnes nostras re-

rum gerendarum rationes, contraque dignitatem nostram, postularent, ut nos in Lituaniam cum exercitu referremus, negarentque, nisi id ante omnia fecissemus, se per Principis sui mandata quidquam de ista legationis causa dicere posse: nos repudiata & postulationis indignitate & insidiosa tergiversatione, non cessandum rati, eundem Ioannem de Samoysczie Cancellarium cum copijs suis atratis, ceterisque, quas ad Vielescium habuerat, tum omni nostro peditatu Polonico atque Vngarico, trans flumen propius arcem castra alia facere, atque ibi curare iussimus: illaque ex parte nulla mora munitionibus, quibus visum est locis, actis, & quo oportebat perductis: ipsis Kalendis Septembris oppugnationem maiore apparatu ac conatu suscepimus, nihilque aut lenitatis aut terroris praetermisimus, aut oppugnationis non adhibuimus, quo integra arce potiremur.

Verum cum & praesidiariorum summa esset loci retinendi pertinacia, & ultima sibi expectanda coniurassent, & arx (non modo loci natura inedito, planissimis circum locis, partim intra fluminis Louatij, partim intra lacuum complexus sita: nec tantummodo consuetis antehac Moschis parietum densissimorum contignationibus firma: sed aggere etiam densissimo ac latissimo &

cesspate extrinsecus obducto: tum, quâ flumen aut lacus non ambiunt, fossa maiore munitissima) omnino Polociam omni genere firmitatis superaret: adhac presidium validum, & Polocie aliarumque arcium propugnatione (è quibus à nobis anno superiore impetrata salute discesserant) exercitatum inesset, ut omnino sine maiore militum nostrorum interitu ac diuturniore obsidione, si in instituto permaneremus, expugnari non posse videretur: necessario res nobis incendio experienda fuit, quod cum magna militum nostrorum virtute & discrimine, primum ex Vngarorum peditum munitionibus illatum & hoste incredibilem in modum restinguente, sapius per irriduum repetitum atque diutius altum esset, ut deinde ex altera etiam parte per militem Polonicum & atratas illas cohortes (aggere ad propugnaculum maius ad ligneas usque substructiones suffosso) nocte ante quintam Septembris diem maius constaretur: presidium vero, quoad igni iam temperari nullo modo posset, ab obstinatione hostili non discederet: factum est, ut & arcem flamma, & quicquid propè hominum in arce fuit, (per militarem iracundiam hostili illa pertinacia, & acceptis in oppugnatione incommodis, & eorum, qui Polocia ac ceteris ex arcibus iam antea occupatis

patis impunè dimissi fuerant, hoc in loco ad hostilia reditu irritatam) quinta istius mensis die prima luce deleuerit.

Dum hac in oppugnatione versati sumus, Oratores magni Moschonia Ducis iterum apud nos dicendi potestatem sibi fieri petiuerunt: qua impetrata, cum ea exponerèt, quæ honestè nobis & Reip. paci, & sarcien dis incommodis, quæ ab eo hoste accepta sunt, minime satisfacerent, leuior æque omnia, quam nostra dignitas & iura Reipub. paterentur, proponerent: ostendimus nos ad istiusmodi descendere nō posse, cumque illi alia mandata se hoc tempore non habere dixissent, & à nobis peterent, ut dare ad magnum suum Ducem Moschoniae literas liceret, quibus cum de nostra voluntate atq. conditionibus redderent certiore: ne quid prætermisise videremur, quod ad speram iustæ honestæq. pacificationis facere posset, & nostras dedimus ad Moschum literas & oratores dare suas permisimus: ad quas cum responderit, quæ voluntate sit, certius fortasse cognoscemus. Nos hæc Sinc. & Fidel. vestras scire volumus.

Cumq. ea, quæ adhuc bene & feliciter gesta sunt, vni Deo, grata cum animi pietate, accepta referamus, parq. sit, ut illi beneuolenti & propitio & nos & omnes in Repub. nostra (ad cuius hac utri-

litatem & laudem in primis redundant) gratias agamus: hortamur Sinc. & fidel. vestras, ad ea omnia gratarum mentium studia, quae supplicationibus, alijsq. rebus, quoties bene gesta est Resp. suscipi consueverunt.

Quemadmodum haec res porro administranda, & hic locus nobis tuendus & retinendus sit, de hoc pro tempore consilium capimus.

Quae deinceps è Republ. geri à nobis hoc bello poterunt, in ijs studium, consilium, curam, operam omnem nostram libenter consumemus. Bene valeant Sincer. & Fidel. vestra. Datum ex castris nostris, ad arcem nostram Viekolukum, die sexta mensis Septembris.

Anno Domini M. D. LXXX.

Regni nostri Quin-

10.

EX

EX LITERIS DECIMO
OCTAVO OCTOBRIS, RE-
GIOMONTE BORVSSIAE
DATIS.

Regem Poloni nacti sunt virtute, sapientia, eruditione, magnitudine animi, & artibus belli praestantem: iustitiae amantem: cædibus, libidinibus & alijs flagitijs infensissimum. Jscum hostem petiturus Vilnam veniret, proditorem ex Lituanicis magnatibus quendam deprehensum, iudicio Lituanicorum & Polonicorum Senatorum damnatum, capitis poena affecit. Vilna egressus in hostem, mirabilem DEI praesentiam & tutelam expertus est.

Nam cum in Lituanici cuiusdam principis villa pernoctaturus esset, & is Regi exitium pulvere bombardico struxisset, eumque una cum edibus perdere cogitasset: fraudem nidor pulueris detexit: & Regem presenti periculo liberauit, & proditori meritas pœnas attulit. Cetera quæ consequuta sunt, malo te ex Regijs, quàm meis, cognoscere.

Unum addo de clade quorundam Polonorum. Cum victoriam Regis, præfectus Orsensis audisset, collecta suorum manu ad 2500. Schmolenciam usque excurrit. Hostes arbitantes integrum regium esse exercitum, non ausi sunt con-

contra prodire. Interim Poloni, missa à Moschorum Principe auxilia adoriuntur, fundūt, & prædam magnā potiti Orsam repetunt. Verum Moschi ex captiuo, cognita nostrorum paucitate, insequuntur, & nihil tale timentes opprimunt, ita ut de toto exercitu vix 500. cum Ducibus fuga Orsam elapsi sint.





RERVVM POLON. TOM. II.

POLONIAE, LI-
TVANIAE, SAMOGI-
TIAE, RVSSIAE, MASSOVIAE,
PRVSSIAE, LIVONIAE, MOSCHO-
nia, Tartaria, quæ generali vulgò Sarmatia Eu-
ropæ nomine veniunt, Chorographicam descri-
ptionem; tum verò Palatinatum, districtuum,
ciuitatum, arciumq; singulis subiectarum,
accuratam recensionem com-
plectens.

Sauromatia Europæ situs.



AVROMATIAE Europæ gentes,
regionumq; quas complectitur si-
tum descripturus, operepretium me
facturum, & rem non iniucundam
Lectori existimaui: Si in primis Eu-
ropæ, ipsius fines, quibus ab Asia &
Africa determinatur, præponerem. Europa itaque
pars mundi tertia, ab Europa Agenoris regis Libyæ
& Syriæ filia denominationem traxit, cuius insigni

*Europa de-
nominatio
ab Europa
Agenoris re-
gis filia.*

*Europa ter-
minis.*

*Quot mil-
liaribus pa-
teat Euro-
pa.
Intellige hic
milliaria
Polonica si-
ue Germa-
nica, qua I-
talica 5. &
Moschonica
toridem cō-
plectuntur.*

pulcritudine Iupiter (ut poetæ fabulatur) captus, nul-
lam aliam occasionem ad effectum infani amoris
habens, in bouem niueum sese transfigurauit, in li-
toreque maris viridifero, ubi virgines ceteræ cum
Europa reginula ludebant, armentis bouum se inter-
iunxit. Europa vitulum præ omnibus pulcherrimum
videns tergo eius infedit, qui confestim in mare
cum ea insiliens, in Cretam insulam, siue Candiam,
dicitur eam transulisse. Porro Europam ab Orien-
te Tanais fluuius celeberrimus determinat, à Meri-
die mare Mediterraneum, à Septentrione Angli-
cus siue Britannicus Oceanus, ab Occidente verò
Oceano Atlantico finitur. Hæc pars mundi cate-
ris duabus, utpote Asiæ & Africæ, minima est, sed ad
habitandum habilior, conuenientiorque & mode-
rator. nam neque calida torridave, nec etiam frigi-
da nimis, ideo habitatoribus copiosior, frequen-
tior, pleniorque est, exceptis regionibus septen-
trionalibus Oceano glaciali contiguis: quæ aliqua
ex parte ob intensa frigora inhabitabiles sunt. Reli-
gione quoque Christiana, moribus, & viuendi con-
suetudine, incolarum, urbiumque frequentia, & re-
rum commestibilibium fertilitate, cæliq; & æris tem-
perie, Asiæ & Africæ, quamuis longè amplioribus fa-
cile antepositur. Ducentis quadraginta quinque mil-
liaribus Germanicis in latitudinem patet, à mari Æ-
gæo siue Ionio ad Oceanum vsque Hybernicum. In
longitudinem verò septingentis sexaginta milliari-
bus extenditur, à Portugalia videlicet regno Hispa-
niæ, ad Tanaim vsq; fluuium, qui Sarmatiam ab Asia
determinat. Inchoatur autem Europa ab Oriente à
fluuiio Tanai, à Meridie verò ab Ægæo mari Græciæ.
In

In hac parte orbis tertia, Sauromatia regio am-
plissima, multas nationes regnaque, eiusdem gene-
ris complectens (de qua nobis res agitur) sita est. Est *Sauroma-
tia duplex.* autem duplex Sauromatia, vna Scythica siue Asiati-
ca, in vltiori orientaliue ripa Tanais & Volgæ flu-
uiorum, quam incolunt Tartari siue Scythæ Za Wol-
henfes, & plures alij in Hordas, id est tribus certas di-
uisi. Altera Europæa Sauromatia dicitur: cuius colo-
ni sunt Poloni, Russi siue Rutheni, Litواني, Massoui-
tæ, Pruteni, Pomerani, Liouones, Moschouitæ, Go-
thi, Alani, Walachi, & Tartari qui in hac ripa Tanais
fluuij occidentali, iuxta Pontum Euxinum degunt.
Hanc ab Oriente Tanais fluuius, palusque Mæotis *Sauroma-
tia Europæa*
ab Asia dislimitat, ab Occidente verò Vistula, vel se-
cundum quosdam Odera fluuius, à Meridie monti-
bus Vngaricis *Beskid* gentiliter dictis terminatur, ab
æquinoctio mari Germanico siue Sarmatico fines
suos à Germania dirimit.

Ptolemæus verò libro 3. cap. 5. Sarmatiam Euro-
pæam, à Septentrione Oceano Sarmatico termina-
ri scribit, iuxta sinum Venedicum, ad fines vsque En-
groneland terræ incognitæ ultra Nortuegiæ regnū
longè patentis. Ab Occasu Vistula fluuiio & parte
Germaniæ, quæ est inter caput ipsius & montes Sar-
marum. A Meridie Iazygis Metanastis, quæ est gens
Hungarica, ab Oriente Isthmo eam ambiri refert, à
Carcinico fluuiio per Bicen paludē, & latere paludis
Mæotidis, vsq; ad Tanais fluuium in prouincia Resa-
nensi Moschouicæ fontes habenti, hic autem fluuius
Asiam Scythicam ab Europa dislimitat. Ab austrā-
li deinde plaga Sarmaticorum montium iugis ad
Carpatum vsque montem, Tatri siue *Beskid* vulgò
a ij

appellatum, Sarmatia Europæa finitur, denique per Walachiam Moldauiamq; ad Borysthenis vsq; ostia, vbi in pontum ingenti aquarum colluue influit, & per littora ponti ad Carcinum vsque fluium ex montibus Circassorum Quinquemontarum defluentem extenditur Sarmatia Europæa, secundū Prolemæi cosmographorum principis opinionem. Qui etiam hos fluuios ætate sua celebriores Sarmatiam præterfluere asserit. Vistulam qui & Vandalus, Istula siue Iustula varijs nominibus apud veteres enuntiatur, hic ex montibus Sarmaticis emergit, Silesiaq; & Polonia, Massouia, Prussia præterlapsis multis fluuijs

*Celebriores
fluuij Sar-
matia Eu-
ropæa.*

exhaustis apud Gedanum Prussiæ emporium celeberrimum, in mare Sarmaticum siue Balticum exoneratur. Cronon quoque fluuius insignis in Russia non longè à Turov oppido ortus, Russiæ regiones & Lituaniam ac Prusiæ percurrens, post Vistulæ ostia ad Septentrionem reflectendo, in Germanicū quoque mare (quod Cronium inde fortè dicitur) influit, vulgò *Niemen* appellatur. Rubon quoq; fluuius, qui nunc *Dvina* vulgò, Latinis & Germanis *Duna* dicitur, in Russia Molchouia fontes suos habet, & magna parte Russiæ, Lituaniam, & Liunioniam præterlapsus in prædictum mare, à Riga Liunioniæ metropoli duobus milliariis, amplissimis ostijs postquam centum triginta milliaria Polonici à fontibus suis emensus fuerit, ingreditur. Ternutis quoq; & Cherinus fluuij secundum Ptolemæum ex Riphæis montibus nascentes, in prædictum mare exonerari dicuntur, qui mihi *Narev* & *Bug* vulgò dici videntur. Præterea Sarmatia Europæa multos alios fluuios celeberrimos habet, vtpote Borysthenem *Neper* vulgò dictum,

etum, in Pontum Euxinum influentem, Hypanin, qui hodie *Beg* (non Bug, qui Vistulæ commiscetur) dicitur, Tyrannus qui Dneister propriè à *tirando* Italico verbo, quasi sagittando dictus. Horrida enim violentia aquas impellit. Insuper Viliam, Disnam, Peripetum, Sluczam, Naruam in Liunionia, & alios complures navigabiles fluuios, quos recensere longum esset. Hoc itaq; in imperio Sarmatico, cuius modò limites ex Ptolemæo & nostra propria experiètia descripsimus, rex Poloniæ à maioribus suis belli vel pacis iure acquisito rerum potitur, & modernis temporibus Sarmatia Poloniæ regis potentissimi & inuictissimi Monarchæ his finibus includitur.

A montibus Sarmaticis, & Transsylvaniæ palatinatu, ad Vistulæ fontes, vbi incipit ducatus Teshinensis, inde per Silesiam ad Oderam fluuium, & vsq; ad Marchiam Brandeburgensem, ac Francfordiam, per Pomeraniam quoque longo tractu ad littus Oceani Germanici, sinumq; Codanum siue Balticum, pererlandiam, Liunioniamque amplissimum dominium, ad Phinladiam vsq; vltimam ferè orbis regionem Suecorum regi subiectam, Orientem versus per multas regiones Russiæ ad Moschorum principis imperium vsque extenditur. A Germanico verbo Oceano ad Alexandri Macedonis aras per campestria deserta ad paludes Mæotidis longissimo tractu vltra Borysthenem procedendo, deinde à Ponto Euxino per campos Podolienses, & per Moldauos ac Walachos redeundo Iazygis Metanastis vel Transsylvanis & Hungaris, montibusq; qui hodie Scepusienses dicuntur, à Meridie imperium monarchæ Poloniæ disiungitur.

*Sauromatia
Graecis
denominata.*

Dicta est autem Sauromatia Graecis, similitudine sumpta ab hominibus viperinos oculos habentibus, terribilibus scilicet & crudelibus: nam *σαύρος* Graecis viperam, *μα* uero oculum sonat. Atque nunc in primis de Polonis præcipua gente Sauromatica dicendum nobis occurrit.

DEDUCTIO ET ORIGO ANTI-

*qua bellicosæ gentis Sauromatica, ex qua
Poloni ortum genusq; suum
ducunt.*

*Iaphet No-
ha Patriar-
cha filius
bi confede-
rit post di-
luuium.*

Etymon Iapheti.

*Noha filijs
singulis sin-
gula munia
obedienda de-
mandat.*

DEducationem originemq; Polonorum ac-
gum, eorundem gesta secundum ordinem
descripturus; paucis obiter Lectorem admo-
nendum volo, ne quid me in principio rei de
Polonis dicturum sigillatim existimet: consequens
enim est, ut antiquissimæ gentis Sauromaticæ siue
Slauonicæ originem, & mores priscos, altius in pri-
mis inuestigaremus, quod pro rei ipsius faciliore in-
tellectu fortasse utilius erit. Liqueat aperte ex scriptu-
ris sacris veteris legis, ad quod etiam omnium histo-
ricorum consentiens opinio est: Iaphet filium natu-
maximum Nohe, post illud totius mundi diluuium,
Orientem & Septentrionem versus in Europa & in
Asia minori primùm consedisse, illicque cooperante
diuina voluntate in maximam gentem excreuisse,
quod ei cum etymon nominis dilationem significā-
tis, tum fausta Nohe parentis imprecatio portende-
bant. Sic etiam Nohe ille patriarcha præfigurans ne-
cessariè futuram esse trinam conditionem vitæ hu-
manæ, filijs suis dixisse, singulisque singula officia ad-
ministranda iniunxisse & demādasse fertur, ut unus-
quisque

quisque suæ vocationi prædefinitæ corresponderet
in hæc verba: Tu Sem, ora velut sacerdos, munus *Ora, labora,*
diuinum obiens: tu Cham, labora agros colens, & *rege, prote-*
artes mechanicas exercens: tu Iaphet, rege & pro-
tege velut rex & miles arma exerce, cæterosque cer-
tis propositis legibus in officio retine. Quod man-
datum & testamentum Nohe hæc usque in tempo-
ra durare videmus: vnaquæque etenim natio ex il-
lis filijs eius propagata, suam vocationem ex qua-
dam prædestinatione, & paterna imprecatione ex-
ercet. Posteritas igitur Iapheti, cum maiorem or-
bis terrarum partem in Europa Asiaque minore oc-
cupauerat, testamento patris sui, & fausta imprecā-
tioni Nohe patriarchæ correspondentes, statim ad *Iapheti po-
steritas.*
arma exercenda animum adiecerunt, & in numero-
sam gentem temporis successu sub duce Gomero *Gomer Ia-
pheti filius.*
Iapheti filio in orientali, vbi Armenia, & septen-
trionali plaga excreuerunt, ad Bosphorumque Mæ-
otidi paludi proximum, qui nunc Cimmerius dici-
tur, & ad fontes ostiaque Tanais longo tractu sedes
suas habuerunt. Postea potestatem & prælaturam,
sub qua cæteri regantur, necessariam esse conside-
rantes ad Tuiscōnem siue Ascenam Gomeri filium
imperium detulerunt, qui Beroso teste latissimè à
fontibus Tanais ad Rhenum usque fluiuium Ger-
maniae imperauit. Hunc Tuiscōnem prædictus *Tuiscōnes
Gomeri fi-
lius.*
Berosus historiographus Germanorum omnium,
Sauromatarumque pariter conditorem esse asse-
rit. quo testimonio satis rectè probaretur Sarma-
tas siue Slauos cum Germanis vnum esse, cum ab
eodem autore & propagatore processerint. Cran-
tzius quoque ratiocinatur Polonos Bohemosque

Crantzij opinio.

Germanis congeneros esse, eò quòd frequens Germanicæ linguæ apud hos populos vsus fuerit, & vestibus Germanicis multi eorum vtantur. Qua ratione quoque probaretur eos Latinos, vel Italos, Hungarosq; esse: nam hæ quoque linguæ, idemq; habitus apud Polonos nunc ex magna parte in vsu esse cœperunt, & Latina lingua omnes ferè nationes vincunt. Non rectè igitur Crantzius hîc ratiocinari videtur, si enim Slavi vel Sauromatæ ex Germanis oriundi essent, eademq; cum eis antiquitus lingua vterentur, vnde igitur Sarmaticæ siue Slauonicæ linguæ apud Sarmatas vsus ortus esset: quæ hæ gentes passim & vulgariter vtpote innata vtuntur, habitu quoque, moribus, & vitæ consuetudine Sarmatæ à Germanis penitus diuersi sunt, quod etiam Plinius approbat, dicens: Sarmatæ quidem certè Germani nō sunt, sed ab ijs Vandalo siue Vistula fluuio ad ortum Solis vergentes dirimuntur, cui sententiæ probati antiquitatis indagatores Cornelius Tacitus, Strabo, & Ptolemæus adstipulantur. Sed ad rem vnde digressus sum redeo. Illa posteritas Iapheti impigra, strenua, manuq; prompta & bellicosa extitit, quod res ipsæ ab illis strenuè audacissimeq; gestæ abunde testantur, toto enim orbi terrarum tunc temporis terrori dicuntur esse, vnde à Græcis Sauromatæ in primis appellati sunt, deducto nomine à σαῦρος, quod est vipera, & ὄμμα, oculus, quasi dicas gens terribilis cum viperinis oculis. Ab hoc itaque tempore hæc gens regionesq; eorum, quas incolunt, Sauromatiæ nomen retinent. Hi postea tempore succedente, & indies magis ac magis numero populi accrescente, videntes illas sedes patrias propter se progeniemq; paulò arctiores esse, à

Plinij de Sarmatis assertio.

Sauromatæ vnde dicti.

se, à Tanais fluuij ostijs & paludibus Mæotidis Meridiem versus vltèrius processerunt, per regionesque propinquas, Daciam, Russiam, Lituaniam, Borussiam, quæ nunc Prussia dicitur, Liutoniãq; longè & latè diffusi sunt. Quorum maior pars in has prouincias campestres, quæ hodie à Polonis coluntur, commigravit, fluuijque Vistulæ (quæ antiquis Vandalus dicebatur) vtraq; ripas occupauerunt, & statim cum antiqua gente Teutonum, quæ etiam ad Vistulam fluuium in tuguriolis antiquitus degebat, societatem atque amicitiam velut aduenæ contraxerunt, propter communem prædam & rapinas, cum adhuc minimè assueti essent sudore proprio vel agricultura, artificijsque victum acquirere. Manu itaque coniecta frequentes irruptiones in Prussiam, Saxoniam & Pomeraniam exercebant, prouinciasque maritimas assiduè excursionibus diuexabant, & mare Balticum siue Germanicum propter res sibi necessarias acquirendas piratarum more remigijs tentabant. Quando verò & qua occasione hæc migratio Sauromatarum à fontibus ostijsque Tanais fluuij & paludibus Mæotidis in has regiones contigerit, quoniam nulla gentis ab eo tempore monumenta extant, ex quibus id cōstare possit, ignotum est. Si enim literarum cultura æquè ac res militaris apud Sauromatas tunc tēporis florisset, certiora de suo in hæc loca aduentu, alijsq; rebus præclare gestis monumenta reliquissent, sed ipsi animosè viriliterque agere, & bella exercere, quàm eleganter & ornate scribere maluerunt. Sabellicus tamen & Herodotus scribunt Sauromatas & Cymbros à Lydorum rege Aliate ex Asia eiectos esse. Quidam etiam opinantur eos vi à

Sarmatarum prima commigratio.

Sarmatæ ad Vistulæ fluuium & Teutonibus amicitiam contraxerunt.

Sauromatæ olim literarum ignari, bellis armisq; assistentes.

Sabellici & Gothi expulsos sedibus patrijs emigrasse, quod verum simile non videtur, sed potius suapte sponte, ac voluntate, siue fato quodam impulsos, siue opū alienarum cupiditate accensos, cultiora loca appetisse eos existimauerim. Neque verò soli Sauromata, sed & alia

*Cassia ad-
uersus in hac
loca Sarmata-
rum.*

quædam gentes ipsis conterminæ sedibus patrijs relictis, in alias terras cultiores migrantes transierunt, inter hos Cimberij siue Cimbri, Gothæ, Daci, Sueui siue Tuiscones, & Sacæ qui nunc Saxones dicuntur. Hi etiam in hæc usque tempora Sarmatis sunt contermini. Neque verò vniuersam gentem illinc sese simul effudisse constat, sed remansisse nonnullos, qui relicta ab alijs loca colerent, quod moderni incolæ istius oræ, iuxta Tanaim fluuium degentes, aperte testantur, utpote Tartari Campestris, qui longo tractu iuxta Tanaim fluuiū & paludes Mæotidis, Pontumq; Euxinum viuunt. Hi enim à veteribus Sarmatis moribus & institutis haud dissimiles sunt. Sed ad rem redeo. Illi Sauromata qui ad Vistulam fluuium confederant, cum Teutonibus cōmilitonibus suis omnes prouincias circumiacentes & colonias suas frequentibus diuexationibus depopulatas ad nihilum redegerunt, & victum amplius acquirere non potuerunt, agros enim non colebant, sed paratis & raptis vivebant. Ideo sterilitate soli per ignauiam suam caussata, adiunctis sibi in societatem vicinis Teutonibus vltorius (inquirentes fertiliores prouincias) processerunt, quorum multitudo trecenta millia virorum excessisse fertur, & à fluuio Vandalo, nunc Vistula dicto, quem accolebant Vandalia (Sarmatarum nomine abolito) appellati sunt. Primò itaque hi Vandalia populabundi in Pannoniam excurrerunt Constantini

*Sarmatarum
cum Teuto-
nibus à Vi-
stula fluuio,
à qua Van-
dalita dicti
sunt, in Pan-
noniam cō-
migrato.*

Constantini Magni temporibus, eamque 40. annis (expulsis primis eius incolis) occupatam tenuerunt. Deinde Hungaricis historiographis testatibus à Gothis illinc eiectione expulsique sunt. Polonorum verò annales testantur Vandalitas ex Pannoniæ finibus eductos per Stillicum ducem suum in Italiam, quam armis vndique crudeliter peruastarunt. Postea in Hispaniam cum eodem duce suo Stillico commigrarunt, ex Hispanijs verò per mare Herculeum nauigantes in Africam denenerunt, ubi annos ducentos in pace & abundantia omnium rerum peregerunt, Romanumque imperium nauali & terrestri bello varijs excursionibus debilitarunt, ac ipsam Romanam sub Sixto Papa, ut quidam volunt, anno Christi 429. crudeliter vastauerunt. Tandem anno Domini 538. Iustinianus Imperator per ducem celeberrimum exercitus sui Belisarium, virum insignem, & rebus gestis clarum, eos ruento prælio profligauit, ex Africaque funditus exterminauit, rexque eorum Gili-merus captiuus Constantinopolim abductus est. A iunctque nonnulli hoc prælio Belisarij, Vandalitas ad internecionem usque gentis cæfos deletosque fu-

*Vandalita-
rum in Ita-
liam Hispani-
amq; eru-
pto.*

*Vandalita
in Africa.
Vandalita
Roman ce-
perunt.*

*Vandalita
ex Africa
pulsi.*

isse, sed id à vero esse alienum non vno argumento liquet. Etsi enim vires eorum adeò fractæ attritaque essent, ut robur vetus & potentiam pristinam recuperare post nunquam potuerint, reliquæ tamen eorum ita fuga dispersæ sunt, ut quidam in Poloniam ad Vistulam fluuium natale videlicet solum vnde ortum duxerant regressi, nonnulli in Græciam & Pannoniam, Germaniamque, nouis quærendis sedibus dilapsi sint. Horum reliquæ ultra Albim

*Vandalia
ducatu.*

fluuium in Septentrionem sparsum habitantes Sla-
uonico idiomate maiori ex parte vtuntur, & ducatus
quem incolunt, confinis Prussiae Vandalia nuncupa-
tur, cuius dux, Prussiae Polonorum feudalitatis titulum
sibi usurpat. Porro omnes Germani denominatione
à Vandalis sumpta, omnes Sarmatas Slauonica lingua
vtentes, *Wenden*, siue *Winden*, & *Vindis* promiscuè

*Mare Vene-
dicum.*

appellant, mareque quod Sarmatiam alluit, Venedi-
cum vocant. Cetera horum Vandalicorum gesta bre-
uitati consulens omitto, nihil etenim de eis scribitur,
solimodo barbara atrocitas & immanitas, qua cru-
deliter in omnes sauebant, adhucque hodie in Lita-
nijs catholicae Ecclesiae Romanae canitur, à Vandalis
libera nos Domine, &c. Post hos Vandalitas ex ijs-
dem Sauromatiae sedibus, alia à fluuio Tanai, & palu-

*Roxolani si-
ue Rutheni
gens Sarma-
tica secunda.
Volgaris.
Volga flu-
uius.*

dibus Maotidis gens crudelis, priori non dissimilis,
ortum duxit, qui Roxolani siue Rossani, & Rutheni
Russiq; cognominati sunt, Procopio historiographo
id attestante. Volgari quoque siue Volhynij populi,
ex ijsdem sedibus à Volga fluuio amplissimo cogno-
minati, moribus & idiomate Slauonico cum Roxo-
lanis concordantes ortum duxerunt. Volga autem
fluuius celeberrimus (quem plurimi Tanaim esse fal-
sa opinione ducti existimabant) Ptolemaeo Rha, Tar-
taris Edel dicitur, Moschouitaque certis limitibus
cum Tartaris Campestribus disternat. Illi itaque

*Roxolani in
Taurica.*

Roxolani siue Russi cum Volgaris ob similitudinem
& vnitatem consuetudinis vitae amicitiam & socie-
tatem contraxerunt, coniunctisque viribus in Tau-
rica regionem (quae nunc à Tartaris Praecopensibus
occupata est) penetrarunt, inibi que locum domicilio
sibi delegerunt: quadiu illic degerint, vel quo tem-
pore

pore aduenerint, incertum est, nullus enim inter eos
inuentus erat, qui temporum rerumq; à se gestarum
vices literis mandando posterorum memoriae facto-
rumque aternitati consulere. Audientes tandem

*Volgari Sar-
matae cũ
Roxolanis
tres Constan-
tinopolita-
nos Impera-
tores occi-
derunt.*

discordiam pullulare inter principes Christianorum
in Graecia, quidam eorum cum duce suo Chrunno
Danubio traiecto, rectà in Thraciam populabundi
perrexerunt, vbi Imperatorem Constantinopolita-
num cum exercitu cruento praelio fuderunt, Nice-
phorum quoque & Michaellem Curoplatum Impe-
ratores ad Adrianopolim occiderunt. Tandem My-
sia vtraque occupata eam Volgariam à sui denomi-
natione, quae nunc Bulgaria dicitur, vocauerunt. Alij

*Bulgaria.
Volinia.*

eorum Russiae regionem occupauerunt, quam Wo-
liniam (quae hucusq; hoc cognomen retinet) appel-
lauerunt. Ceteri quoque Podoliam, Lituaniam, Pod-
lasiam, Massouiamque regiones occupauerunt. Hij

*Gentes Rus-
sae.*

omnes loca semel occupata haec vsque in tempora
non mutarunt, exceptis illis qui in Mysia confederat.

Varijs autem nominibus ab historiographis appella-
bantur. Graeci enim eos Sporios, id est dispersos, Sau-
romatasque, id est crudeles, sumpta à viperis similitu-
dine appellabant, ceteri eos Roxolanos, Befos, Gua-
dos, Bodinos, à fluuio Borysthene, Bolgaros à Volga,

*Sarmatarum
Roxolano-
rumq; Sa-
rae appella-
tiones.*

Morauos à Moraua flumine, vel à Morato rege, An-
tos, Basnos, Carnios, Serbos, Rascios, à Russia, Dal-
matas, Slauos, Illyricos, Istrios ab Istro siue Danubio,
Bohemos à regione Boemia, Polonos, à campestri

*Poloni vni-
de dicti.*

planaque regione, vel à venatione. *Pole* enim, vena-
tionem & planitiem Slauis significat, haecque gens
planam fere apertamque regionem incolit, & appri-
me venandi studio tenetur. Haec gentes Sarmatiae vt

in plures diuerſasque prouincias diuiduntur, varijsq; nominibus appellantur, ſic etiam diuerſa variaque idiomata præ ſe ferunt, ſecundum terrarum & regionum diſtantias, quamuis omnes vnus gentis & idiomatis Slauiſce fuerint: nam Moſchouitæ à Ruthenis aliquantulum, Rutheni quoque à Polonis & Maſſouitis, ſic etiam Bohemi, Croata, ab inuicem idiomatis expreſſione, accētibz & prolatione, verborumque immutatione differunt, ita vt ſeſe intelligere difficile poſſint, niſi mutuo familiaritatis uſu alter alterius lingue aſſuetus fuerit. Nam quia Sar-
*Varietas ſermonis Sla-
uorum.*

*Cauſſa im-
mutationis
Slauiſce
idiomatis.*

*Antiquitas
Slauiſce.*

*Hiſtoriogra-
phorum opi-
niones de
Slauiſce.*

*Dini Gre-
gorij de Sla-
uiſce aſſertio.*

matæ ſiue Slauiſce, bellicoſi pugnaceſque extiterunt, pacem odio proſequentes, varias mundi partes peragrabant, & pro ſuo arbitrio occupabant, peregrinorum quoque vocabulorum uſu idioma Slauiſce immutarunt. Apparet autem ex antiquorum hiſtoriographorum ſcriptis, gentem Slauiſce vel Slauiſce in Paphlagonia regione Aſiæ minoris, tempore belli Troianorum floruiſſe. Procopius etiam Cæſarienſis ante mille & quinquaginta annos de bello Gothico, Juſtiniani Imperatoris temporibus ſcribens, mentionem quoque Slauiſce facit. Blondus verò, qui ante centum decemque annos hiſtoriam ab inclinatione Romani imperij conſcripſit, antiquiora Arcadij & Honorij tempora perſequens, Slauiſce meminit. Iornandes autem Alanus in ſuis Chronicis dicit, id nomen Slauiſce ſuo tempore nouum extituiſſe, idioma autem hoc, quo nunc Slauiſce utuntur, antiquum fuiſſe. Scribitque hic Iornandes & diuus Gregorius primus huius nominis Romanus pontifex, Slauiſce ad Iſtrum ſeu Danubium Septentrionem verſus habitaiſſe, traiecto quoque Danu-
bio

bio Myſiam vtramque, Pannoniam, Macedoniam, Thraciam, Iſtriam, diuexaſſe, inter Drauumque & Sanum flumina, in Illyrico & Dalmatia cōſediſſe, eis regionibus Slauiſce nomen indidiſſe, Romanumque imperium penitus debilitaſſe.

Iidem Slaui ne Germaniæ quidem pepercerunt, ac ad eam amplitudinem peruenerunt, vt propè dimidiam Europæ & Aſiæ partem teneant, etenim in ea natione connumerantur non ſolùm ij qui Dalmatiam, Illyricum, Carpatum, & Hungariæ montana tenent, ſed alia omnes orientales & ſeptentrionales maxima & fortiſſimæ gentes, quæcunque Slauiſce idiomate utuntur, utpote Bulgari, Boſniæ, Serbij, Croata, Carnij, Raſciani, Dalmata, Iſtrij, (Burgundiam Slauiſce linguam amiſerunt) Styrij, Poloni, Maſſouitæ, Pomerani, Luſatij, Podolij, Volinij, Rutheni, Moldaui, Moſchouitæ latiſſimè imperantes, Caſſubij, Vandali, Sileſij, Moraui, Bohemi, &c. In omnibusque his prouincijs ab Oceano glaciali, qui ultra Moſchorum principis ditiones longiſſimo tractu Septentrionem verſus extenditur, ad mare uſque Mediterraneum, & Adriaticum populi idiomatis Slauiſce reperiuntur. Sic quoque à Ponto Euxino Moldaui, Valachiique & cætera Ruthenorum gentes ad mare uſque Germanicum colonias ſuas habent. Quamuis plurimi eorum patrium viuendi modum in peregrinos mores commutarint. Bulgari enim, Boſniæ, Raſcij, Dalmata, cum Turcis & Hungaris, Burgundi, Myſij, Pomerani & Sileſij cum Germanis: Lituani, Rutheni, Maſſouitæ cum Polonis: Iſtrij, Carniolani, Carinthij cum Italis ſentiunt. Attamen omnes hi quamuis inter peregrinas
*Gentes Slauiſce quæ-
ra & quot.
Slauiſce
termini.
Slauiſce
comutatio,
metamor-
phoſis.*

gentes diffusi dispersique sunt, patrio idiomate Slauonico (diuerso modo licet) vtuntur. Plurima & præclara gesta hî Sauromatæ exercebant, præcipuè verò cum Roxolani (quorum posteri nunc Rutheni siue Russi dicuntur) strenuè cum Mithridate rege Parthorum & Ponti belligerarēt, qui has regiones, quas hodie Turca, possidebat. Cum Romanis quoque & cæteris finitimis regibus longas acies vario Marte tenuerunt, sed quia gentiliter viuebant, literasque ignorabant, ideo etiam præterita recordare, & antiqua gesta ad posteritatem transmittere flocci pendebant. Porro qui diligentius rem ipsam considerare velit, nullam gētem olim Sarmatis bellicosiores extitisse videbit: hi enim omnes miseras bellicas, frigora, intempestates, & id genus alios casus facile sustinebant, & propter nomen æternum nulla vetustate aboliturum vitam flocci pendentes, mortis impauidi varijs periculis opponebant, de quorū insigni fortitudine audacique animo Ouidius ille Naso, è Roma ad Pontum in regnum Tauricæ relegatus, pro singulari miraculo, Romanis proceribus scripsit in hæc verba, libr. 1. de Ponto, Elegia 2. ad Maximum:

*Roxolani cū
Mithridate
Ponti rege
bellabant.*

*Sarmatis
nulla olim
gens bellicosior.*

*Hostibus in medijs interq; pericula versor,
Tanquam cum patria pax sit adempta mihi,
Qui mortis saxo geminent, ut vulnere caussas,
Omnia vipereo spicula felle linunt.
Hic eques instructus perterrita mœnia lustrat,
More lupi clausas circumeuntis oves.
Tectarigent fixis veluti vallata sagittis,
Portaq; vix firma summonet arma sera.*

Ad eun-

Ad eundem Elegia tertia.

*Aut quid Sauromatæ faciant, quid Iasgyes acres,
Cultaq; Orestæa Taurica terra deæ.
Quæq; aliæ gentes ubi frigore constitit Ister,
Dura meant celeri terga per amnis equo.
Maxima pars hominum nec te pulcerrima curat,
Roma, nec Ausonij militis arma timet.
Dant illis animos arcus plenæq; pharetra,
Quamq; libet longis cursibus aptus equus.
Quodq; sitim didicere diu tolerare famemq;
Quodq; sequens nullas hostis habebit aquas.
Idem ad Vestalem Eleg. 7. lib. 4.
Ipse vides onerata ferox ut ducat Iasis
Per medias Istri plaustra bubulcus aquas.
Aspicis & mitti sub adunco toxica ferro,
Ac telum causas mortis habere duas.*

Ad Seuerum Elegia 19.

*Nulla Getis toto gens est truculentior orbe,
Tinctaq; mortifera tela sagitta mader.
Ex hoc igitur testimonio Ouidij Sarmatas bellicosos, imperioq; Romano minimè subactos esse apparet, cum dicit:
-nec te pulcerrima curat, Roma, &c.
Porro quæ de antiquissimis eius gentis moribus, & institutis proferri possint, hæc ferè sunt. Vtebantur primis temporibus vetustissimi illi Sarmatæ siue Slauones, & qui in-*

b

*Antiquorum
Slauorum
sive Sauro-
matarum
mores.*

Polonia Russiaque regionibus postea sedes habuerunt, eorum posteris prisca illa Slauonica lingua, quæ Sarmatis Ruthenisque genuina est. Regem aut principem secundum genus agnoscebant neminem, sed exortis subinde bellis ex suis fortissimum quenq; & factis illustribus spectatum ducem sibi eligebāt, nec diuturnius cuiusquam erat imperium, quam ipsum bellum, cuius gerendi dux esset declaratus. Vnde & nunc Polonis rex non nascitur,

*Rex in Po-
lonia non
nascitur.*

*Expeditis
in bellū an-
tiquorum
Sarmata-
rum.*

*Fuga in le-
lo sauro-
ma-
tis turpissi-
ma.*

*Equitū mi-
litiūq; apud
Sarmatas
antiquos
dignitas.*

*Idola Sar-
matarum.*

sed cōsensu senatorum, qui dignus videretur, per sortem eligitur. Ad bella singuli viritim proficiscebantur, arcubusq; frameis & lanceis oblongioribus utebantur. Vxores secum ducebant, quæ incantationum magicarumque artium gnaræ, augurijs & vaticinijs operam nauabāt, de præliorumq; euentibus scienter præfagiebant. Fugere in bello res insolens illis erat, quiq; id fecisset, ei nullus ad suos reditus patebat, neq; grauiorem vllam turpitudinē aut ignominiam nouerāt. Summa apud eos dignitas erat post electos belli duces equitum, quos ab ornamentis Auratos vocamus, ad quam nemini aditus patebat, nisi qui virtute bellica, factisq; in hostem patratīs id assequeretur. Martem, Lunam, Solem, aliosque vanæ religionis deos adorabant,

bant, eosque diuersis & certis locis colere, & sacra ipsis facere solebant: de animarum tamen immortalitate rectē sentiebant. Sepul-
*Sepultura
Sarmatarū.*
tura eorum erant in siluis & agris, tumulosq; aggestis lapidibus vestientes eminenter muniabant, quod genus in Russia regionib. passim adhuc visuntur. Nonnulli quodq; more Romano, cadauera cremare, cineresq; collectos in urnas recondere solebant, in victu
Victus.
paucis contenti erant. Permutatione rerum
Comercia.
necessaria vtrinque comparabant. Nihil proprium absq; arcu, framea, & lancea possidebant. Vestibus vilibus, ex corijs ferarum, pel-
*Possessiones
Sarmata-
rum arma.
Vestitus.*
libusq; utebantur, ad talos demissis, thesauros, possessiones, prædia, vestesque preciosas non comparabant. Causas omnes & controversias publico in loco Marte iudice ar-
Iudicia.
tis dirimebant. Hæc planè sunt, quæ de antiquissimis Sarmaticæ Slauonicæq; linguæ, institutis & moribus extant, quorum potissima pars in hunc vsq; diem apud posteros eorum quibusdam in locis viget.



REGNI POLONICI CVM SVIS PALATINATIBVS DISTRICTI-

busq; siue prouincijs, ciuitatibusq; & arcibus principalibus compendiosa descriptio.



EGNVM Poloniæ in Sarmatia Europæa amplissimum & nobilissimum, ab Oriëte nonnihil in Septentrionem reflectendo, Massouia, Lituanizq;

Fines regni Polonia.

contiguum est. A Septentrione Prussiaz, mariq; Germanico siue Venedico adhæret. A Meridie & Oriente simul Russia, Podolia, Valachiaq;, & montibus Hungaria, Beskidictis terminatur, ab Occidente Silesia, Saxoniaq;, & Albi fluuii fines suos terminat.

Polonia duplex.

Porro Polonia bipartita est, maior & minor. Maior ideo dicitur, quod in ea Lechus autor Polonorum in primis confederit, ibidemq; Gnesnâ ciuitatem, regni sedem, fundauit.

dauerit. Sed postea sedes regia Cracouiam minoris Poloniæ metropolim translata est, vbi in hunc vsq; diem perseuerat, atq; hanc ob causam minor Polonia maiori anteponitur, quam in primis describendam aggrediemur.

CRACOVIENSIS TERRA.

Cracouia vrbs celeberrima, minoris Poloniæ metropolis, in planitie insigniter ad Vistulam fluuiû nauigabilem, quo merces omnis generis Gedanû emporium Prussiaz deportantur, condita, muro duplici, valloq; inexcusso, & fossa muro præincta cingitur. Arx verò in scopulo eminenti, Vauel dicto, ad eundem fluuium sita, sedere regum Poloniæ vbi coronantur & sepeliuntur celeberris, gymnasioq; & Vniuersitate clara. Eidē alię tres ciuitates, Clepardia, Stradomia, Camiria contiguę adhærent, hanc Rudawka amnis, illas verò Vistula fluuius interfluit. Porro Cracouienses aduocato supremo carent, ea de causa, quod anno Domini 1312. regnante Vladislao cubitali, quidam aduocatus Cracouiensis Germanus autorem se perfidiæ in deditioe vrbis Boleslao duci Oliensi præbuerit, qui postea perfidię dignas

*Advocatus
Cracovia.*

*Palatinus
& Castella-
nus.*

pœnas, cum suis complicibus dedit. Ab hoc tempore rex ipse prætura Cracoviensi potitur. Castellanus quoq; Cracoviensis Palatinus in senatus consensu accubitu, locoque superat: nam cum Boleslaus Krziuousti, rex Poloniae (de quo supra) bellicosissimus à Ruthenis dolo circumventus esset. Palatinus honore postposito, cum maiori parte exercitus aufugit, rege in medio hostiū relicto. Ab hocq; tempore Castellanus primas obtinet, in cæteris verò illius regni provincijs, Palatinus Castellanium dignitate antecellit.

CIVITATES DISTRICTVALES

in terra Cracoviensi.

HAs ciuitates districtuales præcipuas ubi iudicia, causæq; nobiliū disceptantur, continent: Palatinatus Cracoviensis, quib. capitanei, iudices, & alij regia munia obeunt præfunt.

BIECZ ciuitas muro circumdata, in planitie sita, eam Rapa fluvius præterfluit, in quo spumæ, ex quibus sulphur conficitur, colliguntur, à Cracovia 15. mil. abest.

WOYNICZ ciuitas lignea, ad Dunaiecz fluvium sita, à Cracovia 9. mil. distat.

SANDECZ ciuitas murata in planitie condita: quam Dunaiecz fluvius præterlabitur, à Cracovia 11. mil. distat.

LELO-

LELOVIA ciuitas murata, in colle sita, arcem inferius conditam habet, quam Biala fluvius alluit, à Cracovia 11. mil. abest.

KZYAZ ciuitas lignea, à Cracovia 7. mil. distat.

PROSZOWICE ciuitas lignea in planitie sita, in qua curia regia ad Sozeniaua fluvium condita est, à Cracovia 4. mil. distat, in qua conventiones terrestres nobiliū celebrari solent.

Sunt etiam aliæ multæ ciuitates & oppida nobilium & magnatum in terra Cracoviensi: sed hæc nisi eorum, in quibus terrestria officia celebrantur, mentionem facimus.

In eadem terra Cracoviensi tres sunt fodinæ insignes, quæ magnis prouentibus thesaurum regium adaugent. Prima in Olkuffia 5. mil. à Cracovia, ubi plūbi copia, argentumq; effoditur. Secunda in Bochnia ciuitate, quæ 5. mil. à Cracovia distat, ubi sal glaciei simile spicuum gradib. massis effoditur. Tertia in Wieliczka, 2. mil. à Cracovia, ubi etiā sal glaciale, sed vilius Bochnensi copiosè effoditur.

SENATVS PRINCIPALIS

terra Cracoviensis.

Episcopus
Castellanus
Palatinus } Cracoviensis.

b iiij

Fodina.

Sal

Sulphur

Castellanus { Sandecensis.
Woynicensis.
Byecensis.
Oswiccimensis.

VEXILLVM TERRESTRE BEL-
licum, aquila alba coronata in campo ru-
beo, per alas linea aurea protensa,
insignitur.

Districtus Sandecensis vexillum peculiare
habet, clypeo diuiso bicolore insignitū.

In eadem terra Cracouiensi duo ducatus
cōtinentur, qui iure naturali in ditionem re-
gni cesserunt, Zatoriensis & Oswiecimensis.

OSWIECIM ciuitas principalis prædicti
ducatus lignea, in planitie sita, arcem
quoq; ligneam argilla circumlinitam habet,
quam fluuius quidam præterlabitur, 7. mil. à
Cracouia. Vexillum aquila nigra, O, in pec-
tore habente, insignitur.

ZATOR ciuitas lignea cum arce, à Cra-
couia 5. mil. in planitie Vistulam fluui-
um sita, quæ ducatus caput erat, cuius vexil-
lum aquila lasurini coloris, Z, in pectore ge-
stante insignitur.

Huius ducatus Zatoriensis princeps à
Spitkowie Myskowski equite Polono, dolo-
se, occisus est, ab hoc tempore in regis Polo-
niæ ditionem cessit.

se, occisus est, ab hoc tempore in regis Polo-
niæ ditionem cessit.

SANDOMIRIENSIS TERRA.

SANDOMIRIA ciuitas principalis, muro
circumdata, in colle ad Vistulam fluuium
condita, à Cracouia 22. mil. distat. Arcem
muratam à Meridie Vistula, præterfluam habet.
Hæ ciuitates districtuales præcipuè ad
eam pertinent.

CHECINY ciuitas in loco plano sita, arx
verò murata in eminenti scopulo cōdita est,
à Cracouia 13. mil. abest. Fodinis lasuli clara,
ubi & argentum reperitur.

KORCZIN ciuitas noua lignea, arcem
muratam ad Vislok fluuium sitam, habet,
quam vndiq; paludes circumdederunt.

WISLICIA ciuitas lignea, quam Ni-
da fluuius circumfluit, muroq; circumdata
inter lutosas paludes in scopulo sita, in qui-
bus ingens colluies reptilium omni gene-
rum grassatur.

PILZNO ciuitas lignea, ad Vislok flu-
uium sita.

OPOZNO ciuitas murata in planitie,
quam Pilcza fluuius præterlabitur.

RADOMIA ciuitas muro valloque circumsepta, in planitie sita.

POLOVIEC ciuitas lignea inter colles constructa.

ZAWICHOST ciuitas lignea, ad Vistulam fluuium sita, arcem muratam in vltiori Vistulae ripa habet.

ZARNOW oppidum ligneum,

MALOGOST ciuitas lignea.

SENATORES TERRÆ

Sandomiriensis.

Palatinus & Castellanus Sandomiriensis.

Castellanus	{	Vislicensis.
		Radomiensis.
		Zawichostenfis.
		Zarnouiensis.
		Malogostenfis.
		Polanecensis.

Vexillum terrestre gestat pro stemmate, clypeū diuisum, in vna medietate lineas tres rubeas, & tres albas: in altera campum lafurini colores, tribus ordinibus stellarum insignitur.

LVBLINENSIS TERRA.

LVBLIN ciuitas murata, fossa stagnisq; ingentibus circumdata. Arx in colle eminentiori

ad stagnum amplum condita, muro validissimo fossaq; profunda cingitur. In hac ciuitate triplices per annum nundinae, quatuor hebdomadas durantes, celebrantur. Primò pro festo Pentecostes. Secundò, pro ferijs apostolorum, Simonis & Iudae. Tertiò pro festo purificationis Mariae. Ad eas ex remotissimis regionibus negotiatores, Turcae, Armeni, Graeci, Germani, Moschouitae, Lituani, & ceteri ex circumiacentibus regionibus, conuenire solent. Iudaei maximam suburbiorum partem occupant, ibiq; synagogam habent precipuam. Arcem Bystrzica fluius alluit. Distat autem Lublina à Sandomiria 14. mil. à Cracouia 36. à Wilna 70. à Warsouia 24. Has ciuitates districtuales terra Lublinensis complectitur.

VRZENDOW ciuitas lignea ampla, ad stagnum sita, à Lublina 7. mil. abest.

LVLOW ciuitas lignea, in planitie sita, ex vna parte palude lutuosa, ex alia vallo munitur, à Lublinia 14. mil. abest, districtum satis amplum complectitur.

PARCOW ciuitas lignea, in planitie ad stagnum ingens sita, à Lublina 9. miliaribus abest.

CASIMIRIA ciuitas lignea, inter scopulos ad Vistulam condita, quæ tempore exundationis Vistulæ media ferè aquis obruitur, à Lublin 7. mil. distat.

Senatores duos præcipuos terra Lublensis habet, Palatinum videlicet & Castellanium.

Vexillū terrestre ceruo albo, in collo coronam gestante, in campo rubeo insignitur.

DE TERRIS DISTRICTI-
busq; maioris Poloniae.

POSNANIA ciuitas insignis, maioris Poloniae metropolis, ad Vartham fluiuium nauigabilem, & Proсна amnem, inter colles condita, muro duplici, fossaq; profunda cingitur, ædes in ea pulcerrimæ, insigniterq; ex lapidibus sectis constructæ. Arx murata in eminētiori colle, inter Vartham & Prosnam fluuios sita. In vltiori ripa Varthæ suburbia sunt amplissima, stagno ingenti paludibusq; circumdata, quæ frequenter cum circumadiacentibus pagis exundatione Varthæ obruuntur, adeo, vt aliquando solūmodo summitates ædificiorū ex aquis appareant: ipsaq; ciuitas in muro aliquando inundatur, vt in foro plateisque passim nauigetur, sed tamen hæ ex-

hæ exundationes duobus tribusve interdum diebus grassantur. Nundinæ in Posnania celeberrimæ ter in anno exercentur. Primæ in principio Quadragesimæ, quæ quatuor hebdomadis durant. Secundæ pro festo diui Iohannis Baptistæ, quinq; hebdomadis durantes. Tertiæ pro festo sancti Michaelis, quæ quinq; integris hebdomadis celebrantur.

CIVITATES DISTRICTVALES
in terra Posnaniensi.

KOSCIEN ciuitas in planitie inter paludes lutuosas sita, duplici muro, valloq; & fossa munitur, à Posnania 7. mil. distat.

MIEDZYRZECZE ciuitas lignea, in planitie inter flumina paludesq; lutuosas (vnde & nomen habet) sita, finitima Silesiæ, Pomeraniæ, arcem muratam natura & opportunitate loci munitissimam, muro valloq; in excusso & fossis profundis circumsepta, nullo modo expugnari sese, nisi fame patitur. Eam duces Germaniæ aliquot annis graui obsidione premebant: attamen re infecta cum dedecore discedere coacti sunt. A Posnania 15. mil. distat. *A Francofurto ad Oderam 9 mil.*

OSTRESO ciuitas lignea, finitima Silesiæ, in planitie latissima sita, quam siluæ vndiq; circumdederunt.

Moscoria

*Planissima f.
Lacis. & Arria
nis.*

Wschow ciuitas murata, in planitie sita, à Posnania 11. mil. abest.

Sremsk, Pramecz, Rogozno, ciuitates lignæ, ad officium Posnaniense pertinentes, in quibus iudicia terrestria celebrantur.

SENATORES TERRÆ

Posnaniensis.

Episcopus
Palatinus
Castellanus

} Posnaniensis.

Sremscensis
Miedzirzecensis
Pramecensis
Rogosensis

} Castellanus.

Vexillum terræ Posnaniensis aquila alba cum expansis ad volandum alis.

CALISIENSIS TERRA.

CALIS ciuitas muro circumdata, inter paludes sita, quam Prosna fluuius præterlabitur. Arcis muratæ ruinæ restant, per Crucigeros Prussienfes desolata.

Has ciuitates districtuales hæc terra complectitur.

Gnesna ciuitas muro circumdata, in planitie inter lacus collesq; sita, archiepiscopali sede clara. Hæc prima omnium ciuitas in Po-

in Polonia à Lecho autore Polonorum condita, vbi in primis sedes regia habebatur. Ibiq; princeps Poloniae Boleslaus Chabri, ab Ottone Romanorū imperatore regium diadema accepit, quo hucusque reges Poloniae vtuntur. In hac ciuitate est ecclesia Cathedralis metropolitana, in qua corpus diuī Adalberti episcopi Pragēsis depositū est. Distat autem à Calis 14. mil. à Posnania 7. In ea nundinae insignes, præcipuè verò pro festo sancti Adalberti celebrantur.

PYZDRY ciuitas murata, in planitie ad fluuium Varta inter siluas sita, à Calis 9. mil. distat.

WARTHA ciuitas ampla, ad eiusdem nominis fluuium sita.

NAKLO ciuitas lignæ, ad fluuium Notesiam ex Goplo lacu emergentem, arx murata inter lutosas paludes sita.

LAND ciuitas ad Wartham fluuium, à Gnesna 4. mil. abest.

KONIN ciuitas murata, Warthaq; fluuiō vnà cū arce in gyrum circūducta, & nisi pontibus ad eā peruenitur, 8. mil. à Calisia abest.

SLUPCZA ciuitas muro fortissimo, propugnaculisq; munita, ad Wartham fluuium.

KOLO ciuitas lignæ circūsepta, Warthaq;

*Prima ciuitas
Lag. in Polon.*

28

fluvio in gyrum vnà cum arce aliquoties circumluitur, 8. mil. à Calisia distat.

LAND & Camenecia ciuitates in Pomeraniae finibus.

SENATORES PRÆCIPVI
terrae Calisiensis.

Archiepiscopus Gnesnensis.

Palatinus Calisiensis.

Castellanus Calisiensis.

Gnesnensis	} Castellanus.
Nakylcensis	
Camenensis	
Landensis	

Vexillum terrestre capite Bisontis, inter cornua coronam auream gestante, per navesq; circulum aureum habente, in campo in modum latrunculariorum siue scachorum albo & rubro insignitur.

SIRADIENSIS TERRA.

SIRADIA ciuitas lignea, muro circumducta, in planitie sita. Arx murata ad Wartham fluvium condita. Hæc prouincia olim pro ducatu amplissimo computabatur, secundoq; genitis regum Poloniae attributa erat. Has ciuitates districtuales complectitur,

VIELV-

VIELVNIA ciuitas muro forti propugnaculisq; & fossa profunda circumsepta, eam vnà cum arce Prosna fluuius præterlabitur.

SADDEK ciuitas lignea, in planitie ad stagnum sita, à Siradia 5. mil. abest.

PETRICOVIA ciuitas murata, inter loca palustrosa condita, vbi comitiæ generalia comuni approbatione omnium regum senatorumq; Poloniae celebrari constitutum est. In suburbio curia regia & turris, in qua causæ iudiciales celebrantur, sita est, quæ fossa profunda ambit. Curia quoq; episcoporum, magnatumq; Poloniae frequenter ibidem extructæ sunt. Deinde extra ciuitatem curia ingentis sumtu ex lignis lenigatis insigniter sub nemore amœnissimo extructa est, quam rex cum omni comitatu suo tempore comitiorum, propter salubriorem auram incolit, Bugey appellata.

ROSPRZA ciuitas lignea, in planitie paludibus circumflua.

SPICIMIRIA ciuitas lignea.

In hac Siradiensi terra, nobiles id regum privilegij concessum habent, cera rubea in obsignandis literis uti, cum id in illis prouincijs nemini nobilium, solummodo magnatibus, & in officio regio, siue terrestri præfatis concedatur. Id verò inde promouerunt,

cum Pruteni cum Polonis in acie acriter
confligerent, Lancicienses à Prutenis, Cru-
cigeribus superati, vexillum sui Palatinatus
amiserunt, quibus Siradienses in auxiliū ve-
nientes, vexillū ab hostibus recuperauerunt.

SENATORES SIRADIENSIS

terra.

Palatinus

Castellanus

Rospirienſis

Spicimirienſis

Vielunenſis

} Siradienſis.

} Castellanus.

Vexillum terreſtre medietate leonis ru-
bei, & medietate aquilæ nigræ in campo la-
furino inſignitur.

Wielunenſis quoq; diſtrictus ſuum vexil-
lum proprium habet, agnum Dei, cum ve-
xillo cruce inſignito, in campo rubeo.

LANCICIENSIS TERRA.

LANCICIA ciuitas muro foſſa q; obdu-
cta, in planitie vndique paludibus lutofis
circumdada. Arx murata in ſcopulo, foſſa q;
profunda obſtructa, eam Bſura fluuius præ-
terlabitur. Ibidem in villa Koſciol dicta, ec-
cleſia Cathedralis ex lapidibus ſectis con-
ſtructa

ſtructa eſt, ſatisq; ſumtuosè prouiſa.

ORLOVIA ciuitas lignea, ex vna par-
tium fluuiio lutuoſo, & peramplo, ex altera
lacunis paluſtroſis munitur, 4. mil. à Lanci-
cia diſtat. In eodem diſtrictu ciuitas Piatek
inter lutoſas paludes Bſuram fluuium ſita,
cercuiſia boni ſaporis, quæ in ea coquitur,
per totam Poloniam celebris habetur.

BRESINIA ciuitas lignea ſatis ampla,
inter ſtagna ſita, à Lancicia 7. mil. abeſt.

Konarzew, Inowlodz, Biechow, & alia
multæ plurimæq; ciuitates & oppida lignea
ad Lancicienſem iuriſdictionem pertinent.

SENATORES TERRÆ

Lancicienſis.

Palatinus

Castellanus

Breſinienſis

Konarienſis

Inowlodiſenſis

Biechouiſenſis

} Lancicienſis.

} Castellanus.

Vexillum terreſtre medietate aquilæ al-
bae, & leonis nigri, aurea corona inſigniti ex-
ornatur, in campo rubeo.

" *Conſtipia*
" *Polonorum*
optima

dislauiæ terra.

VLadislauia ciuitas ampla, sede episcopali clara, inter stagna ad Vistulam fluuium condita. Regio hæc magna ex parte palustrosa est, siluæq; in ea rarissimæ, ideo incolæ inopiam lignorum patiuntur.

BIDGOSTIA ciuitas murata, in planitie sita, eam Barda fluuius nauigabilis, quo merces ex maiori Polonia in Vistulam fluuiû deportantur, alluit, à Vladislauia 6. mil. distat.

Senatores tres præcipuos terra Vladislauiensis habet, Palatinum & Castellanium, Bydgosciæq; Castellanium.

BRESTIENSIS TERRA.

BRESTIA ciuitas murata, propugnaculis vallo, fossaq; munitæ, in planitie inter lutuosas paludes condita.

Hos districtus complectitur.

RADZIEIOW ciuitas lignea, in campo aprico ad lacum ingentem sita.

CRUSPHICIA ciuitas lignea antiquituscõdita, & prima post Gneznam, arx murata ad lacum ingentem, Gopla dictum, sita, ex quo lacu mures olim prodierant, qui Popelum principem Poloniae ibidem in arce deuorauerant, prout latius in gestis regum Polo-

*Supra tomo. 1.
pag. 62. 63.
136.*

Poloniæ diximus. In hac ciuitate sedes regia olim habebatur, sed postea Cracouiam translata est.

KOWALOW oppidum ligneum, in locis palustrosis conditum.

*SENATORES TERRÆ**Brestiensis.*

Palatinus

Castellanus

Crusphiciensis

Coualouiensis

} Brestiensis.

} Castellanus.

Cuiaviensis terre vexillum, quo Vladislauensis & Brestensis palatinatus in simul vtitur, aquilæ rubæ, leonisq; nigri medietate, in campo aureo.

RAVENSIS TERRA.

RAUA ciuitas lignea, in planitie sita, arcem muratam in scopulo ad Rauam fluuium habet.

SOCHACZOVIA ciuitas lignea, septis ex vna partium circumdata, arx verò in scopulo eminenti murata, quam fluuius Bsuræ præterlabitur.

GOSTININ ciuitas lignea, in planitie in-

ter paludes lutuosas, arx in scopulo murata, fossaq; paludibus obducta.

GAMBIN ciuitas lignea ampla, in planitie sita, senatores tres principales habet terra Rauensis, Palatinū, & Castellatum Rauensem, Sochaczouiensem, & Gostinensem.

Vexillum terrestre aquila nigra in campo rubeo, litera R, in pectore insignitur.

PLOCENSIS TERRA.

PLOCZKO ciuitas murata, ad Vistulam fluuium condita, sede episcopali clara, arcem quoque muratam in colle eminenti sitam habet.

BIELSKO ciuitas lignea in planitie sita, à Ploczko 2. mil. abest.

RACZYAYAS ciuitas lignea, inter lutuosas paludes, à Ploczko 8. mil. distat.

SIEPRCZ ciuitas lignea, in collo eminenti, inter paludes, à Ploczko mil. 5. distat.

SRENSKO ciuitas lignea, in planitie sita, arx murata inter stagna paludesq; ingentes, à Ploczko mil. 10.

MLAWA ciuitas lignea Prussiae finitima, eam eiusdem nominis fluuius praterlabitur, à Ploczko 11. mil. distat.

PLONSKO oppidum ligneum, à Ploczko 7. mil.

RAD-

RADZANOW ciuitas lignea, ad Vkra fluuium sita, arx murata in scopulo inter lacunas palustrosas, à Ploczko 8. mil. distat.

SENATORES TERRÆ

Plocensis.

Episcopus

Palatinus

Castellanus

} Plocensis.

Raczyasensis

} Castellanus.

Syepreenfis

Vexillum terræ Plocensis, Rauensi simile, nisi quod aquila P, litera in pectore insignitur.

DOBRINENSIS TERRA.

DOBRINIA ciuitas lignea, septis circumdata, in scopulo ad Vistulam sita, arx à Crucigeris demolita.

SLONSK ciuitas lignea, in planitie ad Vistulam à Dobrinia 2. mil. abest.

RIPIN oppidum ligneum, in planitie ad Odlekam fluuium conditum, à Dobrinia 5. mil. abest.

GORZNO ciuitas lignea, inter siluas in colle, vallo, fossaq; aquis repleta obducta, à Dobrinia 6. mil.

c. iij

Pro hac prouincia Poloni cum Crucigeris Prussienſibus frequenter digladiabantur.

Tres ſenatores præcipuos terra Dobrinenſis habet, Caſtellanum Dobrinenſem, Ripinenſem, & Slonſcenſem.

Vexillum terræ Dobrinenſis caput humanum cornutū, duabus coronis redimitum, fronte & collo in campo rubeo geſtat.

DVCATVS MASSOVIÆ.

Maſſouia regio ampliſſima Polonię coniuncta, Prusiā à Septentrione, Lituaniā ab Oriente, & Ruſſiā nōnihil in Meridiem reflectendo, in vicinia habet. Quondam ſui iuris principes habebat, ſecundoq; genitis regum Polonię attributa erat, ſed anno Domini 1526. decedentibus immatura ætate, Ioanne & Stanislao ducibus, vnicis regionibus hæredibus, ducatus Maſſouiæ in ius regis Poloniæ ceſſit. Incolæ eodem idiomate, niſi ſibilis quibusdam differenti, habituq; moribus & religione cum Polonis videntur. Viri ſunt ſtrenui & bellicoſi, in Martemque cruentum proueniunt.

Has præcipuas ciuitates Maſſouia complectitur.

VARSCHOVIÆ DISTRICTVS.

VARSCHOVIA ciuitas inſignis murata, totius

totius Maſſouiæ metropolis, duplici muro, fossaq; obducta, in planitie ad Viſtulam condita, arx quoq; murata ciuitati contigua Viſtulæ impēdet. Pons ibi ampliſſimus ligneus ingenti ſumtu in Viſtula fabricatur. Has ciuitates diſtrictuales præcipuas habet.

CZERSKO ciuitas lignea, in planitie ad Viſtulam fluuium ſita, arcem muratā in ſcopulo eminentibus altis conſpectam habet, à Varſchouia 5. mil. abeſt.

WYSEGRÓD ciuitas lignea, in planitie ad Viſtulam, arx in colle murata, Varſchouia 12. mil. diſtat.

ZAKROCZIM ciuitas lignea, ad Viſtulam fluuium, arx in colle murata, 8. miliar. à Varſchouia abeſt.

CZIECHANÓW ciuitas in planitie ſita, valloq; circūſepta, arx inter lutoſas paludes, fossa profunda munitur, à Varſchouia 12. mil.

CZERNIENSK ciuitas lignea ampla, arcem & monaſterium Auguſtinorum adiunctum habet.

PVLTOŦSKO ciuitas murata, ad Narew fluuium vnā cum arce ſita.

ROSAN ciuitas in planitie, arx verò in ſcopulo ad fluuium Narew condita.

VARKA ciuitas ampla lignea, in plani-

tie ad Pilczam fluuium sita, à Varſch. 8. mil.

BLONYE ciuitas lignea ampla, à Varſouia 4. mil.

TARCIN ciuitas lignea, à Varſchouia 5. mil. abest.

GRODZYEC ciuitas lignea, à Varſchouia mil. 7. à Tarcin 2. distat.

Prasnis ciuitas ampla, lapideis ædificijs ornata.

Lomza ciuitas ampla, ad Narew fluuium nauigabilem sita, in ea ædificia pulcerrime murata, à Varſchouia 20. mil. distat.

SENATORES PRIMARII

ducatus Maſſouie.

Palatinus Maſſouie Generalis.

Varſchouienſis

Cerſcenſis

Vyſegrodienſis

Zakrocimenſis

Cziechanouienſis

} Castellanus.

Vexillum Maſſouie aquila alba, cum expanſis ad volandum alis, in campo rubeo inſignitur.

LIVENSIS TERRA.

LIWO ciuitas lignea, arx murata ad Liwijecz fluuium condita.

WEGROW

WEGROW oppidum ligneum, à Liwo medio miliari distans.

WIZNA ciuitas in planitie ad Narew fluuium sita, arx in colle fossa circumducta.

NVR ciuitas lignea ampla, ad fluuium eiusdem nominis sita.

CAMENYEC ciuitas lignea, in planitie ad Bug fluuium, à Liwo 8. mil. sita.

Senatores hos duos præcipuos terra Liuenſis habet, Liuenſem & Wiznenſem caſtellanos. Vexillum terreſtre aquilæ medietate rubeæ, & vrſi albi coronati inſignitur.

PODLASSIÆ TERRA.

PODLASSIA regio ampla, Maſſouie ab Occidente, Lituaniæ ab Oriente cõtigua, olim ſub poteſtate & imperio Lituanoꝝ erat, ſed nunc anno Domini 1569. per Sigismundum Auguſtũ, regem Poloniae, & magnũ Ducem Lituaniæ, regno Poloniae adiuncta & appropriata eſt. Incolæ eius Maſſouie Rutheni, atque Poloni. Has ciuitates diſtrictuales præcipuas complectitur.

BYELSKO ciuitas lignea ampliſſima, Podlaſſiæ principalis, ad Byala fluuium sita, Lituaniæ contermina. Arx lignea fulminis iſtu in præſentia regis incenſa, penitusq; exuſta eſt, à Narew 4. mil.

BRANSKO ciuitas lignea, ad Nur fluuium, à Byelsko 3. mil. sita, in ea curia regia iudicialis, in qua causæ nobilium disceptantur.

SVRAS ciuitas lignea, inter colles ad Narew fluuium sita, arx in colle fossa circumducta, à Byelsko 3. mil.

TYKOCZIN ciuitas lignea, in planitie ad Narew fluuium sita. Arx natura & opportunitate loci munitissima, propugnaculis valloq; forti proportionaliter circumsepta, Narewq; fluuiio & paludibus circumdata, vt ad eam nusquam aditus pateat, machinis tormentisq; bellicis bene prouisa. Thesaurus enim regius in ea asseruatur. Rex Sigismundus Augustus eam magnis impensis restaurari fecit, monetaq; ibidē cuditur, à Byelsko 10. mil. distat, à Wilna 42.

KNYSSYN ciuitas lignea, à Tikoczin 2. mil. in planitie inter stagna, siluas, paludesq; lutas sita, ibidem curia regia extructa est. Hortus quoq; regius amplissimus, vario genere animalium, piscinisq; diuersis refertus. Venationes enim illic omnium ferarum copiose exercentur. 12. mil. à Byelsko distat.

NAREW ciuitas lignea, inter siluas ad fluuium eiusdem nominis, à Bielsko 4. mil. condita.

WASIL-

WASILKOW oppidum ligneū, ad Narew fluuiū, in quo capitaneus regius residet.

AVGVSTOW ciuitas noua amplissima, à rege Sigismundo Augusto, à quo & nomen habet fundata, 20. mil. à Bielsko distat.

DROHICINENSIS DIS-

strictus.

DROHICIN ciuitas lignea, ad Bug fluuium cōdita, in colle curiam regiam, in qua causæ nobiliū disceptantur, habet, à Byelsko ciuitate 10. mil. à Warschouia 30. distat.

MYELNIK oppidum ligneum, ad Bug fluuium cōditum, arx verò in colle eminenti, à Drohicin 5. mil.

LOSICZE ciuitas lignea, ad stagnū amplissimum sita, à Drohicin 3. mil.

MORDI oppidum ligneum, in planitie ad stagnum situm, à Drohicin 5. mil.

Ex his duobus districtibus Podlassiæ Bielscensi & Drohicinensi, pro expeditione bellica 20000. nobilium statuuntur.

Huius terræ duo sunt præcipui senatores, Palatinus & Castellanus.

Vexillū terrestre Podlassiæ bicorni crocei coloris stemmate, magni ducatus Lituaniæ, in campo albo insignitur, viro videlicet armato, gladium tenente equo insidente, ex

alia verò parte aquilam albam in campo rubeo gestat, postquā regno Poloniae est incorporata. Similiter Bielsensis, & Drohiciensis districtuum vexilla vnicornia insignitur.

DE TERRIS ET DISTRICTI-

bus Russiae, regno Poloniae incorporatis.

DE gentis Roxolanorum, siue Ruthenorum, vel Russorum origine, varij variis sentiunt, quos Sauromatas Slauonesq; ex posteritate Iapheti (prout latius in deductione Sarmatarum Polonorumq; diximus) constat esse. Quidam eos à fusco gentis colore Russos dici autumant, alij à disseminazione, siue dispersione, Rozsicia enim Slauis disseminationem significat, quod melius ad veritatem quadrat, cum totam Sarmatiam Europæam, & Asiaticam partem occuparet, ab Oceanoq; glaciali ad mediterraneum vsq; mare, & sinum Adriaticum, à Pontoq; Euxino ad Balticum Oceanum vsque eorum coloniae extenduntur, vnde & Græcis Sporij, id est dispersi dicuntur.

Qui in primis Ruthenis imperauerint, incertum est, cum literarum prorsus ignari essent, donec anno Domini 796. Michael Cypripalatus, imperator Constantinopolitanus, chara;

characteres ad scribendum Bulgaris misisset, quos etiam Rutheni omnes susceperunt, & ab hoc tempore illa quæ poterant ante & post gesta recordari, literis mandabant. Regionibus Russiae duo præcipui principes præfunt, vtpote Magnus dux Moschouiae, qui se imperatorem totius Russiae appellat, plures enim in ea ducatus possidet. Secundus rex Poloniae, qui etiam Magno ducatu Lituaniae præest, Russiae ducatus Lituaniae incorporatos, vtpote Vitebsensem, Kioniensem, Msczislauicsem, &c. possidet, quos vnà cum Lituania descripsimus.

Nunc cæteras regiones Russiae, Poloniae adherentes, cum præcipuis ciuitatibus describemus, in quibus magna ex parte Poloni colonias suas habent, proceresq; & equites ferè omnes Poloni sunt, ac maior pars religionem Romani ritus amplectitur, vtpote ciues & nobiles, exceptis colonis & agrestibus, qui Græcorum dogmata in religione sequuntur, de quorum religione & ritibus latius in Moschouiae descriptione patet.

LEOPOLIENSIS ET HALI-

ciensis terra.

LEopolis ciuitas insignis Russiae, Polono regi subiectæ, metropolis, à Leone Rus-

forum principe condita, duplici muro propugnaculisq; fortissimis, vallo & fossa profunda, tormentisq; & supellectili bellica expeditissimè prouisa. Arx vna in ciuitate, alia verò in eminentissimo scopulo ciuitati impendente munitissimè cōdita est, cuius aspectus 10. mil. patet. Emporio, sedeq; archiepiscopali clara. Metropolitanus quoq; Russiæ ibidem sedem suam retinet. Ecclesiæ in ea Romanæ & Græcorū obedientiæ plurimæ. Armeni quoque ibidem Basilicam suæ religionis, antistitemq; & sacerdotes habent.

HALICIA ciuitas lignea amplissima, antiquitus cōdita, vna ex ducatib. Russiæ. Eam à Moldauia Prud fluuius, ex alia parte Tyras, Nester vulgò dictus, præterlabitur. Arcem ligneam in colle eminenti adiunctam habet. Has ciuitates præcipuas districtuales, Leopoliensis & Haliciensis terra complectitur.

ZIDACOW in Pokutia, ciuitas lignea, in planitie ad Striy fluuium sita, arx in colle eminenti vallo circumsepta.

GRODEK ciuitas circumsepta, vnà cum arce in planitie stagnis circumuallata, à Leopoli 4. miliar.

BVSKO ciuitas inter lutosas paludes, ex quibus Bug fluuius oritur, sita, quo merces

variaz

variaz ex Volhynia in Vistulam deportantur, à Leopoli 5. mil. distat.

STRIY ciuitas lignea, ad fluuium eiusdem nominis condita.

WIZNA ciuitas in planicie inter paludes ad fluuium sui nominis extructa.

SNIATIN ciuitas lignea septis circumdata, confinis Moldauiz, cum Prud fluuius præterlabitur, à Leopoli 12. mil. distat.

COLOMIA ciuitas lignea sub monte ad Prud fluuium sita, ibidem sal decoquitur.

ROHATIN ciuitas lignea septis circumdata in planicie, eam Rohatinka fluuius præterlabitur. Arcem inter stagna & paludes in colle sitam habet, à Leopoli 10. mil. distat.

DOLINIA oppidum ligneum inter colles situm.

LVBACZOW ciuitas lignea in planicie sita, castrum inter paludes stagnantes conditum.

SENATORES PRÆCIPVI HARVM terrarum.

Archiepiscopus Leopoliensis.	
Palatinus Russiæ Generalis.	
Leopoliensis	} Castellanus.
Haliciensis	
Lubaczouienfis	

Vexillum Leopoliensis terre, Leonem fulvum coronatum petram ascendentem in campo lafurino gestat.

Haliciense verò vexillum Monedulam coronatā cum expansis alis in campo rubeo pro stemmate gestat.

BELZENSIS TERRA.

BELZ ciuitas lignea, ampla in planicie sita. Arcem ligneam lutosis paludibus late stagnantibus circumductam habet, quam nequaquam Tartarica sagitta attingit.

SOKAL ciuitas circumsepta in planicie ad Bug fluuium sita. Arx in colle eminenti lignea.

HRVYESOW oppidum cum castro in colle situm.

HRODLO ciuitas stipitibus præacutis circumsepta, arcem in colle Bugo præterfluam habet.

GRABOWYEC ciuitas lignea in planicie sita, arx in colle eminentissimo natura & oportunitate loci munitissima accessuque ardua.

THYSOWICE ciuitas lignea, arcem in colle habet.

Sena-

Senatores præcipuos duos terra Belzensis habet, Palatinum videlicet & Castellatum.

Vexillum terrestre Griphonem album coronatum, in cāpo rubeo pro stemmate gestat.

CHELMENSIS TERRA.

CHELM ciuitas septis circumdata, sede episcopali clara, arx in eminentiori colle sita, lignea, argilla oblinita 4. mil. aspectus illius patet.

CRAŚNISTAW ciuitas murata ad stagnum amplissimum sita, arx in planicie murata, quam Viepr fluuius nauigabilis præterlabitur, à Lublina 7. mil. In ea Capitaneus generalis regius residet.

RATNO ciuitas lignea ampla inter paludes latissimè stagnantes sita, a Chelmiaque 24. ferè mil. pontibus stratis ad eam peruenitur. Arx in colle eminenti ad Pereperum fluuium nauigabilem condita, quam Tur fluuius alia ex parte paludesque lutosæ muniunt, accessusque omni ex parte difficilis.

LYVBOVLYA ciuitas ad Bug fluuium sita, arcem in colle eminenti habet.

Senatores duos principales episcopum videlicet & Castellatū, terra Chelmensis habet.

Vexillum terrestre Vrsō albo inter tres arborea in campo aureo gradiente insignitur.

PREMISLIENSIS TERRA.

PREMISLIA ciuitas murata ad San fluuium nauigabilem sita, sede episcopali clara. Arx in colle in vltiori ripa eiusdem fluuij condita, propugnaculisq; apprime munitissima. Ibidem hortus ingens regius omni genere ferarum refertus.

SAMBOR ciuitas septis circumdata ad Tyram fluuium, vnà cum arce sita Hungarię finitima.

DROHOBYCZ ciuitas stipitibus præacutis in planicie munita, salis fodinis clara.

SANOK ciuitas lignea inter colles ad San fluuium extructa, arx in colle murata.

PRZEWORSK ciuitas in colle muro circumdata, ad Mleczka fluuium sita.

KROSNO ciuitas murata Iasiolda fluuii circumdata. Vislok verò fluuius eam mediam interfluit. Ibidem medio miliari Camyecnecz arx in eminenti scopulo mutata, natura & oportunitate loci & propugnaculis munita.

SENATORES TRES PRÆCIPVOS

terra Premisliensis habet.

Episcopus	}	Premisliensis.
Castellanus		
Castellanus		Sanocensis.

Vexil-

Vexillum terrestre aquilam auream bicipitem coronatā in campo lasurino pro stemmate gestat.

PODOLIAE REGIO.

PODOLIA regio amplissima Moldauię & Valachię à meridie finitima est, ab oriente verò vastissima campestris desolata, ad Tanaim fluuium paludesq; Mæotidis, & Pontum Euxinumvsque, Tartarosque Præcopenfes habet. Omniū rerum ex terra nascentium fertilissima, adeo vt colonus, quamuis quomodocunque in agrum semen iniecerit, centuplum fructuum referat. Præta quoque mirum in modum luxuriantia, adeo vt bouis cornua vix è gramine appareant: terra tamen dura & petrosa nimis, adeo vt bisfenos boues coloni araturi, aratro iungere cogantur. Attamen intolerabile pondus boues anhelantes testantur. Mellis siluæ passim abundantissimæ, stipitibus enim cauatis vbiq; mella rossida depromuntur. Armentis gregibusque, & feris omni generis redundans. Eam antiquitus Alani, Goti, Gætæ, Cumani, Polowcij, & Roxolani incolebant. Circassorum reliquiæ adhuc extant, ad Borysthenem fluuium.

AB

Podolia omnium fertilissima.

Has præcipuas ciuitates, arcesq; hæc regio complectitur.

CAMYENIEC ciuitas Moldauix finitima, diuinag; ferè manu inter arduas cliuofasq; rupes condita, portas solummodo duas habet. Arx quoq; natura & oportunitate loci rupe petrosa, vndiq; cincta, quã vna cum ciuitate Smotricz fluuius præterlabitur, fossaq; profundissima naturali cingitur. Arx ipsa muro propugnaculisq; munita. Ciuitatè verò rupes altissima, saxosa, accessuq; ardua in-
Arx inexpugnabilis expugnabilem facit, quam ita suo ambitu includit, vt minimè ædium quamuis eminentiorum tecta apparent. Sæpius ab ea Tartari, Valachiq; & Turcæ cum ingenti strage & dedecore repulsi & fugati sunt. Achocimia Moldauix arce duobus mil. distat.

BAR ciuitas septis circumdata in planicie à Bona Ioannis Sfortiæ ducis Mediolani filia, Sigismundi regis Poloniæ condita, quam à Baro patria appellauit. Arx in colle murata, paludibus latè stagnantibus circumdata.

MYEDZIBOSZ ciuitas & arx ampla lignea, inter paludes latissimè stagnantes sita, ad quam nisi pontibus peruenitur, à Tartariis sæpissime infestatur.

BRE-

BREZANIA oppidum ligneum, arcem in colle muratam habet.

TREBOWLA ciuitas sub monte altissimo sita, arcem in colle eminenti habet.

CHMIELNIK ciuitas lignea stipitibus circummunita, arx lignea in planicie ad Bog fluuium (Herodoto Hypanis dictum), sita, à Camyeniec 20. mil.

BRASLAW ciuitas & arx lignea vallo fossaq; circummunita, eam Bog fluuius præterlabitur.

VINNICZA ciuitas lignea vnà cum arce vallo circumsepta, ad Bog fluuium sita. Hæ duæ arces præter cæteras à Tartariis Præcopensibus sæpissime infestantur, districtusq; amplissimos qui pro Palatinatibus computantur, & vexillum peculiare bellicum cinericei coloris, stemmate magni Ducatus Lituaniæ insignitum habent.

SVINIGROD arx cum ciuitate lignea in campestribus sita, ibidem munitiones sunt plurimæ in campestribus desolatis sitæ, cōtra Tartaros latrocinantes arcendos. Tandem vltra Bog fluuium (qui Herodoto Hypanis dicitur) Circassorum & Canowciorum reliquiæ, longo tractu ad Borysthenem extant in campestribus desolatis, quæ 200.

*Circass.
Canowciorum.*

miliaribus Polonicis nullis siluis collibúsve & munitionibus conspicua, ad Tanaim paludesque Meotidis, & Pontum Euxinum Tartarosque Præcopenfes, & Crimſcenes vsq; extenduntur.

Senatores Podolia præcipuos tres duntaxat habet, episcopum Camenecensem, Palatinum Podoliae generalem, & Castellatum Camenecensem.

Vexillum terrestre Solem stellis duodecenis, in campo albo circumdatum pro ſtemmate geſtat.

LECTO-



*E te tua opinio fallat, lector
candide, me hic vniuerſum
regnum Poloniae absolute
descripſiſſe. Ego enim hic
Prouincias principales, quæ olim pro du-
catibus habebantur, nunc verò in Palati-
natus redactæ ſunt, descripsi, ciuitates-
que & arces præcipuas regias, in quibus
cauſſæ iudiciales nobilium celebrantur e-
numeraui. Hæ verò prouinciæ plurimas
frequentiffimasq; ciuitates, arces, & op-
pida, tam regis quàm nobilium, magna-
tum, episcoporumq; complectuntur. In
ſingulis autem terris & ciuitatibus diſtri-
ctualib. ſuperius enumeratis administra-
tores cauſſarum iudicialium, à rege ſub-
ſtituuntur: utpote Capitanei generales,
qui vices regias ſupplent. Iudex & Sub-
iudex, Notarius, Subcamerarius, Ca-
merarius terreſtris. Hi omnes cauſſas*

nobilium absolunt, exceptis capitibus criminalibusve causis, quæ ad regis edictum in comitia generalia relegantur. Sunt quoque plures alij terrestria regique munia obeuntes, quos hic recensere longum esset. Sunt quoque in Polonia regno comitatus plurimi, utpote comitatus in Tarnow, in Gorka, in Tenczin, in Melftin, in Sidlo Wiecz, & id genus alij.

REGNI



REGNI POLONIÆ,
MAGNIQUE DVCATVS LI-
TVANIÆ, REGIS CVM SENA-

toribus suis, in senatu
ordo.



POLONIÆ regnum in Sarmatia Europæ ut diximus amplissimum, potentissimumque, cum alijs multis præclaris rebus, tum modo gubernationis à cæteris omnibus regnis differt, in quibus reges sine senatus consilio & equitum consensu, ex voto priuato legem omnibus ferunt, & nisi virtute innata regantur, in tyrannidem facillè prolabantur. In Polonia autem ut reges non nascuntur, sed communibus senatus & equitum suffragijs eliguntur, ita etiam sine auctoritate eorundem nihil decernere possunt, quamuis sint potentissimi, & militibus voluntarijs superbissimos quosque reges superantes. Soli enim Polonia principes inuictissimi reperiuntur, ex solis voluntarijs nobilibus ducentorum millium quotiescunque opus fuerit, exercitum fortissimum ex omni genere armorum promptissimum sine ullis stipendijs contra hostem educere possunt. Nobilitas namque vniuersa omnibus soluta vectigalibus,

bellica tantummodo munera obire pro aris & focis tenentur, quod si voluntarii milites non sufficerent, de suis proprijs gentibus trecenta millia mercenariorum conscribere possunt. Ita cum sit potentissimus rex Poloniae, tamen secundum legum, & senatus praescripta vivere tenetur, sicq; regnum amplissimu, regio imperio, regia vero maiestas & potestas vicissim senatus & nobilium libertate temperatur, intra equitatisq; terminos omnes ordines regni cum ipso rege continentur, quod si rex quandoque ab officio suo desisteret, & publicas libertates suorum opprimere aspiraret, autoritate senatoria, qui ad hoc attentandum iuramentofunt obligati, prohibetur, & ita rex Poloniae grauissimis senatorum consilijs nititur. Senatores vero ipsi, & vniuersi equites vicissim regiam maiestatem reuerentur, amant, honorant, & vitam ac possessiones priuatas vniuersas funditus pro sanitate & bono illius effundere parati sunt. Senatores autem voto regis (penes quem est summa & maxima iuris dicendi autoritas) ex praecipua & illustri totius regni nobilitate, generis & virtutum commendatione selecti, exacto fidei sacramento, in senatum eliguntur. Principes autem & praecipui regni senatores, sunt archiepiscopi, & episcopi, propter venerandam ecclesiastici ordinis maiestatem auctoritatemque, & opes quibus affluunt, praestantissimas. Hij in senatu in vtrumq; regis latus circumfident, archiepiscopi autem duo sunt in vniuerso regis Poloniae imperio, Gnesnensis regni primas, & legatus natus Romani pontificis in Sarmatia vicem tenens, qui ad vetusta superiorum temporum memoria, coronandi regis

ius

ius habet. In Russia vero nigra, secundus archiepiscopus est Leopoliensis, vbi sedes Metropolitana Cracouia translata est, anno Domini 1075. in curia Lamperti Zulae sancti Stanislai praedecessoris. Episcopi tredecim non secus ac principes maximi, omnium rerum copia excellentes, in tota Poloniae Monarchia reperiuntur, Cracouiensis minoris, Polnaniensis maioris Poloniarum, Vladislauiensis qui & Cuiaviae, Pomeraniaeque, Vilnensis Lituanie, Plocensis Massouiae, Warmiensis, Culmensis, Prussiae, Pramissiensis, Lucacoriensis, Chelmensis, Kiouienensis Russiae, Samogitia, vltimus Camenecensis. Hij ordine omnes regi assident, nisi quod Polnaniensis, cum Vladislauensi, antiquam dignitatis litem teneant, ideo alternatim locum mutant. Episcopos ex veteri priuilegio Castellanus Cracouiensis subsequitur, in militia maior Cracouiensis & Vilnensis, palatinos vero quidam Castellani praecipui intermixti. Tunc demum alij Castellani maiores & minores quos recensere longum esset ordine loca sua occupant, qui non castris vt ipsa vocis Etymologia sonat, sed minoribus prouincijs senatorio iure & nomine regio praesunt, extraque ipsam auctoritate dignitatemque (quae est prima post Palatinos) paruum sui officij quantum reportant, quamuis illius cui praesunt prouinciae Domini verè senatorum est) commoda quaerunt. Castellanos Archimarschali Marschalciq; supremi totius regni officarij sequuntur, qui sunt Poloniae & Lituaniae de vtroque imperio bini, terrestres videlicet & Curiales. Marschalcorum officium est, curare totius aulae

& omnium conuentionis tranquillitatem, inter proceres & aulicos regios partiti ædes urbium, regi quocunq; eunti, baculos erectos singuli præferunt, & ut quisque officio suo apud regem fungatur prouident. In senatus consessu omnia animaduertunt, quod si supremi Marschalcj absuerint, Curiales eorum officium adimplent. Cancellarij & Vicecancellarij Marschalcos ordine sequuntur, vtriusq; gentis qui sunt similiter bini & bina sigilla, horum officium est priuilegia, immunitates, prærogatiuas à rege alicui datas, litteras similiter regias conscribere, scriptis illi sigillum affigunt. Omnes autem litteræ ac priuilegia in magni Lituaniæ Ducatus Cancellaria, Ruthenicis characterib. absoluntur, apud Polonos verò Latine (cuius linguæ sunt peritissimi) omnes causæ describuntur. Præcipua quoq; est dignitas in senatu summorum generaliumque militiæ ducum, quorum in Polonia vnus, in Lituaniæ magno Ducatu secundus, rerum potiuntur, penes hos summa omnium exercituum imperij sita est, in qua autoritate regia plenipotenter vtuntur. Hos demum Campiductores de vtroq; imperio singuli, qui sunt campestris militiæ duces. Est etiam summus maioris Poloniæ præfectus siue generalis, similiter Samogitiæ, & terrarum Russiæ præfecti, quo honorum gradu non nisi principes viri, & de patria optimè meriti à rege donantur. Cooptantur quoque in senatus classem prouinciarum de vtroq; imperio officarij, utpote iudices qui causas nobilium munere regi diiudicant, Pincernæ, Succamerarij, Dapiferi, Secretarij, Vexilliferi, Scribe, Tribuni militum, Exactores, The-

Thesaurarij, & ceteri qui singuli singula officia in prouincijs assignatis exequuntur, & pariter cum iudicibus prouincialibus particularia, certis temporibus anni, assignata iudicia, qui termini siue Roki vulgo dicuntur, exercent. Est etiam quoq; regni, & vexillifer curiæ regis, qui curiale vexillum in bello defert, non postrema dignitate funguntur. Non etiam autoritatis frustrantur honore ipsi secretarij, scribæq; siue protonotarij regij. Insuper cubiculi, stabuli, culinaq; magistri, suis dignitatibus in senatus consultu gaudent. Ciuitatum, oppidorum, arcium, regiarum, prouinciarumq; præfecti, referendarij supplices libellos & subditorum querelas ad regem & senatum deferentes, summusq; regis secretarius & referendarius, salinarum fodinarum & metallorum Præfecti non ignobili certè dignitate potiuntur. Legati quoque prouinciarum & ciuitatum præcipuarum, ab vniuersis ordinibus de singulis prouincijs nomine totius nobilitatis electi, suas in senatu partes occupant. Equites quoque & Patricij viri iuuenes virtutibus & genere præstantes aulici, qui in aula regia seruientes in præstandis quotidianis officijs regi operam nauant, stipendiaque merentur. Insuper cubicularij siue veredarij, qui cum epistolis regijs per omnes prouincias, amandati velocissimè discurrunt. Demum stipendiarij, & satellites siue collaterones regis vitæ custodes, postremum autoritatis locum obtinent. Omnibus autem senatoribus sub fidei iuramento, & amore patriæ eadem est perpetua & constans tuenda publicæ libertatis, & propagandi imperij, voluntas. In senatu cum de Republica deliberant liberè, & sæpius

arcerrimè sententias dicunt, regem imprudentius regnantem obiurgant, atq; vno consensu sanctissima maiorum instituta, & communis patriæ carissimas leges ad extremum vitæ defendunt.

CAPITANEI generales in minori Polonia 40. in maiori 30. in ducatu Massonia 12. quæ officia nulla successione sed ex regis gratia in benemeritos de Republ. conferuntur: hi enim prouincijs præfunt, & nobilitatem, regia auctoritate, pro tribunali iudicant, omnesq; prouentus regios exigunt, & in thesaurum referunt.

REGNO Poloniæ saluberrima aura fauet, omniumq; rerum ex terra nascentium fertilissima est, cuius ubertatem ceteræ regiones transmarinæ affatim persentiunt, ad quas frumentum grandi copia, de Polonia nauibus aduehitur. Pecoribus quoq; omnigenis, venationibusq; abundat, ita vt Saxonia, ceteraq; gentes Germanorum, Polonicis bouibus victitent. Incolæ habitum variarum diuersarumq; nationum more gestant, præcipuè verò, Italicum, Hispanicum, & Hungaricum, qui illis peculiaris est. Alij Germanico, Turcico, Moschouitico, Bohemicoq; more vestiuntur, diuersas enim & repositissimas prouincias peragrât, vnde varios mores in patriam inferunt. Viri sunt excellentissima industria præditi, variarumq; gentium idiomata callent: imprimis verò linguæ Latinæ peritissimi, quæ vt vulgari maiori ex parte in ciuitatibus & pagis passim vtuntur, idq; omnibus diuitibus, ac pauperibus peculiare est, quod in primis pueros litteris imbuendos apprimeq; ad consumptionem, sedecim plûsve annorum in pulueribus scholasticis committunt, sumptibus pro magi-

magistris minimè indulgendo, vnde linguam Latinam omnes ferè congruè callent, idque ea de re maxime obseruatum crediderim, quòd vulgaribus literis vel scripturis, in sacris ac profanis rebus nunquam vtantur, omnesq; leges tam ciuiles, quàm nobilium, ac villanorum, & ipsa Cancelaria regni ac castrensis, Latinis literis omnia expedit, atque ideo factum est, vt passim docti omnes euaderent. Habent præterea Poloni & Lituani linguæ Latinæ inflectionem propriam & perfectissimam, vt Latinarum dictionum sonum propriè ad iustum accētum expressionemq; secundum literas ipsas, quadam cum gratia & dulcedine, inflectere ac proferre queant. Quæ de re Polonia omnium ferè gentiû studia vicissè videtur, quòd rarus esset, qui Latinas literas non calleret, deinde Germanicum, Hungaricum, ac passim Italicum, & magna ex parte Gallicum, Hispanicumq; extra vulgare suum Sarmaticum idiomata nesciret. Equites in ornamentis equorum, armorum, vestibusq; præsumtuosis plurimum delectantur, campestri prælio alacrius hostem quemlibet paruis & magnis copijs adoriuntur. Castra etiam artificiosè collocant, curribus in gyrum arcè dispositis, adeo vt in illis tuti non aliter atque in arce firmissima includuntur. Viri sunt bellicosi, strenui, hostisque quamuis validissimi impauidi. Armatura maiori ex parte Hungarorum more vtuntur, clypeosq; qui totum hominem equo insidentem tegunt, & hastas oblongas gestant, pluresque inter eos tantæ animositatis reperiuntur, vt vnus alium quamuis toto exercitu suorum profligato, ad mortem vsque non deseruerit, sed vterq; strenuè dimicando honestè occumbere, quàm turpiter

Poloni studiorum a-mantissimi.

fugere mauult. Prout in Moldauia duobus fratribus germanis, Strusouiczij dictis, Polonis equitibus euenit, qui ab exercitu suorum aberrantibus cum quinquaginta cōmilitonibus, insciz in multitudinem Valachiorum inciderunt, à quibus vndiq; circumuenti, in primo congressu vnus occubuit: alter verò strenuè dimicando euasit: sed cædis fratris germani recordatus, in exercitum Valachiorum conuersus, acies eorum fortiter disuerberabat, & quāuis euadendi facultas iterum ei pateret, tamen honestius cum fratre occumbere, quàm euadere maluit. Melstinius quoque, cum Vitoldus dux Lituaniæ multitudine Tartarorum fugaretur, ex fuga audacter conuersis, in confertissimas hostium acies sese cōiecit, multisq; hostium trucidatis, tam diu strenuè dimicauit, donec prorsus telis confoderetur, equoque deijceretur, 1397. vt latius patet in Lituaniæ ducum descriptione. His etiam multi similes in gestis Polonorum reperiuntur, quos sigillatim recensere infiniti laboris esset. Id verò illic maximè non solum inter fratres, sed inter socios fideles reperitur, prout nuper Vilniæ in Lituania me præsentē euenit, duobus adolescentibus, per plateam ciuitatis pergentibus intempesta nocte, duo alij armata manu occurrerunt, vbi inter defendendum vnus aduersarium suum interemit, aufugitq; Socius verò illius captus, cædisq; damnatus, in locum decollandi postridie ducitur, cumq; iam carnifex gladio euaginato staret, ille reus cædis, qui profugerat, accurrens dixit: finite hunc innocentem abire, ego enim hanc cædem perpetravi, itaque ille genua flectens à spiculatore decollatus est, innocens verò liberatus.

Nobiles

Nobiles humilioris fortunæ, iniurias à Magnatibus illatas non patiuntur, nam quamuis pauperri-mus nobilis extiterit, amicis cognatisq; suis collectis, quàm maximum magnatem debellare potest: non solum enim possessiones pro necessitate amici exponunt, sed etiam vitam suam pro eo morti varijsq; periculis obijciunt, qua de re magnates in Polonia, non parui, sibi pauperem vulgum nobilium ducunt, in Lituania econtra, Nobiles humilis fortunæ magnatum sunt serui. Accidit in Polonia me præsentē, quòd quidam magnæ autoritatis vir, Dominus Ioannes Luthomirski, thesaurarius regius supremus, capitaneus Lanciciensis, & Radomienfis, Castellanusq; Siradiensis, quosdam pauperes nobiles, Mikolaie Wsczi dictos iniuria affecerat, qui collecta manu consanguineorum, cum magno comitatu proficiscentem occiderunt, in frustra q; dissecarunt. Cumq; hic nobilis aut honore priuandus, aut capite plectendus pro prædicto facinore esset, honorem vitæ præferens citatus ad cōmitia Lublini celebrata, alacriter comparuit, ibiq; honore integro ex sententiâ regis, decollatus est. Quod si huic genti nimia comestationes, & diuitiarum plusquam liberales prodigæ profusiones, inebriationes non obfuerint, omnes ferè gentes virtute innata & ingenijs heroicis superarent, sed vnus pro sanitate alterius, (prout illis mos est) bibens, poculum magnum funditus exsiccat, quamuis natura interdum repugnantē, sicq; hæc eorum mutua charitas, quam illi maxime in cōuiujs celebrant, eos multoties sanitate priuat, multisq; ex nimia inebriatione infirmitatibus corripuntur. Cum enim vnus alteri pro sanitate

præbuit, non solum poculum vitreum, sed ligneum, vel figulinum, capiti illidit, tandem postridie surgens infirmitate correptus, vinum inculat, amphora oblitus, quam ad caput colliserat. Multi quoque inter eos præcipue in Ducatu Massouia reperiuntur, qui sese alterutrum bibere vi complectant, dicentes: aut mihi præbibe, aut mecum armis decertato, interim verò alius arma quam poculum, quem natura recusat, alacrius eligit.

Aulicorum ministrorum, seruitorumque tantas vniuersi Sarmatæ, præsertim Poloni, Massouita, Lituani & Rutheni, fouent turmas, vt nunquam sperares eos educari posse, qui nullum aliud officium agunt, nisi dominum aliquod migrantem comitari, vel aliquod amandati munus iniunctum obire, à ceteris seruitis prorsus liberi immunesque. Mechanicum opus nobilis seruitori ingenuo, quamuis pauperrimo obire non patitur, nec demandat: quod si aliquis minus discretus seruitori negotium minus honestum mechanicumve iniunxerit, rusticum sibi ad id muneris inueniendum oportere, se verò honesto seruitio minime abdicaturum, respondit. Et ideo nobiles nobilibus, paresque genere ac virtutibus, paribus plerumque inseruiunt, cum honesta & nobilia seruitia obeunt, contra occidentalium gentium consuetudines, apud quas nobiles nobilibus turpe inserui putant, quod mechanica seruitia, quicquid dominus demandauerit, obire cogantur. Apud Sarmatas verò qui melius bibit pro sanitate domini, ille melior censetur minister, & postquam dominus mense accubuerit, & seruitores statim ordine seruato accumbunt, aliquandoque tres quatuorve mensas occupabunt, quibus libe-

liberaliter fercula opipara apponuntur, vt quilibet aulicorum tres seruitores sua portione educare possit, quam ipse saturatus puero à tergo stanti, in quadra lautè porrigit. Aulicus enim quilibet seruitores aliquot, & pueros habere solet, & illi seruitores, alios seruitores, pueri, pueros, ad quartum vsque ordinem, ad mensam eiusdem domini omnes cibaria sumentes, & salaria recipientes, & plerumque maiori ex parte, nisi ad mensam inseruiunt: peracto prandio vel cœna, saturati inclinatis de more gentis coram domino gubus, capitibusque adaperitis, quod volunt discurrunt, & quandoque triduo quatrduove, vel integra hebdomada dominus seruum in tabernis, vel in comitiua occupatum non videbit: raro tamen vbi fuerit interrogatur, & si interrogatur, respondit, se pro sanitate domini hilariter bibisse, ad quem dominus subridens gratias agit, & plerumque liberaliter huiusmodi remunerantur. Quodam tempore accidit, dum quidam episcopus per thesaurarium suum aulicis & seruitoribus salaria siue stipendia, secundum consuetudinem ad vnamquamque partem anni, persolueret, astantibusque omnibus ordine suo, quidam latrunculus (qui eadem in aula nemini seruans versabatur, bibens & comedens quotidie ad mensam episcopi) ceteris seruitoribus salaria expectantibus se intermiscuit, quibus aduersus eum mureret, quod nemini seruans stipendium expectaret, episcopus illum interrogat, cuinam inseruiret, & quid negotij obiret? Qui respondit: tibi reuerendissime domine inseruio, & id quod alij strenuus adimpleo. Quale nam sit seruitium episcopo interrogante, dixit: quotidie bis in die lautè ad mensam

tuam comedo & bibo. Cui episcopus subridens stipendium persoluit.

Nobiles legibus castrensibus, & terrestribus à regibus suis constitutis, vtuntur, ad ciuitatesque prouinciales & districtuales, quas superius enumerauimus, citantur, nomine capitanei illius regia munia obeuntis, qui arci prouinciæque præest, hosque terminos castrenses appellant. Ad terrestres verò terminos, qui rarius celebrantur, in anno sex inter quatuor vicibus, nomine regis in eandem arcem citantur, vbi à iudice terrestri vices regias adimplente iudicantur. Ciues verò in ciuitatibus imperatoris legibus, quas Magdeburgenses appellant, vtuntur.

Conclusio.

Atq; hæc nobis de regno Polonia breuiter dicta sufficiant: quod multis de causis toti reipubl. Christianæ utilissimum est, à gentibusque varijs crudelissimis Tartaris, & Turcis videlicet, munitissimum propugnaculum Germaniæ præsertim regionibus.

MAGNI



MAGNI DVCA- TVS LITVANIÆ CVM SVIS PROVINCIIIS, PALA- TINATIBVS, CIVITATIBVS

*& castris præcipuis, compendiosa
descriptio.*



LITVANIA ab Oriente Russiæ, Moschouæ duci subiectæ, contermina est, ab Occidente Podlassiæ, Massouiæ, Poloniæq; & Prussiæ non nihil in Septentrionem reflectendo adheret, à Septentrione Liuoniæ, Samogitiæque, à Meridie Podoliæ, Woliniæque Russiæ regionibus adiacet. Porro Lituania regio est amplissima, plurimos ducatus regionesque & prouincias diuersis nominibus appellatas, suo nomine completens, & Vitoldi Magni Ducis temporibus, à Ponto Euxino, Tauricaque chersoneso ad sinum vsque maris Baltici, pelagumque Curlandiæ, Liuones, & Prutenos versus fines suos longo tractu extendebat. Omnis autem Magnus Ducatus Lituaniæ in Palatinatus & districtus certos, siue prouincias, vbi iudicia particularia, & terrestria, pro nobilibus exercentur, non secus, ac Polonia diuisus est.

*Amplitudo
Lituanie.*

*Lithania in Palatina-
tus diuidi-
tur.* Hij verò districtus & Palatinatus pro ducibus (vt quondam temporibus plurimorum ducum erant) computari possunt, & vnusquisq; Palatinatus suum vexillum, quo in bello vtitur, habet. Eundem quoq; colorem & signum omnes districtus, siue prouinciæ, qui in eodem Palatinatu continentur, in vexillis suis representant, nisi quòd Palatinatus vexillum maius est, cum duobus cornibus, districtuale verò minus simpliciter protensum cum vno cornu.

*Vexillum Ducatus Li-
thuanie.* Primò itaque vexillum Magni Ducatus Lituaniæ peculiare & quadriangulare, ad differentiam ceterorum, sexaginta vlnas sericeæ telæ rubæ continet, in medio insigne proprium, hominem videlicet armatum, equo albo velociter currenti, infidentem, gladiumq; super caput manu extensa tenentem gestat, desuper stemmatis pileus ducalis, ex altera verò parte vexilli pro insigni, imaginem diuæ virginis Mariæ in Sole cum puero, habet.

Vexillum supremi ducis exercitus eiusdem amplitudinis, quadriangulare quoque, coloris lasurini eodem stemmate Magni Ducatus, ex vna partium in campo rubeo, (campus hic locus stemmatis intelligitur) ex altera diui Stanislai episcopi Cracouiensis imaginem gestat.

PALATINATUS VILNENSIS.

Vilna descriptio. Vilna vrbs, caput & metropolis totius Lituaniæ, intra colles ad confluxum Vilnæ, (à quo nomen habet) & Viliæ fluuiorum sita, muroq; circumducta, ipsa quoq; murata. Arces duas insigniter munitas adiunctas sibi habet, quarum vna inferior, (hæcq; ampla & sumtuosissime extructa) altera superior, in colle

colle eminentissimo condita, eas enim ex vna parte *Vilna fluuius.* Vilna, ex Oriente fluens, ex altera Vilia fluuij ibidem *Vilia fluuius.* concurrentes, præterlabuntur. Porro Vilna, quæ nomen vrbi indidit, minor est, Vilia verò est amplior & nauigabilis, quo merces ex Vilna nauibus, Gedanum Prusiæ emporium celeberrimum, deportantur. In hac vrbe plurima templa Romanæ obedientiæ, & Ruthenorum ritus magnis sumtibus extructa. Episcopalis sedes in Basilica arcis cathedrali diuo Stanislao dicata. Metropolitanus quoque Russiæ ibidem sedem suam in Basilica Ruthenici ritus præcipua, titulo diuæ virginis Mariæ insignita retinet. Porro in *Episcopi Lithuania Ro-* toto Lituaniæ Magno Ducatu, quinque sunt Romani. nae obedientiæ episcopatus, vtpote Vilnensis, Samogitienfis, Kiouienfis, Lucensis, & Ianouienfis. Septem præterea præposituræ siue paræciæ insigniores, à Vladislao Iagielone, (qui primus Lituanos baptizauit) fundatæ & dotatæ, vtpote Vilkomerienfis, Misogolienfis, Nemencienfis, Mednicenfis, Kreuenfis, Obolcenfis, & Haynenfis. Archiepiscopus, qui supra dictis episcopis Lituaniæ præest, Leopoli in vrbe Russiæ sedem suam habet. Ruthenici verò ritus in Lituania & Russia, Polono regi subiecta, septem sunt. Metropolitanus, siue Archiepiscopus Vilnæ, sedem suam habet. Episcopi verò, quos *Episcopi Ruthenici.* Vladicas Rutheni appellant, hi sunt Polocenfis, Volodimirienfis, Lucensis, Pinscenfis, Kiouienfis, Præmisliensis quæ, & Leopoliensis, qui etiam metropolitæ titulo vtitur, horum mores, habitum, religionem in Moschouia descriptione de religione Russiæ videbis.

Vilnensis Palatinatus vexillum rubeum est, & bicornè, 35. vlnas telæ sericeæ continens, ex vna parte

in campo albo Magni Ducatus infigne gestat, ex altera columnarum, antiquo gentis stemmate insignitur.

In hoc Palatinatu tres sunt ingentes districtus, siue prouinciæ, Osmianensis, Bratislauiensis. & Vilcomerientis, horum quilibet proprium vexillum (quo nobilitas districtualis in bello utitur) habet.

OSMIANA oppidum ligneum à Vilna 7. mil. abest, territorium ad se pertinens satis amplum habet, in quo sunt complura oppida regia & nobilium. Vexillum rubeum simile Vilnensi, sed cum vno cornu, stemmate Magni Ducatus in campo albo insignitum gestat.

VILKOMERIA oppidum ligneum ad Swienta fluuium situm. Curia est in ea iudicialis, in qua causæ nobilium disceptantur. Arx per Crucigeros Prussenses exusta, nunc in scopulo vestigia eius apparent. Prouinciā amplissimā, ad 25. mil. patentem habet, in qua sunt oppida complura regia, nobilium, spiritualiumque. Vexillum quoque rubeum, stemmate Magni Ducis ex vna parte ornatum, ex altera diui Michaelis imagine insignitum defert.

BRATISLAVIA ciuitas lignea, arcem sibi adiunctam in scopulo ad lacum amplissimum conditam habet. Vexillo rubeo, nobilitas districtus Bratislauiensis, cum stemmate Magni Ducatus in bello utitur. A Vilna viginti milliaribus distat. Ikaznia arx murata, & ciuitas lignea ad fluuium eiusdem nominis, à Bratislauiā 2. milliaribus distat. Driswiat arx ad lacum amplissimum eiusdem nominis sita, à Bratislauiā 5. mil. abest.

PALA-

PALATINATVS TROKENSIS.

TROKI ciuitas lignea, muro, cuius adhuc ruinae apparent, quondam circumdata, sed à Crucigeris Prussiensibus cum munitione deuastata. A Vilna sex milliarib. distat, arcem habet in lacu satis opportunitate loci munitam, ad quam nisi nauibus peruenitur. In ea olim sedes ducum Lituaniæ erat, postea in Vilnam translata. Est quoque aliud oppidum eiusdem nominis quatuor à Vilna milliaribus, ad Vacam fluuium, quod ad differentiam huius, nouæ Troki dicitur. In hoc Palatinatu quatuor sunt ingentes districtus, Grodnensis, Cownensis, Lidenfis, & Vpiensis.

GRODNO ciuitas lignea, arcem muratam in scopulo sitam habet, quam Nemen siue Cronon fluuius celebris & nauigabilis præterfluit, vñā cum ciuitate. Eò merces Gedanum ex regionibus Lituaniæ, nauibus deferuntur. Territorium Grodnense satis amplum est, quod pro ducatu olim habebatur. Vexillo lasurini coloris vnicorni correspondens Palatinali, stemmate Magni Ducatus insignito utitur.

COWNO ciuitas lignea insignis, plures tamen in ea domus reperiuntur lapideæ, ad confluxum Nemenis & Vilniæ fluuiorum nauigabilium sita, arcem muratam antiquitus in scopulo conditam habet. Vexillum quoque lasurini coloris in bello nobilitas districtualis gestat.

LIDA oppidum ligneum, districtuale arcem muratam, in qua iudicia nobilium celebrantur, habet, districtus Lidenfis. Vexillum quoque lasurini coloris in bello gestat.

*Districtus
Trocnensis*

V P I T A ciuitas lignea prouincialis, districtum amplissimum cum multis oppidis complectitur. Vexillo ceteris sui Palatinatus districtibus simili in bello vitur.

Vexillum Palatinatus Trocēsis bicornē, 35. vlnas telæ sericeæ lafurini coloris continet, stemmate Magni Ducatus in campo rubeo insignitur.

PALATINATVS MINSCENSIS.

M I N S K O ciuitas lignea amplissima, arx ex roboribus extructa, natura & opportunitate loci munitissima, fossa profunda circumducta, eam fluuius quidam molendinis frequens præterlabitur. Vexillum huius Palatinatus purpurei coloris bicornē, stemmate Magni Ducatus in campo albo insignitur. Districtus quoque eius Recicensis, quem vnum complectitur, simile vexillum, sed vnicorne gestat.

K E I D A N O W arx cum oppido à Vilna 25. miliaribus.

R A D O S K O W I C E castrum cum ciuitate. Hic rex Poloniae Sigismundus augustus copias armatas numerosas centum millia superantes recensuit, anno Domini 1568.

B O R I S S O W ciuitas lignea, arx ex roboribus extructa, munitissimeque propugnaculis, parietibus quaternis intrinsecus terra lapidibusque impletis firmata, fluuiio Beresina opportunè circumducta. A Vilna 40. miliaribus distat. Vexillo prouinciali caret, sed in ea milites præsidarij, contra incursum Moschorum continuò asseruantur, ad eam enim Moschus fines suos pertinere contendit.

L O H O

L O H O I S K O ciuitas cum arce lignea, à Borissow 8. mil. distat.

S W I S L O C Z castrum cum oppido ad fluuium eiusdem nominis.

B O B R O I S K O arx cum ciuitate, ad Beresinam fluuium.

O D R V C Z K O arx in colle eminenti lignea, olim pro ducatu computabatur, nuncque plures nobiles Russi titulo huius ducatus vtuntur.

NOVOGRODENSIS PALATINATVS.

N O U O G R O D E K ciuitas ampla lignea, quondam secundis genitis principum Lituaniæ attributa erat, nunc in Palatinatum redacta est. Vexillum bicornē rubei coloris stemmate Magni Ducatus, in campo albo insignitum in bello gestat. Districtus duos Slonimensem, & Wolkouiscensem complectitur.

S L O N I M ciuitas & munitio lignea, olim secundo genitorum Magnorum Ducum Lituaniæ erat, & pro ducatu cum suo territorio computabatur, postea in prouinciā redacta est. Vexillo rubeo vnicorni stemmate Magni Ducatus insignito prouincialis nobilitas vitur.

W O L K O V I S K O ciuitas ampla, curia in ea iudicialis, ubi causæ nobilium disceptantur. Vexillum quoque rubeum Slonimensi simile habet.

M S C Z I B O W oppidum & arx lignea in stagno natura loci munita, planitie circumdante, à Wolkouisko 2. mil.

Oppida plurima hic Novogrodensis tam regia,

quàm nobilium cum suis districtibus prædictis complectitur.

PALATINATUS BRE-

stiensis.

BRestia ciuitas ampla lignea, in finibus Lituaniæ sita, contermina Podlasiæ. Arcem ligneam amplam sibi adiunctam habet, natura oportunitateque loci munitam, & duobus fluuijs, quorum vnus Mucha Wiecz, alter verò Bug vocatur, opportunè circumdatam.

Vexillum bicornè lasurini coloris, in campo rubeo, stemma Magni Ducatus insignitū gestat, vnum duntaxat amplissimum, tamen districtum Pinscensem videlicet complectitur.

PINSCO ciuitas lignea satis ampla, ad fluuium Pereperum sita, qui multis oppidis Russiæ præterlapsis, in Borysthenem fluuium amplissimū defertur.

Hæc ciuitas cum suo territorio quondam inter principatus Russiæ computabatur, à Gediminoque Magno Lituaniæ duce subacta, secundo genitorum principum Lituaniæ erat, nunc in prouinciam est reducta. Nobilitas prouincialis vexillo lasurini coloris, stemmate Magni Ducatus insignito vitur.

Pereperus arx & ciuitas ad fluuium eiusdem nominis sita.

VOLINIA REGIO.

Volinia inter cæteros Russiæ principatus, gentem bellicosiores habet. Est autem regio amplissima, frugum omnigenarum abundans, syluis ferigenis, stagnisque piscosis referta, ad Magnum Ducatum Lituaniæ pertinebat, sed nunc regno Poloniæ adiun-

adiuncta est. Hij verò populi à Walga fluuiio amplissimo, qui Moschouitas à Tartaris determinat, (prout in deductione Polonorum latius dictum est) in hanc regionem venerunt, quam à suo nomine, (Volgari *Volinia de nominatio.* enim à Volga dicebantur) Valgariam, postea successu temporis, Voliniam nuncupauerunt. Viri sunt strenui & bellicosi, Ruthenico idiomate, moribusque & religione vtuntur. In tres districtus siue prouincias hæc regio diuiditur, Lucensem, Volodimiricensem, & Cremenecensem. Vexillum huius regionis bellicum principale bicornè est, purpurei coloris in campo albo stemmate Magni Ducatus Lituaniæ insignitum. Prouincialia quoque vexilla eundem colorem & stemma referunt, nisi quòd vnicornia sunt simpliciter protensa.

LVCZKO ciuitas prouincialis lignea, sede episcopali Ruthenorum, & Romanæ obedientiæ clara, arces muratas duas in colle eminenti habet.

VOLODIMIRIA oppidum ligneum, munitionem quoque ligneam ad paludes sitam habet, quondam pro ducatu habebatur.

KRZEMENEC ciuitas ampla lignea, castrum quoque ligneum, argilla circumlinitum habet.

Hæ autem ciuitates prouinciales, complura oppida & munitiones ad se pertinentes complectuntur.

CHABNO arx & oppidum ad Vissam fluuium situm.

OWRVCI castrum & ciuitas ampla in colle.

OLEWSKO arx & ciuitas ad Huberczia fluuiū,

ZITHOMIR arx lignea in colle condita.

KOREC arx & ciuitas lignea, pro ducatu olim cum suo territorio computabatur,

KAM IENIEC munitio, in colle sita.

ZBARASZ arx & ciuitas olim sui iuris erat, cum suo territorio, & pro Ducatu nunc etiam computatur, pluresque nobiles & domini huius regionis dum titulo à suis ciuitatibus vtuntur.

PALATINATUS KIO.

nienfis.

Kiouia vetustissima, amplissimaque vrbs ligneis septis circumdata, olim totius Russiæ metropolis, ad fluuium celeberrimum Borysthenem sita, à Vilna centum viginti milliaribus Polonicis distat. Eam quondam magnificam, & planè regiam fuisse, ipsæ ciuitatis ruinæ, & monumenta, quæ sex milliaribus patent, indicant. Apparent adhuc hodie in vicinis montibus & collibus ecclesiarum, monasteriorumque, & ædificiorum desolatorum vestigia. Præterea cauernæ quædam subterraneæ vastissimæ, longo tractu subtus terras extensæ, quas quidem octuaginta milliaribus protendi dicunt, in his plurima antiqua sepulcra, corporaque illustrium quorundam Russiæ virorum, (quamuis antiquitus posita) carie tantum consumpta, integra tamen apparent, præcipuè verò duorum quorundam principum cadauera, in vestibus gentili more, prout viui ambulabant, integra veluti recens posita apparent. Sicque in sepulcra in specu iacent, quæ peregrinis & aduenis à monachis Ruthenici ritus ostenduntur. Iuxta hanc urbem, arx satis munita, ex roboribus & lapidibus, terraque ad Borysthenem constructa est. Porro Kiouienfis tractus amplissimus est, quinquaginta milliaribus Polonicis, plusve patens, olim sui iuris principem habebat,

bebat, nunc in Palatinatus formam redacta est. A Kiouia in meridem reflectendo. Circass ciuitas ligneæ ad Borysthenem sita occurrit, eius incolæ Circassi dicuntur, longoque tractu, iuxta Borysthenem degunt. Rutheni sunt, (alij tamen ab his, qui ad Pötum Euxinum in motibus habitant.) viri bellicosi & strenui, cum Tartaris Præcopensibus, sibi in vicinio adherentibus, frequenter belligerant, in prouinciasque eorum excurrunt, & prædas, iumenta videlicet, abigunt. distat autem ciuitas Circass à Kiouia, viginti quinque milliaribus Polonicis. Supra Circassos septem milliaribus per Borysthenem ascendendo. Kaniow oppidum viris bellicosis circumquaque habitantibus clarum occurrit, 17. milliaribus à Kiouia abest. Infra Circassos & Kaniouienfes nulla habitations Christianorum sunt. Campestria enim desolata colonis vacua, ipsis solummodo feris domicilia præbentia, quadraginta milliaribus ad Oczakow vsque castrum & ciuitatem in ostijs Borysthenis sitam, patent. In Oczakow autem ciuitate, & circumquaque in campestribus Tartari Præcopenfes degunt, ipsa verò ciuitas cum arce Turcicis præsidij (quauis Tartari eam incolant) tenetur, & huc vsque Lituanorum colonia, Vitoldi temporibus erat: sed ad rem, vnde digressus sum, redeo.

Kiouienfis Palatinatus vexillum bellicum viride bicornè, stemmate Magni Ducatus in campo rubeo, ex alia verò parte vrsò in campo albo insignitum gestat. Districtum vnum duntaxat Moserensem, amplissimum tamen, habet.

MOSER ciuitas prouincialis, ampla ligneæ, ad fluuium Pereperum condita, qui duodecim milliaribus

bus supra Kiouiam hausto fluuio piscoso, *Tur* dicto, Borysthenem influit. A Kiouia triginta miliaribus Polonicis distat, à Bobransko totidem, à Mohilow viginti, ab Orsha viginti sex. Vexillo Mozerensis districtus viridi prout suus Palatinatus vtitur.

MSCZISLAVIENSIS PALATINATUS.

Msczislauia ciuitas lignea, ad fluuium Sofam erectum sita, arcem quoque ex roboribus apprime munitam habet. In ipsis finib. Moschouia iacet, ideo praesidiarij milites in ea continuo asseruantur. Vexillum huius Palatinatus crocei coloris est, Magni Ducatus stemmate in campo rubeo insignitum, districtualibus ciuitatibus caret, plurima tamen oppida & arces complectitur, quodam sui iuris principem habebat, sed nunc in prouinciae formam redacta est.

Nunc castra ad Borysthenem sita breuiter recensimus.

DAMBROWNA prima arx à Moschouia finibus ad Borysthenem cum oppido sita, à Smolensko decem quatuor miliaribus abest, ab Orsha quatuor.

ORSHAM in Witebliensi Palatinatu describemus.

KOPYSZ castrum cum oppido ad Borysthenem, ab Orsha quatuor miliaribus distat.

SKLOW arx cum ciuitate ad Borysthenem, à Kopysz duobus miliaribus distat, pro comitatu computatur. Vnde se illustris ac magnificus Dominus, Ioannes Chodkiewicz comitem scribit.

MOHILOW arx cum ciuitate ad Borysthenem sita, sex miliaribus à Sklow.

BYCHOW

BYCHOW castrum cum oppido ad Borysthenem situm, à Mohilow duodecim miliaribus.

RECZYCZA arx cum oppido ad Borysthenem sita.

STRISSIN arx cum ciuitate ad Borysthenem.

LV BETZ arx ad Borysthenem sita.

VISZEHOROD arx ad Borysthenem, à Kiouia tribus miliaribus abest.

WITEBSCIENSIS SIVE WITEBLIENSIS PALATINATUS.

Witebsk ciuitas satis ampla lignea, ad Dwinam fluuium insignem & nauigabilem, quo merces omnigena Rigam Liouoniae metropolim deportantur, sita. Arces duas amplissimas natura, & opportunitate loci munitissimas habet, quarum vna inferior in planitie sita, ciuitatis formam amplitudine referens dicitur. Altera superior in colle eminentiori condita, utraque propugnaculis, & parietibus ex roboribus extructis, terraque & lapidibus impletis, summe munita. Eas vna cum ciuitate ab Oriente fluuius Dwina opportunè praterlabitur, in quam sub ipsa arce ex altera parte Viczba fluuius exoneratur. Haec arx omnium arcium finitimarum, totiusque Lithuaniae, est fortissimum propugnaculum contra incurset. Sapius ab ea Moschouia cum suo ingenti damno fugati repulsi que sunt. Quatuor in ea praefecti siue ductores militum pedestrium asseruantur, in quorum ego numero cum patre meo Ambrosio Guagino, quincenariae cohortis decem annis praefectus

etus eram. A Vilna octuaginta milliaribus distat, quondam sui iuris principem habebat, & pro ducatu computabatur, nunc in Palatinatum redacta est. Vexillum viridi coloris bicornes, stemmate Magni Ducatus in campo albo insignitum gestat. Districtum siue provinciam vnam duntaxat complectitur, Orshensem videlicet.

ORSHA ciuitas lignea ampla, ex vna parte stipitibus præacutis munita, ex altera Borysthene fluuii alluitur, arcem munitam muratam sibi adiunctam habet, quam ab vna parte Borysthene, ab altera Orshicza fluuius (qui nomen ciuitati indidit) præterfluit, à Witebska 18. milliaribus abest. Vexillo viridi prout suus Palatinatus in bello vitur.

SVRAS castrum inter Dunam, Casplam, & Surascam situm, à Witebska octo milliaribus superius Orientem, ad Moschouiam versus procedendo tandem Occidentem versus à Witebska 14. milliaribus occurrit.

VLA arx in conflictu Vla (à qua nomen habet) & Dunæ fluuiorum, à Moschouitis olim fundata possessaque, & à nostris sapius, frustra tamen tentata, postea à duce Romano Sangusko Wicz inopinata irruptione capta, exustaque, & à nostris restaurata.

TVROWLA castrum Moschorum ad fluuium eiusdem nominis, & Dunam munitissimè sita, à Poloczka tribus milliaribus abest.

SVSZA arx Moschorum, ad lacum eiusdem nominis, Moschouitis *Copia* dicitur.

CZASNIKI castrum & oppidum ligneum, ad Vlam fluuium situm, à Susza quatuor milliaribus abest.

SIEN-

SIENNO arx cum oppido à Czaſniki sex milliaribus distat.

LEPLO arx & ciuitas bene munita, in lacu quasi peninsula condita, à Czaſniki septem milliaribus abest.

CIOTCZA munitio ad lacum eiusdem nominis.

CRASSNE arx Moschouitica, à Ciotcza vno milliari sita.

WORONIEC castrum cum oppido ad Vsaczam fluuium situm, à Poloczka tribus milliaribus abest.

STRYZOW munitio ad lacum ingentem sita.

PALATINATVS POLONENSIS.

POLoczko olim ciuitas lignea amplissima, stipitibus septisque ligneis circumdata, ad DWinam fluuium condita, arcem ligneam natura & opportunitate loci munitissimam, turribus & propugnaculis firmatam habet, quam ab vna parte DWina, ab altera Polota, à qua ciuitas nomen sortitur, præterfluit. Milites in ea præſidarij à rege Poloniae frequenter afferuabantur, ciues & mercatores in eaditissimi erant, sed anno Domini 1562. Ioannes Basiliades Magnus Dux Moschouiae, eam vi tormentis bellicis admotis, strenua oppugnatione, obsidium verò indiligenti & oscitati defensione, in ditionem suam redegit, Polonisq; præſidarijs liberè dimissis, Lituanos & Ruthenos ciuitatis incolas, cæterosq; qui illuc velut ad asylum confugerant, in Moschouiam victos adduxit, prædamque dictu incredibilem auri & argenti illinc asportauit: hæc ciuitas cum arce & suo territorio, in Moschouiae principis ditione permanet, vs-

que ad ann. 1579. mense Aug. quo tempore Steph. Bator rex Polon. strenuè (vt postea dicitur) cum toto territorio recuperavit. Habebat olim sui iuris principem, & pro Ducatu amplissimo cõputabatur, purpurei coloris stemmate Magni Ducatus insignitum in campo albo nobilitas provincialis, quæ regi Polonia. Magni Duci Lituaniæ subest, in bello gestat.

V S A C Z A munitio ad fluviũ eiusdem nominis, & Dunam sita, à Poloczka tribus miliaribus distat.

D I S N A arx ampla, vallo forti & inexcussio circumdata, rebusque bellicis apprime munita, Disna, & Duna fluviio opportunè circumluitur; ciuitas quoque inter eosdem fluuios vallo stipitibusque præcinctis & propugnaculis munita, à Poloczka sex, à Vilna quadraginta miliaribus distat.

D R I S S A arx cum oppido circumsepto, ad fluuium eiusdem nominis & Dunam, sex miliaribus à Disna sita.

D R V H A munitio cum oppido, ad eiusdem nominis fluuium, & Dunam à Drissa sex miliaribus abest.

Ab hac arce Liuanie fines, & arces ad Dunã sitæ, incipiuntur, quas suo loco descripsimus. Lituaniæ quoque & Samogitiæ ditio in occidentali ripa Dunæ iacet. Samogitiæ itaque describendam ordiemur, quæ moribus, vitæque consuetudine, & idiomate Lituaniæ similis est, eiusdemque principatus.

DUCATVS SAMOGITIÆ.

S Amogitiæ regio satis ampla, proxima Lituaniæ, à Septentrione Liuanie contermina est, marique Balteo siue Germanico ab Occidente, nonnihil in Septen-

Septentrionem reflectendo adiacet. Prussiam quoque in vicinia habet. Nullo castro munito insignis est, ciuitates tamen in ea cum pagistam regie, quam nobilium complures sunt. Huic regioni præfectus siue capitaneus supremus, à rege Polonia. Magni Duce Lituaniæ præponitur, neque temere is nisi grauissimas ob causas officio mouetur, sed quoad viuit perpetuò manet. Episcopum habet Romanæ obedientiæ. Agrestis turba in humilibus calis, ipsæque oblongioribus vitam ducit, in quibus ignis in medio accensus ardet, ad ignem verò paterfamilias cum domesticis, seruisque sedit, iumenta quoque & totam suppellectilem domesticam cernit. Solent enim sub eodem quo ipsi habitant tecto, sine vlllo interstitio pecora habere. Maiores eorum cornibus animalium, vtorum videlicet, pro poculis vtuntur. Audaces sunt & strenui homines, & ad bellum prompti, lorice aliisque plurimis armis, præcipuè autem cuspidibus venatorum vtuntur. equos adeò paruos habent, vt vix credibile sit ad tantos labores eos posse sufficere, quibus foris in bello, domique in colendis agris vtuntur. Terram non ferro sed ligno procindunt, quod eò magis mirandum, cum terra eorum tenax & non arenosa sit. Araturi ligna complura quibus vomeris loco vtuntur secum portare solent, scilicet vt vno fracto, aliud atque aliud ne quid in mora sit, in promptu habeant. Quidam ex prouinciæ præfectis quo prouinciales grauiore labore leuaret, multos ferreos vomeres fabricare fecerat, cum autem eorum sequentibusque aliquot annis segetes quadam celi intemperie expectationi agricolarum non responderent, vulgus agrorum suorum sterilitatem

*Habitatio
nes Samogitiarum.*

*Mos arandi
agros.*

ferreo vomeri pertinaciter adscribebat, nec aliud quicquam in causa esse putabat. Praefectus eorum vulgi seditionem timens amoto ferro, suo eos more agros colere permisit.

*Samogitia
syluosa.*

Prouincia haec nemoribus syluisque abundat, in quibus horrendae quandoque visiones fieri dicuntur. Mel nusquam melius nobiliusve, quodque minus cere habeat, albumque sit, quam in Samogitia reperitur. Syluaeque illic summas diuitias ferunt; stipitibus enim

*Samogita
idololatra.*

cauatis mella passim promuntur. Sunt etiam nunc illic inter agrestes, idololatrae complures, qui serpentes quosdam quatuor breuib. lacertarum instar pedibus, nigro obesoque corpore *Ginojtos* patria lingua dictos, tanquam penates domi suae nutritum cibum prorepentes, cum tota familia quoad saturati in locum suum reuertantur, timore quodam circumstantes venerantur. Quod si aduersi illis quid acciderit, serpentem deum domesticum male acceptum ac aturatum esse credunt.

Miraculu.

Accidit hoc nuper in Lituania, sex à Vilna miliaribus in pago quodam iuxta ciuitatem Troki, quod quidam Christianus ab eiusmodi serpentis cultore, aliquot aluearia apum emit, quem cum ad verum Christi cultum multo labore adduxisset, utque serpentem, quem colebat, occidere persuasisset, aliquantulum post, cum ad visendas apes suas eò reuersus fuisset, hominem facie deformatum, ore aures tenus, miserabilem in modum diducto offendit: tanti mali causam interrogatus, respondit se quod serpenti deo suo domestico manus nefarias iniecisset, ad piaculum expiandum hac calamitate puniri, multoque grauiora, si

ad prio-

ad priores ritus suos non rediret, cum pati oportere. Est etiam quatuor à Vilna miliaribus, Lauariski villa regia, in qua à multis adhuc serpentes coluntur. Haec quamuis non in Samogitia, sed in Lituania gesta sunt, pro exemplo tamen adduxi.

Agrestis turba in Samogitia sacrificium quoddam, *Ritus gentilis Samogitarum.* solennesque epulas gentili more sub finem mensis Octobris, collectis frugibus, quotannis celebrat hoc modo. Ad locum conuiuio, epulisque sacris delectum, omnes cum vxoribus, liberis & seruis conueniunt, mensam feno supersternunt, desuper panes apponunt, & ex utraque panis parte duo ceruiciae vasa statuant. Postea adducunt vitulum, porcum & porcā, gallum & gallinam, & cetera domestica iumenta, ex ordine mares & femellas. Haec mactant gentili more, ad sacrificandum hoc modo: in primis augur siue incantator quispiam, verba quaedam proferens, animal verberare baculo orditur, deinde omnes qui adstant, iumentum per caput pedesque, baculis verberant, postea tergum, ventrem, & cetera membra concutiant, dicentes: Haec tibi, ô Ziemiennik deus, (sic enim illum daemone agrestis turba appellat) offerimus, gratiasque tibi agimus, quod nos hoc anno incolumes, & omnibus abundantes, conseruare dignatus es, nunc verò te rogamus, ut nos quoque hoc anno praesenti fauere, tueri ab igne, ferro, peste, & inimicis quibuslibet, defendere digneris. Postea carnes iumentorum ad sacrificium mactatorum comedunt, & ab unoquoque, ferculo, antequam comedant, portiunculam amputant, & in terram omnesque angulos domus proiciunt, dicentes: Haec tibi, ô Ziemiennik, nostra holocausta suscipe, & comede beni-

*Mare Samo-
giticum.*

gnus: omnesque tunc temporis lautissimè solenni-
ter & opiparè epulantur. Hic verò ritus gentilis & in
Lituania, Russiaq; ab agrestibus, quibusdam in locis
obseruatur. Mare quod Samogitiam alluit Balteum,
à quibusdam Germanicum, ab alijs Prutenicum dici-
tur, sinus Balticus propriè nūcupatur. Interluit enim
Cimbricam cherionensem, quæ Germanis *Jutland*,
Latinis *Jutia* vocatur. Alluit quoque Germaniam, &
omnem Pomeraniæ regionem, atque longo tractu
Lituaniam, Curlandiam, regionesque quasdam Mos-
chorum principis, Suetiam, Phinlandiam, Daniam-
que circumluit. Huius regionis Samogitiæ, rex Po-
lonus, magnus Dux Lituaniæ titulo utitur, vexillum
album bicorne stemmate Magni Ducatus Lituaniæ,
in campo rubeo insignitum, Samogitia in bello ge-
stat. Incolæ regionis, omnibus ferè cum Lituaniis
vestiuntur habitu cinericio, moribus, regione, idio-
mate paucula differentia interiecta, utuntur. Ideo
nunc ad describendos mores Lituaniarum oratio-
nem dirigemus.

*Fluuij Li-
tuaniæ.*

Lituania admodum syluosa est, prout & Samogi-
tia, paludes lacusque ingentes, & amplissimos in qui-
busdam locis maris, formam referentes, habet. Præ-
terea multos fluuios nauigabiles, quorum alij Ori-
tem versus, utpote *Bog* (Herodoto Hispanis dictus)
Perepetus, Tur, Swislocz, & Berefina, in Borysthe-
nem vulgò *Dnepr*, dictum exonerantur. Borysthe-
nes verò pluribus fluuijs haustis in Oriente, tandem
in Meridiem decurrens, in Pontum Euxinum illabi-
tur. Alij verò Cronon, vulgò *Niemen* dictus, Vilia,
Karew, Bug, in Occidentem non nihil in Septentrio-
nem reflectendo decurrunt, in mareque Germani-
cum

cum iuxta Gedanum celeberrimū emporium Prus-
siæ exonerantur, DzWina autem Ptolemæo Rubon
ex Moschouia ortus, à Riga duobus milliaribus ei-
dem mari commiscetur.

Animalia in Lituania omnis generis parua sunt,
gens misera maximè in villis & pagis graui seruitute
oppressa, nam ut quisque famulorum caterua stipa-
tus, domum coloni alicuius ingressus, impunè quid-
uis facere, res ad vitæ vsum necessarias capere, ablu-
mere, crudeliter etiam colonum verberare potest.
Colonis quauis de causa, ad dominos suos abiq; mu-
neribus, aditus non patet, quod si etiam admittan-
tur, ad præfectos & officiales relegantur, qui nisi mu-
nera accipiant, nihil boni decernunt, & vnum quod-
que verbum iudicis in Lituania, aurum est. Coloni
quinque dies, aliquando sex, dominis suis laborant,
cies verò Lunæ priuato labori conceditur, atque ut
plurimum diebus Dominicis (nulla enim diuorum
festa agrestes obseruant) quoduis opus absoluunt, a-
griculturam exercent, segetes prataque metunt, tri-
tant, & id genus alia. Hoc verò & in Russia pecu-
liare est: quod si interrogaueris, quare Dominico die
laboras? respondere solent, nonne & die Dominico
comedere oportet? Imperatam pecuniam quotan-
nis ter quaterq; pro defendendis regni finibus pen-
dunt, à dominis quoque tributis adinuentitijs graui-
ter onerantur, pane atro & vilissimo, siligine vnà cū
spicis commolita utuntur, molendina siue pistrina
manualia, agrestes in pagis trina quinave domi ha-
bent, eisq; ad commoliendas fruges utuntur, dumq;
hæc molendina manibus vertunt, patrio more, agre-
stem quandam concentum edere solent, dicentes,

*Tributis Li-
tuani oner-
antur.
Molendina
Lituaniarū.*

melior, hocque verbum frequentius ad cantilenę similitudinę repetunt, id verò est, tam viris quam mulieribus peculiare, quòd de illa re, quam tunc in opere habent, cantilenas agrestes canant. Tubas quoque lignecas oblongas habent, quas inflantes, mirū quendam & dissonum concentum edunt, aliquandoque vnus duas insimul tubas, harmonia quadam correspondente inflat.

Omnes ferè Lituani, & Samogitę, Liuitonesque vestitu vili cinericio, communiter vtuntur, vt cum tumatim vulgum stantem in foro conspexeris, neminem nisi cinericia veste indutū videbis, cothurnosque ex tilię libro, vel ex pellibus iumentorum, vnā cum setis detractis conficiunt. Currus leues absque vlllo ferri ministerio conficiunt, & omnia compangunt, arboreis gomphis & ligna coacta vicem ferri complent, rotasque ex vno ligno, in gyros aptas contorquent. Pinguedine vel pice nunquam linunt currus, & quando multi insimul vehuntur, mirus quidam cōcentus querulorum axium longè auditur. Versus:

*Neg, linunt Rutheni querulos pinguedine currus,
Haud picis auxilium stridulus axis habet.
Auditur veniens longè crepitare Colassa,
Sic fragiles currus, Russe, vocare soles.
Nam faciunt habiles, vno vectore quadrigas
Inuectas Rutheni, quas equus vnus agit.
Nec facile inuenies ferrato harentia clauo
Plaustra facit ligni cuncta ministerium,
Et sine ferri iussu pangunt sua plaustra terebris,
Et lignum ligno consolidare solent.*

Frumenta omnis generis, primò in calidissima
calla,

ARTICVLI CONSTI-
TUTIONVM BELLICARVM
MAGNI DVCATVS LITVANIÆ, IN
comitijs generalibus constituti, a supremo, & ge-
nerali copiarum imperatore fortissimo, & heroe per-
petua memoria dignissimo, illustri domino Gre-
gorio Chodkie Wizio, Castellano Vilnensi
confirmata, & militibus
imperata.

Omnis qui se obligauerit seruitio sacre regia ma-
iestatis, debet in eo ad tempus prescriptum per-
seuerare. Si verò longius seruitium militare indictum
protractumque fuerit. Miles autem seruire amplius
nolens in primo quartuali non indicauerit, tunc in-
dictum seruitium sequentis quartualis adimplere te-
nebitur.

2. In alterius armis nemo audeat seruire, sub pœna
amissionis honoris.

3. Si quis è castris discesserit, seruitio non finito no-
bilis ille si fuerit, honoris, plebeius verò capitis pœna
punietur. Ille autem qui eiusmodi hominem occide-
rit, praesertim non habentem litteras à campiductore
suo, rotamagistro suo, iuste ab eo factum censabitur.

4. Lites, discordiasque milites alterutrum seminare
non audeant, sub gravi pœna.

5. Quod si aliquis ex militibus, praecipue verò pede-
stribus, arma sua st. pendiaria quibus hostilis impetus
arceatur, lusu alearum amiserit, vel si eques equum
militie destinatum perluserit, tam lucrator, quam a-
missor viresque suspensionis pœna punietur.

6 Quicumq; in campiductorem, siue rotmagistrum suum, decurionemve, vel etiam seruus in dominum suum, manu aut verbis inhonestis sese commouerit, capitis poena plectatur.

7 Si quis in custodes castrorum impetum fecerit, vel custodiam demādatā obire renuerit, aut ad custodiam sine voluntate campiductoris abierit, capite puniatur, excepto si excubia ordinaria illum prauenerint.

8 Quicumq; vulnerauerit aliquem in ductu legionum sub extensione vexilli, poena honoris & capitis puniatur.

9 Quicumq; pedester in custodia locum suum non tenuerit, aut causā alicuius sine necessitatis inde discesserit, vel si in ordinatione aciei excubijve obdormierit, vel officium inunctum indiligerenter oscitauerit, obierit, circumspēctori excubiarum liberum erit talem interficere. Si autem campiductori oblatum fuerit, capitis poena puniatur, honoreq; priuetur.

10 Si quis in custodiam campestrem destinatus, siue ex muro cum hoste collocutus fuerit, siue voluntate campiductoris, conuictus testimonio, pro huiusmodi facinore capitis poena puniatur.

11 Si aliquis miles ex thesauro sacrae regie maiestatis de tormentis puluerem globosve, quam de alijs bonis sacrae regie maiestatis aliquid in usum suum conuertere ausus fuerit, siue quauis misericordia turpi, & vituperoso mortis genere puniatur.

12 Si quis speculatorem ab hostibus missum, in domo sua fouerit, vel de illo notitiā habuerit, talis omni misericordia semota in quatuor partes dilaniatur.

13 Quicumq; tempore necessitatis, siue conflictus a vexillo

vexillo in fugam sese dederit, aut verbo aliquo fugiendi causā alicui prabuerit, caput & honorem amittit, similiter qui tempore periculi, non conseruerit manus cum hoste puniatur.

14 Si aliquis temerariē in terram hostilem irruerit, vel occasione hostibus dederit, siue voluntate campiductoris, caput amittit.

15 Tempore nominis dati, quod Polonicē *Hasto* dicitur, unusquisq; miles in ordine suo pacificē permaneat. Quod si post hoc extra ordinem comprehensus fuerit, vel si nomen indictum interroganti proferre nescierit, capitis poena puniatur.

16 Dato signo requiei per vocem tubae, nullos clamores, & strepitus in castris aliquis facere audeat sub graui poena.

17 Si quis litem aliquam tempore distributionis nominum excitauerit, vel bombardam in hostem exonerauerit, capite plectatur.

18 Taberna & nocturna comestiones prohibita & vetita tunc temporis sint, sub graui poena.

19 Nemo militum audeat aliquid violenter alicui eripere, sub poena suspensionis. quod si aliquid acceperit praeter victum, quod vnus grossi pretio constaret, siue quauis misericordia inguleitur.

20 Nemo militum victus acquirendi causā absq; seruo campiductoris in villas audeat discurrere, neue alicui iniuria inferatur, sub poena graui.

21 Hominem alienigenam, aduenam & ignotum nemo in seruitium militare suscipere audeat siue licentia campiductoris, sub graui poena.

22 Seruitorem alterius commilitonis, siue decurio

nis, nullius ad se persuasionibus & promissis allicere audeat, sub gravi pœna.

23 Nemo militum equos stipendiarios currui iungat, neq; causa necessitatis privata quamvis opportuna illis uti, vel alicui in usum dare audeat, sine licentia campiductoris.

24 Aduehentibus victum in castra, si aliquid per vim raperetur, suspensione pœna esto.

25 Si quis in viam publicam mercandi, prapriendiq; victus causa extra castra abierit, turpe ob lucrum, graviter puniatur.

26 De emptione & venditione cibi & potus, campiductor estimationem faciat.

27 Quicumq; ante estimationem aliquid emerit, emptor pecunijs, venditor mercibus princeps, similiter & de eo intelligendum est, qui cariori pretio quam campiductor constituerit, aliquid vendere ausus fuerit.

28 Satellites a campiductore missos, ad comprehendendum malefactorem, nemo verbis inhonestis profcindere audeat, sub gravi pœna. Similiter administratori iusticie carnifici, nemo illudere audeat, sub pœna honoris.

29 Militum praefecti sub pœna honoris tenentur indicare, quot milites in legione sua desiderarentur. Arcis vero siue ciuitatis cuius praesidia agit, incolam aut cinem ad militiam nemo suscipere audeat, sine licentia campiductoris, sub gravi pœna.

30 Unusquisque militum praefectus diligenter animaduertat, ne arcem fidei suae conceditam ad ultimum usq; periculum vita tradere praesumat, sub honoris & capitis pœna.

31 Decuriones, commilitonesq; si rotmagister, (quod absit.)

absit.) per signa aliqua castrum hostibus tradere conuerit, illum captum campiductori praesentare tenentur.

32 Rotmagister, siue militum praefectus, ad reservationem, & occlusionem portarum castrorum, quotidie praesens tenetur adesse, neminiq; castrum tempore incongruo aperire audeat. Noctu vero omnes milites congregatos habere in arce tenentur.

33 Nemo in Castrum intromittatur, nisi certa noticia de illo haberetur, cuius sit, vel ob quam causam venerit, & si iustam causam dixerit, solus in castrum absq; famulis intromittatur, qui absq; campiductoris licentia intromitti non possunt.

34 Quicumq; militum, maxime autem pedestrium depredationis causa in terram hostilem frivolis abierit, talis pœna capitis puniatur.

35 Si alicui custodia ordinaria venerit, ille autem praesens custodi non adfuerit, capitis pœna esto.

36 Si quis custodia munus obiens, sequentis custodia aduentem non expectando abierit temerarie, caput amittit.

37 Cui ex ordine custodiam obire contigerit, idq; muneris temerarie per ebrietatem, alearumq; lusum neglexerit, caput & honorem amittit.

38 Nemo rotmagistrum, commilitonumve extra arcem discedant, militesq; suos ad quamvis legationem negotiorum suorum destinare non audeant, sine licentia campiductoris, maxime vero campiductore ibidem praesente, sub gravi pœna.

39 Rem forte inuentam nemo apud se pernoctare sinat, sed rotmagistro, siue campiductori eam indicet, sub pœna patibuli.

40 Quicumq; militum absq; armis ad qua stipendia accepit, ambulauerit, vinculis corrigatur.

41 Nemo rixas, motusq; aliquos in arce exercere audeat, sub pœna atroci, quod si quis aliquem vulnerauerit caput, & pro fruolagladij extractione manum amittit.

42 Ad quamuis iustam emendationem arcis, maxime obsidionis tempore, nemo militum eorum, qui in ea praesidia agentes manent, propter seipsos laborare detractent.

43 Rotmagistri & decuriones, singuli suos milites semper instruant, doceantq; quomodo unusquisq; in acie legitime, ordinateq; stare, & armis suis competentibus commodè uti possit, quod si ex ordine aliquis foras excesserit, caput amittit.

44 Commilitones, siue decuriones honestè sese obseruent erga rotmagistrum suum, non solum modo manu, verum etiam verbis, similiter & rotmagister erga eosdem, neminem dehonestando, verberandove, sed si quid aliquis peccauerit, in corona omnium decurionum, sociorumq; eum indicet & puniat, rebellem verò campiductori indicet.

45 Quod si aliquis commilitonum sociorumve, siue ipse vices gerens, Articulos supra scriptos, honoris & capitis pœna pramunitos iuste & legitime non obseruauerit, eum rotmagister suus, campiductori sub fideiussione, & nobilitatis honore, ordinate transmittat.


Articulorum militarium magni Ducatus
Lituaniae finis esto.

PRVS-

PRVSSIAE CVM SVIS
PROVINCIIIS, CIVITATIBVS
OMNIYMQVE MAGISTRORVM

Crucigerorum Teutonici ordinis, iuxta
seriem compendiosa
descriptio.

DE PRVSSIAE DEDVCTIONE
doctorum opiniones.



RÆCLARVS ille Germanorum legatus, & orator apud multos extraneos principes celeberrimus, Aeneas Syluius, qui in Prussia lega-

tionem frequenter obibat, scribit in suis Chronicis, quòd Prussia re-

ctius & conuenientius, Vlmigauia appellanda sit, & hoc non sine causa: nam populus qui hanc regionem primò incolebat, Vlmigauus nuncupabatur. Ioannes autem Boëmus scribit ab ortu solis in hanc regionem populos Amaxobios, Alanos, & Gothos, Venetosque, siue Vandalitas commigrasse. Mathias verò Miechouienfis, Polonorum chronographiae scriptor lib. 2. cap. 8. refert, regem Bithyniae Prussam nomine ab Hannibale Carthaginensi admonitum, vt Romanis bellum inferret, quod cum ille suscepisset, malè ei cessit. Longè enim plus Romani totius orbis domini quàm Prussa rex Bithyniae copijs valebant, quocirca ab illis adeò cum vniuerso exercitu profligatus est, vt Bithyniam regio-

Syluij de
Prussia ap-
pellatione
opinio.

Vlmigauus.
Ioannis Boë-
mi opinio de
Prussia.

Miechouita
opinio de
Prussia.

Prussia à
Prussa rege
Bithynia.

*Romani in
Prussia.*

*Erasmi Stella
la opinio.*

*Sebastiani
Brandopini.*

*Fines Prus-
sia.*

*Prussia gen-
tiles.*

nem propriam relinquere cogeretur, & in Vlmigauiam longa peregrinatione venire, quam à suo nomine Prussiam appellauit. Commemorat, & in alio loco eorundem Chronicorum idem Miechouiensis, multos Romanos in terram istam propter atrociam bella, Romæ exorta migrasse, seque partim in Prussiam, partim Lituaniam, Liuiamque & Samogitiam diffudisse. Erasmus verò Stella asserit in hanc regionem gentiles quosdam populos Sargatianos, Gelidanos, Alanos, Venedosque venisse, qui omnes in Vlmigauia, non diu tamen domicilium habuerunt. Sebastianus autem Brand Germanorum chronographiarum scriptor, sic de Prutenis eorumque sedibus inquit: Pruteni proximi sunt Vistulae, siue Vandalo fluuii, qui Poloniam à Germania determinat, hic fuit ex Silesia, Poloniaeque minori & Massouia præterlapsa per Prussiam Gedanum usque decurrit, ibique in saluum mare exoneratur.

Ab æquinoctio itaq; Prussiam Saxonia attingit, ab Occidente Pomerania, & mare Balticum siue Germanicum, ab ortu Solis Lituania, à Meridie Poloniae regno, & Massouiae ducatus contermina est, à Septentrione Curlandia, Liuiamque terminatur. Regio est fertilissima frugum pecorisque abundans, incoluerunt illam, (maximè autem iuxta Vistulam fluuium) Vlmigau, Alani, Amaxobij, Gothique, ut testis est locupletissimus Ptolemæus. Hæ gentes, in primis immundos spiritus, & prophanas creaturas adorauerunt, usque ad tempora Friderici Caesaris huius nominis secundi, cuius consensu & approbatione à Teutonici ordinis Crucigeris, qui primò Ma-

riani

riani vel Pauperiani nuncupabatur perdomiri sunt, & ad fidem Christianam conuersi, anno Domini 1216. de his fufius chronica Pontificum de ordine fratrum Teutonicorum eorumque origine legi possunt, poterit insuper Sebastianus Francus in secunda parte Chronographiae suae videri.

PRISCA ANTIQVORVM PRUTENORVM religio.

Anno Domini 503. gentilibus Prutenis, siue Vlmigauis rex quidam Bruteno dictus imperauit, qui cum iustos annos ætatis consecutus esset, regnum sceptrum diutius tenere resignauit, quietam vitam ducere instituens, quocirca fratrem Veijdenutum successorem sibi in regno elegit, traditoque fratri scepro, ipse Bruteno summus sacerdos gentili ritu effectus est, nomenque ei dignitatis inditum fuit, Kirie Kirieito, quali dicas proximus noster dominus. Huic pontifici suo Pruteni & idolis, præclaram sanè & cum maximo sumptu habitationem, sub quercu quadam erexerant, locoque Romanæ à Roma nomen indiderunt. Circa hanc quercum octo vlnarum in latitudinem, & altitudinem tela optima sericea extensa fuit, in quam habitationem nemo præter patriarcham eorum, Kirie Kirieito dictum, & præcipuos ministros idolorum munia obeuntes intrare poterat. Si autem aliquis inuisendi, honorandi, adorandi vel offerendi gratia ad idola venisset, tunc constituti deorum ministri telam, ut idola viderentur, à quercu semoueabant. Quercus hæc tripartita fuit inter cate-

*Ab eodem
Bruteno
Prussia ap-
pellata qui-
dam autu-
mant.*

*Kirie Kirieito
nomen
na Gracorum
ex Bithynia
idioma per
sonant.
Processus
religionis
Prussorum.*

*Perum
idolum.*

*Patrimpo
idolum.*

*Tertium
idolum Pa-
telo.*

*Wrschayto
idolum.*

*Schneybrato
idolum.
Gurcho
idolum.*

ras siluas quercinas delectissima in loco, (vbi nunc oppidum *Heyligen beil*, id est, sancta securis constructum est,) sita erat, ex vna parte Prutenorum deum qui *Petuno*, id est, fulmen dicebatur, habebat: in huius laudem & honorem ignis ex quercubus construebatur, qui die nocteque perpetuo ardebat & nunquam exinguebatur, quod si negligentia ministrorum ad hoc officium praestandum deputatorum ignem extinguere contingeret, capitali supplicio afficiebantur. Ex altera parte collocatum erat *Patrimpo* idolum, cuius cultus erat in serpente viuo retinendo, qui lacte vt eo commodius viueret alebatur. Tertia ex parte demoniacum idolum *Patelo* nomine, situm fuit, huius honor in retinendo alicuius mortui hominis capite consistebat. Habuerunt praeterea alios multos deos quos adorabant, cultuque diuino prosequiebantur, semper tamen inter querceta holocausta eis offerre solebant, & quot ferè res habebant, tot praesides & deos constituebant. Fuit igitur deus singularis *Wrschayto* gentiliter dictus, quem magno honore venerabantur, & pro lare siue deo domestico super omnia mobilia, iumenta que vt pote, equos, boues, oves, capras, sues, &c. eum praeponebant. Alter deus fuit *Schneybrato* dictus, hunc super anseres, gallinas, anates, columbos, pauones, &c. constituebant. Tertium deum domesticum, *Gurcho* dictum habebant, is omnibus esculentis cibarijsque praeponebatur.

Praeterea tonitruis, lunæ, stellis, serpentibus, bubonibus, & omnibus penè creaturis, diuinum honorem deferabant. Fuit hic populus quondam barbarus

barus & incultus, nec vllam scripturam nouerat, propterea nec fidem adhibebant, si quispiam diceret hominem, homini per litteras animum & voluntatem aperire posse. Potus illorum aqua mellis commixta, & lac equinum erat, liberales valde & hospitales aduenisse exhibebant.

DIVISIO PRUSSIAE IN DVO- decim ducatus.

ANNO diuinæ incarnationis 373. Vedenuto princeps Prussiae, (qui Bruteno fratri voluntarie sceptrum deponenti successit) duodecim filios procreauit, quorum hæc nomina fuere, Saymo, Neydro, Sudo, Slauo, Natango, Barto, Galindo, Varimo, Oggo, Pomedzo, Colmo, & Lituo. Cumq; iam Vedenuto princeps, centesimum decimum sextum annum attigisset, regiones Prussiae inter filios diuisit, Saymonemque natu maiorem summæ rerum praefecit. Atque ita Prussia in duodecim ducatus, secundum filiorum principis Vedenuti, numerum diuisa est, & vnusquisque à suo principe nomen accepit. Quos hic secundum ordinem cum sua dispositione, castrisque & ciuitatibus, annorumq; numero, quâdo videlicet à Crucigeris potissimum erecta sint, describemus.

*Nomina fi-
liorum Vedenuti.*

*Prussia in
duodecim
ducatus di-
uisa.*

SUDAUIA DVCATVS

I.

PRIMUS & præcipuus Prussiae ducatus Sudauia olim erat, qui à Sudauo Vedenuti filio principe suo nomen sortitus est. Hic ducatus omnes alios &

præstantia, & fertilitate antecellebat: nam quocunque tempore necessitatis, sex millia equitum, & octo millia peditum præstare valebat. In hac regione præcipui nobiles & procures totius Prussiarum præscorum tempore sedes suas habebant, nunc autem paludibus & syluis maximis obsitus scætet, nec ullum vestigium tam insignis & nobilis regionis remanet, præter septem pagos, quos coloni possident, in Luptauiensi territorio, tota enim est deuastata à Crucigeris ordinis Teutonici, non aliam ob causam, quam propter inobedientiam & infidelitatem. Distinguit Sudauiam à Sambia regione palus quidam, à ducatu verò Nadrauiensi fluius LaWo appellatus.

SAMBIA DVCATVS

II.

Sambia nunc Szamland appellata, regio Prussiarum à principe Saymo nomen accepit. Hæc priori cum potentia, tum fertilitate non multum cedere videtur, poterat enim eo illa 4000. equitum & 4000. peditum congregari. A Natangia regione fluius Prægel dicto determinatur.

Sequuntur castra & ciuitates ad Sambiensem ducatum pertinentes.

Lebenicht	} vnaquæque earum condita anno Domini	1256.
Kneypach		1380.
Regiomontum cum castro & antiqua, (vt illi appellant) ciuitate.		1260.
Fischusia		1269.
Lechster		1289.
Mulmelburgia.	} Girma-	1279.

Girmauia,	Bobetia,	Tyremburgia,
Rudauia,	Lubtauia,	Bonundia,
Neuhusia,	Schaccia,	Rositta,
Wargia,	Chremetia,	Caymien.
Ceilgarbia,	Waldouia.	

His nominibus arces in Sambia olim appellabantur cum suis ciuitatibus, quæ omnes à Crucigeris bene muratæ & fossis cinctæ extiterunt, nunc quædam arces in curias iudiciales redactæ sunt, quarundam etiam magna pars, humi prostrata iacet.

NATANGIA DVCATVS.

III.

Natangia regio à principe Natango nomen ducit, quæ à Bartia regione flumine, Alla nominato, secernitur, à Pomelania Passaria fluius, determinatur. Regio est optima, arces & ciuitates plurimas, prout inferius ordine descriptæ sunt, habet.

Waldouia ciuitas	} condite sunt anno Domini	1256.
Girdauia ciuitas		1326.
Cintia oppidum		1313.
Creneburga ciuitas cum arce		1253.
Heiligenbeil oppidum		1301.
Fridlandia ciuitas		1312.
Schuppenbeilia ciuitas		1319.
Brandebutga oppidum cum arce		1362.
Balga arx		1239.
Damnouia ciuitas		1400.

NADROVIA PROVINCIA
IIII.

Regio Nadrouia à principe Nadro denominata est, eam à Natangia fluuius Pregiel determinat, è Slauonia Nara amne distinguitur. Hæc maiori ex parte à fratribus ordinis Teutonici, propter infidelitatem incolarum deuastata est, reliquæ eius & vestigia reperiuntur, casæ & tuguria in quibus piscatores habitant.

SLAVONIA DVCATVS
V.

Slauonia regio quondam priscorum Prutenorum temporibus, pro ducatu computabatur, à principe Slauo nomine denominationem accepit, ex maiore parte à Lituaniis, Crucigerisq; depopulata est, eam à Lituania Memula fluuius determinat. Has infra scriptas munitiones & arces complectitur cum ciuitatibus & oppidis.

Ragneta	} His annis incarnatio- nis diuinæ, à Crucige- ris fratribus constru- ctæ sunt.	1 2 5 3.
Tilla		1 2 8 9.
Renum		1 2 7 6.
Liccouia.		1 2 7 3.
Salauia.		1 3 8 5.
Labia		1 2 5 8.
Tapia		1 2 5 5.
Vintburgia		1 4 0 9.
Christouerder		1 2 5 3.
		Baytia

TOMVS II.

Boytia	}	1 3 3 8.
Cestia		1 1 8 5.
Norbeitia		1 3 8 1.
Vonsdorfa		1 3 9 1.
Angerburgia		1 4 1 2.
Dringofortia		1 4 0 3.

BARTONIA DVCATVS. 6.

Bartonia à Barto principe nominis etymologiam ducit, cum Lituaniis, & Moschouitis terminis discepat, à Lituania 70. stagnis & solitudine, à Galindia verò flumine quodam finitur, nunc magna ex parte à Lituaniis & Crucigeris peruastata est. Arces has cum oppidis, à Crucigeris correctas complectitur.

Nordemburga	} His annis hæ munitiones, à Crucigeris erectæ sunt.	1 5 0 5.
Iohansburga		1 2 6 8.
Gurgburga		1 2 5 9.
Insterburga		1 3 4 2.
Rihteuerder		1 3 9 6.
Bartouia		1 3 6 5.
Rhenum		1 3 7 5.

GALINDIA REGIO. 7.

Hæc regio à Galindo principe Galindia nuncupata est, cuius Massouia silua ingens à Meridie fines excipit, quondam tam populosa fuit, ut successu temporis, populus in ea progenitus, locum non haberet. Vnde præpositi regionis obstetricibus seuerè mandarunt, ut nullam femineis sexus, post partum prolem, hac luce frui permitterent, quam rem cum minus obseruatam animaduertent, mamillas fœ-

Grande fœcibus.

*Francia
meris.*

*Pruteni in
Massoniā
excitant.*

*Massoni
Prutenos
profligant.*

minis ne amplius prolem educarent, amputarunt, quod facinus mulieribus summa tristitia, & miseria causa fuit. Erat autem in illa regione mulier quaedam auctoritate, nomine & potentia clara, quæ prophetissa habebatur: oracula enim interrogantibus dabat. Huic cum mulieres calamitates suas exposuerunt, prophetissa illa, misera sorti femineæ cōdolens, dolos quibus viros circumueniret, & perpetratum facinus vlcisceretur, expiaretque, indagare, cogitareque cepit, conuocatisque omnibus proceribus, & nobilioribus viris Galindæ, monuit eos, ut Christianis bellum, sine vllō armorum genere (euentus enim rerum prædicere solita erat) quam celeriter inferrent, hanc enim voluntatem deorum esse seridō affirmabat: quibus Galindæ auditis, sine vlla mora, (certum enim esse credebant,) iuuenes, senesque valida manu inermes in Polonorum, & Massoniorum Christianorum prouincias, cum impetu excurrunt, nactaq; ingenti hominum, & iumentorum præda, ad sua proficiscuntur. Interim verò captorum Christianorum aliquot aufugiant, continuoque reliquis Christianis nunciāt, quomodo Galindi sine armis, in terram eruperint. Christiani re intellecta bene armati Galindos assēcutos, maxima cruentaque strage profligant, prædamque repetunt, bellumque continuantes, fugientes hostes in regionem vsq; eorum persequuntur, quam armis & igne euertunt, reliquias tam matronarum, ancillarum, & iuuenum, in captiuitatem abducunt. Has ciuitates & munitiones Galindia complectitur.

Ortele-

Orteleburgum castellum	Anni instaur- rationis co- rum	1266.
Rastenburgum oppidum		1329.
Neyburgum arx & oppidū		1238.
Passenhumia oppidum		1388.
Dreschlouia arx & oppidū		1338.
Lucia castellum		1348.
Lucemburgia oppidum		1349.

VARMIA REGIO 8.

Varmia siue Wermelandia regio à Warmo principe, nomen sortita est; à Pomesania prouincia stagno, & flumine Passaria discernitur, à Natangia paruis quibusdam fluuiis, has arces cum ciuitatibus complectitur.

Ressel arx & ciuitas	His annis sunt ex- tructæ.	1337.
Sreburg arx		1348.
Bichoffstein ciuitas		1325.
Wartemburgia ciuitas		1325.
Allenstein arx & ciuitas		1367.
Melsaria arx & ciuitas		1326.
Helsberga arx & ciuitas		1320.
Wermeditum arx & ciuitas		1316.
Gulstadia ciuitas		1326.

HOGKERLANDIA PRO-
uincia. 9.

Hogkerlandia siue Pomesania, à principis nomine Hogo appellata est, eam à Natangia, Passaria fluuius separat, à Pomesania duo fluuij Melsink & Drafen appellati, hasque arces cum oppidis complectitur.

Brandenburgum castrum & oppidum	} His annis ex- tracta sunt	1 2 5 8.
Frauenburgum oppidum		1 2 7 9.
Tolkemitt oppidum		1 3 6 5.
Munihusia castellum		1 3 6 5.
Scharpouia praedium		1 4 0 0.

Elbingense castrum constructum anno 1 2 3 7.
Ciuitas verò ipsa Elbinga celebris & populosa em-
porio clara instaurata est, anno 1 2 3 9.

CVL MENSIS DVCATVS 10.

Culmia regio Prussiae, à Culmo principe deno-
minatione trahit. A Polonia & Pomerania Vi-
stula fluuij secernitur, à Pomesania flumine Ossa, à
Michlouia verò & Dobrinia territoriis Drebnicz
fluuij, fines suos dirimit, has ciuitates & munitiones
habet.

Culmina ciuitas ampla	} erecta sunt annis hisce	1 2 2 3.
Wentslauia arx		1 2 1 5.
Aldusia castrum		1 2 3 8.
Grandentz arx & ciuitas		1 2 9 9.
Gugeleburga ciuitas		1 2 3 0.
Schonse arx cum ciuitate		1 3 0 5.
Strasburga arx & ciuitas		1 2 8 5.
Bartonia arx		1 3 4 6.
Neumarkt ciuitas		1 3 2 5.
Rogosna arx		1 2 9 3.
Culmense ciuitas		1 2 5 1.
Torunia arx cum ciuitate amplissima, emporio cla- ra ad Vistulam condita		1 2 3 5.

Papauia

Papauia arx	}	1 3 7 5.
Frideck arx		1 3 3 1.
Lipno arx		1 3 1 9.
Lesna ciuitas		1 3 2 8.
Golba arx & ciuitas		1 3 0 0.

Luben arx cum ciuitate	} hisce annis extincta.	1 2 3 3.
Reden ciuitas cū arce		1 2 3 3.
Bergelauia arx		1 3 0 5.
Lautergurgia arx.		1 3 0 1.

Huius ducatus titulo rex Poloniae utitur.

POMESANIA PROVINCIA.

Pomesania à Pomesa principe, finitur ab alijs re-
gionibus Vistula, Elbinga, Drusno, Drobnicz,
Wessera, multae in ea praclarae arces & ciuitates, vt
sequitur, habentur.

Mariemburga ciuitas ampla, anno Domini 1302
extracta est, arx verò anno 1281. à fratribus Teuto-
nicis erecta sub magistro ordinis Hartmano Comi-
te Heldrouiensi, naturalocimunitissima, valloq; for-
tissimo & fossa profunda circumducta, muro & pro-
pugnaculis, ac comēatu copioso, apprimè firmata,
regis Poloniae praefidiis tenetur.

Neutichia oppidum	}	1 3 2 9.
Stum arx cum ciuitate		1 2 4 9.
Cristburga arx & ciuitas		1 2 5 8.
Preusmarck arx		1 3 2 9.
Salsfeld ciuitas		1 3 2 8.
Merinck arx cum ciuitate		1 2 9 0.
Holand arx & ciuitas		1 3 2 9.

h 3

Lubstadia ciuitas		1302.
Osterrade arx & ciuitas		1270.
Rosenburga arx cū ciuitate		1289.
Mariēuerder arx cū ciuitate	Har ciuitates cū suis	1311.
Garnesia ciuitas		1328.
Germanica Eilouia arx cum ciuitate	munitio- nibus his	1337.
Lebmulia ciuitas	annis ex- tructe sunt.	1337.
Hohenstein ciuitas		1301.
Schönembergia arx		1319.
Rosembergia ciuitas		1315.
Eilemburga ciuitas		1299.
Neumburga ciuitas cū arce		1289.
Salauia ciuitas cum arce.		1306.

MICHLovia PROVINCIA. 12.

Michlouia admodum angusta terra est, inter Brodnā & Drebnicz fluuios iacet. Huius causa Poloni cum fratribus Teutonicis perpetuas rixas fouebant, nullam arcem præter vnam ciuitatē Stralburgam, & tres munitiones, Berklj, Dornik, & Michlouiam habet.

Pomerania regionem amplissimam, longo tractu mari adiacentem, vnde & nomen habet, in Polonie regionum descriptione, latius indicabimus. De qua multa bella Poloni cum Prutenis gentilibus, & Crucigeris habebant, in hac sita est celeberrima vrbs Dantiscum. Gedanum, siue Dantiscum appellata, à mari Germanico vno milliari abest, eam celeberrimus fluuius Vi- stula præterlabitur, ibidemque amplissimis ostiis in mare exoneratur. Celeberrimū in ea totius Pomerania, & Prussiae emporium est, regi Poloniae subiecta, anno Domini 1285. translata.

Pruteni

Pruteni gentiles barbarie indomita rigētes, peruersi & infideles erant, vanas creaturas qualibet pro diis colebant, nec se ad fidē Christianam cōuertere pariebantur. Idiomate pprio à Liouonico nō dissimili utebantur, Polonis & Massouitis tributarij erant, sed frequenter naſta occasione iugum excutiebat, ideo multa bella longo tēpore Poloni cum eis tenuerūt. Postea an. Dom. 1211. Cōradus Massouia princeps ex regibus Polonorū genus ducēs, à Prutenis gentilibus sapius variis excursionibus infestatus, ad imperatorem Fridericum huius nominis II. legatos destinauit, implorās auxilia aduersus infideles Prutenos, qui libenter fratres ordinis Teutonici Crucigeros à Sarracenis tūc tēporis Hierosolyma pullos, in Prussia 20000. misit, quibus princeps Massouia Culmensem terram in primis donauit, cum arce Dobrzinensi, hac conditione, vt tempore necessitatis subsidium sibi contra infideles Prutenos ferrent, Prussia nōq; subiugata in simul partirentur. Hic quædam de origine Crucigerorum Teutonici ordinis subiiciemus.

ORIGO ET PRINCIPIVM TEV-

tonici ordinis.

Anno Domini 1188. cū Balduinus rex Christianus Hierosolymis regnaret, Sarraceni & barbari ex arce nomine Ptolomaida, Latine Acona, Germanice Acris dicta, variis excursionibus sanctā terram infestare solebant. Quam obrem rex cōtra barbaros Sarracenos auxilium petiit à Christianis. Longobardi igitur sexaginta galeras, & in his quinquaginta millia virorum, in subsidium miserunt, cum quibus multi homines probi piæ peregrinationis causa, in terram sanctam profecti sunt. Horum nu-

h 4

8.

Crucigeri
in Prussia
veniunt.

Expedicio
Christianorum
in terram sanctā.

Dantiscum.

Infra pag: 139

merus erat 500. partim ex Saxonia, partim ex aliis
provinciis Germania, qui omnes in vnâ nauem con-
gregati, Aconam vsque peruenerunt, vbi per inte-
grum annum, cum infinita multitudine Christiano-
rum, Aconam antequam caperetur, oppugnaverunt,
in oppugnatione multi Christianorum telis barba-
rorum laesi erant, vnde in morbum inciderunt, pas-
simque sparsi, cum neminem in terra aliena qui sub-
leuaret inopiam, haberent, multi fame perierunt. E-
rant autem ex peregrinis præcipui, octo boni & pij
viri Teutones, qui cum videret Christianos tam mi-
serè interire, commiseratione ducti curam illorum
susceperunt, diligentiaque illorum plurimi infirmi
conualuerunt. Postea xenodochium, siue hospitale
sub titulo beatæ virginis Mariæ, Aconæ crexerunt,
primusque xenodochij præfectus, Henricus de Val-
poth electus est, ex Germania oriundus: hic maximâ
diligentiam, in fouendis infirmis & egenis adhibuit,
vltimum diem Aconæ peregit, ibidemque sepultus
est, an. Domini 1190. Postea Balduinus rex, Hieroso-
lymis templū, & xenodochiū, pro pauperib. & plu-
ribus nobilibus infirmis, qui in bello Aconienſi laesi
erant, extruxit, sub titulo beatæ virginis Mariæ.

Tandem anno 1191. Clemens papa huius nominis
III. hunc ordinem confirmavit, & intitulationem de-
dit fratribus Teutonicis, xenodochij Hierosolymita-
ni beatæ virginis Mariæ. Præterea diui Augustini, re-
gulam illis seruandam imposuit, stemmateque cum
cruce nigra eos insigniuit.

POSTEA patriarcha Hierosolymitanus singulos
fratres Teutonici ordinis à pontifice Romano
confirmatos, alba chlamyde ex vtraque parte crucem
nigram

*Hospitale
beatæ Ma-
riæ virginis
Hierosoly-
mis.*

nigram habente ornauit, sicque illi habitum suum
susceperunt. Fuerunt qui vestiti sunt 24. fratres laici,
& 7. sacerdotes. His lorica indutis, gladio accincto,
missam celebrare concessum erat, nullus barbâ ton-
debat, & super saccum stramine impletum, regula
iubente, dormiebant, sed statim hæc mira quadam
metamorphosi immutata sunt.

SE C V N D V S Henrico de Valpoth, primo ma-
gistro xenodochij Hierosolymitani, Otto de Kar-
pen nobilis Germanus in magisterio successit, anno
Domini 1200. sub imperatore Romanorum Philip-
po huius nominis II. & Innocentio summo pontifi-
ce, hic in humilitate, & cordis simplicitate Deo & fra-
tribus seruiuit. Sexto anno officium absoluit; Aco-
næque sepultus est.

TE R T I V S ordinis magister Hermanus Brand
Olsacensis, electus est, sub pontifice Innocentio III.
& Philippo II. in ordine Germanorum imperato-
rum XII. anno 1206. præfuit officio quatuor annis,
pauperibus quantum potuit satisfecit, Aconæ sepul-
tus est.

Q V A R T V S Hermanus à Salicen, nobilis Mi-
nensis, Ottonis, & Friderici secundi, imperatorū In-
nocentij III. & Honorij Gregorijque IX. pontificū
temporibus, anno Domini 1210. electus est. Hic o-
mnium præclarissima priuilegia ordini à pontifice, &
Friderico secundo, Cæsare consecutus est. Nam cum
simultates, & odia inter pontificem Romanum, &
Fridericum Cæsarem exorta essent. Ille huiusmo-
di cladem prudētia sua è medio sustulit, sub eo Con-
radus Marchio Turingensis habitum suscepit, duo
millia nobiles, & auratos equites Germanos in ordi-

*Habitus
Crucigero-
rum Teuto-
nicorum.*

*Poloni &
Massouia
Prussiam
Crucigeris
concedunt.*

nehabuit, quos 30. continuis annis rexit, eius temporibus fratribus ordinis à Sarracenis Hierosolyma pulsus, Prussia concessa est, regnum Polonia, Conradus; ducis Massouia, & imperatoris Friderici II. concessu. Quorum 20000. in Prussiam venerunt, Prussosque Gentiles auxilio Polonorum, ex terra Culmensi eiecerunt.

1 QVINTVS magister Cōradus Turingorum & Catthorum Marchio, sub Cælestino III. pontifice, & Friderico II. imperatore, anno 1240. electus est, habitum Marienburgæ, in Prussia suscepit, cum multis nobilibus adolescentibus, & viris eximiis, ac prudentibus, cum Prussis Gentilibus, multa bella gessit, magnoque labore fines regionum ordinis dilatavit, & si quæ ruinam minarentur, illas refarciens optime conseruauit. Postea è viuus excessit, Marienburgæ sepultus.

6 SEXTVS ordinis magister Poppa ab Osterling, electus est Conradi III. imperatoris, & Innocentij III. pontificis temporibus, anno 1252. Multa præclara bella cum Prutenis, Liouonensibus, & Swantopolo duce Pomeranorum gessit, postea ante Ligniciam ciuitatem cum Conrado Silesia duce, sanctæ Hedwigis marito, à Tartaris totam ferè Sarmatiam vastantibus, interemptus est, à Christianis verò Vratislauiam delatus, ibique in Basilica diui Alberti, terræ mandatus est, huius magistri tempore Regiomontum constructum est.

7 SEPTIMVS magister, Ioannes Sangerhausen, sis officium suscepit tempore Wilhelmi comitis Flandria, Romanorum imperatoris, & Alexandri III. pontificis, anno 1263. Infidelium Prutenorum vires mirabi-

mirabiliter diminuit, ordoque eo præidente, plurimum profecit, Dominicanorum monasterium Torunia fundauit, Brandenburga quoque ciuitas cum arce eius temporibus ædificata est, anno Domini 1266. Tapia quoque munitio erecta. Annis 12. præfuit, Treueris sepultus est.

8 OCTAVVS magister, Hartmannus comes Helldringenensis constituitur, sub Rodolpho XXVII. imperatore, Habsburgensi comite, & Clemente III. pontifice, anno Domini 1275. vir pius & industrius extitit, Nadrauiam, Sudauiamque regiones Prussia debellauit, cum cæterisque finitimis longas acies tenuit. Eo præidente, anno 1279. Mœnia ciuitas ædificata est. Anno verò Domini 1281. Marienburgæ se castrum erectum est. Venetiis vltimum diem clausit, ibidemque sepultus est.

9 NONVS magister Burchardus à Swenden, sub Rodolpho Cæsare XXVII. & pontifice Ioanne XXI. electus est, anno 1283. eo præidente fratres ordinis, cum Prussis infidelibus bellum acre larga sanguinis effusione gesserunt, eosque in integrum ad obedientiam compulerunt. Postea 7. annis in officio expletis, magistratu se abdicauit, mortuus est Rhodiis, ibidemque ad Basilicam S. Ioannis sepultus.

10 DECIMVS magister, Conradus de Feuchtuan gen, munus magistratus suscepit, sub Adolpho XXVIII. imperatore, & Nicolao III. pontifice, anno 1290. eo præidente ordo multum profecit, 7. annis fratres in officio continuit, Praga Bohemia metropoli spiritum exhalauit, Trebniciaque sepultus est.

11 VNDECIMVS magister Gotfridus, comes de Oloch electus est, sub Cæsare Adolpho 28. Germano-

Pruteni gentes funditus debellantur.

norum imperatore, & pontifice Caelestino 5. anno Dom. 1297. Hic Venetia cū multis fratribus in Prussiam profectus est. 10. annis officium gessit. Postea comitiis celebratis, magisterium resignauit, in Germaniamq; profectus, è viuis excessit.

12 D V O D E C I M V S magister Sofridus de Feuch-
uangen, anno 1307. creatus est, Alberti imperatoris
Austriæ ducis, & Clementis pontificis temporibus.
Hic sedem Venetiis, Prussiae castrum Mariembur-
gam transtulit: nam in terra sancta, Venetiis, Nea-
poli, & in Anglia sedes suas, & præclara ædificia pro-
pter quasdā similitudines amiserant. Duobus annis of-
ficio præfuit, Mariemburgæ mortuus est.

13 D E C I M V S tertius magister, Carolus Treui-
rensis susceptus est, sub Henrico VII. imperatore, &
Clemente V. pontifice, anno 1309. erat insignis vir
prudens, & industrius, anno Domini 1312. eo præsi-
dente, Memula arx, in Curlandia regione Prussie fun-
data est, ad propulsandos Lituorum incursus. Tan-
dem prædictus magister à pontifice Romam citatus,
adeò crimen obiectum auxilio Dei diluit, vt in ad-
uersariorum caput redundaret. Romaq; discedens,
in itinere, Viennæ morbo oppressus, expirauit, ibiq;
tumulatus est. Huius tempore pestis per integrum
annum tantopere grassauit, vt omnia frumenta pe-
nuria hominum in agris manerent.

14 D E C I M V S quartus, magister Wernerus Vrse-
lensis, temporibus Caesaris Ludouici XXXIII. & le-
annis pontificis XXII. suscepit officium suum, anno
1322. ordini cum summa laude præfuit, citò post in-
teremptus est à fratre ordinis Ioanne Bunsdorfio, in
vigilia

vigilia sanctæ Elisabeth, cū ex vespertinis precibus
egrederetur.

D E C I M V S quintus, magister Ludolphus dux
Tulifurgensis, siue Brusiucensis, sub Ludouico XXXIII.
Caesare, & Ioanne pontifice XXII. magisterij celsitu-
dinem suscepit, anno 1325. vir pius & sapiens extitit.
Fratres ad cultum diuinum summopere compulsi,
largeq; illis omnia ministravit, ideo eos liberalita-
te obedientes sibi effecit. Iustitiam magnopere ad-
ministravit.

D E C I M V S sextus, magister Diétrichus, comes
Aldemburgensis, octogenarius iam electus est, tem-
poribus Ludouici XXXIII. imperatoris, & Ioannis
XXII. pontificis, anno Domini 1329. eloquentia va-
lidus, auctoritate grauis, iustitiaque rigidus extitit,
gentilibus terrori fuit, templum beatæ Mariæ virgi-
nis Mariemburgæ extruxit, Toruniæ obiit, transla-
tus Mariemburgam, in templo S. Annæ sepultus est.

D E C I M V S septimus, magister Rodolphus dux
Saxoniae, Ludouici XXXIII. imperatoris, ac Benedi-
cti XI. pontificis tempore, in officium susceptus est,
anno Domini 1339. Hic anno Domini 1341. magnas
copias conscripsit, Neumarcouiamq; oppugnauit.
Interim verò Lituani Prussiam inuaserunt, eamq;
ferè totam igne, & cædibus consumpserunt, multos
captiuos abducentes, quæ causa illi tantum mæro-
rem attulisse creditur, vt mente captus ab officioq;
depositus, præ mærore vitam terminarit, in Marien-
uerderq; ciuitate sepultus est.

O C T O D E C I M V S magister Henricus Dufma-
riensis, Clementis VI. pontificis tempore, officij di-
gnitatem consecutus est, 6. annos in regendo ordine

15

16

17

*Lituani
Prussiam
castrant.*

18.

Lituanis
prostratur.

consumpsit, cum Lituanis & Ruthenis bellum egregium, in die purificationis beatæ Mariæ gessit, auxilioque diuino 10000. inimicorum prostrauit. Euius postea decessit, Marienburgæque humatus est. Hic virginum cœnobium, Lebenich dictum, Regio monti erexit.

19

DECIMVS nonus magister Henricus Kimpradiensis, Carolo Casare XXXII. & Clemente VI. imperantibus, ad dignitatē magisterij accessit, an. 1348. Eo præfidente ordo doctis viris abundauit, fratres in timore & amore Dei instruxit, annis 31. officio præfuit, Marienburgæ vitam terminauit, ibidemque sepultus est.

20

VIGESIMVS magister Conradus Zolner, temporibus Wenceslai XXXIII. imperatoris Romani, & Urbani VI. pontificis ad officium vocatus est, anno Domini 1379. multa egregia bella & facinora contra Gentiles, Lithuanos, & Samogitas temporibus Keystudi, Iagielonis, Vitoldi, & Suidrigelonis ducum Lituanie gessit. Ordine in potestate octo annis tenuit, Marienburgæ naturæ debitum persoluit.

21

VIGESIMVS primus Cōradus Valerodensis, Wenceslai 33. imperatoris, & Bonifacij pontificis tempore magnus magisterij oblatū suscepit, an. 1388. vehemens, & iracundus extitit, totis viribus bello incumberebat, monachos, sacerdotes, & omnes ecclesiasticos furore percitus, odio persequabatur, nullumque in hora mortis ad se venire passus est. Anno 1391. fratres ordinis, armata manu, per fluuiū Crononē Lituanis Neum dictū, ad arcem Caunensem, in Lituaniam nauibus, terraq; peruenērūt, ibiq; tres munitiones celerimē erexerūt, Neuuerder, Riteuerder, & Metēburg appellat.

appellatas, ex his Crucigeri Lituanis magna damna infererebant, regionem igne & ferro vastando, incolasque occidendo.

22

VIGESIMVS secundus magister Cōradus Iungingen, ad munus obeundū vocatus est, Wenceslao XXXIII. imperatore, & Bonifacio pōtifice p̄sidentibus. Hic propter morū probitatem magnam laudem apud omnes obtinuit, pacisq; obseruantissimus erat, ideo ab ordinis fratribus eum multa pati oportebat. Annis 12. officio præfuit. Postea ex carceribus corporis liberatus Marienburgæ in diuæ Annę templo humatus est.

23

VIGESIMVS tertius magister Vlricus de Iungingen, Cōradi frater, Ruperto 34. Casare, & Gregorio 12. pontifice, munia obeuntibus officiū suscepit. An. 1404. Strenuus & bellicosus vir extitit, regulas ordinis non admodū obseruauit, cōsanguineos odio persequabatur, illorumque arces partim eripuit, partim destruxit. Cū Lituanis & Polonis plurima bella gessit, hunc postea Iagiela rex Poloniae & Lituanie magnus dux Vitoldus, cruento prælio profligauit, ubi & ipse cum plurimis cōmendatoribus quorū 200. recēsentur, cecidit; dux quoq; Stetinēsis & Olesnicensis, Kerczdorffq; dux exercitus Crucigerorum, à Polonis capti, 5000. Crucigerorū à Polonis caesa sunt, Lituanorū tamen in castris Polonorū militantium septem millia trucidata fugataque in primo conflictu.

Crucigeri
profligantur.

24

VIGESIMVS quartus magister Henricus comes Plauensis, sub Sigismūdo XXXV. imperatore, & Ioanne XXIII. pontifice electus est. Hic volebat vicisci iniuriam, quæ à Polonis Crucigeris illata erat, sed antequam quicquam inciperet, ab officio deiectus est,

et Engelsburgæ in carceres coniectus, deinde ad Leksleg missus, vbi septimo anno in vinculis peracto, satis concessit. sepultus Marienburgæ.

25

Poloni cum
Lituanis
Prussiam
vastant.

VIGESIMVS quintus Michael Sterbergenfis, imperatoris culinæ magister, Sigismundo XXXV. sceptrum tenente, & Ioanne XXIII. Romano pontifice, ordini præpositus est, anno Domini 1410. Primo anno cum suscepisset officium Iagiello rex Polonia, & Vitoldus dux Lituanie, Osterrodam Helburgensemq; episcopatum, Relenburgam, Elbingam, & Christburgam ciuitates, depopulati sunt. Argentoratum obsederunt, re tamen infecta discesserunt, nouem annis ordinis curam gessit, postea vt deponeretur, precibus obtinuit, Gedani vitâ finiuit, Marienburgæ verò sepultus est.

26

Ad Polonos
Pruteni de-
ficiunt Cru-
cigeros sper-
nantes.

VIGESIMVS sextus Paulus Rudolfsenfis, Sigismundi XXXV. imperatoris, & Martini pontificis tempore, magisterij celsitudinem consecutus est, anno Domini 1419. Huius tempore prouinciæ & ciuitates Prussiae ad regem Poloniae Casimirum defecerunt, & iugum Crucigerorum excusserunt, officium nouem annis hic magister retinuit, mortuus tandem Marienburgæque sepultus.

27

VIGESIMVS septimus Conradus Erlihufius, Alberti XXXIX. Romani imperatoris tempore officium suscepit, anno 1438. Hic à bello quoad vixit abstinuit, nimio dolore ob fratrum pueritatem cõsumptus est, Marienburgæ mortuus ibidemque sepultus.

28

Pruteni
Crucigeros

VIGESIMVS octauus Ludouicus Herlihufius sub Casare Friderico huius nominis III. fratres regere cepit anno 1450. Huius tempore Prussia ab ordine desci-

129

desiuit, ad regemque Poloniae Casimirum maior pars eorum defecit. Milites quoque ordinis præsidia-
rij, Marienburgam regi anno Domini 1457. pro sum-
ma 476000. florenorum vendiderunt, cum aliis ca-
stris & ciuitatibus. Postea rex Poloniae capta arce
Chojnicze, pacem cum Crucigeris iniit, atq; ab hoc
tempore Pomerania regno Poloniae adiuncta est,
pro qua Poloni 150. annis perpetuò cum Crucige-
ris belligerabant.

29

VIGESIMVS nonus Henricus Rheus, comes Plauenfis, dignitatem magisterij assecutus est, sub Friderico huius nominis III. imperatore, anno Domini 1467. Vndecim hebdomadis officio præfuit, Regiomonti in cathedrali ecclesia terræ mandatus est.

30

TRIGESIMVS magister Henricus comes Rih-
terbergenfis, anno 1470. officium suscepit, præsi-
dentibus Friderico III. imperatore, & Sixto ponti-
fice huius nominis III. Fuit vir rigidus, furibundus-
que, Theodorum episcopum Prussie captum, in vin-
culis fame peremit. Ordini annis 7. præfuit, Regio-
monti sepultus est, huius tempore bellum sacerdo-
tum in Germania fuit.

Bellum sa-
cerdotum.

31

TRIGESIMVS primus Martinus Truchses We-
zhausenfis, sub Friderico III. imperatore, & Sixto III.
pontifice ordini præfectus est, 12. annis præfuit, Ca-
simiro regi Poloniae obedientiam præstitit, Regio-
monti mortuus, ibidemque sepultus est.

32

TRIGESIMVS secundus magister Ioannes de Tie-
fen ex Heluetia, celebri familia oriundus, Maximi-
lianæ sceptrum tenente, & Iulio pontifice præsen-
te, ordinem in tutelam suscepit, anno 1489. Eodem
anno Polonia regi iuramentum præstitit. Postea ci-

dem regi Ioanni Alberto, auxilium contra Valachos ferens, cum exercitu profligatus, ipseque peremptus est, Regiomontum delatus, ibidem terræ mādatur.

33

TRIGESIMVS tertius Fridericus dux Saxoniae, Turingorum, & Hermundurorum Marchio, Maximiliani imperatoris, & Iulij pontificis temporibus, anno Domini 1468. In festo diui Michaelis Regiomonti magistratum suscepit. Nunquam regi Poloniae iuramento se obstringere voluit, qua de causā à Polonis sæpius infestatus, in patriam suā Hermanduriā profectus, ubi 12. annis extra ordinis fines exactis mortuus est. Huius tempore Ioannes Albertus rex Poloniae è viuis decessit, cui in regno Alexander frater germanus successit.

34

TRIGESIMVS quartus, Albertus Marchio Brandenburgensis, Casimiri regis Poloniae nepos, Maximiliani Caesaris, & Iulij pontificis temporibus ordini solenniter cum ingenti pompa Regiomonti praefectus est, anno Domini 1512. Sigismundo regi Poloniae auunculo suo iuramentum praestare noluit, sed arces necessariis omnibus muniuit, ut se contra Polonorum incursum defenderet, magnum & diuturnum bellum cum rege Poloniae habuit, in quo ex utraque parte multi ceciderunt, eam ob causam, quod iuramento se obstringere regi noluisse.

GESTA HVIVS MAGISTRI

tempore praecipua.

ANNO Domini 1519. in autumnno, inter Sigismundum regem Poloniae, & magistrum Prussiae Albertum Marchionem, bellum ortum est anno 1520. Albertus Marchio, die festo Circumcisionis Christi,

Christi, Bransbergā inopinatè occupauit. Eodem anno, Mielzak, Milimlijn, regi traditæ sunt cū aliis plurimis ciuitatibus, castrisque. Quadagesimali tempore mense Aprili copia regis Oland, ciuitatem & arcem sub magistro ceperunt, eodem anno Brandenburgæ arx & ciuitas à Polonis capta & depopulata est.

Anno Domini 1520. Wolfgangus dux Schonemburgensis cum exercitu ordinis decem millibus peditum, & 4000. equitum cōiungens, Gedanum oppugnauit, ex episcopi que monte, (vt vulgò vocant,) ciuitati imminenti 4000. globos tormentorum bellicorum, in ciuitatem frustra tamen exonerauit, nullum enim hominem læsit, sibi verò ingēs damnum in tormentis, & globulis intulit: nam ex muro ciuitatis tormentum vnū praestantissimum in mille frustra concussum est, & si aliquis ex exercitu se ostenderet, in hunc quatuor vel quinque tormenta ex turribus ciuitatis exonerabantur, tantaque miseria & penuria omnium Crucigerorum milites afflicti erant, vt multis suorum desideratis, quibusdam captis, fuga sibi ab obsidione consulere cogerentur. Interea verò Poloniae rex, in subsidium Gedanensibus 12000. equitum electorum misit, qui milites Crucigerorum à Gedani obsidione discedentes, insecuti sunt, plurimosque ex eis trucidauerunt, quosdam captiuos abduxerunt, multi etiam à Castubiis & Pomeranis ingulati sunt. Postea regius exercitus Dirschouiam & Stargerdū arces occupauit, Chojnicz quoque arx cum ciuitate capta est, postea ceteræ ciuitates & arces vltro se regi Poloniae obtulerunt, & milites ordinis vnā cum Crucigeris ex Prussia sunt eieci.

Dantiſcu occupatur.

Crucigeri à Gedano fugantur.

Crucigeri ex Prussia eijciuntur.

*Magister
Prussia iu-
rumentum
regis prae-
stat.*

Anno Domini 1525. die octaua Aprilis, Prussia quam primum religiosi Crucigeri videlicet tenuerunt, in mundanam politiam & principatum secularem cessit. Albertus enim Marchio Brandeburgensis in ordine 34. & vltimus magister Crucigerorum, bellicum rege Poloniae pertalus, difficileque contra stimulum calcitrare videns, regem sibi per internuncios fratres & affines suos reconciliauit, Cracouiamque veniens iuramentum solenniter regi Poloniae Sigismundo, in maiestate regia ad id fabricata, in medio foro Cracouienſi ſedenti, regalibusque induto praestitit, multis principibus. Ibi que praedictum Albertum Marchionem Brandenburgensem, post iuramentum solenniter praestitum, Sigismundus rex, principem saecularem, equitemque ut vocant auratum creauit. Terrasque omnes Prussiae certis sub conditionibus, eidem ut feudali, clientique, & subdito suo concessit, vexillumque illi suum sub insigniis Polonicis dedit. Atque hic finem ordo ille ut vocant Teutonicorum Crucigerorum, in Prussia anno Domini 1526. Alberto Prussiae duci, soror regis Danicae, in matrimonium data est, ex qua suscepit filium, Albertum Fridericum modernum ducem Prussiae, qui etiam post mortem patris, regi Poloniae iuramentum, homagiumque solenniter praestitit, nunc quo ordine & quibus ceremoniis hoc iuramentum praestitum sit, quoniam ipse praesens rerum spectator fui, breuiter dicam.

Anno Domini 1569. mense Iulio in comitiis regni generalibus, Lublini celebratis, Albertus Fridericus Marchio Brandenburgensis, Alberti ducis Prussiae praedicti filius, patri in principatu succedens, iuramentum regi Poloniae praestitit, hoc modo. Decima

nona

nona die Iulij, amplissimum suggestum (sive maiestas ut dicitur regia) reatum, sericeis & stragulis tapetisque pretiosis, in suburbio Lublinensi sumptuose erigitur, ubi rex sessurus esset. Concurſus ſit ad forum immensa hominum multitudinis, opplentur viae omnesque plateae, quacunque incesſus erat, ſatagit pro ſe quiſque vel ornatus ſplendido veſtitu, vel armis inſtructus apparere. Interim maiestas regia ex arce in thronum proficiſcitur, cingitur ingenti & ſplendida ſenatorum procerumque vniuerſi regni corona, praecedentibus principibus viris, ac omnis ordinis conſiliariis, & aulicis. Vexillumque pulcherrimum & ampliffimum album, nouo duci, de more, cum inſigniis donandum, Erasmus Debiński, cancellarij regni filius, praeferebat: poſtea rex in domum quandam ſuggeſto oppoſitam diuertitur, ibique ornatu regali induitur, Sandalis videlicet aureis, alba Dalmatica, & chlamyde, ſive piuiali ex panno aureo confeſta, & corona regia aurea, gemmis lapidibusque pretioſis concinnè affabreque ornata, chirothecas quoque annulis gemmisque ornatas manibus impoſuit. Induta maiestas regia ornamentis regalibus, de modo illa in ſuggeſtum procedit media, inter reuerendiſſimos dominum Iacobum Vchanski archiepiscopum Gneſnenſem primatem regni, ac dominum Padnievski episcopum Cracouienſem, praecedentibus & ſubſequentibus contiguae primariis dominis, conſiliariis, ſpiritualibusque; gladium euaginatam ancipite dominus Andreas Zborowski gladiator (ut dicitur) regni, praeferebat; pomum aureum cruce inſignitum Petrus Zborowski Palatinus Senodomicenſis portabat; ſceptrum Stanislaus Myſko-

*Mos homa-
giorum regni
Polon.*

*Veſtitus ſo-
lennis regis
Polon.*

Wski, Palatinus Cracouiensis anteferebat. Cum itaque sacra regia maiestas in solio sedet, quatuor Germani proceres Prussiar, nomine ducis sui, supplices venerunt, & genibus flexis vnus eorum orationem facundo lepore, ad S. R. M. recitauit: Oratione finita, regia maiestas quatuor cōsiliarios suos cum illis quatuor Germanis ad ducem Prussiar accersendum misit. Veniens itaque illustrissimus princeps Albertus Fridericus, disertissima facundia, orationem fecit ad S. R. M. singularem fidem, supplicitatē & subiectionem testantem. Responsum est postea ipsi principi consiliariisque eius Latinis verbis, nomine regis, sacram R. M. tam ipsum principem, quā omnes subditos, & optimates eius, omni fauore & gratia completi, defendereque velle. His finitis accessit princeps ad solium, & pedes regios genu flexus cum summa reuerentia accepit, accepitque de sacra regia maiestate manibus, vexillum album insignitum Aquila nigra, cum literis S. & A. colligatis in pectore, cum institutione ore regio facta his verbis: Nos Sigismundus Augustus Rex, annuentes vestris & vestrorum subditorum precibus, tradimus & concedimus illustritati tuæ, prout parenti tuo illustrissimo tradideramus, in feudum terras, ciuitates, oppida, & arces in Prussia, & ad eas illustritatem tuam inuestimus, per huius vexilli traditionē, ac instituimus gratia & benignitate nostra, qua illustritatem tuā uti nepotem nostrum carissimum complectimur, speramusque, quod eius beneficentiæ nostræ, & memor, & grata, fidelisque illustritas tua sit futura. Deinde princeps Prussiar caudam vexilli tenens, super libro Euangeliorum in hac verba iuramentum præstitit.

Verba regis
ad ducem
Prussiar.

Ego

Iuramentum.

Ego Albertus Fridericus, Marchio Brandenburgensis in Prussia, Stetinenſis, Pomerania, Slauorum, Cassubiorum dux, princeps Rugiæ, & Burggrauius Norimburgensis, promitto, & iuro, quod serenissimo principi ac Domino, Domino Sigismundo Augusto Regi Polonia inuictissimo, Magno duci Lituania, Russiaque ac omnium terrarum Prussiar domino & heredi, sicut meo naturali hereditarioque domino, & eius sacre maiestatis heredibus, & successoribus regibus, & regno Polonia ero fidelis & obsequens, eiusque maiestatis ac hereditatis & totius regni Polonia bonum procurabo, & damnum præcauebo, ac omne id faciam, quod ad fidelem vassallū feudalemque pertinet, ita me Deus adiuuet, & hoc sanctum Dei Euangelium. Accepto huiusmodi iuramento maiestas regia, gladium ancipitem, à gladiatore regni, domino Andrea Zborowski accepit, notumque ducem ter præcinxit, inclinatum de more dicens: Accingere gladio tuo super femur tuum, potentissime. Postea citorquem auream, regio munere non indignam imposuit. Mox omnis ordinis nobiles, qui ad equestre munus contendebant (in quorum ego numero, eodem more præcinctus fui) præcincti sunt. Quibus omnibus ex ordine solenniter peractis, ac depositis regalibus indumentis, cum toto illo comitatu, duceque Prussiar cum suis præcedente, in arcem rediit.

Hæc autem Prussiar regio, plerisque sinuosis flexibus est ubique amœna, & opportunis portibus maris Baltici, maximè commoda, urbium illustrium, oppidorum, arciumque frequentia & opimis incolarum diuitiis, opibusque ac terræ vberitate, supra

Commoda
rio Prussiar

*Ciuitates in
Prussia.*

modum claret. Pecoris omnigeni inastimabili copia, piscationibus, venationibusq; & siluis fructuosissimis, aerisque temperie, cum amenitate coniuncta prae data est. & postquam fidem Christianam Prussia suscepit, 72. arces praecipuas & 62. ciuitates principales habuit, à Crucigeris domus Teutonice erectas, quarum numerus nunc temporis successu, plurimum creuit; multae enim & frequentes ciuitates ac oppida, munitionesque, tam à Polonis, quam Crucigeris vario Marte vtrunque decertantibus extructae sunt. Longitudo eius ex Aquilone in Austrum, à Toruni vrbe confini Massouiae vsque ad Memulam castrum cum oppido, quinquaginta octo milliariibus extēditur. In latitudinem verò quinquaginta milliariibus, Lituanos & Massouitas contingens patet.

*Flumina
Prussia.*

Flumina praecipua & principalia, in Prussia duodecim reperiuntur, Istula siue Vistula, quae Silesiam, Poloniam, Massouiam, & Prussiam praeterlabitur, similiter Cronon siue Nemen ex Lituania decurrens, Nogat, Elbinga, Wesera, Passaria, Alla, Prægel, Ossa, Drebnicz, Lica, Lauia. Extant quoque alia plura flumina omni genere piscium abundantia, minus tamen hominibus praecipue externis cognita. Lacubus plurimis aliquando septem milliariibus Polonicis patentibus, piscibusque omnis generis exundantibus vndique scatet. Gummi quoque genus lucidissimum, quod succinum siue *Glesum* vulgariter *Burstin* vocatur, in littore maris Baltici copiose colligitur. Cum autem Prussia vt copiose superius descripsimus, Barbarorum colonia antiquitus fuerit, Polonorum ac Teutonicorum armis subactam, sacrisque iniciatam se agnoscit, qui in eam colonias suas barbaris, penitus

ferè

ferè extirpatis deduxerunt, nuncque tam Polonis, quam Germanis equitibus, pariter ciuibus, agricolisque frequens est. Barbarorum tamen reliquiae, ad Curlandicum lacum hucusque supersunt, qui, cum Liouonibus & Lituanis vicinis, idiomate, moribus, habituque concordant. Porro nulla in vniuerso Poloniae regis dominio, regio reperitur, quae tam frequentibus ciuitatibus, arcibus, & oppidis, vt Prussia abundet.

Hac autem Prussiae regio amplissima, omniumque fructuum tam ex terra, quam aqua nascentium abundantissima, duplex est, Ducalis & Regalis: nam Dux gratia regis Poloniae, in suis ciuitatibus & arcibus integrè rerum potitur, vt vassallus & feudalus, ac beneficiarius regni. Regiomontique, quae est ciuitas maritima, sedem suam habet, in qua est collegiū communis studij, ab Alberto praefato primo, ex magistro duce creato fundatum. Est autem Regius mons emporio clara, ad eam enim merces ex Septentrionis regionibus copiose apportatur, in hanc sedem suam magistri transtulerunt Mariemburga nobilissima, eaque munitissima arce, ac totius Prussiae propugnaculo, quae cum se expugnari non pateretur, Casimiro regi Poloniae, vt diximus, pro certa stipendiorum militibus ordinis persolutione, dedita est, in ea assidue milites praefidarij à rege Poloniae asservantur, victu & omnibus ad bellum necessariis tam apprimè prouisa, vt sex annorum obsidionem sustinere possit. Est enim regalis Prussiae, (id est, illarum arcium & ciuitatum, quas rex electas extra ducem, armis maiorum suorum, acquisitas possidet,) caput & metropolis à Gedano septem milliariibus distat. Plurimas nobiles

Prussia duplex.

Regiomontum.

Mariemburga.

ciuitates & arces, quas superius enumerauimus, Prussia complectitur.

Episcopatus verò quatuor Catholicos, postquam fidem Christianam suscepit, Prussia habebat. Warmiensem, Culmensẽ, Sambiensem, & Pomelaniensem, nunc Sambienſis Warmieſi, Pomelanienſis autem Culmeni adiuncti. Warmiensem episcopatum, qui est præcipuus reuerendissimus dominus Stanislaus Hosius Polonus, sacrae Romanae ecclesiae cardinalis dignissimus, singulari pietate, & vitæ sanctitate, ac doctrina caelesti & scriptis diuinis corruſcans administrat, qui malleus hæreticorum indefectus, & catholicae ecclesiae propugnator strenuus, iure cõſendusest. Culmensẽ episcopatum, reuerendissimus dominus N. Costka virtutum & doctrinae speculum insigne. Nunc de Pomerania regione amplissima dicendum nobis occurrit, quæ etiam Polonorum armis antiquitus, perdomita imperio paret: nam Boleslaus rex bellicosissimus anno Domini 1003. Russiæ principibus debellatis, strenuoque Marte contulis, perpetuum victoriæ monimentum Herculeũ imitatus opus, tres ferreas columnas in Borysthene fluuio collocauit. Deinde anno Domini 1008. Saxonibus bellum intulit, & omnem illorum regionem, circa Oderam, ad Albim, & Salam fluuios, chersonesumque Cimbricam, quæ hodie Dania appellatur, summa belli dexteritate ditioni suæ subiugauit. Vrbes earum regionum maximas, partim solo æquauit, partim suis Polonis muniuit, gentemque vniuersam Pomeranorum, barbaram & incultam, ad fidem Christianam suscipiendam, armis coëgit, & vt sempiterna memoria victoriæ felicissimæ

Episcopatus
Prussia.

Gades Bo-
leslai.

"

"

cissimæ apud posteros extaret, in Albi, & Sala, Ostiaque fluuiis, columnas areas inclitus triumphator locauit, totam Prussiam ac Pomeraniam Christianis infestissimas, perdomuit.

DVCATVS POMERANIÆ.

Pomerania regio amplissima, ab Holsatia ad Li-
uoniam vsque, longo tractu, iuxta mare Germanicum extenditur, vnde & nomen habet. Pomorze enim Slauis mari adiacentem regionem significat. In hac regione natio Slauonica, antiquitus cõfederat, sed nunc Germani magna ex parte eam incolunt. Has præcipuas ciuitates à mari procul sitas complectitur, Stetiniam, vnde ducatus Stetinensis dicitur, Neugardiam, Lemburgam, Stargardiam, Bergradum, Cameneriam, Publinam, Griefenborgam, & alias cõpulares. Quæ verò mari impendunt Colberg, Camin, Cossin, Griefwald, Sund, Puczkæ, Reuecol, Loueburg, Hechel, &c. Iulinum in hac regione vrbs erat celeberrima, nunc ruinis deformis iacet, pro hac regione Polonicum Prutenis Gentilibus, & Crucigeris longotempore acriter decertabant, nunc titulo eius rex Poloniae, qui in ea maiori ex parte rerum potitur, duxque Prussiae feudal̃is regis Poloniae vtuntur.

GEDANVM, siue Dantiscum huius regionis metropolis, vrbs amplissima, & insignis à mari Germanico vno milliari abest, eam celeberrimus fluuius Vistula præterlabitur, ibidemque amplissimis ostiis in mare exoneratur, in ea totius Pomeraniæ & Prussiae celeberrimũ emporium est: ex vltamarinis enim regionibus longinquis, Anglia, Britannia, Scotia, Gallia, Hispania, Suetia, Dania, & Noruegia, naues

Pomeraniæ
iulianum

Iulinum.

Supra pag. 118.

ad eam appellant. Ex Lituania quoque Russia, Volinia, Poloniaq; variae merces, fluuiis nauigabilibus in eam deferuntur, præcipuè verò siliginis, & frumenti, ingens copia ex supra nominatis regionibus aduehitur. Regi Poloniae subiecta est, castellanumq; à rege præfectum habet. Ex mari in urbem perducta est fossa, qua naues maxima intra mœnia veniunt. Burgrabius cum proconsulibus, & consulibus, regio nomine, ciuitatē administrant. Ciues omnes ferè Germani sunt, mercatoresq; ditissimi, ita vt Gedanum ædificiorum pulcerrima dispositione, commerciorum varietate, maris, Vistulaeque opportunitate, incolarum, & externorum incredibili multitudine, ciuium diuitiis, & instrumentorum bellicorum, ad hostes propulsandos, ac machinarum ænearum numero, cum præcipuis Europæ urbibus, meo iudicio conferenda sit. Prætorium maximo sumptu eoque regio exædificatum cum superba turri, ædesque sacrae, cum priuatis ingenti auri pondere, artificiosè erectæ, Gelda que publicum vrbis palatium, ac horologium diuinis ferè manibus elaboratum, cuius cāpanæ mirabilem quendam & suauissimum concentū edunt, secundum artificis voluntatem, & temporis conuenientiam, in admirabilem omnium gentium aduenas attrahentes. Propugnaculum munitissimum in ipso maris portu extructum, frequentibus directis machinis armatis militibus custoditur.

Vexillum totius Pomeraniæ aquilam nigram in collo coronatam, gladium euaginatū manu humana tenentem, pro stemmate in campo aureo gestat similem Prussiae, quam in eius principio expressimus.

ELBIN-

ELBINGA ciuitas insignis ad ostia Albis fluuij, in littore maris magnificentissimè, & sumptuosè extructa, splendidis ciuium opibus, & mercatorum diuitum frequentia claram, spectabilemque se reddit. Eius titulo rex Poloniae scribens, se dominum terræ Elbingensis maximè in priuilegiis vititur. Districtum enim amplissimum circumiacentem habet. Atque hæc de Prussia breuiter dicta sufficiant.

LIVONIAE TOTIVS
CVM SVIS PROVINCIIS, CIVI-
TATIBVS, CASTRIS, ET COMMEN-
daturis, siue Palatinatibus, &c. suc-
cincta descriptio.

Addita est quoque brevis narratio, quomodo hæc regio in uis uictissimi regis Poloniae Sigismundi Augusti, Magni Ducis Lituaniae cesserit, & quo pacto a Moschorum principe & Suecia rege diminuta fuerit.



LIVONIA siue Lieflandia, regio amplissima, ab Oriente, Russia, Moschorum principi subiecta, contigua est, Neruaq; fluuius nauigabilis, (in cuius utraq; ripa, duæ arcæ eiuldē nominis, vni Liuoniensium, altera Moschorum sibi ex aduerso sitæ sunt,) imperium Moschouiticum, à Liuoniensi dislimitabat. Sed moder-

Fines Liua-
niae.
nus Maschorū monarcha Ioannes Basiliades, Derpt
in signi vrbe episcopali, cum sibi adiacente prouincia
occupata, vterius fines suos (prout inferius dicitur)
promouit. A Septentrione cū Suetiæ regno, & Phil-
landiæ ducatu fines suos, sinu maris Baltici determi-
nat: ab Occidente mari Balteo (quod Germanicum
& Prutenicum appellatur) contermina est: à Meri-
die Samogitiæ & Lituaniæ, nonnihilque in Occiden-
tem vergens, Prussiæ adhæret. Nonaginta milliari-
bus Germanicis in longitudinem, & quinquaginta
in latitudinem, cum sinu maris Baltici adiacenti ex-
tenditur. Sed nunc bellis sæuientibus, pluribus in lo-
cis vastata, & diminuta est. Continet autem in se plu-
rima territoria, quæ pro ducatibus computari pos-
sunt, horum singula cum suis ciuitatibus & castris
succinctè describere curabo. Sed primò quomodo &
quando regionis incolæ nomina Christo dederint,
paucis aperiam.

Totum penè orbem terrarum, post maximum
illud vniuersæ terræ diluuium, fallacium demonum
fraude seductum, veram vnius Dei religionem, im-
pio multorum & falsorum deorum cultu, vanaque
superstitione commutasse constat. Quidam enim
mortuos homines, propter merita beneficia & egre-
giæ gesta, cultu diuino venerabantur: alii malignos
dæmones, e mentitis miraculis, & prodigiis homi-
num oculis sese insinuante, adorabant: denique be-
luis atque serpentibus & sculptis, pictisque arte hu-
mana simulacris, gloriam veri Dei exhibebant, do-
nec Iesu Christi, veri Dei hominisque benignitas, &
Euangelij eius claritas, post multa secula, quasi lux
clarissima, mundo cælitus affulgens, has terras terri-
bilesque

lesque tenebras discussit. Sed regiones septentrio-
nales, & omnes gentes ad Aquilonem vergentes,
Christianæ religionis ignaræ, vano idolorum cultui
diutius subiugata fuerunt: difficilis enim ad eos ex-
ternis gentibus erat aditus, propter efferam barba-
riem, & crudelitatem populi. Romani etiam & Gre-
ci, qui primò fidem Christianam amplexi sunt, se-
ptentrionalium plagarum minus exactam notitiam
habebant: vnde factum est, vt Liuania cum cæteris,
ad Aquilonem vergentibus regionibus, nouissimè
omnium, sacro baptisimi fonte lauata fuerit. De-
mum, Friderici primi ex ducibus Germaniæ, Roma-
norum imperatoris temporibus, mercatores rem
familiarem ex Germania, per mare Balticum in Li-
uoniam appulerunt, & gentis barbaræ simplicissi-
mæque animos ob mutua mercimonia commutan-
da pellexerunt. Erat autem hic populus miræ simpli-
citaris, opumque parandarum & rei familiaris iusto
negligentior: melle enim expressio (quo maximè re-
gio abundat) ceram velut alias quisquilias, & purga-
menta domibus euerrebat. Postea succedente quæ-
stu, & mercatoribus occidentalibus, eò loci cõfluen-
tibus, sacerdotes paulatim se illis immiscere, adiun-
gereque, pie peregrinationis causâ, cœperunt, vt mer-
catoribus, videlicet thesauros Liuonum acquirenti-
bus, ipsi animas gentis Christo, per verbum Euange-
lij salutiferum lucrifacerent. Erat igitur ea tempesta-
te, vir quidam Meinhardus nomine in Lubeca, ciui-
tate celeberrima, pietate & sanctimonia vitæ insi-
gnis, hic vna cum mercatoribus consensa nauis in Li-
uoniam, anno partæ per Christum salutis, millesi-
mo ducentesimo trajicit, & cõspiciens in tam insigni

Fridericus
Imperator.

Germani in
Liunionem
veniunt.

Meinhardus
pius vir,
primus in
Liunionem
venit.

& præmatura messe, nullos operarios extare, continuo ibi vnus famuli conuictu contentus, etate transigere constituit; casamque sibi ex arbutis propter imbres arcendos construxit. Paulatim deinde hominum familiaritatem captare, & tadio superato, habitaiam mutui conuictus, & contractæ notitiæ cum incolis regionis opportunitate, religionibus & rerum diuinarum eos admonere cepit, sensumque à vano idolorum cultu, ad Christianæ fidei obseruantiam adducere, auspicanteque Deo, & pio viti religiosi conatum secundante, complures incolarum in agnitam veritatis doctrinam concesserunt, quorum crescere numero, multorumque animis (vt fit) rei nouæ & inuestitæ religionis studio, flagrantibus, Basilica instauratur. Nec multo post, Meinhardus à Bremensi archiepiscopo, in Liouonia episcopum consecratur, qui in messe Christi strenui operarij munus adimplens, rem Christianam multum adauxit, & magnam gentis partem ad Christum conuertit, postea vitam cum morte feliciter commutauit. Huic ex vita decedenti Bertholdus Cisterciensium abbas successit, qui contra irruentes hostes fidei Christianæ, vnà cum peregrinis militibus, qui pietatis ergo ad militiam Christo exercendam, ex Germania confluerant, pugnare instituit. Vbi verò ad pugnam ventum est, equo infreni in mediam Barbarorum aciem proiectus, confoditur. Tandem crescente multorum pietate, plurimi sacra se militiæ deuouerunt, ordinisque fratrum Teutonicorum habitu suscepto, ensiferos fratres sese nuncupauerunt. Sed cum rebus gerendis superesse non possent, hostiumque barbarorum vis vndiquaque inualeceret, Teutonicorum fratrum ordini, in Prussia

Meinhardus Liouonia in fide Christi instituit. Meinhardus episcopus creatur Liouonia prius.

Vos a: non sic:

Bertholdus episcopus occiditur.

se coniunxerunt. Cum enim audiuissent, quod ordo Teutonicus Cruciferorum, in tota Germania proficeret, Volquinus præpositus eorum à quinto ordine, magistro Prussiae Conrado olim comite Turingensi, in ordinem Teutonicum susceptus est, anno Domini 1234. suffraganeusque eiusdem magistri Prussiae Conradi, Gregorius summus pontifex Romanus huius nominis nonus, iussit vbique, & præcipue apud infideles Prutenos, Liouonesque proclamari, quod ordo fratrum à gladio in Liouonia (qui nondum confirmatus erat) Teutonico ordini in Prussia unitus, incorporatus adscriptusque esset. Susceperunt itaque fratres à gladio Liouonienses, crucem, habitumque more fratrum Teutonicorum in Prussia. Et semper ab hoc tempore magistri Prussiae à Liouoniensibus magistris tributa certa, & obedientiam exigebant, vsque ad tempora Alberti Marchionis Brandenburgensis, magistri Prussiae, qui anno Domini summa millesimum quingentesimum, decimo tertio, penultimam, quam obedientiam accipere maluit. Itaque Liouonienses data, præscripta ingenti summa pecuniæ, in posterum ab obedientia Prutenicis magistris exhibenda, liberati sunt. Hanc tamen libertatem paulo post per insolentiam suam amiserunt: Rex enim Polonorum Sigismundus Augustus, eos in potestatem suam, prout inferius dicitur, redegit. Sed ad rem accedo. Liouonienses cruciferi, habitu fratrum Teutonicorum in Prussia assumpto, grauissimis bellorum laboribus, cum barbaris fortiter exantlatis, haftenus rerum in Liouonia potiti sunt, magistrumque sibi elegerunt, qui cum commendatoribus, seu etiam præfectis totam regionem gubernabat. Erant præ-

Ordo Teutonicorum in Liouonia. Volquinus primus Liouonia magister.

Ordo Liouonicus à Gregorio nono pontifice confirmatur.

Crucigeri Liouoniensium, Prussien sium tributarij, & cum illis militi.

Liouonienses se redemerunt à Prussien sibus.

*Episcopi Li-
uonia.*

*Episcopatus
Liouonia de-
repti à mul-
tu principi-
bus.*

*Tunica Christi
dividitur.*



*Provincia
Liouonia.*

ter hunc in Liouonia episcopi quinque, vtpote archie-
episcopus Rigenfis, Derptenfis, Habselensis, Oselia,
Curlandia, Reualiaque episcopi. Hi sua munia stren-
nuè & magnificè vt principes obibant: sed anno Do-
mini 1558. Moschorum dux Derpta, siue Torpato,
in signi vrbe episcopali potitus, episcopatū Derpten-
sem penitus aboleuit, rex quoque Poloniae archiepi-
scopatum Rigensem, cum omnibus arcibus & ciui-
tatibus (rerum enim in Liouonia potitur) tenet. Re-
ualiensem episcopatum, Suecie rex vrbe Reualia ca-
pta administrat. Oselensem episcopatum & Absle-
nensem fratres regis Daniae, Magnus nomine, vnā
cum insula Oselia possider.

Ordinis Teutonici magister, vnā cum suis com-
médatoribus, plurima oppida & arces munitas pos-
sidebat, & primò quidem ordinis magister & archie-
piscopus Rigenfis simul, & coniunctim Rigā urbem
metropolim regionis occupabāt, monetamq; vter-
que propriam, qua adhuc incolae regionis vtuntur,
cudebat. Verū magister præter dominiis, & posses-
sionis consortium, arcem quoque ibi habebat. Hic
iam ordinē territoria arces & ciuitates, tam magistro
ordinis, quā episcopis, & commendatoribus subie-
ctas, describere pergā. Hæc verò sunt territoria si-
ue prouinciæ, in Liouienfi dominio, quæ pro ducā-
tibus valent: vtpote, Leitlandia, Vikeclandia, Cur-
landia, Semigalia, Estlandia, Virlandia, Haria, Ger-
uendiaque.

LEITLANDIA SIVE RIGEN-

sis prouincia.

Leitlandia regio Liouoniae, præcipuè has arces, &
ciuitates regi Poloniae subiectas habet.

RIGA

RIGA vrbs celeberrima, totius Liouoniae metro-
polis, muro fortissimo, propugnaculisque & turri-
bus densis, tormentis bellicis, apprimè munitis, val-
loque inexcusso tribus ordinibus tormentorum, vn-
diuaque munita, fossis duabus, ex vtraque vallis
parte circumducta, & stipitibus acutis circumsepta,
rebus bellicis tormentis, & com meatu copioso, mi-
litisque stipendiariis, pacis & belli tempore, be-
ne prouisa. Arcem quoque bene munitam, & o-
mnibus necessariis prouisam, sibi adiunctam habet,
in qua olim magistri sedem suam habebant, eam
nunc Gorhardus Kietler dux Curlandiae, regis Polo-
niae feudalus, nomine regio administrat, in ciuita-
tem tamen ipsam, ius nullum habet. Administrato-
rem enim siue capitaneum aliquem, ciues sibi do-
minari (libertatem asserentes) non patiuntur, sed
obedientiam, & tributa regi Poloniae fideliter exhib-
ent, ipsique ciuilibus legibus urbem administrant.
Hanc urbem fluvius Dwina amplissimus, (ex Scue-
ra regione Russiae, Moschouitæ duci subiecta, or-
tus) vnā cum arce alluit, & duobus à Riga in mare
amplissimis ostiis exoneratur. Per hunc naues ex
mari, de vltamarinis regionibus, vtpote Suetia, Da-
nia, Holsatia, & cæteris repostis prouinciis appel-
lunt. Ex Russia quoque & Lituania cineres, asseres,
ligna caesa, & leuigata, omnis generis ad naues fa-
bricandas, frumentum quoque grandis copia, & cæ-
tera importantur. Magnumque hac in vrbe & cele-
berrimum est emporium, quamuis enim duobus
milliaribus à mari distat, naues tamen omnigenae,
facillimè de mari, sub ipsa mœnia urbis veniunt &
redeunt.

*Gorhardus
Kietler.*

Dwina flum.

*Emporium
Rigense.*

He verò arces, ciuitates, & praefectura, capitaneatusq; in hac Leitlandia siue Rigensi prouincia continentur, videlicet,

DYNAMUNT arx inexpugnabilis natura, opportunitateque loci, mari adiacet, in ostiis DWinæ fluij, duobus à Riga milliaribus sita, praesidiisq; Polonicis munita, in ea omnes naues ex vltimarinis regionibus, ad Rigam venientes, merces indicare, teloniaque persolvere coguntur.

BLOKAVS munitio inter Rigam, & Dunamūt, ad DWinam condita, in ea quoque omnes naues excutuntur. Hæ autem duæ arces Rigensibus maxime inuisæ sunt.

KIRCHOLM arx murata, ad DWinam fluium, duobus milliarib. à Riga sita, in Orientē procedo.

He quoque arces DWinæ impendent.

VXVL arx desolata, curia tamen in ea, vbi praefectus manet, extructa, à Kirchholm duobus milliaribus abest. Crudelem illic quondam confictum, & hominum stragem insignem, cumulus ossium ingens congestus testatur.

LENVARD arx ab Vxul quatuor milliaribus ad DWinam sita.

ASCHERAD olim Palatinatus: arx ad DWinam munita, Moschouitæq; ab ea aliquoties repulsi sunt, quatuor milliaribus à Lenuard abest.

NITAW Sefuegen, Georgenburk, Lewborg, Rossiten, Lucen, Luden, Neuenhul, arces muratæ absque ciuitatibus.

DVNEMBOURG arx ad DWinam munitissima sita, commendator siue palatinus, ei olim magistri nomine praesidebat.

SEGE-

SEGEVOLT arx & ciuitas, olim ordinis Marchalci primi, à magistro propria erat, cum cæteris ad eam pertinentibus, videlicet Lewburg, Nitaw, Georgenburg, & Choen castris.

ARIES arx, Wolmer ciuitas & castrum. Hermes arx, quatuor milliaribus à Parnawa, & Phelin.

Has supradictas omnes arces, & ciuitates, cū suis palatinatibus, & praefecturis, inuietissimus rex Polonia possidet, excepto Mariëburga castro quod Moschouia princeps occupauit. Adzel autē & Rodempeus, à Moschouitis exultæ, & desolatae sunt.

ARCHIEPISCOPATVS RIGENSIS.

In eodem territorio Rigensi, rex quoque Polonia omnes arces, ciuitates, capitaneatus, & praefecturas, archiepiscopales possidet.

KOKENHVS arx, & ciuitas, natura & opportunitate loci munitissima, ad DWinam fluium sita, cæterarum archiepiscopi, arcium, principalis.

VXVL Lenuard, supra nominatæ arces, Krewburg, Landon, Sefuegen, Schanborg, Serben, Conemburg, arx cum ciuitate, Salis, Vansel, Dalen, Ien- cel, Treyden.

SMILTEN arx à Moschouitis desolata, Cremon castrum olim Capituli metropolitanæ ecclesiæ Rigensis.

SANCEL arx apprimè munitissima, mari adhærens, ad archidiaconatum Rigensem quondam pertinebat. Hæ itaque omnes arces, & ciuitates enumeratæ regi Poloniae subsunt.

Arces nobilium in praedicto archiepiscopatu hæ sunt, Nochrosen, Rosemberg, Mayan, Pierkiel,

Roppe, Nabbe, Elner, & Bersen. Earum domini, Polono regi obtemperant.

EPISCOPATVS DERPTENSIS.

DERPT, siue Torpatū, siue Derbet, insignis vrbs episcopalis, & arx in colle munitissima, vrbi impendens. Hæc anno Domini 1558. ab exercitu Moschorum ducis, violēta oppugnatione, cum tota circumiacenti prouincia capta est. Hæc verò arces ad hunc episcopatum pertinebant. Falcana W, castrum, & monasterium in signe, Neinhaus 18. miliaribus à Derpt sita, Ruthenis contermina, Werbeke, Oldentorn, Kiriepe, Verpech. Nobilium arces in hoc episcopatu, quatuor præcipuè erant, videlicet, Olsen, Kanelicht, Raden, Cunctal, siue Regental, omnesque à Moschorum duce cum episcopatu subiugatae sunt.

EPISCOPATVS HABSELENSIS & Ozelenfis.

Vlkechzlandia regio ad Habseleensem episcopatum cum suis arcibus & ciuitatibus pertinebat, quæ quatuordecim miliaribus in longitudinē, duodecimque in latitudinem patet, mari Germanico adhaeret, & has arces complectitur, quas Sueciæ rex vnâ cum regione possidet.

HABSEL arx principalis cum ciuitate, in qua est ecclesia cathedralis, eam rex Sueciæ vi ad deditionem coegit.

LODE arx munita, quam dux Curlandiæ Gothardus Kietler à Suetensium impetu nuper defenderat, & aliquot eis grandia tormenta ademerat, sed postea ab eisdem capta est.

LEHAL

LEHAL castrum, & ciuitas, in qua est insigne virginum monasterium, nunc præsidii Suetensium tenetur.

FICZKEL & Felix arces à Moschouitis exusta & desolatae sunt.

VERDER arx munitissima ad fluuium Zundam sita ab ipsis Cruciferis Liuoniensibus destructa & demolita est.

OZILIA insula in mari Germanico, aliquot à littore miliaribus sita est, ad Ozelensem episcopatum pertinebat, arces & ciuitates duas munitissimas habet, eas Cruciferi regi Daniæ prodiderunt, quas nunc Magnus eiusdem regis Daniæ frater possidet, episcopatusque titulo vtitur. Harum arcium vna **ARNZBURG**, altera **Sonemburg** appellatur.

CURLANDIA REGIO.

Hæc regio in Liuania sita à Septentrione maris Baltici sinu, ab Occidente verò vbi Prussiam contingit, pelago qui Curlandicus appellatur, alluitur: à Meridie Samogitiæ confinis est, regi que Poloniæ subest, sed eam Gothardus Kietler, regis gratia & benignitate tenet, tituloque eius vtitur. Has ciuitates & arces complectitur.

VINDA arx cum ciuitate & Palatinatu, Polonis Kiefs dicitur, in ea magistri sedem suam habuerunt, & comitia, conuentionesque celebrare soliti erant, nunc Polonicis præsidii tenetur, administrantem illustri & magnifico Domino Ioanne Chodkie Wiez, generali Samogitiæ, & supremo gubernatori Liuanie, ac magno marſchalco magni Lituanie ducatus.

GOLDINGEN arx & ciuitas cū districtu amplo.
GRUBIN, & Candaph arces cum præfecturis
ditissimis.

TVEZKON, Sabel, Durbin, Asemboth, Shru-
den, Frauemburg, Alfangen, arces. Newburg castrū
in finibus Samogitiæ.

Episcopus Curlandiæ septē arces continet, quas
Magnus regis Daniæ frater possidet, episcopusque
titulum sibi usurpat, hisque nominibus, hæ arces no-
minantur, Edwalen, Pilthen, Hasempot, Anger-
munde, Dondangen, Neinhaus, & Ambothen.

SEMIGALIA DVCATVS.

Hic ducatus Curlandiæ adhæret, à Meridie Lit-
aniæ contiguus est. Hasque arces continet, So-
leburg, arx & præfectura, Balsemborg, Doblin, Ni-
thaw, arces cum districtibus, ciuitates nullas habent,
totumque territorium vnā cum arcibus enumeratis,
Curlandiæ dux prædictus regis Poloniæ gratia & be-
nignitate commissum tenet.

ESTLANDIA DVCATVS.

Estlandiæ, siue Estoniæ ducatus mari Sueciæ à Se-
ptentrione adiacet: has arces præcipuas cum ci-
uitatibus & præfecturis complectitur.

*Felin cum
magistro can-
p. a.*

FELIN arx & ciuitas munitissima, vnā cum vlti-
mo magistro Liunioniæ Wilhelmo Furstemberg feu-
dali regis Poloniæ, à propriis militibus stipendiariis
Germanis Moschorū duci dolose prodita est. Ciui-
tas ipsa exusta, arx verò præfidiis Moschouiticis mu-
nita, vnāque cum districtu, siue Palatinatu Moscho-
rum duci subest. Magister verò in ea captus, Moscho-
uiam

uiam abductus, in vinculis spiritum exhalauit. Atque; *Exitus ma-
gistrorum
Liunionis.*
hunc extremum exitum magistri Liunionenses ha-
buere.

LAIS & Talczhofen arces, à Moscho quoque oc-
cupatæ sunt.

TARNEST, siue Taurus, arx munitissima præ- *Taurus ca-
p. a.*
fidiisque Moschouiticis prouisa, à Lituanis duce ex-
ercitus illustri & magnifico Domino Nicolao Rad-
ziwil Palatino Vilnensi, pulueribus bōbardariis sup-
positis eiecta, & cum Moschouitis, à vi & impetu pul-
ueris volantibus euerfa est. Ego etiam huic oppu-
gnationi cum patre meo interfui. Hac autem arce
expugnata & exusta, Lituari quibusdam Moschorū
abductis, quibusdam occisis, velut Tartari, arce deso-
lata relicta, & non occupata, nec munita, (quæ faci-
le instaurari potuit,) cum spoliis, tormentisque, & cæ-
tera supellectili bellica ablata, discesserunt, anno
Domini 1561. Iulij vltima.

OPERPAL arcem exercitus regis Poloniæ ex-
ussit & desolauit.

Has aut in hoc ducatu arces rex Poloniæ possidet.

KARXHAVS, Helmeth, Rugen, Parnauam ar- *Parnaua
recuperata.*
cem insignem & munitam cum ciuitate mari adia-
centem. Hæc à Sueciæ rege primū occupata erat,
sed postea à Polonis inopinatè capta in ditionem re-
gis Poloniæ cessit.

VIRLANDIA.

Territorium hoc Liunioniæ inter orientalem, &
septentrionalem plagam positum, à Septétrio-
ne Baltici maris sinu terminatur, ab Oriente Nerua
fluuiο celebri ex lacu Peijbas emergenti, & in mare
Balticum ingredienti alluitur. A Meridie Estlandiæ

ab Occasu Hariæ contermina est, & octo miliaribus in longitudinem, à Nerua fluuiio ad ReWaliā vsque extenditur, hasque arces complectitur.

NERUA arx & ciuitas insignis, munitissimaq; ad fluuium eiusdem nominis sita. Ex aduerso in altera ripa arcem à Moscho erectā Iuano W Gorod dictam habet, atq; fluuius prædictus Nerua, has arces interfluens Moschorum & Liuoniensium imperium olim dislimitabat.

TOLCZBURG arx ad sinum maris Baltici inter Neruam & Reualiam ciuitates aequali distantia sita.

WESENBURG arx & capitaneatus.

BERCHOLM olim arx episcopi Reualiensis erat. Abs quoque, & Est, duæ arces nobilium Liunionæ una Roberti à Gilsen, alia Bernardi de Tabe.

Has omnes arces cum suo territorio Moschorum princeps occupauit.

HARIA PROVINCIA.

HARIA iuxta mare Suetiæ sita, in lōgitudinem sexdecim miliaribus, & octo in latitudinem extenditur, cum Virlandiæque territorio pro ducatu computatur.

He arces in ea sita sunt.

REVALIA vrbs celebris cum arce munitissima ad sinū maris Baltici condita est. Sede episcopali clara, sub rege Poloniæ à Suetiæ regis exercitu occupata. Monetam Reualienfes propriam quadriangularem cudunt. Reualiensis episcopus arces aliquot sibi subiectas possidebat, in ciuitatem tamen nullum ius imperiūve habebat, sed magister ordinis eam administrabat.

BADIS

BADIS castrū & monasterium insigne, Suetenles inopinata irruptione ceperunt.

FE GVEVR arx olim episcopi Reualiensis à Moschorum duce expugnata nunc tenetur.

GERVENLANDIA DVCATVS.

GERUENLANDIA regio mari adiacens, septem miliaribus in longitudinem, sex in latitudinem patet. Frumenti & cæterarum rerum ex terra nascentium feracissima, vnam arcem, Vitenstein dictā principalem, cum pagis & curiis compluribus nobilium habebat. Eam sub rege Poloniæ, Suetensium rex occupauit. *Bialy kamien*, id est albus lapis Polonis dicta. *Gernorlandia.*

In his territoriis, siue prouinciis Liunionæ prædictis, (quæ etiam pro ducatibus computari possunt,) variae sunt multarum gentium linguæ: plebs ipsa Liunica tribus ferè linguis, (nō multum tamen à se differentibus) vtitur, ad Lituanicumq; idioma, magna ex parte alludunt, barbarie & moribus incultis rigent, Lituanis & Samogitis ob vicinitatem in omnibus persimiles sunt. Vestitu vili, eoque vt plurimum cinericio, ad Germanicum habitum alludenti vtuntur, ex

tiliæ libro more Lituanorum, & Ruthenorum cothurnos, connectere solent, vel ex iumentorum pelibus vnā cum setis detractis. Fœmineus sexus in pagis more gentis Cyganorum, (vel vt quidam volunt Cyrenæorum) vagabunda vestiuntur, vestitumque quibusdā globulis plumbi, cupreis & electuariis exornant, indusia quoque circa collum præcipuè annulis, intertexturisque variis ornant.

Crinibus passis, mulieres vetulæ, & virgines omnes promiscuè incedūt, capitis ornamenta quædam

Bialy kamien arx.

*Liunionæ
grestu
habitus, mores
& idioma.*

*Mulierum
Liunionarū
habitus.*

*Victus Li-
nonum mi-
serimus.*

*Perversitas
Linionum.*

*Cives & no-
biles in Li-
monia Ger-
mani.*

mirè, ex globulis quibusdam, confecta ad similitudi-
nem vnionum, gemmarumve, varij coloris gestant,
omnes ferè matronæ sagæ & incantatrices peritissi-
mæ sunt, artibus magicis supra modum deditæ. Pane
vilissimo teterimoque, & cibariis simplicissimis, vt-
tuntur. Frumenta omnis generis trituranda excu-
tiendâq; perinde, vt Lituanî, primò in calidissima ca-
sa, ad id præparata fumo exsiccant, & postea in hor-
reo coram extructo excutiunt. In ollis figulinæ artis
nusquam, nisi in lebetibus æris, cupressive, in pagis &
ciuitatibus coquunt, neque tibi ollam argileam ali-
quo, per totam Liunioniam videre licebit. Palæis quo-
que frumentorum, vulgus magna ex parte cum fa-
rina filiginis mixtis vtitur. Et quâuis miserrima gens
fuerit, supra modû tamè callida, fallax, tumida, atrox
& ad cædes patrandas prompta. Polonos, Lituanos,
Ruthenos, ceterosq; extraneos regi Poloniæ mili-
tantes, (extra Germanos, quorum sub iugo olim fue-
runt,) maximè inuident, eosq; depredatores, & com-
estores bonorum, fundiq; sui calamitatem appellât,
& vbi possunt quoscunq; milites astu circumuentos,
& incautos opprimunt. Vni vel duobus viris transi-
tus difficilis est, præcipuè si apud agrestes pernocta-
uerint: nam somno oppressos, magna ex parte truci-
dant, suffocantq;ue. Diuersoria in hac regione rara,
vel penitus nulla reperiuntur, sed ad curias, & prædia
viatores diuertere, ibidemq; pernoctare solêt. Tem-
pla quoque rarissimè, nisi in arcibus visuntur.

Ciues & nobiles omnes Germani sunt, Germa-
nisq;ue moribus & idiomate vtuntur. Fœmineus se-
xus pallia rubea, communiter capiti imposita, ad ta-
los cum frequentissimis plicis gerit. Vittas mulieres
in ca-

in capitibus non gerût, sed contricatos crines, (quos *Matronarû
Rigensium
habitus.* maximè nutriût, vel ad id præparatos adaptant, tam
matronæ, quàm virgines capiti circumnectunt. Pi-
leos siue biretos quadrangulares, more cardinalium
Romanorum gestant, quædam verò palliis cum ve-
lamine velut teçto, frontè & caput regente vtuntur.
Sponsa cum ad matrimonium contrahendû de-
ducitur, corona argentea deaurata rotunda, & in al-
tum prominente ornatur, omnisq;ue virginalis, &
matrimoniarû chorus, rubeis palliis vestitus, longo
ordine præit, & sequitur. Ceruisia ex hordeo & lu-
pulo passim in pagis & ciuitatibus gustu amarissima,
maximè differenti à cæterarum regionum ceruisia
vtuntur, attamen gens illa & omnes germani regio-
nis incolæ hunc potum suauiter præbunt.

Siliginis & frumenti Liunionia diues est, aded vt ex- *Linionia fe-
ran.* tera quoque & transmarinæ nationes Lubeca, Am-
sterdam, Olandia, Dania, Suetiaque eius vbertatem
præstent, ad quas grandi copia frumenta è Liuo-
nia deportâtur. In Liunioniam quoq; ipsam ex Russiæ,
Lituaniaque regionibus, fluuiò Dwina & Nerua, si-
ligo & id genus rerum plurimum aduehitur. Pecori-
bus & iumentis domesticis omnis generis abûdar,
lacubus, fluuiisq;ue piscosis, & siluis ad venationem
idoneis referta, in quibus habet vrsos, alces, vulpes,
lince, vros, castores, & omnis generis animalia.
Lepores in Liunionia mutant æstate & hyeme colo-
rem, perinde vt Heluetiis in alpibus, hyeme sunt al-
bi, & æstate cinericei. Inferunt & Moschouitæ pelles
vrsarum albas in Liunioniam, quas ex frigidissimis se-
ptentrionalibus regionibus, maximè ex Dwina pro-
uincia Oceano glaciali adherenti acquirunt. Reli-

*Religio Li-
uonum.*

giosissima gens Liuonica post susceptā Christianam fidem, Romanæ ecclesiæ ritum ardentem obseruans erat: Domini etiam ordinis Teutonici, & ipse magister, priusquam ad Lutheranismum desciscerent, religiosa pietate diligenter, ordinis regulas, in moribusq; & habitu cultum decentem obseruabant. Diuorum delubra, pietate & pulcritudine decorabant, quæ hodie à Lituanis penè demolita & desolata videntur, ditionemq; suam ab omni incurfu Barbarorū strenuè, summa cū laude vindicabant, omnia denique illis ex voto, (benignitate diuina propter religionis antiquæ obseruantia prosperante,) cedebant: & Moschum barbarum potentem hostem, à finibus suis sepius summa cum victoria propulsabāt, prout ex his duobus præclaris & victoriosissimis certaminibus, (quos mihi explanare Lectori haud ingratum visum est,) apparebit.

*Moschus
Nenhuis in
Liuania op-
pugnat.*

Anno quo lux diuina, humana in specie cælitus mūdo affulsit, 1381. magnus Moschouix dux Lioueniensium castrum Nenhuis, in prouincia Derptensi acerrimè oppugnabat, cui oppugnationi ipse sua persona, cum trecentis millibus armatorum intererat. Demum post diutinam, & acrem obsidionē, crebrasque irruptiones, mœnia & propugnacula diruta, labefacere inceperant: obsessi etiam defatigati, & viribus exhausti ac destituti, diuinæ propugnationi & tutelæ humiliter sese submitunt, ipse etiā præfectus arcis nocte Veneris diem antecedente, insomnis ante aram quandam prostratus, flagranticorde orabat, vt Deus in tam deplorato rerum statu, sibi suisque auxiliari dignaretur, felicemque grauis obsidionis liberationē elargiretur. Sole igitur tenebras noctis

noctis discutiente cū Moschouix certam iam ar-
cis expugnationem sibi promitterent. Præfectus ille
è precibus exurgit, arcuq; arrepto, telum cum cuspi-
de præacuta, è fenestra propugnaculi in medium ex-
ercitum Moschouiticum iaculatur, & aspirante co-
natibus Deo, ipsius magni principis cor lethaliter
transfigit: concurrunt trepidi Moschouix, domi-
numq; exanimatum leuant, & cum magno ululatu
deplorantes funestissimum casum domini sui, reli-
ctis castris, & arrepto cadauere, in Moschouiam fuga
sibi consulentes, pergunt: Liuones ex arce sese pro-
pientes, hostes fugientes persequuntur, per agrosq;
siluas, & pagos, pallantes asssecutos trucidant, obruūt,
telisq; transfigunt, & videntes mirabili memorabili-
que modo numinis auspicio se liberatos, arcum ad
perpetuam rei memoriam, Deo dicatum, in Basilica
arcis ad altare appendunt, solebatque in eo templo
cultus diuinus, magna pietate & deuotione peragi,
sed postea anno Domini 1551. Lutheranis dogma-
tibus assumptis, nullum pristinae pietatis vestigium
conspiciebatur, arcus tamen prædictus immotus ad
altare pendebat, donec tandem anno Domini 1558.
Ioannes Basiliades modernus dux Moschouix eam-
dem arce potitus, religionem quoque Lutheranam
immutauit.

Aliud celebre, & perpetua memoria dignum præ-
lium Liuones contra Moschouix ducem gesserunt,
anno 1500. sub ordinis Teutonici magistro, domi-
no Woltero à Plerenburg, qui cum Moschis enim
statuisset, publica ieiunia & solennes lætanas secun-
dum morem ecclesiæ Romanæ instituit, nondum
enim eos Lutherana doctrina à Catholicismo trans-

*Insignis vici-
taria Mo-
schorū ducis
occiso.*

*Wolter Ple-
renburg ma-
gister Liua-
nia.*

Liouones Moschouitā inmadunt.

Conflictus Moschorum cum Teutonicis acerrimus. Moschouitarū ceterum millia, Teutonicorum duntaxat & minus occubuit.

uerfosegerat, mensēq; Septembri paulò post natiuitatem Mariæ virginis, exercitum ordinat. Rigenfis quoq; archiepiscopus mille Germanos equites adducit, Torpatensis episcopus quingentos, Reualensis & Habselensis itidem quingētos simul, ita vt magister Liuonicus septem haberet, Germanorum equitum millia, & quinque millia Curionum pedestrium (qui populi sunt Liuania, in regione quæ Curlandia dicitur.) Hoc cum exercitu magister Russiam finitimam Moschouitā ducis inuadit; arcēque & oppida quædam expugnat, inde ipso exaltationis sanctæ crucis die, ad urbem Pscouiam exercitum ducit, iuxta hanc sita est planicies, duorum milliarium latitudine patens, in quam cum deuenerunt, obuiam illis procedit Moschouiticus exercitus, centum millia armatorū (in duodecim acies distributus) continens. His adiunctæ erant Tartarorum copiæ barbarie feroces, triginta millia conficientes. Itaque Teutonicus magister, ubi aut turpiter fugiendum, aut ingentium animo, aduersus tantum exercitum, barbarie & armis formidabilem procedendum videt, nihil de victoriæ spe remittens, aleam belli tentare constituit, & animis suorum confirmatis, classicum canere iussit, Moschouitæ quoq; ex aduerso signa tollere, patrioque more tubas inflare & timpanulas, (quas paruas singuli prefectorum habere solēt) pulsare cœperunt: magister Teutonicus globos tormētarios seloppetariosque, velut crebra, continuæque tonitrua in Tartaros cōtorquet. Tandē maximo clamore, strepitu, armorūq; corruscatione, vtrinque currunt, Tartari & Moschouitæ arcubus, & sagittis assueti, densissimo creberrimoq; telorū iactu, æthera obum-

obumbrant, quæ tamen emissâ aërem irrita, verberabant. Tartari ubi prælio, à Teutonicis fusi fugatiq; fuere, duodecim Moschorum acies, centum millia conficientes, viribus animisq; recentes succedunt. Teutones casis Tartaris, ubi bellum recrudescente sentiunt, quanto maiorem hostium vim prioribus, succedere vident, tanto maioribus animis in hostes irruere, & velut ab integro noua virtute resumpta, ingenti cū fremitu casum, punctimq; vergente iam ad vesperam die, configunt. Ex Moschouitis qui supererant, fuga sibi consulentes in Pscouiam se recipiunt; prælio itaque dirempto, compertum est ex Teutonicis, vnum duntaxat desideratum, compluresque, sed non lethaliter vulneratos, Moschouitarum verò & Tartarorum, circiter centena millia trucidata, ita vt duobus milliaribus, cadavera passim prostrata iacerent, triginta verò millia fuga elapsi sunt. Memorabilis sanè triumphus, & sempiterna memoria dignum, singularis virtutis & fortitudinis exemplum. Hac igitur clade suorum Moschorum dux Basilius Iohannes, audiens, cum summo stupore admiratus, tantum exercitum, tam exigua, turpiter casum, & prostratum, ad quinquaginta annos cum Teutonicis inducias confestim firmavit, Ruthenique, & Moschouitæ, ab eo tempore, Teutonicos ferreos viros appellabant.

Ex his igitur felicissimis, & victoriosissimis duobus, Liouonorum cum Moschouitis prælijs, (quamuis multa varij euentus prælia, inter eos vtrinque eueniebant) apparet, quod Liouonienfes, ordoq; Teutonicus, priusquam à Catholicismo deficerent, manu diuina, contra quosuis incurfus hostium pro-

Moschus perit factus à Liouonibus. Liouones ferret vocati à Moschis.

quasi huius
 pugnantur, omnibusque rebus ex terra nascentibus, & ceteris fortunis, copiose affluiebant. Vbi verò Lutherana dogmata amplecti anno Domini 1527. cœperunt, pietatem & religionem amittam, cū omnibus virtutibus vnā excusserunt. Postea varijs & diuersis plagis, omnes passim grauissimè afflicti sunt, adeo vt vniuersa elemēta in vindictā eorum conspirasse viderentur. Terra enim regionis quæ omnium frugū & fructuū leguminumq; feracissima erat, victum (nihil proferens) illis denegabat. Aqua etiam lacusq; olim piscosi nullos pisces dabant, Aer quōdam saluberrimus hominum salutē à Deo concessus, in venenum & contagium conuersus erat. Igne etiam & ferro Moschouitæ vniuersam Dertensem prouinciam, crudeliter vastabāt. Sed Teutonici fratres nobiles, & ciues, huius afflictionis culpam, & numinis offensam, Catholicis imputabant.

DE INTESTINO ET CIVILI LINONENSIVM BELLO, & CAUSSA EXPEDITIONIS REGIS POLONIAE, CONTRA MAGISTRUM LINONENSEM.

Magister Liouoniæ, cum omnibus Teutonici ordinis fratribus & equestri ordine, post Lutheranismum susceptum archiepiscopo Rigeni collegæ suo, ob non susceptum dogma Lutheri aduersabatur. Hic autem archiepiscopus ex illustri prosapia, Marchionum Brandemburgensium genus ducebat, frater Alberti Marchionis Brandemburgensis, olim magistri Teutonici ordinis, & postea ducis in Prussia, neposq; regis Poloniae.

Ma-

Magister itaq; comitijs generalibus celebratis, conclusit & constituit archiepiscopum bello appetendum esse, in quod totus ordo & nobiles cum omnium suffragijs consenserunt. Episcopus quoque Torpatensis Hermanus, vt erat inconstantis animi, facile ad oppugnandum archiepiscopum indutus est. Reualiensis etiam & Habselensis episcopi, magistrum meruentes, facile in castra eius concesserunt, & ita vniuersa Liouonia in Rigensem archiepiscopum, hostiliter cōspirauit. Anno itaq; 1557. pauld post natalem diui Ioannis Baptista, ordinis Teutonici magister, Wilhelmus Furstemberg, exercitum cum commēdatoribus cōscribit, tres quoq; episcopi prædicti, copias suas eidem coniungunt. Sicq; instructissimo exercitu, & magno cum apparatu, Rigensem prouinciam hostiliter inuadunt. Archiepiscopus Rigenensis tametsi defensionem meditaretur, & magnam nobilium partem sibi adiunctam haberet, infirmior tamen erat, & viribus impar, vt tanti exercitus vim sustinere & propulsare neutiquam posset. In arcem itaq; Cokenhusen natura loci munissimam, in edita rupe cōstructam, cum suis profugit. Magister verò eum cum vniuerso exercitu ibidem, graui obsidione oppugnabat, tormentis machinisque bellicis muros fatigans. Sed neque tormentorum crebra tonitrua, neq; validos hostium impetus muros labefacere poterant, sola fames & inedia obsessos ad deditionem compulit, octauo itaq; obsidionis die portis adaperitis archiepiscopo iubente, hostibus sese dederunt. Ordinis Teutonici magister archiepiscopum, nō vt vnius prouinciæ & vrbis Rigenis consortem, non vt claræ

prospiciæ Brandenburgensium Marchionum principem, non ut præfulem & primatem, sed veluti barbarum hostem tractat, contumelijs & probris ludificatur, omnibusque oppidis, arcibus & pagis multatum, carceri mancipauit, totoque anno vinctum detinuit.

Rex Polonię Sigismundus Augustus, ubi id ordinis marschalco, (quem magister bonis omnibus spoliatum, eò quòd bellum contra archiepiscopum suscipiendum dissuadebat expulerat) rescisisset, tanti principis nepotis suis, seruilem captiuitatem agere tulit, rei que indignitate commotus, episcopum quendam in Liouoniam ad magistrum ordinis, hac in causa destinauit. Qui cum multis rationibus, deliberando archiepiscopo nomine regis, coram magistro ageret, magister neque exarcerandi archiepiscopi, nec componendorum dissidiorum spem præbuit. Itaque legatus re infecta ad regem reuertitur. Rex Polonię, ut operam suam irritam cognouit, ordinis magistro, omnibusque eius auxiliarijs, bellum denunciat, quo nuncio accepto, confestim magister ingentem thesaurum, in Germaniam ad exercitum ibidem conscribendum, mittit, adductaque sunt aliquot millia equitum, & sex vexilla peditum Germanorum in Liouoniam. Rex Polonię haud diu moram trahens, infestis signis in Liouoniam contendit, equitum simul & peditum armatorum virorumque electissimorum, centena millia, cum tormentis, amplissimaque bellica suppellectili procedit, ordinis magister vniuersos quos habebat præfectos & commendatores regi opponit, episcopi quoque tres, Derptensis, Reualientis, & Habselentis, copias suas

Legatus regis Polonię in Liouoniā.

Causa belli Liouonici. Rex Polonię armata manu in Liouoniam cōuenit.

suas eidem coniungunt. Itaque ordinis magister tunc temporis habebat Germanorum equitum septem millia & sex peditum vexilla, bene armati. Præterea enim agrestium aliquot millia Liouonorum, sed magister Polonorum validissima lectissimaque manu inspecta, victorię spem prorsus abiecit, legatumque ad regem qui præsens in armis erat otius destinavit, prælium deprecando, & pacem humillimè efflagitando. Rex clementer & benignè respondit, nisi viduas, pupillos, orphanos, & inopes, innocentesque colonos miseretur, nullo pacto pacem secum magistro initurum, sed ut magister ordinis agnoscat, (inquit) me sanguinis aut belli sitientem non esse, ipse si pacem expetit, huc ad nos intra octodecim horarum spacium accedat, principemque & archiepiscopum Rigensem vnà adducat, dein pacis & concordie rationem inibimus. Teutonicus magister hoc responso accepto, confestim archiepiscopum qui non longè aberat, custodia liberari, & è vinculis educi iubet: ambo itaque trecenti equitibus inermibus stipati, ad regem veniunt. Ibi cum vltro citroque de pace ageretur, tandem concluditur, ut magister ordinis archiepiscopum in pristinum statum restitueret, omneque damnum & detrimentum eidem illatum resarciret. Præterea regi Polonię stipendia in milites erogata persolueret. Graues hæ erant ordini Teutonico pacis conditiones, attamen magister metu grauioris periculi urgente consensit, & secundum pacta omnia præstitit. Postea archiepiscopo prædicto, è viuis decedente, rex omnes arces ciuitatesque, pagos, & curias, ad archiepiscopatum pertinentes, iure propinquitatis

Magister Liouonici peditum vexilla.

Pax sub ead. conditionibus magistro Liouonia conceditur.

in Liuania occupauit. Magistro quoq; prædicto, & Moschouitis in arce Felin per prodicionem militum suorum capto, & in Moschouia in vinculis mortuo, tota Liuania cum suis prouincijs in ius regis Poloniae cessit. Atq; hic vltimus Magister ordinis, Wilhelmus Furstenberg, magisterium Teutonicorumq; fratrum Crucigerorum in Liuania, ordinem terminauit, absoluit, finemq; extremum imposuit.

TABVLA ET SVMMA
ARCIVM CASTRORVMQVE
LIVONIAE CIVIS DOMINIO SIN-
*gula subsint, exceptis curijs, prædijs,
& praefecturis.*

1. Dunamunt.	18. Kokenhaus.
2. Blokhaus.	19. Zelborg.
3. Riga.	20. Kreczborg.
4. Karxhaus.	21. Dunenborg.
5. Helmet.	22. Rodenpeus.
6. Rugen.	23. Nita W.
7. Parnaua.	24. Seluegen.
8. Ermes.	25. Georgenborg.
9. Burtnich.	26. LeWborg.
10. Wolmer.	27. Sossiten.
11. Aries.	28. Ludsen.
12. Segenuol.	29. Luden.
13. Neuenhul.	30. Landon.
14. Kirholm.	31. Schanczborg.
15. Vxul.	32. Filac vel Ma-
16. Lenuard.	ienhausen.
17. Ascherad.	33. Rodenpeus.
	34. Ser-

Regis Polo-
niae arces in
Liuania &
ciuitates.

34. Serben.	43. Salis.
35. Konnenburg.	44. Nochröfen.
36. Smiltē.	45. Rossenbek.
37. Lemzel.	46. Maian.
38. Treiden.	47. Pierkiel.
39. Cremon.	48. Roppe.
40. Sancel.	49. Nabbe.
41. Dalen.	50. Erle.
42. Wanfel.	51. Bersen.

Ducis Cur-
landiae feu-
dalis & vas-
salli regis
Poloniae ar-
ces.

1. Seleborg	9. Durbin.
2. Bassenburg.	10. Hrubrin.
3. Doblin.	11. Alsfangen.
4. Mitta W.	12. Winda.
5. Newburg.	13. Goldingen.
6. Frauenburg.	14. Sabel.
7. Schroden.	15. Canda W.
8. Hafenpot.	16. Tuczum.

Ducis Mo-
schouiae ca-
stra.

1. Derp.	14. Tarneet.
2. Falkena W.	15. Talckofen.
3. Werpech.	16. Fegfeor.
4. Kirempe.	17. Nerua.
5. Ollentorn.	18. Iwangorod.
6. Newhaus.	19. Newburg.
7. Odenpel.	20. Tolsburg.
8. Holsen.	21. Wessenberg.
9. Kanelicht.	22. Berchholm.
10. Raden.	23. Afs.
11. Lais.	24. Est.
12. Operpal.	25. Cunctal.
13. Felin.	

Regi Swe- ciæ ar- ces.	{	1. Reuel.	{	1. Arnstborg.
		2. Wittenstein. Magni		2. Sonemburg.
		3. Badis. fratris		3. Lode.
		4. Hapsel. regis		4. Pilsen.
		5. Leal. Dania		5. Edualen.
		6. Ficzel. arces.		6. Hasempot.
		7. Verder.		7. Angermude.
		8. Foelix.		8. Dendangen.
				9. Newdaus.
				10. Saniboten.

OMNIVM REGIONVM
MOSCHOVIÆ MONARCHÆ
SVBIECTARVM, TARTARORVMQVE

*campestrium, arcium, civitatum præcipua-
rum, morum denique gentis, religionis, &
consuetudinis vita, sufficiens, & ve-
ra descriptio.*

Adiuncta præterea gesta præcipua, tyrannisque
ingens moderni Monarchæ Moschouia, Ioannis
Basilidis, nuper perpetrata, vera fide descripta.

CAN-

CANDIDO LECTORI ALEXAN-
der Guagninus Veronensis, peditum in arce
Vitebska finitima Moschonia præ-
fectus. S. D.

Moschouiam terminosque eius quibus inter-
clusa sit, candide lector descripturus, primum
vnde nomen traxerit, operæ pretium mihi dicen-
dum esse censeo. Hæc autem est, quædam regio in
meditullio Russiæ, (vt dicitur) Albiæ, ad Septentrio-
nem, Orientemque porrecta, à qua ceteræ omnes
Russiæ circumiacentes regiones, (quamvis varijs &
diuersis nominibus appellatæ,) Moschouia nomen
sortiuntur, incolæque earundem vulgò Moschoui-
tæ appellantur, & ipse Monarcha Russiæ regionum
Moschouia, magnus Dux nuncupatur. Porro parua
& obscura initio gens Russorum fuerunt, Moscho-
uia, sed iam nunc accessione plurimorum principa-
tum Russiæ, partim successione iustis adiuncto-
rum, partim vi vel fraude subactorum, præterea fi-
nitimorum gentium, regionibus expugnatis, & oc-
cupatis, maxima incrementa cepit, adeo vt pro im-
perio amplissimo computari possit. Hic itaque, qua
potuimus diligentia, Moschouia imperium, cum
suis regionibus, (doctorem virorum cosmogra-
phorumque, & peregrinorum diuersorum lucu-
brationibus adhibitis, propriaque experientia, &
præsentia nostra magnam partem rerum assecuti,)
ducatibus, prouincijs, castris, oppidis, & vrbibus
præcipuis, fontibus, lacubus, fluminibusque, quibus
hæc regio vbiq; scatet, mores denique, religio-
nem, habitum, & vitæ consuetudinem, tituli que

ipsius principis quo gaudet, normam & rationem descripsimus. Gesta etiam præcipua, siue potius tyrannidem hisce temporibus, ab eodem principe, paruo temporis interuallo editam, & crudeliter perpetrata, bona fide subieciimus. Tartarorum præterea Campestrium, in Hordas, (vt dicitur) siue regiones quasdam, diuisorum sitam, mores, & viuendi modum exanimus. Tu interim Lector beneuole hanc nostram qualemunque operam, boni consule, nosque redama & vale.

ARMA MAGNI DVCIS MOSCHOVIÆ.

DE MOSCHOVIA REGIONE, VR-
beq; eiusdem nominis præcipua.

Caput I.

*Moschonia
denomina-
tio.
Moskwa
fluvius.*
MOSCHOVIA, *Moskwa* vulgò dicta, vrbs amplissima, caput & metropolis totius Rusiæ albæ, Magno Moschorum Duci subiectæ, vnâ cum regione, siue ducatu, à fluuiio gentili Moskwa, dicto, præterlabente, nomen sortita est. Hic autem fluuius in Twerensi regione, iuxta oppidum Oleſco dictum, fontes suos habet, indeque octuaginta, verst (quorum quinque in Polonico miliari clauduntur,) emensis, ad Moschouiam ciuitatem decurrit, qua præterlapsa receptis aliquot fluuijs Orientem versus fertur, in regioneq; Rezanensi, Occæ fluuiio commiscetur.

Ciui-

Ciuitas Moschouia Orientem versus, multum *Moschonia
ciuitas.* porrecta est, tota lignea, satisque ampla, quæ procul spectatibus amplior, quam re ipsa sit, apparet. Nam horti aræq; in qualibet domo, & plateæ spaciøsæ, magnâ ciuitati amplitudinem, dilatationemq; præbent. Insuper omnium opificum, igne vrentium, extra ciuitatem longo ordine, ædes protensæ amplas plateas, (inter quas sunt prata, & agri) habentes. Hocq; modo ciuitas ingens, & supra modum ampla videtur. Deniq; transfluuium, Basilii pater moderni principis, pro satellitibus suis, cæterisq; extraneis, Polonis videlicet, Germanis & Lituanis, (qui à natura Bacchum sequuntur) oppidum Neleſki dictum, quod cognomen ab infundendis poculis habet, extruxit. Illic verò omnibus extraneis militibus, & aduersis satellitibusque principis, inebriandi vario potus genere, facultas concessa est, quod Moschouitis graui sub pœna prohibetur. Exceptis aliis *Moschouitis
inebriari
prohibitum* quot diebus in anno, videlicet tempore natiuitatis, & resurrectionis Dominice, pro festo Pêtecostes, & in quibusdâ solennioribus festis diuorum, præcipue *Moschouitis
certa habet
temporaria
ebrianda.* verò Nicolai, quem diuino ferè cultu prosequuntur, & beata virginis Mariæ, Petri & Ioannis festis, interea verò velut vinculis emissi, Bacchum, & non festum illius diui (cuius diem tunc temporis celebrant) aduenisse gratulantur, & sacris nondum peractis, velut sues vario potus genere obruti, temulenti ebrijq; identidem vociferantes, seq; velut obsessi, mutuo cadentes, & contumelijs varijs afficientes vagantur. Si autem huic genti quotidie, inebriandi facultas concessa esset, sese mutuis cadibus funditus exterminarent. Ebrij etenim mentem, rationemque

velut bruta animalia, prorsus amittunt, & in se vicissim cultellis, pugionibus, & id genus fraudulentis telis, seuiunt. Sed ad rem redeo. Huius urbis predicta tam vasta magnitudo facit, ut nullo certo termino, muro fossa, propugnaculi (se muniri possit; platear tamen, quibusdam in locis, trabibus transversim positae obstruuntur; adhibitisque custodibus ad primam noctis faciem, ita obfirmantur, ut nemini aditus in eam pateat. Tamque ad modum lutosae & coenosa est, ut in plateis pontes passim, necessarii extructi sint, nunc tamen vallo de terra, ut audiri, circumducitur.

Arces muratae duae amplissimae, in simul civitatis formam referentes; quarum una Kitaigorod, altera Bolsigorod, gentiliter appellatur, quas ab una parte Moskwa fluvius, ab altera Neglinna, in qua molendina plurima sunt, praeterfluit: ecclesiarum duorum lapidear, & lignear, aedesque nobilium & magnarum, in ea frequentes sunt. Ultra Neglin, nam verò, in agro *Nerbat* dicto, ab arce ad sagittae iactu, modernus princeps Ioannes Basiliades, curiam amplissimam anno Domini 1565, extruxit, quae *Oprizna*, id est, seorsu habitatio dicitur, ubi ipse princeps cum satellitum suorum, virorum ex robustissimis delectorum, numerosa manu moratur, quos ille ad tutelam sui, perinde ut Turcalaniczaros fouet, viginti fere millia superant; ex hijs maior pars sclopetariorum, cum bombardis longioribus; reliqui cum frameis arcubusque & lanceis loriceis armati incedunt. Nuperque eos Modernus princeps adinuenit, pro explenda sua tyrannide, prout inferius in gestis illius patebit.

Cate-

Ceterum urbem ipsam Moskwam, cum utraque arce Tartari Praecopenles, funditus exusserunt, anno Domini 1571. mense Maio ipso die ascensionis Dominicae, ubi ingens & innumerabilis multitudo populi, in urbe & arce flamma fumoque suffocati, & combusta est, paucis fuga elapsis, & una duntaxat arx Kitaigorod vix defensa est; magnamque captiuitatem Tartari inde abduxerunt. Sed ad rem redeo.

Omnes merces, quaecunque ab extraneis in Moschouiam afferuntur, continuo apud telonij praefectos profiteri, ac indicare coguntur, quae hora constituta conspiciuntur, & aestimantur, aestimatas vero nemo nec emere, nec vendere audet, nisi prius fuerint magno Duci ostensa. Quò fit ut mercatores interdum diutius quam conuenit, cum suo damno detineantur. Quando verò ex Lituania in Moschouiam legati, à rege Poloniae proficiscuntur, cum omnes cuiuscunque nationis mercatores, in legatorum fidem, & clientelam suscepti, in Moschouiam sine telonij sive possunt, & victum sufficientem, ex thesauro magni Moschouiae Ducis habent. Haec autem praecipuae sunt merces, quae ex Lituania, Russia, & Polonia, & à ceterarum regionum mercatoribus in Moschouiam importantur, pannum omnis generis, atque coloris; item sericum, vestesque sericeae, & auro siue argento intertextas, lapides pretiosi, aurum filatum, gemmae, & id genus alia metalla pretiosa. Insuper, piper, crocus, zingiber & cetera. Interdumque viles quaedam res suo tempore illuc important, ex quibus aliquando lucrum afferunt. Saepè etiam euenit ut rei alicuius desiderio, o-

*Moschouia
à Tartaris
exusta.*

*Mercatores, modusque
mercandi
in Moschouia.*

*Merce, quae
in Moschouiam
importatur.*

omnes Moschouitæ teneantur, quam qui mercatorum primus attulerit, plus iusto in ea lucratur. Deinde cum plures mercatores earundem rerum, magnam copiam aduexerint, tanta nonnunquam vilitas earum cōsequitur, ut is qui res suas primò magno vendiderat, eadem rursus vilescēte pretio redimat, magnòq; suo commodo in patriam reducat. Merces verò quæ inde asportantur sunt pelles variorum animalium diuersæ, cera quoque & id genus mercimoniorum. In Tartariam autem selle equorum, frena, vestes, corrigia, arma autem & ferrum non nisi furtim apportantur, cultello tamen, secures, acus, specula, marfupia, & id genus alia ducere licitum est. Hac autem gens Moschouitica, circa mercimonia fallacissimè versatur, præcipuè verò cum extraneis; nam dum aliquid vendunt, rem minoris constantem dimidio pretio (quod & Lituanis nunc peculiare est) in fraudem emptoris auctam æstimant, & quamprimum iurare incipiunt, aut obtestari, scias ilico dolum ibi latere, animo enim fallendi ac decipiendi iurant. Sed externi quoq; in rerum permutatione, hoc maxime obseruant, ut dum Moschi pelles alioqui vili pretio cōstantes, plurimi æstimant; illi vicissim illorum exemplo merces suas parui cōstantes, carius indicant, sicq; ars deluditur arte. Pellium magna est apud eos diuersitas; Zebellinorum enim nigredo, longitudo & densitas pilorum, maturitatem significat. Hæq; pretium augent. In Vstingensi, aut & DiWnenli, Petzoræq; provincijs, præstantiores reperiuntur. Madauricæ pelles, ex diuersis partibus afferuntur. Ex Swetia verò regno optimæ aduehuntur; circa Moschouiam verò maior est eorum

eorum copia. Hermellinorum etiam pellicula, ex pluribus pariter locis inuersa, in fasciculis afferuntur; habentq; signa quædam circa caput & caudam, ex quibus cognoscuntur, an congruo, vel incōgruo tempore sint capta. Castorum quoque, & vulpium nigrarum pelles, in magno pretio sunt.

Prouincia ipsa Moschouitica, nec lata nimis nec fertilis est, cuius fertilitati ager ubiq; arenosus plurimū obest. Accidit ad hæc immoderata asperaq; nimis, aëris intemperies, nam ob hyemis rigorem, sa- ta ad maturitatem peruenire non possunt, etenim tam intensa ibi nonnunquam sunt frigora, ut quemadmodum apud nos æstatis tempore, præ nimio solis ardore, sic ibi præ frigore asperrimo, terra in hiatum disrumpatur. Insuper etiam aqua in aërem effusa, sputumq; ex ore proiectum, antequam terram attingat cōgelatur; rami etiam fructiferarū arborum rigore hyemis, aliquando prorsus pereunt. Homines quoq; gelu cōcreti, mortui sub dio, in vehiculis frequenter reperiuntur: quin & vrsi etiam syluestres, fame stimulatī, relictis syluis per vicinas villas passim discurrent, & in domos colonorum irruunt, quorum impetum atq; vim cum rustica turba fugit, frigore aspero foris miserè perit. Atq; tanto nimio frigori, æstus quoq; torridus quādoq; respōdet, ut aliquando stagna & flumina cōstu, nimioq; ardore solis, prorsus exsiccantur. Prata quoq; & cætera frumenta veluti flamma aliquando exuruntur. Hic autem nimius æstus solis, per septem dies tantum, non plus durare solet. Hæc prouincia mellis feriæq; caret, leporibus tantum exceptis, quibus supra modū abundat. Frumento oleisq; communibus affluit,

Moschouia
ipsa sterilis
& frigida.

//

//

cerasa in tota regione nunquam reperiuntur, aliarum arborum quamuis fructus habeant, verum insuaves. Huius regionis calum adeo salubre est, ut ibi ultra Tanais fontes, praesertim Septentrionem, ac etiam Orientem, magna ex parte versus, nulla pestis unquam sauerit; habent tamen interdum, intestinorum, & capitis omniumque membrorum morbum quandam, pesti haud dissimilem, quem nos febrim calidam siue acutam appellamus; eorum vero idiomate hic morbus, *Ognyo Wa*, quasi ignitus dicitur, quod homines velut ignis calefaciat, ut quemadmodum vicina domo igne ardente, & alia domus sibi adhaerens, eodem igne inflammatur: sic quoque hoc morbo infecti velut peste, ceteros nisi caueantur inficiunt, hoc morbo qui corripuntur pauci sani euadunt. Haec gens Moschouitica, ceteris omnibus Ruthenis, astutior, & fallacior est. Si autem cum externis aliquando commercia habent, tunc se non Moschouitas quod maiorem fidem obtineant, sed aduenas, id est, Nouogardenses, vel Pleskouienfes esse simulant.

Moneta in toto Moschorum ducis imperio, est quadruplex, Moschouitica, Nouogardensis, Twerensis, & Pleskouienfis. Moschouiticus nummus non rotundus est, sed oblongus & ouali quodam modo formae similis, idiomate eorum *Dzienga* dicitur. Duplisci autem modo cudiuntur; primus in vna parte hominis nudi equo insidentis, & draconem hasta feriētis, imaginem habet, in altera vero parte nomen magni Ducis exprimitur. Secundus ex utraque parte literis, nomen magni Ducis & titulum exprimentibus insignitur. Horum autem sexaginta, unum ducatū siue aureum Vngaricalem valent. Nouogrodensis num-

*Moschouia
pestilentia
expers.*

Moneta Moschouitica.

mus in vna parte principis, in folio sedentis imaginē, *Moneta Nouogrodensis.* altera parte scriptura insignitur, vocaturque *Nęwo-sium.* grodka, & Moschouiticum nummum valore in duplo superat. Twerensis nummus utrinque scripturam habet, valore Moschouiticum refert. Pskouienfis in vna parte caput bouis coronatum, in altera vero scripturam habet. Est quoque in Moschouia cuprea siue area moneta, quae propter pauperes tantum cuditur, & *Pula* vulgò vocatur, horum 40. *dengam Pula.* Moschouiticam efficiunt. Omnis autem moneta Moschouitica, ex puro & bono argento cuditur, & omnes ferè aurifabri in Moschouia, Nouogradia, Tweria, & Pskouia nummos cudiunt, & quicumque affert massas argenteas, puras, nummos ab aurifabro transmutare volens, tum nummi & argentum appenduntur, atque aqua lance librantur: mercedem autem laboris exignam aurifabri reportant. Porro in omni imperio Moschi, aurum & argentum nusquam reperitur, nisi adductitio, & importatio, omnes earum regionum incolae, & ipse princeps vtuntur. Quae de re Magnus Dux, aurum & argentum, graui sub poena, ex suis regionibus efferre prohibet, atque ideo permutationem rerum facere, & alia, ut pelles, quibus abundant, aut quid aliud eiusmodi pro alijs rebus dare iubet, quo argentum & aurum in suis regionibus obtineat, atque ideo hunc principem auri & argenti ditissimum esse dicunt. Vix autem ceterum anni elapsi sunt, cum Moschouitica moneta argentea, praesertim apud illos cusa vtuntur. Primum etenim cum argentum ab externis ad eos importari coeptum est, tum fundebantur portiunculae oblongae argen-

*Moneta
Twerensis.
Pskouienfis
moneta.*

*Argenti &
auri Moscho-
uia sterilis.*

Argenti Moschouitici dimes.

tear sine imagine & scriptura, valoris vnus Rubli; Rubla autem Dengas Moschouiticas 100. totidemque grossos Polonicales habet. Ante vsum verò monetæ aspreolorum aliorumque animalium pellibus utebantur, ijsque vitæ necessaria ceu pecunia comparabantur.

Monetam quoque auream Moschorum princeps non cudir, sed Hungaricis aureis & Rhenanis aduētitijs abundat.

Moschouia quæ est caput & metropolis cæterarum regionum & ciuitatum Moschouicæ Duci subiectarum, loco principali descripta, reliquis prouincijs & ciuitates præcipuas, in Moschi imperio sitas, describere contendemus, ordine primùm Orientem versus seruatò, tandem ad Meridiem, & Occidentem, atque Septentrionem procedendo in Orientem æquinoctialem deueniemus.

DUCATVS VOLODI-

miria.

Volodimiria ciuitas magna, cum suo ducatu, cuius titulum princeps Moschouicæ sibi vendicat, primùm occurrit, quæ castrum ligneum Polonicis à Moschouia, Orientem versus. Huius prouinciæ ager adedò fertilis est, vt ex vno tritici modio, sæpe 20. modij, interdum 25. proueniant. Hæc Volodimiria à tempore Volodimiri, Monarchæ totius Russiæ, qui eam condidit, & à nomine suo appellauit, totius Russiæ metropolis erat, ad Ioannem vsque Danielis filium, magnum Moschouicæ ducem, qui inde sedem in Moschouiam transtulit.

DUCA-

diæ inferioris.

Volodimiria in Orientem vltèrius procedendo, Novogrodia inferioris ducatus occurrit, qui Volodimiricæ fertilitate, rerumque copia ex altera nascentium æquatur. In hoc ducatu est ciuitas ampla & lignea, Novogradia inferior dicta, à qua & regio ipsa nomen accepit. Sita autem est ad Volgæ & Occæ fluiuiorum celeberrimorum confluxum: Castrum quoque huic ciuitati adhaeret, quod Basilus dux Moschouicæ ex lapide in scopulo construxit, distat verò Novogrodia inferior à Moschouia 100. miliaribus Polonicis.

Hæc autem ciuitas terminū religionis Christianæ facit. Nam licet princeps Moschouicæ vltra Novogrodiam hanc, castrum quod Sura à fluuiio eiusdè nominis appellatur, habeat, tamen intermixtæ sunt gentes quæ Caremiffi appellantur. Hi autem non Christiani sed Mahometi dogma amplectuntur. Sunt ibi quoque alia gentes, Mordvæ dictæ, Ceremissis intermixtæ. Huius ducatus Novogrodia inferioris princeps Moschouicæ titulo vitur.

*Terminus
religionis
Christianæ.*

*Caremiffi. Infra pag.
Mahometæ 210.
Mordvæ
populi.*

DUCATVS RHEZANENSIS.

Novogrodia inferioris ducatu, ad Occidentem nonnihil reflectendo, Rhezam prouincia inter Occam & Tanaim fluuios sita est. Hic Principatus cæteris omnibus Moschouicæ prouincijs, fertilior est, in quo singula grana frumenti binas pluresve spicas proferre solent, quarum culmi tam dense accrescunt, vt nec equi facillè transire, nec coturnices inde euolare possint, mellis, piscium, auium, fera-

m ij

rumque ibi magna copia, ac arborum fructus, longè Moschouia fructibus nobiliores. Gens audacissima bellicosissimaque.

Occa flui-
us. Ciuitas lignea in hac prouincia eiusdem nominis, ad ripam Occa fluij sita est, & non procul ab hac ciuitate Occa fluius insulam facit, quæ Strup dicitur, magnus Ducatus olim circa hanc insulam erat, cuius princeps nemini obtemperabat, sed nunc hic ducatus funditus extinctus est. Hic etiam ducatus Rhezanensis titulum magni Moschouia Ducis auget.

Rhezan ci-
uitas. *Corfira.* CORSIRA in ripa Occa fluminis, oppidum ligneum à Rhezan 28. miliarib. distans, habebat olim dominum sui iuris, sed nunc in ditionem magni Moschouia Ducis redactum est.

Tulla arx
& fluius. TULLA oppidum ligneum, 40. ferè miliaribus Polonicis à Rheza distat, à Moschouia verò in Meridiem 36. estque hoc vltimum oppidum ad Campestria deserta, in quo Basilius Ioannis, castrum ex lapide construxit, quod fluius eiusdem nominis præterlabitur. Vppa verò alius fluius ab Ortu castrum aluit, Tullaque fluuiio iunctus Occa, supra Vorotin 20. ferè miliaribus commiscetur. Hoc autem oppidum Tulla cum suo territorio ad Basilij vsque tempora, patris moderni ducis Moschouia, Ioannis Basiladis proprium principem hæreditarium habebat.

Vppa flui-
us. *Tulla olim*
ducatus. O B O I O W castrum ad Tulla & Vppa fluiorum ostia, vbi in Occam exonerantur, situm est. Tandem à castro prædicto, nonnihil in Meridiem reflectendo Msczenek locus palustrosus est, in quo olim arx eiusdem nominis (cuius etiam nunc ruine apparent) condita erat. Circa hanc arcem quidam homines in tuguriolis habitant, qui à Tartaris infestati, in

Msczenek
olim arx.

illam aream palustrosam quasi ad asylum confugere solent. Distat autem Msczenek à Moschouia 60. miliaribus Polonicis, à fontibus verò Occa fluij, ad partem sinistram reflectendo 18. miliaribus. Hæcque oppida Occa fluius præterlabitur: Vorotiniâ, Collugam, Cerpachum, Corfiram, Columnam, Rhezaniam, Cazigorodiam, Muriniamque. Et inde cursu ad Septentrionem nonnihil reflexo, infra Nouogrodiam inferiorem in Volgam exoneratur. Syluis vtrinq; ripæ huius fluminis clauduntur, quæ aspreolis, hermelis, castoribusque & melle plurimum abundat.

Campi etiam omnes quos præterfluit irrigatione eius, fertilissimi sunt. Piscium copiam qui cæteris fluminibus Moschouia præferuntur, habet. Oriuntur quoque ex huius Occa fontibus alij duo fluij, Sem videlicet & Sosna; Semque recta in Meridiem, & Sem & Sosna tandem in Orientem cursum dirigens, Sem uerenssem ducatum præterfluit; oppidumque Potiuolo alluens in Disnam fluuium illabitur, iuxta Czer-nigow oppidum. Desna autem infra Kijouiam in Borysthenem exoneratur. Porro Sosna cursu in Orientem directo per Campestria Tartarorum in Tainaim fluuium defertur.

Ciuitates
ad Occam
condita. COLUGA oppidum, & castrum ligneum, ad Occam fluuium 36. miliaribus Polonicis à Moschouia abest, ibi quotannis præsidia contra incursiones Tartarorum statuere solet magnus Dux Moschouia.

VOROTINENSIS DVCATVS.

DVcatus Vorotinensis, tribus à Colluga mil. cum ciuitate & castro eiusdem nominis ad Occam fluuium sito, distat.

fontibus.

Fontes Tanais Moscho-
nensis Don.Schad flu-
uius.Tanais o-
stia.
Azoph ci-
uitas.Tanais mi-
nor.

Tanais fluitij fontes (qui Europam ab Asia deter-
minat) quidam sub Riphæis montibus falsa opi-
nione ducti ponebant. Hic autem in Rhezaniam Rus-
sica regione magno Moschouia duci subiecta, ori-
tur ex lacu quodam Iwanowo leziore gentili lingua
dicto, qui in latitudinem ad 500. Werst secundum
distantias Moschouiticas, quæ 100. milliaria Poloni-
ca efficiunt, extenditur. Ex hoc autem lacu alius flu-
uius magnus, minor tamen Tanai emergit, Schad di-
ctus, qui in Occidentem cursu directo, Huppaque
fluuiio hausto, Occam influit. Tanais autem quam
Moschi Don appellant, ex eodem lacu ortus, recta in
Orientem fluit, atque inter Cazan & Astrahan Tar-
tarorum regna (quæ Moschorum dux, anno Domini
1554. suæ ditioni subegit) sex vel septem milliariis
à Volga fluuiio, cursu nonnihil Septentrionem ver-
sus incuruato, labitur; demum in Meridiem cursu si-
nuoso reflectens, in paludes Maotidis exoneratur,
ad cuius ostia Azoph ciuitas Turcis tributaria sita est.
Azoph autem quinque dierum nauigatione ab isth-
mo Taurica, quæ nunc Præcop vocatur, distat. In ea
multarum ex diuersis partibus orbis gentium, cele-
berrimum est emporium. In his autem partibus præ-
cipuè circa paludes Maotidis, non milliaria, sed die-
rum itinera obseruantur.

Est etiam alter Tanais minor, qui in Seueriensis
ducatu fontes suos habet, (vnde Dunecz Seuerski
vocatur) & supra Azoph, in Tanaim magnum, exo-
neratur. Circa ostia autem huius minoris Tanais,
quatuor diebus ab Azoph ciuitate, in montibus quos
sanctos

sanctos appellant, dicunt statuas imaginesque quas-
dam antiquitatis signa, extare.

Columnas etiam Alexandri Magni Macedonum regis, in his partibus quidam posuere. At nunc nullum
vestigium earum apparere, illi qui ea loca sapius per-
agrarunt, perhibent, atque ideo nihil certi de ruinis
& situ earum assequi datur.

Hæcigitur de Tanais fluuiio breuiter dicta suffici-
ant. Nunc rursus ad describendas ceteras Moscho-
rum ducis provincias pergam, atque à Moschouia Me-
ridiem versus, dextrorsum procedendo, Seuerien-
sem ducatum attingam.

DE MAGNO SEVE-

riensi ducatu.

Seueriensis ducatus est ingens, & rebus omnibus
affluens, cuius latitudo à Borysthene usque; ad Mice-
nek castrum directum, supradictum extenditur, vastosque
& desertos passim campos possidet. Primò duces Se-
uerienses sui iuris erant, sed postea magnis Lituaniae
Ducibus permultos annos parebant. Tandem quoque,
(cum magnus Duceatus Iagielone baptizato ad Polo-
nos peruenit) regibus Poloniae tributa persoluebant.
Deinde à Casimiro rege Polo. magnoque; Duce Litua-
niae, Iagielonis filio, ad Ioannem, magnum Moscho-
uia ducem, defecerunt. Sedes autem huius principa-
tus in Nouogrodek sita erat. Sed tandem hi principes
(pro ut alijs multis Moschouia duci subiectis contigit)
perfidia innocentem accusati, à Basilio patre moder-
ni principis Ioannis Basiliadis, principatu exuti sunt.
Hi autem Seuerienses principes, genus suum à De-
metrio magno duce Moschouia, duxerunt.

Arces & ciuitates in hoc ducatu complures sunt, inter quas Nouogrod, Sienuerski dictus, Starodub, Potiuolu, Czernigo W, & Bransko, celebriores. Sylua hermelis, aspreolis, melleque plurimum redundant, agros quoque hæc regio fertilissimos habet.

NOVOGROD Sie Wierski dictus, ciuitas & arx lignea, in qua olim sedes ducum Seueriensium erat, distat à Potiuolu & Starodub ciuitatibus, ab vna 18. ab altera 14. milliaribus, ad hanc ciuitatem, à Moschouia dextrorsum Meridiem versus per Colugam, Vorotiniam, Serensko, & Bransko 150. milliaribus peruenitur.

CZERNIGOW arx & oppidum 30. milliaribus à Kiouia distat.

POTIVOLVM arx & ciuitas lignea, à Moschouia 140. milliaribus Polonicis, à Kiouia verò 60. distat. Hæc vltra syluam magnam, quæ 24. milliaribus in latitudinem protenditur, sita est. Huius ducatus titulo Magnus Dux Moscho. vtitur, & Seueriensem se imperatorem appellat.

DVCATVS SMOLEN-

scensis.

*Borysthenes
fluvius.*

SMOLENSKO ciuitas ingens, & insignis, ad Borysthenem fluvium sita, arcem ex roboribus edificatam in vltiori fluminis ripa habet, in qua plurima ædificia lignea in formam ciuitatis extructa sunt. Hanc ex vna parte Borysthenes fluvius alluit, ex altera verò fossis profundis, stipitibusque acutis munitur; in medio autem arcis templum diuæ Virginis, in scopulo conditum est. Hanc ciuitatem & arcem Basilius magnus Moschouia dux, sæpius & grauissimè oppugnabat,

bat, nunquam tamen vi eam capere potuit, donec Michael Glinski, ex principum Russiæ nobili stemmate & familia ortus, qui quondam summam rerum, apud Alexandrum regem Polonia, in magno ducatu tenebat, ad prædictum Basilium (seditione in Lituania excitata, regnante Sigismundo rege Polonia) profugit, & arcem Smolensko denuo cum ingentibus Moschorum copijs, acerrimè obsedit, quam tormentis bellicis obstinatè, sed frustra oppugnabat, & cum eam vi capere nō posset, præfectis militum largitionibus corruptis, per deditiōem arce cum ciuitate potius est, atque ab hoc tempore in potestate Magni Ducis Moschouia perseverat.

*Michael
Glinski pro-
fugit occiso
videlicet
Zabrz. & in-
scropropè
Grodnam,
Palatino
Trocens.*

*Smolenska
proditione
capta.*

Ciuitas ipsa in vallo sita est, collibus vndique & sylvis vastissimis, quibus pellium diuersarum multitudo provenit, cingitur: distat autem Smolensko à Moschouia 80. milliaribus Polonicis.

DROHOBVS à Moschouia 72. mill. à Smolensko 18. distat, ad Borysthenem cum oppido eiusdem nominis sita est.

HVGRA fluvius profundus & lutosus, non longè à Drohobus in sylua quadam oritur, & inter Colugam, & Vorotiniam Occam influit. Hic autem fluvius Moschorum & Lituavorum dominiū quondam dislimitabat.

*Antiquus
limes Litua-
norum.*

WYEZMA castrum & oppidum ligneum, ad fluvium eiusdem nominis extructum est, qui haud procul inde in Borysthenem ingreditur, distatque à Moschouia 46. milliaribus, à Mosaysko 26. à Drohobus 18. Sed quia hic frequenter Borysthenis fluvij præclari mentio intercidit, pauca de fontibus eius subiiciam.

*Borysthene
fluvius Ru-
thenis
Dnepr.*

BORYSTHENES, fluvius iuxta pagum quendam, *Dnepersko* dictum, fontes suos habet, unde ab incolis Moschouitis, & ceteris Ruthenis, *Dnepr* siue *Dneper* appellatur. Sic autem cursum suum Borysthene diuigit: Primum Wicziman Meridiem versus alluit, indeque cursu in Orientem verso, Drobohus, Smolensko, Orssa Dubrowna, & Mohilow præterlabitur. Inde tandem in Meridiem tendens, Kiouiam Russiæ olim metropolim, Circassos, & tandem per Campestria deserta fluens Oczakow, castrum & ciuitatem Tartarorum Præcopensium, 40. milliariibus à Circas, attingit; indeque in Pontum Euxinum exoneratur, cuius tam vasta ostia sunt, ut procul spectantibus maris formam præferant. An autem *Dnepr* fluvius prædictus, à Latinis congruo nomine Borysthene appellatur, absurdum mihi videtur: nam hic à fontibus suis *Dnepersko* dictis, *Dnepr* vulgò à Moschis, Ruthenis, Lituaniis, Polonis, & ceteris omnibus Sauromatis vocatur. Vocabulum quoque *Dnepr*, à Borysthene multum discrepat, sed mihi videtur Berezinam fluvium (qui Boriso Warcem & alias plures alluens in fluvium supradictum *Dnepr* exoneratur) Borysthenem antiquitus appellatum esse. Nam id vocabuli sonus, & ipsa congruentia vocis indicet.

*Vetus limes
Lituanis.*

MOZAYSKO castrum & oppidum ligneum, à Moschouia octodecim milliariibus Meridiem versus distat, à Wieszma 26. ibi Princeps nonnunquam oratores diuerforum principum excipere solet, venationemque ibidem quotannis exercet. Nam ibi supra modum leporum præcipue alborum, magna copia est, Olgerdus ille, & Vitoldus magni duces Lituaniæ (quibus non exstitit ex Lituaniæ ducibus bellicio-

fior alter) fines Lituaniæ 6. milliariibus ultra Mozayfko posuerant.

BYELSKIA DUCATUS.

BYELSKIA principatus Russiæ, quondam sui iuris principem habebat, qui magnis Ducibus Lituaniæ Iagielonis filijs (à quibus Basilus princeps Byelskia, ad Basilium ducem Moschouia defecit, ducatumque totum illi subdidit) tributarius erat. In hoc principatu Biela ciuitas cum castro ad fluvium Obseha in vastis syluis sita est, itaque à Moschouia 60. milliariibus Polonicis, à Smolensko verò 36. Hunc ducatum Moschouia dux titulo suo adscribit, & se ducem Bayelski appellat.

RSCHOVIA DUCATVS.

IN territorio Rschouienfi ciuitas & arx lignea eiusdem nominis, RsheWa appellata, ad Volga ripam sita est. Distat autem à Moschouia Occidentem versus 23. mill. ultra hanc ciuitatem aliquot millia. Occidentem versus procedendo, est sylua Wolkowskilefs dicta, in qua est palus Wronow appellata, ex hac palude fluvius quidam emergit, qui 2. milliariibus Polonicis emensis, in lacum quendam, Volgo dictum, influit, unde rursus aquarum multitudine aduectus, egreditur, Volgaque à lacu ex quo oritur, vocatur. Hic fluvius multis fluminibus in se receptis, totam Moschorum principis ditionem; item Cazanenſe & Astrachanenſe regnum, nonnullaque Tartarorum deserta campeſtria perfluit, & tandem 70. ostijs in mare Caspiū (Ruthenis Chwalinskoie mare dictum) exoneratur. Hunc fluvium

*Volga flumi-
nis celeberr.*

Moschouia Volgam, à Volgo lacu, ex quo emergit, appellant. Tartaris verò Edel, Ptolemæo & Græcis *Rha* dicitur. Hic ducatus Rschouia, in quo prædictus fluuius fontes suos habet, latissimè extenditur, ab hocq; dux Moschouia titulum sibi vsurpat, & ducem Rschouia se appellat.

W O L O C Z K ciuitas & arx lignea, occidentem æquinoctialem versus 24. mil. à Moschouia distat, à Mozaysko 12. à Tweria 20. Leporibus albis hæc pro- uincia abundat, ibique Magnus Dux sæpe venationem exercere solet.

W Y E L I K Y E L V K I, arx & ciuitas magna lignea, à Moschouia 140. milliaribus, à Nouogrodia magna 60. à Polosczko 36. distat, eam Louat fluuius præterfluit, indeque Septentrionem versus fluens, in Ilmen lacum iuxta Nouogrodiam magnam ingreditur.

T O R O P Y E C Z arx & ciuitas, à Wyelikie Luki decem & octo milliaribus distat, ad cōfinia Lituania ducatum Smolensciensem attingens, sita.

Hæc autem arx Toropyecz cum cæteris sibi adiacentibus, videlicet Drohobus, Biela, & Brensko, cum bona Seuetiësis ducatus parte, vno tempore per deditiōem in Magni Ducis Moschouia potestatem Ioannis Basilij deuenerunt, sub Alexandro rege Polonia, magnoque Duce Lituania, prout latius in descriptione regni Polōnici dictum est.

DUCATVS TWERENSIS.

Twerensis ducatus, cuius titulum magnus Dux Moschouia sibi vsurpat, amplissima olim ditio erat, vna ex magnis Russia principatibus, ad Volgam fluuium

fluuium sita, 36. mil. distat à Moschouia. In ea est ciuitas occidentem æstiualem versus, Twer dicta, quam Volga fluuius interlabitur. In altera autem Volga ripa castrum ligneum sibi coniunctum habet, ex cuius opposito Twerza fluuius Volgam influit. Hæc *Twerensis* ciuitas monetam argenteam propriam habet, quæ *moneta.* valore Moschouitica æquatur.

T E R S A K oppidum 10. mil. Polonicis à Tweria abest. Huius olim pars dimidia Nouogrodienfis, altera Twerensi ducatu subiacebat. Porro hic ducatus *Twerensis* Twerensis à Ioanne Basilij, Moschouie principe, auctore *ducatus.* moderni ducis occupatus est.

DUCATUS PSKOUIENSIS.

Pskouia principatus, olim amplissima sui iuris ditio erat, sed à Ioanne Basilij, anno Domini 1509. *Pskouia capta.* occupatus est. In eo est ciuitas celebris totius regionis metropolis, Peskouia gentilitèr PskoW dicta, ad lacum PskoWa dictum, sita, ex quo eiusdem nominis fluuius emergit, ac mediam ciuitatem interfluit, indeque sex miliaribus emensis in lacum Czuczko, vel Czudzin dictum ingreditur. Sola autem Pskouia in toto Moschi imperio muro cincta est, quæ in quatuor partes diuiditur, & earum singula suis mœnibus clauduntur. Distatque hæc ciuitas Occidentem versus à Nouogrodia magna 36. mill. à Wyelikie Luki, & à Regia Liuania metropoli 60. Facilis ex Pskouia in mare Balticum esset navigatio, sed scopuli quidam non longè ab Iwanow Gorod, & Nerua castris, in finibus Liuania impedimento sunt, ubi 2. mil. emensis Nerua fluuius pluribus fluuijs haustis in mare exoneratur. Hanc ciuitatem anno supra dicto

*Pskouia pro
dissona sa-
cerdotum
capta.* Moschouia dux prodicione sacerdotum occupauit,
ciuibsq; in Moschouiam abductis, & in eorum lo-
cum Moschouitis substitutis libertatem Pskouien-
sum, quam strenuè multis annis propugnabât, prorsus
diminuit, eiusque titulum sibi usurpat.

DVCATVS NOVOGRODIAE

magna.

*Rurik No-
uogrodia
princeps.* **N**ouogrodia magnæ principatus amplissimus
olim ex totius Russiæ ducatibus erat; cuius im-
perium Rurik Varegus sorte sibi oblatum, in
primis administrabat, & tandem post eum successores
eius latissimè ad Græciam vsque imperium suum
extendebant. Et tunc temporis amplissimam ditio-
nem in quinque partes distributam habebat. Impe-
riumq; suum Orientem, Meridiem, & Septentrionem
versus, magna ex parte extendens, Lituaniam, Phin-
ladiam, Suetiam & Nordwegiam ipsam attingebat.

*VolchoW
fluuus.* Est autem in hoc principatu ciuitas ingens & am-
pla, Nouogrodia magna appellata gentilitèr Nouo-
grod Wielki dicitur; eam VolchoW fluuus naviga-
bilis interfluit, qui ex Ilmen lacu duobus Werst supra
ciuitatem emergens in alium locum, (Nouogrodia
magna interlapta) Ladoga dictum, exoneratur: tri-
ginta sex Polonicis milliaribus emensis.

*Ilmen la-
cus.* Porro Ilmen lacus supra Nouogrodiam duobus
Werst situs, in longitudinem decem & octo millia-
ribus Polonicis, in latitudinem verò duodecim pa-
tet, duosque præter alios celebriores fluuios excipit,
LoWar, & Scholona dictos, vnum verò emittit Vol-
cho dictum, qui Nouogrodiam interfluit. Distat au-
tem Nouogrodia occidentem æstiualem versus, à
Moscho-

Moschouia centum viginti milliaribus, à Pskouia
triginta sex, ab IWanoW Gorod, & Wyelikie Luki
quadraginta. In hac ciuitate erat olim quoddam ido-
lum Perun appellatū, hoc in loco, quo nunc est mo-
nasterium, Perunski monaster, ab idolo eodem di-
ctum. Hoc idolum à Nouogrodensibus præcipuè
cultu latriæ adorabatur: habebat autem formam ho-
minis lapidem ignitum, manu tenentis, similem ful-
mini. Nam Perun Ruthenis, & Polonis fulmen si-
gnificat. In huius laudem & honorem ignis ex quer-
cubus, qui perpetuò die nocteq; arderet, construe-
batur. Quod si negligentia ministrorum, ad hoc offi-
cium obeundum delinatorū, ignem extinguere con-
tingeret, tunc capitis pœna plectebantur.

Currente anno Domini 1470. cum Theophilus
archiepiscopus Nouogrodia, sua autoritate totam
ditionem Nouogrodensem gubernaret, regi Po-
loniæ Casimiro, tunc temporis magno Duci Litua-
niæ persoluens, Ioannes Basilij Moschorum dux
Nouogrodensem principatum, graui acerrimoque
bello per septem perpetuos annos pressit, ipsamque
ciuitatem Nouogrodiam sæpius obstinatè oppu-
gnabat. Tandem anno Domini 1477. ad fluuium
Scholona dictum, Nouogrodenses bello supera-
uit, eosque ad deditionem ciuitatis & totius regio-
nis compulit, & locum tenentem suum illis consti-
tuit. Cum autem nondum absolutum se imperium
in Nouogardienses habere intellexisset, auxilio præ-
dicti Theophili archiepiscopi, in Nouogardiam ar-
mata manu venit, sub prætextu religionis conser-
uandæ, quasi ciues quosdam à Ruthenico ritu, ad Ro-
manam Ecclesiam deficere volentes, cohibere pro-

*Perun ido-
lum.*

*Ignis perpe-
tuus sacro-
sanctus.*

*Nouogrode-
ses superari
bello, iugoq;
Ioannis Ba-
silij subacti.*

posuisset, hacq; simulatione Nouogrodiam ingres-
sus, incolas ad miserrimam seruitutem redegit, ciues,
mercatoresque omnes, bonis omnibus (parte vni-
cuique quarta relicta) spoliavit, ipsumque archiepi-
scopum prouentibus omniq; auro & argento pri-
uauit, & alium episcopum, (parua duntaxat reddi-
tum portione illi concessa,) in locum eius constituit.

Sal coctum. RVSSIA, oppidulum vetustissimum, olim anti-
qua Russia dictum, à Nouogrodia 12. mil. distat, quod
fluuius falsus præterfluit, quem incolæ fossa ampla in
modum lacus coercerent, indeque aquam per cana-
les vnusquisque ad suas ædes deducunt, & ex ea sal
coquunt.

*Limes Li-
uonici &
Moscho-
uici imperij.* IWANOW Gorod arx, quam Ioannes Basiliades
Moschouia dux, à quo & nomen accepit ad ripam
Nerua fluuij ex lapidibus sectis extruxit, distat à No-
uogrodia magna 40. miliaribus, à Pskouia totidem.
Iuxta hanc arcem est ciuitas lignea Nerua, à fluuiio
appellata, vbi Nouogrodenfes & Pskouienfes mer-
ces suas deponere solent. Est ibi quoque ex aduerso
in altera ripa Liuoniensium castrum & ciuitas, quod
etiam ab eodem fluuiio Nerua appellatur, atque hæc
duo castra Nerua fluuius interfluens, Moschouia o-
lim imperium à Liuoniensi dislimitabat: sed nunc
Ioannes Basiliades modernus princeps Moschouia,
Nerua arce Liuoniensium cum cæteris potitus, vltre-
ius fines suos promouit. Nerua autem fluuius ex la-
cu Czudzko dicto, oritur, duobusque in se receptis
fluuijs, Pskowa, & Vielika Reka dictis, ex Meridie
venientibus, IWANOW Gorod, & Neruam ciuitatem
interfluit, indeque in mare Liuonicum exoneratur.
Hoc fluuius ex Moschouia merces in mare depor-
tantur,

tantur, præcipuè ex Pskouia & Nouogrodie magnæ
regionibus.

IAMMA castrum, 12. mil. ab IWANOW Gorod, &
Nerua situm est, ad Plussa fluuij ostia Septentrionem
versus. Deinde spacio 4. mil. à Iamma, castrum & ci-
uitas Coporogia dicta, ad fluuium eiusdem nominis
occurrit. Hinc Septentrionem versus 25. mill. per O-
ressek, & Correllam ciuitates, ad fluuium Polna per-
uenitur, qui imperium Moschorum à Phinlandia Sue-
tiae regi subiecta dislimitat.

VODZKA REGIO.

Hæc regio à Nouogrodia magna, triginta millia-
ribus distans, inter Occidentem & Septentrio-
nem sita est, cuius incolæ proprium idioma habent,
aliquantulum à Ruthenico differens, in eam anima-
lia cuiuscunque generis si aliunde inducta fuerint, *Animalia
colorem mu-
tant.*
colorem suum in albedinem mutare perhibentur.

CORRELLA PRO- uincia.

Hæc prouincia suum proprium idioma habet, à
Nouogrodia Septentrionem versus, sexaginta
miliaribus Polonicis distat, cuius incolæ Molcho-
rum duci, & Suetensium regi, propter vtriusque vi-
cinitatem tributa pendunt. Huius prouinciæ fines ad
mare vsque glaciale protenduntur.
SOLOWKI insula Septentrionem versus, inter
Dwinam & Correllam prouincias, octo miliaribus
Polonicis à terra in mari sita est, Moschouie duci sub-
iecta. Estque ibi monasterium Ruthenicum in signe,
in quod mulieribus ingressus graui sub pœna prohi-

betur. Distat autem hæc insula à Moschouia trecentis miliaribus, à Bielleiezioro 200. millia. Polonicis. Sal ibi copiosius decoquitur. Solem illic in æstuali solstitio perpetuò, duabus tantum horis exceptis, splendere affirmant.



DWINA PROVINCIA.

Hæc provincia in ipso Septentrione sita est, No-uogardensiumq; olim ditionis erat, & à fluuiopraeterlabente Dwina dicto, nomen sortita est. Fluuius autem ipse ab Iug, & Suchana fluuiorum duorū confluxu Dwina nomen accepit. Dwina enim Ruthenis binos significat. Hic fluuius postquam Iug, & Suchana confluerunt, Dwina nomine assumto, cæmentis cētum miliaribus, Oceanum septentrionalem, qui Suetiam & Nordwegiam alluit, sex ostijs ingreditur. Numerantur autem à Moschouia ciuitate trecenta miliaria Polonica ad ostia eius. Hæc provincia quamuis centum miliaribus pateat, præter Colmogoram tamen castrū, & Dwina ciuitatem, quæ in medio regionis sita est, castrumq; Pinegā in ipsis Dwina ostijs conditum, oppidis & castris prorsus vacua est. Pagis tamen compluribus abundat, qui propter terræ sterilitatem magno tractu, longè lateq; ab inuicem distant. Incolæ verò ex piscibus ferisque omnis generis victum, ex pellibus verò amictum acquirunt; panis enim vsum prorsus ignorant. In maritimis huius regionis locis, vr̃i albi maiori ex parte in mari degentes reperiuntur, quorum pelles cum cæteris varij generis animalium pellibus, incolæ magno Duci pro tributo dant, atq; ita in Moschouiam læpius deferuntur. Regio ipsa tota salifera est, ex qua

ex qua cæterarum regionum circumadiacentium incolæ sal habere solent.

VSTIUGA REGIO.

ADwina ex Septentrione in Meridiem procedendo Vsting ciuitas & arx, à qua & regio nomen accepit, occurrit, ad fluuium Suchana condita, distatq; à Wolocheda ciuitate centum mil. à Bielleiezioro centum quadraginta. Dicitur autem Vsting, *Vsting de-nominatio.* ab Vstia, quod ostium Latinis sonat, & Iug fluuiio Meridie in Septentrionem currente, ad cuius ostia primò sita erat, sed postea propter loci opportunitatem, ad dimidium milliare supra ostia eius, vbi in Suchanam ingreditur, translata est, & antiquo nomine Vsting hucusque appellatur. Hæc regio olim Nouogardensibus tributaria erat, in qua nullus propemodum panis vltus habetur. Quapropter incolæ ex piscibus & feris victum quarunt. Idioma proprium quamuis Ruthenico magis vtantur, habent. Sal ex Dwina regione supradicta eis aduehitur. Omnis generis ferarum pellibus abundant, præcipuè vulpinis nigris, quæ interdum Zebellinis æquiparantur. Zebellinorum pelles illic nec multæ, nec admodum bonæ reperiuntur.

VOLOCHDA PROVINCIA.

Hæc provincia inter Orientem & Septentrionem sita est, habetq; ciuitatem eiusdem nominis & arcem, natura loci munitissimā, in qua magnus Dux Moschoniæ thesauri sui partem tempore necessitatis cõdere solet. Abest autem à Iaroslau 50. miliaribus

*Wolochda
fluvius &
civitas.*

Polonicis, à Bieleieziro 40. eam fluvius Wolochda in Septentrionem ex Occidente fluens, præterlabitur, à quo civitas ipsa & provincia denominata est. In hac regione viatores certā itineris rationem, propter crebras paludes, & fluviorum anfractus observare non possunt: tota enim palustrosa & sylvestris est, & quò ulterius progreditur, eò plures & inuiæ paludes, fluvijque occurrunt, quondam sub Nouogardiae magnâ ditione erat.

Waga fluvius, piscibus omnis generis abundans, inter Bieleieziro & Wolochdam in paludibus, densissimisque sylvis oritur, ac in Dwinam fluvium illabitur. Accolæ autem huius fluvij panis vsum penitus ignorant, ferisque venatione partim victitant; pellibus vulpinis nigris & coloris cinerice abundant.

BIELEIEZIRO DUCATVS.

Bieleieziro, quasi dicas albus lacus, est regio ampla, vna ex ducatus Russiæ, in Septentrione sita iuxta lacum ingentem, à quo nomen ipsa regio & arx, civitasque traxit. Huius ducatus titulo magnus Dux Moschouiae vtitur. Hic autem lacus 13. mil. Polonicis in longitudinem, totidemque in latitudinem stagnat, & triginta sex fluvios excipit, vñ verò duntaxat Sosna emittit, qui 15. mil. supra Iaroslavam, & 4. mil. infra Mologam civitates emensis, fluvio Volgæ celebri commiscetur. In hoc lacu est arx natura loci munitissima, inexpugnabilisq; in qua princeps Moschouiae thesaurum suum recedere solet, illicq; tem- pore necessitatis hostibus urgentibus, velut ad asylum quoddam confugit. Abest autem Bieleieziro à Moscho-

*Thesauros
Moschus in
albo lacu
recondit.*

Moschouia 100. mil. à Nouogardia magna totidem. Regio penè tota palustrosa syluosaq; est, ideo viatoribus difficilem transitum præbet, & haud comòde ad eam, nisi stratis pontibus, concretisq; glacie aquis pervenitur. Huius loci incolæ proprio idiomate v- tuntur, sed nunc ferè omnes Ruthenicè loquuntur. A lacu Bieleieziro ad sagittæ iactum est, alius lacus *Sulphureus* *lacus.* sulphur copiosè proferens, quod fluvius quidam ex eo emergens, ceu spumas supranatâtes secum defert. In hoc ducatu Sinaus Varegus sorte sibi è Ruthenis cōcesso, primus confederat, cuius etiam fratres vnus in Pskovia Truor nomine, alter in Nouogradia magna Ruriczki dictus, (de quibus suprà) imperabant. *Tres duces* *Russiae an-* *tiqui.*

IAROSLAVIÆ DUCATVS.

Iaroslava civitas & arx lignea ampla, ad Volgâ fluvium sita. 46. mill. à Moschouia distat. Regio ei adiacens fertilissima est, præsertim ea parte qua ad Volgam vergit. Hæc olim secundo genitis magnorum Ducum Moschouiae attributa erat, quos Ioannes Basiliiades Moschouiae monarcha, principatu expulsos in servitutem redegit, ex quorum progenie adhuc supersunt, qui Knezi (id est duces) Iaroslavici dicuntur, sed parvam in regione redituum partem retinent. Ipse enim dux Moschouiae & titulum & ducatum sibi vindicat.

ROSTHOVIÆ DUCATUS.

Hic ducatus inter præcipuos & antiquiores Russiæ principatus, post Nouogardiam magnam olim habebatur, & secundo genitis magnorum ducum Russiæ, attributus erat; quorum posterii per lo-

*Rostoꝝ ci-
uitas.* annem Basiliij, auum moderni ducis Ioānis Basiliadis
eo exuti sunt. In hoc ducatu est ciuitas & arx lignea,
Rostoꝝ dicta, regionis caput, in qua archiepiscopus
sedem suam habet, à Moschouia 34. mil. distat. Sita
autem est ad lacum quendā, ex quo Cotorea fluuius
emergit, & Iaroslauia ciuitate præterlapsa in Volgam
illabitur. Huius ducatus titulo Moschouia dux uti-
tur, nouissimumq; huius regionis hæredem, ex pro-
genie ducum Russiæ, anno Domini 1565. Ioannes
Basiliades Moschouie dux, tyrannicè trucidauit, pro-
geniemq; eius funditus deleuit.

VGLITZ ciuitas cum castro, ad Volgam fluui-
um condita, distat à Moschouia 24. mil. à Iaroslauia
triginta.

*Nūline ce-
lebrima.* CHLOPIGROD ciuitas duobus milliariibus
distat ab Vglitz, in ea celeberrimæ frequenter fiunt
nundinæ, ad quas Suetenses, Liouientes, Rutheni,
Litواني, Tartari, & aliæ quamplurimæ gentes con-
fluunt, omnes verò tantum permutatione rerum
utuntur.

PEREASLAW ciuitas & castrum, ad lacum
quendam à Septentrione in Orientem reflectendo
sita est, à Moschouia 24. à Rostoꝝ decem milliari-
bus distat. Iuxta hanc est lacus quidam, ex quo sal co-
piosè decoquitur.

SUSDALIENSIS DVCATVS.

DVCatus Susdali, cum eiusdem nominis castro &
ciuitate, in qua sedes episcopalis est, Rostoꝝia
& Volodimiria adiacet, inter præcipuos olim Rus-
siæ principatus numerabatur, ac reliquarum Russiæ
partium metropolis erat. Hunc Ducatum secundo
geniti

geniti ducum Moschouia iure hæreditario posside-
bant, quorum tandem posterius per Ioannem Basi-
lij, auum moderni ducis Moschouia, eo expulsi &
spoliati sunt.

CASTROMOWGOROD, ciuitas cum castro,
in confluxu Costromæ & Volgæ fluuiorum sita est,
viginti milliariibus à Iaroslauia orientem æstiualem
versus distat.

GALICZ provincia cum ciuitate & castro eius-
dem nominis ex Moschouia in Orientem, per Ca-
stromowgorod euntibus occurrit. In ea propter
crebras paludes, fluuios, & syluas densissimas ratio
verà itinerum obseruari non potest.

VIATHKA REGIO.

Hæc regio ab eiusdem nominis fluuiio denomi-
nata est, in cuius littore hæc ciuitates sitæ sunt.
Chilinoua, Orlo, Cotelnicz, & Sloboda. Orlo 4. mil.
infra Chilinouam sita est, deinde 6. mil. Occidentem
versus procedendo, Sloboda & Cotelnicz ciuitates,
ad Rheczicza fluuium sitæ, qui ex Oriente fluens in
Viatkam influit, occurrunt. Hæc regio in orientem
æstiualem porrecta, 150. mil. à Moschouia distat. To-
ta ferè palustris & sterilis est, melle, feris, piscibus, a-
spreolisq; abundans, in ea Ceremissa populi passim
vagantes latrocinantur. Hæc olim sub Tartarorum
imperio erat, sed monarcha Moschouie Basilius, Tar-
tari expulsi eam sibi subiugauit, tituloq; eius (du-
cem se Viathkia appellans) utitur. Attamen Tartari
ultra, citraque, Viathkam fluuium, adhuc in campe-
stribus habitant, maximè verò in ostijs Viathka, vbi
in Camam fluuium ingentem exoneratur.

PERMIA REGIO.

Permia magna & ampla regio, à Moschouia 250. mill. distat. In ea est ciuitas eiusdem nominis, ad Vischoram fluuium sita, qui 100. mill. inde emensis in Camam fluuium exoneratur. Incolæ huius regionis pane rarissimè vtuntur, & ceruina plerunque carne, aliarumque ferarum victitant. Idioma proprium, literas quoque à Ruthenicis differentes habent, quas Stephanus episcopus (qui eos ad fidem Christi rebelles conuertit) adinuenit, q postea apud Ruthenos catalogo Sanctorum adscriptus est. Quendam verò episcopum, Stephani huius antecessorem, Perimiani, cum eos ad fidem Christi conuerrere nitebatur, exco-
Litera Per-
miorum.
Narta.
Mirabili
cursum in
nartis.
Tumen re-
gnum.
 corauerunt. Super sunt adhuc plurimi ex ijs idololatra, passim in syluis degentes. Hyeme per niues tra-
 heis itinera faciunt, quas vel canes vel cerui albi,
 (quos in hunc vsu pro iumentis habent) trahere solent. Pedites autem in nartis (quemadmodum in plurimis Russiæ locis mos est) celeriter per niuem iter faciunt. Ha autem nartæ sunt lignæ quædam, & oblongæ soleæ duorum triumve cubitorum longitudine, quibus in pedes inductis baculo oblongo cum cuspide suffulti, celerrimè feruntur, adeò vt nullo modo equi quamuis agilissimi cursu insequi possint; nam equo currenti asperitas niuis, montes, ceteraque viæ obstacula, impedimento sunt: in nartarum autem instrumentis currentes, colles, truncos, foueasque, facillimè transiliunt; hocque modo feras omnis generis apprehendere & capere telis transigendo solent. Huic regioni Tumen regnum, cuius Princeps Tartarus, conterminum est.

SIBIOR

SIBIOR PROVINCIA.

Hæc provincia ad Camam fluuium inter Permiam & Viarkam regiones sita est, quæ castris & ciuitatibus vacua prorsus est. In ea *Lajczk* *flus* *11115.* fluuius ingens oritur, qui Tartarorum campestribus præterlapsis, in Caspium mare influit. Incolæ eius proprio idiomate vtuntur, panis vsu nesciunt, sed ferina carne victitant. Mercimonia ex aspreolorum pellibus (qui apud eos præstantissimi reperiuntur) exercent, pro tributoque eadem magno Moschouia Duci pendunt.

Regio ipsa tota ferè palustris & syluestris est, & propter Tartarorum vicinitatem magna ex parte deserta dicitur.

VUGRA REGIO.

Vgra siue Iuhra regio, cuius incolæ Iuhri vel Iugrici appellantur, ad Oceanum septentrionalem sita est, ex ea Hugaros sterilitate regionis causata olim *Hungarorum* *origi.* prodiisse, & Pannoniam occupasse ferunt, aiuntque eos patrijs locis egressos, primò ad paludes Mæotidis confedisse, deinde ad Danubium fluuium Pannoniam versus concessisse, à sui que denominatione Pannoniam Iuhariam, deinde Vngariam nominasse, & *Hungaria* *denomina-* *tio.* duce Attila multas provincias Asiæ & Europæ de- bellasse. Hinc ergo Moschouia plurimum gloriantur, dicentes subditos suos quondam Germaniæ, Italia, Græciæque fines vastasse, totoque mundo terribiles esse. Indigenæ huius regionis, vestigal magno Moschorum Principi soluunt, eodemque idiomate cum Vngaris vtuntur.

PETZORA REGIO.

*Petzora
fluvius.*

*Montes cin-
gulus terra.*

*Arbores ce-
dri.*

*Iter in Pet-
zoram.*

*Incola Pet-
zora.*

Petzora magni Ducis Moschorum ditio, longo tractu in septentrionalem & orientalem plagam fines suos iuxta mare glaciale extendit. Denominata est à fluvio eiusdem nominis, *Petzora* dicto, qui à Meridie fluens in Oceanum glaciale, iuxta oppidum & castrum Pusteziero dictum, sex amplis ostijs exoneratur. Circa hunc fluviū sunt montes, rupesque in altum prominentes, *Ziemnoi Poias* Ruthenis, id est cingulus terræ dicti, quorum vertices ob continuos ventorum flatus, nudi absque gramine sunt, niuib. frequenter rigentes. Crescunt autem illic arbores cedri, circa quas nigerrimi Zebeli reperiuntur, aues etiam rapaces varij generis in his montibus nidificant, præcipue verò falcones albi ad venandas aues promptissimi, qui inde in Moschouiam afferuntur, eisque magnus Dux in venatione uti solet. Atque in principis Moschouia imperio hij montes, quos veteres Rhiphaeos siue Hyperboreos (varij in locis situm eorum ponentes) vocabant, existunt. Hij autem montes perpetuis niuib. gelu concretis albeant, difficilemque transitum iter carpentibus præbent. Tanta enim altitudinis dicuntur, ut quidam à Moschorum principe ad id destinari, decem septem dies in ascendendo quodam monte transigerint, atamen nequaquam verticem montis attingere potuerunt. Qui autem ex Moschouia ad Petzoram proficiscere volunt, per Vstiugam & Dwinam provincias transeuntes, rectà in Permiā regionem, quæ à Moschouia ducentis quinquaginta milliariibus distat, perueniunt, indeque visitato magis itinere Petzorā attingunt. Incolæ huius regionis simplicissimi

cissimi sunt, idioma proprium habent, panis apud eos nullus vñs habetur. Anno Domini supra millesimum quingentesimum decimo octauo, Ruthenico ritu sacro baptismi fonte abluti sunt. Pelles ferarum varias magno Moschorum Duci pro tributo pendunt. In ostijs Petzoræ fluij est castrum & oppidum Pusteziero dictum, ultra quod in littore Oceani septentrionalis variae gentes sunt, quæ comminiter Ruthenis *Samogedæ* (id est seipsos comedentes) appellantur. Hæ gentes in Moschouiam non veniunt, aliorum enim hominum cœtum, vitæque societatem maximè refugiunt. Avium diuersarumque ferarum copia supra modum abundat, utpote Zebellibus, castoribus, hermelis, aspreolis, vñlibus albis, lupis, leporibus, & id genus alijs animalibus. Præterea in Oceano eis adiacenti pisces diuersi generis & equi marini crescunt, in eodem Oceano varia magnæque animalia dicuntur esse, inter alia autem belua quadam magnitudine bouis, quam Moschouitæ *Mors* appellant. Hæc belua in mari, aliquando verò in terra degit; boatus terrificos edit; breues instar Castoris pedes habet; pectore prominenti latoque, dentibus superioribus in longum prominentibus; dumque Oceano relicto in terram prædæ capiendæ gratia exire cupit, tum dentibus (quos longos habet) per promontoria mari impendentia affixa, vertices montium ascendit: tandem posterioribus pedibus, dentibus ad motis, summa cum celeritate in terram delabitur, omniaque obuia aliquid per decem vel amplius milliaria deuorans, mactansque grassatur, & tandem in Oceanum reuertitur; multoties autem ab incolis superiora

1518

*Gēs seipsam
mutuo com-
edens.*

Mors belua.

montium occupantibus, telis & lapidibus, priusquam montes ascendat, prohibetur, hocque modo frequenter opprimitur. Ex harum autem beluarum dentibus, Moschouitæ, Turcæ, Tartarique, manubria pugionum, cultellorumque; præstantiores etiam framearum subtiliter conficiunt, solùm autem propter dentes capiuntur, magno enim pretio, apud Turcas & Tartaros veneunt. Ad eundem Perzoram fluuium, est castrum & oppidum Papinowgorod dictum, huius accolæ Papini dicuntur, diuersumque à Ruthenico idioma habent, & Duci Moschorum tributa soluunt.

*Dentes Mors
belua.*

Papini gens.

OB DORIA REGIO.

Obdoria à fluuiio præterlabente Obbi dicto denominationem accepit, qui ex lacu quodam amplissimo Kitajsko nominato emergit, ab Orienteque in Septentrionem fluens, sex ostijs in Oceanum septentrionalem exoneratur, ad oppidum autem Obbi dictum, est tam vastæ amplitudinis, ut sexdecim milliarium Polonicorum, octuaginta autem Werst Moschouiticarum in latitudinem pateat; vixque duobus diebus nauigio, quamvis ventis vela impellentibus tranatur; sicque abundat piscibus, ut nauigantium remigijs premantur. Huic quoque fluuiio Vogulici & Hugritzchi populi accollunt, multa ibi varijque generis animalia capiuntur, quibus regionis incolæ (panis enim usum nesciunt) victitant, pellibusque Moschorum Principi tributa persoluant.

*Obbi fluuius
amplissimus.*

*Vogulici
gens.*

DE

DE IDOLO AUREÆ

ANUS.

IN hac Obdoria regione, ad ostia Obdi fluuij, est quoddam antiquissimum idolum de lapide excisum, quod Moschouitis *Zolota Baba*, id est aurea anus dicitur. Est autem similitudo mulieris vetulæ, infantem in gremio tenentis, & alterum iuxta se infantem habentis, quem nepotem illius esse incolæ dicunt. Hoc idolum ab Obdorianis Iuhrisceis & Vohuliscis, alijsque conterminis gentibus cultu latriæ veneratur, præstantissimasque & maximi precij pelles Zebellinas idolo offerunt, vnâ cum reliquarum ferarum preciosis pellibus: ceruos quoque selectiores ad sacrificium peragendum mactant, quorû sanguine os, oculus, & reliqua simulacri membra perungunt. Intestina autem cruda sacrificij deuorant, & inter sacrificandum sacerdos idolum cõsulit, quid ipsis faciendum, quove migrandum sit. Ipsum autem (dictum mirum) certa consulētibus responsa dare, certosque rerum euentus prædicere solet. Dicuntur etiam in montibus vicinis huic idolo, sonitus boatusque quidam audiri, qui perpetuò sonitum in modum clangoris tubarum edunt. Hoc autem nihil aliud esse dicerem, nisi instrumenta quædam illic antiquitus posita, vel canales subterraneos, sic natura ipsa effectos, qui ventorum perpetuò flatu sonum, boatumque & clangorem continuò efficiunt.

*Similitudo
idoli.*

Sacrificiũ.

Boatus quidam.

Ab Obbi fluuiio à parte sinistra ascendendo, Calami populi dicti in campetribus degentes occurrunt Moschorum Ducis tributarij.

Infra Obbi fluuij ostia & auream anum sunt com-

*Calami
gens.*

Fluij.

plures ingentes fluij, Irifcha, Bereswa, Sofa, Tachnim, Danadim, & ceteri multi ex montibus cingulus terræ dictis emergentes. Horum fluijorum accola ad Auream anum vsq; & Oceanum septentrionalem habitantes, magno Moschorum Duci tributa persolvere dicuntur.

CONDORA REGIO.

Hæc regio ad Oceanum septentrionalem sita, Obdora regioni vicina est, tota ferè syluis fluminibusque obsita, eius indigenæ proprio idiomate vtuntur, & Aureæ anus idolum cum Obdorianis colunt, ferarum carnibus, quibus omnis generis copiosè affluunt, pro cibo vtuntur, pelles verò varias Moschorum Principi pro tributo pendunt; regio ciuitatibus, castris, pagisque prorsus vacua est. Huius titulo Moschorum Dux, (Ducem se appellans Condorix) vtitur.

LUCOMORIA REGIO.

Grustintzi & Serponowtzi populi.

Lucomoria regio longo tractu iuxta mare Septentrionale extenditur, ab incolisque sine vllis ædibus in syluis & campis habitatur. Huic regionis confines sunt Grustintzi, & Serponowtzi populi à castro Grustina ad lacum Kitajsko sito, dicti, vbi Obbi fluius supradictus fontes suos habet. Ab hoc lacu homines nigri, communis sermonis expertes, ad Grustinam arcem venire solent, secum adferentes varias merces, præcipuè autem vniones, gemmas, lapidesque preciosos, quas Grustinsi & Serponowtzi, rerum transmutatione facta ab eis mercantur. Hæ autem gentes Lucomoria, item Grustintzi,

stintzi, & Serponowtzi, & quæcunque infra Obbi fluium, & lacum Kistajsko dictum, iuxtaque flumina Sofa, Bereswa, Danadim, & Tachmin habitantes, ad Oceanum glaciale usque magno Moschorum Duci, vectigales dicuntur. Porro de quibusdam populis in Lucomoria habitantibus, portentosum & dictu incredibile quiddam refertur, quasi illi quotannis vigesima septima mensis Nouembris die, velut hirundines & ranæ, præ intenso frigore brumali moriantur; postea redeunte vere, vigesima quarta Aprilis die, eos denuò reuiuiscere aiunt. Hi autem hoc modo commercia cum Grustintzijs & Serponowtzijs populis sibi vicinis habere dicuntur, cum iam futuram mortem sibi imminere sentiunt, tunc merces suas certis in locis depouunt, quas Grustintzi & Serponowtzi suis mercibus interim æquivalentibus eodem loco relictis, auferunt. Illi autem reuiuiscences, illas merces, si æqua commutatione sibi placuerint, pro suis accipiunt: sin minus iustæ fuerint, à Grustintzijs & Serponowtzijs suas repetunt, vnde lites & bella hac de causa inter eos sæpissimè oriri dicuntur. Ex Lucomoria montibus Cossin fluius dictus, ingens ortitur, qui Lucomoria præterlapsa, in magnum fluium Tachmin dictum, exoneratur. In Tachmin autem fluiuo pisces quidam nasci dicuntur, qui capite, oculis, naso, ore, manibus, pedibusque hominem referunt, sed absque vlla vocis expressione. Aiunt quoque vltra hunc fluium prodigiôsæ formæ homines habitare, quorum alij ferarum more pilis rigent, alij caninis cum capitibus in speluncis subterraneis victitant.

*Mirabile quiddam.*

Sigism: ab Herbr. in Moscovia pag: 41. vol: 1. an: 1611. Mirus mercedis modus.

*Cossin fluius.**Piscis mirabilis.**Gens mirabilis.*

LOPPIA REGIO.

A Lucomoria vltius ad Oceanum glaciale
procedendo Loppi populi, barbarie & feritate
rigentes in campestribus & syluis degentes oc-
currunt. Hi nusquam certas sedes habent, sed vno in
loco feris piscibusque, quibus victitant (*panis enim*
vsu nesciunt) de pastis aliò commigrant. Tugurio-
la sua, in quibus habitant, corticibus arborum, cespiti-
busque regunt, vestibus ex diuersis ferarum pellibus
Zebellinis, hermelinis, ceruinis, & id genus alijs
insimul consutis vtuntur, eorumque huiusmodi vesti-
tus interdum in Moschouiam à mercatoribus de-
fertur, pileis etiam & caligis ex ceruinis pellibus cõ-
fectis vtuntur. Tributi autem loco pelles & pisces,
quorum copia affluunt, magno Moschorum Duci
pendunt. Idioma suum proprium habent, quod ab
alijs non intelligitur, ideo apud externos propemodum
muti esse videtur. Sagittarij autem omnes sunt
peritissimi, adeò, vt si quas in venatione præstantio-
res feras nanciscantur, eas (vt pelles eorum integra
& intacta sint) missa sagitta in nasum oculosve inter-
ficiunt. Hi etiam feras in partibus hyeme per niues in-
sequuntur, infecutasque sagittis conficiunt, mercato-
res ad se ex varijs regionibus quæstus gratia venien-
tes, libenter excipiunt, quos in tuguriolis suis cum vo-
xoris relinquunt, ipsi verò interim venatum abe-
unt; reuersi, si uxores hospitum concubuerint, mune-
re aliquo hospitem donant, sin minus, turpiter con-
uitijs laceratim expellunt.

Monetæ pecuniariæ nullus apud eos vsus, sed cū
mercatoribus aduenticis rerum permutatione vtun-
tur, &

*Victus, Se-
stitus, habi-
tatio, Lop-
piorum.*

*Loppi sagi-
tarij optimi.*

*qd. sint Natche
victi supra
p. 200. Moschouum
acceptis.*

tur, & pro panno crasso vilosoque, item pro securi-
bus, acubus, cochlearibus, cultris, poculis, speculis, &
id genus alijs rebus, pelles ferarum varij generis mer-
catoribus dant. Regio quam inhabitant frigidissima
est, solem ibi æstivalis solstitij tempore, quadraginta
diebus perpetuò splendere (tribus noctis horis exce-
pris) perhibet, quibus Sol velut quadam caligine ob-
ducitur, vt radij illius non appareat, nihilominus ta-
men laborantes ab opere suo excluduntur. In his quoque
partibus, montes in altum eminentissimi dicuntur esse,
quia *Aetna* (montis in Sicilia) similitudinem, flammae
semper eructant, in quibus *Salamandra*, animalia
quædam, lacertarum similitudine, quæ in igne non
secus ac pisces in aquis viuunt, crescere perhibentur.

Vltra Oceanum etiam glaciale regionem quã-
dam, *Engroheland* dictam, quasi incognitam aiunt
esse, hæc tum ob altos montes, qui perpetuis semper
niuib. rigent, tum etiam ob perpetuam glaciem ma-
ri innatantem (quæ periculosam nauigationem facit)
à commercio conuersationeq; cæterarum gentium
aliena seiuncta; est, ideo incognita dicitur. *Jani di-
cti, facta & cogni-
ta, ex Regi Danica
tributaria, q. reli-
gionum, q. tianu
in illa plantabit*

Moschouitæ se plurimum iactant, quod princeps
eorum ex hac quoque remotissima & fere vltima
orbis regione tributa exigat. Hoc quamuis verisimi-
le non sit, tolerari tamen aliquo modo potest, cū
alios vicinos principes, qui ab ipsis tributa exigent,
non habeant.

Atque hic finis regionum septentrionalium, gla-
cialique mari adiacentium (quæ Moschorum princi-
pis sunt tributaria) esto. Nunc ad cæteras regiones
describendas Meridiem Orientemque versus sitas,
Moschouitis confines reuertar.

*Montes i.
gener.
Salamandra.*

*Engroheland
reg.o.*

*Ceremissi
sagittarij
excellentes.*

pag: 200

*Nartarum
usus.*

Ceremissi Mordouotes, & Vachines, inter Viaticam & Volochdam prouincias, quarum supra mentionem fecimus, longè lateq; in vastis syluis, sine villis ædibus habitant. Proprium idioma habent, Mahometisq; sectam amplectuntur, quidam etiam gentiliter, nullam Dei notitiam habentes, viuunt. Omnes autem furtis & latrocinij intenti, & carminibus magicis exorcismisq; maximè dediti sunt. Aduersus sagittarum telorumq; tactus intrepidi. Ferina carne & melle (cuius alucarij abundant) magna ex parte vitant. Pane enim raro vtuntur. Omnes tam viri quàm feminae cursu velocissimi sunt, sagittarijsq; peritissimi; arcum nunquàm de manibus deponunt, quoad oblectatur, vt etiam filijs cibum obstinatissimè prohibeant, nisi prius signum præsignatum ex arcu sagitta ferirent. Artificium laborq; eorum feras venari, & sagittis figere, quorum carne vescuntur, pellibusq; vestiuntur, ac eandem pro tributo magno Duci Moschorum pendunt. Inter venandum autem, nartarum instrumento pedibus inducto, (cuius in Permia descriptione supra memorauimus) vtuntur, in quo agilissimè velocissimèq; feras insequendo feruntur. Quia verò harum nartarum instrumento velocissimi cursus, omnes ferè Septentrionales gètes, & ipsi Moschouitæ, Rutheniq; communiter vtuntur, imaginem vsus earum subiiciemus. Sunt autem longæ quædam lignæ soleæ, longitudinem triũ cubitorum adæquantes, in anteriori parte in modum traharum erectæ, quidam verò hoc instrumentum ad suæ proportionis staturam in longitudinem cõficiunt, quo in vtramque pedem inducto velocissimè feruntur.

MORD.

A Nouogrodia inferiore, quam superius descripsimus Orientem, & Meridiem versus, vastè ingentesque occurrunt syluæ, quas Mordwa populi sic dicti, magno iuxta Volgâ flunium insignem tractu, inhabitant. Idioma proprium habent, in pagis passim degunt, agriculturamque exercent. Melles, diuersisq; animalium pellibus preciosis abundant. Homines sunt duri & bellicosi, Tartarosque fortiter propulsant, omnes ferè pedites incedunt, arcubus oblongis vtuntur, sagittandique peritia polent, feras præstantiores, vt pellibus eorum integris & intactis potirentur, in nasum sagitta missa interficiunt. Eorum quidam Mahometi sectam amplectuntur, quidam verò in idololatriâ perseverant. Vetus annuum magno Moschorum Principi pellibus diuersarum ferarum soluunt. Mulieres eorum decoris causa vngues nigro colore artificialiter inficiunt, apertoque capite & crinibus passis semper incedunt. His aliæ gentes Ceremissi intermixtæ sunt, qui ad differentiam Ceremissorum septentrionalium, de quibus supra superiores Ceremissi, siue montani, à collibus quos inhabitant, appellantur. Hic de vicinis conterminisque Moschouitico imperio, Tartaris Cazanensibus, cæterisque campestribus in horum distributis nobis dicendum esset: sed ne ordo rei interrumpatur, de moribus, religione, & vitæ consuetudine Moschouitarum, pauca subiicienda nobis, non abs re videntur. His autem absolutis, Tartarorum fines, gentisque mores breuiter attingemus.

Caput II.

Rutheni
Christiani.

Rutheni omnes postquam semel fidem Christianam Græcorum ritu, anno restituta per Christum salutis 924. susceperunt, sub Olha Ducissa & Volodimiro filio eius monarcha Russiæ, in ea ad hunc usque diem vnanimenter fortiterque perseuerant. Quamuis quidam proceres Russiæ Polono regi subiectæ, doctrinam Lutheranam & Zuinglianam sequantur, sed vulgus omne, maiorque pars magnatum, & nobilium, fidem antiquitus Græcorum ritu susceptam, firmiter retinent. Sic quoque omnes regiones Russiæ, quæ alba dicitur, Moschorum principii subiectæ, Christianæ fidei, quam à Græcis susceperunt, vestigijs firmiter vnanimenterque insistant. Vnus autem totius Russiæ metropolitanus olim erat tam Moschorum, Lituorumque ducibus, regique Polonorum tributarius, qui sedem suam primò in Kiouia Russiæ Lituorum metropoli ciuitate retinebat, tandem in Volodimiriam, postremò in Moschouiam translata est. Cum autem metropolitanus Moschouix septimo vnoquoque anno Russiam Lituanijs subiacentem, causâ exigendarum pecuniarum inuiseret, ablataq^{ue} magna pecuniarum summa discederet, Vitoldus magnus Lituaniæ Dux, re considerata, prouincijs suis, ne thesauris exhaurirentur, consilere volens, episcopis, abbatibusq^{ue} Russiæ conuocatis, iudicio eorum metropolitam in sua Russiâ elegit, qui sedem suam Vilnæ (quæ est Lituaniæ metropolis) habet, in Basilica diuæ virginis, quæ Ruthenis, Preczista, id est castissima dicitur. Hic autem metropolita

Metropolita
Rus-
sia in Litu-
nia eligitur.

rarò Vilnæ commoratur. Est verò episcopus Vilnensis præcipuus, secundum ordinem ecclesiæ Romanæ, ipsa enim Vilna Romanum ritum sequitur: sed media pars Ruthenorum eam incolit, pluresque ecclesiæ in ea Ruthenicæ quàm Romanæ conspiciuntur. Porro omnes metropolitæ Ruthenorum à patriarcha Constantinopolitano auctoritatem suam habent, & primò omnium episcoporum, abbatum, & totius ordinis spiritualis iudicio, & consensu metropolita eligebatur, sed nunc hanc auctoritatem magnus Dux Moschouitarum sibi assciuit, suoq^{ue} iudicio metropolitam in Moschouia constituit.

A sancto Andrea apostolo Rutheni se fidē Christianam suscepisse iactant, adhuc ante Olham, & Volodimirum, quem ex Græcia per Pontum Euxinum ad ostia Borysthenis fluij, gentilitèr Dnepr dicta, appellasse annales eorum testantur, & inde ad Kiouiam, tunc temporis metropolim Russiæ, aduerso fluuiio peruenisse, atque ibi omnem terram Russiæ benedixisse, & baptizasse, signumq^{ue} crucis eum illic constituisse. Ex Kiouia tandem aiunt eum ad fontes Borysthenis Dneprisko dictos, peruenisse. Indeque in Nouogrodiam magnam, deinde per mare Germanicum Romam usq^{ue} nauigasse. Postremò in Peloponessum Græciæ, sub Ago huius nominis rege, propter Christum crucifixum fuisse. Archiepiscopi in toto imperio Moschorum duo sunt, vnus in Nouogardia magna, qui habet prærogatiuam insulam albam bicornem nostrorū episcoporum more gestandi. Secundus in Rostouia. Episcopi sunt multi, videlicet Permiæ, Susdaliæ, Twerensis, Columniæ, Cernigouiæ, Rhesanensis, Smolensstelis, Pleskouiensis, &c. Vestes eorū sunt

Archiepiscopi
Moscho-
uia & epi-
scopi.
Vestitus e-
piscoporum.

*Vestitus e-
piscoporum.*

sicut aliorum monachorū, nigræ, nisi quod aliquando sericeas ferūt, & præsertim pallium nigrum, quod habet à pectore tres fimbrias albas, ad similitudinem riuli fluentis inflexas, quod significat, ex cordibus eorum riulos doctrinæ fidei, & bonorum exemplorū scatere. Metropolita autem, archiepiscopi, & episcopi, abbates, monachi, carnibus perpetuò abstinent. Prouentus necessarios ex prædijs & alijs extraordinarijs accidentibus & beneficijs habent. Arces verò vel ciuitates, & omnes administrationes seculares eis ademptæ sunt. Sed metropolita Russiæ Polono regi subiectæ, & alij episcopi villas ciuitatesque possident.

Monachi.

Abbates qui Igonomei, priores qui Archimendritæ dicuntur, & omnes monachi durissimas molestissimasque leges, & regulas præscriptas habent, nullo solatij genere recreati eis conceditur. Omnes non solum Principis, sed cæterorum nobilium mandatis parent: plures eorum ex monasterijs in eremum se conferunt, ibique in arctis tuguriolis, aut soli, aut cum socijs manent, victum de radicibus arborum, & varijs terræ herbis acquirunt.

*Sacerdotū
regula.*

In sacerdotij gradus hi tantum promouentur, qui diu apud ecclesias seruiuerunt. In diaconum autem nemo consecratur, nisi uxorem habuerit, vnde interdum & matrimonio copulantur, & in diaconatum consecrantur. Præterea qui virgini stuprum aliquando obtulerit, aut uxorem suam primo concubitu vitiatam animaduernerit, in diaconatum non ordinatur. Mortua uxore sacerdos à sacris protus suspenditur, nisi monasterium ingressus iuxta regulam viuat, officijs etiam diuinis peragendis si castè viu-

duus

duus vixerit, velut minister cum cæteris ecclesiæ ministris choro interesse potest. Si autem viduus sacerdos aliam uxorem (quod eis liberum est) duxerit, is munere sacerdotali priuatur, nihilque commune cum clero habet. Nullus sacerdotum monachorumve horas canonicas dicit, nisi habeat imaginem alicuius diui præsentem, quam etiam nemo nisi cum magna veneratione attingit. Qui autem eam in publicum profert, manu eam in altum extollit, quam omnes prætereuntes cruce se signantes, inclinando plurimum venerantur. Libros euiangelij maxima veneratione prosequuntur, neque eos manibus tangūt, nisi prius caput multoties inclinando, cruce se munierint. Omnes sacerdotes ex cōtributione quadam certa sustentantur. Assignantur etiam eis domuncula cum agris & pratis, vnde victum suis vel famulorum manibus, more agricolarum acquirunt.

Sacerdotes Romanos confundunt, qui calibem vitam ducere sese iuramento obstringunt, cum sancta synodus quæ fuit in Gangra, scribat in quarto canone: Qui spernit sacerdotem secundum legem uxorem habentem, dicens quod non liceat de manibus eius sacramentū sumere, anathema sit, id eadem synodus dicit, Omnis sacerdos & diaconus propriam uxorem dimittens, sacerdotio priuetur.

Habitu haud dissimili à secularibus vestiuntur, solummodo pileolum nigrum rotundum, quo rasuram tegunt, gestant. Commam ad brachia protectam nutriunt, omnes baculos *Pasoch* dictos, quibus inniuntur, cum manubrijs incuruatis gestant.

Rutheni secundū calēdarium suum, plurima festa diuorum, non his diebus quibus Romani, celebrant.

Festa Ruthenorum.

Trinitatis festum celebrant feria secunda Pentecostes, in octaua autem Pentecostes festum omnium sanctorum obeunt. Festum verò corporis Christi more Romanæ ecclesiæ non venerantur. Viri præstantiores peractis sacris, ebrietate & comessationibus festos dies consumunt. Ciues artificesq; diuinis peragendis interesse solent, quibus peractis laborib; domesticis, cæterisq; negocijs incumbunt, dicentes feriari & à labore abstinere, dominorum esse.

Nicolaum sanctum inter cæteros diuos præcipue venerantur, eumq; diuino ferè cultu prosequuntur, templaque præcipua nomini eius dicata erigunt, de cuius plurimis miraculis frequenter prædicant.

Habent etiam in catalogo sanctorum Romanos quosdam pontifices, quos inter sanctos venerantur. Cæteros verò qui post eorum schisma fuerunt (quãdo à Romanis disuncti sunt) execrantur, & pro hæreticis grauissimis eos habent, eosque schismaticos appellant.

Concilium sub Adriano papa.

In septimo enim generali cõcilio, quod sub Adriano papa celebratum est, conclusum esse dicunt, ut ea quæ in præcedentibus synodis constituta conclusaq; fuerint, in posterum quoque solida rata, acceptaq; & perpetua teneantur, nec posthac cuiquã sub graui anathematis pœna aliud concilium celebrare aut accedere licere. In his autem septem concilijs hos pontifices Romanos fuisse constat, quos Rutheni inter sanctos venerantur, dignosque cathedra sancti Petri dicunt, ideo quòd secum sentirent. in prima synodo, papam Syluestrum, in secunda Damasum, in tertia Celestinum, in quarta Leonem, in quinta Vigilium, in sexta Orphanium, in septima Adrianum, omniaq; concilia

concilia & synodos, post hos septem prædictos synodos celebrata, maledicta, peruersa, & hæresi turpiter deprauata esse dicunt. Erat quidem metropolitanus *Isidorus metropolita- nus.* Russiæ Isidorus nomine, qui sedem suam in Kiouia retinebat, is ad cõcilium Florentium, quod celebratum est sub Eugenio papa, venerat, ubi ecclesias Ruthenicis, abiectis Græcorum ritibus, cum Romana ecclesia vniuerat, tandem in Russiam reuersus, cum propositum suum & rem iam conclusam Ruthenis proponeret, illosque ex verbo Dei ad vnitatem & concordiam fidei instrueret: captus omnibusq; bonis spoliatus, in carceres coniectus est.

Doctores quorum dogmata Rutheni sequuntur, *Doctores Rutheni sunt hi: Basilus magnus, Gregorius Nazianzenus, & theodoros.* Ioãnes Chrysostomus, quem illi Zloto vsti, id est aureum os habentem, appellant. Gregorij etiam pontificis Romani libros de moralibus scriptos habent.

Sacrum siue missa Sclauonica lingua apud illos peragitur, intermixtis etiam aliquando cantionib; Græcis, epistola & euangelium, quo magis à populo percipiatur, extra chorum in medio ecclesiæ astanti populo clara voce recitantur. Concionatoribus carent, satis enim esse putant sacris interfuisse, ac euangelij epistolarumque verbaque vernacula lingua recitat sacrificulus audiuisse, concionarique in suis ecclesijs *Concionatoribus ab- variis hæreses, & diuersas de fide opiniones effugere. stinent.* re, quæ ex concionibus & subtilibus argumentis, sophisticisque quæstionibus oriuntur.

Panem ad sacrificandum hoc modo sacrificant: vnus eorum præparatum panem ad sacrificandum in patena super capite, per minorem portã de sacrario

*Consecratio
panis.*

egressus portat, alter verò coopertum calicem vino repletum, ceteris diaconis vel sacerdotibus imagines sanctorum, Petri, Pauli, Nicolai, vel Michaelis archangeli, magna populi circumstantis acclamatione & veneratione præferunt, quidam ex circumstantibus acclamant vulgari oratione, Domine misere, alij fronte terram gentili more percutiunt, quidam se signo crucis frequentius caput inclinando mununt, varia denique veneratione ac cultu circumlata signa venerantur. Postea finito circuitu per mediam chori portam sacerdotes in sacrarium ingrediuntur, sacrumque peragunt. Quoties se signo crucis mununt, id manu dextra sic faciunt, vt frontem primum, deinde pectus, mox dextram, ac demum sinistram pectoris partem punctis in formam crucis tangant. Quod si quis aliter se signo crucis munierit, hunc velut hæreticum obiurgant.

Gloriantur Rutheni se solos cum Græcis veros Christianos esse, Romanos verò & alios Christianos damnant & execrantur, tanquam primitiæ ecclesiæ desertores, & septem sanctarum synodorum præuicinatores.

Baptismi sacramento Rutheni hoc modo vtuntur: nato infante sacerdos statim accersitur, qui ante fores puerperæ habitationis, certas orationes dicere solet, infantiq; nomine imposito domum reuertitur. Postea puer in templum deferitur, hocque modo baptizatur, in aquam immersus, chrismate quod in hebdomada, feria sexta Pascham præcedente, consecratum est, vngitur, deinde myrrha; postea capillos infanti sacerdos abscindit, eosque ceræ intricatos in ecclesia certo loco deponit. Sal autem & saluam
Roma-

Romano more, cum puluere mixtam, inter baptizandum non adhibent, aquam verò baptismatis pro singulis infantibus consecrant, & continuò post baptismum in foueam ad id præparatam, eam effundunt. Fideiussores verò vel susceptores infantis, quoties circa baptismum sacerdoti interroganti, an Diabolo infans renunciaret, correspondent, toties in terram expuunt.

Confirmationis seu inunctionis sacramentum maximè abhorrent, hocque argumento vanam & damnabilem cõfirmationem esse appbant, quòd in synodis omnibus ferè dictum sit, præcipuè verò in Nicæna, confiteor vnum baptismum in remissionem peccatorum, cum autem vnum sit baptismum, vnum etiam esse chrisma, & virtutem eandem sacerdotis & episcopi circa sacramenta distribuenda, dicunt esse.

Purgatorium Græci & Rutheni negant, sed dicunt vnunquenque secundum opera sua, post mortem locum designatum habere, vbi diem iudicii extremi expectaret, pios quidem cum Angelis placidis in lucidis & amœnissimis Elisij viridiferis campis recumbere; impijs autem in obscuris, cæcis, nigrisque caligine obductis voraginibus, cum Angelis terribilibus destinatum esse mansionem, ad expectandam iudicii diem, vnde illæ animæ quæ in locis amœnissimis & splendidis, cum angelis placidis, benignisque collocatæ sunt, gratiam Dei sibi futuram cognoscunt, assidueque iudicium extremum fieri petunt. Aliæ contra condensationem sibi imminere, & penas terribiles in caliginosis voraginibus sitæ præfagiunt, idque eò maximè allegant, quòd animæ post

*Opinio de
animabus.*

Matthaei 25. mortem in caelum statim non ascendunt, neq; in infernum. Quibus enim illud verbum à Christo in nouissimo die diceretur: Venite benedicti patris mei, possidete regnum caelorum, &c. cum iam omnes antea in caelo sint: & contra, ite maledicti in ignem aeternum, cum iam olim in inferno condemnati fuerint. Neq; etiam animam à corpore separatam poenis obnoxiam esse credunt, nam cum anima se vitij cum corpore simul contaminauerit, cum corpore etiam expiandam putant, quod ego Theologis discutiendum relinquo. Funebre autem lacrum pro defunctis ideo faciunt, quod ijs suffragijs tolerabiliorem animabus locum impetrari sperant, vbi facilius extremum diem iudicij expectare possint. Imò etiam cum aliquis magnae auctoritatis vir moritur, tunc Metropolitanus siue episcopus, epistolam ad sanctum Petrum scribit, sigillo suo & manu subscriptione munitam, quam super pectus defuncti ponit, dante testimoniu de bonis pijsque operibus eius; utque in caelum facilius post diem iudicij admitteretur, & Christianae religionis Catholicae agnoscat, subscribunt. Praeterea agreste vulgus circa mortuorum sepulturam, varijs ceremonijs, & superstitiosis plerumque vitur. Sepultura eorum in syluis, & vbi agris tumulos aggestis, lapidibus muniunt, signumq; crucis super imponunt. Loca pro sepeliendis defunctis non consecrant, aiunt enim corporibus baptizatis, sacramentisque Christi dicatis, & consecratis, terram ipsam, & non corpora terrae consecrari.

Spiritum quoque sanctum à Patre tantum, & non à Filio procedere confitentur, ac Romanos dicentes credo in Spiritum sanctum, qui à Patre & Filio procedit,

cedit, confundunt, eosq; conformes heresi Macedoniarum & Arianarum dicunt, hac de causa, quod duo principia, duasq; voluntates de Spiritu sancto, & duas virtutes adducerent, & honori Spiritus sancti detraberent. Hic autem Rutheni non intelligunt vnā esse diuinitatis voluntatem, potestatem, gloriam, & honorem. Sicq; secundum concilium Nicenum, contra Arium & Constantinopolitanum, contra Macedonium celebratum dicunt: Credo in Deum Patrem, & Filium, & Spiritum sanctum, Dominum verum & viuificantem, à Patre procedentem, qui cum Patre & Filio simul adoratur & conglorificatur.

IEIUNANDI MOS apud Ruthenos.

Rutheni in ieiunio, prout in ceteris ceremonijs, à Romanis discrepant, quatuorq; ieiunia magna, quibus carnibus abstinent, habent. Primum in quadragesima septem integris hebdomadis ab esu carniū abstinent. In prima autem hebdomada, quam nos vltimam Bacchanalium dicimus, illi lactarijs & butyraceis cibis vtuntur, eamq; Masina, quasi butyraceam appellat, reliquis verò septem integris septimanis ad Pascha vsque etiam piscibus abstinent, oleis, cauliculis, raphano, fungisq; contenti. Quidam etiam deuotiores Dominicis tantum & Sabbatis diebus (quibus ieiunare peccatum putant) cibum sumunt, reliquis diebus nisi frustulo panis in meridie confortati ab omni cibo abstinent. Alij die Dominico, feria tertia, quinta & septima, cibis coctis vescuntur, reliquis frustulo panis, cum aqua fermentata sumto, totis diebus in ediam tolerant.

*Ieiunium
Petri.*

Secundò ieiunant post octauam Pentecostes vsq; ad ferias Petri & Pauli apostolorum, appellantq; hoc ieiunium diui Petri.

*Ieiunium di-
ue Virginis.*

Tertiò à prima Augusti vsque ad assumptionem beatissimæ virginis Mariæ, ieiunio se macerāt. Quar-

*Ieiunium
Philippi.*

tyrum abhorrent, vocaturq; hoc ieiunium Philippi, inchoatur enim sub festum Philippi secundū Ruthenicum calendarium. Omnibus verò diebus sabbatis (exceptis temporibus ieiunij) carne vescuntur. Sed feria quarta & feria sexta grande peccatum carnibus uti credunt, ita, ut si Petri & Pauli, assumptionisq; Mariæ festum feria quarta vel sexta contigerit, tum ea quoq; die carnibus nō vesci peccatum putant, Romanosq; hac de causā maximè redarguunt, argumento Clementis pontificis Romani id comprobantes, qui dicit in statutis Apostolorum canone LXIII. Si ecclesiasticus die Sabbato vel Dominico ieiunans inuentus fuerit, exceptis ieiunij Sabbatis ab ecclesia præscriptis, sacerdotio degradetur, si autem secularis homo fuerit, excommunicetur, & ab ecclesia seiungatur. Nullius sancti vigiliam ieiunio venerantur, præter sancti Ioannis Baptistæ, quā vigesima nona Augusti die (ex præscripto calendarij sui) celebrant.

Monachi grauioribus ieiunijs præ cæteris onerantur, qui aqua fermentata cum frustulo panis semel in die sumta, contenti esse coguntur.

CONFITENDI MOS.

Circa Paschatis festum Rutheni præcipuè confiteri solent, hoc modo: Confessor vnà cum con-

fiteat;

sistente in medio templi stat, magna cordis cum deuotione, contritioneque ad imaginem alicuius diui vultu reuerenter conuerso, postea confitenti secundum peccati grauitatem iniuncta pœnitentia, ante ipsam imaginem confessor & confitens magna cum deuotione reuerenter sese inclinant, signoque crucis frequentius frontem pectusque & brachia muniens, alto cum gemitu cōsuetam orationem proferunt: Iesu Christe Fili Dei viui miserere nostri. Quosdam etiam qui grauius aliquid deliquerint, aqua sacrata abluunt, quam in Epiphania Domini toto fluuiio vel stagno (secundum morem) consecrato *Aqua con-*
secratio. hauriunt, & pro abstergendis noxialibus delictis, per integrum annum in templo reseruant. Quibusdam verò pro pœnitentia ieiunia & breues facilesq; orationes iniunguntur. Dominicam enim orationem per pauci ex vulgo sciunt, dicuntque orationem Dominicam scire, dominorum & sacerdotum, qui nullis laboribus occupantur, opus esse. Confessionem etiam quamuis ex præscripto habeāt, eam tamen ad dominos pertinere, agrestes dicūt, sibi autem in Deum, & filium eius Iesum Christum, & Spiritum sanctum simpliciter credere, satis esse. Hacque oratione omnes Rutheni promiscuè & peculiariter vtuntur: Iesu Christe Fili Dei viui miserere nobis.

SACROSANCTÆ EUCHARISTIAE vsus.

Sacramento Eucharistiæ Rutheni sub vtraq; specie vtuntur, aliud autem pro infirmis, & aliud pro communicantibus, secundum consuetudinem habent. Pro infirmis sacramentum in hebdomada

*Duplex a-
pud Ruthen-
os Encha-
ristia.*

magna ante Pascha, die Iouis consecratum, in vase mundo per integrum annum seruatur. Dum autem id sacerdos pro infirmo daturus est, tum parum vini & aqua tepida addit, portiunculamq; bene humectatam aegroto cochleari de calice porrigit. Si autem puer infirmus fuerit, adeo ut non possit de pane sumere, tunc infunditur ei gutta vini consecrati in os de calice. Pro communicantibus vero secundum consuetudinem, sacramentum dum sacrum suelyturgia peragitur, consecratur, quod sacerdos cochleari ex calice in portiunculas minutas reductum, & vino commixtum, communicantibus distribuit. Praescriptum communicandi tempus ante festum Pascha, (vel quotiescunque aliquis voluerit modo confectus sit) habent. Pueros qui septem annos transigerint, ad sacramentum admittunt, dicuntq; hominem septennio transacto contra Deum peccare incipere.

*Nō azymis
Rutheni,
sed fermentato pane
vriuntur.*

Porro omnes Rutheni pane fermentato, & non azymo (prout Romanae ecclesiae mos est) vtuntur, idque hac ratione approbant, quia Iudaei in memoriam liberationis suae ex Aegypto, secundum mandatum diuinum azymis vtuntur, se vero semel Christianos factos nunquam in labore Aegyptiorum fuisse; ideo de huiusmodi Iudaeorum azymis, Sabbato & circuncisione obseruandis, se liberos esse dicunt, si enim aliquis sequatur vnum ex illis (Paulo attestare) totam legem adimplere tenetur. Eundemque Apostolum dicentem: Fratres, ego enim accepi à Domino, quod & tradidi vobis; quia Dominus in qua nocte tradebatur, accepit panem, benedixit, &c. de pane fermentato & non azymo dixisse intelligunt. Eo enim tempore nec azyma nec Pascha esse, cum Dominus

cenaret,

cenaret, dicunt. Idque hoc argumento maxime approbant, quia Iudaeorum pascha stando fit, & comeditur secundum legis praescriptum, hoc autem in cena Christi non erat (vt Euangelista dicit) recumbentibus eis duodecim, &c.

Item & discipulus recubuit super pectus ipsius in cena, &c. Quod etiam Christus dicit ibidem: Desiderio desideravi hoc Pascha manducare vobiscum, non de Iudaeorum Pascha eum dixisse sentiunt, quod antea semper comedebat cum Apostolis. Neque azyma Christum Apostolis dedisse, sed panem fermentatum credunt, cum dicit: ecce panis quem ego do vobis. Similiter ad Iudam: cui ego dabo panem intinctum, ipse traditurus est me.

Romanos autem in azymis communicantes confundunt, dicentes eos Iudaicos ritus obseruare, in haeresiq; Iuliani Apolinaris Laodicensis, & Pauli Syrii Samosatensis, Machometi, Eutychie, & Diaferij ambulare, qui erant in sexta synodo deprauatissimi haeretici, & spiritu diabolico repleti.

Mulieres autem apud Ruthenos panem ad sacrificandum Proskura dictum conficere solent. Seliguntur autem ad id mulieres prouecta aetatis, quae mensibus patiendis amplius non sunt obnoxiae, praecipue vero viduae sacerdotum relictae, id muneris obire solent.

DE MATRIMONIO.

I Ta Rutheni matrimonium contrahunt, vt quartum consanguinitatis gradum non attingant. Tertiam ducere uxorem viro vix concedunt, & non admodum legitimum matrimonium esse putant. Quartam vero nec concedunt, neque etiam Christianum

esse iudicant. Pro adulterio non computat, si vir habens uxorem cum soluta concubuerit, excepta uxore alterius.

DIVORTIA inter se frequenter celebrant episcopis permittentibus, literasq; repudij dantibus.

Diuortium. Quidam etiam agrestium, quibus ad episcopos propter longam itineris distantiam aditus difficilis est, diuortium tali modo (more gentili antiquitus obseruato) peragunt, cum sibi vir & uxor utrinque displicent, tunc extra pagum in triuium ambo prodire solent, mantili accepto, quod inter se manibus utrinque tenendo per medium discindunt, hocq; inter se ditiuso, matrimonium etiam inter se diuisum esse putant, & uxori repudiatæ vir dicere solet, vade tu hæc, ego illac pergam. Sed hic peruersus diuortij modus nunc prorsus abolitus est.

Hoc autem ritu matrimonium inter sponsam & sponsum contrahitur. In primis mensa in medio templi adornatur, ingredientibusq; templum sacerdos præcedens certas recitat orationes, deinde patriarcha metropolitano, episcopis, & toto clero, pro monarchaque suo, & omni ordine equestri, & plebeio, qui ritus suæ fidei sequuntur sigillatim sacerdos cum diacono clara voce orant. His peractis sponsus & sponsa mensam præparatam accedunt, in linteoque secundum morem pedibus substrato uterque stat. Postea sacerdos ex præscripto an alicui olim non sponderent interrogat, stolaque manus utriusq; annulos commutans, colligat. Deinde coronas ligneas vel ex tilia libro pictas ad id muneris in ecclesia reueruatas capiti utriusque imponit, dicens: Posuisti Domine coronam super caput eius de lapide pretioso,

sponsalium ritus.

tioso, &c. Euangeliumque de nuptiis in Cana Galilææ celebratis, recitat. Deinde panem & ceruissam consecratam desponsatis ad pregustandum porrigit, postea stolam (qua sacerdotes collo appensa ut videmus) sponsus & sponsa ab una parte, & sacerdos ab altera tenent, sacerdotemque præeuntem sequuntur, hæc verba dicentem: Circuite populi Sion, & date gloriam nomini Dei altissimi, terque mensam circumuehentes loca sua occupant, & sacerdos psalmum Miserere nostri Domine secundum magnam misericordiam tuam, &c. recitat; suffragiisque pro omnibus, tam spiritualibus, quam secularibus Deo per solutis de templo egrediuntur.

DE EXPEDITIONE BELLICA.

Capit. III.

Magnus Moschorum Dux ingentem exercitum longo tempore sustentare potest, neque enim militibus suis stipendia largitur, sed agros illis exiguo pretio elocat, quo beneficio operam militum demeretur. Conscripti autem milites coram magno Duce singuli cōparent, & nummum unum, quem patrio nomine Denga vocant, estimatione unius grossi Polonici principi dant, reuerſiq; ex bello eundem nummum reperunt, occisorum verò numismata princeps retinere solet, atq; ita occisorum numerum cognoscit. Nobiles autem omnes, magnates & cōsiliarii ad eò dura seruitute premuntur, ut quemcunque apud se in aula esse velit, vel in bellum ire, aut legationem aliquam obire iusserit, id sumptibus suis facere cogitur. Quando autem aliquem magni nominis virum ad bellum proficisci iubet, literas suas ad illum mandatorias mittit, si autem vel prandens, vel cœnans,

Numerus occisorum quomodo cognoscitur.

Obedientiā.

dormiēsvē præuentus fuerit à tabellatore Magni Ducis, literasque quibus ad bellum proficisci iubetur acceperit, continuo à prandio lectōve surgens, equum tabellatore inspiciente armatus ascēdit, mandatumque principis se exequuturum præbet, atque sic omnes qui per facultates rei familiaris possunt, sumptibus propriis militant.

Per singulas quoque prouincias magnus Dux filios nobilium tenuioris fortunæ conscribere solet, ut numerum illorum & quot quisque equos ac seruitores habeat, cognoscere possit, is singulis exiguum stipendium annuum concedit, & in bellum proficisci iubet.

Frequenter Moschi beligerant.

Omnibus autem nobilibus propriis sumptibus militantibus raro quies datur, nam frequenter bella aut cum Lituāis, Liūonibus, Suetensibus, vel Tartaris Præcopensibus, Turcis aliisque finitimis gentibus gerit, in arcibus quoque campestribus Tartaris finitimis, qui Crimsci, Præcopsci, Noheysci que dicuntur viginti millia hominum, vel plus singulis annis locare solet. Omnes denique & singulā stīpendiarij, quā principis gratiam expectantes in bellum propriis sumptibus ire coguntur. Non huiusmodi autem sumptibus prout apud nos Moschouitæ in bellum expediuntur, nam quicumque nobilium habet sex equos & totidem seruos, vñ equum, qui vitæ necessaria fert, ex iis habet, in primis verò milium siue pulres contritas in sacculo habet, deinde suillæ carnis aliquot frusta, & sal in sacculo, si verò ditior fuerit sal commixtum pipere solet habere, hos autem sacculos cum leguminibus super equum ad id delectum circumligat. præterea vnusquisque se-

Victus bellis Moscho- rum.

cum fert lebetes, ollas cupreas siue areas, cistellasque ephippio alligatas, cumque necesse est ignem accendunt, ollamque magnam aqua replent, in quam milij tantum vñ cochlear, vel pultium imponūt, saleque conditum coquunt. Aliquando autem cum lautius aliquis eorum epulari vult, tum frustulū paruum carnis suillæ inijcit, hocque cibo dominus interdum cum sex seruis contentus viuit. quod si dominus famelicus nimium fuerit, totum consumit, serui autem aliquando ad totū biduum triduūve ieiunant. Farinam etiam de auena subtiliter commolitam habere solent, cuius aliquot cochlearia pransuri in cistellam imponunt, modicoque aquæ distillatam comedunt. Cum autem habent allium & cepas, tum facile cæteris leguminibus carere possunt. Duces verò exercitus, & cæteri militiæ præfecti lautius epulantur, tenuiorisque fortunæ nobiles ad prandium inuitare solent.

Moschouitæ tormentis bellicis, & bombardis perditatuque nunquam olim ante annos 40. vt ebantur, nunc autem frequentissimè & peritissimè bombardis & tormentis vtuntur, à profugis quibusdam Italis, Germanis, Lituāis que instructi, arcesque egregiè (dictu mirum) propugnant. Campestri verò certamine cū Polonis & Lituāis raro confligunt, semper enim ab eis fundūtur, solaque agilitate & industria externi Moschouitas vincere solent. nam omnes ferè dimicare, armis que artificialiter decertare imperiti sunt, exceptis quibusdam magnatibus, iisque perpauis. Cauendum autē est cum Moscho congregienti, ut armis scitè vtatur, ne in manus eius incidat: brachiis enim lacertis, & toto corpore robustissimi sunt, sed

Quomodo cū Moschis dimicandū.

arte dimicandi plurimum vincuntur. Tam aut robu-
sti sunt, ut cum vrsis indomitis & efferis absque vllō
genere armorum, solis viribus confici saepius cōgre-
di audeant, vrsūq; per aures arreptum tamdiu fa-
tigant, donec prorsus debilitatum prosternant.

*Arma Mo-
schorum.*

Hæc præcipua arma sunt, quibus Moschouita in
bello vtuntur, pharetra sagittis referta, arcus, secu-
ris, fræma, castus, cultelli oblongi, quibus frequen-
ter pro pugionibus vtuntur. Multi quoq; lanceis præ-
cipuè pedites, equites autē aliqui hostilibus breuiori-
bus vtuntur, ab Vngaricis & Polonicis dissimilibus.
Armantur autem loriceis oblongis aliquando dupli-
cibus, armillis, thoracibus, galeisq;. Equos paruos ca-
stratos soleis carētes habent, frenaleuissima, ephip-
piis quoque in eum vsum accommodatis vtuntur,
ut se in omnes partes absque impedimento vertere,
arcūq; intendere facillè possint. Pedibus curte at-
tractis equis insidere solent, adeo ut nullum hastæ
lanceæve impetum sustinere queant. Flagello pleri-
que & cōmuniter, calcaribus verò paucissimi vtun-
tur. Communiter vestibus oblongis ad talos vsque

*Castra Mo-
schorum.*

protractis bombyce, lanæve suffertis vtuntur. Collo-
candis castris amplissimum locum eligunt, vbi fortè
locus natura sit munitus ea non curribus, sed vepri-
bus, sentibus, arbutisq; circumtexunt, in muri si-
militudinem, præstantiores in medio tentoria sua e-
rigunt, reliquæ verò multitudinis vulgus ex arbutis
casas conficiunt, quidam etiam arbusculas siue arbor-
um frondes, in modum arcus incuruant, desuperq;
pennulis tegunt, equos ad pascua pellunt, quorum
caussa tam latè disiuncta castra collocant. Tempore
conflatus tubicines multos habent, ij dum gentili
more

more omnes insimul dissonante melodia tubasin-
flant, mirus ac inusitatus quidam clangor auditur;
cōmissuri cum hostibus certamen plus spei in multi-
tutine, quàm robore militum ponunt, semperq; e-
minus hostes à tergo adorire & circumuenire stu-
dent, sed campestre certamen rarissimè eis prospe-
ratur, plurimis enim & diuersis armis se verius oner-
ant, quàm armant; externi verò cōsilio magis, quàm
armis tecti paruis copiis cum eis congregiuntur.

Arces & omnes munitiones strenuè & obstina-
cissimè propugnant.

DE CONSVETVDINE MO-
ribusq; Moschouitarum.
Caput IIII.

Hæc omnis gens Moschouitica siue Ruthena,
magis seruitute quàm libertate gaudet, cuius e-
gregium executorem principem proprium habent.
Omnes enim passim cuiuscunque conditionis sint,
(nullo respectu personarum habito) grauissima ser-
uitute premuntur, prout inferius in gestis moderni
principis dicitur. Nobiles, magnates, præfecti, pri-
moresq; & consiliarij omnes *Chlopos* se, id est abie-
ctissimos & vilissimos seruos magni Ducis fatentur,
& bona sua omnia mobilia & immobilia, quæ pro-
priè possident, non sua, sed magni Ducis esse dicunt.
Ut autem equester ordo à magno Duce, sic etiā ple-
beius ciuilibusq; à nobilibus & magnatibus grauissimè
premitur: colonorum enim bona & ciuium, militū,
& nobilium prædæ exposita sunt, & per contem-
ptum nigri homines, siue Christiani cōmuniter ap-
pellantur. Sex dies coloni in septimana dominis

*Seruitus
Moschoni-
tarum.*

suis laborant, septimus verò dies priuato labori conceditur, neq; hi strenuè laborant, nisi bene verberati. Habēt autem à dominis suis certos attributos agros, & prata, ex quibus viuunt, tributaq; annua soluunt. Artifices secundum præscriptum paruo laborem suum vendunt. Cumq; annonę caritas in pretiū concedit, tunc artifices exiliori tenuiori; in pretio sunt, adeò vt vix panē ipsum pro labore vnius diei (quamuis strenuo) acquirere possint. Ciues quoq; & mercatores grauissimis & intolerabilibus tributis, & exactionibus adinuenticis onerantur, quas hic recensere longum esset. Quòd si magnus Dux aliquem mercatorum argenti aurive paulo ditiozem à delatoribus (quorū plena curia est) rescuerit, tunc eum sibi præsentari iubet, & crimine falso commentito dicit; delatum est ad nos tuum scelestē facinus, ideo vt criminofus punieris, si autem accusatus obtestaretur se innocenter accusatum, tum magnus Dux respondere solet anima testium, qui te accusauerunt, sciant, mea verò nihil refert. Confestim ergo iussu principis arripitur, & tam diu verberatur, donec præscriptam summam monetæ argenteæ, magno Duci numeret.

Debita exigendi mos.

Est autē hic mos apud Moschouitas receptus, quòd omnes debitores, qui alienum æs conflauerunt, non habentes vnde creditoribus suis redderent, ex legis præscripto in locum certum & publicum, ad id ordinatum ducuntur, ibique à seruis prætorianis flagris, baculisq; per suras & crura pedum, grauius absq; vlla misericordia ceduntur, tam diu donec vnde eundem accipiendum sit, creditoribus sua reddere cogantur, quòd si soluendo non sufficerent, tunc verberibus

bus multotiens exagitati creditoribus secundum valorem debiti seruire coguntur. In hunc quoque locum omnes coram magno Duce, per contumeliam accusati ducuntur, & si ditiores fuerint, cuiuscunque conditionis, tam diu verberantur, donec imperatam pecuniam (quamuis vnquam debitam) magno Duci soluant. Omnes communiter seruos emptos aut capriuos habere solent, quos morituri frequenter manumittunt. Illi tamen continuò seruituti assueti, alius dominis pecunia accepta in seruitutem se vendunt.

Liberi etiam serui, qui dominis suis pro pretio seruiunt, non possunt quando velint à dominis se abdicare: si enim absque domini voluntate aliquis abierit, ab alio domino in famulatum non assumitur, nisi fuerit à domino, cui primò seruiuit, vel ab amicis se pro fidelitate eius obstringentibus commendatus.

Pater etiam habet potestatem filium quater vendendi, ita vt semel venditum quocunq; tandem modo liberatum, vel manumissum, rursus atque iterum iure paterno eum vendere possit. Post quartam autem vèditionem nihil iuris amplius in filium habet.

Seruitores in dominos suos plerumque conquerruntur, quòd ab eis probè non essent verberati: credunt enim se dominis displicere, signumq; indignationis esse, si non frequentius verberentur, obiurganturq;.

Prout autem viri à magno Principe seruitute aggrauntur, sic etiam apud viros suos mulierum conditio miserrima est: nulla enim honesta & pudica creditur, nisi domi conclusa viuat, adeò vt nusquam exeat, domi autem manentes telam fabricant, & filant, nihil prorsus iuris authoritati suæ in adibus ha-

Ius patrie in filium.

Verbera seruis cara.

Mulierum conditio.

bent, omnes enim labores domesticos serui absol-
uunt, non verberata à maritis plerumque conquerun-
tur, & odiosè prosecutas dicunt, verberaque signum
amoris putant. Basilicas raro, rarius etiam ad amico-
rum colloquia, commellationesque, nisi omni suspi-
cione carerent, utpote effectæ admittuntur. Certis
tamen & festiuis æstate diebus, hanc prærogatiuam
exhilarandi animi gratia habent: Omnes communi-
ter cum filiabus in campis viridiferis deambulāt, ibi-
que super quadam trabe, duabus fines trabis occu-
pantibus, alternatim sursum ac deorsum mouentur,
aut frequētius funem in medijs circuli modum duo-
bus stipitibus appendit, desuperque infidentes hinc
& inde impulsæ feruntur. Postea quibusdam certis
cantilenis manibus pedibusque complodentes, ca-
pitibusque frequentius mouentes sese oblectant, vel
manibus se inuicem tenentes, & simili modo canen-
tes choreas in gyrum ducunt. Hæc autem consue-
do præcipuè circa festum Petri & Pauli apostolorum
aliquot hebdomadis, ab omnibus Ruthenis promi-
scuè obseruatur.

Ædificia.

*Imagines
domestica.*

Ædes ferè omnes apud Moschouitas, tam in pagis
quàm in ciuitatibus insubædificatis præptuariis cel-
lariisq; supernè locantur, ad quas per gradus ascen-
ditur. Quamuis autem vestibula ædium satis ampla
& alta habeant, fore tamen habitationum humillim-
as faciunt, ita vt ingressurus quispiam inclinare &
demittere se cogatur. In singulis habitationibus ima-
gines diuorum in tabulis pictas loco honorificetio-
re sitas, habent; præcipuè autem diui Nicolai, passio-
nis Christi, Mariæ virginis, & S. Petri: hasq; maximo
honore prosequuntur, & pro penatibus venerantur.

Cum

Cum autem vnus alium accedit, ingressus habitacu-
lum non statim dominum domus salutat, sed conti-
nuò caput aperiens, vbi imago sit diligenter circum-
spicit, quæ visa, cum magna reuerentia, ter se crucis
signo caput inclinando munit, dicens: Iesu Christe
Fili Dei viui, miserere nostri. Postea porrectis sibi
manibus alterutrum sese inuicem salutantes deoscu-
lantur, capitaque more patrio frequentius inclināt,
id autem tam viris quàm mulieribus peculiare est, in
congressu de omni consanguinitatis familia alteru-
trum percontari, an rectè pater, mater, vxor, filij, fra-
tres, &c. valeant, post vnāquamque interrogatio-
nem, & responsionem caput multoties inclinantes,
maximeque mutuò se insipientes obseruant, vt
magis se inclinarer, & ita frequentius caput alterna-
tim inclinando de honore concertant: hospes tan-
dem discessurus ter se signat cruce priora verba re-
uerenter proferens, salute alterutrum data, abit. In
honore captando venandoq; mirabilibus & super-
stitiosis ceremoniis vtuntur. Tenuioris etiam for-
tunæ hominibus intra portam alicuius præstantio-
ris viri equitare nō licet. Insigniores domini & con-
siliarij, vulgares etiam nobiles intra priuatos parie-
tes quotidie delitescunt, & in publicum rarius pro-
deunt, eò quò maiorem auctoritatem sui que obser-
uantiam apud populum captarent, nullusque nobi-
lium ad quartam vel quintam domum pedes pro-
greditur, (quod & Litvani quidam assuecere cœpe-
runt) nisi equus subsequatur, idque non propter v-
sum, sed ostentationis causa faciunt. Nobilis quam-
uis egenus & pauper fuerit, tamen ignominiosum si-
bi putat, si manu laboraret.

*Hospitali-
tas.*

*Honoris em-
piditas.*

Malefactorum iudicia.

Præfectorum pauci auctoritatem habent, ultimo supplicio reos plectendi, omnes enim causæ & controuersia in Moschouiam ad magnum Ducem consiliariosque suos deferuntur. Ex subditis nemo aliquem torquere audet, cuiusvis enim conditionis malefactores magnus Dux vel consilij principales morti adiudicare solent. Pauperibus non semper patet ad magnum Ducem aditus, sed ad consiliarios, isque difficillimus, unde omnis iustitia magna ex parte tenuioribus venalis fit.

Habitus Moschorum.

Consul siue prætor, qui personam iudicis obtinet, à magno Principe in vnaquaque principali ciuitate ordinatur, gentilitè *Ocolnik* dictus.

Vestibus omnes oblongis absque plicis ad talos demissis vtuntur, præcipuè verò lazurini vel albicoloris. Pileos albos apicatos crustatosque ex lana coacta gestant, ocreis omnes ferè rubeis, iisque breuioribus, quæ genua non attingunt, vtuntur, quarum soleas in digitis paululum erectas clauiculis ferreis muniunt: indusia variis coloribus sericeis circa collum exornata apud præcipuos, auro intertexta gestant, eaque monilibus, gemmis, vñionibus, seu globulis argenteis, aut cupreis deauratis exornat. Cruces argenteas, vel aureas lapidibus pretiosis exornatas præstantiores; vulgus verò ferreas, vel cupreas pro sacramento quodam collo appensas gestant.

Omnes autem & singuli suæ conditioni vestibus conuenientibus ex præscripto mandatoque magni Ducis vtuntur: nam tenuioris fortunæ vulgarisque familiæ hominibus vestes pretiosiores elegantioresque, sub graui pœna prohibentur. Si autem aliquem humilioris familiæ virum elegantius vestitum conspi-

conspiciunt, proditorem perfidumque eum appellant, & suspicionis notam ei inurunt, dicentes: perfide unde tibitalis vestitus, more dominorum (Polonos enim & Lituanos dominos appellant) vestiris, & ad eos deficere perfidiosè moliris, tu enim pro huius vestis pretio non sufficis. Statim ergo accusatus grauissimè vt suspiciosus punitur. Alius itaq; tenuioribus nobilibus, alius consiliariis & magnatibus, alius ciuibus & colonis habitus est præscriptus, secundum vniuscuiusque dignitatem, conditionem & rei familiaris opulentiam.

Secundum conditionem personarum habitus.

In thesauro etiam magni Ducis vestes plurimæ elegantes, ad id sunt repositæ & confectæ, vt cum aliquando triumphus celebratur; vel cum legatus alicuius principis excipitur, tunc omnibus & singulis aulicis suis magnus Dux illas vestes ad tēpus accommodat. Ceteri quoque nobiles ad conuiuia amicorum nuptiasve celebrandas profecturi, vel si alicuius diuini festum solenne occurrerit, tunc volentes solennius elegantiusque vestiri, de magni Ducis thesauro vestes sibi accommodant, certo pretio secundum temporis spacium pro vsura vestis attributo, & deinde easdem absque detrimento cum vsura præscripta thesaurario restitunt. quod si aliquantulum vestis commaculata fuerit, tunc vsurpatorem secundum æstimationem pecuniam pro ea numerare cogitur, verberibusque ne id in posterum admitteret, corrigitur. Ad regem Poloniae etiam, vel ad alios externos principes, Moschouie princeps oratores missurus, omnibus aulicis & nobilibus cum legatis proficiscentibus, vestes solenniores, arma, & id genus ornamentorum ex thesauro suo ad vsurpandum sub prætextu

Vestes magni Ducis copiosas habet pro suis amicis.

Legatorum expeditio.

soluenda usura accommodare solet, administrator-
que horum substituitur, qui omnia ornamenta uni-
cuique secundum ordinem, quotiens opus fuerit,
distribuit, rursusque ea ab eisdem recipit & referuat:
ex legatione tandem reuersi certam pecuniam pro
usurpatione vestium & ceterorum ornamentorum
secundum pactum magno Duci numerant, vestesque
restituunt: quod si aliquis ornamentum accommo-
datum commaculauerit, tunc verberibus emenda-
tus, illud soluere cogitur.

Hic mos apud omnes Ruthenos & Moschouitas,
quotannis certis diebus obseruatur, adolefcetes, pue-
ri, plurimi que viri vxorati, extra ciuitatem pagumve
in locum amplum & eminentiorem confluunt, vn-
de ab hominum congregatione videantur, ibique qui-
busdam sibilis & vociferationibus (secundum gentis
morem) signo dato, concurrunt, manusque absque
ullo armorum genere conferunt certamen, pugnis,
pedibus, magno cum impetu faciem, pectus, ven-
trem, & genitalia vtrique quatientes, ineunt, saepe-
que inde seminiui plerumque etiam mortui exportan-
tur. Hoc autem certaminis genus ideo institutum di-
cunt, vt adolefcetes assuescant verbera pati, & quos-
cunque impetus perferre.

DE MAGNI MOSCHOVIÆ DV-

cis, Ioannis Basiliadis tyrannide.

Caput V.

Absoluto breuiter situ regionum Russia, magno
Moschouiae principi subiectarum, religione, mo-
ribus denique, & consuetudine gentis, de moderno
principe Moschouiae Ioanne Basiliade, eiusque tyran-
nide

nide quaedam dicenda nobis restant. Sed antequam
rem ipsam aggrediemur, pauca de titulo illius quo v-
titur, lectori haud aspernanda praeponemus.

A tempore Ruriczki primi Nouogrodiae magnae
Ducis, de quo superius dictum est, omnes ferè prin-
cipes Russiae non alio titulo quam magnorum du-
catuum, Wolodimiriae vel Nouogrodiae magnae, vel
Moschouiae utebantur, usque ad Basilium Ioannis Ma-
gni, patrem moderni principis Ioannis Basiliadis, de
quo hoc nostrum propositum est. Hic enim Basilius
rebus suis feliciter procedentibus, & filius eius post
eum modernus princeps titulum & nomen regum
plurimorumque magnorum ducatum sibi vendica-
re ceperunt, in hunc modum: Nos magnus Domi-
nus, Rex, & magnus Dux totius Russiae, Ioannes Ba-
siliades, magnus Dux Wolodimiriae, Nouogrodiae
magnae, Moschouiae, Pskouiae, Smolenskiæ, Thwe-
riae, Iugariae, Permiae, Viatkiae, Bulgariae, Rex Casanie,
Astrabaniae, dominus & magnus Dux Nouogrodiae
inferioris, Czernihouiae, Rezaniae, Wolochdiae, Rso-
niae, Bielloiae, Rostouiae, Iaroslauiae, Poloczkiæ, Biel-
lozierie, Vdoriae, Obdoriae, Condimia, dominus Se-
ueriae, Liouoniaeque, & magnarum regionum, Orien-
tem, Meridiem, Septentrionem, & Occidentem ver-
sus, dominus legitimus, haeres & successor.

Nunc autem multi eum imperatoris titulo, pra-
cipue verò Germani venerantur, qui deductionem
verbi *Czar* Slauonica lingua ignorantes, pro rege
imperatorem ponunt. Quid igitur hoc nomen *Czar* *Czardis*
in Slauonico sonaret, breuiter exponemus. *Czar*, *nia* *regē* *si-*
hoc verbum in Ruthenico idiomate, regem, *Czar-* *gnificantis*
stus verò, regnum significat, & hoc nomine Mo- *expositio.*

Titulus Mo-
schouiae du-
cis.

schouitz principem suum, regem totius Russiæ appellat. Cæteri autem Slaui, utpote Poloni, Bohemi, Lituani, & cæteri, qui ab idiomate Ruthenico diuersi sunt, alio nomine regem appellant, scilicet *Krol*, alij *Korol*, & *Kral*, hoc verò nomine *Czar* solum imperatorem appellari existimant, vnde & Rutheni ipsi Moschouitæque, audientes ab externis nationibus hoc nomine imperatorem significari, & ipsi principem suum imperatorem Russiæ appellare ceperunt, nomen *Czar* dignius esse, quàm regis (licet idem sonet) putantes. Sed in omnibus Ruthenorum tam sacris, quàm prophanis literis, *Czar* regis, *Kesare* verò imperatoris nomen repræsentat. Sic quoque rex Thauricæ Tartarus, Præcopensis *Czar*, id est rex nuncupatur, & omnes reges Tartarorum hoc nomine efferuntur, sed plurimi ignorantia huius vocis decepti, omnes reges hoc nomine *Czar* vocatos, *Cæsares*, hoc est imperatores esse putant. Alij quoque principem Moschouitæ album *Cæsarem*, præcipue verò subditi sui appellant, id est regem vel imperatorem Russiæ Albæ. Russiæ etenim, ut suprâ dictum est, Moschorum duci subiecta, Alba dicitur, ea verò cui Polonorum rex præest (quamuis & Albæ partem possideat) Nigra appellatur Russiæ. Vel etiam ideo dictum esse regem Album Moschorum principem existimo, quod incolæ omnium regionum ipsius imperio subiectarum, vel libris albis & pileis plerumque utantur. Porro Basilii moderni principis parens, ad Romanum pontificem & imperatorem, ad reges item Daniæ & Sueciæ, magistrumque Livoniæ, & ad Turcam scribens, regis titulum utebatur. Ad regem autem Poloniæ nunquam regis, nisi magni Ducis titulum

lum præsumebat. Nunc verò præfens magnus Dux Moschouitæ, & ad regem Poloniæ (quod pater nō faciebat) regis titulo utitur, sed à Polono nunquam, nisi magni Ducis titulo honoratur.

Hic princeps Moschouitæ Ioannes Basilides imperio quod in suos exercet, omnes faciliè vniuersi obsequio has superat, nam autoritate sua (vel potius tyrannide) tam in spirituales, quàm in seculares, & cuiusvis conditionis homines utitur, liberè & ex voluntate sua de omnium & viri & boni (nemine obstrepente) constituit. Consiliariorum enim nullus est apud eum tanta auctoritatis, qui dissuadere, aut sibi in re aliqua quamvis iniustissima resistere audeat. Omnes denique tam procures, quàm consiliarii, & totus equestris & spiritualis ordo, fatentur publicè voluntatem sui principis, voluntatem Dei esse. & quicquid princeps quamvis perperam egerit, ex voluntate Dei agere. Ob id etiam clauigerum & cubicularium executoremque voluntatis diuinæ eum credunt esse. Vnde & princeps ipse si quando preces consiliariorum interponuntur ad se pro re aliqua idonea, respondere solet, cum Deo placuerit, vel si Deus iusserit, faciam. Ita quoque si de re aliqua incerta & dubia Moschouitas interrogaueris, communiter secundum consuetudinem respondent, Deus nouit & magnus Dux, vel, Deus sic voluit & magnus Princeps. Denique in computationibus vnus ad alium præbrens, primò salutem magno Duci, omniaque sancta & felicia nomine proprio eum appellant, & titulos regionum enumerantes, exoptant: idem ante & post prandium omnes & singuli optare solent. Et si aliquid peruersè pessimeque, & cum Reipublicæ

*Autoritas
magni Ducis.*

dispendio princeps fecerit, ab omnibus tanquam res felicissimas & utilissimas gesserit, laudatur. Affinibus cognatisque suis nec arces ad legitimè possidendum permittit, nec confidit, solummodo aliquos secundum arbitrium suum, qui sibi placuerint, arcibus & possessionibus certis proponit, & tādē illis qualibet de causa inensus, omnia ut sua, adimit. Ex plebeis equites, palatinos, & consiliarios plerunque secundum voluntatem suam nullo repugnante facit: ex consiliariis deinde siue equestris ordinis hominibus, plebeios, omnibus bonis illis ademptis & publicatis, reddit. Eodem modo metropolitas, episcopos, abbates, prioresque monasteriorum suo iudicio eligit, & deponit, omnes iuxta durissima seruitute premit, prout supra in expeditione bellica, consuetudineque gentis latius diximus.

*Seruitus
Moschorum.*

Sed cum hæc tota gens Moschorum duci subiecta magis seruitute, quam libertate gaudeat, incertū est, an suis moribus conformem tantū tyrannū exigant, à quo insolentia eorū domaretur. Nam hoc plerunque in illis regionibus obseruatur, quod serui apud dominos, & uxores apud viros gratiam, si ab eis frequentius verberentur, habere, & amore se prosecutos dicunt. Contra si in eos non animaduertitur, nullū signum amoris in se exhibitū conquiruntur, & non solum serui, sed & plerique nobiles, magni viri & consilij, frequenter à magno Duce absque ulla dedecoris nota publicè siue priuatim baculis verberantur. Illi verò tunc temporis amoris signum principem in se exhibuisse gloriantur, verberatiq; gratias principi agunt, dicentes: Sanus tu sis & incolumis domine, rex & Dux magne, quod me seruum rusticumque tuum verbe-

verberibus emendare dignatus sis. Qua ratione probatur, eos suis moribus conformem dominū (velut quondam ranæ regem ciconiam) necessariò exigere. Sed his Moschorum princeps Ioannes Basiliades leges huius tyrānidis supra modum (iustitia iudice) excedere videtur, qua non solum prædecessores suos, (quid secundum morem & consuetudinem gentis faciebant) superauit: sed illos omnes tyrannos, qui ante & post Christum ad hæc usque tempora fuerunt, utpote Neronem, Valerianum, Dionysium, Decium, Maximinum, Iulianumque, & ceteros omnes.

Hi etenim quamuis etiam sepius tyrannidem nefandam exercuerint, attamen aliquantò tolerabiliorē, sed in hoc principe tantam tyrannidem dictu miram, breuiq; temporis interuallo crudeliter perpetrata videre licebit, quam nos bona fide conscriptam Lectori benigno offerimus.

*Amplificatio
tyrannidis
Moschorum
duci.*

INITIVM TYRANNIDIS MOSCHORVM principis Ioannis Basiliadis.

ANNO partæ humano generi per Christum salutaris, supra millesimum quingentesimum sexagesimo, Ioannes Basiliades magnus Moschorum dux, postquam Poloczko arcem & ciuitatem celebrem Lituanis ademisset, rei prosperè gestę successu elatus, in quandam insolentiam prolapsus est. In primisque ad ea quæ pater, auusque suus inceperant cōtinuanda & perficienda, animum apposuit: omnes nimirum principes & alios quosuis magnates castris, possessionibus & munitioibus exuere. Postea omnes magnarum & antiquarum familiarum viros, quos suæ tyrannidi contrarios cernebat trucidare, de medioq;

*Initium ty-
rannidis.*

tollere cœpit. Huius igitur cordis & tyrannidis à magno viro OWczinino, Demetrio nomine (filio illius OWczina olim tutoris sui, qui in Starodub arce captus, Vilnæ Lituanie metropoli in vinculis mortuus est) exordium sumpsit hoc modo: Inuitauit eum sub amicitie prætextu ad cœnandum secum, ibique inter compotandum ipse magnus Dux vas quoddam ingentis capedinis impletum mellis liquore, illi OWczinino pro sanitate sua, (prout gentis mos est) vno haustu iam temulento ebibendum obtulit, qui iam ferè potu oppressus, ne mediū quidem ebibere potuit, qua de causâ magnus Dux perfidiam ei exprobrauit, dicens: Siccine mihi domino tuo cuncta bona exoptas? Siccine me principem tuum clementem diligis? Sed quia hinc præbibere pro salute mea noluit, ad cellarium meum ubi varij potus reconduntur, vade, illicque pro incolumitate mea præbibes. Ille miser iam ebrius, verbis placidis magni Ducis, quasi fidelibus deceptus, ad cellarium cum his, qui ad eum occidendum erant subornati, perrexit, à quibus ibidem crudeliter suffocatus est. Postridie verò ad domum prædicti OWczinini magnus Dux (quasi rei ignarus) misit, mandans ut ad se veniret, vxor verò sua respondit, maritum hesternâ die ad magnum Ducem cœnatum profectum esse, & ab hoc tempore adhuc domum non rediisse, sic igitur res ubi fuerit, vel quò abierit prædictus Demetrius OWczininus, in dubio stabat. Hæc autem præcipua causâ necis eius erat: Fouebat quendam iuuenem magnus Dux Theodorum nomine, Bosmani cuiusdam nobilis filium, cum quo Sodomiam contra opus naturæ (dictum nefandum) explebat, cum isto prædictus OWczininus quadam

quadam die ad iurgia deuenit, inter iurgandum autem (ut fit) hoc nefandum facinus ei exprobrauit, dicens: tu Sodomia turpi principi inferuis, ego verò ex magna profapia ortus, semper cum prædecessoribus magna cum laude & Reipubl. vtilitate principi seruiui. Ille igitur iuuenis tali ignominia affectus, ad magnū Ducem flens venit, OWczininumque talia sibi exprobrasse accusauit. Et ab hoc tempore magnus Dux insidias struere cœpit, quomodo OWczininus de vitâ tolleretur, donec voti compos effectus est.

Porro hoc clanculario furtiuoque mortis genere, plurimos magni nominis viros iugulare suffocareque, procurauit, nemine contra talia ne quidem mustitare audere, donec metropolitani ipse re considerata, episcopi; & omnes equestres viri ad eum conuenerunt, expostulantes & interrogantes, quam obrem sic innocenter populum suum, insignesque viros, absque vlla criminis nota de medio tolleretur, quorum conuentu & persuasionibus per semestre anni spatium humanior, & quasi mansuetior effectus erat. Interea tamen cogitare & moliri cœpit, quo pacto suæ tyrannidi conformes seruos & aulicos, quorum opera in explenda crudelitate vteretur, conduceret & conscriberet. Finxit igitur se iam vel imperium abdicaturum, & monasticam vitam religiose in pace transacturum, filiosque imperio præpositurum. Conuentu itaque generali celebrato, nobilibus & proceribus imperij dixit: Ecce habetis duos filios meos legitimos hæredes, qui vniuerso imperio nostro præerunt, vos verò omnes obedientiam suam & operam illis in iuuando regimine, & defendendis finibus imperij præstabitis, si autem aliquid grauius

*Moschus ty-
rannidem
molitur.*

*Moschus im-
perium ma-
litosè abdū-
cat.*

*Moschus fa-
celibres ma-
lissimos con-
seruit.*

acciderit, ad me consilium deferre, cum non longè à vobis in monasterio abfuerim. Confestim ergo per amplam aream extra ciuitatem Moschouiam delegit, & curiam in ea amplissimam cum innumeris ædificiis muro cinctam erigere fecit. Quæ extructa arces præstantiores cum opimis annuis redditibus, ex vniuerso imperio delectu habito sibi specialiter (sub prætextu monasticæ vitæ ducendæ) appropriauit. Cum itaque in curia prædicta omnibus necessariis munita & prouisa, quasi imperio abdicato filiisque concessio, seorsimve maneret ingentem facinororum manum qui suas partes sequerentur satellitumque coegit, & ad pristinum propositum quod nuper statuerat de excidendis, è medio tollendis antiquarum familiarum principibus viris rediit, ad omnesque & singulas arces, quarum prefectos, magni nominis viros occidere proposuit, sexaginta plûve aliquando ex suæ factionis satellitibus, equites, quasi præsidarios cum literis misit, qui in arce tam diu sub prætextu præsidij manebant, donec eius prefectum à principe neci designatû inopinatè opprimeret, & membratim dissecarent. Et cum iam aliquem ex iis principibus viris occidit, tunc & omnes cognatos, affines, fratres, & omnem denique progeniem, occidere & funditus extirpare facit. Et hoc modo plurimas principales familias, monasticam vitam ducens, exterminauit, & postea imperium vt & prius administrare cœpit.

DE ROSTOVIENSIS DV-

cis nece.

DVcatus Rostouiensis, cuius superius mentionem fecimus secundo genitis, magnorum du-

cum

cum Russis, attributus erat. Hunc etiam Basilus magnus Dux vt & ceteros sibi appropriauit, hæredibus subiugatis parua reddituum portione concessa. Ex his ducibus vltimus erat relictus hares Petrus nomine, præfectus Nouogrodia inferioris, quem modernus magnus Moschorum dux cum progenie sua de medio sustulit hoc modo. Quadraginta equites factionis suæ in Nouogrodiam inferiorem destinauit, quibus vt sibi caput præfecti prædicti ducis Rostouiensis abscissum, attulerint, mandauit. Illi igitur equites prædictum ducem in ecclesia orantem præuenientes, sic allocuti sunt: Domine Rostowski mandato magni Ducis à nobis nunc capieris. Ille confestim mandato audito baculum, quem manu gestabat, in terram abiect, innuens se officium cui præpositus erat, iam abdicare: nam princeps Moschouia cum aliquem nobilium in officio præponit, tunc illi in manum baculum dare solet, quo significatur, vt ei in omnibus velut principi obtemperaretur. Tandem cum aliquis officio degradatur, tum baculum illum in manus principis, vel eius vices gerentis reddere solet. Cum itaque in ecclesia prædictus dux Rostouiensis caperetur, vestibus spoliatus est, vt nudus velut matris aluo egressus staret, postea in trahæas vinctus positus & alligatus est. Cumque iam tribus milliaribus à Nouogrodia auctus esset, illi qui eum vehabant ad flumen Volgam, substituerunt: Dux verò vinctus quare starent, causam percontabatur, qui se equos velle ad aquam ducunt: ille contra, non equis hanc aquam, sed mihi (quasi mortis præscijs) bibere, & nunquam ebibere, respondit. Confestim ergo præfectus equitû ei iacenti

*Rostowski
capitur.*

*Tyrannis
ingens.*

caput securi amputauit, cadauer verò in flumen gelu concretū mersum est. Cū autem caput illius principi allatum est, ipse princeps manu & capite nutans, dixit, ach caput caput, multum sanguinis vitium existens effudisti, (bellicosissimus enim extitit) & nunc mortuum eundem effundes, his dictis fremens pede illud truxit, & in profluente abijcere iussit: postea omnes amicos & totam progeniem quinquaginta hominum funditus eradicare excindereque (possessionibus omnibus eorum publicatis) fecit, seruosque eius præcipuos quaterdenos vinctos in carcerem intrusit,

*Moschiscorum
timela in-
nata.*

Hæc tota gens Moschouitica id à natura ipsa inditum habet, ut sese alterutrum qualibet de causâ per fas siue nefas accusarent, contumeliisquæ variis se inuicem afficiunt, & res suas vnus in alterius domum clanculum frequenter iniit siue importat, eademque furto sibi ablatas dicit. Magnus verò Dux cū vnus alium qualibet de re accusat, libenter audit, iam etenim occasionem occidendi illius, qui accusatur, habet. In curia autem illius quando conuentum, vel aliquid tale celebrat, vel morti aliquem ad iudicem destinatve, neque submissa neque clara voce aliquid cum socio mullites, nec rideas, nec festiūm hilaremque vultum præ te feras, confestim enim interrogaaberis, cur rides? cur hilaris es? &c. sentistu aliquid cum inimicis magni principis: continuò igitur à delatoribus coram magno Duce accusatur; accusatus verò iussu principis, nulla purgatione criminis obiecti cōcessa à satellitibus arripitur, atq; membratim dissecatur, aut in aquas capite auulso projicitur.

DE

DE IOANNIS PIOTROVICZ, PALATINI SUPREMI MOSCHONIA FALSÒ ACCUSATI,
CRUDELYNECE.

ANNO virginiei salutiferi partus supra millesimū quingentesimum sexagesimooctauo, cū rex Polonia Sigismūdu Augustus, magnus Dux Lituania, ad campos Radoscouicenses cum vniuersis Lituania viribus in castris esset, fines Moschouiticos inuasurus: Magnus Moschouia Dux in Wielikieluki ciuitate cum præsidiariis copiis tunc temporis excubabat, postea cū rex Polonia ex castris re infecta & intetata discessisset, magnus Dux in Moschouiam ciuitatem reuersus est, & ibi progressum quendam nobilium suorum sibi contrarium offendit. Præcipuè verò quidam magni nominis vir Ioannes Piotrouicz, palatinus principalis, & vices gerens Moschouia apud eum, per delatores falsò & contumeliosè accusatus est, quasi ille magnum ducatum ambiret, quem magnus Dux confestim nulla purgatione criminis obiecti audita, omnibus bonis, mobilibus & immobilibus spoliare fecit, ipsumque in bellum contra Tartaros proficisci iussit. Ille miser omni supellectili spoliatus ne equum quidem, in quo ad id præscriptum bellum proficisceretur, relictum habuit: Monachus tamen quidam eius miseria condolens, equum ei accommodauit, in quo contra Tartaros mandatū principis adimplens, solus tantum (qui nuper caterua seruorum comitabatur) profectus est. Ex bello tandem reuersus, ad magnum Ducem citatur, omnesque nobiles & ceteri magnates ad tempus designatum in Moschouiam conuocantur. Prædictus igitur Ioannes Piotrouicz ad tribunal citatus,

*Iudiciū ty-
ranni.*

uxori, liberis, ceterisque affinis, valedicens, necis futurae praescius, magno Ducis se praesentauit. Statim ergo ab ipso principe ornamentis ducalibus, diademate, & sceptro, solenniter insignitus in sede siue maiestate regia ad id erecta collocatur, cumque iam sic insignitus & ornatus sederet, omni conuentu nobilium & magnatū circumstante, ipse magnus Dux coram eo stans, capite adaperito, quasi honorem exhibens, caput & genua (secundum morem gentis) inclinabat, dicens: Aue magne Dux & monarcha Russiae, en obtinuisti quod affectabas, en habes quod ambiebas: voluisti enim in locum meum magnum monarchatum Russiae (sic enim falsò accusatus erat) succedere, en ego ipse te iam magnum Ducem solenniter creauit, sed sicut habui potestatem, te magnum Ducem creandi, ita etiam potens sum te hac de sede & dignitate degradandi: his dictis cultellū oblongum, siue pugionem ipse in cor eius aliquoties infixit, omnisque turba nobilium circumstantium in eum sic crudeliter pugionibus & cultellis sauebat, quoadusque omnia viscera & praecordia ex eo in terram profluerent. Cadaver tandem crudeliter vulneribus confectum, ex arce in forum extractum est. Deinde omnes seruos eius praecipuos laqueis iugulare, trucidare, & aquis obruere mandauit. Tandem in arcē Columna, quam praedicto Ioanni cum omnibus prouentibus, olim concesserat, profectus, omnes quotquot in ea arce & ciuitate ad trecenta plūsve hominum inuenit, aquis immergere, trucidareque fecit, dicens: Occidite, iugulate, aquis obruite hos malefactores: sentiebant enim cum inimico meo periuro & perfido. Postea per integrum ferè anni spatium

*Crudelitas
tyranni.*

tium possessionis praedicti Ioannis ciuitates, & villas vastabū, usigne & ferro peragrabat, ubi verò nobiles subditos huius Ioannis, siue Boiarones, (erat enim magnus homo habens sub sua ditione alios nobiles) offendit, hos omnes in vnam habitationem coactos & oclusos succendere iussit, pulueribus tormentariis suppositis, omnesque vi accensi pulueris in aërem velut aues volantes eiciebantur. Iumenta insuper omnis generis ad canem & felē vsq; in frustra membratim dissecare, proterere, & in nihilum conuertere, villas & praedia igne succendere, cineribusq; commiscere fecit: uxores verò horum nobilium, & virgines coram se turpiter constuprandas satellitibus exposuit, postea eandem in frustra dissecare mandauit. Colonorum autem & ipsimae conditionis coniuges vestibus spoliatas, in siluam nudas perinde ut matris aluo egressas, vel ut brutum pecus agere iussit in siluis autem satellites latentes subordinati erant. Cumq; illae miserrimae mulierculae siluae appropinquarent, satellites cum impetu in eas irruerunt, cadescentes & variis plagis afficientes: illae timidae per campos & sylvas pallantes & identidem discurrentes omnia siletibus & eiulatu complebant. Sicitaque omnibus possessionibus praedicti Ioannis Piotrouicz olim Palatini Moschouiae deuastatis, & funditus extirpatis uxorem eius in monasterium intrusit: progeniem autem eius, totam denique familiam à patre ad minimum eradicauit.

*CANCELLARIO SVO QUID
fecerit.*

Eodem supradicto anno trucidato tam insigni viro cum tota familia sua, cancellarium suum

Cancellarius cum duobus filiis occiditur.

Kozarin Dubrowski dictum, falso accusatum (quasi ille subditis nobilium siue Boiaronum, largitionibus corruptus tormenta bellica in suis curribus & equis ducere non iuberet, prout mos est, & quod solummodo magni Ducis id munus obiret) crudeliter hoc modo trucidauit: Satellitibus suis mandauit, ut in domum prædicti cancellarij impetum facerent, ipsumque membratim (quamuis criminis non cõuictum) dissecarent, quod & dicto otius executum est: nam satellites inopinatè ipsum cancellarium cum filiis duobus membratim securibus ad mēsam sedentem crudeliter dissecarunt, dissecatosque in puteum, qui in medio eiusdem curiæ erat, proiecerunt. Superfuit autem adhuc huius cancellarij filius tertius, qui hoc die, quo pater suus occisus est, ad conuiuium quoddam inuitatus profectus erat, cumque de patris tam crudeli fratrumque nece audisset, in domum amplius redire non audebat, sed per integrum ferè annum, identidem præ timore vagabundus circumambulabat. Cum verò nunciatum esset magno Duci adhuc vnum filiū cancellarij Kozarini superesse, iussit eum per omnes regiones & ciuitates tam diu inquirere, donec inueniretur, quem captū, & in Moschouiam adductum, magnus Dux quatuor ingentibus rotis ad id excogitatis, in quatuor partes dirumpere fecit. Est autem hoc instrumentum quatuor rotarum ab hoc magno Duce moderno pro cruciandis hominibus adinuentum, ad primam rotam vna manus, ad secundam altera, eodem modo vterque pes ad cæteras duas rotas alligatur. Singulas verò rotas quindecim viri trahunt, tunc ibi & si ferreus vel adamantinus homo fuerit, à sexaginta viris transuersim crudeliter

Tertius cancellarij filius rotis distrahitur.

Instrumentum moris crudele.

deliter tractus dirumpitur, & membratim dilaceratur. Ipse autem præsens ad hoc supplicij genus spectare solet, cumque iam aliquis eo inspiciente sic dirumpitur, gentili voce saltando *hoyda, hoyda*, profertens vociferare solet, quasi aliquod opus egregium perfecerit. Omnis quoque nobilium & plebeiorum circumstans turba, eadem voce principi suo correspondere manibus complaudendo solent. Nam si aliquem lugubri tristiq; vultu sub id temporis cõspexerit, vel si aliquis illi *hoyda hoyda* vociferanti exhilaradi particula nõ responderet, statim satellitibus eum arripere & dissecare mandat, dicens: perfide, & tu sentiebas cum hoc inimico meo, cur ei condoles? quare de nece eius contristaris? &c.

SALES ET IOCI MAGNI DV- cis circa mensam.

Quicumque nobilium vel magnatum apud magnum Ducem inter prandendum turpius spurciusque iocatur, ille egregius peroptimusque & facundissimus aulicus censetur. Tales iocatores duo præcipui in aula eius germani fratres Knesi Gwozdo Wie dicti erant, qui semper sales nefandos circa mensam exercebant, vnus erat Andreas nomine Marschalcus, siue palatij magister, qui peste infectus vitam exhalauit. Alter verò minor natu cubicularij munus obibat: hic quadam die turpissimè cum magno Duce inter prandendum iocabatur, adeo ut magnus Dux nefandis dictis exacerbatus, à mensa ei discedere iussit, interdum verò eo discedente caulis calidissima penèq; bulliens de coquina ad mensam allata est, vocans igitur prædictum cubiculariū, iussit

*Cubicula-
rium truce
dat.*

se ei inclinari, & caulem illam calidam inclinato collo post tergum infudit, qui penè combustus dolore urgente vociferari cœpit, dicens: Miserere, misereere celeberrime imperator. Postea discedere volentē, magnus Dux arripuit, cultelloq; quo ad mensam utebatur, eum crudeliter in collum transfixit, à quo vulnere continuò in terram prolapsus, extractus est in atrium. Postea ei condolens magnus Dux, Italum doctorem medicinæ orius accersiri iubet, ei-que venienti assurgens dixit: Dilecte Arnolphe doctor (hoc enim nomen habebat) vade auxiliare aliquid huic cubiculario meo, quem in iocâdo læsi. Doctor egressus exanimatum offendit, reuersusque dixit: Rex & Dux magne, vtinam tu sanus sis, ille verò iam de vita ad mortem translatus est, Deus autem, & tu magne Domine potens animam ei eripere, ego autem eam restituere nequaquam possum. Ad hæc magnus Dux manu conuolvens dixit, valeat ergo canis cum viuere noluit.

QUALI MUNERE MAGNVS DVX suos honorauit.

*Auriculam
Palatino
abscidit.*

Quodam tempore Boris Tito W magni nominis vir, Palatinus Stariciensis, ad magnum Ducem post prandium mensæ cubito innixum assidentem venit, honoremque secundum morem caput inclinando, exhibuit, cui magnus Dux quasi congratulans dixit: Salue carissime Tite, salue mi fidelissime serue, dignus es ô Tite, aliquo munere à nobis honorari, accede propius, accedenti-que caput inclinare iussit, & cultello euaginato auriculâ ei manu propria abscidit. Ille verò auriculâ priuatus, minimè contraxit,

tradixit, sed humiliter magno Duci gratias egit, dicens: Saluus tu sis celeberrime Rex, Dux & domine magne, quòd me seruum tuum secundum placitum tuum castigare digneris. Cui magnus Dux, accipe nunc hoc exiguum munusculum libenter, donec tibi aliud melius offeratur.

SOMNIORVM EGREGIVS IN- terpres magnus Dux.

Quidam nobilis Moschoutæ in carcere aliquot annis detinebatur, carcerisq; durissimi pertæsus, somnium sibi falsò finxit, quasi regem Poloniae captum vinctumq; ad magnum Ducem adductum in somniis videret, hocque somnio se liberaturum fore (spe eum fallente) arbitrabatur. Supplicationem igitur ad consiliarios scriptam misit, dicens, se rem quandam magno Duci necessariam & vtilem gratamq; scire. Quem cōsiliarij eductū magno Duci cōfestim præsentant: cui magnus Dux, dic ea nunc quæ dicenda nobis habuisti. Ille verò, celeberrime Rex & imperator, magne Dux & domine, hac nocte in somniis vidi regem Poloniae captiuum miserè compedibus vinctum, ad te à tuis militibus adductum. Ad hæc magnus Dux respondit, rectissime narraisti, statim ego tibi hoc somnium, quid sibi vellet, exponam, carnificibus igitur eum confestim examinandum torquendumque tradidit, inquirendo ab eo, qua de causâ hoc somnium sibi finxisset, ille tormentis adactus falsus est, id causâ liberandi ex duro carcere fecisse. Tunc magnus Dux eum in carcerem duriorē pristino intrudere iussit, dicens, expecta hîc somnij tui veram efficaciam tam

diu, donec adimplebitur. Ille miser postea acerbissimo carcere consumptus, miserrimè à vita discessit.

TVRPIS MATRONARVM NOBILIVM, apud magnum Ducem abusus.

Habet magnus dux supplantatores, adulatores plurimos ad id subordinatos, qui idētidem circumambulantes, quid mulieres civium, matronæq; nobilium de se loquerentur, subaudiunt, raptaque verba dicto otius ad eum deferunt, qui satellitibus suis ad domum illius matronæ accusatæ destinatis, eam de lectulo à marito proprio violenter abstrahere, & sibi præsentari iubet. Hanc, si sibi complacuerit, per aliquot hebdomadas pro explenda libidine detinet, sin minus, satellitibus eam turpiter stuprandam exponit, & tandem ad matitum suum eam ablegat. Si verò virum illius matronæ occidere è medioque tollere proposuerit, tunc eam non ablegando iugulare, vel aquis obruere iubet, prout hoc pluribus contigit. Præcipuè verò cuidam magni nominis viro MiessoiEDO Wyſchly dicto (de quo inferius dicitur) supremo notario suo uxorem cum pedissequa violenter abstractam, & per aliquot hebdomadas detentam, in porta domus mariti sui eam vnā cum pedissequa laqueo suspendere iussit, sicque in porta suspensæ duabus hebdomadis pendebant, donec iussu principis deponerentur. Maritus verò suus subter uxorem suspensam per illam portam, quod opus fuerat exire & intrare cogebatur. Hoc quoq; vel atrociori modo cuidam notario suo fecit, cui vxorē abstractam & stupratam postea remisit, eamque in habitatione

Grande facinus.

bitatione propria, vbi solitus erat cibum capere, super mensam, suspendere fecit, in illaque mensa desuper vxore strangulata pendente, tam diu ille notarius cibum amarissimum capere cogebatur, donec iussu principis illud cadaver asportaretur. Cum autem aliquod magnus Dux proficiscitur, & fortè obuiam sibi (vt fit) aliquam viderit matronam, quamuis magni viri vxor ea esset, sciscitare iubet, cuias sit, vel vnde proficisceretur? Quod si eam illius viri cui offensus est, uxorem esse intellexerit, tunc eam ex curru descendere, & collo tenus pudenda detegere iubet, & tam diu stare cogitur, donec omnes satellites, equites, & aulici, ipseque magnus Dux prætereant.

DE INIVRIA EXPOSTVLANTIBUS quid acciderit.

Anno à Christo nato millesimo quingentesimo sexagesimo sexto conuenerunt ad magnū Ducem nobiles, magnates, & consiliarij, quasi trecenti viri ex postulantes cum eo de iniuriis, homicidiis, spoliationibus & inaudita crudelitate, his verbis: Celeberrime Rex, magne Dux, & domine noster, quæ causa est, quod nos innocenter tantis detrimentis, tantisque malis & iniuriis affligis, fratres nostros, con sanguineos, infontes morti adiudicas, trucidas, aquis obruis, bonis spolias. Insuper satellites tuos in nostrū exitium conuertisti, qui nos intolerabilibus oneribus iniuste affligunt, & an tuo mandato nobis hæc faciant, penitus ignoramus. Nos etenim tibi domino nostro & imperatori legitimo, prout fideles subditos decet, in fide sincera & veritate seruimus, sanguinemque nostrum tui causæ strenuè profundimus.

His diebus magnus Dux ira excandescens in carceres omnes & singulos victos intrusit: postea quinque diebus exactis de carceribus eductis, quibusdam linguas abscindere, aliis pedes & manus obtruncare, quinquaginta verò insigniores viros in foro publicè virgis & baculis cedere iussit, reliquos liberos dimisit, quibus quamvis tunc temporis pepercerit, postea tamen in manus eius crudeles & truculentas devenerunt, prout inferius dicitur.

*QVALEM GRATIAM MAGNVS
Dux socero suo exhibuerit.*

Michael Temtucovicz cognomine, claræ familiaris vir, magni Ducis socer, tali amore prosequitur, quòd interdum per duas ampliusve hebdomadas magnus Dux gratiam amicitiamque ei exhibet. Postea cum eidem qualibet leui de causâ in sensus fuerit, tunc ad singulas portas, ianuasque curiæ illius, viros indomitos horribilesque tres vel quatuor alligare mandatur, qui omnes ex curia exire volentes vnguibus confestim dilaceraret. Interdum ergo dominus socer in ædibus clausus sedet, & si quid habet, comedit, bibit, & hi vrsi aliquando per duas, tresve hebdomadas à foribus curiæ non abducuntur. Quando etiam eundem socerum suum supradictum magnus Dux pecuniis abundare intelligit, tunc eum iubet arripere crimine ei falsò obiecto, & in locum ubi debitores secundum morem gentis baculis virgisque caduntur ducere, ibique tam diu iussu principis virgis verberatur, donec omnem thesaurum indicare cogatur. Quando autem in eo magnus Dux nihil potest verberibus extorquere, tunc ei ipse ex thesauro suo certam summam

nam pecuniæ numerare solet. Hoc itaque modo magnus Dux socerum suum tractat, aliquando eum thesauro spoliatur, aliquando ditat. Interdum verò cum se huic socero suo benigniorem exhibet, tunc ipsi soli parcat; sed præcipuum eius & intimum seruum (qui vices domini suppleret) arripere, & tam diu verberare iubet, donec thesaurum domini sui indicaret: aliquando etiam dominus seruo innocenter casu còdolens, tantum pecuniæ pro eo numerare solet quantum magnus Dux imperauerit. Quadam etiam vice euenit, quòd vector prædicti Michaelis cum vectore magni Ducis in via fortè congressus, ibi ambo inter se licet excitauerunt, ac inter iurgia ad pugnam devenerunt. Vector igitur magni Ducis grauius percussus ad marschalcum, siue palatii magistrum veniens, à vectore soceri magni Ducis se verberatum còquestus est. Magister palatii causam ad magnum Ducem detulit, qui continuo re audita, absque partis accusatæ purgatione, satellites suos in curiam prædicti soceri sui misit, eisque ut tres seruos illius præcipuos in foribus laqueis suspenderent, mandavit. Sic ergo illi serui suspensi in foribus pendebant, & omnes ex domo exire, & in domum intrare volentes, per illas fores subter suspensos ambulare duabus hebdomadis cogebantur, donec iussu principis deponerentur.

*Sex pro vero
berato socio
suspensi.*

*DE CRUDELI MAGNI DUCIS
Moschorum tyrannide, quam in Novogrodia magna,
Pskovia, Tveria, & Nerva ciuitatibus perpetrauit anno Domini 1569.*

Anno per Christum salutis partæ supra millesimum quingentesimum sexagesimo nono, cum

princeps Moschouia rescivit Nouogrodenſes, Psko-
uienſes & Th Werenſes ad regis Polonia magnique
ducis Lituania partes aliquantulum propenſiores
eſſe, ſtatim quomodo id vlciſceretur cogitare cœpit,
& vt inopinatos, & præter ſpem ſecuros opprime-
ret, hoc modo in primis progreſſus eſt. Omnibus &
ſingulis vtriuſque ſexus hominibus, tam viris quàm
fœminis, ſenibus & pueris ſub pœna capitali interdi-
xit, ne quiſquam ea via, quæ ex Moſchouia in magnâ
Nouogrodiam ducit, ire, proficiſcive præſumeret.
Deinde cùm iam numeroſo accinctus exercitu de
curia Alexandroua Sloboda dicta, ad Nouogrodenſes
vlciſcendos, & funditus exterminandos egreſſus
eſſet, præſidiariorum ſatellitum ante ſe ſeptingentos
præmiſit, totidemq; à tergo, & in omnibus circûqua-
que locis præſidarios ſubordinauit, qui omnes quoſ-
cunque ea via interdicta euntes inuenerunt, ſecuri-
bus membratim cum iumentis, curribus, & id genus
aliis rebus, diſſecabant; ita vt nec ex Moſchouia in
Nouogrodiam, nec ex Nouogrodia in Moſchouiam
quiſquam viuentium tranſire poterit, nemoq; pro-
poſitum principis quò contenderet, excepto vno ſe-
cretario Ophanasio Wiazimski, ſcire potuit: nã hæc
omnia tam cautè & callidè peragebantur, vt inopi-
nati & vndeque inſeclui Nouogrodenſes citius
opprimerentur, & nuſquam euadere poſſint. Cum-
que iam à Nouogrodia magna quaſi per mediũ mil-
liaris cum exercitu abeſſet, tum demum miſeri No-
uogrodenſes diem iudicij ſibi imminere cognoue-
runt: etenim ſatellites emiſſarij equitesque tractum
Nouogrodenſem igne & ferro hoſtiliter vaſtabant,
omnes homines cuiuſcunque conditionis fuerint,
nobiles

*Regionem
ſuam vaſtat
Moſchoua.*

nobiles & plebeios cædebant, iugulabant, membra-
timque diſſecabant: inſuper iumenta omnia, vicos
& pagos flamma abſumebant, ſatellites etiam præ-
ſidiarij, qui viarum tranſitus vbiq; cuſtodiebant, ne-
minem poſt principem tranſire (quãuis ſeruũ ipſius
propriũ) ſinebant, ſed omnes quoſcunque offen-
derint, membratim diſſecant. Verebatur enim ma-
gnus Dux ſubditorum ſuorum, nobilium & ma-
gnatum quorundam erga ſe conſpirationem, & in-
fidias. Tandem in iplam Nouogrodiam magnam,
ſatellitũ aliquot millia, cum equitibus Tartariſ præ-
miſit, ad ſpoliandos & depradandos omnibus bo-
niſciues, quos ipſe ſtatim cum toto exercitu ſecu-
tus eſt, & omnes obuioſ trucidare, membratimque
diſſecare, equis proterere, lanceis induere iuſſit. Ipſe
quoque manu propria cum filio natu maiore pluri-
mos lancea tranſfigebat. Poſtea duas vaſtas areas ſe-
pris ligneis circumdare, & trabibus obſtruere, illic-
que omnes ciues præſtantiores vinctos cogere, &
implere fecit, quos ipſe cum filio haſtis tam diu cru-
deliter, equis calcaribus adaſtis, magno impetu trãſ-
figebat, & trucidabat, donec vterque anhelans de-
fatigaretur. Tandem ad ſatellites circumſtantes, fre-
mebundus dixit: Irruite in hoſ perfidos, ſecate, diſ-
ſecate, trucidate, neminemque viuũ relinquite.
Illi conſeſtim dicto otius in eam multitudinem ci-
uiũ vinctorum turmatim ſtantes, impetu factò, o-
mnes ad vnum membratim diſſecarunt, & in aquas
proiecerunt: deinde aliquot centena hominum in
flumen gelu concretum, quod mediam ciuitatem
interfluit, implere, glaciẽque in circuitu eorum
circumcidere iuſſit, qui omnes glacie circumciſa

*Manu pro-
pria cū filio
magnus dux
ciues trucidat.*

fundum petente, aquis immerſi & obruti ſunt.

*Numerus
occisorum.*

Spolia.

Damna.

*Neruiapo-
pulatur.*

Tantam igitur in Nouogrodia magna ciuitate ce-
lebri, & totius Ruſſiæ primaria magnus Dux tyran-
nidem perpetravit, vt 2770. ciuium excepto paupe-
re vulgo, ſexuque ſcæmineo trucidati & aquis obru-
ti fuerint. Monasteria quoque in toto Nouogro-
dienſi tractu 175. ſpoliare, deprædare, quædam ho-
ſtiliter flammis comburere, monachosque trucida-
re & aquis obruere fecit. Veſtimenta ſericea & id ge-
nus ornamentorum ciuiliū, ſatellitibus in prædam
conceſſit, auro & argento (cuius ineffabile pondus
de eccleſiis & mercatorum theſauris compilauit) ſi-
bi relicto, domos etiam ciuium ſpoliatas diripere,
euertere, & deſtruere fecit. Tantaque damna mer-
catoribus, cæterisque ciuibus in hac celebri vrbe e-
didit, vt nequaquam reſarciri, & iuſta computatio-
ne æſtimari poſſint. Cera quoque innumerabiles
maſſas ab annis viginti pluſve apud mercatores re-
poſitas in flammis projicere, & in nihilum conuer-
tere iuſſit: cera etenim Nouogrodienſium, pellesque
ferarum præcipuæ merces erant. Cumque prædi-
ctam ciuitatem funditus iam deuſtaſſet, & totum
ferè tractum eius crudeliter depopulaſſet, quingen-
tos equites in Neruiam ciuitatem Liouoniæ finiti-
mam, vbi Nouogardenſes merces ſuas deponere ſo-
lebant, deſtinauit, & per totam ciuitatem proclama-
re iuſſit, ne aliquis merces Nouogrodienſium ſub pœ-
na capitis & omnium bonorum priuatione eme-
re, aut ſibi quolibet modo appropriare audeat. O-
mnes verò ciuēs Neruienſes, qui à Nouogrodienſi-
bus aliquid mercium clanculatio emerunt, mem-
bratim diſſecati, & in lacum proiecti: poſſeſſiones
verò

verò eorum vnà cum domibus igne combuſtæ ſunt.
Pauperes etiam omnes & mendicos, qui præ nimia
fame (tunc temporis graſſante) caſorum cadauera
coquebant, & manducabant, illi ſatellites iuſſu prin-
cipis trucidauerunt, trucidatosque in profluentem
abiecerunt, & omnes merces Nouogrodienſium va-
rij generis, quas illic repoſitas inuenerunt, in vnum
locum congeſtas ſuccenderunt.

*Médici truci-
dantur.*

ARCHIEPISCOPO NOVOGRO- dienſi quid contigerit.

Cum ita crudeliter Moſchorum princeps Nouo-
grodiam magnam vaſtaret, ab archiepifcopo e-
iuſdem ciuitatis (qui Ruthenico idiomate *Wladica*
dicitur) ad cibum capiendum inuitatus eſt. Ille nulla
excuſatione interiecta, hora prandendi ſtatuta in æ-
des archiepifcopi ſatellitū armata manu ſtipatus ve-
nit. Inter prandendum aut eccleſiam ſanctæ Zophie,
auri & argenti ditiffimam (ad quam omnes ferè ciues
theſauros ſuos, quaſi in locum tutiſſimum compor-
tarant) ſpoliare & funditus deprædare iuſſit. Poſtea
prædio peracto archiepifcopum (à quo ad cibum ca-
piendum inuitatus erat) omnibus ornamentis, veſti-
busque archiepifcopalibus denudauit, dicens: mini-
mè tibi conuenit archiepifcopum eſſe, ſed potius ti-
bicinem & vtricularium, vrforumque ad choreas peri-
torum, ductorem. Ideo melius tibi eſt vxorè ducere,
quam ego tibi delegi. Cæteris autem abbatibus, &
monaſteriorum prioribus, qui prandio intererant,
dixit, vos omnes ad nuptias archiepifcopi veſtri cele-
brandas inuito, ſed vt etiam ad huius conuiuij neceſ-
ſaria comparanda ſinguli ſymbole daretis, oportet.

Omnes igitur abbates prioresq; imperatam & pre-scriptam summam pecuniæ magno Duci numerare coacti sint, vel ad minimum nummulum omnes penitus spoliati & excoriati fuerint, metu etenim tormentorum territi, omne argentum quantum quifque habebat, principis impulsu exhibuerunt. Cum igitur ab eis hæc symbola exegisset, minisque & tormentis extorisset, equam albam prænantem adducere iussit, eamque archiepiscopo digito indicans, dixit: En uxorem habes tuam, ascende super illam, & in Moschoniæ proficiscere, illicq; te in numerum siue contubernium tibicinarum & citharæcorum, qui vrsos saltatrices ducunt inscribere da. Ille miser inuitus super equam prænantem viloso panno vestitus ascendere compellus est, iamque desuper sedenti iussu principis pedes sub ventrem equæ alligati sunt, deinde ipse magnus Dux instrumenta mulices, videlicet lyram, fistulam, tibiam & citharam illi archiepiscopo iam sic equæ insidenti porrexit, dicens: En habes artificij tui instrumenta, plus enim tibi citharistæ, quàm archiepiscopatus officij arridet. Iam igitur hæc instrumenta mulices exerce, & ad contubernium citharistarum in Moschoniæ proficiscere, qui per totam ciuitatem in equa pedibus subtrus alligatis sedens, vtricularios inflare, stridentibusque & discrepantibus fistulis (nunquam licet in hoc genere mulices exercitatus) miserum perstreperæ carmen compellus est. Hoc igitur modo prædictus antistes Nouogrodensis archiepiscopatus dignitate spoliatus, exutus, omnibusq; bonis priuatus, & nefanda ignominia turpiter affectus exitit.

His peractis monachos, abbatesq; & priores monasterio-

Monachi trucidantur.
nasteriorum, ceterosq; ecclesiasticos omnibus bonis spoliatos, vario mortis genere trucidare, securibus dissecare, lanceisq; induere, & aquis obruere fecit. Postea quendam magni nominis virum Theodorum Sirconij dictum captum, ad se in castra medio milliari à Nouogrodia sita, adducere iussit, eumque fune longo per medium alligare, & in fluuium Volchow dictum demergere fecit. Cumq; iam aquis penè obrueretur, rursus extractus est, extractumque ipse magnus Dux interrogauit, dicens: Dic mihi quid in fundo huius fluuij vidisti? At ille respondit: Omnes demones magne Dux, qui in hoc flumine & in lacubus Ladoga, Sladoga, Warmiaque degunt, ad tuam animam eripiendam, & in tartaro demergendam, congregatos vidi. Ad hæc magnus Dux, rectè inquit, ait, ego verò pro huius visionis declaratione & expositione gratiam tibi præstabo. Confestim igitur eum arripere, & pedes in ahenæ aqua bulliente repleto genua tenus coquere iussit, tamdiu donec omnem thesaurum indicaret: erat enim auri & argenti ditissimus, duodecimq; monasteria suo sumptu fundauerat & erexerat. Cum verò sic crudeliter absque ulla misericordia concoqueretur, triginta millia florenorum monetæ argenteæ indicauit. Tandem cum fratre Alexio, iussu principis membratim dissecatus, & in proximum fluuium iniectus est.

In Pskoniâ sustandam contendit.
Hac insigni vrbe antiquissima, & celeberrima omnium ciuitatū Rusiæ crudeliter deuastata ad Pskoniæ ciuitatem antipolim, Nouogrodiæ haud dissimilem, eodem modo hostiliter depopulandam profectus est. Cumque iam ciuitati armato cum exercitu appropinquasset, ciues extrema sibi imminere vi-

dentes, singuli menſas vnusquifq; ante aedes ſuas adornauerunt, ſalq; & panē ſuperpoſuerunt. Nam apud Moſchos pane gratia, ſale verò amor ſignificatur. His itaque diſpoſitis obuiam magno Duci exeuntes, ad panem cum ſale comedendū humiliter eum (vt gētis mos eſt) inuitarunt, dicentes: Magne Rex & Dux celeberrime, domine noſter, nos ſeruuli tui fideles, humilibus & ſubmiſſis votis, te ad panem cum ſale comedendum inuitamus, nobiſque omnibus & bonis noſtris vniuerſis ſecundum placitum vtere: nam omnia bona quæ poſſidemus, non noſtra, ſed tua pariter nobiſcū ſunt. Hac igitur humili Pſkouienſium oblatione non nihil ſedatus placatusq; exitit, mori deſtinatis pepercit. Sed ciues mercatoresq; ditiores auro & argēto deprædauit, monachos etiā quosdam erucidare, membratim diſſecare, aquis obruere, & duas Baſilicas præcipuas theſauri diſſiſſimas ſpoliauit, denique campanas de omnibus eccleſiis abduxit.

*Tweria
caſſatur.*

His in Pſkouia exactis in Tweriam ciuitatem inſignem olim ducum Twerēſium ſedem proſectus, tantam in ea tyrannidem quantam in Nouogrodia magna exercuit, incolas trucidauit, aquis obruit, bonisq; omnibus mobilibus & immobilibus ſpoliauit, diuorum templa auro & argento deprædauit: Lituanos etiā & Ruthenos, numero quingentos, qui in Poloczka arce capti in carceribus ibidē detinebātur, omnes iugulare trucidareq; fecit. Tartarorum quoque decem nouē magnates in bello captos, & in eadem ciuitate carceribus detentos trucidare iuſſit, ad idque exequendum præfectū ſatellitum Maluitam Scurato W dictū, deſtinauit. Tartari verò re animaduērſa, cum nihil aliud niſi præſens ante oculos exitiū, & mi-

& miſerabile mortis genus conſpicerent, in deſperationem adaçti, inter ſe obſtinatè & firmiter ſtauerunt, ſeſe pariter quoad poſſint defendere: cultellos itaq; in manibus abſconditos ſinguli habebāt, & cum prædictus Maluta cum cæteris ſatellitibus in eos cum impetu irrueret, Tartari vnanimiter vt leones rugientes ſtrenuè ſeſe defendere cœperunt, vnusquifq; eorum ducem ſatellitum Malutam cultello appetiit, ventremq; ei quamuis lorica induto ad inſectinorū vſque profluxum tranſfodit. Dum ſic res atrociter Tartariſeſe obſtinatè defendētibus agitur, ex ſatellitibus quatuor deſiderati ceciderunt, vicemq; enormiter vulnerati, cæteri que fugati, re inſecta diſceſſerunt. Cumq; magno Duci proceſſus rei nūciaretur, ſtatim quingentos ſcolopetarios cum bombardis, & arcubus in ſubſidium illis ſatellitibus contra decem nouem Tartaros miſit, ſicq; vndique circumuenti ſagittis bombardarumq; glandibus conſecti, & membratim diſſecati in profluentem abiecti ſunt.

*DE TYRANNIDE, QUAM SUPER
intimum ſecretarium conſiliariumq; ſuum
magnus Dux exercuerit.*

Cum propoſuerat magnus Dux has ſupradictas ciuitates funditus deuſtare, tum id tam cautè, callidè & occultè peragebat, vt propoſitum ſuū nemini, niſi cuidam Ophanafio Wiazimski (quem vnicè diligebat) reuelauerit, & aliquando bis per noctē de lectulo ſurgens, ad prædictum Ophanafium conſultandi diſceptandi; de progreſſu rei gratia, ambulare nō grauabatur, & quamuis etiam Italum Arnolpium doctorem medicinæ ſingulari gratia proſe-

quebatur, attamen nunquā nisi per manus huius Ophanasij medicinas sumebat, eumque pro vnico alumnino habebat. Hic autē Ophanasius Hreorum quendā LoWczik dictum, magno Duci cōmendauerat, & iam in gratia apud magnum Ducem habebatur. Qui beneficij ingratus prædictum Ophanasium benefactorem suum, ad magnum Ducem per cōtumeliam criminaliter detulit, quasi ille arcanum sibi creditum de vastandis Nouogrodēsis & Twerensibus quibusdam reuelasset. Cuius falsis dictis magnus Dux per suasus fidem adhibuit, sed non statim se accusato iratum exhibuit: sub prætextu enim pristinae gratiæ & amicitiae, seorsim cum eo arcana consilia, ut solitus erat, variis de rebus conferebat, aliud simulando fingendoque, aliud animo occultando, malumque; & exitium ei sub dolo amoris specie machinando. Postea quadam die magnus Dux cum prædicto Ophanasio simili modo consilia conferens, satellitibus suis seruos eius præcipuos interea trucidare iussit, quod & factū est, egressusque ille Ophanasius à magno Duce, seruos suos miserè trucidatos videns, quasi non videret oculis auersis, præterit: deinde iussu principis bonis omnibus spoliatus, & funditus deprædatus, ex familiaque eius decemseptem viri insigniores occisi sunt. Ipsum autem magnus Dux bonis omnibus spoliatum, in locum publicum, vbi debitores baculis ceduntur (prout gentis mos est) ducere iussit, & tam diu crudeliter verberare, donec omne argentum & aurum, quod adhuc secretò reconditum habuit, indicare compulsus fuerit: nihilominus tamen qualibet die bis tēve per crura baculis crudeliter verberabatur, iamque; cutis in eo præ duris verberibus perinde

inde vt timpana intumescibat: attamen adhuc eò grauius torquebatur, donec tormentis crudelissimis eò adactus esset, vt cōtumelia aliquot ciues Moscho- uienfes, quos ditiores sciebat, afficeret, quasi sibi magnam summam pecuniarum debiti fuerint; & quantam apud aliquem summam pecuniarum indicauit, tantam illi principi numerare & rependere (quamuis nihil debiti, sed per contumeliam accusati) compulsi sunt. Neque hac quidem effera tyrannide, tantæque summæ argenti à nihil debentibus exactione sibi temperauit, vt explendæ crudelitati satisfecerit, sed ipsum adhuc eò crudelius torquere iussit, crura pedum baculis tondendo, donec præ nimis verberibus spiritum exhalaret. Postea seruos eius reliquos (quibusdam fuga dilapsis) trucidauit, virgines quoque vxoris eius pedissequas, quadragenas numero, quæ acupingere peritissimè, filoque aureo intexere, & opus Phrygianum conficere nouerant: ex quibus forma præstantiores & pulciores selegit ad suam explendam libidinem.

MAGNVS DVX SEX PRÆSTANTES viros, propter lorica inauratam crudelissimè necari iussit.

Cum Timotheus Masalski, Lituani nobilis, illustri genere natus, captus in bello, tetro diuturnoque; carcere detineretur à magno Duce, & idem magnus Dux iussisset crudeliter tolli e medio Palatinus vrbis Moschouię Ioannem Piotrouiciū, vt supra dictum est, tum quidam ex famulis Palatini animaduertens fortunas domini sui, & bona omnia miserè perdi ac diripi, nève omnia perirent, & nihil ha-

*Timothei
Masalski
crudelis
fortuna.*

beret: occultè accepit elegātem loricam inauratam, eamque sociis suis seruandam tradidit, qui eodem in carcere erant, vbi & Timotheus Masalski: Postea factum est, vt illi eam oppignorarent Timotheo, qui eam seruandam dedit famulo, is autem liber erat, & suo domino in vinculis seruiebat. Itaque famulus, dum defert loricam in hospitium suum, incidit in vigiles, capitur, & statim offertur præfecto carceris, qui cum videret esse pretiosam loricam, illam sibi vindicauit & occultauit. Erant autem & in eodem carcere duo ex sagittariis scloppetariisve magni Ducis, qui istud viderant. Quare consiliariis principis hanc rem detegunt, & referunt, præfectum carceris, seu commentariensem, accepisse loricam inauratam à Timotheo Masalski, quæ olim fuerat Ioannis Piotrouicij palatini Moschouia, hanc occultasse, penesque se habere: è vestigio consiliarij rem totam deferunt magno Duci, qui confestim iubet extrahi è carceribus Timotheum Masalski, & ante se sisti, sic & Commentariensem, & illos duos Moschouitas, qui pignori illi dederant hanc loricam. At denique illos duos scloppetarios, qui istud detexerāt, tum ibi omnes iussu Ducis immanissimè torquebantur, & tandem enecati sunt, quatuor quidem illorum aquis submersi. Ipse autem Timotheus Masalski & Commentariensis simul vincti in urbē Moschouiam missi sunt, ibiq; diē sabbathi, in vigilia festi diei Paschati ambo sunt publicè capite truncati, & in aquas coniecti. Sic ob hanc loricam sex supplicio affecti, & è medio sublati.

Commentariensis auctoritas punita.

QVID

QVID ACCIDERIT ISTIS, QVI

inquirere voluerunt, quidnam ageret

magnus Dux.

Quidam secretarius magni Ducis sanguine ipsi iunctus, semel ad epulas inuitarat aliquot aulicos sibi familiares, quos sanè splendide ac lautè excipiebat: oblitus est autem dum ita hilaris esset inter amicos (sicut sæpius euenire solet) adire principē magnum Ducem: misit vnum ex suis pueris in palatium principis, qui prospiceret quidnam ageretur in Basilica apud magnum Ducem. Puer autem cum ascenderet per gradus palatij, vidit magnum Ducem, alloquentem quendam consiliarium, quo cōspecto famulus reuertitur domum, ad herum id ei relatum. Deinde verò cum magnus Dux amandasset illum consiliarium cum quo conferebat, interrogauit, cuiusnam famulus venisset in aulam, & quam ob causam: Euocatur ille famulus ex iunere, & respondet se eò missum, visum quidnam ageretur in palatio magni Ducis: de repente princeps vbi causam intellexisset, retinuit penes se famulū, & accersit iubet tam ipsum secretarium, quàm eius conuiuas: qui vbi venissent, variis tormentis discrucari iussit eos, volens ab illis extorquere, cur misissent famulū in regiam, percunctatum de eo: cūve ad tam splendidum conuenissent conuiuium, pariter rescire cupiebat, quos de ipso sermones secretos tenerēt. Itaque excruciat tam diris tormentis alij expirarunt, alios verò facultibus exutos omnibus, semimortuos reliquit. Itaque ab illo tempore, & tam atroci ac tristi facinore, nemo ausus est mittere aliquem famulum, visum quid agatur in palatio principis: immo potius hora

Quàm periculosum sit, esse percussorē apud magnum Ducem.

statuta ipsi cōsiliarij penitus adsunt, & procures præsentes veniunt.

*Wlodimir
commiserat
noxia.*

Quidam etiam Wlodimirus Morozow cognominatus, vir celebritate famæ insignis & maturæ ætatis, grauitatēq; plenus Palatinus, semel quadam misericordia motus condere fecit humi miserum hominē, qui magni Ducis imperio interfectus fuerat. Is autem homo fuerat famulus ducis Curpiskij, qui ad regem Poloniae defecerat. Hanc itaque ob causam magnus Dux arguebat hunc Wlodimirum perfidiæ, ac si à partibus fugitiui Curpiskij staret, & in Lituaniā ad ipsum literas dedisset. Itaq; subito coniectus est in carceres, ubi cū longissimo temporis interuallo hæssisset; extractus & oblatuſ est magno Duci, cū esset in suo palatio & aula regia, Alexandro Wa dicta, discruciatuſque est maximis tormentis: cū ab eo nihil extorquere potuissent, tandem mortuus, & cadauer in aquas coniectum est.

*Falsa crimina
nato in Basilio
Dimitrouicio.*

Basilus Dimitrouicius, vir summus & celebris in Bre militari, affecerat iniuriis aliquot præfectos tormentorum bellicorum, cū Moschouitas, tum & Germanos: quorum duo cū vellent fuga sibi consulere, capti sunt à viarum custodibus in finibus Lituaniæ, illi statim deducti sunt ad magnū Ducem, qui tum erat in arce fortissima, vulgò *Wolochada* appellata, & miseri illi quæstionibus adhibiti, falsi sunt, at falsò, quòd scilicet missi fuissent in Lituaniā à suo illo præfecto Basilio. Itaque magnus Dux Basilium Dimitrouiciū ad se accersit ex ipsa Moschouia, variisq; tormentorum generibus affligi iussit: in mediis illis cruciatibus cōstanter passus est, se nihil istorum

istorum molitum fuisse, de quibus accusabatur, nec istud vnquam in animo habuisse. At magnus Dux repente iussit adduci quandam equam oculis captam, & iungi currui, & tum Basilus equæ impositus est, eiūque alligatus. Deinde ambo conijci iubet in rapidissimum fluuium, utres hac oratione: En tibi equam egregiam dedi, institueras abire ad regem Poloniae cum adito. Hæc itaque equa cecitate percussa, natabat in alto istius rapidissimi fluminis & velocissimi: ipse autem Dux erat spectator cum suis satellitibus stans ad ripam fluminis, ut istius rei euentum intueretur: ac post longam natationem, hæc misera & caeca equa ad nauigabat ripæ. Verū præfectus satellitum regionum vocabatur Molunta ScuratoW, ut gratificaretur magno Duci: conto abegit equam à ripa & sessorem: sic vi aquæ rapitur iterū equa. Tum magnus Dux exultabundus inquit: O facinus egregium, & valde lepidum. Quare hæc misera equa defatigata vi aquarum rapidissimarum, submersa est, vnā cum isto Basilio Dimitrouicio.

*Phaleri-
mus magni
Ducis in Basilio
est medio
collendo.*

Aliquando cū versus Nouogrodiam regionem proficisceretur magnus Dux, accidit quandam equitē, famulum cuiusdam magni viri fortè præcessisse illum: & Dux ad latus sinistrum iubet deflectere hominem, ira percitus iussit istum frustulatum disseari: & segmina membrorum luto & altissimo ceno misceri.

QUALI VENATIONE MAGNVS Dux plurimum oblectetur.

Quotiescunque magnus Dux cum filio, tempore hyemis respicit ex sua arce, videtq; homines

Barbarum et detestabile turmatim incedentes in lacubus & fluminibus gelu
magni Ducis ludus: & inhumana concretis, ac præcipuè diebus festis, tum iubet, ut in
Soluptas cū hominū in- illam confertam hominum multitudinem tres aut
erunt con- quatuor vrsi immanes immittantur, & irruāt ex im-
tuncta. prouiso. Ibi qui sibi fuga consulere possunt, aufugiūt
 alij crudelissimè à feris illis dilaniantur. Sic hoc pul-
 cerrimo spectaculo pater & filius delectantur vehementer, & rident affatim ac si pulcrum esset facinus.

Deinde cū accedit miser pater, lamentatū se, quòd amiserit filiū, & etiam vxor maritum, qui ab vrsis sic mactati sunt, tunc iubet istis numerari aureum nummum, vel duos, quia sic interfecti sint eius subditi. Addit deinde ipse Dux se magno beneficio afficere ipsos, quòd eius permittit instituere querimoniam coram se: at si subijciunt rem esse infamem & nefariam hoc genus crudelitatis exercere. Iterū respondent consiliarij magni Ducis, magnum Ducem & eius filium magnam ex hac re voluptatem percepisse, & istud vidisse: sic nullum peccatū esse hīc commissum. Ad extremum si ad ipsum Ducem venit mater miserissima lamentando se de cæde filij, aut ipsa vxor ob amissum sic inhumaniter maritum. Breuiter excipiūt illi: perbene satis factum esse ipsis, vbi nummos argenteos moneta Moschouitica centum aut ducenti numerati illis fuerint.

Sæpenumero accidit, cū magnus Dux est in suo palatio Alexandro Wa, & cogitat de aliquo summo viro sumere supplicium, tum delectationis causa iubet istum obuolui pelle vrsi, & deinde ad spectaculum educi: tunc incitat in ipsum aliquot molossos, & canes Britannicos efferos: Canes putantes hunc indutum pelle vrsina esse vrsū, illum morsibus & vnguibus

guibus dilacerant, & crudeliter laniant, eosque quo membratim sic discerptum relinquunt. Ita inhumaniter iste vitam finit.

DE TRVCVLENTO FACINORE, ET crudelitate summa, quam ille summus Dux exercuit in captiuos Lituanos, Ruthenos & Polonos.

ANno Domini 1569. die Ianuarij nono, cū Litvani copias militum non valde magnas cōscripsissent, quatum dux & imperator erat quidam Polubiensis strenuus vir: ceperunt inopinatò urbem & arcem vulgò Izborg dictam, quæ sanè natura loci est satis fortis. Hęc vrbs iampridem parebat Moschoi: at quia non erat bene nec milite, nec annona hæc arx munita, iterum recepta est à Moscho, & à nostris amissa. Magnus itaque Dux cū videret se amississe tam munitam arcē, statim furore & rabie quadam plenus, iubet vt omnes Litvani, Rutheni ac Poloni, qui erant in vinculis crudeliter mactentur. Verum quorundam consilio, qui certas causas ei proferebant, ne id scelus committeret, factum, vt hic eius furor interciderit, nec quod impiè cogitauerit, perfecit. Atque licet tunc eis pepercerit, tamen postea omnes internecioni dedit, vt suo loco explicabimus. Quamobrem illi captiui, qui in ergastulis in vrbe Moschouia asservabantur, ad laniemam & macellum ab eo constitutū: nihilominus tamen, quo suum sanguinolentum animum pasceret, sic ipsi placuit, vt eius satellites passim captiuos per arces in vinculis dispositos adducerent, maxime verò eos, qui erant in carceribus, Pereflauia, Rostouia, Vchlicia, Costroma. Isti aut omnes erant Poloni, Litvani & Rutheni,

*Moschus sa-
lutem capti-
uos.*

vnâ cum vxoribus & liberis, quos ad vnum crudeli-
ter perdidit, aquisque obrui iussit. Sic itaque hoc diro
mandato instructi satellites magni Ducis, ad illas at-
ces venerunt, hacque insidiosa oratione erga illos mi-
seros vinctos vsi sunt. Nunc magno beneficio magnus
Dux & imperator vos afficere cupit, & etiâ regi Po-
loniæ hunc fauorem declarabit, quod vos liberos di-
mittet in Lituaniam: idcirco vos deducemus ad con-
siliarios principis, interea vxores & liberi vestri vsque
ad triduum hic vos expectabunt. Atque cum à con-
spectu carissimarum vxorum & liberorum abduxis-
sent illos procul, tum vinctos manibus pedibusque
proiiciebant in rapidissimum fluuium Volga appel-
latum. Verum exacto triduo quidam Moschouita mi-
sertus vicem istarum mulierum frustra maritos ex-
pectantium, inquit: O miseræ animæ, & infelices mu-
lieres, vos eadē fors manet, quam iam passi sunt ma-
riti vestri, qui sunt proiecti in Volgâ fluuium. At
cum affaretur istas mulieres homo ille, satellites in-
terueniunt, quorum manus de cæde maritorum ce-
rant adhuc cruentatæ, & spirantes necem, venerunt
in carcerem, vnde abducunt gregem illum mulierum
captiuarum cum liberis ad submergendum aquis. Tum
illæ calamitosæ fœminæ & infortunatissimæ, sibi pro-
ponentes ob oculos vicinam mortem ad eodē horren-
dam & terribilem, multis effusis lacrymis petunt ab
istis ministris principis, vt aliquid temporis conce-
dant, quo sua peccata Deo opt. max. cōfiteri possint,
& eius misericordiâ implorent, vel itaque pro sua cle-
mentia omnibus eorum erratis clementer ignosce-
re: id quod à satellitibus eis concessum est. Idcirco ho-
ras duas versabantur in piis orationibus & depreca-
tionibus

*Moschus, He-
rodus infan-
ticida supe-
rat crudeli-
tatem.*

tionibus, ardentissimis votis petentes à Deo, vt illis
pro sua diuina bonitate ac clemētia parceret, & ad se
reciperet: ac cantatis diuinis hymnis, animas suas
Christo redemptori, ad supplicium mortis subeun-
dum se parant, mutuisque oculis sibi datis, mirifice
se consolabantur, vt forti patientique animo omnia
perferrent. Istis rebus omnibus absolutis, ducuntur
ad flumen, quarum aliæ liberos manu trahunt, aliæ
verò infantes suos vberibus admovent. Sed cum iam
ad ripam rapidissimi illius fluuij venerūt: tunc pro in-
genio & natura muliebri, partim ob inusitatum ge-
nus mortis, in tam horrendum eiulatum, fletumque
erumpunt, vt & cælum ipsum penetrarint. Satelli-
tes autem inhumani, minari eis cœperunt, vrgentes
eas, quo illæ sua sponte se aquis traderent. A quo in-
digno facinore cum abhorrerent, statim illi satellites
in eas impetum faciunt, & eas cum liberis in aquas
illius fluuij, cuius glacies confracta erat, abijciunt. Et
sanè ob tristissimi & crudelissimi istius facinoris as-
pectum, vulgus Moschouitarum cum non possent
se continere, in lacrymas effundebatur, commiserā-
tione summa percussus, quod tam indignissime istæ
infantes fœminæ cum liberis tam detestanda morte
affectæ fuissent, execrantes in vniuersum carnificum
istorum immanitatem. Quapropter cum has voces
lugubres populi audirent satellites, quodque ægerri-
mè ferrent hoc genus supplicij, tunc minis vtentes
ac ferientes populum baculis, abigunt, hæcque ver-
ba addunt: O rebelles magni Ducis, apertè videmus,
quod propter istos captiuos supplicio affectos, fletis,
at propediem credite, vos eadem fata sequentur.

DE FRATRICIDIO PERPETRA-

to à magno Duce anno Domini

1570.

*Caini imi-
tatur ma-
gnus Dux,
occidit A-
belem.*

Frater germanus magni Ducis immeritò ac per-
fidè delatus fuerat à quodam consiliario, cui no-
men erat Trzeciak Wiskonati. Audita hac iniusta ac-
cusatione princeps, nullā fecit potestatem fratri fal-
sum crimen diluendi, atque quā ingentes crucia-
tus excogitare potest, illos adhiberi iubet ad excar-
nificandum & torquendum fratrem. Dumque est in
mediis cruciatibus, exegit ac extorsit ab eo omnes il-
lius thesauros, & bona omnia tā mobilia, quā im-
mobilia sibi vendicat, atque cū prae magnitudine
tormentorū vix seminiū esset, tum iussu princi-
pis securi illum ferit carnifex. Deinde fratriam suam,
quae ante conspectum eius procumbebat in terram,
facie demissa, implorans misericordiam, arripi iubet
à satellitibus, omnibus vestimentis exui, & turpissi-
mè nudam cōstitui. Ita diutissimè illa miserrima fo-
mina nuda omnium oculis exposita fuit.

*Neroniana
crudelitas.*

Deinde quidam miles iubente principe eam funi
alligat, & conscenso equo, velocissimo cursu sine vl-
la misericordia, pertrahit illam in flumen, & aquis
submergit ac perdit. Sic iste magnus Dux tam à se ipso
& impius exiit in fratrem & fratriam.

QVO AMORE MVTVO SE PRO-

sequi soleant Moschouita.

*In Moscho-
nia homo
hominis la-
pus.*

Hoc genus hominum Moschouita, est aded bar-
barum & perfidum, vt nihil sinceri sit apud eos,
nec se vnquam vero ac naturali amore prosequun-
tur, alter alterum impudentissimè & cōfidentissimè,
sic

sic sunt perfrietae frontis, criminis alicuius insimula-
re non veretur, siue palam, siue clam, aut apertè, aut
per insidias inuicem perniciem sibi machinatur, mu-
tuisque conuitiis lacessere se soliti sunt. Familiare est
apud eos patrem filio insultare, & filium in patrem
irruere, ac fratrem perfidè deferre, sic vt nulla apud
eos fides, & sanguinis reuerentia sit, etiā in conspectu
magni Ducis se proscindunt contumeliosè. Itaque
accidit semel ante principem anno 1570. quosdam
duos fratres germanos, & nobiles, istius rei iluculen-
tum documentum edidisse, horum vnus vocabatur
Mikieta Obolinski, qui malo genio prae datus fami-
liae gentisq; nomen patrum suum commutauerat:
idq; audiente ipso Duce, excogitauerat aliud cogno-
men, nēpe Powrozoſki, ac si diceret funigerum
aut furciferum, & patibulo dignum hominem. Al-
ter autē frater suę nobilitatis haud immemor, genti-
leque nomen retinens, cū fratrem alloqueretur,
cōpellare cepit nomine gentili Obolinski, qui velut
furens, & atroci iniuria à fratre affectus, magnū Du-
cem adit, & ad eum sic fratrem defert: Princeps sere-
nissime, peto abs te, vt ius mihi administres de fratre,
qui infami nomine me contaminauit. Voco Pow-
rozoſki, & me contemptim appellauit Obolinski.
Idcirco supplex te oro, vt meritas ille luat pœnas,
non enim leuem ab eo mihi factam iniuriam cen-
seo. Tum magnus Dux euocat consiliarios, quasi de
re maximi ponderis consultandum fuisset, inquires:
Necesse est, vt vos hanc contentionē & grauem con-
trouersiam inter istos duos fratres exortam adhibi-
to summo iudicio, & magna cum aequitate diiudice-
tis. Frater itaq; ille, qui ita turpiter abnegauerat suam

*Nec frater à
fratre, nec so-
cer à genere
tuus.*

*Crudelispæ-
na ob nobi-
litate d. f. e-
tionem ad-
ne. sus dege-
nerem.*

nobilitatem, accessit ipsos consiliarios, ut rem totam enarraret, & sibi ius reddi postulet aduersus fratrem: Atque cum iam venisset frater alter, qui merito suam nobilitatem intuebatur, en in caput illius inuolat iste perfidus, & obijcit vrsu, qui eum vnguibus dilaniare incipit, crudeliterque dilacerat. Et cum immanis iste frater videret quodam modo feram bestiam lassari, ense ferit alterum fratrem in pede, & statim magna vis sanguinis profluxit, quo ille inunxit os vrsi, qui cum primum lambendo cruorem humanum iterum degustauit: & sic animatus vrsus secundò apprehendit illum miserum nobilem, & horribiliter deformem reddidit. Quare iam iste impius frater, videns sibi pro iniuria scilicet esse satisfactum, voluit feram abstrahere & arcere, ne amplius saeuiret, neque fratrem mactaret: at vrsus ita aestuabat, & ad mactandum accensus erat, ut nec ab illo, neque à multis aliis posset difficulter ab illo dilaniando abstrahi, tandem ex faucibus vrsi, & carnificina illa creptus est ille nobilis.

Simile quoddam facinus huic accidit, cum magnus Dux Nouogrodiam depopularetur, ferro, inquam, & igne omnia perderet, ut supra dictum est, ducti sunt captiui aliquot nobiles in Moschouiam urbem, inter etiam illos fuit quidam cum vxore & liberis, quem nobilis commendauit cuidam aulico regio amico suo. Iste cum detineretur captiuus diu ab isto aulico, semel conqueri coepit, idque grauissimè de inaudita illa tyrannide, qua vrsus est magnus Dux in Nouogrodiensibus internecioni dandis, deque iniuriis, quibus ille & tota nobilitas affecta fuerat: & plane iugum istius tyranni esse intolerabile; hisce verbis: Deus qui solus iustus est, haud dubiè suo tempo-

re vin-

re vindictam sumet de illo sanguine innocentium tam inhumaniter & crudeliter sparso, in ipsum Ducem & totam eius posteritatem: dignis pro meritis pœnis ipsum castigabit. Deinde paucis post diebus, cum in animo suo volueret, se nimis temere ista effutuisse, & hunc nobilem, apud quem erat in captiuitate, hæc delaturum ad principem. Itaque fraudulentè exco- gitare coepit, nihil esse melius, quàm si potius in hospitem suum hoc crimen transferret. Scribit supplicem libellum ad principem, in quo indicabat magno Duci hunc aulicum principis hæc verba in dedecus ipsius protulisse: tradidit eundem libellum deferendum aulico, qui inscius erat omnium quæ scripta fuerant. Magnus dux quàm primò perlegit supplicem libellum, iubet ad se accersi illum Nouogrodiensem nobilem, qui erat captiuus apud hunc aulicum. Iste oblatus principi, ferrea fronte præditus, statim confert crimen, quo erat reus in ipsum aulicum impudentissimè, & ita se rem habere asserit, inquit: Serenissime domine & magne Dux, tu nos subditos & seruos fideles affligis miris modis, interfici, membratimque dissecari iubes: facultates & fortunas nostras nobis rapis, proditores nos appellas, rebelles & periuros, & alia horrenda nobis obijciuntur, & ob oculos ponuntur, quæ omnia immeritò patimur, nec istorum rei sumus. At si scires quo odio vel plusquam Vatiniano te prosequantur tui domestici, & quanta sit perfidia illorum, quibus plurimum fidis, erga te, quos quotidie maximis accumulas beneficiis: profectò egregiè eos exciperes, ex quorum numero est iste aulicistuuus, cuius carceri me tradidisti. Nam heri vesperi me præsentè & audiente, ia-

*Nec hospes
ab hospite
tutus. & in-
gens ingra-
titudinis e-
xemplum.*

Et abundus hæc verba pronunciabat: O vtinam Deus citissime innocentes vindicet à crudelitate istius tyranni magni Ducis, nam ille diris tormentis suos affliccit, mactat & trucidat infantes, eorum bona & opes sibi adscribit, contra omnem aequitatem. De quibus rebus & iniquitatibus Deus breui sumet supplicium, istum principem & tyrannum conteret & euertet, cum tota eius familia, nec patietur eius successorem regnare. Tum magnus Dux irrumptit in iram, & sic inquit ad hunc miserum aulicum iniuste ab ipso captiuo accusatum: O perfide percipisne ea, quæ iste contra te profert? nec data illi potestate respondendi & diluendi falsam criminationem, variis questionum generibus torquetur: qui cum nihil fateretur, & confictum crimen diceret: iussit hominem membratim dissècari, & postea in profluentem iaci: sic ille nobilis ignobilis planè & belluini ingenij falsò detulerat ad principem infontem, lingua sua mendaci accersit necem innocenti, & ipse ex alterius interitu vitam & libertatem sibi comparauit.

MISERABILIS ET INDIGNISSIMA
laniena, cum duorum procerum Moschouitarum,
tum etiam reliquorum Lituanorum ac Po-
lonorum captiuorum, quibus pau-
lo ante pepercerat ma-
gnus Dux.

Dies festos
Dux Moscho-
uia sanctum
sanctificare
solet.

ANno Domini 1570. cum ex Moschouia internuncij regis Poloniæ, proceres Poloni & Lituanii discessissent, die Eliæ propheta, qui dies festus apud Ruthenos est celeberrimus, & magnus Dux accubaret mensa, & ei apponerentur secunda fercula, velut

velut quodam æstro correptus, surgit à mensa, & sic alloquitur sibi astâtes satellites, sequimini me, quod faciunt ipsi, & mille quingenti catapultarij equites: ille verò princeps perniciosissimo cursu pergit ad arcem, ibique omnes ordine se collocât ante palatium Ducis, tum etiam in hac arce cum habitaret vir summus, & ex proceribus non postremus, Petrus Serebrinus, & rei bellicæ peritissimus, iubet magnus Dux ipsius domum more hostili impeti & inuadi ab istis militibus, ipsum autem capite diminui & truncari: dicto principis parentes irruunt in domum illam, statim capiunt, & miserum illum Serebrinum extrahunt ex adibus, ac offerunt magno Duci, qui sine alia inquisitione, nec facta ullius facinoris admissi ab eo mentione, cõfestim ille satellitum præfectus Scwator, arrepta securi caput illi amputat. Ad extremum cum magnus Dux, quicquid illi visum fuerat, rapuit & ex fortunis istius Petri Serebrini, reliquum permisit prædæ militum: & ne quid superesset bonorum illius, iussit reliquias flammis & igne perdi. Vbi istud perpetrasset, conuertit se ad alium locum arcis: (est autem hæc arx amplissima, & valde spatiosa: vbi complures magnates & nobiles habent ædes suas) & iubet magnus Dux cuidam nomine Bulato magistro equitum, vt cum nõ parua manu militum ædes adeat clarissimi & magni nominis viri Miessoiedi. Huic magno viro princeps vix ante annum rapuerat uxorem elegantis formæ fœminam & ancillam, qua turpissime abusus, & illas vbi violasset, fecerat suspendi ac strangulari in superiori limine ianuæ ædium istius viri, vt suprà diximus. Iste præfectus equitum aggreditur illas ædes, & expugnat facillimè,

Petrus Serebrinus in-
ique perit.

Eadem fors
est viri illu-
stris Miesso-
iedi.

hunc Mieſſoiedi in medium forum trahunt: & ipſe præfectus caput illi acinace obtruncat: qui cum iam commiſſet iſtud ſccleratum homicidiũ, enſe & manibus cruore madentibus procedit ad magnum Duce[m], & velut re maximi momenti præclare geſta, ait: Sereniſſime domine & magne Dux, iam ſummo cum honore perfecit quod tu mihi in mandatis dederas. Ibi magnus Dux pro ſuo more vociferari cœpit ſuũ *Hoyda, hoyda*, cuius clamorem tota turba ſequuta eſt, eadem felici acclamatione vtentes. Ex arce deinde magnus Dux deſcendit ad carceres, vbi erant multi captiui Poloni & Lituani, ſuis ſatellitibus armatis comitatus. Vbi quidam mercator ciuis Moſchouiticus, quid ageretur ignarus, vbi eminens conſpicit ma-

Obuios ma-
ſtat Dux.

Belluina
crudelitas
in captiuos.

Magnani-
mitas Bie-
koſki in
tyrannum
Moſchum.

gnum Ducem cum tanto ſatellitio, retrogreditur præ metu tyranni, quem ſtatim apprehendi iubet & fruſtulatim diſſecari, inquiens, ne vnquam fugias ante conſpectum tui ſupremi domini. Atque cum propius ad carcerem veniret, ipſe Commentariẽſis, qui ibat petitum panem pro captiuis, aſpiciendo principem aduentare, præ timore etiã reuerſus eſt, & eundem magnus Dux raptum, minutim ſecari iubet, dicens: alia vice non timebis. Itaq; cum iam appropinquaret portas primi carceris, dicit cuſtodi, vt citiſſimè fores aperiat, qui metu correptus & tremebundis manibus vix aperuit: Aperto carcere indicit primò educendos nobiles captiuos Polonos & Lituanos, quorum primus fuit Petrus Biekoſki equeſ Polonus ſtrenuus miles, illius pectus tranſfodit magnus Dux lancea, at tam generoſi fuit animi ille Biekoſki, vt lanceã arripuerit manibus, & intorquere voluerit in ipſum magnũ Ducem, vt hoc pacto perpetuam

petuam nominis ſamam ſibi conciliaret, quòd tam inſenſum generi humano tyrannum ſuſtuliffet. At magnus Dux hoc animaduerſo, cœpit exclamare in filium: Iuuan I Wan, id eſt Ioannes fili fer opem, qui celeriter accurrit, & iterum illum Biekoſki hafta tranſfodit, & ſic mortuus in terram cecidit. Secundò productus ad lanienam alter nobilis Polonus Albertus Bugaski, hũc etiã ipſe Dux ſariſſa ſua tranſuerberauit. Tertius fuit Beſus, nobilis & magnæ familie, gente Sileſius, qui eodem mortis genere periit. Quare cum iſtos ſtrenuos viros & nobiles Polonos manibus ſuis interfeciſſet, cœpit ſuo acclamationis genere vt, velut magnam victoriam adeptus fuiſſet, *Hoyda, Hoyda*, quem ita ouantem omnes clamãtes & verſurpantes hanc vocem perſequuti ſunt. Tum ſic affatur ſuos ſatellites: Mactate mi iuuenes: irruite in carcerem, & obuios quoſq; captiuos ſine diſcrimine & vlla miſericordia membratim diſſecate omnes. Iſti dicto parentes, in primo carcere quinquaginta occidunt vinctos: Poſtea accedit ſecundos carceres, & ſimiliter manibus ſuis occidit tres nobiles, quorum vnus erat Ruthenus, ætatis maturæ, Polocenſis Iacobus Moſki, alter erat gener illius, equeſ Polonus, Iacobus Moſki, ſic & tertium ſimiliter nobilem Polonũ, quibus omnibus ita trucidatis erumpit in ſuam vocem lætitiæ ſolitã, & omnes ei accinunt ac reſpondent: & ſtatim reliquos iubet à ſuis ſatellitibus diſſecari, quod factum eſt: erant autem quinquaginta quinque, exceptis multis infantibus, qui vix nati erãt dies ſeptem. Tertio cum acceſſiſſet carceres, ibi & manibus ſuis edidit crudelitatis ſuæ exempla, tres mactando nobiles Polonos, alios ferẽ

Litat Plu-
roni Moſch,
trucidando
captiuos, in
omnib. car-
ceribus po-
ſuit.

quingenta quinque, cum securibus & ensibus satellites membratim trucidarunt. Sic perpetrata hac immani strage & inaudita tyrannide, sic sparsa disse-
taq; illa corpora iacere permisit supra terram, quæ iam epota & imbuta erat, & mollissima reddita effusione sanguinis illius humani. Quam obrem rediit triumphans & ouans in palatium, & totum illum diem in hymnis & tripudiis, & omni sonitu instrumentorum musicorum consumpsit: non aliter ac si magnam victoriam de hostibus adeptus fuisset. Sub vespertum præcepit frustula membrorum istorum occisorum colligi, & extra urbem poni: qui in tres cumulos sunt collocati, & aspersi arena & terra: sic mædati sunt sepultura. Erat inter cadauerum frusta mulier nobilis vxor illius Molski, quæ cum fuisset grauitè sauciata, nondum mortua, hæc orabat pollinctores qui fossam faciebant, vt eam dimitterent liberè & parcerent ipsi: at illi nulla moti misericordia sepelierunt eam viuam cum illis fœtidis cadaueribus.

Duo nobiles captiui ex ista immani laniena remanserant, quos tamen postridie iste tyrannus capite ple-
ti iussit, & extra urbem proijci, vixq; aliquid terræ illis iniectum. Vbi erant illa cadauera tot nobilium & strenuorum virorum, vix arena superiecta fuerat, id quod haud dubiè ex composito fieri iusserat magnus Dux ille, vt essent alitibus & feris præda. Tertio deinde die, quidam Germanus tormentorum bellicorum præfectus, misertus hanc proiectionem cadauerum, quibusdam tres taleros dedit, vt fossa profunda facta, vel maximè terræ tumulo iniecto, hæc cadauerum reliquias sepelirent & tumularent.

*Mezentius
iungebat vi-
na corpora
mortuis, sic
Moschus fa-
cit.*

*Bombarda-
rij Germani
facinus mi-
sericordie
plenum.*

DE TRVCI CARNIFICINA, QVAM
exercuit magnus Dux in clarissimos quosque
suos consiliarios & optimates.

Die sancti Iacobi in Iulio anno 1570. in ipsa vrbe Moschouia, magnus Dux iussit affigi octodecim
palos grandes, & supra illos totidem trabes in trans-
uersum apponi in formam furcarum. Ciues cum
primum animaduertunt tale theatrum parari & in-
strui, ingenti metu correpti, se in fugam protipiunt,
etiam mercibus & tabernis meritoriis relictis, præ-
dæq; expositis: nemo sanè præ metu in forum prodi-
re audebat. Nam isti rumores in vulgus sparsi fuerant,
ipsum magnum Ducem instituisse omnes ciues vr-
bis Moschouia extremo afficere supplicio, crucique
còplures affixositi. Satellites ad maiorem terrorem
incurtiendum, in medium forum adferebāt varia ge-
nera tormentorum & quæstionum ad homines tor-
quendos, quæ admouebant istis trabibus. Deinde
excitato luculento igne, vas ingens aheneum appo-
nebant aqua plenum, vt bulliret & ferueret per mul-
tas horas. Quibus rebus ita comparatis venit magnus
ille tyrannus, stipatus ampla & copiosa suorum satelli-
tum caterua: & ita instructus, quasi vellet in aciem &
pugnam exire: sequebantur eum velut à triariis mil-
le & quingenti catapultarij: Duxque ipse se colloca-
uit penes ahenum, exercitus verò militum in circuli &
coronæ formâ dispositus. Tum adducti sunt in pro-
scenium trecenti nobiles Moschouia, antiquissi-
matum & nobilissimarum familiarum homines,
qui paulo antè præ nimio quæstionum cruciatu ita
mutilati, & pessimè tractati fuerant, vt vix semiuui

*Theatrum
luculosum,
& misera-
bile erectū à
magno Du-
ce die s. Ia-
cobi.*

*Descriptio
noni suppli-
cij.*

viderentur, vixque pedibus stare poterant, sed à militibus trudebantur turmatim, ut pecudes ante principis conspectum.

Is cum perspiceret omnes præ pauore & ingenti timore se abdidisse in latebras & domos suas, ipse tunc obsequitare cœpit per omnes vrbis plateas, clara voce euocabat ciues, inquiens: venite absque vllō metu, securi estote, prodite spectatum, nihil grauius in vos cōstituam, hoc vobis polliceor, quamuis is meus fuisset paulò antè animus, vos omnes funditus deleare & perdere, sed iam mihi hæc mēs mutata est, tutò egredi potestis, & in forū venire intuitum quid agatur. Tum miserrimus ille populus egressus turmatim & confertim, forū repleuit, imò erat tanta multitudo spectatorum, ut multi ascenderint domorum tecta, quò quis istius tragœdiæ futurus esset exitus, viderent. Atque postea affatur sic illam promiscuam hominum multitudinem: An num, ò subditi, iustissimè ago, quòd ita pœnas luât perfidi & scelerati proditores mei? tum populus statim vno ore acclamare cœpit: Viuat diu felix, & incolumis princeps & rex noster: at improbi & flagitiosi suis meritis dent dignas pœnas. Deinde magnus Dux iubet produci centum & octuaginta ex illo damnatorum numero: postea sic alloquitur nobiles, qui ad illud spectaculum venerant: En vobis istos liberaliter dono, doque eis vitam, accipite illos, liberos à noxa dimitto: eisque pro mea clementia, gratia ac fauore ignosco, hoc pacto isti liberè dimissi, & ex præsentimorte diuino beneficio erepti. Tandem prodit magni Ducis primus secretarius, qui damnatorum album & catalogum habebat: & tum iubet educi quendam

Malus animus in Duce, & mala mens.

Miser populus primum re applaudit Duci.

Præter spem multi liberati.

Moschouitam antiquissimo genere cretum, præcipuus inter eos, qui ab intimis consiliis Ducis sunt, erat: appellabatur Ioannes Michaelo Wic Wisko Waty. Ibi ille secretarius principis, longa serie referre incipit crimina, quibus falsò iste vir præstantissimus accusatus fuerat hisce verbis: Ioannes Michaelo Wic Wisko Waty, cancellarius magni Ducis, perfidissimè & impiè se gessit in principem. In primis scripsit regi Poloniae se ei velle tradere ciuitatem & arcem muniam, sui supremi domini, quæ est in magna Nouogrodia: & hæc est prima in te accusatio: at tum scuticillum in caput percussit, addendo hæc verba: Perfidus es & ingratus, quòd vsus sis hac improbitate aduersus tuum supremum dominum. Altera perfidia est ista, quòd literas dederis ad imperatorem Turcarum, ut cum exercitu potentissimo veniat occupatum & debellatum regna Scythica, Casanense & Astraense, ut erat illi in votis: quo dicto similiter flagello cæsus est in caput, subiecitque, & secundò tuum principem fraude doloque prodere vòluisti. Tertium facinus quod admisisti est, quòd ad Scytharum Casarem literas dedisti, quibus ipsum hortatus es, ut cum suo copiosissimo exercitu irrumperet in Moschouiam, eamque deuastaret & depopularetur, atque occuparet: vnde factum est, ut ingens damnum & irreparabile dederint Tartari in Moschouia: tam ipsius Ducis arces igne perdendo, quàm etiam longè lateque miserum populum ferro interficiendo, & vinctos multos cathenis in durissimam seruitutem, innumerabilem inquam vtriusque sexusturbam abigendo: quorum cum sis author tantorum malorum, meritò vltimo es afficiendus supplicio:

Falso accusationes in cancellariū principis.

*Gravis avo-
logia cancellarij
ad conficiendas crimi-
nationes.*

atque ut antea fecerat, flagro asperrimè eum exci-
dit regis secretarius. Tum miser cancellarius istis fal-
sis criminationibus insimulatus, & cum se innocen-
tem esse sciret, sic respondit: Testor Deum optimi-
max. qui solus est scrutator cordiū & renum, in cuius
conspectu profiteor me esse peccatorem, sed confido
eum pro sua diuina clementia, propter sanguinè
effusum carissimi sui Filij, mei misertum iri. Testor,
inquam, Deum, me semper fidum & diligentem fuisse
in munere publico mihi commissio à magno Du-
ce, ut fas est: ideo à falsis istis accusatoribus prouo-
co ad tribunal Dei, quod iniuste sum accusatus & tra-
ductus apud principem, atque hæc impostura dete-
getur in extremo die iudicij. Princeps, cum stabis ad
conspectum diuinæ maiestatis, mea innocentia ap-
parebit: nunc verò apud te nulla ratio & æquitas lo-
cum habet, nec me à criminibus falsò mihi imposi-
tis licet purgare. Adeò est tua avaritia inexplabilis, &
pertinacia vlciscendique libido, ut sitias sanguinem
meum: ebibe igitur illum pro lubito, & iam satisfactas
tuæ improbitati, ut constituisti: nunc quidem
tua signenta & importuna commenta videntur ha-
bere speciem veri: quia omnia per vim agis. Itaque
satellites excipiunt, en videmus te esse reum, cum
ram dura oratione insurgis in principem, turpiter
lapsus es, & tuos sermones optimè expendimus. At
ille cancellarius ait: Vos ô infelices homines cum
magno Duce, estis prædones, & omnis improbitatis
illius administri: effunditis immeritò cruorem in-
nocentem: tyrannicè omnia agitis, per fas & nefas
ruitis in eades mortalium. Hæc omnia quæ mihi ob-
ijciuntur, falsissima sunt, nihil vobis facilius, quàm
tollere

tollere è medio infontem: at Deus aliquando, & ve-
niet hora, quæ non speratur, cum vos puniet, & pro
meritis in vos grauiter animaduertet: quæ cum tam
liberè protulisset, conspuit in faciem illorum. Qua-
re magnus Dux iubet carnificibus hominem rape-
re: quem statim raptum, exuunt & ligant ad furcas
illas sic dispositas: & suspendunt prono capite & ore
in terram. Præfectus satellitum sic affatur ipsum ma-
gnum ducem: Quo genere supplicij istum affici iu-
bes? Tum responderet, vos omnes aulici mei suo or-
dine istum excarnificare debetis & dilaniare: Quare
accingit se operi iste præfectus Molurw dictus, & ex
equo descendens, accepto cultro auriculam dextram
illi abscidit, alter aulicus sinistram excidit, tertius la-
bra amputat, & sic ordine omnes illum membris
mutilarunt, ut omnes se tam nefando homicidio
contaminarent, & eade istius innocentis essent rei.
Ad extremum quidam secretarius principis ne quid
deesset ad cumulum crudelitatis, cōscidit illi puden-
da, & tum statim exalauit animam miser cancella-
rius. Quare magnus Dux videns ob abscissum mem-
brum genitale, statim obiisse cancellarium, indignis-
simè tulit, atque dira imprecatus huic secretario, sic
in eum inuectus est: O scelerate, expectes paululum,
istud totum est tibi exedendum, quod iste exedero
debit. Nam penitus credebat, quod commiseratio-
ne motus, cruentas manus ita illi intulisset, ut citò è
vitiis discederet. Cōstituerat sanè istum secretarium
morte truculenta punire, sed Deus anteuertit ty-
rannidè principis, quia paulo post lue infectus, mor-
tuo est. Satellites deinde demortui Ioannis Wisko-
nati corpus deponunt ex furcis, & sic sequere incipiunt

*Crudele sup-
plicium, quo
affectus in-
digne can-
cellarius.*

in illud cadauer, frustulatim illud conscidendo, prius tamen abscisso illi capite. Iste est exitus istius præstantissimi ingenio & virtutibus multis, excellentissimi viri cæcellarij magni Ducis, cui parem nunquam habuit imperium Moschouiticum.

Theſaurarium magni Ducis eadē bonitate cōscientia fecit, quacā cællarius apparuit ad necem.

Iussit secundo loco produci in theatrum, suū thesaurarium, cui nomen erat Michael Funichow, vir magni nominis & ingenij acerrimi, socius fidusque amicus illius cancellarij. Iste non longis verborum ambagibus vsus est in sua defensione, sed breuiter sic loquitur: Appello ad Deum, qui omnium rerum est conscius, & cuius oculus omnia intuetur, quia nunquam quicquam in te dominum meum commisi, semper bona fide & sine fraude in administratione mei muneris me gessi: & cum accuser abs te, impiè & iniquè iam tibi dicam scribo, & anima tua in altero seculo se sistat coram diuina maiestate, vt mihi satisfaciat. Hæc verba vbi protulisset, iubet magnus Dux arripi miserum, & exui, atque furcis alligari eo modo quo & cæcellarius. Tum postea ille Maluta præfectus satellitum haurit ex vase aneo, vbi erat aqua feruidissima, & deinde alter equorum magister accepit vas plenum aqua frigidissima, iste primò illa aqua caput abluere cœpit, postea calidam & feruidissimam aquam infundebat: sic ille infortunatus vim feruoris & ardoris illius aquæ sentiens, ob atrocem feruorem vociferabatur mirificè: at ille minister tyrannidis Maluta magis ac magis infundebat illam calidissimam aquam, ita vt tandem pellis capitis contraheretur in modum serpentis, cum se in spiras contorquet: ita hoc crudelissimo supplicij genere confectus, expirauit. Tertiò iubet adduci in medium suum

Genus supplicij immanè.

suum cocum, iste cocus infinitis falsis testimoniis reus erat peractus, eoque genere supplicij est affectus, quo & Ioannes Wiskowaty, nempe membratim est dissectus, amputaris illi pudendis. Deinde iussit adduci quendam Georgium Czapkinu cum vxore & liberis, qui inter amanuenses & secretarios non postremum locum tenuit, cumque ex equo descenderet magnus Dux, Basilius Themkin iussu principis caput illi abscidit, sic & vxori ac liberis. Iste Themkin erat proscriptus ex Lituania, ob necem Palatini Plocensis, & in Moschouiam aufugerat, tanquam ad asylum, primumque locum ac præcipuum inter aulicos principis tenebat.

Deinde productus est alter secretarius, cui nomen Ioannes Bulhako, qui fuit vnà cum vxore, & liberis etiam capite truncatus à Palatino Chirnouiensi, is vocabatur Pietrouicius.

Tunc iubet educi & secretarium suum Basilium Stepanow, quem & indicta causa aulicus è vestigio capitali pœna afficit mandato principis.

Ad extremum, vt ad hoc tragicum ac crudele spectaculū nihil prætermitteret, præcipit magnus Dux ducentos nobiles captiuos extrahi in arenam, quos nominatim iubens sisti ante se, damnat morti, & singuli aulici ordine eos capite truncant, qua cæde confecta, prodeunt in conspectum principis manibus & gladiis cruentatis cum hac voce lætitæ *Hoyda, Hoyda*. Sic se turpissimè aulici magni Ducis sanguine innoxio contaminarunt. Tum eodem tempore mandatur magnus Dux è vinculis venerandum quendam senem adduci, quem statim in equo ille arrepta hasta transfixit: & quamuis sic transfossus miser senex

Coco suo nō parit magnus Dux.

Georgius Czapkinus cum vxore & liberis occiditur.

Sic & Ioannes Bulhako.

Idem factū Basilij Stepanow.

Crudelis mors ducentorum nobilium.

*Impudēs &
crudele fa-
cinus in &
uxorem the-
saurarij.*

*In uxores &
liberos occi-
sorū suorū
procerū fa-
ciunt, & bona
omnia diri-
piunt.*

obierit: vt impleret suam crudelitatem illum plus
quàm sedecim vulneribus sauciauit. Hæc crudelitatis
& tyrannidis horrēda facinora perpetravit intra ho-
ras quatuor. Illa cadauera nuda ita iacebant in terra,
quorum non paruus erat numerus: & cūm lustraret
illa cadauera quidam ex principis satellitibus, caput-
que Michaelis thesaurarij intueretur, exerto ense ca-
put in duas dissecuit partes, hisce verbis additis: Re-
corderis quid mecum egeris. Sub vesperum cadaue-
ra illa sunt in vnum cumulum collecta, & extra vrbis
portas elata, ibique ingenti fossa facta, iniecta & ter-
ra obruta. Sic crudelissimè tot cadibus perpetratis
iam in palatium princeps rediens, defleat ad ades
Michaelis thesaurarij, vbi inuenit uxorem illius, ele-
gantia forma præditam, & verè honestam, valde lu-
ctu & dolore magno plenam, atque suspirantem, ob
mariti necem, ducis Ophanasi Wiazinski soror erat,
de quo suprà mentionem fecimus. Magnus dux spi-
rans suam immanitatem, apprehēdi iubet, & exten-
di funem asperrimum, qui ab vna parte muri ad alte-
ram extēdebatur, & cum natibus nudis assidere huic
funi, qui plurimum carnem & cutem excoriabat, vt-
que detegeret mariti thesauros, ab vna parte vsq; ad
alteram extrahebatur cum summo cruciatu. Filia e-
ius, quæ erat quindecim annorum, hoc crudele ge-
nus tormenti videns, non potuit se continere, quin
eiulatu testaretur dolorem suū. Dux iubet illam ra-
pi in medium, at filius Ducis maior natu, commiserati-
one motus, accurrit, & vestem eius tenens sic affa-
tur patrem: Pater carissime, dona me hac puella, ego
carceribus illam ocludam: tum pater, accipe tu qui-
dem, sed postea matri illam reddas. Deniq; cum istis
magnis

magnis cruciatibus & tanto dedecore honestam il-
lam matronam affecisset, & filiam eius in monaste-
rium relegauit: vbi illa ob magnitudinem vulnerum
& cruciatuum quæ passa fuerat, dum traheretur per
funem, non diu superstes extitit. Filium etiam istius
thesaurarij in vincula coniecit, & omnes fortunas e-
ius cuiuscunque essent generis, ei accepit: sicque dis-
tribuit, vt meliorem partem sibi vindicaret & attri-
buerit, quod erat vilius prædæ suorum militum ex-
posuerit.

Eodem die venit in edes Ioannis Wisko Waty sum-
mi olim eius consiliarij, qui antea truculentè macla-
tus fuerat, uxorem in quoddam cœnobium depor-
tari iubet: filium autem eius damnat perpetuis car-
ceribus, & relegat in arcem munitissimam, quæ Bia-
leziezoro dicitur, ac si dicas lacum album: acceptis o-
mnibus eius bonis. Postquam sic tam horribilem &
truculentissimam edidisset crudelitatem, exactis tri-
bus diebus, iubet produci in forum ex carceribus ali-
quot egregios nobiles, qui statim capite truncati sunt,
ab ipso Maluta præfecto satellitum: & ita diu iacue-
runt humi, quos ipse aliquot vulneribus, vt suam sar-
ciaret tyrannidem, feriebat, vtens securi. Cadauera
illorum ita nuda in medio foro iacebant, vbi vena-
les prostant merces, septem dierum spacio: vbi tan-
dem à canibus deuorati, ossa verò hinc inde asporta-
ta ab iisdem canibus. Postridie iubet octuaginta fœ-
minas generosas istorum nobilium, qui ita imma-
niter trucidati fuerant, ad flumen deduci, ibiq; aquis
submergi: illæ autem innocentes frustra eiulari & la-
mentari. Satellites enim, crudele hominum genus,
ipsas in aquas iniiciebant & perdebant.

*Denegata
sepultura
inhumani-
ter.*

*Moschouita fame per-
ti, famit in
corporam-
tua.* Anno Domini 1569. missi sunt centum & quin-
quaginta coloni ad ædificandam arcem, quæ vulgò
Orlo dicitur, & cum cibo destituerentur, quia tum
in illis locis ingens fames grassabatur: coacti sunt mi-
seri, ob annonæ penuriam, ex suis nouem mactare,
& illorum carnibus vesci, & sic diram compescere
famem.

*Ob vitulum
mactatum
Moschouita
combusti.* Eodem anno cum ipse Dux esset in arce Woloch-
da, quam extrui & muniri iubebat, ipsi artifices ni-
mis dura fame pressi, emerunt vitulum, & cum ma-
ctarunt, famem hoc pacto expleuerunt. Quam rem
vbi audiuiſſet magnus Dux, iussit omnes cõprehendi
& flammis tradi: cum tamen ipsa necessitas durã te-
lum, eos excusare potuissset. Superstitio enim hæc à
multis seculis recepta inter Ruthenos & Moschouita-
tas, vt sit grande nefas, morteq; piandũ, qui vitulum
mactarit, & eo vesci ausus fuerit. Inter Moschouitas
centum & quin quaginta egregij viri, pertasi tyran-
nidem magni Ducis, & ferociam satellitum: consti-
tuerant se recipere ad regem Poloniae. Quam rem
vbi accepisset magnus Dux, iussit omnes in quãdam
profundam lacunam valde cœnosam injici, & ibi in
modum pontis subterni: quos tam diu calcari fecit,
donec profundissimè in luto perirent ac submerge-
rentur, & planè luto æquarentur.

*Moschouita
loco pontis
dispositi.*

Eadem die venit colonus ad secretarium magni
Ducis, ei offerens lucium piscem lepidissimum. Qui-
dam monachus istud animaduertat, qui simulta-
tes alebat cum isto secretario, idcirco statim accedit
principem, & hisce verbis illum alloquitur. Secreta-
rius tuus, ô princeps, nunquam minutoribus vesci-
tur piscibus, sed maioribus, quos piscatur in tuis lacu-
bus, &

bus, & solet lautissima suis congerronibus celebrare
conuiuia. Itaque magnus Dux iubet ipsum secreta-
rium ad se euocari, & nulla data facultate se defen-
dendi, sic eum damnat: iubet manibus pedibusque
vinciri, & in lacum profundissimum conijci, hisce
verbis vtens: O nebulo qui tot pisces minores & ma-
iores solebas tibi piscari, abi nunc, & quibuscunque
volueris, vescitor.

*Secretarius
ob pisc. & sub-
mersus.*

**QVO PACTO MAGNVS DVX SVOS
exercet, & instituit in ratione pugna ad-
uersus inimicos.**

CVM Lituani ex improviso cepissent arcem muni-
tissimam, vulgò dictam Borsko: ceperat ibi Pa-
latinum & uxorem eius, quos captiuos ad regem Po-
loniæ miserant. At magnus Dux paulo post eum rede-
merat, dato in eius locum magno viro nobile Polo-
no, qui cum rediisset in Moschouiam cum aliis duo-
bus nobilibus Moschouitis, tum iussu principis arre-
pti sunt ad supplicium: nimirum tria ligna sunt affixa
in medio foro, vbi funibus per mediã corporis par-
tem appensi, ipse cum filio sagittis eos eiocabatur,
& transfigebat, inquiens: O strenui defensores, sic o-
porteret vos me & meas arces defendere: postea ad e-
xemplum principis, & turba illa satellitum sic sagittis
frequentissimis illos impetierunt, vt iam præ multi-
tudine sagittarum non viderentur eorum corpora.

*Cruentis ad
pugnam in-
stitutio.*

**QVO PREMIO ET MERCEDE
ampla soleat magnus Dux suos adula-
tores afficere.**

Illustres ac clari viri, Ozyphas Scerbaty, & Geor-
gius Boratinski, qui munere Palatinatus funge-

bantur, cum missi fuissent ad defendendam & tuendam arcem Sufa, intercepti sunt ab illo bellicoso Lituanicarum copiarum imperatore: à Duce Romano & ab eius exercitu, in quo conflictu magna strages Moschorum est edita, & inter alios illi præcipui viri duo capti, qui postea per permutationem captiuorum redempti sunt. Qui cum primum venerunt in Moschouiam, hilari fronte à magno Duce excepti, & ad eius mensam inuitati. Tandem absoluto prædio, muneribus lautis & pretiosis eos afficit: nimirum unicuique illorum dedit vestem ex holoserico suffultam Zebellinis pellibus raris & elegantissimis, dedit & singulis preciosos pileos albos. Atque inter alia quæcum illis conferebat, sciscitatus est ab eis, quid ageretur in Polonia & Lituania. Tum Oziphaz ille retulit ea omnia, quæ viderat ac intellexerat candidè & bona fide. At Georgius Boratinski rogatus, contra protulit ea, quæ putabat grata fore magno Duci, ipsi palium faciendo & adulando: quæ planè absona erant à rei veritate, & absurda. Ac inter alia sic ausus proloqui: Inclyte & inuictissime Moschorum Cæsar, sic tibi persuadeas, cum rex Poloniae audit, tuos milites iam adesse in finibus, & ibi grassari, maximo metu percussus, quærît latebras & loca abdita. Magnus dux statim fucû sibi fieri intellexit, & subiunxit: Rex Poloniae igitur me timet? At ille, procul dubio: clarissime & serenissime Dux, ita se res habet, & si copiosus exercitus irruerit in Lituaniam, ille non est tam animosus, ut velit tecum in aciem descendere: aufugiet procul in aliquam munitissimam arcem, neque etiam viribus par, aut arcibus munitis est tecum conferendus. Denique nûquam tui exercitus impetum & vires sustine-

Tyranno est aliquando veritatis oratio gratia.

sustinere poterit: succumbet protinus, & terga dabit. Quæ conficta verba, cum in ipsius gratiam ac fauorem excogitatam & comparatam orationem esse vidisset: detestatus adulatorium & leue hominis ingenium, coepit nutare caput, inquiens: O rex infelix, o rex miserrime, tui planè misereor, qui ita me times: adeoque sum tibi terrori, ut ad mei mentionem cogites de fuga, ubi in Lituaniam venero. Hac oratione finita, tam contumeliosa oratione sicistû Boratinski est allocutus: O perfide & scelerate homo, iam tua peridia & mendacia mihi optimè sunt perspecta. Quocirca baculo quo uti solet, ferit illi caput, & cecidit tergum, ac denique totum corpus, nulla ratione habita illius preciosæ vestis, qua eum induerat: At miser Boratinski hinc inde se vertebat: hacque oratione utebatur: O princeps serenissime, Deus te diu sospitem seruet, quodque ab te verberor, gratum est mihi, & sic me planè hominem obscurû & ignobilem castigare dignaris: nunquam ego potuissim eripi ex captiuitate, nisi tua ope: sed quamprimum liberatus sum ex vinculis Lituanicis, citissimè me ad te contuli. Verùm magnus Dux non desinebat hominem crudelius tractare, sapius reperens hæc verba: o perfide & scelerate, te esse turpissimum & mendacem adulatorem noui. Quare sic est ab eo tam diu verberatus, donec suum baculum princeps confregit in minutissimas partes.

Eidem conficta & mendax oratio odiosa.

Insultum premium adulatoris.

QUALIS SIT RELIGIO, ET PIETAS magni Ducis Moschonia.

Quando magnus Dux in suum palatiû Alexandro Wa, olim antequam pulcherrimè extrueretur,

Inepta religio vel potius supersticio magni Ducis.

Slobodam dictum, venire solet animi recreandi gratia, tum ibi quādam nouam religionem simulare sollet & effingere. Primū se nouo quodam monachi nigri vestitu induit, cuius etiam imitatores sunt omnes eius aulici, simul eodem vestitu iam parato vtentes. Satellites verò illius armati adsunt, qui ad omnia officia promti paratiq; sunt. Ille autē magnus Dux ita vestitus cū suis aulicis ingreditur fanum, ad preces matutinas, & alias ceremonias peragēdas, quibus vtuntur Rutheni. Sunt autē succincti loro, cui adiunctus cultellus, manibus tenentes lucernam, in qua est accensa candela: quod si quis aulicorū refugerit vti hoc vestitu & ceremonia, grauissimè ceditur virgis à satellitibus principis. Hocce omnes vocat princeps fratres, & se eodem nomine appellari iubet, hæc est sancta aulicorum Moschouitarum fraternitas. At cū iam est tempus prandij, portigitur cibus, magno Duci primū, quem habet in sua cistella, tanquā primario fratri, & sic deinceps reliqui fratres ex suis cistellis accipiunt suum cibum: Quod ad potum, singulis datur ad certam mēsuram. Tandem absoluto prandio, omnes cum suis cultellis & cistellis se recipiūt in suas cellulas. Nam hoc palatium est ædificatum planè in formam monasterij. Quare cū secundum suum ritum absoluit, magnus Dux suas preces & horas canonicas: tanquam maior natus frater egreditur ex illo cœnobio, ac iubet aliquot captiuos, iam morti destinatos produci ex carceribus, ibi omnes variis mortis generibus afficiuntur: alij ad palum & rotam alligantur, alij securi percutiuntur, alij suspenduntur, alij miserrimè cruciantur, & frustulati dissecantur: deniq; multi aquis obruuntur. Ita quandiu ibi degit, singulis

Religionem suā sanguine innocentium sanctificat.

gulis diebus decem aut viginti infantes ab eo supplicis grauissimis tolluntur è medio: ita vt præfectore cadauerū illac nemo incedere possit. En fructus religionis magni principis Moschorum: sic suam religionem sanctificat. Et quia patrem sequitur sua proles, ille magnus Dux filium habet sibi suisq; truculentissimis moribus persimilem. Nam ille voluptatis gratia solet per illa mortua corpora obābulare, illa calcando, & baculo suo capita illorum confringit, vel in illorū cerebra aciem baculi ferrati infigit, inquit: vos o scelerati insurrexeratis in vestrum imperatorem ac principem, & me etiam.

Quotiescunq; magnus Dux ad illud palatium Alexandro Wa, aliquem ex suis inuitat consiliariis, nemo est illorum, qui nō credat se ad præsentem mortem accersi, nec vnquam inde domum incolumem reuersurum, idcirco discessurus, primū domi suæ disponit, & vxori ac liberis valedicit, & amicis sua committit: ac ita est, ni enim Deus ipse, vel mirabilis fortunæ casus illum hominem conseruari, de illo actum est. Quod si impune & liberè suos à se mandat, tamen postea non euadunt manus principis, vel quidpiam deterius eos manet. Sicut sanè accidit cuidā viro raræ sanè virtutis, Theodoro illi nomen fuit. Ille non ita pridem functus erat legatione apud regem Polonię, & vbi rediisset à legatione, inuitatus est ad principem vnā cum suis nobilibus, ad Alexandro uam arcem. Qui licet inuitus, tamen se sistit ad diem dictam vnā cum suis. Sanè lautissimè & opiparè ille Theodorus & omnes eius excepti sunt ac donati ab ipso principe multis pretiosis vestibus, subduētis pelibus Zebellinis. At via qua illi fuit transcendendum, sa-

Quale futurum sit imperium filij magni Ducis, qui à parente nō degenerat.

Premium legatis reditum.

tellites per insidias erant collocati. Cum aut essent securi & nihil sibi metuerent, en irruunt in eos satellites principis, & illos spoliant nobiles, & potissimum ipsum legatum: eosq; sic nudos reliquunt, vt ex vtero matrum exierunt. Atq; eo tempore maxima erat vis hiemis, quod ad augendam calamitatis eorum grauitatem pertinebat, exuti spoliatiq; sunt currubus & equis. Itaque sic miserè & crudeliter tractati, coacti sunt pedes ire vsq; ad urbem Moschouiam. Vnde factum est, vt alij propter vehementiam frigoris intèssimi auriculas amiserint, alij digitos manuum, & articulos pedum, & nasum. Plurimi qui frigus ita horridum ferre non poterant, interierunt in ipsa via. Ipse orator Theodorus fortè fortuna à quodam rustico nactus est vestem pellium caprinarum, qui hac vsus, arcuit à se vim frigoris, vt potuit. Ita iste legatus cum suis splendide exceptus à magno Duce, & honorificè donatus, postea crudeliter illusus, rediit in urbem Moschouiam. Pulcerrimum scilicet exemplum istius Neronis, & eius humanitatis, quae ex de se bene meritis vti solitus est.

FINIS.

ETILOGVS OPERIS.

Sed hac satis sint de immanitate & truculètia Moschouitica. Nos autem bona fide & studio recto, istosq; ordine literarum monumentis mandauimus. posteritatiq; legendum dedimus quae scitu necessaria sunt de tota Sarmatia, id est, de Polonia, Lituania, Prussia atq; Russia: quae cum suo nomine complectatur Moschouiam, & de ea attigimus, quae putauimus esse cognitu

gnitu utilia. Quoniam autem hodie, is qui imperium Moschouiticum tenet, superat sua crudelitate Neronem, Caligulam, Heliogabulum, Maximinum, Phalarim, Agrigentinum: vel etiam Busiridem aut Menenium: deniq; tyrānos, qui celebres sunt ac famosi apud historicos, vel etiā apud poetas: ex infinitis nonnulla crudelitatis illius exempla delineauimus. Quod sane mirum esse non debet, cum gens ipsa fera sit: Moschi siquidem à Mesech dicti, ac si dicas, homines arcus extendentes. Sane Moschis scriptores crudelitatem, morumq; feritatem semper attribuerūt, testis est illa quae relapsi mihi: Heu mihi quod exulo inter Mesech & Cedar, id est inter Moschos & Arabes. Sedes Moschorum vetus fuit in Cappadocia, quae nō procul abest à Syria: & ideo illa gens fuit nota Iudeis. Inuit itaq; propheta, ecclesiam Dei extremis istis tēporibus afflictiones maximas perpassurā, tam à Moschis, quā ab ipsis Turcis: qui ex Arabia prodierunt. Accepit aut gens Moschouitica, ritus religionis Graecae, anno Domini 987. sed successu temporis addiderunt illi multas superstitiones. Grauius vir & scriptor nobilissimus Sigismundus ab Herberstein scribit, nunquam populum Moschouiticum publica explicatione doctrina & conationibus erudiri: Et quia sunt oppressi tyrannide horribili, opiniones sui principis, etiam in religione solent habere pro lege immutabili: sicut Athenienses degeneres fecerant decretum, quicquid visum esset regi, illud pium & iustum esse. Sed tueatur nos Filius Dei ab impietate & crudelitate Mesech & Cedar. Amen.

Quae & qualis sit gens Moschouitica.

TARTARORVM CAM-
PESTRIVM, IN HORDAS DI-
VISORVM, MORVMQVE ET CON-
*suetudinis vita eorundem breuissi-
ma descriptio.*



E Cazanensibus Tartaris (antequam
ceteros in hordas diuisos attinge-
mus) Moschouitico imperio confi-
nibus, dicendum nobis in primis oc-
currit, quos magnus Moschouix dux
Basilius, anno Domini millesimo
quingentesimo quinquagesimo primo, ditioni suae,
plurimis diuersisque bellorum euentibus exanila-
tis, subegit. Hi vero à Campestribus differunt, quòd
agros colant domosque inhabitent.

DE REGNO CAZANENSI.

*Fines regni
Cazanen-
sis.*
S Vra fluuius, imperium Moschouiticum à Caza-
nensi regno dislimitat, qui ex Meridie fluens vi-
ginti octo miliaribus infra Nouogrodiam inferio-
rem, cursu in Orientem reflexo, in Volgam exone-
ratur, in quorum confluxu Basilius princeps castrum
à suo nomine Basilo W Grod appellatum contra Ca-
zanenses arcendos erexit. Porro regnum Cazanen-
se sexaginta miliaribus Polonicis infra Nouogro-
diam inferiorem (de qua superius) limites suos secun-
dum Volgam fluuium incipit, Orientem & Meri-
diem versus capis desertis, qui ducētis miliaribus Po-
lonicis patent, terminatur. Ad Orientē verò estiuale,
Tarta-

Tartaros qui Shibanski & Cozaccki appellantur, fi-
nitimos habent.

C A Z A N vrbs, totius regni metropolis ad Vol-
gam fluuium & Cazannam, à qua nomen forti-
tur, in vltiore ripa condita est. Arcem natura &
opportunitate loci munitissimam & inexpugnabi-
lem habet, à Nouogrodia inferiore septuaginta mil-
liaribus distat.

Hij Tartari Cazanenses reliquis ingeniosiores, &
aliquantulum humaniores sunt, circa agriculturam,
remque domesticam (qua à ceteris maximè differunt)
versantur. In domibus non in campestribus degunt,
mercimonia, rerumque permutationes varias, cum
vicinis Moschouitis, Turcis & ceteris Tartaris exer-
cent. Reges sui iuris ad Basilij vsque Ducis Moscho-
uia tempora habebant, neminique tributa persol-
uebāt, sed predictus Basilius eos sibi tributarios mul-
tis annis cum illis vario Marte bellagerens, effecit, *Cazanen-
ses à Moscho-
uia subiugari.*
atque pro suo arbitrio reges illis constituebat. Id au-
tem Cazanenses maximè coacti sunt subire, partim
propter opportunitatem fluuiorum ex Moschouia
in Volgam influentium, partim ob mutua commer-
cia cum Moschouitis consueta, à quibus inimicitiae
tempore arcebantur.

Primus itaq; Cazanensium rex fuit Chelealeczk, *Reges Ca-
zani.*
qui tributarius Basilij feudalique extitit. Hic relicta
vxore Nursultan, absque liberis moritur, cui Abra-
hamin magni nominis Tartarus, ducta vxore eius
vidua, consensu magni Moschouic ducis Basilij, in re-
gno succedit, qui ex priore vxore filium Alegum no-
mine habuit: ex Chelealeczk autem relicta, duos
postea Machmedenim, & Abdelatiph filios suscepit.

*Alega regis
exitus.*

*Cazanen-
ses Moschos
profligant.*

*Tartari cru-
deliter Mo-
schouia va-
stunt.*

Prædicto igitur Abrahamin mortuo, Alega velut primogenitus regno potitur, qui cum mandatis Moschorum principis non admodum obtemperaret, à proceribus Moschouiticis, qui ad consilia eius obseruanda constituti erant, quadam die in conuiuio inebriatus, ac in vehiculo illa nocte, quasi in domum verheretur, Moschouiam vsque deductus est, ibidemque in vinculis aliquandiu detentus, tandem in Volochedam arcem relegatus, vitam terminauit. Alega igitur ita regno deiecto Abdelatiph frater ei succedit, qui etiam perinde vt Alega regno priuatus est, Machmedenique frater in locum eius à Moschorum principe susceptus, quo regnante anno Domini 1504. Cazanenses iugum Moschorum excusserunt, ab eisque defecerunt. Hanc defectionem cum Basilius Moschorum Princeps didicisset, rei indignitate commotus, cum infestis armis & tormentis bellicis exercitum copiosum contra Cazanenses destinauit, qui à Cazanensibus & Ceremissis arcu uti periculis do- lo circumuenti, impari Marte cæsi & fugati, tormentisq; & castris spoliati, captiuiq; in Astrahanense emporium, quod mari Caspio siue Persico adhæret, re- legati Turcis, Tartaris & Persis venditi sunt.

Postea Cazanenses Scheale regem hereditariū, qui Machmedemini mortuo successerat, Moschorum partibus fauentem expulerunt, Sapiregiumque Mendligeri Tauricæ regis filium, ad regnum suscipiendum vocauerunt, qui coniunctis viribus cum fratre Machmetigero Tauricæ rege, Moschouia maximam partem crudeliter deuastarunt, ad ipsamq; urbem Moschouiam penetrantes, grauissima obsidione eam presserunt, ab eaque non discesserunt, donec Princeps

Princeps Moschouia se tributarium prædicto Machmetigero regi Tauricæ perpetuo fore obstringeret, quod postea non præstitit. Ingentem autem & vix credibilem tunc temporis hominum captiuitatem, trecenta videlicet millia Tartari in Moschouia cepisse eduxisseq; dicuntur. Quam cladem irrelatiabilem Moschorum Princeps vlscisci volens, exercitum copiosissimum conscripsit, Machmetigerique Tauricæ regem ad certamen prouocabat, dicens se superiore anno ab eo non indicto bello ex insidijs sumum latronumq; more oppressum fuisse. Ad ea Machmetiger respondit, sibi ad inuadendam Moschouiam satis vias multas patere, bella non magis armorum quam temporum esse, proinde ea se magis suam, quam alieno arbitrio gerere solere. Moschouia autem Princeps videns se delusum fore, vlsciscendi libidine ardens, anno Domini 1523. exercitum ad Cazanensem regnum expugnandum duxit, in finibusq; Cazanensium, ad Volga & Suræ flumiuorum confluum, munitionem propter infestandos Cazanenses condidit, quam à suo nomine Basilo & Gorod appellauit. Postea re infecta exercitum dimisit.

Anno deinde sequenti 1524. ad Cazanensem regnum occupandum, ingentes numerosasq; copias, cum duce quodam Michaële Georgij destinauit, Cazanque arcem quinta decima Augusti oppugnare cepit, quam quidam Moschouia ad id subornati incenderunt, intuenteq; Moschorum exercitu funditus exusta est. Attamen in tam facili occupandi castri occasione, Moschouia ad expugnandum occupandumq; castri combusti collem ne accedere quidem audebant. Tartarosq; id denuo edificantes non

*Cazan com-
buitur.*

impediebant, atque ita postea arx Tartarorum strenua opera, Moschouitarumque negligentia restaurata est. Moschouitæ verò frustra moras trahentes, consumto commeatu fame laborare incipiunt, nam Ceremissis tuentibus partes Cazanensium, hostium itinera diligenter obseruantibus, emissariosque excutientibus, nihil adferri poterat, adeò vt nec princeps de suorum qua premebatur necessitate cognoscere, nec ipsi quicquam illi significare de rerum suarum statu possent, & aliquot millia Moschouitarum à Ceremissis caesa & fugata, nauesque plurimæ, quibus cōmeatus deferre batur, ademptæ, & aquis obrutæ sunt. Tandem Moschouitæ auxilijs aduenientibus

*Cazan iterum oppu-
gnatur.*

castrum combustum denuo restauratum obstinatissimè oppugnare cœperunt, tormentis machinisque bellicis admotis, obsessi quoque exoneratis pariter in hostem bombardis strenuè se propugnabant, donec bombardario magistro, quem vnicum in castro habebant, glande scloppetario à Moschouitis icto priuarentur; atque certis sub conditionibus Cazanenses cum ducibus exercitus Moschouitici, inducias pepigere compulsi sunt, tributaque secundum pactum ad mortem vsque Basilij persoluebant. Mortuo tãdem Basilio, Ioanni moderni Principi filio eius

*Cazan capitur, expu-
gnaturque.*

recalcitrare Cazanenses cœperunt, quos ille septem perpetuis annis bello acerrimo, vario tamen Marte pressit, arcemque & ciuitatem Cazaniam regionis metropolim tormentis bellicis, & obstinato impetu militum suorum, puluerumque bombardariorum suppositione anno Domini 1551. expugnauit, patrumque opus strenuè perfecit, & ab hoc tempore Cazanensium regnum, & vrbs Cazan cum arce, Princi-

Principi Moschorum Ioanni Basilij filio subacta est, titulumque regni prædictus Princeps sibi vsurpat, seque Czar Kazanski, id est regem vel imperatorem appellat. Magna autem pars Tartarorum Cazanensium tunc temporis capta, Principis impulsu baptizata est, multi quoque baptismum respuentes, capite multati, aquisque obruti sunt: nunc tamen communiter omnes Mahometi dogma, erroresque gentiles profitentur, exceptis per paucis, ijsque insignioribus, qui Ruthenico ritu, fidei Christianæ præceptis initiati sunt. Atque hæc de Cazanensibus Tartaris breuiter dicta sufficiant, nunc confines Tartaros Nohaycenses, ceterosque campestres in Hordas distributos attingemus.

NOHAICENSIVM TARTARORVM HORDA.

Tartari Campestres, cateruatim in campis nullis finibus obseruatis degunt, in Hordasque veluti in quasdam prouincias, à quibus & cognominantur, diuiduntur. Horda autem conuentum, & multitudinis congregationem, cœtumque hominum, in formam ciuitatis coactum significat. Ceterum vnaquæque Horda nomine suo peculiari appellatur, quæ multæ ab inuicemque moribus aliquantulum diuersæ sunt, *Horda quid significat.* ex quibus præcipuè Nohaicensis, Zauolensis, Præcopensis, Crimsensis, Cosaczkiensis, Tumenensis, Calmuckiensis, Turcomanensis, & id genus aliarum, quæ omnes Mahometi dogma amplectuntur, profitenturque.

Nohaicensium Tartarorum Horda, post Tartaros Cazanenses Orientem versus procedendo in pri-

Scharayczik,

mis occurrit, quæ ultra Volgam fluuium amplissimâ circa mare Caspium ad fluuium layczk, ex prouincia Sibier decurrentem, sita est. Huius regionis Tartari incolæ non reges, sed duces habent, in tresq; ducatus diuiditur, quorum primus cum ciuitate Scharayczik dicta, ultra fluuium Volgam Orientem versus, cum adiacente ad layczk fluuiû regione extenditur, Scharaycensisque ducatus à ciuitate Scharayczik, dicitur. Secundus ducatus in Horda Nohaycensi inter Cammam layczk, & Volgam fluuios situs est. Tertius eiusdem regionis ducatus Sibieriensis prouinciæ partem, (de qua superius) & omnem circumiacentem regionem attingit. Atq; hæ omnes regiones siluosa sunt, excepta ea quæ ad Scharayczik ciuitatem vergit, quæ tota campestris est.

Iurgenczi.

Rex de Catagia.

A ducatu Scharaycensi Nohaycensis regni Orientem versus procedendo, occurrunt populi Iurgenczi, à Moschouitis appellati, quibus frater Magni Cham supremi regis Tartarorum imperat, à Iurgenczijs autem decem dierû itinere ad regiones Magni Cham, regis de Catagia (qui maximam Tartarorum partem possidet) peruenitur.

TARTARORUM ZAVOL- hensium Horda.

Bulgari & Volinci.

Bulgaria siue Volgaria, vel Zauolhensium Tartarorum Horda, à Cazanensi regno, & Nohaycensi Horda nonnihil in Meridiem reflectendo, occurrunt. Traxit autem cognomen à Volga fluuiio celeberrimo, qui eam longo tractu interfuit. Ex hac regione Bulgari, Slauones, qui nunc Turcarum imperatori parent, & Volinci, Rutheni, Lituaniæ populi, regi Poloniae

Poloniae subiecti, oriundi perhibentur, prout latius in deductione Polonorum patet.

Zauolhensis autem Horda præcipua, & quasi princeps cæterarum omnium olim extitit, incolarum videlicet multitudine & rerum gestarum fortitudine, locique affluentia & opportunitate, ex qua ceteri omnes Tartari Campestris ortum genusque duxerunt. Hæc autem Horda Zauolhensis inter Volgam & layczk fluuios iuxta mare Caspium siue Persicum sita est. Reges sui iuris ad Alexandri vsque regis Poloniae tempora, moderni regis Poloniae Sigismundi Augusti patrum habebat, infra annum Domini 1506. Sed tandem Sachmat rex Zauolhensis vltimus, ob iniuriam quandam quam olim Crimschij Tartaris prædecessores eius fecerant, à Machmargirey Taurica rege, ex Crimsca Horda oriundo regno pulsus fugatusque est. Qui ad Alexandrum prædictum regem Poloniae, magnumque Ducem Lituaniæ profugit, auxilij contra Machmargirey implorandi gratia. Cum autem Lituani & Poloni auxilia longius differebant, interim Machmetgirey Taurica rex, Zauolhensis regis supra nominati exercitum profli-gauit, totamque regionem eius occupauit. Et ab hoc tempore Zauolhensis Horda penitus diuexata, & regibus orbata est, quam postea Basilij princeps Moschouia imperio suo subegit, cuius titulum Ioannes modernus princeps huius Basilij filius sibi vendicat, seque Bulgariae, id est Zauolhensem regem appellat.

*Zauolhensis
Horda oc-
cupata.*

Tandem ultra Viaticam regionem, & Cazanense regnum Tartarorum tres Hordæ, qui Thumenski, Schibanski, & Cozaccki appellatur, in campestribus

*Mores Tur-
mensium.*

habitant, cateruatimque viuunt, ac tot quot lubet ducunt vxores. Potum ex lacte equino habent, frugum vsum nesciunt, pecunijsque non vtuntur, exorcismis & incantationibus supra modum dediti, quibus caligines aliasque intemperstates cæli sapius excitant, hocque modo hostes frequenter profligant. Hæc autem omnia herbis, verbis, lapidibus, radicibusque ab eis miris incantationibus conficiuntur.

*Calmucz-
kiensis Horda.*

Calmuczkiensis Horda trans Volgam fluiuium sita est, Caspio mari confinis, huius incolæ in campestribus vitam ducunt, à crinibusque quos nutriunt Calmuczki Tartari appellantur.

ASTRACHAN TARTARIE regnum.

*Astrachan
vrbs.*

Ostia Volgæ.

A Strachanenſe regnum, poſt Tartaros Nohaycenſes, & Cazanenſes ad mare Caſpium ſitum eſt, compluresque ciuitates habet, ex quibus Aſtrachan vrbs opulentiſſima, in qua emporium celeberrimum eſt, à qua tota circumiacens regio nomen accepit, ad oſtia Volgæ ſita eſt, ibi autem Volga fluiuius ſeptuaginta pluribusve oſtijs in mare Caſpium exoneratur, multas ibidem inſulas faciens, tantaque aquarum copia ingreditur, vt procul ſpectatibus maris formam præ ſe ferat. Hoc regnum olim ſui iuris erat, regesque hæreditarios habebat, ſed anno Domini 1554. à Ioanne Baſiliade Moſchorum principe vnà cum vrbe ſubactum occupatumque eſt, cuius titulum ſibi vſurpat.

*Expediſio
Turcarum
ad Aſtra-
chan.*

Ad hoc regnum occupandum Sultam Zelim imperator Turcarum, inuidia auaritiaque prolatandi imperij Tartarici ductus anno Domini 1569. 20. Martij

Martij die, ex Conſtantinopoli terra & mari exercitum ingentem Turcarum 25000. equitum, & lanciatorum 3000. deſtinauit, naualis claſſis centum quinquaginta galeris, & multis celocibus conſtabat. His demum omnes Hordæ Tartarorum Præcopenſium, ex mandato Imperatoris adiunctæ ſunt, 80000. equitum excedentes. Sicque iunctis viribus, longiſſimo eoque periculoſiſſimo campeſtri itinere, multis fluiijs & paludibus ſuperatis, ad Azoph perueniunt, omni com meatu prorsus conſumto. Azoph autem in oſtijs Tanais fluiij Turcica arx ſita eſt, ad paludes Mæotidis. Poſtea ad victum neceſſarijs comparatis, omnis equitatus Turcicus & Tartaricus, per campeſtria & Hordas Tartarorum Nahaicenſium, & Circallorum quinquemontanorum, tædioſiſſimo itinere ſub Aſtrachan, 5. Septembris venerunt, 24. hebdomadis cum ineffabili famis & ſitis anguſtia in via tranſactis. Hebdomadam integram ſub arce quicquam tentantes conſumerunt; aditum enim ad eam vaſta Volgæ circumfluētis amplitudo prohibet. Interea Moſchouitarū aliquot millia aurora inſtante, in nauibus & celocibus, Turcas & Tartaros inopinata excuſſione, magno cū impetu Duce Serebrny adoriuntur, multitudineque eorum proſtrata, ſpolijs onuſti armata manu incolumes in arcem redierunt. Tartarorum quoque aliquot millia ad vnum trucidauerūt, vt nemo ex illis euaderet, qui ſub arcem pabuli acquirendi gratia ſuperato fluiuo Volga excurrerant. Naualis quoque Turcarum illi exercitus, centum quinquaginta galerarum tormenta magna, pulueres bombardarios, com meatum, & alia belli expugnandi que inſtrumenta vehens, cum aduerſo

*Aſtrachan
à Turcis ob-
ſeſſa.*

*Turci à Moschouitis
profligati.*

Tanai ab Azoph ad montem Pere Wloka dictū, duobus ferè mensibus transactis veniret; nauesque siue galeras terra in instrumentis ad id pertinentibus, per illum montem (qui milliaribus septem à Tanai ad Volgā fluium magnum sub Astrachan fluentem distabat) transferre vellent, Moschouitarum 15000. illos adoriuntur. sex millibusque Turcarum prostratis, spolia & instrumenta multa iam in terram exposita abstulerunt, reliqui vix ad naues aufugerunt, huiusmodique insperata clade accepta, ad Aloph redire coacti sunt, vndique eos Moschouitis persequentibus. In Azoph existentibus aliud infortunium accidit: pulueres enim tormentarij quos in arce deposuerant, igne fortè adueniente succensi sunt, cum ingenti Turcarum & arcis damno; ceteri Constantinopolim petentes, in paludibus Maotidis naufragio perierunt. Sed ad rem intermissam redeo. Tartari & Turcæ Astrachan frustra cum quotidiana diminutione suorum obsidentes, de naualis classis, in qua spes eorum recumbebat, perditione audientes, vndique hostis imminētis, famisque & sitis angustia pressi, coangustati, & ad extrema redacti 21. die Septembris cum ingenti dedecore, damnoque irrefructibili, absque vllō Moschouitarum detrimento, obsidionem soluere coacti sunt. Ad Azoph 23. Octobris die venerunt, quinque hebdomadis in reditu cum ineffabili periculossimāque miseria, & intolerabili angustia transactis, per campestria enim desolata illis iter erat, vt nusquam pabulum acquirere, & pro se & pro equis reficiendis poterint. Moschouitæ enim gramina omniā passim succenderant, & aqua interdum quinque integris diebus carebant, omnesque ferè

ferè illo exercitu Turcico, cum equis pariter fame & siti coangustati, misetè perierunt: quidam in paludibus Maotidis Constantinopolim repetentes, aquis submersi sunt, ita vt 225000. equitū, 3000. Ianiczarorum, & centum quinquaginta galeris amissi, vix 2000. Constantinopolim redierunt.

Est quoque Schamachia vrbs Tartarorum, ad Samachia mare Caspiū condita, quæ ab Astrachan sex dierum itinere abest, ab ea tota regio siue Horda Schamachia nuncupatur, hanc rex Persarum possidet. Incolæ autem huius regionis texendis sericeis vestibus excellentissimi sunt artifices. Turcomanorum Horda vltra Caspiū mare sita est, eius imperium inter quinque fratres partitum est, quorum qui primas tenet Azynchan nominatur, reliqui verò Soltani appellantur, in totoque imperio solummodo quinque oppida reperiuntur. Incolæ Mahometicam hæresin amplexantur, viuuntque iuxta Nahayensium Tartarorum consuetudinem, & cum Persarum principe, vulgò Zophi nuncupato, frequentissimè bella mouent.

Sarmacandia Orientem versus procedendo, vltra Turcomaniam, vrbs est amplissima, quæ olim totius Tartariæ metropolis extitit, nunc verò ruinis deformis iacet, vnà cum multis antiquitatis vestigijs. In ea sepultus est Tamerlanes ille Tartarorum rex, qui olim Turcarum imperatorem Baiazethem cum exercitu numerosissimo profligatum, captiuum aureis catenis vinctum, in cauea velut auem per rotam Asiam circumuehebat. Huius regionis incolæ Mahometani sunt.

*Turcarum
clades.*

*Samachia
vrbs & gre-
gio.*

*Turcoma-
ni.*

*Tamerla-
nes.*

KYRGESSORUM HORDA.

Ritus Kyrgessorum.

KYrgessi Tartari cateruatim in campis degunt, habentque ritum gentilem huiusmodi. Sacrificus ipsorum quo tempore rem diuinam peragit, tunc sanguinem, lac, & fimum iumentorum, terramque sumit, commixtioneque in simul facta, in vas quoddam infundit, & vnà cum hoc arborem ascendit, ad populumque circumstantem concionatur; concioneque peracta in stultam plebeculam, prædictam commixtionem spargit, populus verò in terram pronus prouoluitur, aspersiunculamque hanc pro Deo colit, firmeque credit nihil esse perinde salutare humano generi, ac terram, pecus, armenta que. Mortuos loco sepulturae arboribus suspendunt, his finitimi sunt Balchirdi Tartari ab Occidente, & Hieseliti ab Oriente.

Balchirdi. Hieseliti.

Molgomo-
zani, Ba-
daij, ritus
eorum.

Ab ijs ultra Imaum montem longo tractu procedendo ad Oceanum Scythicum, Molgomozani, Badaique Tartari occurrunt, hi Solem vel rubrum pannum stipiti appensum, cultu diuino adorant; in castris cauernisque subterraneis vitam ducunt; omniumque animantium & reptilium serpentum, vermiumque, murium, & id genus aliarum rerum incomedibilem, carne vescuntur. Idioma proprium habent, ijs contermini sunt Macriti, & Samogides, quasi seipsum comedentes populi.

Hijs longè positis & penè ignotis Tartaris, populisque campestribus in Oriente ultra Imaum montem & Oceanum Scythicum degentibus breuiter descriptis ad reliquos Tartaros campestres Moscho-uitico imperio confines, qui Crimskij, Præcopskij, & Pie-

& Pietiorskij, id est quinquemontani appellantur, reuertemur.

CIRCASSI PIETIORSCZII

Tartari.

A Regno Astrachan, quod mari Caspio, vt supra diximus, adiacet, in Occidentem tandemque in Meridiem reflectendo, circa Maotidis paludes, & Pontum Euxinum, ad fluuium Cupa, qui in Maotidem exoneratur, Aphgasi populi in primis occurrunt, vbi etiam vsque ad fluuium Merulam, qui Pontum Euxinum ingreditur, montes eminentissimi sunt, in quibus Tartari Circassi, Pietiorsczij dicti, id est quinquemontani, habitant. Viri sunt strenui, & bellicosi, montium, quibus interclusi sunt, asperitate, & difficili aditu (à quibus & nomen traxerunt) freti, Turcis & Tartaris fortiter sapissime repugnant, lingua propria vtuntur, & Christianismum cum Ruthenicis siue Græcis ceremonijs conuenientes, profitentur, linguaque Slauonica, sacra Ruthenorum more peragunt. In castris vt ceteri Tartari viuunt, & in propinquo-
rum funeribus pompas ducunt, magnificasque exequias celebrant, & in memoriam mortis amicorum auriculam integram, partemve eius, testificantes amorem, sibi ipsis amputant. Audacissimi piratae sunt, nam fluuijs qui ex montibus eorum fluunt in Euxinum Pontum, siue paludes Maotidis nauibus delapsi, quoscunque reperiunt spoliunt, & excutiunt, eos praesertim qui ex Capha Constantinopolim versus nauigant.

Aphgasi.

Circassi
Christiani.Circassorum
funebres
exequiae.

CRIMSCII SIVE PRÆ-
copskij Tartari.

Campi deserti.
Azoph & Achafz.
Crym vrbs.
Præcopskij vnde dicitur.
Præcop vrbs.
Taurica chersonesus.
Capha.

Inter Cazan & Astrachan regna Tartarorum, quæ nunc Moschorum principi subsunt, longo secundum Volgam fluuium celeberrimum tractu, ducentis videlicet & triginta miliaribus Polonicis, ad Borysthenem vsque fluuium campi deserti sunt, quos Tartari nullis certis sedibus obseruatis incolunt, præter Azoph & Achafz ciuitates, ad Tanais fluuii ostia sitas, Turcis tributarias, quas Tartarorum magna pars incolis, & circumquaq; certis sedibus morantur, remq; familiarem magna ex parte exercent. In his prædictis campis desertis ciuitas Crym olim regum Tauricæ sedes, à qua Crymskij nominabantur, sita est. Postea verò toto Isthmo spacio mille ducentorum passuum, ad insulæ formam perfosso, reges Tauricæ non Crymskij, sed Præcopskij, ab illa nimirum perfossione sumto vocabulo, (*Præcop* enim Slauonica lingua fossam, vel aliquid perfossum sonat) appellantur. Hæc autem ciuitas Præcop, nominata, in Taurica chersoneso sita est, quæ ab Azoph ciuitate celebri, vbi est emporium insignis, quinque dierum itinere distat. Tota autem chersonesus Taurica, silua quadam per medium scinditur, eius mediā partem quæ ad Pontum Euxinum vergit, Turcarum imperator possidet, in qua Capha insignis vrbs, olim Theodosia dicta, Genuensium quondam iuris existens condita est. Hanc autem Capham emporium totius Asiæ celeberrimum, Mahometes Turcarum imperator (expugnata Constantinopoli) Genuensibus quatuordecim annorum spacio obsidione

eam

eam premens, proditione quorundam Genuensium largitionibus corruptorum ademit.

Alteram peninsulæ partem Tartari Præcopenſes tenent. Omnes autem Tartari Præcopenſes siue Crymskij (qui nunc Tauricæ regnum incolunt) originem suam ex Zauolhensium Tartarorum Horda ducunt. cum enim propter intestinam domesticamque seditionem regno pulsi fuissent, nec vsquam in vicinia firmum domicilium habere possent, hanc Europæ partem occupauerunt, veterisque iniuriæ haud immemores cum Zauolhensibus Tartaris, varijs bellorum euentibus belligerabāt, donec eos regno prorsus exuerent, regesq; eorum extinguerent.

OCZAKOW castrum & ciuitas, in ostijs Borysthenis fluuii, ad Pontum Euxinum sita, quam Tauricæ rex ademtam Lituaniæ ducibus tenet, Tartarique Præcopenſes eam incolunt. Turcarum verò imperatori nunc tributaria est, à Præcop ciuitate quadraginta miliaribus distat, ab Alba, quæ Moncastro antiquis dicitur, vrbe Valachiæ ad fluuij Tyræ ostia sita totidem, à Circas verò oppido ad Borysthenem condito quadraginta. Porro ab hac ciuitate Oczakow Tartari Præcopenſes, qui eam incolunt, Oczakowſkij Tartari dicuntur, frequenterque varijs excursionibus Podoliam Russiæ regionem sibi in vicinia adhaerentem; & aliquando Lituaniā ipsam, ceterasque Russiæ partes infestant, prædasque & spolia cum hominibus abigunt, maximè verò ea de causâ huiusmodi excursionēs facere solent, cum illis stipendia consueta à rege Poloniæ plus iusto retinentur. Solet enim rex Poloniæ huic regi Tauricæ

Tartari Oczakowſkij.

stipendia certa quotannis soluere, ea conditione, ut opera illius quauis urgente necessitate vteretur, qui aduersus quoscunque hostes Polonorum, & Lituanorum, cum certis copijs militare quolibet tempore paratus est. Præcipue verò Moschouia principis regiones ex parte Polonorum infestat, varijsque excursionibus debilitat, unde & princeps Moschorum missis subinde muneribus aliquando illum sibi deuincere solet. Tartarus verò muneribus interdum vtrinque acceptis, vtrumque etiam vana spe lactat, regi tamen Polonorum impensius fideliusq; & obstinatius militat; ac omnes provincias Moschouia monarchæ subiectas nomine illius deuexat; & frequentibus insultibus igne & ferro vndiquaque petragrat; amplissimaque spolia educit, prout & nuper anno Domini 1571. mense Maio, ipso die ascensionis Dominicæ Moschouiam ipsam urbem cum arce & totam circumiacentem regionem, ad quinquaginta milliaria in latitudinem & longitudinem flamma ferroque prostravit, vastauit, mancipiaque & spolia dictu incredibilia eduxit, exercitum etiam ingentem sibi oppositum cum multis ducibus & insignibus belli præfectis fudit, & ad internitionem profugauit, trucidauitque, adeo ut memoria tantæ crudelitatis Tartaricæ (quamuis antea quoque frequentes eorum excursiones forent) non extaret.

*Moschouia
à Tartaris
exusta.*

*Fines Præ-
copensium.*

Hij autem Tartari Præcopenses Christianis infestissimi sunt, Turcarumque imperatori quotannis trecentos Christicolos pro stipendio pendunt. A Septentrione magni Ducis Moschouia regionibus, ab Oriente Tartaris Quinquemontanis, ab Occidente & aliquantulumque à Septentrione Russiæ Polono regi

regi subiectæ, à Meridie Moldauia, Valachiaque contigui sunt. In Campetribus circa Pontum Euxinum & paludes Mæotidis, in totoque Isthmo & chersoneso Tauricæ degunt. Rex eorum frequentius in castris, interdum verò in Oczakow ciuitate (quæ quondam Vitoldi tempore Lituaniz colonia erat) commorari solet. Horum Tartarorum situm mores, & barbaricam crudelitatem Ouidius Naso ibidem exulans, suis in Elegijs de Ponto latissimè describit, hosq; fluuios in Pontum Euxinum exonerari carmine infra scripto (quod subscribere libuit) Elegia ad Albinouanum decima, recenset.

*Adde quod hic clauso miscentur flumina Ponto,
Vnq; fretum multo perdit ab amne suam.
Huc Lycus, huc Sagaris, Peneusq;, Hispanusq;, Ora-
Influit, & crebro vertice tortus Halis, (106q;
Partheniusq; rapax, & voluens saxa Cynapes
Labitur, & nullo tardior amne Tyras.
Et tu feminea Thermodon cognite turma,
Et quondam Graijs Phasipetite viris.
Cumq; Borysthemo liquidissimus amne Dyraßes,
Et iacne peragens lene Melanthus iter.
Quiq; duas terras, Asiam Cadmiq; sororem
Separat, & cursus inter vtrinq; facit:
Innumeriq; alij, quos inter maximus omnes
Credere Danubium se tibi Nile, negat.
Copia tot laticum quos auget, adulterat undas,
Nec patitur vires agnor habere suas.
Quin etiam stagno similis, pigraq; paludi,
Ceruleus vix est diluiturq; color.
Innata unda freto dulcis, leuiorq; marina est,
Quæ proprium misto de sale pondus habet, &c.*

Hic Ovidius solummodo præcipuos eosq; capitales fluvios recensuit, reliquos verò complures & absq; numero amnes insignes, qui prædictis immiscentur carminis breuitati consulens omisit.

*DE MORIBVS, CONSVETVDI-
neq; vita Tartarorum.*

Absolutis breuiter Tartarorum hordis siue regionibus earumq; situ, nunc de vita eorū moribus, vestimentorumq; vsu & victu pauca subiiciamus. Omnes autem Tartari prædicti, Machometi dogma, exceptis Circassis Quinquemontanis amplectuntur, Turcarum ritu. Turcas tamen se appellari molestissimè ferunt, probriq; id loco ducūt, sed Besurmanos, quali gentem electam se nominati gaudent.

*Statura
Tartarorū.*

Homines sunt statura mediocri, obesa, lataq; facio, distortis & concavis oculis, barba capris simili horridi, capite rasi, exceptis excellentioribus viris, qui crines contortos, eosq; nigerrimos secundum aures protensos nutriunt, corpore valido robustoque, animo audaci, in Venerem eamq; naturæ contrariam lasciuī. Victū ex omnibus animalibus quomodocunque mactatis, maximè autem ex equis habent, exceptis porcis à quibus ex præscripto legis, ut re scdissima & immunda abhorrent. Famis somnique supramodum patientes, ut ea nonnunquam toto triduo quadriduove perferant, tandem verò occasionem ad vorandum nacti, supra modum se cibo & potu ingurgitant, eaque crapula priorem inediam refarciunt, sicque cibi & potus superfluitate obruti, biduo triduove dormiunt, in quos sic somno penè

penè suffocatos, & oppressos Lituani & Rutheni (in quorum frequenter regiones excurrunt) repente irruentes, incautos profligant, prædasq; repetunt. Cū autem aliquò proficiscuntur, & si fame sitique cruciantur, equis quibus insident venas incidunt, haustoque eorum sanguine sitim famemq; sedant, equis verò huiusmodi venarum incisionē maximè prodesse putant. Equarum lacte supramodum delectantur, quo robustos pinguesque se fieri arbitrantur. Herbis varijs, maximè autem ijs quæ iuxta fluvium Tanaim crescunt suauiter vescuntur, salē rarissimè vtuntur, ideoq; visum sibi acutiorem inesse dicunt. Quod si aliquando reges siue duces exercitui suo commeatum distribuunt, quadraginta viris vnum equum dare solent, quibus mactatis milites carnes inter se partiuntur, præstantiores verò intestina tantum vt rem opiparam & suauiore sumunt, quæ ad ignem parū calefacta, vt videlicet adherentia stercora excuti possint, vnà cum cineribus & carbonibus de igne otius erepta rapaciter vorāt. Non solum autem digitos pinguedine perunctos, sed etiam cultellum, lignumve, quo stercora detergant suauiter lingunt, suguntque. Capita equorum apud eos in delicijs habentur, insignioribusque tantummodo apponuntur. Cibum verò capessant, locum quo cibus apponitur circumsedent, pedibus subtus transuersim attractis, eodem quoq; modo mētem si adest (præcipue legationem apud Polonos Lituanosve obuenientes) circumsedent; præstantiores verò super mensam accumbunt, sed suis in regionibus nunquam ferè in mēsa, nisi super terram comedunt. Insigniores tapetas sibi substernunt.

Arma Tatarorum.

Arma quibus in bello vtuntur hæc gestare solent, arcum cum pharetra sagittifera, cestum, securim, frameamq; Sagittas autem veneno subtiliter inficiunt, de quibus etiam Ouidius de Ponto, Elegia secunda & tertia ad Maximum libro primo testatur, cum dicit:

*Hostibus in medijs, interq; pericula versor.
Tantum cum patria pax sit adempta mihi.
Qui mortis sæuo geminent, ut vulnere caussas,
Omnia vipereo, spicula felle, linunt.
His eques instructus, perterrita mœnia lustrat,
More lupi clausas circumuentis ones.
At semel intentus nervo levis arcus equino,
Vincula semper habens irrefoluta, manet.
Tecta rigent fixis veluti vallata sagittis,
Portaq; vix firma submonet arma sera.*

Ad eundem Elegia tertia.

*Tartarorū
scilicet.*

*Maxima pars hominum * nec te pulcherrima curat
Roma: nec Ausonij militis arma timeo.
Dant illis animos arcus plenaq; pharetra,
Quamq; libet longis cursibus aptus equus.
Quodq; suum didicere diu tolerare, famemq;
Quodq; sequens nullas hostis habebit aquas.*

Idem Tristium libro tertio, Elegia decima.

*Et ceteris
ibidem.*

*Sauromata cingunt, fera gens Bessiq; Getaq;
Quæ non ingenio nomina digna meo.
Protinus equato siccis Aquilonibus Istro
Inuehiunt celeri barbarus hostis equo.
Hostis equo pollens, longeq; volante sagitta,
Vicinum latè depopulatur humum.*

Diffu-

*Diffugiunt alij, nullisq; tuentibus agros
Incustodite diripiuntur opes.
Ruris opes parua pecus, & stridentia plaustra,
Et quas diuitias incolæ pauper habet.
Pars agitur vinctis post tergum capta lacertis
Respiciens frustrarura, laremq; suum.
Pars cadit hamatis misere confixa sagittis,
Nam volucris ferro inextile virus inest.
Quæ nequeunt secum ferre, aut abducere perdunt,
Et cremat infontes hostica turba casas.
Tum quoq; cum pax est, trepidant formidine belli,
Nec quisquam presso, vomere sulcat humum.
Aut videt, aut metuit locus hic, quæ non videt hostem
Cessat iners rigido, terra relicta situ.*

Equos quorum (gentis Bachmat vocant) ceruice depressa, pusillosque, sed fortes habent, qui more dominorum suorum, laborem inediaque & cursum longissimum diutissime sustinent, ramisque & corticibus foliisve arborum radicibusque vngulis è terra excussis, & euulsis pascuntur, his ita ad laborem assuefactis Tartari commodissime vtuntur. Habent quoque alios eodem nomine appellatos equos generosos, corporulentos, & obesos, qui caput sursum erectum inter currendum gestant. Hos autem omnes equos castratos habent, quibus scilicet in bello vtuntur; tales enim plus laboris & inedia tolerare posse arbitrantur. Dum autem in regionem aliquam depopulandam, vel ad confligendum cum hostibus proficiscuntur, unusquisque eorum binos tresve equos secum ducere solet, vt scilicet vno defatigato, in alium ascendere possit: lassatos verò ma-

*Equi Tar-
tatorum.*

Ornatus
equestrum.

hducit, vel ad comedendum mactat. In his equis flumina transnatat, qui forte fugientes insequentiū hostiū viam extimuerint, sellis, vestibus ceterisque impedimentis à se abiectis, armistatū exceptis effusissimè fugiunt. Equos baiulos qui vite bellivæ necessaria portant, sic assuetos habet, ut ipsi absque ductore vel stimulatore equos ceteros (licet ipsis fugientibus aquasve tranantibus,) sequantur. Frena autem lenissima & simplicia habent, flagellisq; præ calcaribus utuntur; cellas quoque, lenissimas, firmissimas tamen habent.

Confligendi
cum hostibus
ordo.

Conflitum cum hostibus eminus audacissimè ineunt, in quo non diu perseverantes, hostibus insequendi occasione in dant, fugientes autem maximè cavendi sunt: nam in hostes insequentes à tergo tela scitè pericissimèq; tetorquent. Tandem conuersis de repente equis in dissipatas hostium insequentiū ordines, denuo impetum faciunt, pugnamq; redintegrant. In patentibus autem campis cum hostibus confligunt, agmine sinuoso in gyrum ordinato, quo certior & liberior nulla re obstante, hostem iaculandi via pateret, iamque manus conferentes undique hostium tela extorquendo circumferuntur, estque euntium & redeuntium mirus quidam ordo. Ductores verò quos sequuntur harum rerū peritissimos habent, qui si fortè, vel ab hostibus occisi fuerint, vel metu percussi in ducendis ordinibus aberrauerint, tanta totius exercitus fit confusio, ut nec amplius in ordinem reduci, nec tela in hostem torquere possint, hocque genus certaminis à similitudine *Choreæ* appellant. In angusto autem loco si fortè eis decertandum venerit, nullus huius ordinationis est usus, atque ideo fugam arripiunt: neque

neque clypeo, nec lancea, nec galea muniti sunt, ut hostem in stataria pugna sustinere possint. In equitando verò hunc morem seruant, ut contractis in sellam pedibus, brevissimè stapedibus insideant, quo facilius in utrumque latus se possint conuertere, telaque in hostes identidem contorquere, & si quid fortè in terram delapsum fuerit, id continuo, nulla re obstante stapedibus innixi tollunt. In hoc autem adeò exercitati sunt, ut etiam celerrimè currentibus equis id efficiant, hastis verò lanceisve impediti, in alterum latus subito se demittunt, altera duntaxat manu pedeque equo adhaerentes, & sic frequenter aduersariorum ictus eludunt. Peditatu inter confligendum nunquam utuntur, arces rarissimè oppugnant, tormentis enim & bombardis uti prorsus ignorant: quòd si fortè aliquas arces dolo occupare, vel igne supposito succedere possent, eas funditus exurunt, captiuisque & exuijs e ductis vacuas dimittunt.

Cum autem incertis & nullis finibus obseruatis sedibus vagantur, inter ducendos exercitus, stellarum aspectu, maximè verò poli Arctici (qui Sclauonica lingua, *Zesefnij Koh*, quasi ferreus stipes dicitur) cursum suum dirigere solent.

Vestibus oblongis ad talos demissis pileisque applicatis communiter tam enim viri quam foeminae utuntur, nec in cultu mulieres à viris quicquam differunt, nisi quod velo lineo caput tegunt. Caligas quoque lineas gestant. Reliqua communis turbae in campis passim degit, vestes ex ouium pellibus confectas habent, quas non mutant, nisi longo usu prorsus attritæ laceræque fuerint. Eorum reginae &

Vestitus
Tartarorum.

magnatum nobiliumq; præcipuorum vxores, dum in publicum procedunt, facies velis lineis obtegere solent.

Mutatio locorum Tartaris dulcis.

Vno in loco non diu commorantur, sed depastis pascuis cum armentis, vxoribus, & liberis, quos in plaustris, & equis secū circumferunt, aliō cōmigrāt, exceptis ijs qui in oppidis degunt. Grauem autem infelicitatem putant, diu in eodem loco morari, iratūque liberis suis sic graue malum imprecantur, dicentes: O vtinam eodem in loco perinde vt Christianus perpetuò hæres, propriūque fœdorem olfaceres. Si verò bello aliquo grauiore vrgentur, vxores, liberos, senesque in loca tutiora collocant. Quotiescunque in aliquas prouincias excurrunt, eas deprædatis captiuis abductis, igne ferroq; funditus proterunt, & tandem otius fugiunt. Quo verò plures prouincias desolauerint, hoc se regna sua (in campis enim sub dio viuere solēt) ampliora reddidisse dicunt.

Panis & sum ignorat.

Mercatores.

Homines sunt rapacissimi, alienis bonis semper inbiantes, pecora hominesque in captiuitatem, præcipuè Christianos abigunt, prædæque & spolijs vitant, laborem enim remque familiarem prorsus detrectant, inde & panis vsus (exceptis ijs qui sunt confines Podoliæ, regioni Russiæ Polonis subiectæ) penitus ignorant. Auri argentiq; apud illos vsus nullus est, extra mercatores, rerumque tantum permutatione vtuntur. Quod si aliquid pecuniarum ex spolijs rebusque venditis à vicinis adepti fuerint, ea vestes in Russiæ cæteraque necessaria vitæ comparant. Captiuos in seruitutem quosdam sibi redigūt, ceteros Turcis alijsque quibusuis extraneis negociato.

ciatoribus aut vendunt, aut redimendos cōcedunt, Captiuis virginibus reseruatis. Senes autem & infirmos, qui ad perferendos labores inutiles sunt, vel qui magno vendi non possunt, hos illi iuuenibus velut canibus lepores exponunt, quo prima militiæ tirocinia inde addiscant. Eos itaque illi iuuenes aut sagittis velut certum iaculandi signum conficiunt, vel obtuncant, decollant, lapidibus obruunt in aquasque precipitant.

Iusticia Tartarorum.

Iusticia apud eos nulla obseruatur: nam vt quisque re aliqua indiguerit, eam ab altero impunè rapere potest, & si apud iudicem de vi illataque iniuria conqueritur, reus non negat, sed se ea re carere non potuisse dicit. Tum iudex huiusmodi proferre sententiam solet: Si tu vicissim re aliqua indigueris, rape ab alio. Si in contentione aliqua quispiam occidatur, auctoresque sceleris capti fuerint, equis, armis vestibusque spoliati dimittuntur: in dimissione verò iudex vilem equum & arcum dat homicidæ dicens, abi, remque tuam cura. Cumq; quietis impatientissimi sint, mutuo tamen se non interimunt, nisi reges inter se dissideant.

Nomina dignitatum apud Tartaros hæc ferè sunt, Chan regem sonat, *Soltan* filius regis, *Bij* dux, *Mur-sa* filius ducis, magni nominis vir, *Olboni* nobilis vel consiliarius, *Olboadulu* alicuius nobilis filius. *Seijd* verò supremus sacerdos dicitur, qui apud Tartaros in tanta authoritate & reuerentia habetur, vt reges ei aduenienti occurrant, stantesque equo insidenti manum porrigant, capiteque inclinato manum illius osculantur, idque ipsis regibus permissum est. Duces verò non manum sed genua, nobiles pedes

Supremus sacerdos Tartarorum.

de osculant. Plebei autē vestes tantū aut equū manibus attingunt. Homo priuatus *Xi* appellatur. Officiorū verō *Vlan*, horū autem secunda est à rege dignitas. Nam reges Tartarorum quatuor viros precipuos iuxta se habere solent, quorum consilio in rebus grauib. vtuntur, ex his primus *Schiryn*, secundus *Baryn*, tertius *Gargyn*, quartus autem *Triptzan* vocatur, & omnes sub hoc nomine *Vlan* comprehenduntur.

*Tartarorū
audacia.*

Fines hij Tartari Campestris nullos habent, sed cateruatim passim in campis degunt, idque à natura inditum habent, vt ab hostibus equis deieci, vulnerati, armisque omnibus spoliati, semiuivique relictī, manibus, pedibus, dentibusque, quoad & quacunque ratione possint, ad extremum usque spiritum sese defendere solent, & tunc temporis maximè cauendus est, dum eum victum morique incipientem putas: moriturus enim alium post se trahit. atq; hic finis totius descriptionis Tartarorum esto.

RELI-



RELIGIO MOSCHOVI-
TARVM IOHANNIS FABRI,
AD FERDINANDVM REGEM

*Romanorum cui a confessio-
nibus erat.*



Moschouita fidem Christianam sequuntur, quam à sancto Andrea apostolo fratre Simonis Petri, primum eis prædicatam affirmant. Ea quoque quæ sub Constantino Magno à CCCXVIII. episcopis, in Nicea vrbe Bithyniæ primo Niceno concilio conclusa, ac à Basilio Magno & sancto Chrysostomo tradita & prædicata fuerunt, tam sancta, tam firma, tam sincera esse credunt, vt ab illis hætenus nunquam licuerit transuerso digito (vt aiunt) recedere cuiquam, sicut neq; ab Euangelio Christi. Ea quoque modestia est eorum, vt quæ à sanctis Patribus in suis cōsilijs, semel sunt decisa, nunquam audeat quisquam suæ professionis, in dubium denuo vocare. Verum si qua vel fidei difficultas, vel ritus religiōis inciderit, vniuersa ad archiepiscopū ac reliquos episcopos, per ipsorum tantum spiritū definienda refertur: neq; quicquā incōstanti vulgo & incōcordi relinquitur. Sacerdotis enim labia custodiunt legē Dei, & lex ex ore eius requirenda erit. Habent aut archiepiscopum qui in vrbe Moschouia, in eo loco vbi sedem imperator habet cathedram archiepiscopalem obtinet. Sunt & episcopi quamplures in Nouogradia, vnus, in qua & Isidorus extitit, sub Eugenio pontifice Rom. Cardinalis teste Raphaele Volaterrano. In Rosciuiā alius,

alius in Sustali, alius in Otiferi, alius in Smolne, alius in Refani, Colmum, Volut, & Frotini præficiuntur episcopi, qui & suas habent diœceses. Hi quidem omnes episcopi, archiepiscopum velut supremum agnoscunt. Archiepiscopus autem ille, antequam Patriarcha Constantinopolitanus à Machometica tyrannide suppressus esset, semper hunc Patriarcham vt superiorem recognouit. Huic tamen Romanum pontificem, veluti Petri successorē præcessisse semper ac meritò fatentur. Neq; hodie huius rei immemor Ruthenorū imperator, adhuc pietatis eiusmodi diligens custos: quotannis enim Constantinopolitano Patriarchæ in hanc vsq; horam quo viuere & Aegyptiacæ leruitutis finem aqua mente expectare possit elemosynam mittere consuevit. Apud Moschouitas ea lex & sanctio est, vt presbyteros & omnes quotquot clerici sunt soli ordinent episcopi. Neq; vlli presbytero vnquam quenquam cōfirmare licet. Hoc enim muneris episcopo soli incumbere asserunt, vt posteaquam tinctus aqua, adultus fiat, per impositionē manuum episcopi & signaculum crucis, adeptæ fidei testimonium reddat, firmeturq; per vñtionem quæ in fronte fieri solet. Iidem in cœna Domini chrisma & oleum celebrant, atque conficiunt. Cuius dein vsus sit in baptizando, confirmando, vngendo infirmos. Soli sunt qui instituūt & destituunt presbyteros. Neque vnquam licet laicis in ipsos animaduertere, rectè ob oculos habetis Pauli doctrinam ad Timotheum qua dicit: Accusationem aduersus presbyterum ne admiseris, nisi sub duobus aut tribus testibus. Ita nec se vnquam Imperator ipse de pœnis clericorum ingerit. hoc episcopalis

palis tantum animaduersionis constanter affirmat & prædicant vt eos arguat & castiget quos sibi subditos Euangelicus ordo, ac in sortem Domini vocatio fecerit. Habent & episcopi suos vicarios & officiales, quemadmodum & nostri qui iurisdictionem in subditos exercent, & iusticiam in rebus ecclesiasticis administrant. Decimis quemadmodum à Deo decretum est quoq; viuunt episcopi: dominijs vtuntur iure concessis: villas ac castra possident. Reliqua verò sacerdotum turba, aliquibus decimis, oblationibus, & alijs quamplurimis tā viuorum quā mortuorum aluntur. Pro ijs enim beneficia habent fundata, quorum patroni sunt tam spirituales quā laici. Seueriori tamen cura hinc agitur, quā soleat inter dum nobiscum, negligentius scilicet. Nemini enim facile aliquod munus Ecclesiasticum cōmendatur, neq; cōfetur beneficium, nisi prius huic ipsi satisfacere posse comprobetur, per eius rei tamen peritos velut episcopos aut vicarios. Sunt episcopis suæ familia, tum nobilibus tum alijs constituta. Hi certè sunt episcopi, per quos statq; caditque vniuersa Ruthenorum religio. Diuina sepe, quum cum Imperatore conueniunt peragere solent. Pro insignibus huius muneris, baculis vtuntur & mitris. Perinde atque nostri solent episcopi. Ea verò abstinentia est, quæ nunquam satis laudari poterit, insignis admodum & magna, tum archiepiscopi, tum reliquorum episcoporum, cibi atque potus, nec minor ferè quā monachis eius regionis, quibus ipsa solet esse refertissima, qui quidem ea lege obstricti sunt abstinentiæ, vt nunquam in perpetuum carnibus vesci liceat. Nō procul ab vrbe Moschouia monasterium

est amplissimum, in quo trecenti fratres, perpetuò ferè sub regula magni Basilij degunt. in quo etiam sepulcrum sancti Sergij abbatis, quod ab exteris è longissimis etiam agris frequentatur. Multis enim miraculis celebre factum est, Christianorum admiratione non parum dignis. E quibus vel vnicum in medium prolatum sufficiet, omnium illustrissimum, quod paucos ante annos illic contigit, duobus cæcis quidè vilis donatus est. Cum enim abbas ille viueret, tanta vitæ sanctitate exstitit, vt facillè sibi persuaderent, atq; credant iam multa ipsum precibus suis apud Deum posse efficere atq; consequi mortalibus. Ideoque monumentum eius, crebrò mira cum deuotione accedunt honorantq;. Vniuersi enim tum monachi tum virgines Vestales, quotquot sunt in monasterijs, vnica regulæ vniq; habitui obnoxij, nigro scilicet, vsque adeò religiosè viuunt, vt non mirentur solum, verum etiam summo honore eos prosequantur. Neque ipsam tam vilis ratio voti habetur velut hodie nobiscum. Verum cum quis ingressus fuerit monasterium, nunquam in perpetuum quoquo modo, quauè indulgentia ei licebit exire, aut aliquo votum irritum facere. Vota verò tria sunt quæ exhibent oue nostri, obedientiæ scilicet, paupertatis, & castitatis. Quæ si quis prætergressus, è monasterio qui prosiliit deprehenditur, perpetuo carcere in pœnâ tanti sceleris clauditur. Tanta est votorum sanctitas, vt etiam quamuis multa apud Ruthenos archiepiscopi & episcoporum auctoritas sit, in his tamen illis minimè quicquam concessum est. Quod vouendum & reddendum Domino, vtriusque testamenti scriptura edoceat, imò

imò ipsa veritas requirat. Castitatis itaque adeò ratio haberi solet, vt nunquam monachis vxores ducere, neque monialibus nubere liceat. Ita enim à Paulo & tota ecclesia prohibentur. Is autem qui virginem bonæ famæ duxit in sacerdotem ordinatur, in monachum tamen nunquam recipitur. Episcopus autem vel sacerdos, posteaquam cælebs in sortem Domini vocatus atque conscriptus fuerit, coniugio non copulatur, sed perpetuæ castitati adstringitur. Quod si quis concubinatus crimen admiserit (quod tamè apud Ruthenos vitium est rarissimum) acerrima pœna ab episcopo affligitur, suoq; beneficio priuatur. Cumq; vxor semel mortua fuerit quâ primò duxit, in perpetuum quoq; aliam in vxorem nunquam ducit. Non bigamum namque, at vnus vxoris virum episcopum instituit Paulus. Et quod pietati collophonium adferre videtur deuotionis spiritum augere, vt cum sacerdos diuina celebraturus est, in coniugio constitutus, maximeq; in Missa celebranda obseruari solet, minimè fas esse putant præcedenti nocte cum vxore dormire, periculum enim illic esse verentur, si non cum peccato id fiat. Ideo quoque pro pleniori reuerentia nocte sequenti ab vxoribus quoque abstinent. Ea est in his quidem tanti corporis & sanguinis mysterij reuerentia, is cultus, hæc spiritus persuasio. Videant igitur nunc nostri quàm pollutis manibus hoc sacrosanctum mysterium, pignus omnis redemptionis nostræ tractare soleant. Moueret optatim vel vnicum Davidis exemplum, qui cum extremo iam ferè ieiunio laboraret, non tamen propositionis panes ab Abimelech obtinuisset, nisi ipse

& serui eius ab heri & nudiustertius ab vxoribus aut alijs mundi fuissent. Cur igitur non mundicie ille quoque studeret magis, qui vasa Domini, imò ipsum Dominum administraturus est & manibus contrectaturus? Est & aliud officium sacerdotum præcipuum, vt Euangelium Christi populo annuncient, salutem scilicet & pacem: id quod fieri cōsuevit ubique omnibus diebus dominicis, festis quoque diuæ virginis Mariæ: Apostolorum item & quorundam confessorum martyrumque. Verbum autem Domini pari deuotione & prædicatur & auditur. Magna quoque est illis reuerentia virginis Mariæ, crebris quidem orationibus, veluti Christi mater pro intercessionem apud filium rogatur. Verè enim ea putatur, cum *θεοτόκος* sit, quæ pro nobis in terris, plurima possit à Filio consequi. Festa itaque eius Annunciationis, Purificationis, Natiuitatis, Assumptionis, & quotquot denique inciderit, ieiunijs indictis, orationibus missis tum lectis, tum decantatis celebrare, pro communis ritus ecclesiæ solent Græcorum: quemadmodum & toto anni spatio, excepto quadragesimali tempore, quando S. Georgij missam theologi celebrare consueuerunt. Est autem utraq; missa ter prolixior, quàm sit ea quæ apud Latinos communis habetur. Deuotis quidem mentibus accedunt, illam populi audituri, tanquam participes futuri eius. Solent autem hoc differre illorum Missa à nostra, quod Moschouita in pane fermentato, Græcorum more conficiunt. Calici item tantum aquæ quantum vini rubei miscent: quam aquam & calidam esse volunt, quod ex latere Domini non sine mysterio magno, profluxerit sanguis & aqua, quam calidam fuisse credere

Missæ.

dere fas est: alioqui enim miraculum vix censeretur. Hocque Sacramentum corporis & sanguinis à solo sacerdote consecratur, qui veluti nostri ferè, stola alba indutus, tota mente ad Deum eleuata, id efficere conatur mysterium, quod pro sufficienti pignore omnium promissionum suarum Christus, in vltima Cœna reliquit, quemadmodum vniuersus orbis fatetur. Epistolam item & Euangelium æquè in Missis habent. At lecto Euangelio, non mox Nicenum illud Symbolum, sed post angelicū cantum, qui Sanctus appellatur, primum fides Nicena decantari solet, cumque dominicæ orationis finis factus fuerit, mox antiphonia de beata virgine Maria sequitur. Consecratio itaque æquè ab ipsis verbis fit à Christo probatis, quibus & eam vim cōcessam credunt, vt prolatis ipsis à sacerdote, mox creatura creatori suo cedat, illudque quasi necessarium esse. Dum verò sic cōficitur, ecce panis iustæ magnitudinis hordeaceus apponitur, in cuius medio hostia est, cui crucifixi forma perinde, vt apud nos, impressa cernitur, quam vi benedictionis in corpus Christi cōuersam, sacerdos sibi sumit & manducat, reliquum verò panis per frustra diuisum petentibus distribuit: quem singuli nō vt corpus Christi, sed veluti benedictum aliquem, & quodammodo sanctum panem, cum summa deuotione suscipiunt. Solent itaque has Missas celebrare de Trinitate, & beata Virgine, de quibus alijs sanctis. Et quoniam illis proculdubio Purgatorii opinio est, assidue pro defunctis orant, Missis subueniunt. In qua quidem re tanta illorum est religio, vt plerique bina pro mortuis anniuersaria, vt vocant, agant. Alterum, qui fatalis quo mortuus est die agi-

Baptismus.

tur. Alterum autem, quo ab ecclesia institutum, sanctius illius, cuius nomen habuit proprium festum celebratur. Ad hæc sunt frequentes oblationes & elemosynæ Christianorum. Hoc quicquid est rituum & potissimum Missarum, omne quidem ex institutione primæ ecclesiæ esse affirmant, ut tradunt etiam Chrysostomus, Basilius Magnus, aut Gregorius theologus. Hæc igitur sint breuius dicta quam vel par sit huic mysterio: Eucharistiæ quidem Sacramentum quantum ipsis in usu est, populo administrari solet, tempore quo Christus ipse instituit: & dein sequuta ecclesiæ, paschali scilicet. alia tamen serie forsan quàm Romana ecclesiæ faciat atque decreuerit. Baptismum pro Sacramento primo, adeoque præcipuo ducunt. Quapropter hoc si quisquam neglexerit deriseritque, mortis pœna affligitur. Baptizant itaque pueros, in nomine Patris, Filij & Spiritus sancti. Huic muneri fungendo quæcunque necessitas inciderit, nemo hominum sufficere putatur nisi sacerdos extiterit. Prius verò quàm Baptismus administraretur, orationes sunt frequentes ac deuotæ, à sacerdote, à parentibus, à patriniis, à proximis, ab amicis, & quicunq; deniq; adsunt, quo Deus opt. max. sese è cælo per plenitudinē gratiæ suæ puero per vniuersum vitæ suæ curriculum assistere dignetur. Quibus certè precib. ad Deum fuis, in ecclesiæ, ad quod peragendum illic baptisterium ordinatum est, aut tempore brumali molestiam frigoris fugientes, in loco secretiori puer baptizari solet. In cuius rei testimonium adhibetur patrini, pro more etiam nostro quibus ex pollicitis incumbit, ut huius baptismi memores esse velint, ut puerum olim, cum ætas patitur

aut

aut expostularit, in fide erudire non negligent, ut Deum pro tanta gratia laudent, ac orent, ut donum hoc diuinissimum fidei datum, in dies augere dignetur. Prædictis itaq; orationibus, atque etiam exorcismis, cum puer fortioribus naturæ viribus apparet, ter totus immergitur, alioquin aqua tingitur, raro tamen, conspersio enim minus sufficiens indicatur. Oleo & chrismate interim quoq; appositis frontis & scapulis. Sal verò quod à nostris adhibetur, & lutum ex salina, & puluere, non admodum receptum est Moschouitis, abrenunciationem verò trinam fidei quoque confessionem trinam in usu retinent. Interrogati dein per nos quantum ipsi Circumcisioni tribuerint, num & ipsi in usu haberent: Procul quidem ab eis abesse responderunt, ut vel scintillam veteris & aboliti Iudaismi obseruent; imò in detestationem illius nec quisquam Iudæorum per vniuersum Rutheniorum imperium admittitur, etiam si multis millibus aureorum hoc consequi præsumeret. Cum verò iam adultus est puer, & perfectam ætatem consequutus, ita ut suæ fidei Christianæ testimonia reddere potest, ad episcopum ducitur, ut confirmationis huius modi fidei Sacramentum recipiat, quod & chrismate in fronte per signum crucis confertur. Administratio verò huiusmodi Sacramenti, nulli concessa nisi episcopis: quo coniecturare licet atque argumenti loco haberi, quandoquidem omnē religionē suam per manus traditā habent ab apostolis, impositionem illam manuum vel in confirmatione, vel in ordine sacro, soli episcopo traditam esse, sicq; hætenus monumēta omnia tenuerunt, atq; perpetua obseruatione custoditū est. De matrimonio si que

y ij

dicenda sunt, hoc certum esse affirmarunt, consanguinitatis simul atq; affinitatis, multum curæ ac sollicitudinis esse ipsis, neq; vnquã facillè negligi, adeò quoq; vt nec vnquam in quarto gradu repertus sit, qui contraxerit, neq; indultum, verùm perpetuò illicitum. Hoc enim à sanctis patribus sancitū semel, nunquam irritum facere conatur. Et quod plus est, illud quicquid est cognationis quod in baptismo, & confirmatione contrahunt patrini, in vniuersum æquè obseruare solent atque ecclesiæ Romanæ decretis cautum est. Quod si in his decernendis cōcertatio oborta fuerit, lis omnis episcoporum arbitrio dirimitur, ita tamen, vt nequaquam indulgentia causam leniorem fecerint, quo nulla fraus fiat omnino constitutionibus. Adulterij abominatio fortassis maior illis quàm nobis existit. Illud enim summa execratione detestari & persequi solent. Lex est etiam firma, vt quamdiu vir vixerit, simul alteri nubere vxor non possit. At hoc defuncto primum etiam lege liberatur, alioqui indiuidua consuetudine vitæ cum marito commorandum est. Sacri ordines quoque apud ipsos suis quibusdam obsecrationibus & carimonijs sacerdotibus conferuntur. Neque illis clauium potestas tradita creditur, nisi ad imitationem Christi in aures illorum dicatur, Accipite Spiritū sanctum, quorum remiseritis peccata, remittuntur eis. Huiusmodi certè Euāgelij forma à Christo nobis præscripta, omni huic qui ab episcopo vocatus, ordinatusque in presbyterum fuerit, authoritas tribuitur, qua vel à peccatis soluere, vel ijs ipsis obnoxios sinere potest. Sacerdotali enim hoc ministerio, Moschouitæ ad pœnitentiam vtuntur.

tur. Quisquis namque ad prouectiorem ætatem, atque eam venerit, quæ ingenij sui viribus vti potest, ac discernere inter bonū & malū, rectū & prauum, leprā, & nō leprā, per cōtritionē sese peccasse agnouerit, rectè spiritus cōtribulati sacrificium reddens, mox ad pedes sacerdotis procidit, & in aurem illi, vt qui sedem Dei teneat, scelera omnia admissa sigillatim, quantum memoria recolligere potest, ex ordine cum planctu aut gemitu declarat, à quo postea beneficium absolutionis, tanquam Christi vicario accipit. Huic rei conficiunda, tempus quoq; habent constitutum: quotannis enim Paschæ festo pro ecclesiastica ordinatione facere coguntur, plerique tamen deuotiores, ad celebriores festiuitates ex omni loges in auricularem facere non negligunt. Id si quis constituto tempore Paschæ neglexerit, anathema esse solet omnibus, abominaturq; ipse ab omnium conuersatione, adeoq; ab ecclesiæ ingressu coercetur. Confessus itaque, quò dignè particeps fieri possit tati mysterij corporis & sanguinis Domini, prius per aliquot dies corpus affligat oportet, & in seruitutem vsque redigat carnem suam, reliquosq; pœnitentiæ fructus dignos in testimonium afflictæ conscientie peragat. Proin ieiunium illud quadragesimale, à Christo & apostolis nobis institutum prorsus affirmat, quo quidē tempore, quoniam omnium procreantium, Veneri commodissimum est, atque pruritibus acerbissimos, animantium cunctorum, non est, quod plus prouocet, opus est summè vt veteris illius Adæ insultus, perdomemus carnis abstinentia, quæ certè abstinentia, apud hos quidē septem hebdomadis summa diligentia perficitur, adeò vt hoc

Confessio.

*Preparatio
ad sacram
synaxim.*

tempore in perpetuum nulli suorū hominū carnis, ouis, caseo, & butyro vesci liceat. Præter hoc etiam à decima die Nouembris, ad festum vsque Natiuitatis saluatoris nostri Iesu Christi, ieiunant: habent & alias hebdomadas continuas, quibus ieiunant, vt in Iunio ad festum Petri & Pauli. Aliquot item hebdomadas in Augusto ad festum assumptionis Mariæ, tum diē Veneris per vniuersum annum, quidam & Mercurij. Votum proin fecerant octo ex peregrinis illis, qui cum sua serenitate fuerunt, vt singulis hebdomadis tres dies ab esu carniū abstergerent, Lunæ scilicet, Mercurij & Veneris, id quod diuina gratia hætenus obseruatum aiebat interpret. Tanta est autem illisharum constitutionum obseruantia, vt quocunque ieiunio piaculum esset, aliquem carnis vesci aut ouis. Narrabant interim quoq; ex suis inueniri, qui cum ieiunia persoluant, nihil quod vnquam visum sit vita fungi, neq; pisces ipsos ederent. Inueniri & alios qui ieiunio statutis diebus, neque vinum, neq; quicquam aliud potuum bibant. Quare audita ita moti, vt mente, *ἐν θουσι αὐτῶν* correpti, destituti videremur, quod admodum iniquam esse nostrorum Christianorum cum illis, in rebus istis Christi religionem concernentibus comparisonem apparebat. Nec magis vnquam quicquam animis nostris tenacius inhaesit, quod nos qui nobis ipsis multum persuademus de arbore fidei nostræ, fructu quidem deteriores illis esse contingat. Tuentur & alios pœnitentiæ gradus, quibus Deum nobis reconciliari credunt. Ex quibus & potissimus est oratio, in qua frequentanda non facillè similes reperiri censeo. Omni namq; diluculo cuncti

et eorum, toto corpore in puluere ipsum prostrati, prolixas orationes, & quotidianas ad Deum fundūt, & fere absque omni temporis intercapedine orant precibus. Quarum primum locum obtinet oratio Dominica, dein cum archangelo Gabriele, diua Virgo salatur. Dicunt & fidei professionem symbolo, quod apostolorum esse à veteribus persuasi sumus: & nullus eorum est, qui nō singulis diebus litaniam persoluat. Qui verò ditiores sunt, è quorum facultatibus est magnos pro ijs sumptus posse facere Ruthenicis literis imbuti, libros orationum sibi comparant, earum solū tum quæ ab ecclesia receptæ sunt, cuiusmodi apud Oratores vidimus. Imaginum verò non tam leuis cura, aut contemptus apud ipsos viget, veluti apud nos his factionibus huius sæculi increbuit, præter omnem pietatem: verū vt monumenta, quò nec vnquam immemores beneficiorum Dei fieri cōtingat, præ oculis habent. Frequenter conueniunt in ecclesijs quas & ipsi magnis sumptibus extruunt, orationis domos ex Euangelio vocitantes, quasq; imaginibus varijs crucifixi, diuæ Virginis, apostolorum, & aliorum quorundam ornant, id quod licere sibi ex moribus vetustissimorū Christianorum prædicant. Neq; tam facillè ipsos mouet, quod apud Græcos Constantinopoli ante septingentos annos extiterunt, qui imagines idololatriæ conuenire docuerunt, neque fas esse, vt cum verè Christianis reperiantur. Qui certè secunda dein Nicæna synodo damnati fuerunt, quotquot pertinati animo hanc sententiam sunt tutati. Neq; est vt vel vnum aut alterum, qui his vt monumentis vtitur, adorare, facillè reperiri queas. Quoniā nemo est

qui vel ignoret à lege prohibitum esse ne veneremur lapides. E contra etiam nullibi scripturæ locus est, quo nō vti liceat ijs monumentis, qui vetet. Imò & in conuiuijs illi ob oculos ponere consueuerunt monumēta huiusmodi, vt in perpetuum animo obuerfentur, quæ præstitit nobis Deus, atq; facilius recordentur vniuersæ vitæ nostræ exempli Christi. At quod è carimonijs est, communē habent nobiscum vsum, in sacris cādelarum. quoniam cera opulentissimi sunt, frugibus verò terræ, & ijs omnibus, quæ ex substantia sunt alicuius, venerandū ducūt Deum, quæ candelæ tunc potissimum accenduntur, quando totius redemptionis nostræ mysterium corporis & sanguinis Domini, Missa à sacerdote cōtrectatur. In organa verò illa Pipiniana, quæ tamen nobis primò à Græcia sunt missa, nullos omnino sumptus faciunt neq; hætenus vli.

Neq; illud quidem minori, quàm reliqua quæ egregiè faciunt, loco habendū erit, quod plurimum commendatos habent pauperes, quibus quisq; pro sua facultate, atq; quātum Euangelij pietas consulit, exponit eleemosynas, vestit, potat, pascit, hospites colligit, & reliqua agit huiusmodi, quibus filios Dei in vita prouehere potest. Constituunt ad hæc peregrinationes, ad præscripta quædam ac sancta loca, quam rem nunc lubens prætereo. Is quoq; qui morbo aliquo prægrauatus est, cuiusmodi in extremum mortis periculum ducere videtur, non solū aurali confessione sua peccata enumerare solet: verū ad hoc etiam, vt fidem suam testetur in Christum qui hoc modo testamento reliquit se remissurum noxam, sacramento Eucharistiæ prouidetur.

Extre-

Extremam item vñtionem minimè negligit. Tum *Extrema* pro ægrotante frequenter fiunt orationes, atque *Entio.* litanias res agitur. Sicque tādē exacta exomologesi, pro rituq; communi Christianorum omnibus perpetratis, cōfessus ille à sacerdote absoluitur. Septem igitur numero Sacramenta habent, velut ea quæ sine omni fraude promissionum suarū eum qui pro Christiana pietate ipsis vtitur, participem, ac compotem faciunt. Præcepta item decem eadem auctoritate tenent, quæ Moysi primò tradita sunt, quasi nunquam intermorigura, certi per verbum eius, quod venerit vt impleret legem, minimè vt solueret. *Indulgentia.* Indulgentias ab archiepiscopo & episcopis accipiunt, magis tamen casu forsitā ab ipsis agitur in eare, quam à nostris. Impiissimum enim esse dicunt, vt quæ ipsi gratis acceperint sibi magnis sumptibus redimenda essent. Neque fas est vli episcopo dare potestatem vescendi carnibus. Matthæus, Marcus, Lucas, Iohannes, epistola Pauli, & reliquæ à nobis receptæ cum Apocalipsi, inter canonicas noui Testamenti scripturas recensentur. De canonicis verò veteris Testamenti idem asserunt, quod decreuit ecclesia catholica. Pontificem Roma. vt Christi vicarium & successorem Petri agnoscunt. Propterea S. Clementis S. Leonis, & diui Gregorij festa apud Moschouitas celebrari consueuerunt. Quod autem ab eo veluti apostata ac schismatici damnentur hoc se iudicio iusti iudicis Dei cōmittere, dicebant. Sapiissime certè tentatum est eos persuaderi, quò ad occidentale in ecclesiam redirent. Quæ tamen fuerint, quæ infelicius homini frustrata sint, fortè plus profuerit obticere quàm commemorādo vel scan-

dalum infirmioribus præbere, vel odium quorundam in me cōtrahere. Dissentiunt à nobis in Sacramenti cōsecratione aliquantulum, ac fractione panis. Spiritum sanctum à solo Patre nec à Filio procedere perinde atq; Gracituentur. Quanquam verò sint apud Græcos plerique qui purgatorium negant, & alij qui purgatorium scripturis probare conentur. In hoc tamen se non facile scissuram pati affirmant, quin id ipsum firmiter cum Romana ecclesia teneant. Missas nostras animo pròptissimo audiunt, neq; aliud magis cruciari aiunt, quam quod à quibusdam quasi alieni à fide vitentur, quando omnia ferè nostra sacra cum studio obseruent. Festa item quatuor solennia celebrant. Natalis scilicet Domini, Paschæ, & Pentecostes, atq; diei quo mater Domini assumpta est in cælum. Magno loco habet apostolos, præcipuè tamen sanctum Nicolauum, quem celebrant, honorant atq; inuocant. Diem Palmarum admirationem ecclesiæ Rom. celebrant, palmas & oliuas, atq; reliquas huiusmodi arbores benedicentes. Hæcque benedictionem creaturarum, nō solum ab ecclesia piè receptam, sed & sacris literis rectè fundatam probant. Ex qua enim quæ est in Numeris cap. quinto & decimo nono apertè mōstretur, quid execrationes possint. Et è Paulo ad Timotheum, sanctificari creaturam per verbum & orationem, notissimum est omnibus. Apud ipsos denique per verba incantari serpentes, per verba eijsi dæmones, & liberari obsessos cōmune sit. Per ieiunium enim & orationem expelli Dæmonium Christus post se scriptum reliquit. Signum crucis ac imaginē crucifixi, etiam contra hostes pugnaturi secum deferunt, inde

inde triumphari desiderantes vnde & Christus, Sanctos verè pro nobis apud Deum intercedere posse credunt, ac quod sedulo faciant sperant, quorum etiam vota facilius exaudiri autumant. Quare & eos inuocant & venerantur. Eos quoq; qui publicè peccant, excommunicatione persequuntur, quam eorum lingua *Obscha* vocant, quam si quis incurrit, è communi omnium hominum consortio, & cōversatione ecclesiastica eijsitur. Vnicum est quod à nobis sanè probari non potest, & à nostris institutis alienissimum, quod pueris vix dum tres annos natis, Eucharistiæ sacramentum præbent, quodque in pane fermentato cōficiunt, & ex cocleari panem vino intritū pro corpore & sanguine populo ministrant. Hi sunt itaq; mores Moschouitarum, hæc religio, illa pietas, serenissime princeps, quæ in vniuersum inclita tua in rebus diuinis procurandis sedulitas ignorare omnino doluit, ideoq; iussu tuo hæc certè illorum hominum perquisita sunt. Data Tubingæ XVIII. Septembris, anni M. D. XXV.

ELVCIDARIVS ERRO-
RVM RITVS RVTHENICI, IO-
ANNIS SACRANI CRACOVI-

ensis ecclesiæ Canonici, anno Domini

1500. scriptus.

EX omni gente Christianum gerente titulum, præcisa tamen ab vnione ecclesiæ, in defensione sui erroris schismatici, nulla pertinacior inuenitur gente Ruthena. Adeò namque in secta & errore

*Valdenses.
Coronatus
Innocentius
Anno 1130.
sedit in tem-
plo Dei 13.
111205.*

suo, dura & inflexibilis est gēs, vt nulli scripturarum veritati, nulli Ecclesiasticę determinationi, nulli doctorum Catholicorum, aut conciliorum sententię, assensu cedit vnquam, quando potius visę & agnitę veritati, pro dolor pertinaciter contradicit, & doctos Catholicos, etiam sui ritus viros refugit, sanamque doctrinam eorum odit semper, ac disciplinam salutarem exhorret. Et hæreticorum Valdensium more (quorum temeratissima rusticitas Innocentij secundi temporibus, virus pestiferum admodum in ecclesiam iniecerat, quod necdum est in Bohemia conscriptum) ambitionis fastu inflati, se duntaxat veros apostolorum, & ecclesię primitiuarum sectatores audent astruere & in eo, quod abscisi ab ecclesia vltro dissident, eius excommunicationem contra se tanquam schismaticos, æternam reputant benedictionem. Multa contra ecclesię Catholicę ritum, ordinem atque autoritatem blasphemantes, quę sequenti capitulo notabuntur, qui tamen & Græcanico ritu in plurimis abutentes, ab eis semper, & vsque modo pro hæreticis eorum habiti sunt, tenti, & reputati. Hi Christianum sanguinem, non minus hostibus crucis Christi sitiunt assidue, toto nisu conantes, vt è medio fideles quosque exterminent, vt sic nomen Ecclesiasticę religionis, apud & inter eos abolitione prorsus interirer, nec probatione aut exemplis externis nobis opus est. Missio quidẽ execrabili, nullatamen obliteratione præteribili sacrilegio, quod in dominũ Isidorum Kyouiensem Metropolitam, de cõcilio Florentino missum cum collega, quodam episcopo ad se venientes, vt iuxta Florentini concilij determinationem cum Græcis, occiden-

ridentali seu ecclesię Romanę concorporarentur & vnirentur, commiserunt, oppugnatione rabida consentientes nequaquam, tum decretę vnioni recens hoc de anno Domini 1500. facinus admissum vniuersorum obtutibus ante positum innotescat. Diuus ac religiosissimus princeps, dominus Alexander magnus, Lituanie Dux modernus, ignitus Catholicę fidei amore zelotypo, instar Vitoldi incliti avi sui, qui prima fidei ecclesię fundamenta in Lituania iecerat, secum deliberans, quemadmodum in amplissimo Ducatu suo honesta quapiam ratione, ad vnitatem ecclesię ditionis suę Ruthenos reduceret. Dum itaque pia, benigna ac paterna adhortatione adoriendos statueret, ipsique præsentirent propositum deuotionis suę in eius cunctorumque sibi subiectorum, fidelium perniciem, & exterminium, rabido furore coniurati duces, & certi primores eorum, ad magnum Moschouitarum Ducem schismatis & eorum sectę tutorem, è vestigio defecerunt. Cuius quidem filiam infectam paterno conragio, idẽ Deo deuotus & innocentissimus princeps suorum optimatum & armigerorum suasu, & instantia coactus, pacis & affuturę amicitie fiducia, paulò antè thoro matrimonialiter sibi constituit. Sanè præfatus Dux Moschouitarum ad iniuriam sibi referens, religiosissimi principis huiusmodi propositum, gaudēs hac occasione sibi (longè antè præconceptam) præbitam licentiam, ad inuadenda, deturbandaque ac populanda eius dominia, & ad pacem vnionemq; Christi fidelium cõuulnerandam, mox neruis Tartaricarum gentium vicinarum obfirmatus, socer genero patentibus indictis insidijs,

*Circiter
annũ 1386.*

non ante eruentum plenè saginavit affectum, donec innumera millia Christianorum, iam per suos ex Litvano dominio, iam per subductos Tartaros ex dominijs serenissimi Christianissimi que domini Iohannis Alberti Poloniae regis in perpetuam, atque infamem seruitutem abigeret. Hæc enim schismatis huius Ruthenici, vna eademque est voluntas omnium, vt aduersus Romanam ecclesiam, & eius ritum odio fremant, insectenturque eam maledictis suis, & fideles de obedientia eius, fide, bonis, gloria, vitaque nudare, ac priuare moluntur semper, nec mirum. Nam cum non sint de vnitatem & societate ecclesiae, & per consequens nec de regno Christi, aliud agere nequeant, nisi vt adinventionibus varijs, molestant Christi fideles, & persequantur, blasphemantque sanctam matrem ecclesiam. Non habentes illud in prospectu, quod scribit Hieronymus super epistolam ad Titum 3. & habetur XXIII. questione III. capite. Si igitur quomodo Michael archangelus, non fuit ausus Diabolo certæ maledictionis dignissimo iudicium inferre blasphemiae, disputans de corpore Moyse, vt in epistola Iudæ apostoli scribitur, sed dixit imperet tibi Deus. Si igitur Michael non fuit ausus blasphemiae iudicium inferre Diabolo per cuius os maledictum blasphemiae, ipse exire non debuit, quomodo ipsi Rutheni blasphemare audent seruos Christi, & ecclesiam suam Catholicam, quæ vnica est, & in duo vel plura diuidi non potest, quæ corpus Christi est, qui vnus & indiuisus est, vt habetur 24. quæst. I. cap. Didicimus c. Schisma & super vnam petram ædificata est, vt habetur 24. questione. I. capite, loquitur Dominus. Cum & apostolus cuius

singunt

singunt se imitatores fieri, ad Titum 3. dicat, admo-
ne ad omne opus bonum paratos esse. Neminem
blasphemare. Et quia dicit, neminem, Ergo non
tantum hominem, sed nullam creaturam Dei, vt
exponit Hieronymus ibidem, & per consequens,
non ecclesiam Catholicam in qua sola est Christi
regnum. Nam dicit beatus Augustinus super Io-
hannem, quod soli fideles Christiani, sunt regnum
Christi, quod non colligitur, sed emitur sanguine
Christi. Et in alio loco ibidem, quid est regnum
Christi, nisi credentes, quod demonstrat etiam Au-
gustinus in homilia zizaniorum, vbi dicit, hi quos
schismaticos communionis direpta societas facit,
spicis corruptis comparantur vel paleis aristarum
tractis, & ereptis de segete, quæ non similiter cum
frumento intrant in promptuaria dominorum, &
contra ibidem Gregorius dicit eos esse zizania, nec
in vnum concludi sagena ecclesiae, in qua regnat
Christus, & non obstante quod ex eodem semine
Euangelij & nomine Christi procreati sunt. Non
habent tamen fidei aut ecclesiae nisi solius Christia-
ni nominis societatem, quam obrem hostes vniu-
ers facti, pacis & veritatis, ac in diuersorum errorum
precipitium lapsi commentis varijs, quæ monstrosa
& pestifera hæreticorum ingenia ab initio confla-
uerunt, statum, auctoritatem ritumque sanctæ ma-
tris ecclesiae deprauare non formidant, &
quæ qualiæue vomant au-
diamus,

*articulis Ruthenorum qui in hoc capitulo demon-
strantur esse quadraginta, quamuis mul-
to plures sint, quos inferere radio-
sum fuit.*

I.

Negant Rutheni sanctum Petrum, verum Pa-
pam & verum Romanæ sedis antistitem & ec-
clesiæ militantis caput vnicum fuisse, nec accepisse
plenitudinē auctoritatis à Christo, quod & de quo-
libet Romano pontifice successore eius tenent, &
cōmunem eum cum alijs pontificibus esse dicunt.

II.

Negant ecclesiam Romanam caput esse eccle-
siarum omnium principem rectricē & magistrā,
secundum quod scribitur dist. 23. c. Sacrosancta.

III.

Dicunt omnes obediētes ecclesiæ Romanæ, ve-
ros Christianos non esse, neque saluandos, eò quòd
ab ecclesia primitiua discrepent. Se verò solos esse
veros Christianos asseuerant, sectatores Christi &
apostolorum, & sic esse de numero saluandorum.
Imò dominum papam cum ecclesia Romana di-
cunt hæreticum esse, de hæresi Arriana, & Catholi-
cos omnes Arrianistas vocant, & anathematizant
ipsum tempore cænæ Domini cum suo clero, di-
cuntque non habere plenam potestatem ligandi &
soluendi, quod sumplerunt ex sectione seu diuisio-
ne Græcorum decima ab ecclesia Romana, de qua
infra.

Dicunt

IIII.

Dicunt omnes Latinos ecclesiæ doctores nul-
lius veritatis & efficacæ esse, fuisseque, hinc nec ali-
cuius eorum dicta suscipiunt, quantumcumque fo-
rent ab ecclesia suscepta & approbata, nec credunt
afflatu Spiritus sancti locutos fuisse aut scripsisse,
hinc nec libris aut scriptis beatorum Hieronymi,
Augustini, Gregorij, Ambrosij, & ex consequentia
liorum doctorum fidem dant, & eorum auctori-
tem nullo modo suscipiunt.

V.

Dicta doctorum Græcorum suscipiunt, dummo-
do nihil aduersus eorum errorem in eis inuenerint.
Si verò quid ex eis quod aduersus sectionem & ri-
tum eorum erroneum fieret acceperint, corrupta
dicunt & vitiata esse ac fidem eis adhibere, non de-
bere asseuerant.

VI.

Sanctos ex ecclesia & fide Catholica, Romanæ
professionis & obediētiæ blasphemant, & dānant
sicut infra patebit in septimo schismate.

VII.

Imagines operis, & artificij catholicorum hor-
rent, & quātum ex eis est, inhonorant, etiam si cru-
cifixi, aut eorum Sanctorum fierent. Sui verò artifi-
cij venerantur, dummodo in synagogis eorum lo-
cata aut picta fuerint, alias non.

VIII.

Ecclesias catholicorum spernunt, confutant, in-
honorant, ac blasphemant contra canonem Inno-
centij tertij de Baptismo c. Licet Græcos. Nec vllam

in eis exhibent reuerentiam sacerrimo sacramento nisi coacti, aut metu maiorum offensæ, aut similita assentatione, & sic de earūdem ecclesiarum consecratione, nihil tenent. Sic & de consecratione corporis Christi dicentes, in azymis ipsum cōsecrari nō posse. Eorum verò synagogas per simplices eorum sacerdotes consecrari posse dicunt, prout de facto consecrant.

IX.

Statuta Ecclesiæ dictaq; aut scripta seu Canones, & Conciliorum determinationes, ac decreta, nulla esse dicunt, etiam & de primis Concilijs dicūt, quod à septima Synodo omnia concilia nullius efficacitæ fuere, neq; de iure Catholico, quod sine eorū cōsensu agebantur & approbatione.

X.

Omnia ecclesiæ sacramenta profanāt & blasphemant, ridentq; & inhonorant, præcipuè sacramenta Baptismi & sacre Eucharistiæ, eò quòd non secundum formam ritus eorum fiant.

XI.

Nullum pontificem Catholicū habere potestatem dicunt chrisma cōsecrandi, solum patriarcham, quem se habere iactant Constantinopoli, per quem si semel consecratum fuerit dicunt, ad annos plurimos illud efficaciam habere ad vñctionem.

XII.

Ordines, benedictiones, pontificia, sacerdotia, orationes, ieiunia, indulgentias, iubileos, & omnia ecclesiastica officia, & ea quæ auctoritate clauum dispensat ecclesia damnant, nec ullius efficacitæ dicunt esse. Similiter obedientiam ecclesiasticam auctori-

thoritatemq; rident, & sicut de indulgentijs, sic & de excommunicationibus ecclesiæ nihil tenent.

XIII.

Dicunt confirmationis Sacramentum nullum esse. Ideo nec illud accipiunt, sine quo promouent sacerdotes suos, nec habent tempora limitata ad ordines, sed passim & vno die promouēt, & plures ordines conferunt.

XIII.

Dicunt Sacramentum extremæ vñctionis, nullam aduersus peccati reatū medelam cōferre posse, & B. Iacobum vñctionem intellexisse, tamē ad medicinam languoris corporalis.

XV.

Sicut quandoq; baptizant in acetabulo, id est, in qua acida, expressa de succo pomorū, aut fructuum, confecta cum aqua naturali & fermento: dum aqua pro tempore caruerint, discretionem in aqua non ponentes: sic in defectu vini in eodem acetabulo sacrificant, imò execrant.

XVI.

In præparatione calicis duas aut tres guttas vini aquæ immiscet calidæ, nec vinum sentitur in aqua absumptum, & damnant ecclesiæ ritum quòd aquam frigidam ad calicis præparationem accipiant, & panem fermentatum pro sacrificio recipientes diuidunt bifariam, superiorem partem in panis medio triangulariter, in profundam excidētes, in corpus Christi consecrant. Reliquum panis beatæ Virginis corpus designare dicūt, & in veneratione conseruāt, in cuius panis præparatione farinā recipiunt,

In nomine Patris, fermentum mittunt in nomine Filij, calidam fundunt aquam in nomine Spiritus sancti. Item ad panis sacrificium plures panes associant & apponunt, vnum in nomine Mariæ, alium in nomine præcursoris, alium in nomine Basilij, tandem Leonis, Helix, & sic consequenter singulis panibus sanctos singulos inuocatione attribuunt. Vnde & in calicibus ligneis, in locis plurimis sacrificant. Vbi pane ex pluribus, vt tactum est polentis exemplo, offam quandam faciunt, & consecrant, tandem in consumptionem coclearibus ligneis, & sordidis vorant, & inicas seu reliquias panniculis detergunt, eijciuntque. Sic quoque communicant, & populum coclearibus, ex calice expromendo, & in esum offerendo.

XVII.

Sumunt experientiam de calicis consecratione, tanquam dubitantes de consecratione eius. Nam antequam communicant in sacrificio, faciunt eis dari aquam calidam quam infundunt in calicem consecratum, vnde si vapor exalauerit, credunt verè illic esse sacramentum, tum primò communicant. Et si pars in calice relicta fuerit, seruatur, & peractis prandijs à sacerdote redeunte voratur.

XVIII.

Consecrant pro bellantibus panem similagineum, in corpus Christi, & laicis in bella procedentibus tradunt in manus, qui cum sunt cum hoste conflicturi & iam manus confecturi, replent vas escarium aut pocularium, quod in promptu fuerit aliquo liquore, qui tunc occurrerit, & illic pane illoposito, seipsos ordine communicant.

Sacer-

XIX.

Sacramentum Eucharistiæ, quod die cœnæ sacræ consecrant, illud solùm dicunt pro infirmis procurandis valere, & non aliud, quod diebus alijs consecratur, & tale ad anni decursum conseruant in calice preparato, quod vermiculosum & tabidum, infirmiori imprimunt cocleari.

XX.

Ante præparationem calicis incensis cereis, panem consecrandum cum vino, & aqua calida in calicem fusa, velut dictum est, cum reuerentia summa spectandum populo offerunt, & circumferunt, vbi populus pronus cadit veneratur & idololatrat. Et post in altari positum, & consecratum nemo veneratur, neque eleuatur.

XXI.

Non solùm in forma Baptismi ab ecclesia discrepant, sed etiam in materia. Quamquam vt supra in articulo 15. dictum est & sacro Epiphaniarum die, loco fontis ecclesiastici flumina rapidè manantia, dummodo haberi poterunt, pro Baptismate infantium consecrant, instar Iordanis. Et quem puerum in merfione ibidem mori frigore, aut è manibus elabi & mergi contingat, ab Angelo raptum dicunt in cælum, neque mundum eius præsentia fuisse dignum aiunt.

XXII.

Sacerdotes eorum communiter non orant, nisi quando missæ officium suo more sint habituri, & quæ aut quales horæ eorum sunt Deus videat. Et dicunt presbytero sufficere ad conscientia purifica-

z iij

tionem, cum vxore cubanti & celebrare volenti, quod se fermentata aqua calida abluat, à vertice capitis ad pedum vestigia. Hanc loturam tantæ dicunt efficacæ quanta foret confessio.

XXIII.

Si casu quis Catholicorum presbyterorum in altaribus eorum celebrauerit, mox velut execratum violant & effringunt, & dicunt quod in vno altari tantum missa vna debet in die celebrari.

XXIII.

Dicunt populum mereri, & magnæ indulgentiæ fieri, quotiens quis hominem Catholicum obedientiæ Romanæ interemerit.

XXV.

Dicunt suos presbyteros irregularitatem incurere, cum passerem, aut aliquod volatile occiderint, qui non prius regularitatem acquirunt, donec idem volatile sub ascellis gestum ab eis, totaliter compurescat. Hæc eorum est pœnitentia, quæ non esset adeò dura si Christianum hominem occiderint.

XXVI.

Falso iurare aduersus inimicum & præcipuè contra virum Romanæ professionis nõ esse peccatum dicunt. Similiter & decipere, dannificare aut fraudare eundem.

XXVII.

Sicut Sabbatum in Quadragesima, nullo modo fore ieiunandum, & peccare eos mortaliter, qui ieiunauerint. Neque Missam celebrandam in tota

Qua-

Quadragesima, nisi Sabbaticis diebus & Dominicis. Vnde damnant ecclesiam Romanam, celebrantem alijs diebus Quadragesimalibus præter Sabbatum & Dominicum. Et simili errore ante ieiunia sua octo diebus solennitant. Similiter & post ieiunia, carnes vorantes quotidie ferijs sextis. Imò & in Vigilijs, si quæ tum occurrerint. Nec piscibus licere vti dicunt nisi eorum intestinis, cum ieiunia Quadragesimalia peragunt.

XXVIII.

Christi fideles peccare mortaliter dicunt, quod barbas radant, & manducant suffocata. Et similiter damnant Christianos carnes edentes vltima Dominica antè Carnispruium, & consequenter.

XXIX.

Dicunt licitè vendi posse prælaturas, ac beneficia, aut emi. Similiter & sacros ordines, & quæ beneficia patres tenuere dicunt, filij ad eam hæreditariam se habere.

XXX.

Dicunt viuentem hominem, mortaliter peccare non posse.

XXXI.

Dicunt fornicationem simplicem non esse peccatum mortale, similiter & vsuram.

XXXII.

Dicunt furi sufficere rationem furti sui, septem sacerdotibus representari, & fateri crimen, & petere olei vnctionem ab eis. Nulla tamen post hoc pecunia, nec restitutionis debito debere onerari.

XXXIII.

Afferunt non esse purgatorium, solum esse duo receptacula animarum, calum & infernum.

XXXIII.

Dicunt animam ante diem iudicii beatitudinis gloriam non habere, quod & credunt. Corpore in terra manente. Omnia hæc in concilio Florentino cassata sunt, & per Bullam Eugenij correctæ.

XXXV.

Dicunt quod viuorum suffragia prosint damnatis in inferno, & non alijs.

XXXVI.

Dicunt Spiritum sanctum non procedere à persona Filij nisi solius Patris. Aliàs duo essent principia, & duæ spirationes, quod tamen sufficienter explanatum est in Concilio Florentino 1439.

XXXVII.

Diuortia faciunt in matrimonijs nulla rationabili causa interueniente, pro sola auaritia & libitu, quæ laici simplices inter coniuges faciunt. Et aiunt quemlibet qui petit separari licere.

XXXVIII.

Dicunt secundas & tertias nuptias, ac deinceps, esse illegitimas, nec facere verum matrimonium, nec inde sequi prolem legitimam.

XXXIX.

Mortuorum tumulos, peracta sepultura iubentur singuli per sacerdotem, suos osculari, & post ipsam sepulturam conuiuantur, vorantes quasdam polentas ab ipsis presbyteris benedictas.

Dicunt

XL.

Dicunt secularibus dominis eorum præsidibus, licere sine nota excommunicationis maioris verbere & deponere eorum patriarchas episcopos, sacerdotes cuius rei origo cæpit, ut dicitur in 10. diuisione Græcorum ab ecclesia. sunt & aliæ plures leuitates & stultitiæ eorum & errores, quos præsentibus omitto inferere. Satis hinc liquet patere poterit, quod horrendis erroribus, si veteratores & sectatores prophanam à veritate & saluari ecclesiæ Catholicæ determinatione discrepent, secti ab unitate fidei orthodoxæ. Vnde in simplicitate & humilitate simulata, venientibus ad apostolicam sedem, an euestigio credendum dispensandumque sit cum eis de plano, non desimo.

CAPITVLVM TERTIVM DE PERTINACIA Ruthenorum, qui nec in obedientia, neque in iurisdictione petenda ab ecclesia, Græcos redeuntes voluerunt unquam imitari.

ET quia in Græcorum atque Ruthenorum schismate claruit semper, & vsq; modo liquet certum, in obedientiæ pertinaciā maior esse in Ruthenis quā in Græcis, qui non solum animaduerrere volunt potestatem & iurisdictionem omnem, non nisi ab ecclesiæ Catholicæ auctoritate manare: nec aliunde consequi eam oportere. Quin potius imperium auctoritatemque eius omnem nihili ducentes, à tertia Græcorum ab ecclesia sectione, seu ab Ephesina synodo hæretica diuisi cum eis ab ecclesia.

Græci duodecies defecerunt à Romana ecclesia.

Vbi Dioscorus Alexandrinus episcopus Leonem papam primum contumeliosis verbis afficere, & excommunicare primus temere ausus est. Post in Chalcedonenſi catholico concilio damnatus, nunquam deinceps vniri ecclesie voluerunt.

At verò Græci post eandem diuisionem tertiam, redire nouies perhibentur. De quorum abitione & reditionibus præſens quoque capitulum introducit incidentaliter. Græcos itaque seu Orientales ecclesias à Romana seu Occidentali ecclesia omnium ecclesiarum matre & magistra, cui singuli quique omnium conditionum statuumque subesse & obedire, eamque sequi, venerari, ac in credendis audire tenentur, velut habetur Distin. 19. cap. in memoriam: duodecies præcidi legimus per diuersas hæreses & schismata. Ipsam tamen Romanā ecclesiam, semper in vna vera & solida fide Catholica perstitisse, perstituramque ad sæculi consummationem iuxta illud Lucæ 22. Ego rogaui pro te vt non deficiat fides tua. Secundum quod & beatus Hieronymus ad Damasum papam dicit, & habentur verba eius 24. Quæstione. 1. Can. Hæc est fides. Sacra Romana ecclesia, quæ semper immaculata permanſit, Domino prouidente & beato Petro apostolo opem ferente in futuro permanebit sine vlla hæreticorum insultatione, scilicet præualente, atque firma & immobilis omni tempore persistet.

Vnde huiusmodi præcisiones eorum, post translatam imperij sedem ab vrbe Romanâ in Constantinopolim per Constantinum Imperatorem secutas legimus ad illam vltimam, in qua nunc obstinati persistunt, quæ post Florentinum cõcilium accessit.

Qui-

Quibus redeuntibus, tamen minus susceptionis ab ecclesia gratioſe impendebatur semper, vt habetur 22. Distinctione. Ca. Sacrosancta. Quæ quidem Orientales ecclesie, principales & patriarchales fuerant quatuor: Constantinopolitana, Alexandrina, Antiochena, & Hierosolymitana. Quæ iam diuissimam quandoque coniunctim se ab obedientia ecclesie Romanæ subtrahebant. Constantinopolitana tamen ecclesia, fiebat semper alijs occasio huiusmodi abcessionis.

4. Patriarchales ecclesie.

Vnde prima sectio fuit anno Domini 335. tempore Iulij papæ & Cõstantini imperatoris, Cõstantini magni filij, Arriana hæresi plurimum infecti, qui seductus per Eusebium Antiochenum, patriarcham, & alterum Eusebium Nicomedientem episcopum, ambos sectatores Arrij hæretici: qui in Alexandria dogmatizabat. Filium in quantum Deus, minorem esse Patre. Imò potius dicebat eum creatum esse non Dominum non coæternum, nec eiusdem substantiæ cum Patre, & alia nefanda plura: multas & graues persecutiones intulit omnibus catholicis, tam Orientalibus quàm Occidentalibus, quosdam suffocans quosdam in exilium condemnans.

Prima diuissio Græcorum à Romanis.

Eiusigitur fauoris fiducia, idem Eusebius patriarcha Antiochenus, non quæſita papæ licentia: volens determinationem Niceni concilij in Symbolo damnare de consubstantialitate Patris & Filij: Concilium in Antiochia congregauit. Et ad illud cunctos episcopos Catholicos citari fecit. Vtpote Anathasium Alexandrinum episcopum, & patriarcham Paulum Constantinopolitanum, Marcelum Anchiræ episcopum, & Lucianum Andrioli-

tem, qui Orthodoxæ fidei erant veri zelatores.

Illi verò pro eo, quod sine papæ consensu interueniente factum esset: ad tale cōciliabulum venire contempserunt. Quapropter per eum excommunicati ad Iulium papam appellârunt. Eusebius verò literis papæ de audacia temera correptus atque citatus ad reddendam de tanta præsumptione rationem, spreto mandato papæ ab obedientia sua & ecclesiæ Romanæ se subtraxit. Mox in exilio Paulum Constantinopolitanum episcopum, eius suggestu imperator clam sub altari in Ensa ciuitate suffocari præcipiens, Eusebium Nicomediensem hæreticum transtulit in sedem Constantinopolitanam. Quæ ab eo annis duodecim, post à Macedonio hæresiarcha Spiritum sanctum creaturam assuerante occupata anno vno. Tandem à tribus alijs hæreticis Eudodio Demophilo, Euagrio, annis viginti tribus residentibus, vsque ad Felicis papæ, & Theodosij Catholici imperatoris tempora subfessione tenta est & gubernata. Donec à Gregorio Nazianzeno suscepta, ab huiusmodi erroribus & schismate fuerat purgata & reunita ecclesiæ Catholicæ, ac sub obedientia Romani pontificis tenta est. Post hæc annis 45. sub quinque pontificibus Catholicis, videlicet Nestorio 16. Chrysostomo 6. Arsacio 2. Achito 20. Sisinnio 1.

Secunda diuisione fuit tempore Cælestini papæ & Theodosij imperatoris iunioris, anno Domini 406. Cùm Sisinnio episcopo Constantinopolitano mortuo, Nestorius presbyter Hæresiarcha occultus, de Antiochia ad illam sedem vocatus esset, qui in concionando dogmatizabat, primò:

Quòd

Quòd nullus audeat beatam Virginem dicere matrem Dei sed Christi, quia non genuit Deum sed hominem, cùm Deus generari nequeat ab homine. Dicebat quoq; duas in Christo personas distinctas vnâ Filij Dei, aliam Filij Virginis.

Idem dogmatizabat Spiritum sanctum, nec esse à Filio, nec habere existentiam à Filio, sed à Patre solo procedere. Hunc errorem Phocius maximè plantauit in Græcis, vt infra patebit de processione Spiritus sancti, quem vsque modo Græci errorem defendunt cum Ruthenis. Hunc Cyrillus Alexandrinus episcopus, vir Catholicus venerationis plurimæ apud Græcos, plurimis epistolis reprehendit, de tam impio errore. Derulitque eum papæ Cælestino, qui sibi mandauit vt Cyrilli scripta catholica susceperet, & corrigeret errata, & credendis, ecclesiæ Romanam sequeretur. Qui tandem mandata papæ respuit, ei que contempsit obedire. Et quia nulla alia orientalis ecclesiæ eum secuta fuerat, sed nec tota Constantinopolitana. Quia multi clerici & laici resistebant suis erratis. Idcirco durare non potuit schisma & ille error. Nam post triennium Synodus vniuersalis per papam Cælestinum in Epheso celebrata est. Vbi congregatione ducentorum episcoporum eadem est hæresis reuocata. Et constitutum vt nullus aliam fidem exponeret vel doceret, quam illam quæ scripta est à sanctis Patribus 328. in Nicena synodo congregatis de qua synodo in. C. Canones. dist. 15.

Tertia diuisione fuit, generalis omnium ecclesiarum Orientalium tempore Leonis papæ, primi & præfati Theodosij iunioris imperatoris, anno Domini

*Concilium
Ephesinum
anno 430.*

quadringentesimo, quadagesimo quarto: dum post mortem Cyrilli Alexandrini episcopi doctoris Catholici, & zelatoris fidei Orthodoxæ, Dioscorus sedem eius accepisset, & ecclesiam Constantinopolitanam Flavianus Catholicus episcopus tenuisset. Monachus quidam Eutyches nomine Archimandrita, id est, plurimorum monasteriorum præses, seu abbas, qui Nestorij hæresim vehementer impugnans, duas in Christo personas asseuerantis in aliam illi oppositam incidit, dogmatizando vnam tantum in Christo naturam fuisse diuinam, & humanam absumptam esse, & in illam conuersam. Dumque Flavianus Constantinopolitanus, illum hæc palam concionatorem redargueret, & eius pertinaciam nequiuisset moderari, vt hæreticum de ecclesia eiecit, & abstulit monasteriorum gubernationem. Qui dum appellasset petissetque Concilium generale, ac se iudicari super erratis ab Dioscoro Alexandrino episcopo, Leonis papæ dicta auctoritate, synodus congregata est in Epheso, & legati missi qui nomine papæ illi præsiderent, Dioscorus monachis vallatus & militibus, veniens ad synodum, contra papæ mandatum violenter synodali præsentia usurpata, cogebat omnes vt subscriptione fateretur Eutychetis fidem esse Catholicam.

Quo viso legati papæ fugerunt, ne errori tali & eius temeritati cõsentirent, qui tandem Flavianum episcopum mox detinuit, & pro sententia aduersus Eutychetem lata tanquam iniusta, coniecit in carcerem, appellantemque ad papam noctu fecit iugulari. Quo quidem iugulato, archidiaconum suum nomine Anatolium lucopinionis, in episcopum

Con-

Constantinopolitanum consecrauit, & Eutychetem restituit officijs & monasterijs. Similiter Antiochenum tunc episcopum restituit, & alios quatuor. Et in eius sedem quendam nomine Maximum, equè hæreticum instituit, vt sic contra papam firmaretur. Quo tempore Hierosolymitanam quoque ecclesiam administrabat Iuuenalis episcopus, & pariformiter in omnibus consentiens. Sic itaque ecclesias Orientales omnes sibi concilians, ad inobedientiam papæ prouocauit. Audiens Leo papa & gesta omnia illius synodi irrita faciens, scripsit Imperatori vt annueret aliam synodum fieri intra Italia: vt & error ipse, & Dioscori nequitia corrigeretur, qui ecclesiam perturbauit. Ille verò non solum non annuit, sed & decreta dictæ synodi potenter defendit. Sic itaque Dioscorus ab obedientia papæ cum ecclesijs Orientalibus se subtrahens, omnium primus contra papam non solum libellum famosum scripsit, caput eum putridum nuncupans; sed etiam temera præsumptione ausus est papam excommunicare. Et ista sectio stetit toto tempore Theodosij & durauit annis septem. Nullum enim aliud Imperator concilium voluit admittere vt in loco quopiam celebrari potuisset. Verum dum Imperator Catholicus Martianus, Theodosio mortuo in imperium successisset, papæque annuisset vbi vellet synodum celebrare & intercessisset pro Anatholio Constantinopolitano episcopo qui timore depositionis ad vñionem accedebat, vt suæ sessioni cõsentiret, papa tandem & Anatolium suscepit & confirmauit.

Et in Chalcedone ciuitate synodo sexcentorum triginta Patrum congregata, cui & Imperator in-

Papa excommunicatur.

Synodus Chalcedonensis anno 453.

Petrus apostolus mortuus scripsit.

tererat, ut haberetur Dist. 96. C. Nos ad fidē ecclesias ipsas ad vñionem cum eis suscepit, & Eutychetis h̄eresim damnauit. Et declarauit in vna persona Iesū Christi, duas esse naturas distinctas, & cōstituit beatam Virginem matrem Dei dici debere Græcè θεοτόκος. Toleratisq; tribus episcopis in ecclesijs eorū scilicet Constantinopolitano, Antiocheno, & Hierosolymitano, solū Dioscorum Alexandrinum condemnauit, ex eo præcipuē, quod fuerit ausus leuare contra papam excommunicationem, ut haberetur Dist. 21. C. In tantum. Et exinde fuit aliqualis turbatio in Alexandrina ecclesia ex parte cleri & populi particularis, qui Dioscori partibus fauebant. Hic Leo epistolam daturus Fabiano Constantinopolitano episcopo, contra h̄ereses Nestorij & Eutychetis, prius eam posuit supra sepulcrum beati Petri apostoli petens errata corrigi, & quæ deficerent in ea suppleri. Die tandem quadragesima beatus Petrus illi apparens dixit: Legi & emandaui, vnde vidit in ea aliqua manu Apostoli emendata, aliqua suppleta.

Quarta diuisionis fuit per Achatium Constantinopolitanū episcopum, in Orientalibus ecclesijs concitata tempore Simplicij papæ & Zenonis imperatoris, anno Domini quadringentesimo, septuagesimo. Cui diuisioni Sectio in Alexandrina ecclesia occasionem præstitit. In qua sede vacante, Catholici suum elegerunt episcopum, nomine Timotheum Fasciolū, & heretici suum etiā nomine Timotheum Elurum, qui dum vix anno vno viueret, substituerūt ei alterum, scilicet Petrum Mongium. Achatius tandem ingratus primū de Petro Mōgio à papa Simplicio

plicio literis obtinuit, ut nullo modo Petri Mongij sessioni cōsentiret, sed potius auctoritatem ei conferret, ad eijciendum eum de sede tanquam hereticum. Qua concessa vsus suffragio & potestate imperatoris, Petrum Mongium eiecit, & solum Timotheum Fasciolum Catholicum in sede reliquit. Quo breui mortuo, clerus Iohannem Catholicū virum elegit in episcopum. Et quia consuetum fuerat episcopis nouiter confirmatis, papæ & patriarchis ac coepiscopis suis literas synodales mox mittere, & in eis fidem profiteri: Iohannes, facta suorum synodo, ex ea papæ literas synodales misit. Misit insuper Antiocheno & Hierosolymitano episcopis. Miserat non minus & Achacio Constantinopolitano, quæ neglectu nunciij redditæ sibi non fuerunt. Ille verò despectum huiusmodi ad iniuriam sibi referēs, cum Petro Mongio à se deposito, tunc Constantinopoli præsentē conuenit: conciliatoque Imperatore voto suo Iohannem ipsum de sede repulit, & Petrū Mongium restituit. Expulit & Antiochenū episcopum & hereticum quendam Petrum nomine in sua sede constituit, quod & fecit patriarchæ Hierosolymitano. Et sic omnes ecclesias Orientales suis fautoribus occupauit & rebelles fecit Romano pontifici. Et quamuis in tali sectione papa plures illi miserit epistolas corripuitque eum de temeritate & ille nihili duceret omnia, deposuit eum. Ille verò nihilominus Constantinopolitanam sedem imperatoris fauore & præsidio occupabat diutius. Quo deinde mortuo Flauitius in episcopum Constantinopolitanum electus, noluit nisi de approbatione papæ in sede residere. Quo vnico anno sedente Eufemia-

Mos episcoporum non morum.

Achatius episcopus Constant. ecclesias turbat.

nus electus, cum simili consensu papæ petito sedem accepit, & annis sex in ea sedit, donec ab Anastasio imperatore hæretico, qui Zenoni successerat deponeretur. Cui Macedonium substituit nequitiarum omnium sentinam, scripturarum falsificatorem. Quo deposito post annos tres Timotheus hæreticus surrogatur in sedem, qui diuinam naturam in Christo passam dicebat, & tenuit sedem annis sex. Et sic hæc scissio durauit annis 45. vsq; ad tempora Iustini imperatoris Catholici, qui succedens Anastasio, Iohannem Timotheo mortuo, in Constantinopolitana ecclesia sedere fecit, & sic ecclesiam Orientalem cum Occidentali vniuit. Quæ vnio durauit ad tempora Iustini imperatoris & Agapeti papæ.

Quinta diuisio fuit circa annum Domini quingentesimum octogesimum, tempore papæ Pelagij & imperatoris Mauritij, quæ venit ex fastu & superbie tumore cuiusdam Iohannis Constantinopolitani episcopi, qui se pro papa vniuersali gessit, & se papam vniuersalē appellari fecit. Dicebat enim quod ciuitas imperialis debet esse etiam sedes pontificis supremi. Quemadmodum Roma fuerat antè.

Vnde non ex aliqua hæresi, sed sola superbia hæc scissio prouenerat, vnde Pelagius papa corripuit eum epistolis suis, & friuolam eius rationem elisit. Similiter beatus Gregorius primus, qui Pelagio anno Domini 590. successerat, scripsit ei, & imperatori Mauritio suam superbiam redarguens, vt patet in Registro suo, & Dist. 99. ca. Nullus. & ad supprimendam tam temerariam superbiam suam, humilitatis titulum sibi apponens, se in literis omnibus seruorum Dei intitulare cepit. Quem vsq; modo sequuntur

Iohānes papa vniuersalis titulum usurpat.

seruorum Dei.

quantur omnes Romani pontifices, licet quidā putent Damasum papam hunc primū titulum assumpsisse, & ab alijs successoribus fuisse prætermisum, donec à beato Gregorio continuaretur. Hæc diuisio pauco tempore durauit, quia mortuo Iohanne successor eius in illa elatione non perstitit, sed ad ecclesiasticam vnionem accessit. Quibus temporibus fuit Artenius hæreticus episcopus Constantinopolitanus, qui dogmatizabat vnā tantum fuisse in Christo voluntatem & operationem. Quem papa Pelagius veniens Constantinopolim eiecit de sede, & sub iisdem temporibus quinta synodus celebrata est auctoritate papæ Vigilij, imperante Iustiniano.

Quinta synodus.

Sexta diuisio fuit, & cœpta est Sergij papæ & Heraclij imperatoris temporibus, anno Domini sexingentesimo octogesimo, & durauit annis 65. ferè vsque ad tempora Agapeti papæ & Constantini quarti imperatoris Catholici, filij Constantini tertij omnium imperatorum pessimi ex Heraclio geniti, qui papam Martinum ab vrbe Constantinopolim tractum, damnavit exilio in Cersōnam, vbi loci & beatus Clemens exulabat. Quam diuisionem & scissionem fecit Sergius episcopus Constantinopolitanus hæreticus, qui similiter vt Artenius tenuit vnā voluntatem & operationem fuisse in Christo & pertinaciter stetit sub inobedientia cum alijs sex episcopis, videlicet Piro, Paulo, Petro, Thoma, Piro, Theodoro se sequētib; hæreticis fiducia Heraclij, qui Heraclius post multa facta egregia, de quibus mētio fit in Legēda exaltationis sanctę crucis, quæ pro fide & ecclesia fecerat, lapsus erat in eundē errorē Arteni, suggestu Sergij seductus, do-

*Sexta Syno-
dum.*

nec tempore Agapiti papæ Theodoro, in Constantinopolitana sede, Georgius vir Catholicus successerat, & Constantino tertio imperatori, filio Heraclij de xerore patre in hæresi. Constantinus quartus filius eius princeps Catholicus succedens gessit imperium, sub quibus ecclesia iterum vnita fuit. Et sexta Synodus vniuersalis de qua distinctione sedecima capitulo sexto Synodus, per Agathonem papam celebrata. durauit vno quasi annis viginti tribus ad tempora Iohannis papæ sexti, tenentibus sedē Constantinopolitanam successiue quatuor episcopis Catholicis, Georgio, Theodoro, Paulo, Calónico. donec Titus successerat eidem Calónico hæreticus de errore Arteni.

Septima sectio cœpit à Tito Constantinopolitano episcopo hæretico, ferè totidem annis durans vt præcedens. Incipiens tempore Iohannis Papæ sexti, qui Græcus fuit, durauit ad tempora Adriani papæ primi, & Constantini imperatoris quinti, qui cum Hirene matre tunc tenuit imperium. Qui Titus, cum duobus successoribus Iohanne & Germano sedit, fedi Romanæ inobediens annis 24. hæresim tenens Arteni. Quæ quidem hæresis in successore Germani finem accepit. tamen alia consurrexit scilicet sub Anastasio, qui annis 24. sedit in sede Constantinopolitana ecclesiæ Romanæ inobediens, cum successoribus duobus, Constantio & Niceta. Vnde hæresis Iconomachorum consurrexit in destruendum & persequentium imagines. Contra quos est capitulum de Consecratione dist. 3. Venerabiles imagines. De qua hæresi fuit Anastasius cum duobus sequentibus.

Terasio

*Nicena syno-
dus.
Hirene im-
peratrix.*

Terasio tandem episcopo Catholico Niceta succedenti in ecclesiâ Constantinopolitana, qui in ea sedit An. 12. Et Imp. Constantino V. cum Hirene matre sua imperium gubernante, viro Catholico, synodus per Adrianum papam primum, in Nicea ciuitate Asiæ celebrata est, anno Domini septingentesimo septuagesimo quinto, & vnita ecclesia. Ibi dem fuerat synodus illa quam tempore Constantini imperatoris Syluester papa congregarat. Et durauit vno ad tempora Leonis imperatoris, qui fuit Armenus genere, & Baro Michaelis imperatoris: & occiso Michaeli, qui post Constantinū V. & Hirene imperauerat, quæ filium Cōstantinū eundē exoculatu, in carcerē cōiecerat, quod eam priuarat imperio. Imperiū tyrānicè inualit & occupauit, ac soporā hæresim Iconomachicā à cōcilio septimo re accēdit, tēporibus Nicephori patriarche Cōstantinopolitani, qui Terasio successerat, & sedit annis nouem.

*Octaua syno-
dus.*

Octaua diuisio circa annum Domini octingentesimum trigessimū, tempore dicti Leonis imperatoris fuit, sub tribus Patriarchis Constantinopolitanis hæreticis, Iconomachicis, scilicet Theodoro, qui sedit annis sex, & Antonio, qui sedit annis tredecim, & Iohanne, qui annis nouem.

Qui tres nominatim anathematizati sunt, per octauam synodum, & durauit annis quasi 27. Donec Methodius vir Christianissimus in sede Constantinopolitana sedit. Sub quo totaliter defecit hæresis Iconomachica, qui annis quatuor residens ecclesiā iniuit. Cui Methodio cum Ignatius vir sanctus, & constans, miraculis successisset, & cum iam sedisset annis 11. per imperatoris Michaelis, qui Leoni

Aa iij

in imperium successerat, auunculum, Vardam nomine, cognomento Ebriosum, de sede pulsus est.

Phocius s. sanctū à solo Patre proce-
Qui excommunicabat eum, quod spreto legitima uxore nurū suā superduxerat, nec absolueret, nisi rediret ad pristinū cōiugium: & per violentiam fecit eligi quendam Phocium laicum scelestum hominem in patriarcham Constantinopolitanum.

Nona diuisio cœpit à prænominato Phocio Nicolai papæ primi, & Michaelis imperatoris temporibus, circa annum octingentesimum quinquagesimum octauum.

Nam petente dicto Michaeli imperatore ut papa Nicolaus Phocium ad sedē Constantinopolitanam cōfirmaret, papaq; hortaretur, è cōtra pluribus eum literis ut Ignatium iniuste à suis inferioribus, contra Canones depositum restitueret sedi suæ, ut habetur 21. Dist. C. Inferior sedes, cum s. capitulis sequētibz. Dumq; cerneret ea in re obstinatorem imperatorem, Phocium deposuit, & multas contra eum excommunicationum sententias promulgauit.

Ipse verò fauore & præsidio imperatoris sedem occupabat violenter, modum & viam quarens conatu toto, quo se ab obedientia papæ eximeret. Et quia veteres hæreses sensit ea in re nō fore sibi profuturas, nouam conflauit.

Nam versuta calliditate constituit quasi generale Concilium comportare, ut pertinaciter de processione Spiritus sancti Nestorij dogma defenderet. Quod quia sine papæ auctoritate & consensu facere nequiebat: subduxit ignotos viros, eos esse legatos simulans, nō solum Romanæ ecclesiæ, sed etiā principalium sedium aliarum, scilicet Alexandrinæ, Antioche-

tiochenæ, Hierosolymitanæ. Et congregans metropolitans & episcopos per se agebat omnia. Nicolaum papam, multis criminibus accusando, maxime quod excommunicatus esset, eò quod ad Symbolum addiderat Spiritum sanctum & à Filio procedere, & esse depositum gestis tertij Concilij cōtra cuius decreta fecerat. Quæ pertinacia magis imbuit Græcos in hoc errore, & eos irritauit contra Latinos, qui & plures ac varios accusatores cum testibus subduxit, ut coram Concilio contra papam acclament. & sic adiudicauit contra papam ut perebatur. Et hæc scissio stetit annis nouem durante eodem Phocio & imperatore Michaeli. Quo deinde Michaeli occiso, per Basilium collegam suum, qui veritus ne in ebrietate furens eum aliquando occideret, qui etiā carissimos suos in hoc furore solitus fuerat occidere, eum occidere maluit, & possessio imperio, voto papæ Nicolai parens, Phocium de Constantinopolitana sede expulit, & Ignatium reuocatum in ea collocauit. Iste ergo Phocius procurauit diuisionem plus alijs inter Græcam, & Latinā ecclesiam occasione processionis Spiritus sancti tantum à Patre, & Græcos in eo seduxit, cum eorum sequacibus Ruthenis. Interim papa Nicolaus moritur, & Adrianus secundus eligitur in papam, qui similiter omnia facta contra Phocium per Nicolaum cōfirmavit. Et missis nihilominus legatis tribus in Græciam, Donato, Stephano episcopis & maximo Diacono, discernere cōmisit eis inter Ignatium & Phocium. Illi cōuocato Cōcilio inuenerunt detectas fraudes, falsitates, & varias fictiōes Phocij. Vnde cum nollet fateri crimina, neque pœnitere pro tot reatibus, anathematizauerunt eum cum tota

*Ebrietas
mala.*

Synodo duodecim anathematibus, & expulerunt à Synodo, vnde vnita fuit ecclesia. Qui Phocius nihilominus clam varias machinationes instruens, dolo cuiusdā à se cōfecta, & tanquā veteris prophetiæ in vulgus emissæ, & velut sibi diuinitus reuelatæ ad intelligendum, gratiam Cæsaris adquisiuit. Sic quod post mortem Ignatij, vi quadam eum in sedem Constantinopolitanam reposuit. Ipse verò falsitate solita literas Iohannis papæ octauī super sua confirmatione, tanquam ad petita imperatoris cōfinxit & sedem occupauit, donec Stephanus papa Iohannis octauī successor eum palam deiecit & expulit.

Decima diuīsiō fuit tempore Constantini sexti filij Basilij, qui Monachus dictus est. Et Leonis pape noni, qui fuit anno millesimo quinquagesimo, quo tempore quoque fuit Michael quidam illiteratus homo & ambitiosus, patriarcha Constantinopolitanus. Cui Constantino dum Sicilia fuisset subiecta, veniensq; ad eam cum thesauris multis & gemmis, & urbem & ecclesias eius spoliasset, misissetq; Constantinopolim ad constructionem monasterij sancti Gregorij, mox in eius egressu rebellauerunt, & regem sibi constituerunt, Leoni papæ querela super tyrannica Constantini expoliatione exposita. Quo cognito Imperator dum apud papam instaret, vt eos à defectione per excommunicationem retraheret ab vna ipse quoq; ab altera parte armis huiusmodi rebellionem se frenaturum disponderet: Papa rescribente quod id facere sibi non liceret, cō quod iuxta querelam Siculorum occasionem solus præstitit rebellandi.

Indi-

Indignatus Imperator iudicauit papam eorum defectionis esse authorem. Et non valens se de papa quouis alio modo vindicare cum Gracia tota ab eius obedientia se subtraxit. Ad quod facinus parati semper Græci extiterunt.

Gracia defecit à papa Romano.

Constituens igitur patriarcham Constantinopolitanum vniuersalem papam facere tractatu super ea re cum Michael patriarcha Constantinopolitano habito: ipsoque homine ambitiosissimo annuente voto suo, conuocato concilio, episcoporum omnium Orientalium, coram eis dictum Michael vniuersalem patriarcham orbis totius pronuntiavit, & dextravit eum super equum insidentem per hypodronium palatij, prout imperator facere papæ solitus est, ducens frenum equi sui aliaque omnia insignia papalia ei contulit.

Imperator papa equis.

Mox miser stulta elatione inflatus, Romanum papam in illo conciliabulo cum omnibus occidentalis ecclesiæ episcopis ac clero vniuerso denunciavit esse depositos & excommunicatos. Quia contra Niceni concilij determinationem addiderunt symbolo, Spiritum sanctum à Filio procedere, quod Nicæna eadem synodus non posuerat. Et in sequente synodo iterū decretū fuerat: omnē qui aliam fidem teneret vel doceret si foret clericus deponi: Si laici excommunicari debere. Quo facto dixit ad se iure pertinere regimē vniuersalis ecclesiæ cum esset patriarcha primus post Romanū pontificē nec depositus nec excommunicatus: Itaq; stulta præsentia eius procures milites & populus quisq; cœperunt in omnibus occurrentibus ad eū velut ad papā recurrere, & honorem ac reuerentiam exhibere tanquam

papæ. Audiens hoc Leo papa duriter literis exprobrabat Michaeli, redarguens eum, & ostendens quomodo in prima synodo Nicena, cui Syluester papa & Constantinus magnus intererant, decretum fuit cum subscriptione totius synodi & Constantini, quod summa sedes Romana à nemine iudicaretur, & ut Romano pontifici omnes sacerdotes totius orbis subditi essent ut capiti. Quod decretum synodi seu cōcilia plura approbarunt. Primò synodus Constantinopolitana prima, cui Theodosius senior intererat: Ephesina prima cui Theodosius iunior filius Arcadij aderat: Chalcedonenſis quæ præſentia Marciani imperatoris acta est: Constantinopolitana tertia, quæ tēpore Constantini iunioris fuit. Omnes hæc cōcordi voto & subscriptione cōfirmarūt sanctā Romanā ecclesiam, & apostolicam sedē post Dominū Iesum Christum caput esse omnium ecclesiarū, hæc & alia plura illi obijciēs. Ille tamen velut temerarius nullis decretis attentus in sua pertinacia permansit, ppter quod iusto Dei iudicio breui vindictā accepit.

Nam Constantinus imperator videns tantum ei deferri honorem ab omnibus, vehemēter eum exaltationis suæ pœnituit. Timens quoq; ne sumpta aliqua occasione leui excommunicaret eum, & ne procures in eius defectionem ceu excommunicati aliquando cogeret, cum præſertim habeatur pro papa vniuersali: arguebatq; intra se, quod si papa remotus Romanus hoc facere potuit, quid non faciet papa præſens? Vocato ergo ipso patriarcha Michaelē, & alijs episcopis, sicut coram eis eum instituerat: sic & coram omnibus à cunctis dignitatibus eum deiecit, & spoliavit non solum insignibus papalibus, & col-

*Papa sunt
erroris im-
peratoribus.*

latis priuilegijs: sed & alijs quæ dudum antè patriarcha Constantinopolitanus habebat, ab alijs imperatoribus cōcessa, quo sibi audaciam omnem agendi contra se amputauit, libertates omnes adimendo.

Iuste igitur Dei iudicio factum est, ut careret proprijs, qui aliena iura contra fas & ius vsurpatione inuaserat. Et exinde Græci imperatores similiter ius cōperūt, uti patriarchas & clericos omnes teneant subiugatos, quos, & quando volunt instituunt, & etiam destituunt.

Similiter Rutheni principes faciunt, & idem pessimus hominum Constantinus, volens Græcos cum Latinis in perpetuo ponere dissidio, & separatione sempiterna: fecit publicè proclamare, ut quisq; contra ecclesiam Romanam scriberet mala quæ sciret & abominabilia, præmia scriptoribus pollicendo, ut sic populo Romanam ecclesiam contemptibilem redderet. Sic itaq; multi multa scripserunt fatua, ficta & nephanda, & quanto abominabiliora, tanto misero imperatori gratiora. Et sic apud eos, ac Ruthenos magis velut aduersus ecclesiam Romanam blasphemia. Vnde etiam ecclesiæ cōsuetudines omnes, quas habet Romana ecclesia, quæ non sunt apud eos, tenent pro heresi. Sicut cōficere in azymis, comedere carnes feria secunda & tertia Carnis priuij, radere barbas & alia plura. Exinde fama in vulgus dispersa fuit, quod Latini nonaginta nouem articulos erroneos haberent. Hinc Græci obstinatissimi fiebant, & cōtra Romanam ecclesiam sæuiebant. Quorum pertinaciam sequētes Rutheni aduersus Christicolas omnes, maledictiones, blasphemias calumniosè & mendaciter conſtant, & latratibus ructuant. Et

*Græci cum
Rom. eccles.
conſistunt.*

*Imperium
ex oriente
in occiden-
tem redit.*

scissi semel ac diuisi ab ecclesia Romana, nunquam redire, nec de ecclesia aliter, nisi impiè sentire voluerunt. Et huius mali occasio non minus etiam sumpta est, postquam Carolus magnus, orientale imperium in occidentem transiit circa annos Domini octingentos. Et hæc nephanda scissio durauit, quousque Latini imperium orientale susceperant circa annos Domini millesimum ducentesium temporibus Innocentij tertij, Alexio filio Isaurij Græcorum imperatoris cum patre occiso. Quos Latini quidam cum classe maxima Gallorū & Venetorum à Venetis impetrata, promissione affuturæ vnionis ecclesiasticæ procurandæ, dum Alexius Constantinopolim versus educeret imperium recuperaturus, & captiuo patri auxilium præbiturus ac dimicaturus, contra germanum patris, qui eodem patre suo rapto & exoculato ac coniecto in carcerem imperiū vi occupauerat. Cum quibus cōserto bello cum occupatore imperij eum in fugam conuertit imperio restitutus. Vnde pro gratia Latinis reddenda homo pestifer nitebatur primo classē eorum exuere: vbi præpeditus, cōserto cum eis aperto prælio vnā cum patre occisus est. Et Græcis hincinde dispersis, imperio Constantinopolitano potiti sunt Latini annis 50. & vnio facta est, de qua vnione habetur. Extra de bap. Licet Græcos.

*Græci scissi
à Gallis &
Venetis, im-
perij am-
tunt, anno
1200.*

Et creatus Imperator primus comes Gallicus nomine Balduinus & patriarcha Cōstantinopolitanus quidam Venetus. Post annos tandem quinquaginta Græci recuperauerūt imperium Genuensium adiutorio de manibus Latinorum. Factusq; est imperator Græcus Michael Palæologus, qui misit ad concilium

cilium Lugdunense per Gregorium decimum celebratum, offerens se velle concordare & vnire cum ecclesia Latina. De processione tamen Spiritus sancti cupiuit erudiri, si procedens à Filio non procedat à duobus principijs, eo quod omnia ab vno procedunt principio.

Vnde in eodem Concilio declaratum est, & decretum Spiritum sanctum procedere à Patre & Filio non sicut à duobus principijs, sed sicut ab vno principio & non duabus Spirationibus, sed vna, vt habetur de sum. Trin. & fide Ca. lib. 6. cap. 1. Et hanc confessionem fecerunt legati Michaelis imperatoris Græcorum, & receperunt, ac reuersi publicauerunt in populis decantantes Symbolum Latinum scilicet in Spiritum sanctum qui ex Patre Filioque procedit. Vnde ex hoc Symbolo Niceno nihil additur, sed potius fit declaratio veritatis.

*Symbolum
Latinum
accipiunt.*

Et sic quamuis ecclesia Orientalis in vnione permanebat, tamen deerant qui contradicerent vnioni, alij palam, alij occultè. Tamen imperator multos hæreticos obstinatos tales abbates & monachos occidi fecit, alios mergi, qui nec rationibus nec autoritatibus sanctorum valebant à sua pertinacia reuocari, qui etiam Ioseph patriarcham Constantinopolitanum hæreticum depositum eiecit & priuauit sede illa, & Iohannem dictum Vechum, hominem Catholicum in sede collocauit, & sub eius vita tota, durauit vnio.

Vndecima diuisio cœpit per Andronicum filium Michaelis imperatoris, qui vnā cum patre in imperium coronatus fuit, vbi Gregorio decimo iurauerat de fidelitate fidei & obedientiæ Romana: patre tan-

*Coronatus
hic Grego-
rius anno
1272.*

dem mortuo solus gubernauit imperium, homo pusillanimis, timidus & peruersus, qui fratrem anhelantem ad imperium & Græcorum à se defectionem ad eum, metuens, eum incarcerationi.

Et animaduertens Græcos in vnione fidei & Romanæ obedientie vacillantes ac ad defectionem paratos, congregatis omnibus in ecclesia maiori sanctæ Sophiæ Constantinopoli cōtra iuramentū factū ecclesiæ Romanæ palam dixit: Vobiscū tenui semper, teneboq; fidē antecessorum nostrorum proficēdo de processione Spiritus sancti à solo patre, patriq; suo defuncto maledixit voce alta, & anathematizauit eū cū omnib. qui fide sibi adhibebāt. Cuius incitatione Græci reuersi ad vsitatum vomitum diuisi sunt ab ecclesia Romana, sed vindice Deo quod miser & ignarus metuebat, euenit. Namq; vecordia sua imperium penē totum amisit. Turci namq; totam sub eo minorem Asiam rapuerunt. Et citra maria dominia vastarunt, alijs quoq; ciuitatibus iam à Tartaris, iam etiam à varijs tyrannis direptis, Constantinopolim cum paucis ciuitatibus possedit. Qui nihilominus factus obstinatiores, & vt aduersus Romanam ecclesiam Græcos concitatiores & pertinaciores efficeret, Iohannem Vechum patriarcham Constantinopolitanum virū Catholicum, de sede turpiter eiecit & vnā cum alijs quos ad errorē suum deflectere nequiuerat cōiectum in carcerē fame necauit. Et Ioseph perfidum antē depositū hæreticum in sedē eius substituit, quem ex eo quod pertinacissimē veritati fidei ecclesiæ Romanæ resisteret, magnam calumniam fidei appellauit. Finaliter tamen per nepotem suum constrictus, & imperio priuatus vitam

*Turca Asia
minorem
vastant.*

miserabiliter finiuit. Durauit hæc iterum diuisio ad annum Domini millesimum quadringentesimum trigessimum ad Florentinum concilium, & à tempore Phocij sc. ab anno octingentesimo quinquagesimo octauo. Schisma hoc ad idem concilium stetit annis 581. vel citra, quo tempore venit ad concilium Florentinum per Eugenium papam celebratum Iohannes Palæologus, imperator Græcorum cum germano suo, & patriarcha Constantinopolitano Ioseph nomine, & multo clero ac proceribus. Qui auditis terminationibus luculentis ex varijs scripturis & præsertim doctorum eorum, Anastasij, Basilij, Cyrilli, Maximi, Dydimi, Chrysostomi quod procedat Spiritus sanctus à Patre & Filio, adqueuerunt & tandem confessionem susceperunt cum ecclesia Latina. Et sic denuo fuit vnita ecclesia Græca ad Latinam.

Duodecima & vltima diuisio. Nam quamuis Imperator cum suis domum rediisset vnitus ecclesiæ, & eius dogma professus, cum inde paucis profectus accessit. Nam etsi ordinati fuerunt doctores & prædicatores, qui hæc populo dissererent: clerici tamen eorū & præsertim monachi à quibus populi informabantur in doctrina credendi & viuendi, pro maiori parte pertinaces existentes in errore & perfidia, aliud dogmatizabant & indurabant populum. Quapropter Dominus Deus malum hoc amplius non tolerans & ecclesiam Catholicam irrideri toties nō sinens, post annos quatuordecim permisit in eos exterminium, vt capta Constantinopoli à Turcis, miseri impio tyranno & inimico crucis Christi curuarent, ceruices suas, qui Christi vicario

*Schisma
Græcum durat annos
581. & q; ad
annū 1439.*

*Constantino-
polis capta
anno 1453.*

Romano pontifici subesse voluerunt & qui Christianis Occidentalis ecclesiæ commisceri & conuiuere, mutua vnione fuerant dedignati, iustè cōmuerunt, vt qui miserabilem mortem euaserūt cum Iudæis & infidelibus in ignominiosa seruitute vniū permanerent.

Fides à Græcis ad Romanos deriuata.

Qui Turcus nunc ecclesias Orientales omnes veraciter separauit. Sed pro dolor, homines miseriam horrendo exterminio ferè imperterriti vsque modo permanent in sua pertinaci obstinatione; maluntq; calamitatem omnē perpeti, quàm ecclesiasticæ concorporari veritati, sapientia suorum maiorum prorsus fatuati, non attendentes quantam eis reuerentiam ecclesia Catholica exhibuerit, & vsq; modo exhibet. Itaque eorum sapientiæ dans honorem, & cultui iustitiæ ab eis exorte, ac recognoscens, quod Græci fidem salutarem, primū à Paulo & Barnaba susceperunt, vt scribitur Actuum 13. à quibus ad ecclesiam Romanam deriuata est Petro & Paulo ex Græcia Romam venientibus, traditiones Græcorum certas in Missæ certis concentibus continet vsque modo. Et non mirum est, quod adeo fremant aduersus ecclesiam, desæuiantq; in omnes quos sub eius obedientia cernunt consistere, quoniam à iustitia, caritate, & humilitate prorsus sunt alieni, cum omnibus sui ritus schismaticis Ruthenis. A iustitia inquam: dicit enim beatus Augustinus, & habentur verba in Canone vigesima quarta quest. 1. cap. vbi. Quod vbi sana fides non est, non potest esse iustitia quæ scribitur Abacuc secundo, & ad Rom. 1. Iustus ex fide viuit, vbi subditur, neq; schismatici aliquid sibi ex ista mercede promittant. Et quod magis est de

est de quo constat, quod caret virtute veræ fidei, præsumitur quod non caret omni vitio, & præsertim fidei opposito, scilicet perfidia. Huic ecclesiæ veram fidem profitendi, molesti sunt, & infensi & aduersi veræ pietati religionis Catholicæ, quæ prima & summa iusticia est. Quod autem caritate careant, sola diuisione ab vnione ecclesiastica demonstratur, quæ ex odio caritati contrario procedit. Caritas namque imperat cōcordē fraternā vnitatē, quia dilectio proximi, malū non operatur Rom. 13. & inclinatur in actus omnes virtutū omnium, quæ vbi defuerit, itē & odij remanet in cēdium, nec nō contēditiones rixæ, discordiæ, detractiones, contumeliæ, blasphemiæ, & ceteri quique actus viciosi merito succedunt, dicitur enim in quæst. & cap. quo supra. Quod si hæretici aut schismatici caritatem haberent, non dilaniarent corpus Christi, quod est ecclesia Catholica. Ex eadem tandem radice liquet, eos humilitate carere, quæ est ornamentum præcipuum hominis Christiani, quia ecclesiæ suæ iugum abijciunt, & fortè detrectant, contra quos queritur Dominus in persona ecclesiæ Ierem. 2. Confregisti iugum meum, rupisti vincula mea, dixisti non seruiam, scilicet constitutionibus & ordinationibus, ritui & sacramentis tuis, arguant te malitia tua, & auersio tua increpabit te. Hæcibi, & 24. 9. c. Audiuius. Dicitur Christus non habitare in cordibus eorum qui superbiē singularitatem secuti, à corporis Christi compage semetipsos abrumpunt. hinc præcisione sua laborantes, ad ecclesiæ Catholicæ detrimentum, famæ gloriæq; confuscationem, semetipsos infames reddiderunt, iuxta illud Dionysij papæ 29. 7. cap. Alieni, vbi dicitur: Infames esse o-

In hæreticis non est caritas.

omnes cēsemus, qui Christianam legem prauaricantur, aut apostolicam vel regularem postponunt auctoritatem, & ambientes superioritatis & prioritatis titulum in ecclesia, se tanquam primitiuae ecclesie sectatores, primos & veros Christianos existimantes infimi facti sunt Christianorum omnium, iuxta illud Alexandri 2. 24. 9. 1. cap. Audiuiimus. Item cum Dominus. circa finem, liquido constat eum, qui ab integritate Catholicae fidei recedit, maledicendi & benedicendi potestatem minimè habere. Catholicum nanque, utpote se superiorem maledicere non valet, id est excommunicare.

APPENDIX DE ERRORIBVS MOSCHORVM.

PLura eiusmodi, quae Sacranus Russica refutans, ex scholastica profert Theologia, existimauimus per parum molumenti, si hic ponerentur Lectori allatura esse. Sunt enim merae argutiae humanae, vel raris, vel nullis firmatae testimonijs diuinis, quibus solis omnis redarguitur in fide error. Quamobrem ijs omissis, Petrum quoque Scargam Iesuitam Vilenensem, similia recensentem audiamus. Positis tamen in primis Graecorum rationibus, quibus suam à Romana ecclesia defectionem excusare conantur. Primum inquit, octo capita, deinde nouem, postea sex & viginti, Graeci Russis aduersus ecclesiam Romanam edidere. Photius patriarcha Constantinopolitanus, octo conscripsit, quae Nicolaus papa ad Ignatium archimystam Renensem scripto recenset.

Primo

1. Primò quia Romani sabbatho ieiunant.
 2. Spiritum S. à Filio quoque procedere asserunt.
 3. A matrimonio abhorrent.
 4. Sacerdotes confirmationem Baptismi facere non permittunt.
 5. Interuallum temporis ante Quadragesimam producant.
 6. Agnum Paschalem vnà cum corpore Christi, in altari consecrant.
 7. Sacerdotes illorum barbas radunt.
 8. Diaconos absq; sacerdotio, episcopos faciunt.
- Posthac ducentis ferme interiectis annis, papa Leonis IX. tempore, hoc etiam nouum caput addidere. Quia iidem Romani, pane azymo in Sacramento corporis Domini vtuntur. Plura deinceps alia, ira inuidiaque flagrantes commenti sunt & haereses vocarunt. quo, eò magis Russos, gentem simplicem, è quorum monumentis haec producimus deciperent.
10. Quòd Romani pontifices in bella prodeunt.
 11. Ieiunij tempore pueros, lacticijs vesci sinūt.
 12. Non contenti pictis imaginibus, sculptis etiam vtuntur.
 13. Crucem digito humi factam pedibusterant.
 14. Virginem Mariam Dei genitricem non vocant.
 15. Ad altare mulieres admittunt.
 16. Suffocatis auibus, alijsq; cum sanguine, item ranis & vris vescuntur.
 17. Ori baptizati, sal ingerunt, & luto ex sputo factò, aures illinunt.
 18. Aqua se quotidie, ritu Iudaico aspergunt.

Errores Latinorum.

19. Tota manu benedicunt, signum autem crucis vno digito exprimunt.
20. Ab tempore ieiunij, vsq; ad Pascha, Halleluia non canunt.
21. Cadauera mortuorum episcoporum, aliquot hebdomadas insepulta seruant, nec illorum manus transuersim, figura crucis componunt.
22. Sacerdotes eorum, tres vno die Missas celebrant.
23. Consanguineas in matrimonium ducunt.
24. Monachi ipsorum carnes comedunt.
25. Tempore quadragesimæ sanctā crucem abscondunt, neq; flexu poplitum adorant.
26. Loco participationis Cœnæ Domini, sacerdotem sacrificantem osculantur.

Hæc Scarga cap. 12. libri 2. Polonici, anno 1577. Vilnæ excusi de vno pastore, vnitæ ecclesiæ, & Græcorum ab illa secessione. Capite verò 2. partis 3. hosce errores tam Græcorum quàm Russorum enumerat.

Errata Russorum.

1. De processione Spiritus S. perperam sentiunt, æqualitati Filij cum Patre hac ratione detrahentes.
2. Datam esse à Deo ecclesiæ Rom. eam auctoritatem, vt totius mundi ecclesijs præsit, negant.
3. Nondum esse sanctos in calis, nec dum frui faciei aspectu Dei, propterea quod nondum resurrexerint, credunt.
4. Nullum esse purgatorium aiunt, nihilominus tamen pro mortuis orant.
5. Matrimonium voce diuina indissolubile pronuntiatum, posse per hominem solui putant. Vnus illorum aliquot vxores simul habet, Popæ, id est, sacerdo-

- erdotes atque episcopi, vota Deo nuncupata, ac id ipsum sacramentum disiungunt dissoluuntq;. Potentiores autē, tonsas monachas in matrimonium sumunt.
6. Septem tantum Concilia esse debere, si verò vel octauum vel nonum foret, id pro anathemate habendum dicunt.
7. Corpus Christi, in pane in fermentato consecrari, nefas habent.
8. In Missa, panem nondum consecratum, genibus flexis adorant: cum autem consecratus fuerit, nullum honorem sanctiss. Christi corpori exhibet.
9. Et corpus & sanguinem Christi in ara, non solo Dei verbo, sed sacerdotis etiam precationibus fieri existimant.
10. Idem sacramentum, feria quarta tantum ante Pascha consecratum, propter agrotos, totum annum conseruant, negantes alijs diebus idem consecrare, dariq; iisdem licere, cum tamdiu haud possit panis species, salua durare.
11. Popæ, id quod reliquum est corporis Christi, à fidelibus non absulti, peracto prandio templum ingressi interdum semipoti, vel nulla vel parua cum reuerentia comedunt.
12. Parui id pendunt, si vino, accedentiū frequentia exhausto, tantum aquæ post consecrationem affundatur, vt nullus eius sapor supersit, quod vbi fit, nec sacrari, nec esse sanguis Christi potest.
13. Nec pluri faciunt confessionem peccatorum, nam Popæ peccatis contaminati, nulla alia confessione facta præter eam, quæ vulgo fit ab omnibus semel in anno, ad Liturgiam obsecundam accedunt:

quo pacto non id solum quod sacramento absque poenitentia sumpto iniuria fiat, verum etiam communicantes sibi exitium attrahunt.

14. Confirmatio Baptismi non est illis Sacramentum, quæ etsi ad solum pertinent apostolorum successorem episcopum, tamen eam vulgaris sacerdos peragit.

15. Extremam olei unctionem, errore intolerando, homini mortuo adhibent, quasi soli corpori anima destituto, accommodanda sint Sacramenta.

16. Neminem, uxore carentem ad sacerdotium admittunt, nec ullam Popam, cui Popadia non sit habent. quo facto castitatem excelsam noui Testamenti virtutem contemnunt, donum Dei corrumpunt, quodque idem Deus largè nonnullis dare potest, id omnibus detrahunt, & a sacerdotali dignitate reijciunt.

17. Cleri apud eos consecratio, non fit sine pecunia. Dare enim consecrandum episcopo consecranti, aliquot florenos oportet, quod tamè minimè dicitur esse peccatum.

18. Negant chryisma, episcopo siue metropolitæ, præter solum patriarcham consecrare fas esse. Atverò tam longè petitem, aut in itinere perit, aut adulteratur, vel ætate consumitur. Id autem apud Catholicos, episcopus quotannis renouat, sacramentis quibusdam adhibendum.

19. Carimonij ritibusque plus quàm par est confidunt. Ad hoc in imaginibus, sanctis inuocandis, aliisque ecclesiasticis rebus, multa iniquè committunt. Hæc sunt Scargæ verba paucis comprehensa, qui capite tertio ait Moschos, ad eò abominati detestati que

statique ecclesiæ Romanæ homines, vt illos pro Ethnicis habeant, & si occidant, obsequium se Deo præstare, sibi persuadeant. Addit idem allegatum superioribus annis ad Lituanos, à patriarcha Constantinopolitano, quendam sacrati ordinis virum, perducì eò non potuisse, vt Valerianum episcopum Vilnensem saluaret, negans sibi suisque quidquam commercij in rebus fidei, cum hominibus Latinæ ecclesiæ, qui ipsis hæretici essent, habere licere.

Et Scarga quidem ecclesiastes, doctissimi Andree Volani Evangelici aduersarius, ista de odio Græcorum Russorumque aduersum Romanenses, suum in Evangelicos egregiè dissimulans. quod tum re ipsa declarauit, cum anno 1580. Lutheranos, ita esse omnibus exosos debere, suos Vilnæ doceret, vt & obuios conspuerent. Cuius rei, cum ipsemet obuius concionatori Evangelico factus, exemplum edidit alijs imitandum, (audita refero) contusum os, ex quo sputum exierat, manu cuiusdam, id spectantis pij nobilis, homo maledicus domum retulit.

Bb iiij



RERVM POLON.
DE RVSSORVM RELI-
GIONE, RITIBVS NVPTIA-
RVM, FVNERVM, VICTV,
VESTITV &c.

ET
DE TARTARORVM RELI-
GIONE AC MORIBVS

vera & luculenta nar-

ratio,

AD

D. Dauidem Chytraum recens scripta.



Nepistola mea, XVII. Kal. Maij ad te missa, pollicitus sum, de Russo- rum religione & ritibus pauca me tibi perscripturum, accipe igitur e- recta fronte quod mittimus, & hoc tibi persuade, fieri posse, vt verba quidem nō satis Romana scribam. Res autem ipsas mendacij & vanitatis penitus fore expertes. Nihil enim ex alijs auditum, nihil ex aliorum libris hau- stum, nihilque incognitum commemorabimus, sed quidquid oculis vidimus nostris, de illo contestabi- mur.

Polocia deditione recuperata, Soccolia, Czussa, Turobla & alijs Alba Russiæ oppidis ferro & flam- ma funditus euerfis, Germani omnes, qui sub Chri- stophoro Bomlstorffio militabant, dimissi sunt. so- lis Borussis, in Russia manendum fuit, vt aliquo ta- men

men praesidio istarum terrarum incolæ defende- rentur, si quam fortè eruptionem facere vicini vel- lent Moschi.

Ego itaque media in barbarie hærens, amaras a- nimi molestias ista ferè ratione semper excussi: Fla- mines Ruthenicos adij, cumq; illis per interpretem de fide & religione collocutus sum. Si verò interro- gantur, an in sanctam Trinitatem credant, constan- tissimè quidem hoc ipsum adfirmant, si testimonia *Religio Rus- sorum.* sacrarum literarum tibi dari petis, illi in libris suis quos per manus à maioribus acceperint, ita scriptū esse aiunt. porrò si LIBROS istos videre quis auct, Psalterium prophetæ & regis Dauidis, quod ipsorū *Doctrina.* lingua apud Oltorocenses impressum Excel. tuæ mitto, ostendunt. Nouum præterea Testamentum, apostolorum res gestas. D. Pauli epistolas omnes: Item Homilias Chrysostomi, Basilij, Gregorij Na- zianzeni ex Græco conuersas & manu scriptas ha- bent, cum preculis quibusdam ad beatam Dei geni- tricem & S. Nicolaum dicentis, neque tamen quare hos libros possideant, scire possum, cum diebus Do- minicis puras solūmodo fabulas populo prælegant. Ista enim feria qua nos legimus Euangelion de re- nato ex mortuis filio viduæ Nainicæ, hospes meus, consul Deisenensis, Alexius Cæsarinus Ruthenus in suo se templo hanc lectionem audiuisse dicebat: Christum matri Mariæ obuiam factam suppliciter ab eavnum rogasse numum. Matrem verò cum & ipsa nihil haberet argenti filium Christum cum do- lore suo dimisisse è conspectu. Vides qualibus nu- gis decipiant miseram plebeculam, sed nec ipsi do- ctiores meliora sciunt, & si audiunt, cachinno quo-

*Christoff 4. Boml-
storff.*

dam explodunt, soli namque suam admirantur barbariem.

*Archiepi-
scopus.*

Papæ Romani nomen ægrè in aures dimittunt suas, seq; Græcorū socios in religione, & pontificis Byzantini maiestatem venerari clamant, qui quidem suum metropolitam in vrbe Moschouia habet, virum apud Ioannem Basiliadem summæ auctoritatis & existimationis, quod ex Christiano Boccornio, magni Ducis concionatore, qui triennium in aula Moschorum cum suo principe vixit, intellexi.

Rutheni verò, qui regis nostri imperio parent, metropolitam suum Vilnæ habent, cui nomen est Anicephoro. Hunc magnifico & splendidissimo habitu indutum, senioq; & cana barba venerabilem, 20. Iunij Vilnæ sacra peragentem vidi.

Templa.

Russi delubra habet plerumq; lignea, recto scandulari, in summitate templi signū Christi in crucem sublati cōspicitur. Horologijs sciōtericis planè destituuntur: & tamen die Solis circiter quartam matutinam *rexpo dē m* eorum tintinnabulis pulsans populum ad sacra vocat. Tum verò matres atq; viri, pueri innuptæq; puellæ lecto valedicentes, vestem sumūt, & ad ecclesiam summa cum festinatione properat.

Verū enimvero pedem domo non efferunt, nisi prius genium suum dictis precibus mitigauerint. Habent autem tabellam quisque ligneam, in qua capita aliquot depicta conspiciuntur, ad hanc cum tota familia accedentes, cum gemitu & lacrymis S. Nicolaum, eiusq; in cælo commilitones pro salute domus suæ supplices deprecantur, atq; interrim tanta cum deuotione pectus tundunt, vt cuius astanti faciliè cordolium excitent.

Iamq;

Iamq; penatibus placatis ad sacram ædem discedunt, cuius limina quamprimum tetigerunt, magna cum reuerentia caput telluri illidunt. Et sanè, si frons animi ianua rectè dicitur, non video quali sub fidere homines Dei numen religiosius adoraturi sint, quàm hi de quibus loquimur, si modò pro vanis fabulis verbi cælestis veritatem aliquando cognoscant. Dolendum autem magnopere est, lucem clarissimam Euangelij illis nondum pœnitus illuxisse.

Locum templi secretiorem Flamines bini occupant, hic ara sancto Nicolao dedicata videtur cum eiusdem imagine. Auditores & populus in ambitu templi sese continet. Fœmina verò quæ præterita nocte Veneri militarunt in penetralia sanctæ ædis non veniunt, ne locum profanent. Cateræ accedentes propius candelas cereas inflammant, & sacrificulo offerunt. Ille candida veste bombycina indutus est, caluitio & pallida facie deformis, crucem sanguinei coloris à tergo pensilem habens.

Tandem è sacrario egreditur, & thuribulum dextra tenens, tam forti odore Diabolo ex loco sancto abigit. Mox rituales libros promit, & aliquam fabellam de S. Nicolao recitat, quem illi tanquam Deum tutelarem semper colunt. Euangelij lectiōnem vnā nunquam hic audiui. Interea adytū clauditur. Sacerdos si inter legendum aut etret, aut lingua titubet, aut vocem aliquam depressus enūcier, grauissimè propterea ab auditoribus obiurgatur qui eum & sacro loco indignum, & libros alij tradendos vnanimi voce proclamant.

Lectiōne finita ad anticum sacrarii in quo ima-

Concionas.

go Nicolai asseruatur, sese conuertit, Deumque patrium multis suspirijs rogat, vt commoda Russorum & gentem sibi deditam contra hostes incolumē seruare dignetur. Orantem lamentabili vociferatione & quiritatu excipiunt non tantum scholastici, sed omnes quotquot isto videntur in fano: subinde iterantes hanc vocem, Hospody pomyloy, hoc est, propitiare nobis ô Domine. Dum hæc aguntur, anticum sacrarij non aperitur.

Cena Verba

Mystra autem per pseudothyrum in illud ingreditur daduchis tribus præcedētibz. Cum in aditum ventum est sacram Cœnam verbis ab ipso Christo expressis consecrat, sed lingua tantum patria. atque hæc fiunt in ara Nicolao sacrata.

Mox fores patent, populus verò quia certum numen in isto loco habitare existimat, egredienti sacrifico magno eiulatu occurrit, sexcenties hanc vocem decantans, Hospody pomyloy. Hunc clamorem & cymbalorum tinnitus mirum in modum auget.

Vt verò in toto iam facta silentia templo, sacerdos pedetentim procedens, arcana sacra toti populo commonstrat, calicemq; plumbeum, cum operculo serico in dextra, & scutellam ex eodem metallo in sinistra tenens, dum in genua procidunt auditores, ille lingua Ruthenica hæc verba proloquitur: Hoc est corpus, & hic est sanguis Domini Iesu Christi, quem Iudei innocentem morte mulctarunt. Tum denuo inter gemitus & suspiria muliebriter lamentantur, & tundunt pectora palmis.

Flamen illico in sacrarium regressus, in ara Nicolai sacramentum deponit, donec veniant qui eo vrantur, quod interdum fit sequenti die. Calicem, si
vinum

vinum non habent, ex calido Medone consecrant. Panem verò azymum domi suæ pinsunt ciues, & deinde quoties cæleste illud conuiuium accedere gaudent, sacerdoti offerunt vt consecret, & cum calice distribuatur.

Peractis sacris, libro ad manum resumpto Psalmum vnum vel plures demurmurat sacrificulus, crucemque ex argento puro factam omnibus exhibet osculandam, postea suam quisq; domum discedunt, & admodum rari ad vespertinas preces reuertuntur.

Polocia autem & Vilna, maiori pompa & splendore rebus diuinis vacat. Vbi supellectilem ex auro & argento copiosam habent in ecclesijs, Vilna triginta templa habent, omnia ferè opere lateritio structa.

Statuas nullas in templis venerantur, sed D. Nicolai & Mariæ virginis imaginibus scrupos quosdā argenteos, coralia & alias exuias dono dederunt. Has quoque picturas, tanquam numinis aliquid habentes religiosè colunt, & quotannis in Duna fluuio bis abluunt, atq; tādē magna cum pompa pristinum reducunt ad locum.

Præterea mysticæ ablutionis sacramentum in suo cœtu retinent, ita tamē vt in hoc negocio per omnia ferè quā proximè ad Romanenses accedant. Multum hic perditur olei, operæ & vnguenti. Post longastandem ceremonias Flamen toto congio perfundere solet infantem, ita inquit: Baptizo te per nomen Patris, & Filij, & sancti Spiritus. A patrinis deinde more patrio vrnis aliquot renellus pusio humectatur: & licet hic aspera hiems crudelissimè

Baptismus.

scuiat, tamen tanta gelidarum copia aquarum suam sobolem abluunt. Si quis causam querit, respondent illi, à teneris assuescere multum est. Postremò Flamen infantulum iterum comprehensum blandè exosculatur, illiusque caput ad crucem, quæ templi foribus incisa est, magno impetu ter vibrat, & nisi testes baptismi ictus audiant, indignatur propterea, neque puerum rectè sacris initiatum credunt. Sacro finito Flamine tres panes (quos à forma pyramidalis *Piracno* vocant) porriguntur cum numis aliquot argenteis, templumq; clauditur.

Sacerdotes.

Sacerdotes Ruthenici proprias uxores habent, & sunt coniuges. Si quis dicit à papa matrimonium clericorum improbari, excandescunt uti rapidis cum ferrea flammis lamina Cyclopum excoquitur flagrante camino. Reditus certos & certa stipendia non accipiunt, & tamen auditorum beneficentia liberaliter aluntur. Cucullos prorsus ignorant. Cærulei coloris tunicam plerumq; duplicem habent, capillis ad humeros & pectus dependentibus apprimere gaudet: & quo quisq; est nigrior, & ad spectum inamabilius, tanto maiori apud populum est indignatione. Raso præterea vertice & immixta barba grauitatem præ se ferunt singularem. Vire alioqui adeò impuræ & execrabilis, ut non delubris deorum, sed pistrinis molitorum dignos adfirmare possis. Si quoties enorme aliquod flagitium perpetrarunt, ad populum se satis arroganter excusant, seque deorum fratres & vicarios esse aiunt, ita quidem, ut quicquid egerint, id cæli Quiritibus gratum extitisse minimè dubitent. In tabernis publicis vinum adustum totos dies potant. Cumque iam nec mens nec pedes officium

cium faciunt, sæpe velut emortui in medijs plateis concidunt, & obdormiscunt. Germani certè milites non semel iacentes perminxerunt. Postero die cum ad peragenda sacra in templum redeunt, non aliter coluntur à populo & amantur, quàm si nuper ex concilio immortalium deorum missi venissent legati.

Scholas semper templis adiunctas habent, in illis triginta annorum iuuenis prima literarum rudimenta pueritiam docet. Litere ipsorum alphabeticæ veteribus Græcis quàm similimæ sunt. Catechesi nulla vtuntur: sed preculas ad beatam Virginem & D. Nicolaum in libris descriptas pueris proponunt. Symbolitamen apostolorum verbis quibusdā immutatis addiscunt. huic adduntur Hymni Davidis, quos illi nocturna versantq; manu, versantq; diurna. Pueri annorum trium & quatuor, si fortè in ualitudine aliqua corripuntur, statim Flamen aduolat, & sacramentum sub vtraque specie illis etiam distribuit. Tum verò iussu sacerdotis serio providendam est parētibus ne iste puer, sacra qui vltus est coena, toto biduo oris excrementa in terram exspuat.

Ferijs esurialibus plebs miserè obnoxia est. Cūq; totus iam præterijt annus vix paucis diebus illis carnes comedere licuit.

Matrimonij contrahendi ratio talis est. Iuuenis si cui fauet puellæ propinquos treis quatuorve ablegat, qui parētes de elocanda virgine interpellent. hi verò ut vehementius animū proci irriterent, nihil isto de negotio cōsieri posse adfirmant, & quandā apud internuncios simulant grauitatem. Sponsus tali spe frustratus, alia re via aggreditur, tempusq; & occa-

Matrimonium.

sionem venandæ virginis diligentissimè obseruat. Illavero si fortè domo paterna egreditur, ministri in insidijs collocati incautam, & nihil tale timètem in casses sponsi venatoris conijciunt: quæ simul atque deflorata fuerit, mittuntur alij ad parentes legati, qui partim culpam deprecantur; partim amoris vehementiam accusant. Tum demum parentum impetrato consensu, nuptijs dies dicitur: neque enim illis cohabitare licet nisi solennitate publica copulentur. Igitur circa horâ noctis vndecimam, sponsi cum fidibus, facibus & fistulis ad delubrum deducuntur. Ante illorum aduentum, aliquot vascula, sicera, melicrato & cereuisia plena huc aduecta sunt. Conuiue itaque vtriusque sexus saltando, ludendo, clamando & ridendo bonam noctis obscure partem consumunt. Interea mittuntur certi homines, qui Flaminem accersant, hi plerunque te infecta semel atque iterum discedunt, idque fit propter temulentiam deplorati sacrificuli, qui vino & somno sepultus iacet. Vulgus interim ducendis choreis occupatur. Postea moræ & absentia impatientes illi qui sponsum ad finitatem attingunt, Flaminis poti domum effringunt, & vi abreptum ad peragenda sacra eundem pertrahunt. Ille, dum solito vult fungi officio, nec tamen rectis pedibus consistere potest, saepe concidit in medio templo. Exoritur igitur damnavilis risus & barbaries, ut vix opiner, Ethnicos Veneris sacra scurrilius peregrisse. Accurrunt illico qui lurnem teneant, ne collabatur. Tum primò panes sibi debitos adferri iubet.

Deinde libro aperto stentorea voce aliquem Hyminum Dauidicum cantat. Postea intortam sponsi

cæsa-

cæsariem manu cõprehendens in hanc sententiam eundem affatur: Dic mihi, ô sponse, ô frater, ô amice, numquid tu huic teneræ vit esse potes? numquid eam fustibus aliquando mulcabis? numquid agrotam, scabiosam & decrepitam dereliques? Hic sanctè iurat sponsus, se facturum viri boni officium. Ad sponsam igitur sermonem conuertens, eam quoque interrogat, An viro ferendo sufficiat? (nam puellæ decem & vndecim annorum hic nubunt) an rei familiaris curâ agere? an cæco, curuo & decrepito marito fida velit esse comes? adfirmat illa. Mox Flamen sermo ligneo viridi vtriusque caput coronat. In circumferentia coronatum descripta sunt Ruthenicæ hæc verba: Crescite & multiplicamini. Ille dum hæc agit, inflammantur ab omnibus cereæ candelæ, & patera medone spumās sacrificulo traditur, eam novis sponis vno propinat haustu, illi simili alacritate euacuant, & viro religioso reddunt. Abiecto iam ligneo cassiculo & pedibus cõtrito, novas instituunt choreas, hic Flamen choragus est, ceteri longo ordine eundem insequuntur. Fœminæ etiam lupulum in templo spargunt, & linum, cum tali acclamatione: Dij nostri tutelares faciant, ne noui coniuges vllò vnquam destituantur bono. Sictandem tumultuum finis est. Sacrificulus domum reducit: conuiuæ sponfos comitantur, & in tali conuentione egregiè potant, & mœchantur. Viri autem qui ex coniuge fato functa masculam sobolem susceperunt, persæpe impuberi filio sponsam quærunt, cum quæ tamen illi dormiunt & liberos procreant. Nato deinde ex ephebis egresso, nouâ nuptam à se cõstupratam & sobolem vnâ adducit pater, ita inueniens: Vi-

Cc

*Mos copulan-
di neonymphos*

des filii tuam coniugem & tuos liberos? Patris scortum, si filio placet, accipit illud, sin secus, prædam aspernat, & de alia ducenda cogitat.

*Funerum
ritus.*

Iam de Sepultura mortuorum quædam annotabimus. Homines rebus humanis exemptos in mensam nudos deponunt, & calidis vndis per integram horam abluunt, idque tantum faciunt noctu. Sordibus ita absterfis, in sella mediæ domus constituunt eosdem, propterea nimirum, ut patrem familias etiam mortuum venerentur, & metuant quotquot ista degunt in habitatione. Vidi semel atque iterum, sed obstupui, steteruntque comæ, & vox faucibus hæsit. Funus tandem tertio die effertur, præcedunt in ordine scholastici, hilamentabile carmen ingeminant, cuius sensus est: *Aspicite o cives hoc cadaver, & vobis caute.* Nam nos omnes sic bibimus, ibitis, ibit. Sandapilarios tres insequuntur Flamines, medius thuribulo circum circa fumat. Existimant enim hunc odorem malis genijs ita contrarium esse ut perinde eum fugiant, ac sanctæ crucis signum. Cum iam ventum est ad sepulturæ locum, Orciniana ista sponda deponitur. Fœminæ verò, quæ ut flerent, oculos erudiere suos, magna cum lamentatione ad vnam feralem, quæ hic aperitur accurrunt, & cadaueri oscula figunt, ita interrogantes: Cur nostro abijisti è conspectu o carissime? numquid cibi & potus inopiate occidit? numquid infelicis coniugij capistro caput subtrahere voluisti? Fatere nobis, quæ te res mouere potuit, ut non tantum suauissimam thalami confortem, & liberos dulcissimos tuos defereres, sed etiam delitijs pulcherrimi huius mundi, tuis præterea fortunis & familiaribus omnibus abrenuntiares? Sed hic

hic verum est illud, Surdo narratur fabula. Accedens igitur sacrificus, plorantes fœminas arcet à feretro, Deoq; manium imperat, ut ne vlla re mortuum impediatur hominem, sed liberè eum abire permittat ad locum istum beatarum mentium, ad quem maiores ipsius iam olim præcesserint. utque expeditius, tam longum nec satistutum iter conficere possit, quidquid in omni vita præciosæ suppellectilis habuit, illud in vnam feralem inferunt, iamque antea domi suæ recentibus ocreis & veste noua abeuntem herum induerunt. Mortuo etiam cervical substernunt, sic cætera refertum. Cumque iam ferale murmur Flamines absoluerunt, defuncti coniunx iterum accurrens cum eiulatu & clamore maritum ad vitam reuocat. Huius gemitum ipsi sacrifici cum cantoribus excipiunt, & sesqui horam vociferando perdunt: adfertur deinde & argentea crux, eam capulo superimponunt, & de mortuum monent, ut ne suam patriam in consuetudine cælestium animorum obliuiscatur, sed pro ea apud calites assidue deprecetur. Rogant etiam ut ante omnes D. Nicolaum sibi conciliet, hunc namque Deum esse tutelarem omnium Russorum. Tandem cadauer in fossam demittitur, Flamen verò sicci pulveris tantum vnae superinijcit, quantum manutenerè potest. Cateri deinde mortuum sepeliunt. Atque ita piacularia sacra suum sortiuntur finem.

Eodem die cenam satis opiparè & apparatè instruunt, ad hanc Christiani (ita mendicos appellant) *Conuiuia funebria,* vocantur, ut nimirum tanquam ociosi pro mortuo Deos inclament. Flamines item & omnes consanguinitate propinquos inuitant. Cumque & mihi huc

haberent honorem lubenter ecastor eos adij, ea potissimum de causa, ut mores eorum rectius cōtemplari & obseruare possem.

Hospites osculo blandissimè excipiūt, & quemq; ut dignior est, ad mensam collocant. Sed hic tibi illud ad mentem reuoces velim, Russos omnes S. Nicolaum tanquam Deum adorare, eiusq; imaginem in domibus omnium videri. Accumbentibus cōiuiis ardentem statim adferunt candelam, eamq; Nicolao consecrant, deprecantes sedulò pro salute & beatitudine amici demortui. Postea in scutella argentea triticum cum superinfuso melicrato apponunt.

Singuli ligulam fumentes, manibus defuncti rerum abundantiam, & nepotibus supellectilem copiosam vno optant ore. Mox calix vino adusto plenus obambulat, & hunc liquorem nō aliter potant, quā vaccæ argentes vndas, ut in prouerbio dicitur. Neq; tamen hoc ipsorum factū certa ratione caret. Vix enim illos ob ciborum cruditatem viuere posse arbitror, si tam forti potu stomachi frigiditatē non propulsarēt. Ferculis demum apposis senior inter Flamines iterum pinguia thura adolet, & lemures eijcit foras, postea scripto crucis signo, cibo benedicit. Peregrinis hominibus elephantem honoris gratia præbunt, illosq; si alicius sunt dignationis & præminentia, muneribus adficiunt liberaliter. Dumque omnes pro salute sui regis, pro beatitudine amici mortui, pro felicitate adfinium & cognatorum, plenis cantharis bibunt: fit ferè, ut vix duo vel tres istis ab exequijs sobrij domum discedant. Eleemosynas illi qui lautioris fortunæ sunt, die Veneris

Vinum adustum

Profundum spiritum

ris distribuunt, sed exiguam tantum gregarij panis particulam.

Porro de vanis superstitionibus, quibus hæ gentes deditæ sunt, quid attinet dicere? Multi serpentes in domibus familiares habent & alunt.

Alia superstitiones.

Dæmonem quoque meridianum metuunt & colunt. Ille enim cum iam matura resecatur fruges, habitu viduæ lugentis ruri obambulat, operarijsq; vni vel pluribus, nisi protinus viso spectro in terram proni concidant, brachia frangit & crura. nequæ tamen contra hanc quoq; plagam remedio destituuntur. Habent enim in vicina sylua arbores religione patrum cultas, harum cortice vulnere superimposito, illud non tantum sanant facile, sed & dolorem loripedi eximunt. *De fraudibus.*

Funem castrensem, quam nostri milites huc aduexerant, tali modo eos propulsare vidi. Funem accipiunt, eumque per foramen scamni in domo ventustioris tantisper trahunt & retrahunt, donec ignis scintillam ex arido allere eliceant: flamma conspecta, cerum in delubro vndis lustralibus perfusum accendunt. Omnes deinde qui ex hac fauilla prunas vel torrem domi conseruant, tutos fore credunt à pestifera contagione, & fit nonnunquam, ut euentus fidei respondeat.

Doloribus dorsi talem adhibet medicinam. Pueros illegitimos, quorum hic ingens est numerus, certo are conducunt, illorumque tergum pedibus sexcenties premunt & conculcant. Hoc medicamentum anodynum maioribus profuisse asserunt.

Magistratum de voluntate regis accipiunt. *Op. Leges & in dicta.* Opipidis Starosta, hoc est, Capitanei imperat, hi pro suo

arbitrio leges figunt, & in plebeculam securi dominantur. Causæ criminales ad iudicia raro deferuntur. Qui se conuicia dixisse negat, absoluitur. Nam palinodiam pro pœna irrogata reputant. Iuris Romani scrupulosa volumina, Bartolos & Baldos frustra euoluisti, si hîc esse uoles. Statutis enim, id est, legibus scriptis vtuntur. In illis & hoc sancitum est: Homicidam, nisi in ipso facto deprehensus sit, quinque florenis vitam redimere posse. Homini autem qui alterius canem ceciderit, multam decem florenorum irrogandam esse. Fustuarij pœna ipsis inter præcipua tormenta est. Nobiles enim, suos agricolas, heri mancipia sua si quando peccarunt, horrendum in modum fustibus dolant. Qui verò grauius deliquerunt, virgis ferreis lacerantur.

Gens est natura ad arma propensior. Machariis, frameis, & falcatis ensibus pugnant: per sæpe etiam claua lignea, quam semper ad manum habent. Si rus abeunt, Costram in dextra tenent, arcum autem Tartaricum cum pharetra & arundinibus venenatis lateri alligant.

Ludi.

In commensationibus non tantum rubri chartaceæ symbola regis lubenter tractant, sed & ludo referario gaudent. Summa autem solertia prælia latronum ludunt. Vt gemini inter se reges albusque nigerq; pro laude oppositi certent bicoloribus armis. In hac profectò arte ita excellunt, vt haud sciam an vlla gens cum illis comparari debeat.

Merces.

Cum pax est, ferarum pelles ex Moschouia in Poloniam & Liunionem venales asportant. Mel, ceram, & corium magna copia peregrinis vendunt. Ceteri venando & latrocinia exercendo victum querunt. Vnd-

Vndique enim densissimis & inuijs nemoribus sepi sunt. Lupos, lince, & martes sæpe intra ipsa oppidum moenia venantur. Martes quidem in summitatibus arborum plerumque manent, & mel ab apibus congestum audivissimè lingunt. Rustici igitur canes alunt vestigatores, odoratu produnt animal inter arborum frondes absconditum. Tum venator magno ictu arborem percutiens, martem de summo vertice deiecit, quem illico *ixevrth* ille dentium morlu necat. *Kaswep* quoq; in locis paludosis habitantes simili ratione decipiunt. Hoc animal, quia in extremis annium oris commoratur, non capitur, nisi Nouēbri & Decembri mensibus, cum terra durissimo frigore rigit. Fluuio igitur glacie constricto aduolat rusticus cum cane odorisequo. *Kaswep* aduenientis animū minimè ignorans effossos, in ripa cuniculos deserit, & sub glacie in argentibus vndis natat. Canis autem naribus locum supra caput nantis exactè prodit. Sequitur igitur venator, qui iam antè à glacie perfossa ad fauces fluminis rete delino triplici factum disposuit. Ad hoc cum iam deuenit Castor, perrupiturum se sperans, occiditur fustibus, & extrahitur. Pellis eius apud hos populos summo est in pretio. Hanc quoq; venationē impune nunquam vidi: nam penè cali intemperies me occidit.

Moribus Rusi erga hospites sunt tolerabilibus: nisi fortè eorum trullas ames. Nam inter pocula homines esse desinunt.

Viri & feminae, si à fortunæ bonis firmiores sunt, eodem ferè habitu vestiuntur. Tunicam talarem Varij coloris ex panno Britannico habent: limbis vestium tæbias sericas, & globulos deauratos in-

tertextunt: vterque ocreis calceatus. Fœminæ vittis & mitra caput tegunt, viri cudone pileo ve coloris diuersissimi. Rusticorū filia ex capitibus serpentum torquem collo circumdant. Vulgus autem ex pellibus ferinis tunicas, ex cortice arborum calceos parat: Et tot hic sunt sutores quot rustici.

Forma corporum.

Natura profectò sub aspero calo homines etiam elegantes producit. Corpora plerunque solida habent & succi plena. Neque adeò informis est sexus muliebris, si quis formarum velit esse spectator. Omnem autem decorem suum vnico potandi vitio mulieres obfuscant. In hac enim re si maritos non vincunt, certè non sunt illis inferiores.

Musica.

Musica subtilioris signati sunt. Panduras nulla arte tractant & tantum tibus vtriculares in delicijs habent. In nuptijs & alijs solennitatibus persape ad manuum complosarum fragorem choreas ducunt.

Libri.

Libros Latinos & Græcos nunquam viderunt, & tamen de religione Græcorum multa gloriantur. Ego cum semel nouum Testamentum Tiguri Græcè impressum mecum haberem, rogaremque Flamines vt aliquam periodum legerent, illi hoc sese facturos pernegabant: sanctè adfirmantes, eiusmodi typos nunquam sibi antè visos esse.

Vitus.

Mensæ elegantiam non magnopere curant, sed crudos cibos Deos Egyptiorum, porrū & cœpe auidiuimè ingurgitant. Ditiores vinum & medonem, vulgus Quasum, hoc est, aquam bibit admixto sale vulgari, & pane mucido squarosoq; vescitur.

Edificia.

Domus Ruthenicæ lignæ sunt, & quidem malè materiata. Ita tamen desipiunt, vt existiment parietem

tem cratitium lateritio præferendum esse. Cementi apud eos nullus ferè vñs est. Polocix tantum tria templa sunt, opere lateritio exstructa. Ex his tertium more Italico pulcherrimè expolitum nunc ibidem conspicitur. Cætera Moschorum Dux Ioannes Basilides deuastauit, cum ante annos octodecim Polotiam deditione in suam accepit potestatem.

Vitis.

Pacis tempore opimos accipiunt ex agris prouentus: nec vllis ferè frugibus hominū vtilitati seruitibus catet. Aues omnis generis, perdices putà, phasianos, attagenes erythraones summa solertia per insidias capiunt, & leni are diuendunt. Piscium lautissimorum admirabilem copiam perennia illis suppeditant flumina, Borysthenes, Duna, Drisna, Drissa, Polotta, ex quibus innumeri lacus & ixdovs sese effundunt. Ex cocto sale Iberico cibos condiunt.

Moneta.

Metallum quidem patrio in solo non effodiunt, & tamen auri obryci signatiq; argenti maximo desiderio tenentur, atq; hoc vitium cum cæteris mortalibus commune habent. Nummos eorum argenteos ovali forma procusos ad tuam Excell. mitto: ij vno in latere Cataphracto signantur: in altero descripta sunt Ruthenicè hæc verba: κῆς βασιλῆς τῆς Πολωτίας hoc est, princeps magnus Ioannes.

Hæc ferè ea sunt, Dauid Chytræ, quæ in Orientaliori Russia obseruatione digna putauì, quæ quidem, vt tuæ cupiditati satisfacerem, libenter in has paginas conieci. Nec tamè omnia attigi, sed tantum summa sequutus sum fastigia rerum, Apes vt tenero studens liquori libat summa thymi, aut crocum rubentem.

Armenij.

De Armenijs quoque antea ad te perscripsi, neque dubito literas tibi redditas esse. Hos frequentes habitare Leopoli, atq; ibidem pulcherrima templa habere, Tidemannus Gisius 7. Iunij Cauna mihi dixit. Ego quidem, si aliquando officij ratione hoc ipsum licebit, Leopolum excurram, & vicinam Armeniam perlustrabo, fusiusque deinde omnia literis tractabo.

Tartari.

Restat nunc ut de Tartaris per pauca subiiciamus. Cum verò epistolam ad te scribere decreuerim, nō est quod historiam expectes. Nolim namq; γλαυκῆς ἐκ Ἀθήνας Tartarorum quidē copias minimē contemnendas regijs in castris persæpe vidi, atque hi ex Præcopiensium Horda aduenerunt, ex qua nunc quoq; militem conscripsit Stephanus Victor. Ceteri Polonis notiores sunt Tauricenses, Asturcenses, Naianenses, Rezihorenses, & Circassii. Principem Hordæ sua lingua *Czar*, hoc est, Imperatorem appellant. Nobiles autem, quibus res mediocriter sunt secundæ, *Cneſi*, id est, Principes vocantur. Tantus nimirum barbaræ gentis fastus est, ut etiam titulos & magna miseri aucupentur nomina. Religio eorum siue dubio diuersissima est.

*Religio
Tartarorum.*

Ego illorum ritus, qui regis nostri sceptrū agnoscunt, breuiter attingam. Bellici sanè tumultus eos à numinis cultu nō auocant. Nam Veneris die, cum vix sol ipse nitētes spargere iam cœpit radios, in medio camporum æquore frequentes conuolant. Hic Papa nudo vertice & pedibus complicatis humi sedens, schedulam sinistra in manu tenet, in hanc descripta ex Alcorano paradoxa aliquot congeſſit, quæ voce clara ad circumstantes recitat: illi si quando no-

do nomen Dei & Mahometis audiunt, gemitu & capitis inflexione reuerentiam suam declarant. Lectione finita, in stationem quisque suam reuertuntur. Ceteri tamen, qui pacem bello, æconomiam militia præferunt, alijs quoq; ceremonijs occupantur. Hi vno à Vilna militari, ad fluminis Velæ ripas, gurgustia aliquot & pagū amœnissimo loco situm habent. Huc ego XII. Kal. Iul. cum Ioanne Gamrato Stralsundino, mercatore & ciue Vilenſi exspaciatus, delubrum eorum intraui. In illo certè, nec alius Diui, nec atri Dæmonis simulacrum vllum videtur. Nudi vbiq; parietes. Area tamen pictis tapetis instrata est. Die Veneri dicata semper ad sacra conueniunt, ea, uti opinor, de causſa, ut significant neq; Iudæorum superstitiones, neq; Christianorum nomen & religionem sibi probari. Delubrum nulli nisi discalceato ingredi licet. Campanarum boatum minimè tolerant. Papa autem, exorto sole, in summitate templi exedræ insistens, stentorea voce populum ad conciones vocat. Cumq; iam frequentes adſunt, sumto ad manum Alcorano quem Arabicis literis scriptum mihi monstrarunt, numinis colendi rationē illis exponit. Postea de apotheosi Mahometis, deq; illius maiestate & præcellentia carmen agreste decantant, & tunc comitiorum finis est. Si Alcoranum, vel alium quemuis librum typis editum hîc videre licuisset, eum certè, magno vel pretio comparatum, ad te miſiſſem. In tanto autem librorum defectu nihil se vendere posse dicebant. De Deo Iesu Christo & Spiritu sancto frustra eos interrogabis. Veram enim pietatē ita curant, ut numerū lupus aut torrentia flumina ripas. Non semel igitur

In ſua pag: 437

admiratus sum cum inter Christianos habitent, cur adeo duri sint & Christianam religionem aspernentur, & video sane Iesuitarum nugas, qui de conuertendis ad Romanam ecclesiam gentibus multa & grandia fabulantur, cum nequaquam hos, qui vicinis in parietibus commorantur, à vana superstitione abducere possint. neq; tamen & hoc negare auisim esse in Scythia homines Iesu nomen adorantes, cum dictum sit per Dauidem de voce Euangelij per Apostolos in gentes spargenda, in omnem terram exiit amussis eorum, & in finem orbis oratio eorum. Porro non fugit excellentiam tuam dogma Mahometarum magna ex parte Iudaeorum superstitionibus & somnijs esse refertum. Tartari igitur Circumcisionem quoque retinent, sed diuersa ab Hebraeis ratione. Secundo enim & tertio annis à natiuitate, prout papæ visum est, circumciduntur.

Lingua eorum à Polono idiomate tam longè abest, ut in Scythiam, illi in Sarmatiam comigrantes, rariæ Seriphiae non iniuria dici queant. Qui tamen in Polonia, & Lituania, & vtraq; Russia longè lateq; dispersi sunt, plerumq; hominū, quibuscum degunt, linguam addiscunt & callent.

Præterea illorum papa hoc mihi in sermone dixit: In multis suæ gentis regionibus, solem, ignem, malos item genios, tanquam Deos coli. Moribus feris sunt, & duri laboris patientissimi: nec etiam vna vxore cõtenti. Nam plurimas ducunt, quarum penè miranda domi est concordia. Sed prior cate-ris gratior habetur & acceptabilior.

Mortuos hic non cremant, sed defodiunt. Spon-sos etiam fato functos addita dote & rebus oeco-nomiae

nomiae necessarijs, matrimonio iungunt, ridiculis mehercle ceremonijs, quos alio in orbe & reuicturos, & vnà semper futuros autumant. De animabus demortuorū ita sentiunt, eas videlicet ex vno corpore in aliud tantisper demigrare, donec praeclentem aliquam & diu quæ sitam inueniant habitationem, atq; hinc magna ista mundi lumina Casta-res & viros principes enatos esse.

Victus illorum miserimns & Cyclopicus. Nam prandentes aliquoties cum horrore aspexi. Carnes certè equinas ac semicoctas auidiſſimè deuorant. nullus illis mensarum & sediliorum est vsus. Cures equorum iam tum fumantes, & recens bestiae detractas pro scamnis confessuri consternunt. Lac equarum tanquam vinum Cretense admirantur & epotant. Hibelis, acynacibus, arcu & sagittis pugnant, bellatorum præstantia equorum omnibus facile anteponendi.

Præcopiensium legatus XIX. Iunij Vilnam adueniens regi euangelion adferebat, de re à suis contra Moschos animosè & fortiter gesta. Quod videlicet non tantum maximas hostis prouincias ferro flammaq; feliciter peruagati sint: sed & ad ipsa metropolis Moschouiae mœnia penetrarint. Horū studium voce sua rex collaudans, magnam se ipsis ali-quando gratiâ habiturum dicebat, si deinceps quoque magnanimo conatu in aduersam gentem arma & bellum inferant.

Iam de rebus Polonicis quales ex nunc sunt, scribendum aliquid erit. Quia nihil enim abste literarum tribus penè mensibus accepi, meas epistolas, quas Maio & Iulio exaravi, intercidisse video. Rex

Stephanus Victor, 29. Aprilis ex comitijs Warfaniensibus Vilnam reuersus est. VIII. autem Kal. Iun. Bogdanus Bielscius, Moschus nobilissimus, à suo principe profugus ad regem venit Vilnam, qui non tantum humanissimè nouum & insperatum hospitem excepit, sed & muneribus adfecit liberaliter. Sunt homines qui ominis loco illius aduētum excipiant, & fore confidant, vt ex solius consilio rex plurimis in rebus adiuuetur.

*Conditiones
pacis:*

Sequenti die, qui erat 26. Maij, legatos Moschicos aduentare vidimus, comitatum habentes satis splendidum. Cum illis aliquot diebus de pace tractatum est, effectum verò nihil. Conditiones à rege propositæ tales sunt: Moschus Liunioniam tradat. Impedimenta bellica & commeatum in arcibus deditis relinquat. Sumptus etiam duabus expeditionibus factos persoluat. Pacem perpetuam sanciat. Danorum & Suecorum reges hoc fœdere comprehendantur. Captiui *αῖμα* vel permutatione redimantur. Ipse princeps in finibus vtriusq; regni ad colloquiū se sistat. Internuncij cum dicerent nihil horum suis in mandatis annotatū esse, intercessione procerum, decem dierum spacium impetrarunt, vt interea per veredarium principis sui mentem explorarent. Ille, quia die dicto reuersus non est, rex quidem legatos dimisit.

Ipse verò 19. Iunij, equum in gyros tortū conscendens, Vilna egressus est circiter decimam diei horam, caelo ita sereno & tam faustis hominum acclamationibus, vt dubitare nemo possit, hunc principem diuinitus Polonorum genti datum, ex hydra ista Lernæa feliciter debellatā, famā reportaturum esse

esse immortalem. Equitabant in agmine variarum gentium proceres, inter quos non postremus erat legatus pontificius Ioannes Andreas Caligarius, episcopus Brittonoriensis, qui pro confirmatione regni pecuniam papæ debitam deposcens, indulgentias simul & peccatorum remissionē largissimam attulit. Proximum ab illo locum tenebat generosus vir, Leuinus Bulonius, ab illustrissimo Marchione Bradeburgensi & Borussorum duce in legatione huc missus, qui postea Caunam reuersus, cum ad prandium me inuissset, amāter hoc à me petijt, vt suo nomine salutē tibi plurimā adscriberem, addens & illud: In Borussiam quidem te hoc tempore non venturū, id quod ego summo cum dolore audiui: Statueram enim salutandi gratia Regiomontē ad te excurrere.

Tidemannus quoque Gisius, I. V. D. & regis intimus Secretarius, homo omnium hominum humanissimus, & optimis literis egregiè excultus. 21. Iunij, historiam Augustanæ Confessionis tuam, ab Ritiero Latina ciuitate donatam, Vilnæ mihi monstrauit. Cumque sumpto semel iterumque calamo scribere tibi vellet, neque tamen tanta & indicibili negotiorum mole oppressus, sibi ipsi satisfacere posset, inuitus quidem hoc tempore officium tuæ excellentiæ debitum intermisit, meque per Apollinem rogauit, vt hanc candidissimæ mentis suæ affectionem per epistolam tibi significarem, id quod me facturum, vti debui, ita lubenter promisi. De omnibus tamen rebus, quæ hæcenus gestæ sunt, & quæ deinceps numinis auspicio gerentur, faciet te paulò post certiore.

Regis nostri frater, Transyluanix princeps, nu-

per decessit, cuius obitum rex grauitertulit, vt patet. metuit fortassis aliquam in istis lotis mutationem, quanquam filius demortui, decem annorum puer, à subditis patris successor nominatus est. Eodem die quo Transylvanorum dominus extinctus est, generosissimus regis equus exanimis concidit & periit, qui non procul ab arce Vilnensi defossus est, & columnam habet ligneam.

Belli suscepti moles hac aestate Plescouiam tanget. Milites vndiq; huc confluunt, ille ex Germania, alter ex Calydonia, tertius ex Britannia, vt nimirum venales animas tantò citius Plutoni propinet. Nam vndiq; ad inferos tantundem via est.

Rex dum foris hostem quatit, nos domi proprietate bellum gerimus. Proceres quidem Polonici, qui purioris doctrinae professoribus fauent, & partim Zuinglianos defendunt, partim Augustanam Confessionem sequuntur: ante abitum suum de ineunda concordia suaserunt, certum esse adfirmantes, quod N. Romæ nuper creatus in perniciem Lutheranorum iuramentum præstiterit Pont. Max. Huius verò tyrannidem non adeò metuendam esse, si nos piè in religione consentiamus. Maio igitur mense conuenimus Vilnæ, effecimus nihil. Summam actionis adiunctæ continent paginae. Ipse Dei filius, vtinam gloriosissimo aduentu suo vulnera ecclesiae citò sanet, & beatitudinem nobis donet sempiternam. In hoc quidem seculo sinceram sperare pacem non licet. Anabaptistas vicinos per occasionem erroris admonui. Horum superintendentes Laurens Crisconius, hæresin se defensurum scribit. cum prodierint chartæ, habebimus sanè quod

quod aut contemnamus, aut etiam quod auctoritate sanctarum scripturarum refutemus. Literas ipsius Crisconij ad tuam Excellentiam transmittito. Iamq; Colophonis vice etiam atq; etiam vehementer te rogo, vt hæc paginas tuo iudicio emendes, ac vel legas, vel diuulges, vel abijcias, quidquid horum feceris, meo facies consensu. Summum Pontificem ecclesiae, Iesum Christum, Dei ac Virginis filium, qui solus est longitudo dierum nostrorum, toto pectore precor, vt tuam Excellentiam spiritu sanctissimo suo gubernet, & diutissimè incolumem conseruet, meque tuæ beneuolentiæ & amoris totum trado. VII. Kalend. August. anno. M. D. LXXXI.

EPISTOLA

DE RELIGIONE ET SACRIFICIIS VETERVM BORUSSORVM, IO. MELETII

Ad

GEORGIVM SABINVM.

CVm elegiam illam tuâ, quam ad Petrum Bembum Cardinalem scripsisti, mihi legendam exhibuisset Hieronymus filius meus, qui tuis scriptis plurimum delectari solet, in qua de sacrificio capri, & anguium cultu, quæ nonnullæ Sarmaticæ gentes faciunt, commemoras: continere me non potui, quin ea quæ de vano cultu earum gentium comperi, ad te scriberem, tibi vtique non ingratum fore sperans, si earum gentium, ad quas fato quodam vocatus es, & in quarum vicinia vitam agis, mores &

Dd

idololatriam plenius cognoscere. Multi enim superstitionis ritus, idololatriæque cultus passim in his regionibus adhuc occultè seruantur, qui tibi aduena nondum fortè cogniti sunt. Itaque visum est communicare tecum, quicquid de illis compertum habeo. Ac ne longiore utar proœmio, referam primò sacrificia, quibus olim Borussi, Samogitæ, Lituanij, Rutheni & Liouones, coluerūt demonia pro dijs, atque etiam nunc multis in locis colunt occultè: deinde superstitiones quosdam ritus, quibus nuptiæ, funera & parentalia apud easdem gentes celebrantur.

Pergrubrius

Die Georgij sacrificium facere solent Pergrubrio quiflorum, platarum, omniumq; germinum Deus creditur. Huic Pergrubrio sacrificant hoc modo. Sacrificulus, quem *Vurschayten* appellant, tenet dextra obbam cereuisiæ plenam, inuocatoque demonij nomine, decantat illius laudes: Tu (inquit) abigis hyemem, tu reducis amœnitatem veris: per te agri & horti virent, per te nemora & syluæ frondēt. Hac cantilena finita, dentibus apprehendens obbam, ebibit cereuisiam nulla adhibita manu: ipsamque obbam ita mordicus epotam retro supra caput iacit. Quæ cum è terra sublata, iterumq; impleta est, omnes quotquot adsunt ex ea bibunt ordine, atque in laudem Pergrubrij hymnum canunt. Postea epulantur tota die, & choreas ducunt.

Similiter quando iam segetes sunt maturæ, rustici in agris ad sacrificium congregantur, quod lingua Ruthenica *Zazinc* vocatur, id est, initium messis. Hoc sacro peraeto, vnus è multitudine electus, messiem auspicatur, manipulo demessò quem domum

adfert. Postridie omnes, primò illius domesticis, deinde ceteri quicunq; volunt, messiem faciunt.

Facta autem messe, solenne sacrificium pro gratiarum actione conficiunt, quod Ruthenica lingua *Ozinc*, id est, consummatio messis dicitur. in hoc sacrificio, *Sudini Borussiae* populi, apud quos succinum colligitur, capro litant, sicut in elegia tua ad Bembum scribis.

Litandi verò ritus est talis. Congregato populi cœtu in horreo, adducitur caper, quem *Vurschayten* illorum sacrificulus mactaturus, imponit victimæ utranq; manum, inuocatque ordine demones, quos ipsi Deos esse credunt: videlicet, *Occopirnum*, deum cæli & terræ, *Antrimpum*, deum maris: *Gardorten*, deum nautarum, qualis olim apud Romanos fuit Portunus. *Potrympum*, deum fluuiorum ac fontium. *Pilutum*, deum diuitiarum, quem Latini Plutum vocant. *Pergrubrium*, deum veris. *Parignum*, deum tonitruum ac tempestatum. *Pocclum*, deum inferni & tenebrarum. *Poccollum* Deum æriorum spirituum. *Puscetum*, deum qui sacros lucos tuetur. *Ausceutum*, deum incolumitatis & ægritudinis: *Marcoppolum*, deum magnatum & nobiliam: *Barstuccas* quos Germani *Erdmenlen*, hoc est, subterraneos vocant.

His demonibus inuocatis, quotquot adsunt in horreo, omnes simul extollunt caprum, sublimemque tenent, donec canatur hymnus, quo finito, rusticus demittunt ac sistunt caprum in terram. Tum sacrificulus admonet populum, ut solenne hoc sacrificium à maioribus pie institutum, summa cum veneratione faciant, eiusque memoriam religiosè ad

posteror conferuent. Hac conciuicula ad populum habita, ipse macerat victimam, sanguinemque patina exceptum dispergit. Carnem verò tradit mulieribus eodem in horreo coquendam. Hæ interea dum caro coquitur, parant è farina siliginea placentas, quas non imponunt in furnum, sed viri focum circumstantes, hinc illinc per ignem iaciunt absque cessatione, tādū quoad illæ indurescant, & coquantur. His peractis epulantur atq; helluantur tota die ac nocte vsque ad vomitum. Ebrii deinde summo mane extra villam progrediuntur, ubi reliquias epularum quæ remanserunt, certo in loco terra operiunt, ne vel à volatilibus vel à feris diripiantur. Postea dimisso cætu, suam quisque domum repetit.

Cæterum, ex omnibus Sarmatiæ gentibus suprā nominatis, multi adhuc singulari veneratione colunt Putscatum, qui sacris arboribus & lucis præest. Is sub arbore Sambuco domicilium habere creditur. Huic passim homines superstitiosi licant panes, cereuisia, alijsque cibis sub arbore sambuco positis, precantes à Putscato vt placatum efficiat Marcopolum, deum magnatum & nobilium, ne grauiore seruitute à dominis ipsi premantur: vtque sibi mittantur Barstuccæ, qui (vt suprā dictum est) subterranei vocantur. His enim dæmonibus in domo versantibus se fieri credunt fortunatiores: eisque collocant vesperi in horreo super mensam mappa strattam panes, caseos, butyrum, & cereuisiam: nec dubitant de fortunarum accessione, si manè reperiunt cibos illic assumptos. Et si quando intactus cibus in mensa remanet, tunc magna anguntur cura nihil non aduersi metuentes.

Eadem

Eadem gentes colunt spiritus quosdam visibiles, qui lingua Ruthenica *Colky*, Græca Coboli, Germanica *Coboldi*, vocantur. Hos spiritus credunt habitare in occultis ædium locis, vel in congerie lignorum: nutriuntque eos lautè omni ciborum genere, eò quòd afferre soleant nutritoribus suis frumentum ex alienis horreis furto ablatum.

Cum verò hi spiritus alicubi habitare ac nutrirī cupiunt, hoc modo suam erga patrem familias voluntatem declarant. In domo congerunt noctu segmenta lignorum, & mulctris lacte plenis imponunt varia animalium stercorea. Quod ubi paterfamilias animaduenerit, nec dissipauerit segmenta, nec stercorea è mulctris eiecerit sed de inquinato lacte cum omni familia sua comederit, tunc illi apparere & permanere dicuntur.

Præterea Litvani & Samogitæ in domibus sub fornace, vel in angulo vaporarij ubi mensa stat, serpentes fouent, quos numinis instar colentes, certo anni tempore precibus sacrificuli euocant ad mensam. Hi verò exeuntes, per mundū linteolum descendunt, & super mensam assident. Vbi postquam singula fercula delibauerunt, rursus descendunt, seque abduunt in cauernis. Serpentibus digressis, homines lati fercula illa prægustata comedunt, ac sperant illo anno omnia prosperè sibi euentura. Quod si ad preces sacrificuli non exierint serpentes aut fercula super mensam posita non delibauerint, tum cedunt se anno illo subituros magnam calamitatem.

Ad hæc eadem gentes habent inter se sortilegos, qui lingua Ruthenica *Burty* vocantur, qui Potrimpum inuocantes, ceram in aquam fundunt, atque

Dd iij

*Cobboldi**Serpentes domus.**Burty.*

ex signis siue imaginibus inter fundendum figuratis, pronunciant ac vaticinantur de quibuscunque rebus interrogati fuerint. Noui ipse mulierculam, quæ cum diu reditum absentis filij frustra expectasset: erat enim filius ex Borussia in Daniâ profectus: consulit sortilegum, à quo edocta est, illum naufragio perijsse. Cera enim in aquam fusa, expressit formam fractæ nauis, & effigiem resupini hominis, iuxta nauim fluitantis.

Apud Samogitas est mons ad fluuium Nauualsam situs, in cuius vertice olim perpetuus ignis à sacerdote conseruabatur, in honorem ipsius Pargni, qui tonitruum & tempestatum potens à supersticiosa gente adhuc creditur. Hactenus de sacrificijs.

NUPTIA.

Nunc de ritibus Nuptiarum, funerum, & parentum, narrabo non minus ridicula quàm supersticiosa. Apud Sudinos, Curonenses, Samogitas, & Lituanos, nobiles puellæ multis in locis gestant tintinnabulum, quod funiculo alligatum è cingulo dependet vsque ad genua, nec ducuntur, sed rapiuntur in matrimonium, veteri Lacedæmoniorum more à Lycurgo instituto. Rapiuntur autem non ab ipso sponso, sed à duobus sponsi cognatis. Ac postquam raptæ sunt, tunc primum requisito parentum consensu matrimonium contrahitur.

Cum nuptiæ iam celebrantur, sponsa ducitur ter circa focum. Deinde in sellam ibi collocatur. Sediti super sellâ, pedes lauantur. Ea verò aqua, qua sponsæ lauantur pedes, conspergitur lectus nuptialis ac tota supellex domestica: Consperguntur item hospites, qui ad nuptias inuitati sunt. Postea sponsæ os oblinitur melle, & oculi teguntur velamine, velatis oculis

oculis ipsa ducitur ad omnes adium fores, quas iubetur contingere ac pulsare dextro pede. Ad singulas fores circumspergitur tritico, siligine, auena, hordeo, pis, fabis & papauere. Qui enim lequitur sponsam, gestat saccum plenum omni genere frugum: cumque illam circumspergit, ait, nihil horum defuturum sponsæ, si religionem pie coluerit, remque domesticam curauerit ea diligentia, qua debet. His actis, aufertur sponsæ velamen ab oculis, & conuiuium celebratur.

Vespere cum sponsa ad lectum deducenda est, inter saltandum ei abscinduntur crines, quibus abscissis, mulieres imponunt ei sertum, niueo linteolo adornatum, quod vxoribus gestare licet, donec filij pepererint. Tadiu enim vxores pro virginibus se gerunt. Ad extremum introducit in cubiculum, vbi pulsata & verberata, coijcitur in lectum, sponsoque traditur. Tum pro bellarijs afferuntur testiculi caprini, vel vrsini, quibus ipso nuptiarum die commanducatis, coniuges creduntur fieri fecundi. Hac de causa nullum quoque animal castratum illic ad nuptias mactatur.

In Funeribus hic seruatur ritus à rusticis, defunctorum cadauera vestibus & calceis induuntur, & erecta locantur super sellam, cui assidentes illorum propinqui, perpotant ac helluantur, epotata cereuisia, sic lamentatio funebris, quæ in lingua Ruthenica sic sonat *Hale le, le le, y procz ty mene vmarl? ij za tij nie miel sto yesty albopity? y procz tij vmarl? Hale le, le le ij za tij nie miel kras ye mlodzi-ce? ij procz tij vmarl?* Id est, Hei, hei mihi. Quare mortuus es? Num tibi deerat esca aut potus? Quare ergo mortuus es? Hei hei mihi: An non habuisti

Dd iij

Bellaria.

"

"

FUNERA.

formosam coniugem? Quare ergo mortuus es? &c. Hoc modo lamentantes enumerant ordine omnia externa illius bona, cuius mortem deplorant: nempe, liberos, oues, boues, equos, anseres, gallinas, &c. Ad quæ singula respondentes, occinunt hanc Nænam, Cur ergo mortuus es, qui hæc habebas?

Post lamentationem dantur cadaueri munuscula, nempe, mulieri fila cum acu: viro linteolum, idq; eius collo implicatur. Cum ad sepulturam effertur cadauer, pleriq; in equis funus prosequitur, & currum obequitant quo cadauer vehitur: educitque gladijs, verberant auras, vociferantes, Geygeythe beythe peckelle, id est, aufugite vos demones in infernum. Qui funus mortuo faciunt, nummos proijciunt in sepulcrum, tanquam viatico mortuū prosequentes. Collocant quoque panem, & lagenam cercuisiæ plenam ad caput cadaueris in sepulcrum illati, ne anima vel sitiat vel esuriat. Vxor mane & vesperti, oriente & occidente sole, super extincti coniugis sepulcrum sedens vel iacens, lamentatur diebus triginta. Cognati verò incunt conuiuia die tertio, sexto, nono, & quadragesimo à funere. Ad quæ conuiuia animam defuncti inuitant, precantes ante ianuam. In his conuiujs, quibus mortuo parentant, tacitè assident mensa tanquam muti, nec vtuntur cultris. Ad mensam verò ministrant duæ mulieres, quæ hospitibus cibum apponunt, nullo etiam cultello vtentes. Singuli de vnoquoque ferculo aliquid sub mensam iaciunt, quo animam pasci credunt, eisque potum effundunt. Si quid fortè deciderit de mensa in terram, id non tollunt, sed desertis (vt ipsi loquuntur) animabus relinquūt manducan-

ducandum, quæ nullos habent vel cognatos vel amicos viuentes, à quibus excipiantur conuiuio. Peraçto prandio, sacrificulus surgit de mensa, ac scopis domum purgat, animasque mortuorum cum puluere eijcit, tanquam pulices, atque his precatur verbis, vt è domo recedant. Iely, Pily ducisse: nu Wen, nu Wen: hoc est, edistis ac bibistis animæ dilectæ, ite foras, ite foras. Post hæc incipiunt conuiuæ inter se colloqui & certare poculis. Mulieres viris præbunt & viri vicissim mulieribus, seque mutuo osculantur.

De hac oblatione ciborum super tumulos defunctorum meminit etiam Augustinus sermone 15. de Sanctis, cuius verba hæc sunt: Miror cur apud quosdam infideles hodie tam perniciosus error increuerit, vt super tumulos defunctorum cibos & vina conferant, quasi egressæ de corporibus animæ, carnales cibos requirant. Epulas enim & refectioes caro tantum requirit: Spiritus autem & animæ ijs nõ indigent. Parare aliquis suis caris dicit quod ipse deuorat. Quod præstat ventri, imputat pietati, &c. Hæcenus Augustinus.

Hæc, quæ de superstitionis ritibus, & ceremonijs illarum gentium narraui, partim ipse vidi, partim ab hominibus fide dignis audiui. Tu verò, præstantissime vir, qui variarum rerum cognitione delectari solitus es, pro ea quæ excellis humanitate, meum hoc qualecunque scriptum ab homine tui amantissimo profectum, boni consulas, oro.

FINIS II. TOMI
Rerum Polonicarum.



TOMVS III.

RERVM POLO- NICARVM, IN QVO RES PARTICVLARITER gesta à Polonis comprehenduntur.

ILLVSTRIBVS ET MAGNIFI-
CIS VIRIS, DN. NICOLAO MIE-
leccki, Voiuodę Podolię, Grodensi, & Nico-
Sieniauuski, Striensi præfecto, atque
copiarum regni in Russia pri-
mario ductori,

IOANNES LASICIVS S.



IS Inos certa merces laborum, Chri-
stianorum causa susceptorum, in ce-
lis maneret: nihil vobis, illustres viri,
ceterisq; istic pacis publica conser-
uatoribus foret infelicius. Tanta sunt
vestra in Rempub. Christianam me-
rita, me latet aniam remunerata. Hac verò est illa
maxima caritas, de qua sic inquit noster Seruator:
Maiorem hac caritatem nemo habet, quam si animã
suam ponat pro amicis suis: hoc illud quod Sirachus
faciendum suadet, ne fratris & amici causa pecunia
parca-


parcamus, hoc quod Paulus scribit: Caritas non qua-
rit quæ sua sunt: & omnia sustinet. Quæ, quanta sint,
quis nō videt? Testis rei huius est, inter alia, hæc quam
ad vos mitto, *VALACHICA HISTORIA*:
nam quid vos aliud in Valachia, tanto cum discrimi-
ne vita, nec absque impensis, & domesticis rebus post-
positis, anno 1572. egistis, quam ut Bogdano, gentis no-
stra amantissimo, in illam reducto, tutum ab illa parte
à Turcis regnum Polonicum, firmissimum Germa-
nie murum, redderetis? quo beneficio quod aliud ma-
ius a vobis in Rempub. proficisci potuit? Itaq; ne dubi-
tate, veniet aliquando illud tempus, cum, ut omnium
Christo fidentium virtutes, ita vestra quoq; hæc de po-
pulo Dei merita, magnis premijs afficientur. Nec ego
valde miror, optatis, conatibusq; vestris fortunã non
respondisse: cum nemo sit hominum, cui semper secun-
da sint omnia. In magnis (ait Poeta) & voluisse fac est.
Satis vos patriæ, satis amico dedistis afflictio. Si Deo,
mundi, quem creauit, admirando rectori, secus visum:
quid dolemus? voluntati illius quis resistet? is vi dat,
ita aufert, reges, regna mutat, excitat & immittit ho-
stes, non tamen absq; causa: sed propter impunita sce-
lera, idololatriam, superstitionem, pauperum oppres-
sionem, iniurias fraudes, furta, cedes, luxus, libidines,
ebrietates. Ductus est in captiuitatem populus meus,
ait vates Esaias, propterea quod non fuerit prædixit
scientia: tympanum, tibia & vinum in conuiuijs illo-
rum: opus autem Dei non respiciunt. Neg, verò vos
tunc solum præclaram patriæ operam nauastis: magna
semper ab illo tempore, ex quo vos in Russia diuina cō-
stituit providentia viriusq; vestrum, maiorumq; ve-
strorum, in repellenda vi Barbarorum, vigilantia, in-

duſtria, fortitudo enituit: ſi modo alij conatus adiu-
niſſent veſtros, vel ſi plura perficere per iram diuinam
licuiſſet. Vinam autem noſtri, tam crebris Scytharū
incurſionibus excitī, qui mihi nihil niſi prodromi Tur-
carum eſſe videntur, de locis, quā illis acceſſus ad nos
patet, muniendis tandem aliquando cogitarent. Vidi-
ſti tu, ſapientiſſime Mieleci, in tua illa cum Comite
Tarnouio & Stanislao Lataſcio peregrinatione, vi-
diſti inquam iuuenis, vt Itali Turcis, Hiſpani Mau-
ris, Galli Anglis, Dani Suecis, Zelandi & Hollandi
quibus ſuis, cum bellum eſt, nauibus ad ſe aditum pro-
hibeant: vt ijs in locis, quibus commodus eſt ad eos ac-
ceſſus, arces, praſidiaq; habeant: collapsa inſtaurent,
dies & noctes excubent. Cuius rei documenta ſi nunc
hac tua & atate, & authoritate ad tuum Noſtrum
atq; Neprum quā ſerius Scythā incurrit, ederes: certē
hoc inter tot tuos, quos in arcendis hoſtibus ſuſcipis la-
bores, praecipuum, idemq; immortale opus eſſet futu-
rum. Ni verò id, hoſte iam nobis propinquo, & incu-
ria noſtra nimium audaci factō, mature feceritis, quis
mirabitur ſequenti poſſeſſionis direptionē: quā, prob
dolor, iam magna eſt, ubi nulla ſepes fuit? Cui ducen-
da non dubito quin poſt tot calamitates, & Turcarum
in Valachiam ingreſſum, manus ſitis celeriter admo-
turi. Opto vobis Gedeonis fortitudinem, Sam-
ſonis vires, Dauidis felicitatem. Bar-
cini, Kal. Octobr. 1577.

IOANNIS



IOANNIS LASICII
HISTORIA DE INGRESSV
POLONORVM IN VALACHIAM,
cum Bogdano Voivoda, (cui ſucceſſit Iuonia) &
cade Turcarum: ducibus Mielez kio & Sie-
nia Wskio: an. M. D. LXXII.



ARIA eſſe gentis cuius ſuis, vt virtu-
tes, ita vitia, nemo eſt qui ignoret.
Valachorum fanē ea eſt leuitas a-
nimi, & perfidia, vt maior eſſe ne-
queat. li paucis antē annis, ne ſu-
periora commemorem, Alexan-
dro principe ſuo eiecto, quendam Iacobum Deſpo-
tem, qui Roſtochij Mathemata docebat, noſtris
quibuſdam ſuo cum diſpendio eum adiuuantibus,
receperunt: quo occiſo, rursus Alexandrum, poſtea
Bogdanum admiferunt. Hoc ſatidito, Iuonia ſe
ſubiecerunt, iſto Turcis prodito, ad Petrum defece-
runt, quem quis diutius his regnaturum credat? Ita
illudā Salomone verē dictum, vt omnia, propter
improbritatem terrā, multos principes eius eſſe.
Quamobrem haud mirū eſt, propoſuiſſe id in con-
cilio Lucenſi, anno Chriſti 1429. Sigismundum
Hungarorum, Romanorumq; regem, (vt teſtis eſt
lib. 4. Chronicorum Polonicorum noſter Miecho-

Valachorum
perfidia.

11

uiensis) vt gens Valachica, vnà cum suis Voiuodis exterminaretur: quod nemini fida foret, furto ac præda viueret, sed Wladislaum regem Polonia, Vitou-
do duce Lituania, fratre suo, præfente, respondisse: non esse æquum vt Valachi, regni Polonia subiecti, exterminarentur: quorum si aliqui furto viuerent, id tamen nō posse de omnibus dici. Licet autem hoc tum discordia regum non fuerit factum: at nostra ætate, magnis eos cladibus affligi: tandē etiam diuino permisso, Turcarū iugo subijci vidimus. Sic enim propheta Amosus, Dei nomine: Ecce, inquit, oculi Domini Iehoua in regnum quod peccauit: disperdamq, illud è terra. Sic & apud Ieremiam Deus ait: Ego feci terram, & dedi eā illi cui mihi visum est: dedi omnes has terras Nebuchadnefaro Babylonio seruo meo. Quis igitur mireretur tot gentes, quarū fides lubrica, iam in prouerbiū abierat, in Turcicam deuenisse potestatem? nam quid Deo magis exosum, bilingui, perfido, fraudulento? Sed nos iam historia aggrediamur, Paprocium sequenti.

Valachi, qui olim Getæ & Daci, post ab colonia Italorum, quos Wlochos vocamus, Valachi cognominati, gens misti seminis, ideoq, ingenij varij & in-
quirit: cōcepto odio contra Bogdanum, suū Voiuodam, (vox ea lingua nostra exercitus ducē significat) quod Polonorum magna consuetudine sua in aula vteretur, his plurimum fidei haberet, horum beneuolentiam liberalitate demereretur, vni illorū sororē suam nuprū dedisset, ipse quoq, vxorē genere Polonā ducturus esset: clam ineunt consiliū de alio in locum illius sublegendo. Erat tum apud Imperatorem Turcarum Iuonia, (sic illi Ioānem appellant) filius

filius Stephanij, Voiuoda illorū, è cōcubina prognatus: qui anno salutiferi partus 1561, rege Sigismundo Augusto comitia Lublini agente, Ioannis Fierlei, Voiuodæ Lublinēsis, Marschalciq, regni Polonia, (senatoris grauissimi, minister fuit. Is Valachis visus est ad suscipiendum imperium satis idoneus. Ad hunc ergo de nouo principatu scribunt: quæ & quanta à Bogdano & Polonis perferat mala, significat: si citò cum aliqua Turcarū manu veniret, proditores se ei obuiam pollicentur: Polonosq, vnà cum Bogdano, & Petro fratre ipsius, vinctos viuos in potestatem eius tradituros. Iuonia iam dudum cupidine dominandi flagrans, accepto tali nūtio, protinus colligit Caesaris sui permisso, circiter viginti millia Turcarū, Græcorum & Serborū. Porro Bogdanus, factus de his consilijs à quodam Valacho certior, simulq, monitus vt profectus in Poloniam ad amicos, maturè pararet auxilia, quibus se ab iniuria tueretur, vitaret insidias: illo ipso quo hæc accepit die, (qui fuit Dominicus præcedēs Bacchanalia anni 1572.) Valachia excedit: vbi primū Polonis, suis familiaribus, perfidiam, insidiasq, subiectorum suorū aperit. Egresso è Valachia Bogdano, ingressus in eā est Ioannes, ipsius æmulus, magnis Turcarum copijs stipatus: cui obuiā primates profecti, Gabriel Logofet, Dinga dux exercitus, Craczonus eremita, Visternicus latus, Lupulus Stroiz, cateriq, proditores: salutarūq, reuerenter, Iasum, vbi sedes Voiuodarū est, deducunt. Tum verò cognouere periuri Valachi, quā leuia fuerint priora incommoda illis, quæ à Turcis patiebantur: nam nostri milites nihil aliud quā pabulum in vsum equorum, ex agris, horreisque incola-

tit. Is sibi laboris socium & adiutorem adiungit Nicolaum Sienia Wskium, Palatini Russiæ filium, Striensem præfectum, non minus quam ipse, rei militaris scientia clarum: cui breui post, omnis oræ illius militiæ cura à rege commissa est. Horum ductu ingressi in Valachiam, rei frumentariæ paulò licentius studere cœperunt: quare cognita, Mielecius furcam medijs in castris erigit, pœna capitis raptoribus statuta: quod non ad hostes, sed ad suos venissent, quibus dominum restituere conarētur expulsum. Habitus est ibidē delectus militū, septingenti, bello gerēdo parū idonei, domū reuerti iussi, mille trecēti relictī: pauci numero, sed animi, corporisq; virib. præstātes. Postero die iter ingressi per syluā faginā (quæ quondā ab incolis callidē succisa, nostris perniciofa fuit) ad Prutū amnē peruenēre: vnde misso Pila Wskio centurione cū Bogdani famulis, vt Chocimo tormenta bellica adueherēt: ad Stepano Wczum (qui locus ad eundē flumiū est) pcesēre: vbi facti de vicinis hostib. certiores: visum imperatorib. est, quod ad illos suis cū cēturijs pficiscerētur insignis fortitudinis audacięq; viri, Stanislaus Lanczcoronskius Scalensis, Michael Iaslouiecius Chmielnicēsis præfecti: Nicolaus Herburtus, Stanislaus Volskius, Crussielniczkius, Temrucus Pietichorensis cū suis, & triginta Croatis. Hos Valachi cōspicati, quorū ductor Dābroua, Pruto celeriter traiecto, terga dedēre: ibāt ergo nostri secundum vnā ripam, hostes ex aduerso secundū alteram: cuius animi, vt sex millia virorū quadringentos Polonos nō fuerint adoriri ausi. Nostrī, nulla re memorabili patrata, in castra reuersi, ire rursus ad excubias agendas iussi sunt: profecti, incidunt in Turcicos & Vala-

Valachicos excubitores: q̄ multis in locis ignes excitant, vt hac ratione, quāuis mille capita nō superarent, plures esse viderētur. His nostri celo iam albēte visis, et si impares, tamē se tenere nō potuerunt. quin sublato clamore in illos irruerēt: ac Turcæ, armis protinus correptis, cōclamant & ipsi: Volsianosq; atq; Croatas, qui eos inuaserāt priores, abs se propellunt. sed posteaquā Herburtus, Lanczcorōskius, Iaslouiecius, Crussielniczkius cū tympanis excelsēre, illico pedibus salutē quaerūt: nostris fugiētes, veluti pecora cedētib. viginti quatuor viui capti: nostri omnes salui. Croate solū vnus, cui effrenatus equus erat, Turca fugiens, caput acynace abstulit. Hic cū quidā Temrukianus Scythæ, Volskij cohortē repulsam esse ab hoste vidisset, inscijs omnibus, ad imperatorē cū nuncio caesorū Polonorū aduolat: cui præmij loco, catenæ iniectæ, quod vano rumore animos militū frāgeret. Subiecti quæstionib. captiui, in proximo esse magnas suorū copias cōfessi sunt. Quapropter centuriones, suos quisq; protinus instruunt ac ordināt: imperatorē de victoria, & hoste ultra montē abdito, edocēt, maioraq; auxilia rogāt Voiuoda, interrogato iuvene an nobili genere ortus esset: eoq; id aiete, Lesciniūq; dici, & Herburti famulū esse, respōdet: Ergo (inqt) ea quę refers, vera sunt: nā nihil magis nobili, quam vt semper vera & cōperta dicat, cure est: accipe, ingenue adolescēs, hoc læti nūtij præmiū, quo seruus Scythæ minimē dignus fuit. Lescinio munerib. affecto, & suorū animis recreatis, præmissisq; ad illos q̄ opē implorabāt, Ioāne Iordano & Cosielskio: ipse itē eos Voiuoda cū reliqua manu sequitur: vbi cōuenerūt, primū Deo, auctori salutis omnium,

cædis verò hostiū: pōst ipsis etiā, pro opera primo ag-
gressu bene nauata, gratias egit. Interim Pila Wskius
cum tormētis venit: quæ Iacobi Iordani fidei tradita
sunt. Progressi omnes ad lasum, animaduertūt, ma-
gna Turcarū, Valachorūq; agmina tumulos Stepa-
no Wcios infedisse: adhuc, Valachos cōspectis nostris,
acies suas ostētare. Hic Mielecius, quid hostes aude-
rent, periclitaturus: Herburtū, laslouiezkium, Tem-
rucum, eos ad præludiū pugnae licere iubet. Verūm
ij, animaduertis insidijs, (posuerat enim dux in occul-
to Czeremissios præstātes iaculatores) prodire in a-
ciem noluere. Mielecius quoq; cōsideratis hostium
viribus, nec ignarus aliud resistēdi, aliud cedēdi tem-
pus esse: regredi potius quā temere cum paucis in
Valachiam progredi, cōsiliū capit: quare iubet per
speciem quæri vada Pruthi, quasi lasum iter flexurus,
cū (opinor) reditus Chocimum versus esset in ani-
mo: cur enim infinitis hostibus exiguum suorū nu-
merum, nulla habens certa auxilia, opponeret? Dies
Iouis prima à Paschate fuit, cū conuersi Chocimū,
sequētes se propè magnis agminibus habuerunt ho-
stes. Quorū audaciam minimè ferendā esse Voiuo-
da existimans, monet Herburtū, Lanczcorōskium,
& aliquot alios, vt illos suis à ceruicibus reijcerent:
quod hi propter loci iniquitatē, & quia sol ad occa-
sum vergebat, facere tū detrectarūt, operā suā loco
æquiore, temporeq; magis opportuno ipsi polliciti.
Proin nostri procedebāt vlterius, hoste in cassum è
decliui loco tela tormētis in eos iaciente, donec in-
ter Pruth & alium fluuiolū peruenerunt. Nocte sub
armis vigilāter trāsacta, cernūt prima luce hostes id
vnū conari, quò ipsos circūuenirent, & in angustias
redige-

redigerent. Sed Herburtus sua cū centuria, quæ sem-
per extremum agmen claudebat, multitudinē ho-
stium falcata aggressus, in aquas compellit. Quibus
actis effudit se quidam è suorū grege Turca hastatus.
more militari aliquē è nostris ad monomachia pro-
uocās. Vix hæc effatus, aduolat à latere cū venabulo
Stanislaus Vistēpus, exigui quidē corporis, sed (vt ta-
les sunt) pectoris impauidi: quo venabulo Turcā vno
ictu trāsuerberat. Accurrūt Turcæ subsidio prouoca-
tori animam agēt: nostri itē Vistēpo triumphanti.
Fit mediocre certamē: in quo Zebro, Polonus cen-
turiae Lanczcoronskianæ, occubuit. Turcæ tali viro
amisso, ibāt quieti die illo, qui Veneris fuit: illis ideo
facere, vel quòd Mahometes creatus ab illis hoc ipso
die rex foret: vel quia, vt à Christianis superstitione
diuersi sunt, ita etiam aliud colendi Dei tempus, ali-
umq; modum habēt. Nos enim ad orientem solem,
patriæ orientalis, è qua Adam eiectus est, memores:
illi, ad meridiē cōuersi, Deum hac die adorāt. Poste-
ra luce, nostros Chocimū tendētes magna phalanx
Turcarū insequuta est: vbi rursū alius Stanislaum
Ciolcum, armis habituq; , qui luteus erat, inter cæ-
teros fulgētem, ad singularem pugnam euocat. His
auditis, currit ad Voiuodā Ciolcus, ac vt ipsum in sui
honorem, tātō cum viro hasta certare permittat, et-
iam atq; etiā orat, obsecrat. Cui is: Ego verò (inquit)
nō sinam vt quisquam vestrum, qui diuitiores habe-
mini, tali barbarico certamine, periculo se exponat.
Ere magis vestra futurū, si iunctis animis, dextrisq;
hostē, vbi necesse erit, aggrediamini. Dolenter hæc
Ciolcus tulit: Hoste in prouocatione perstāte, & lin-
gua Sclauonica, veste, pennisq; nitentē prouocante,

Ee ij

*Monoma-
chia prima*

*" XB Cur sa
" cor sit turcis
" Dies Veneris
supra pag: 411.*

*Monomachia
2da*

obsecrat prouocatus, vt, si hoc sibi nō liceret, saltem quispiam suorum famulorum cum barbaro in arenam descenderet: ne impune Christianis insultare videretur. Data facultate, statim contra illum cum hasta proruit Paulus Chauzo Wkuis: nec id segnus Turca fecit: sed vterq; cursu irrito. Tum Paulus, manu promptus inuenis, districtum subito ensē fronti hostis infigit: adhuc vulneratum, ferrum harenē extrahentem, brachijs corripit. Visā longiuscula luctatione, decurrunt ad commilitonem Stanislaus Visga, & Stanislaus Niegoczkius: hic, Ba Woro Wskij, ille Herburti minister. Turca manib. Pauli elapsus, recipit se ad luos: qui subito, lethali cognito vulnere, cōplures adorti illos tres, egregiē se à vi magna defendentes, vndiq; petunt. Laborantib. subueniunt suis cum turmis Herburtus & Volskius: fit cedes magno strepitu, sospitat Christus praelium Christianis, barbari in fugam vertuntur: quos ij cedentes acriter persequuntur. Exclamant imperatores, sine persequendi facto, pedem referrent, & ad signa redirent: clamitant & centuriones, inhihentq; frustra: adeo iam animi victorū incaluerant, vt reuocari ab incepto nō potuerint. Quod cernentes alij centuriones, nō multis in castris relictis, pugnātibus animos suo aduētū addidēre. Tum verò omnes simul multo feruētius hosti numerofo instare, cāsim pūctim ferire, donec illos ad ipsā statua Valachica cōpulerūt. Proiecti calore pugnādi vltra tubicines & tympanotribas, animaduertūt se nimium procul à suis abscessisse: quā ppter coacti in vnū ad eos redeūt. Res mira, nec alij quā Deo, suorū pilos numeratos habēti, adscribēda, quòd eoufq; pugnādo progressi, nec circūdati ab hosti-

hostibus essent, nec in cōflictu acerrimo plures vnico, qui fuit Volskij, ceciderint. Reuerfos palam obiurgabat imperator Mielecius, tacitē laudabat fortitudinem, quod prater suum iussū, rem summi periculi pauci tentassent. Nos verò, respōdent, collegae tui permissū id fecimus: quidni enim, Deo conatus secundate nostros, hostē fugientē persequeremur? Loco quodā cenofo superato, qui haud procul Chocimo aberat, Turca nostros ea cum vociferatione assequuntur, vt viuos deuoraturi viderētur. Stanislaus verò Czureli centuria maximē petebatur: ad quos conuertente se Czurelo, procurrit cū malleo acuto Mielecij minister Radeczkius, bellandi cum Turcis gnarus: quē capiti vnusvbi impigisset, eximere non quiuit: hūc imitatus Czurelo, cum centū suis equitibus, tantum hostium numerū aggressus est, vt nostri inter illos dispersi, nō iam apparerent: at imperator extemplo mādauit Ossō Wskio, vt cum suorū equitū manu perturbatis succurreret. Ceterū Turcae, visis pluribus nostrū ad se, rāquā irritatis feris, currentibus euestigio retrocesserunt: vt enim Scythas, ita etiam Turcas, fortitudo statim deficit ybi quis illis viriliter resistit: imbellem si videant, magno eum impetu inuadunt. Sex tantū ē Czurelianis desiderati: at verò Turcae atq; Valachi concisi, cōtritiq; passim iacebant. Tendentibus nostris Nestrūi versūs, Turcae suo incurfū nouissimos penē attingebāt. Molestē id ferebat respectās animosus Herburtus: nihil tamē iniussu sui ducis tentare ausus. Triginta Czere-mislij ab tergo constituti, glandibus tormentorū incurfantes repellebant. Fuit ibidem quidam palustris locus, nostris transeundus: ad quem hostes celeriter

concurrerunt, aditu eos prohibitori: verum iussu vicarij imperatoris, exonerata contra illos à Stephano Garnissio, Herburti sub centurione, 12. minora tormenta, vnum maius ab ipsomet Ciolco, conturbatos ultra montem reiecerunt. Exantlatis tot aduersis, tandem ad Chocimensem arcem, concubia nocte venerunt: quam arcem Dobrossolouius Polonus, paruo præsidio tenebat, & fide bona (cuius *propria l.* gens nostra natura seruans est) Bogdano tamdiu seruabat: vbi Turcæ nostros, iam securiores, & ordinis negligentes, facile oppressissent, ni Temrucus centurio, tamdiu illos sustinisset, dum singuli suis sub signis consisterent. Godzisse Wskius prior è centuria Goraiskij hostes sensit, deinde alij: qui celeriter à Siena Wskio ordinati, productis ante aciem tormentis, hostem opperiebantur: nec res, tametsi copijs nostri multo forèt inferiores, certamini moram fecit. Vetuerat autem Mielecus, ne quid ipse Bogdanus attentaret: sed contentus ijs quæ alij pro eo subirent, in castris, vbi erant præstantiores, maneret. Ibi prima contentio inter nostrum exiguum peditatum, & Valachos de sepe quadam orta. Dehinc Turcæ nostros inuadere, premereque. Rogante Ciemerinskio auxilia, Temrukus & Herburtus, à Siena Wskio ferre iussi, respondent, minimè committi debere velites loricatedos, venabulis vtentes, cum Turcis hastatis & scutatis (nam facile ab illis dispergerentur) sed hastatos cum hastatis, vt sit pugna æquior: se verò præsto fore, vt hostem alia ex parte inuadant. Tali excusatione vsus successit Siena Wskij mandato, Iacobus Iordanus: cuius centuria hastata ex imberbibus cōstabat, sed quibus erant ani-

mi

mi Herculei, in hac quatuor fratres ipsius germani fuere. Hi omnes, diuina ope implorata, eo impetu in hostem incurrunt, vt nullius hasta ab aduersario aberrauerit: pugnantibus subueniunt à latere Herburtus & Sigismundus Rozenus: sed protinus resiliunt faucij Turcæ: quos hi verberando, vsque ad ipsorum castra varijs tramitibus fugarunt. Callidè autem, dum fugerent, arma, pileos, cæteraque impedimenta abiiciebant, dummodo se insequentes ad ea colligenda pertraherent: sed quia de vita & gloria certamen fuit, spreta hæc omnia à victore. Porro Garnissius, vbi illos plus satis excurrisse vidit, alta inclamauit voce, vt seruato ordine retrocederent. Fecit hoc vnum Lanczcoronskio Herburtus: redigunt paucos in ordinem à cæde retractos, & reducunt: Iordanianis nihilominus, varijs in sylualocis, hostem dispalatum persequentibus. Inest enim nostris quidam pugnandi ardor, vt cessare nesciant antè quam vel vincantur vel vincant: ferrum nihil ducunt, modò ad illum qui ferit, perueniant, & cædendo cupiditatem expleant suam. Postquam Turcæ nostros longè digressos, & omnibus destitutos auxilijs vident: de integro circiter sexcenti integri, quadraginta defessos aggrediuntur, & magno concursu multi paucos premunt: opportunè autem tunc ad illos forte fortuna delati fuere, Rozenus & Io. Radeckius, generosi pugnatōres. Tum Herburtus paucis socios cohortatur, ne ipsorū animi multitudine hostium labescerent: quos, Deo freti, non secus quàm prius disiecturi forent, modò honesti & famæ memores, quæ bona fortes sequitur, dimicarent viriliter. Quibus dictis, seq; sequi iussis, inci-

propria l.

rat equum in hostes appropinquant. Inuadunt in eos, etiam reliqui. Instauratur acris pugna, si quæ unquam alia. Qua crudescente, auulsum ab alijs Herburtum permulti impetunt. Et ipse quidē singulari fato patriæ seruatus est: verū socij eius quatuor, Dobruczkus, Golinskius, Vodziraczkius, Conarskius, interemti sunt. Vagabatur aliquādiu inter hostes Herburtus, pro Valacho ab illis propter vestem habitus ita oculi illorū diuinitus obcæcati erant, ut, cuius conspectū toties fugissent, eum nequaquam agnoscerent. Sicne in bello quidē, diuina homines probos destituit prouidentia. Verū enim uero ne illinc quoq; sine damno dato discederet nactus opportunū tempus & locum cōmodum, vni è Turcis graue infligit vulnus, seq; subitō fugę mādatur: fossā quandā mirē latam & profundā equo adacto transiit. Tollitur clamor Turcicē: *Gaur, gaur, vnr, vnr.* Valachicē autē: *Ocide, ocide,* hoc est, Occide Ethnicū. Ad quæ verba profiliunt duo Turcē: quorū vnus à dextro latere ipsum ita sarissā petit, ut ex ephippio penē iā excuteret: alter, ab sinistro, momento eodē, (admirandam Dei prouidentia) conatus trāsuerberare, in equū subleuat. Accepto tali beneficio, equo addit calcar. Fugienti, capite humerisq; gladio protectis, obuius fit Slesinskius, armiger Lanczkorōskij: hūc agnitū, sibi ut opituletur, si quid possit, orat. Facit hoc non impigrē armiger. Sed Turcē, viso pręsenti auxilio, destitit e cursu. Auxiliator benignē remuneratus, & magnā apud omnes, quod tantū virū seruasset, inijt gratiā. Famuli mœsti, viso reduce herō, maiore in modū refocillati sunt, perijisse illū iam opinati. In tā impari pugna, præter hos quos cōmemorauī,

morauī, haud plures vel octo, vel decem interiēre, qui erant Lanczkoronskij & Ioannis Iordani: quos inter nobilior fuit Stanislaus Gosdzikonuskius, Iordani collega, quo cū sui famuli occumbere, quā illo deserto, vitæ suæ fuga cōsulere maluerūt. Vulnerati non pauci. Cateri iētus hostium incurrentiū armis auertentes, incolumes ad castra reuenēre. Venientes Cofielskius cēturio. Turcas esse opinatus, hastis excipere voluit, ni sermo Polonos esse prodidisset. Non desiere Turcæ in Cofielskianam centuriā, quę primā aciē tuebatur, impressionē facere, donec eos Iacobus Iordanus, tormētis & peditatui præfectus, abegit. Fuit autē vnus ex illis, præ ceteris audacior, magni (ut videbatur) inter suos nominis: nam, quocunq; iter intendebat, semper illū turmatim ceteri sequebātur, is identidē nostros ad pugnam laccēbatur, nimmū gestientē Mlodeczkius, Kofielskij socius globo petit tormentario: labentemq; ex equo hisce verbis alloquitur: Itāne verō hīc iam iaces bacchanal? Fuit enim pennis struthiocameli, & exuijs leopardinis, instar personę, cū Bacchi festū agitur, perbellē ornatus: hunc assecle correptū ad suos cursim deferunt. Post hęc Mielecius, rebus hostiū bene cōsideratis, monitusq; à Pencoslauuskiō, Iac. Iordani vicario, castra illinc aliō mouit, ab hostibus ita infestata, ut cassidem Gabrielis Remboskij, assidui festatoris Mielecij, glans ferrea attigerit. Tū autē Cofielskius, & mādato ducis, & succēssu hortāte priore, castra adortus hostilia, cōplures in eis interfecit: insuper tormēta aliquot parua, & signū militare rubrū, illis eripuit: tā audaci incurſu hostes haud mediocriter perturbati: frequentissimi paucis cedebāt,

quibus eo modo repulsis, castra locata sunt ad Chocim. Primarij in arcem ingressi: ceteri, stationes suas foris seruabant. Hinc Bogdanus ad Iuoniam mittit Radeckium, nobilem Mielecij famulum, orans eum ne sibi patrium dominatum, in quem ius haberet nullum, vi eriperet: alioquin non futurum diuturnum, inique acquisitum imperium, cogitaret, nihil esse grauius quàm de statu pristinae dignitatis, propter vim alicuius, demigrare. Ideo expectaret ab alio paria ijs quae faceret alteri. Deum enim hac ratione solere vlisci omnem iniuriam. Auxit rem eam verbis pluribus. Quibus minimè motus Iuonia, legatum custodiam Pyriczausi tradit: dehinc, cum nulla alia ratione quenquam è Polonis nancisci viuum potuerit, iure gentium violato, Selymo imperatori, domino suo, mittit. Perductum ad Mehmet Bassam, ait Pyrus captum in praelio esse: negat id Radeckius, sed tamen non fit ideo liber. Fuerunt tunc temporis Constantinopoli nobiles Poloni, Andreas Taranouuskius, & Christophorus Dzierkius: hic interpres, ille nuncius regius. Si non nihil tentauere, ne quid grauius in insontem Radeckium statueretur: verum Bassa, postquam de strage suae gentis hominum in Valachia, intellexit, non solum tulit hoc acerbissimè, sed etiam captiuum, more aliorum remigum, toto corpore rasum, ad triremes damnavit: multa hitum aduersa à Turcis experti. Non pretereundum hic esse videtur huius Dzierkij, dum Constantinopoli disceret sermonem Turcicum, singulare in gentem Polonam studium: multos enim captiuos, varijs artibus, dura seruitute liberauit: saepe hostium de nobis consilia, praesertim

sertim interregni tempore, Senatui aperuit: pericula hoc nomine adiit: impensis non pepercit. Huius opera Mielecius (cuius is munificentiam erga se maximè sensit) vsus apud Bassam primum est, in liberando Radeckio: qui Bassa, cum & ex alijs Czauissis, (aulicos illi, qui huc atque illuc mandatis mittuntur, sic vocant) & ex Petro Bogdani fratre, qui post ibidem decessit è viujs, cognouisset, Radeckium non in praelio, sed legatione ad Iuoniam fungentem, captum fuisse: diu perquisitum (iam enim triremes in pelago erant) reddi Dzierkio iussit: verum (ut isti mali solent) clam ei porrecto veneno: quod ipsi mortem attulisset, ni ibidem liberator, dato maturè remedio, succurrisset. Liberatus, redijt, post in patriam cum Martino Broniewskio, ad petendas inducias, dum in locum demortui Augusti, alius rex substitutus esset, misso. Mielecius, videns indies copias augeri Iuonianas, suas verò magis ac magis inedia confici, (nam dies aliquot equis nostrum, nullum aliud pabulum quàm frondes & frutices erant) adhuc memor illius oraculi, Dei voluntate dari populis, abrogarique reges, quamobrem, ne cum Deo pugnare videretur, neve quos induxit, perderet, de reditu in patriam cogitare cepit. Interim Iaslouiecius, copiarum regni Poloniae ductor, cognito Valachiae turbulento statu, iam iam erat Nestrum traiecturus cum equitatu octingentorum ferè virorum, ni id prudens Mielecius dissuasisset: opinor, ne magis irritatis barbaris, suos in discrimen adduceret. Ne verò nihil ageret, mittit quosdam è suis ad praefectum Bialogrodensem, qui haec illi dicerent. Hi (inquit) Poloni, quos Bogdanus,

neq; rege, neq; me sciēte, dominatum recuperaturus autū, ē Polonia eduxit, amici mei sunt: quibus Cæsaris tui volūtas à Bogdano alienata, & in Luoniā propensa, minimē nota fuit. At verò, vbi ita se rehabe-
 re, ex Cæsarianis quotidie crescentib. copijs perceperunt: reuerti illò vnde exierant, voluerunt, sed à tuis impediti sunt: quare, si lubet, ita tuos cōpescē, ne quod nostris abijciatur impedimentū. Quod nī feceris, necesse me erit cū his paucis, quibuscum ad terminos regni nostri & tui Cæsaris veni, breui plures, habiturus, meos amicos ab omni iniuria tueri atq; vindicare. Quod si factū erit, vereor ne te cōsilijs tui pœniteat. Præfectus (Sendziacū illi vocāt) simul atq; hæc audiuit, cōtinuò Turcas atq; Valachos à ripa Nēstri abscedere iussit. Traijcientibus nostris angustis nauigijs quinq; diebus flumen, multi equi ex eis præcipitati, vi fluminis abrepti ac suffocati sunt. Non discesserant verò à ripa omnes Valachi: qui extremum agmē carpere conati, & à peditatu in tergo collocato cum tormentis, & ex ipsa arce Chocimēsi, iaculis repressi fuēre. Nostri, traducto Nēstro, Deo in primis, deinde ductorib. suis gratias egēre: hi contrā illis, quod obedientes, quod fortes in prælijs se præbuisent. Vulgò creditum, Mielecium suis vitam à Deo deprecatum esse: non rarò enim pernòx supplicare Deo visus. Quamobrem magnā hinc ille laudem suo cum collega tulit. Ibant autem omnes seruato ordine vsq; ad Cameneciam arcem, diuina manu munitam. Vbi Bogdanus, indignè patrimonio spoliatus, actis omnibus gratijs, qui se ipsius causā innumeris periculis exposuerant, cuius quidem eorum beneuolentiæ, quoad viueret, qualicunq;

licunq; fortuna, memor esse vellet: diuersum ab illis iter cum aliquot Polonis suscepit. Porro relictus in arce Chocimēsi Dobrossolouius, cum septuaginta iaculandi peritis peditibus, fortissimē illam à vi Turcica aliquot hebdomadas, factis interdū eruptionibus, defendit. Hūc Luonia, cū nec precibus, nec minis eò adducere posset vt arce excederet: scribit ad laslouieciū litteras, quibus illam tradi sibi petit: se tale iusiurandum daturum suis cum proceribus promittens, quale rex Augustus dari manderet: (nondum enim mors ipsius diuulgata erat) annuit laslouiecius, quod hæc mandata abs rege accepisset. Igitur in hæc verba iurat: Nos (inquit) Iohan Voiuoda, terrarū Moldauiæ & Valachiæ dominus, atq; hæres: iuro per Deum omnipotentem, acritu feudali promitto, nos successoresq; nostros, vnā cū senatu & subditis nostris, fideles, constantes, obediētes fore sereniss. Poloniae regi Sigismundo Augusto, successoribus, senatoribusq; eius, ac ipsi reipublicæ. Idem Senatus iurauit. Fuerunt autem isti præcipui: Isaias episcopus Radziouienſis, Ioannes, Golofelt Moldauiæ, Bogdanus, Post hæc Dobrossolouius, ab imperatore laslouiecio verbis regijs iussus, cum milite ex arce descendit. His ita transactis, Turcæ, Valachi, Scythæ, numero circiter centū millia virūm, accepto de obitu, regis Augusti nūcio, (erat autē septimus Iulij dies, quo vita functus est Sigismundus Augustus) intēti in Russiā, non prius à Nēstro secedere voluerūt, quā ea de re Cæsare cōsultuissent, & precibus Luoniā à proposito reuocati essent. Parci fœderatis Cæsar Selymus iussit: nisi forte talē sibi ipsi cōstituerent regē, qui ipsius hostis esset.

(quo in numero & Moschum & familiam Austriacam habebat) Lectus rex Henricus, dux Andium, Henrici 2. regis Gallorū filius; ubi regnum largitione quæsitum, & 4. solū menses administratum, patrio postposuisset: hos eodē Scythas discessu suo, anno Christi 1574. in Russiam, mense Octobreattraxit: quo anno luonia, iniquē parti dominatus: Valachi, perfidia pœnas dederunt.

ILLVSTRI AC MAGNIFICO VIRO, DN. ANDREÆ, COMITI GORCANO, CASTELLANO *Miedirecensi, Capitaneo Gnesnensi, Valcensig, Leonhardus Gorecius, Eques Polonus, & se, & officia sua commendat, patrono ac mecenate clementiss.*

ATVLIT mihi magnifice Comes, Crassouius, puer fratris Rochi, à te ex castris literas: quibus mihi & gratias agis pro oratione ad te missa, qua Gedanenses ad deponenda arma, contra principem suum insolenter suscepta, hortatus sum: & ad maiora scribenda me excitas, eaque in parte operam mihi tuam polliceris. Agnosco, illustri comes, præstantem ac eximiam voluntatem tuam, adiuuandos viros doctos promptam & alacrem: qui personam patristui, olim in Repub. nostra florentissimi, & opibus, autoritate, acumine, iudicio facile principis, nō solū nomine, sed re ipsa representas. Quare, vt me gratum esse tuæ huius beneuolentiæ declarem: hanc meam historiam Valachicam, in qua scribenda Barthol.

thol. Pærociū sequutus sum, ad te mitto: quā non dubito quin sis eodem animo quo tibi offertur, accepturus: mihiq; commetaria rerum gestarum, non solū de hoc Gedanensi bello, sed & quæcūq; de rebus maiorum nostrorum habes, suppeditaturus. Quibus ego habitis, & istud Gedanense bellum absoluiam, & historiam meam ad hæc tempora in quibus versamur, pertraham: ubi se mihi præclarus locus mentionem honorificam Stephani, regis nostri potentiss. faciendi offeret: qui mihi & omni conformatione membrorum, & magnitudine rerum gestarum, illos priscos reges Poloniae, Boleslaos & Casimiros, repræsentare videtur, qui non solū Prusos cum vrbe Gedanensi, sed & vicinas gentes perdomuerunt. Singulare certè beneficium diuinum in nos Polonos extitit, quod post occasum Sigismundi Augusti, talem regem habeamus, qualem hoc regnum hac in perturbatione rerum omnium, poscebat flagitabatq;. Cuius quæ & quantæ virtutes sint, initium regni demonstrauit, exitus post declaraturus est: qui de se viuētib; materiam præclarā scribendi relinquet, & apud Deum immortalem æternū præmium consequetur. Quid enim hac in vita prodest alios laudare, eos ad summa fidera euehere, si diuinum iudicium non accesserit? Sed ego regem Stephanum vtrūq; habiturum & spero & confido: quem & cōsensus totius populi laudabit, (quod iam nunc faciunt principum Germaniæ ad eum missi legati) & præclaris eximijsque virtutibus suis habita in Christum fide, æternam immortalitatem consequetur. Cæterū Christiani monarchæ cogitent quā longè lateque virus acerbatis suæ Mahomet-

res propagarit ob hac intestina eorum dissidia: quæ
utinã inter eos conquiescant, omnesq; simul iunctis
armis, eadẽ huic teterrimo hosti nominis Christiani
inferat: quibus vt Deus successus det, ex animo pre-
cor. Sed iam lege, si placet, hanc historiam, ex qua &
cognosces nō tā validas esse Turcarum vires, vt con-
sensu Christianorum ac cōcordia debellari nō pos-
sint: & preclaras virtutes Polonicorū equitum reco-
gnosces, quorum opera Iuonia vsus Turcas ad inter-
necionē persequutus est: à quibus minimè degene-
rassẽ tui quoque tunc visi, cum pauci cum multis ad
Dantiscū 12. Augusti dimicarẽt, Sdrousciusq; tuus
in signem quendã Iesum cepisset, ex quo per multa
rebellium contra regẽ suum cōsilia cognita sunt: ad
verò id 17. Aprilis maximè apparuit, cum duo millia
nostrum, Hungarorumq; duodecim Gedanensium
millia ita profligarunt, vt quater mille & quingenti
hostes in acie ceciderint, mille viui capti fuerint, &
nostris solùm duode sexaginta casis: quã historiam
Lascius noster, vt verè, ita breuiter, historico stylō
descripsit. Vale illustri Comes, Gorecij tui memor.
E Saniki, 15. Octob. anno 1577.

CASPAR LINDENERVS, MEDICVS ET
philosophus Posnanienfis.

Historiam vita veteres dixere magistratam:

Historia quando multa doceatur ope.

Tam bene quis Romam, doctas quis nosset Athenas,

Liuius aternum ni fabricasset opus?

Non multi legerent Valachum, vel gesta Polonum,

Nobile Goreciji latuisset opus.

Hinc potes effectus bellorum, & discere causas,

Ei quam Turcarum sit male tuta fides.

LEON-

LEONHARDI GORECII,
EQVITIS POLONI, DESCRI-
PTIO BELLI IVONIE, PALATINI
Valachia, quod is cum Selymo Turcarum imperato-
re, magno cum successu gessit ab initio, demum à
Jeremia Czarna Wieczio Valachoprodi-
tus, & à Turcis contra fidem datam
ac sacramento confirmatam
occisus.



ELLVM scripturus, quod ab initio
magno cum successu Iuonia regu-
lus Valachia, cum Selymo Turca-
rum Cæsare gessit, operæpretium
me facturum puto, vt de situ Vala-
chia, incrementis gentis, feracitate

solis, moribus, & de alijs ad eam rem pertinentibus,
ex secunda decade historia gentis nostræ Polonicę,
quã viginti libris, vsq; ad exitũ Sigismundi I. regis Po-
loniæ persecuti sumus, dicã. Valachia, quæ olim My-
sia & Dacia dicta fuit, habet ab ortu Euxinum, à me-
ridie Istrum, seu Danubiũ: ab occasu Transyluania,
ad Boream Russia, seu Roxolanis, contermina. Tota
regio in partes duas diuiditur, in Valachiam Trãsäl-
pinam, ac Moldauiam. Transalpina quidẽ, ab orien-
te habet piscosum lacum, quem Hirassus amnis, ab
accolis Pruthes vocatus, efficit, suis deniq; aquis ad-
auctum, ac latè stagnatẽ relinquẽs, in Istrum euol-
uitur: ad meridiem vergit terminata Danubio, atq;
item ab occasu Transylvanię fines attingens, ad op-
pidum Seuerinum, vbi Traiani pontis admirabiles
pila triginta quatuor, nequaquam totas obruente

*Situs Vala-
chia.*

Danubij
descriptio.

II

Danubio, visuntur. Ad Septentrionem autem finitur Hoina, ignobili flumine, & directis terrestribus terminis ad Istrū, curuata admodū regionis frōte contra Paucem insulam, spargente sese primò in ingētes ramos profluēte Istro, antiquis scriptoribus notam, quā hodie Barillanā dicūt. Oritur autē Danubius in iugis Arbonē mōtis Germaniē, ex aduerso Rot Wilē oppidi Sueuiā, in Nigra sylua apud pagum Donessing. Vbi primū Illyricum alluit, Ister appellatus, sexaginta annibus receptis, medio ferme numero eorum nauigabili, in Pontum vastis sex fluminibus, euoluitur. Altera pars Valachię agrorū & pastionū multitudine maior, armētisq; & militarib. eqs opulētior, ab amne Moldaua, qui mediā interfecat, Moldauia dicitur. Is ortū habet paulò infra Hirassi fontes ē Transyluania montibus, quibus antiqua Dacia ad ingentis theatri similitudinem, obuersa in occasum scena præcingitur, delapsusq; Soczauiam, quod oppidum est sedes Palatinorum, præterfluit. Atq; inde violentus Hoinam, Dobenisam, Argiamq; paruos, sed perennes amnes secum trahens in Olta effunditur. Olta verò, qui antiquitus Allutus fuit, nō Trāsylianā modò, cuius partē ab aduersis mōtibus descendēs rigat, sed Moldauia & Transalpina minora flumina, in orientem reflexus, ad Nicopolim in Danubium rapit. Omnium verò amplissimus Tyarus, qui ab incolis vocatur Nester, ad Aquilonē Moldauia terminat. Ortus enim à Carpatho monte Sarmatię, & rectā in Euxinū contendens, Russiē & Podolię fines tandem attingit. Qui primi loca Valachię tenebant, nihil potest certi ex tāta vetustate scriptorum erui, quā varię gentes, vt Vngariam, obtinebāt. Hodiernę

dierne gentis Valachię originē quidam referunt ad Flaccum præsidem Romanū, à quo nomine leniter deflexo, & ipsa Valachia nuncupata esse videtur. Ab eo enim tēpore quo Flaccus cum imperio Mysiæ siue Dacię præfuit, quæ ultra Istrum ad Scythicam gentē extenditur, Flacciam appellari constat: quam demum corrupta voce, sensim in Valachiam abiisse perspicimus. Apud Valachos enim nō modò Romanę discipline mores certi, legesq; vigēt: sed ipsa quoque Latine linguę vocabula permulta seruātur. Vnde Vulochorū & Valachorum nomē idem quidam esse volunt, quos Wtochos, id est, Italos, etiā Germani lingua sua Welschen vocant, vtraq; gens Itala: ideo cōmune nomen. Qua ratione autē eam regionem Flaccus occupauit, Æneas Syluius, qui post Romapontifex fuit, sic tradit. Tempore Traiani imperatoris, Daci, seu Gothi, detrectātes Romani iugum imperij, missus est eò Flaccus cū triginta millib. hominum: quibus in coloniam deductis, ibidem ararent, cōmeatum Romano exercitui, qui ibidē semper in armis cōtra Scythas ac Sarmatas fuit, præberent. Vnde post interiecto tēporis pulsīs Gothis, illa tota regio, quæ Valachia à Flacco est appellata, Romanis cessit: cuius sententię haud pœnitet me esse. Sed diuersum alios scripsisse videmus, qui Syluium, in laudem suorū propēsum, falsa tradidisse affirmāt. Post quē qui scripsēre historiam, eadē quidē de gentis origine, sed diuersa ratione scribunt, qui hodiernorū Valachorum stirpē ad Romanos quidē referunt, sed ad exules, qui eò relegati erāt. Quorū cū tātus numerus fuisset, vt non tantū cōtra incolas potentes fuerint, sed & Gothis inde eiectis, fidelem operā po-

Hodierni Valachi ad quę stirpē suam referunt.

Flaccus qua ratione Valachiam occupat.

Aliorum de Valachia incolis sententia.

pularibus suis nauandam rati: pōte Danubio imposito, eadem loca obtinuēte: qui in partes duas diuisi, vti à nobis dictum est, Valachos Transalpinos, ac Moldauios: vtraque pars regulos suos habuit. Nam Transalpina Valachia, quæ à Turcis Carabogdania minor, eò quòd nigrum frumentum ferat, vocatur, præcipuam ciuitatē Tarnouizam habet: quæ est regia regulorum Transalpinæ Valachia, qui continuò parēdi obsequio, Turcarum amicitiam tuentur, aureumq; nummum myriadē, tributū nomine quotānis pendunt: eaquæ vel indecora pace perfruuntur, quòd impunè fidē mutare nequeant, cum in opposita Danubij ripa, Seruiæ, Bulgariæq; præsidia in antiquis Triballorū sedibus spectentur. Illa quoq; pars Valachia, quam Nester à Podolia disjungit, à Turcis duce Mahomete Casare, qui Constantinopolim olim Byzantium dictam, ceperat, subacta, eidem tributum pendebat: sed superiori anno, Luonia à Turcis per fraudem capto, ac crudeliter occiso, vtraq; Valachia Turcarum ditionis facta est. Modicum tum ab initio tributū Turcicis imperatoribus Palatini Moldauiæ pendebat: eò quòd Casimirus, pater Sigismundi primi regis Polonia, occupatus bello Crucifero, Petrum iuuare cōtra Mahometē non potuit: cui Mahometes nomine tributū, solum duo millia nummū aureū, anno à Christi regis ortu, supra millesimū quadringētesimum quinquagesimo quinto imposuit. Demū interiecto tempore, imperatorib. Turcicis Asiatico, Persico, Ismaelítico, Ægyptiaco bello distentis, Valachi partim imperio Vngarico, partim Polonico subiecti fuere. Qui post in tatas vires creuere, vt nostris exercitibus aliquoties deleris, Vngarorum

Nigrum frumentum

*Moldauia
quādo à Turcis occupata.*

*Valachia
Vngaris Polonūq; subiecta.*

eorum iugo excusso, demū ad imperium Turcarum pertracti sunt. Iurabant & in verba regum Polonia, se cum eis pacem habituros: quibus semper vectigales fuere. Ac si maior vigilātia demortui Augusti regis fuisset, etiamnū Valachia vectigalis Polonorum esset: cuius oppido Chocimo Albertus Lascius, vir consilio, manuq; promptus, aliquandiu obtento, regem Augustum obtestabatur vt sibi daret auxilia: nam se Valachiam totam faciliē eius adiecturum imperio: per eumq; Iacobus Despotes, perq; Lasciū, Philippouium, ac ceteros (qui genus suum ad antiquos regulos Valachia eodē nomine appellatos referebat) superioribus annis in Valachiam restitutus fuit. Eiectoq; Alexandro, tanti motus bellorū in Valachia excitati fuere, vt à Valachis Despota crudeliter occiso, ac Viskienuicio insigni bellatore capto, & in Turciam misso, (de quò ibidē supplicium sumtum est) Lascius Chocimum nōnullo tēporis spatio retentum, post Alexandro restituere coactus fuerit. Alexandro filius Bogdanus successit, Bogdanō Luonia, (Ioānem ea vox significat) de quò hic historiam scribendam sumpsimus. Is armis Turcicis adiutus, exercitū Bogdani profligato, aliquandiu Valachis præfuit. Habuit Valachia insignes ac bello egregios ante hæc tempora regulos: in primis verò illum Stephanum, qui sepiissime tot exercitibus Molchorum & Scytharum deletis, ex eis præclarissimas victorias reportauit omnibusq; terrori ac formidini fuit, præcipuē autē Turcis, quorū numerosos exercitus profligauit, ad internecionemq; dedit: deinde Draculam, quem vt Matthias rex Vngarorum in officio retineret, proamisso Moncastro ad Turcas Czizouiam & Cechil-

Lascius Despota in Valachiam restituit.

Reguli Valachia insignes.

Dracula.

*Petrus.**Mores Valachorum.**Perfidia Valachorum.*

lum oppida, dono ei dedit. Ea sunt in extrema Transylvaniae partae, quae per saltum Moldaviae iungitur. Quibus virtute bellica ille Petrus haud inferior fuit, violento indomitoque ingenio praeditus, ob idque Selymo Turcarum imperatori minus carus: ex quo Sigismundus memorabilem victoriam, auctore Ioanne Tarnouio, viro omnibus Imperatoris virtutibus instructo, ad Obertinum reportavit. Mores, religio, sacra Valachorum, ad Gracas, Armeniacasque ecclesias accedunt: apud quos sacerdotes uxores ducunt. Gens equitatu pollet. Nam quiuis, vel egrotissimus, domi equum alit, quo praedatur ac militat. Scuto, hasta, galea, quae admodum Vngari uti solent: nonnunquam lancea missili atque arcubus regerunt. Equorum pectorosi, robustique, non pernicitate quidem in cursu, sed perseverantia & viribus maximè probantur. Proinde mos est, tenellis, cum castrantur, nares praescindere, ne angusta respiratione fatigetur, quando nec mediocris equi laus sit triduo, vel per aestivos soles, bellicae agitationis laborem pertulisse. Tanta perfidia gentis est, inconstantiaque, in regulos suos, ut facta in eisdem conspiratione, leui de causa eos interimar, nullaque claritudinis & stirpis ratione habita, pecuarios, vel sordidissimos quosque in locum regulorum asciscant. Regio adeo ferax, tantaque multitudo bouum in illa est, ut & in Russia, post in Germaniam quoque, ij adducantur, qui inter alios maximi sunt. Habet copiam vini & hordei, nec tritici indiga. Maluaticum vinum ex Turcia, & id genus alia in Poloniam Armenij per Valachiam aduehunt: piper, item crocum, pretiosa aromata, peristromata, quae sunt instrumenta luxuriae. Atque haec obiter de Valachia:

Inchoat historia.

chia: nos ad institutam historiam reuertamur. Bogdanus igitur, Valachia post mortem Alexandri obtenta, adeo Turcarum imperium aspernari visus est, ut cum Augusto rege Poloniae, anno millesimo, quingentesimo, septuagesimo secundo, mortuo, foedere perpetuo percussio, legatis missis impetraverit, ut sibi ex Valachia in Russiam, quando vellet, commeare, domos magnatum vetustae stirpis inuisere liceret, ut cuius virgo sibi pudore, formaque praestans placeret, eam uxorem duceret, ac ut ex foedere belli tempore Augusto regi viginti quatuor millia equorum armis, virisque instructa mitteret. Omnium de eo vulgatiores fama fuit, eum bona sibi in Russia emere voluisse, ac Valachica gente perfidissima, si quis ita casus tulisset, vel si à suis pellere tur, relicta, in Russia mansurum fuisse. Augustus Turcicam fidem suspectum habens, (quorum Turcarum si non instinctu, at saltem conniuvante Selymano, patre Selymi, Scythae, gens bello inuicta, illam partem Russiae quae Nestrum attingit, saepe ingenti clade belli affecerunt, oppida, villas, vicos exusserunt, maximam multitudinem pecorum, pariter cum hominibus, abduxerunt) ut Bogdano in fide retento, si quando bellum contra Turcas suscipiendum foret, habita Valachia foederata, (quae interditionem regum Poloniae, ac Turcicum imperium, tanquam firmissimus murus, propugnaculumque quoddam, est interposita) omnem barbarorum impetum facilius sustinere posset: adhuc, non ignoras, maiores suos saepe cum Valachis religiosissimè foedus conferuisse, quibus saepe periculosis ac difficillimis temporibus contra vim Turcarum auxilio

*Consilium
Selymi de
abdicando
imperio Va-
lachia Bog-
dano.*

*Aduentus
Sborouij in
Valachiam.*

*Aduentus
Bogdani in
Russiam.*

fuere: id facile Bogdano concedit. Bogdanus igitur, hac tali amicitia tanti regis fretus, saepius in Russiam venit, summorum domos obit, eos muneribus explet. Quae cum ad aures Selymi Turcarum imperatoris, qui iam Selymano patri in imperio successerat, perlata fuissent: in primis verò illa re offensus, quod tantum equitatum Augusto ex fœdere in subsidium belli dare debuit: tacitis cōsilijs agitatur, ut abdicato imperio Valachiae Bogdano, illud ad quem piam alium deferret, cogitans, si quando sibi cum Polonis, gente ad arma nata, belligerandum foret, eis Bogdani arma, actorius Valachiae, maximo adiumento fore. Iamq; Bogdanus ingenti inuidia apud suos populares flagrabat, eò quod nō solum totum se ad amicitiam Polonorum contulerat, sed eisdem militari stipendio constituto, eos apud se liberaliter fouebat, Sborouioque Christophoro, fratri Petri, Palatini Cracouiēsis, sororem se suam in matrimonium daturum pollicetur, quoniam antè Casparo Panieuio Russo alteram dederat. Sborouius ea ex re latus, quoniam ingens aēs alienum contraxerat, ut ex eodem sese euolueret, ad Bogdanum magno comitatu, pulcerrimo habitu exornato, in Valachiam venit: à quo post elusus, vindictam animo spirans, re infecta in Russiam, vbi amplas possessiones habebat, redit: ac si quando occasio daretur, ut Bogdanum vlcisci posset, animo intentus erat. Bogdanus igitur adornata profectione in Russiam ad Ioannem Tarlonem, cuius filiam, virginem specie ac pudicitia insignem, in matrimonium ducere statuit, transmisso Nestro in cisjs, quoniam tum glacie obduratus erat, vno atque altero ministro comi-

comitatus, longeque à suorum agmine seiunctus, in Sborouij puerum, quem ille cum literis peregrè miserat, incidit: qui à Bogdano cuius esset percunctatus, dolenter lamentatur se literas cum sarcinula amisisse, quas herus suus sibi perferendas commiserit. Quare subditis equo calcaribus, ad herum redit: vbi Bogdanum nullo comitatu seprum viderit, narrat. Ibi Sborouius cum aliquot ministris, conscensis pernicipibus equis, ad Bogdanum aduolat: cui à Secignieuio, non impigro iuvene, secundum aurem vulnus infligitur: dehinc eum Sborouius secum abducit, & in custodiam dat: nec aliter dimittere vult, quam sibi satisfaciat pro impensis & damnis, quæ subierat cum ab ipso in Valachiam venire iussus esset. Bogdanus tam inopinato periculo circumuentus, sex millia nummum aureum Sborouio dat: reliquam pecuniam se ad certum tempus dissoluturum pollicetur: pro quo Panieuus fidem interponit. Constat id factum Sborouij Augustum regem iniquo animo tulisse. Valachi igitur, siue fidem Bogdani suspectam habentes, siue eum in Polonia interijisse rati, Selymum sollicitabant ut ipsis alium, in locum Bogdani, daret. Erat Iuonia (quem quidam Polonum fuisse, in Masouia natum, dicunt) stirpis Valachiae, qui se antiquis proghatū regulis Valachiae aiebat, vir proceræ staturæ, facie decora, oculis gracilibus, quodammodoque minacibus, toto corpore lacertosus, viribus pollens. Is igitur post mortē Alexandri, viuo adhuc Selymano, Palatinus Valachiae fieri voluit: cui ille Bogdanum, filiū Alexandri, prætulit. Aliquandiu

*Bogdanus se
Sborouio re-
demt.*

*Origo Iuo-
nia stirpis.*

*Iuonia solli-
citat pur-
puratos.*

*Selymus
Valachiam
ad Iuoniam
defert.*

post hæc in Russia ac Turcia vnâ cum Ieremia Czar-
nieuieczio Valacho, cuius in eum hoc in bello infi-
gnis perfidia exitit, versatus: vt sibi animos Turca-
rum magis atq; magis conciliaret, suscepta circum-
cissione ac religione Mahometana, animum ad am-
plam, copiosamque mercaturam exercendam ad-
iecit. Cuius magnitudine ac splendore, non solum
in purpuratorum, qui Bassæ (id est capita) vocantur,
notitiam peruenit, sed & ipsius Selymi. Is igitur ex
purpuratis cognito consilio Selymi de imperio Va-
lachia: alteri demandando, eos largitionibus cor-
rumpit, oratque authoritatem suam apud Selymū
ita interponant, vt ipsum Voiuodam Valachia: re-
nunciet. Ostendit fidem Bogdani esse suspectam,
qui se totum ad amicitiam regis Polonia: cōtulerit:
fieri posse vt Polonorum auxilio adiutus, post Tur-
carum imperium excutiat, abiciatque. Selymus,
propensa purpuratorum voluntate cognita, nactus
absentiam Bogdani, qui in Russia degens ex vulne-
ribus nondum conualuerat, Palatinatum (id est, do-
minatum) Valachia: ad Iuoniam defert, eumq; per
speciem mercaturæ exercendæ, in Valachiam, ad-
dito ei numeroso equitatu, vt omnes in verba ipsi-
us, iussu Selymi, iurent, mittit. Dicitur ea de re Au-
gustus rex cum Selymo expostulasse. At ille respon-
dit, Iuoniam in Valachiam causâ mercaturæ exer-
cendæ profectum esse. Iuonia in Valachiâ veniens,
facile ab omnibus iuramentum accipit. Est arx in
Valachia Chocinum, natura loci munita, quam fir-
mo præsidio Bogdanus firmauerat: hanc præsidarij
milites Turcis dedere nolunt, sed eam contra vim
ipsorum strenuè defendunt. Bogdanus de rebus dome-

*Augustum
inuat Bog-
danum.*

*Iuonia Cho-
cimum tra-
ditur.*

domesticis turbulentis certior factus, vt se contra
viu Turcarum tueretur, ac defenderet, auxilium
sibi ex fœdere ab Augusto dari postulat: cui quatuor
millia equorum, plus minus, dantur, ductore Nico-
lao Mieliecio, Palatino Podolia: vigilantissimo, sa-
pientissimoque, vt ipsum in Valachiam reduceret:
sed incassum. Nam adeò vires Turcarum in Vala-
chia inualuerant, vt ille totus exercitus cum Bogda-
no in Valachiam missus, collocato Chocimi Bogda-
no, in Russiam incolumis regressus sit, non tamen
sine eade Turcarum: qua in expeditione, præclara
virtus cum aliorum, tum verò Nicolai Herburti,
nobilis ac egregij viri, belloq; clari, enituit: qui vn-
dique ab equitatu Turcico septus, eorum acie per-
fracta, multis occisis, ad suos nullo lethifero vulne-
re accepto, saluus redijt. Bogdanus verò, aliquandiu
Chocimæ moratus, eam arcem, quàm firmissimo
præsidio potest, munit: qua Dobrosolouio, stirpis
Polonica: viro egregio, commissa, ipsemet in Mo-
schouiam fugit, illicq; degere dicitur. At Dobroso-
louius, nonnullo temporis spatio Chocimensi arce
retenta, eam post Iuonia: tradere, ita iubente Iaslo-
niecio, magistro equitum campestri, cum id Augu-
stum velle (cuius tum mors nondū diuulgata erat)
dictaret, coactus fuit. Iam Iuonia omni turbulento
statu Valachia: composito, eum pacatè obtinebat,
tributum solitum Selymo pendens: ex his quoque
supplicium, quos sibi aduersari videt, sumit: præfer-
tim ex propinquis Bogdani, summo loco ortos,
opibusque florentes, crudeliter contrucidat, fortu-
næ suæ impendentis immemor, paulò insolentius
victoriam exercet. Erat Palatinus Transilpinæ Va-

*Consilium
Palatini
Valachia
Transalpina.*

*Purpurati
assentiētur
Selymo.*

1571.

*Oratio lega-
ti Selymi ad
Iuoniam.*

lachia, quem non mediocriter fortuna Petri fratris sollicitabat. Quare de eo anxius, Selymi purpuratos in regia prensabat, ut, quemadmodum Bogdanum Iuonia, fultus auxilio Selymi, ex Valachia eiec- cerat: sic Petrus adiutus auxilio eiusdem, posset Iuo- niam eicere. Quare eadē via purpuratos, qua olim Iuonia, aggreditur: & si Palatinatum Valachia apud Selymum fratri Petro impetret, se duplo maius tri- butum, hoc est, centum viginti millia nummūm aureūm, daturum pollicetur. Iuonia fidem esse su- spectam, qui religione Mahometana spreta, iterum Christianam suscepit, ideoque Christianis appri- me faueat: foreque breui ut Bogdanum secutus, post ad amicitiam Polonorum se conferat, quorum auxilio adiutus, Turcicum imperium abiciat. Pur- purati, magnitudine tributi pelli, ac hisce verbis moti, Selymo suadent, ut missa legatione ad Iuo- niam, ipsummet ad se venire iubeat, illique quem eō mitteret, Valachia cedere. Quod si dicto ipsius minū pareat, id se armis consecuturum. Selymus, qui ingenti cupiditate pecunia flagrabat, post pro- fusum ararium in classem quā in Ionio mari à Ve- netis, post captam ab ipso Cyprum, in alto depres- sa fuit, ad id se facile pertrahi patitur. Quare lega- tum ad Iuoniam mittit: quem sic verba fecisse, quā dies erat vigesima prima Februarij, cum Henrico Gallo à nostris Cracouie diadema imponeretur, ac- cepimus: Selymus Turcarū Cæsar, Iuonia, Palatini Valachia, me ad te tributarium suū, cum hisce mā- datis, quibus te quā primū, nulla mora interpo- sita, satisfacere vult, mittit, ut sibi tributum, nō qua- le olim, sed duplo maius, nimirum centum viginti mil-

millium nummūm aureūm, mittas. Ni feceris, est alius qui idem se tributum ipsi sua cum posteritate daturum pollicetur. Sed Selymus, memor constan- tie, virtutis, fidei tuæ, non vult tibi in imperio Vala- chia molestus, si id tributum quā primū mittas, esse. Quod si id detrectas, cede alteri, ac è vestigio simul mecum ipsemet, ad dicendam causam, Con- stantinopolim proficiscere. Si tibi id molestum est facere, Selymus me tibi denuntiare iussit, se cum firmissimo equitatu, alium ad occupandam Vala- chiam missurum: cuius voluntati si tu aduersaberis, te ad extrema quæque adducet: tibi que non so- lum de regno, sed de vita periclitandum erit. Hæc legati verba in animum Iuonia, altius quā quis- quam existimare potuit, ascenderunt. Quare diffi- mulata animi ægritudine, legatum suos in hospi- tium deducere iubet: rem esse maioris deliberatio- nis, quā ut eadem die legato possit responderi: ac, cum ad totum Senatum pertineat, eum se exem- plo conuocaturum dicit, ac ea de re, tam ardua & difficili, consulturū, quidq; omnes animi habeant, se ei statim dicturū. Deducto legato in hospitium, omnia postulata Selymi animo pēsat: gentem vni- uersam Turcicam esse perfidissimam, quæ Chri- stianis regibus fidē iuramento cōfirmatam (quam- uis ipsemet Christiana fide abiurata, nescio quo pa- cto iterum Christianus fuerit) nō seruet, sed capta occasione eos in fraudem inductos fallat, decipi- atq; Si id tributum, tam amplum, in tāta inopia re- gni, quod ciuilibus bellis exhaustum sit, cōcedat, eo Selymū minimè contentū fore, sed illud insequen- ti anno aucturū esse, taleq; demum exacturū, qua-

*Perturba-
tio Ioannis.*

*Consultatio
Ioannis.*

Oratio Iuonia ad Senatum.

le cum vniuersa gente non possit dissoluere: nec se iam tutum fore, exorto alio qui hac imperata sit facturus. Quare vniuerso Senatu ad se conuocato, in hunc modum ad eum verba fecit: Si vnquam de re ardua ac difficili vobis consulendum, deliberandumque fuit, hoc certè tempore est. Nam Selymus incredibili auaritia aestuans, nescio cuius instinctu, non contentus eo tributo quod ei pendere soliti sumus, duplo maius à nobis extorquet. Si concesseritis, mea nihil refert: utpote cum non mihi, domino, sed vobis, liberisque vestris pendendum sit. Quod si id negamus, extemplò vim, bellum, direptionem oppidorum, incendia, rapinas denuntiat. In hac igitur inopia regni nostri, quod est vniuersum ciuilibus bellis exhaustum, quomodo ei illud dissoluere poterimus? Proinde quid omnes animi habeatis, exponite. Ego quidem illud animo prouideo, si tam amplum ac immensum tributum Selymo iam concesseritis, minimè eum fore contentum, sed singulis annis maius exacturum, donec opes nostræ planè exhaurientur. Præstat igitur vitam pariter cum vxoribus, paruisque natis amittere, quàm tantum dedecus pati. Nec fortuna mea adeò angor: cum sciam illud vobis esse pendendum, non mihi. Quare si hanc indecoram, flagitiosamque seruitutem non vultis pati, omnes absque vlla cunctatione dicite. Ego certè diligenter prouidebo atque curabo, ut huic Ethnico cani, non solum hoc nouum, tamque amplum tributum dem, sed ne vllum planè deinceps pendam, dum modo vos mihi non defueritis. Scio, collega carissimi, quid ego vobis debeam, quid Reipub. vestra: pro quorum salute ac incolu-

incolumitate vitam meam profunderè paratus sum. Hæc vbi dixit, tacitus mæror, ac insolitum silentium, vniuersum Senatum cœpit: tandem tanquam graui somno expergefacti, fremunt. Seruitutem sibi à Turcis imperatoribus multiplicari. Iuoniam non tam luculenter quàm verè de tributo loqui. Mori se malle, quàm tantum dedecus, summa cum turpitudine coniunctum, pati. Proinde, vxores, liberos, ac quicquid preciosioris supellectilis habeat, in arcem Chocimensem, cuius munitioni fidant, se importuros, ac ibi omnia se collocaturos, pollicentur, seq; Iuonia proprijs sumptibus militaturos, hostique ad Danubium, qua parte ad se delendos veniat, vnà cum illo occursuros, cum eoque ad vltimam dimicationem congressuros: quæ omnia se iureiurando facturos confirmant. Iuonia, omnium constanti voluntate cognita, paucisque verbis collaudata, fidem ac iusiurandum omnes inter se dare iubet, ut simul secum iunctis armis, Turcas ad internecionem persequantur: se verò etiam atque etiam diligenter curaturum, ut non solum influentes copias Turcarum, à ceruicibus Valachia reijciat: sed longè, lateque eorum regno euastato, honestam pacem ac quietem vnà cum eis sibi compareret. Accepto ab omnibus iuramento, legatum ad se Selymi accire iubet: cui tale responsum audiente Senatu dat: Equidem pro v- *Iuonia legatore respondet.* terî fide mea, quàm datam Selymo domino meo conseruare solitus sum, de dando tributo libenter parerem, ni voluntatem meorum ab eo abhorre scirem: qui quæque acerbissima ac durissima ferre malint, quàm eam indecoram seruitutem, nulla ratione ferendam. Quare, cum id à meis nullo pacto

*Iuonia lega-
tum ex Va-
lachia exce-
dere iubet.*

*Iuonia exer-
citum com-
parat.*

*Legatio Iuo-
nia ad Hen-
rici regem
Polonia.*

extorquere queam, Selymum me, ne in malam par-
tem accipiat, vehementer precari: cuius amicitiam
mihi ornamento & praesidio, non detrimento esse
velim: ideoq; me ea spe Palatinatum Valachia ab il-
lo & petiisse, & ob meam singularem fidem in ipsum,
obtinuisse. Quae spes ne me fallat, etiam atque etiam
oro. Hisce dictis legatum, nulla mora interposita, è
finibus Valachiae excedere, cumque nullis muni-
bus, uti alios legatos solitus erat, ornatum, equites
Valachicos ad ripam Danubij deducere iubet. Quae
res ipsi haud mediocrem suspicionem attulit, Iuo-
niae animum esse à Selymo alienum. Iuonia, respo-
dato legato, ad comparandum exercitum continuo
animum adiecit: ubi illico omnes pedites stipendio
militari in auctorati: quiq; equo stipendia merere soli-
ti erant, ad Iuoniam conveniunt: qui iuramento se ite-
rum atq; iterum obstringunt, se contra Selymum,
tam crudelem dominum, ad internecionem, supre-
mamque dimicationem, pugnatos, omniaq; po-
tius, patriam, vitam, uxores, carissima pignora libe-
ros, amissuros, quam Palatinum suum deserturos.
Tributum autem se statim exacturos, in idque col-
laturos, ut Iuonia equitibus Polonicis, quorum tum
maxima opinio virtutis esset, militari stipendio in-
auctoratis, expedita opera eorum in bello contra Se-
lymum utatur. Quo consilio Iuonia auidè arrepro,
credidit illos fideles erga se fore. Itaque legatum suum
Cracoviam ad Henricum, & uniuersum Senatum,
eum de statu rerum Valachicarum certiore faciens,
mittit, in quo periculo constituta sint demonstrans,
auxiliumque ab ipso petens: sibi enim cum Selymo
acerrimum bellum fore. Reges Poloniae cum Pala-

tinis

tinis Valachiae semper foedus religiosissime conser-
uasse, ac eos contra Turcicos imperatores defendisse,
semperque hos regum Poloniae clientes fuisse: ob
eamque causam tanto temporis spatio regnum Po-
loniae saluum ac incolume steterisse: alioquin, Vala-
chia armis Turcicis occupata, statim regnum Polo-
niae in summo discrimine futurum. Nunc se regem
maximè opere orare, non ut aliquo conductitio mi-
lite se iuuat, sed ut Cameneciae, Leopoli, passimque
in reliquis oppidis, per praekonem proclamare iu-
beat, quicumque in Valachiam ad accipiendum sti-
pendium militare proficisci velit, Palatinum tan-
tum ei stipendium numeraturum, quantum ipse
poscat: plus enim apud se omnium incolumitatem,
quam impensas valere. Hisce Henricus auditis, se
Iuoniam nullo auxilio posse iuuare responder, nec
cuiquam, ut ad promerendum stipendium in Va-
lachiam proficiscatur, permissurum: idque ideo,
quod supra centum annos antiqua foedera regibus
Poloniae cum Turcicis imperatoribus sint. Iuonia
tristi nuntio ab Henrico de denegatis auxilijs per-
turbatus, sit à suis certior, leuem armaturam equi-
tum Polonicorum, qui ad Borysthenem & Ponti-
ostiam, causa praedae acquirendae degunt, esse: gentem
tot bellis induratum, ut eis ad vincendum nihil ar-
dui sit: iam eos domum nulla praeda consecuta re-
gredi velle: ad eos igitur subito internuntios mit-
tendos censent, ut ad ipsum in Valachiam veniant,
qui eis paratum stipendium, quantum velint, dis-
soluturus sit, modò opera eorum contra Turcas,
quos ipsi etiam oderint, utatur: vim totam belli
in eo equitatu sitam esse. Iuonia consilio suorum ar-

*Henricus
Palatino
respondet.*

*Velites.**Velites in
Valachiam
proficiscun-
tur.*

repto, subito vnum atque alterum internuntium ad illos ipsos equites (qui velites optimo iure nominari possent, eo quod nusquam in loco certo consistunt, solum abacta hostili præda, huc illuc per loca hostium auia, abdita, occulta, vastamque eorum regionem euagantur) mittit, ut ad se quamprimum veniant: esse quod cum eis de rebus eorum loqui velit. Quod si quas occultas insidias pertimescant, eis aperte denunciare iubet, Palatino graue bellum cum Selymo Turcarum imperatore imminere: quod cum gerendum susceperit, si stipendio militari in auctorari velint, Palatinum velle eis, non solum in vnam partem anni, aut semestri, sed & singulis diebus tantum constituere quantum ipsi poscant. Quæ cum ad aures Kosacorum (sic enim ij velites à nostris vocantur) ab internuntijs perlata fuissent, nihil de Henrico rege cogitantes, id iter suum in Valachiam voluntati ipsius aduersari, ex illis ipsis patientibus campis ad Palatinum in Valachiam proficiscuntur: qui de more, gloriæ ac prædæ, tam sibi quam heris suis acquirendæ causâ, in illos vastissimos campos, permissu suorum herorum excurrunt, ut aliquo numero Scytharum vel Turcarum comprehenso, quid in solo eorum agatur, vel quæ consilia hostium sint, scire possint. Nam quamuis Turcæ ac Scythæ pacem cum regibus Poloniae seruare videntur, eiusdemque volunt cupidi videri: tamen ingenti manu suorum coadunata, solum Podolicum ac Russicum effusè depopulari, magna que damna inferre solent, ni subito velites eis occurrat, ac nonnulla manu suorum subnixi, numerosas eorum copias fugant. Erant autem ij præcipui ductores veli-

tum.

*Ductores ex
ercitus Kos-
sacorum.*

tum. Suierceuius habuit sub signis ducentos equites, vir omnibus artibus, pariter militaribus, instructus, viribusque pollens. Barfanus ducentos duxit. Braslauiensium quoque erant ducenti. Hi sese omnes Suierceuij imperio committere, nec sine ipsius voluntate cum hoste cõgredi ausi. Cossouius quoque ducentos duxit: Stulenius itidem: Iancius centum: Socolouius totidem. Qui omnes in Valachia simul ad Palatinum omni metu deposito, profecti fuere. Postquam igitur velites fines Valachiae attingere, de his Luonia edoctus, ex templò, qui eos honorifice nomine suo, ac liberaliter exciperet, comitumque ac rerum omnium copiam, quæque ad victum necessaria essent, liberaliter suppeditaret, mittit. Cum ad secundum lapidem à castris Luoniae velites cum ductoribus Valachicis abessent, de eis Luonia certior factus, ipsemet cum pulcherrimo equitatu, adiunctus sibi aliquot ex Senatu, obuiam eis proficiscitur: ut se exhibito, animique sui in eos voluntate declarata, illos post obsequentiores haberet, ac ad quævis pericula adeunda alacriores: ubi in conspectum eorum venit, præ nimio gaudio, paucis verbis salutato, singultus vi lacrymarum impedi- diente, ne verbum quidem proloqui potuit, sed se- cum ductoribus illorum acceptis, eos sese in castra comitari iubet: ut militari conuiuio exceptis, post cum eis de periculis imminentibus suis, de belloque sibi Selymi ingruente, liberiùs loqui possit, reliquis se sequi iussis. Vbi in castra ventum est, bombardarum maiorum artifices ingentem boatum edere iubet, sic ut calum sonitu resonare, terra strepere visa fuerit. Postquam satis concentui datum fuit, tot

*Luonia ad
Velites pro-
ficiscitur.*

*Iuonia & Seli-
tes tractat.*

*Iuonia ad se
Kofacos ac-
cerst.*

pedites è numero suorum, quot equites velitum e-
rant, egredi iubet, vt singulorum equis acceptis,
quod satis pabuli esset, darent, eosque curarent.
Hisce ita imperatis, Kofacos non certè militari pran-
dio, sed magnifico ac copioso conuiuio excipit. Du-
ctores illorum, suosque proceres, secum in taber-
naculum, quod in patenti campo erectum erat,
ducit, eosque secum epulari, vbi & senatus erat, co-
git. Reliquos Kofacos in aliqua tabernacula ductos
simili ratione tractare iubet. Postquam epulæ remo-
ta fuere, iubet aliquot argenteas patinas nummis
aureis onustas afferri, ac ex eisdem ductoribus
Kofacorum, eorumque ministris apponi, quantum satis
esset: dictitans, id eis eo nomine se largiri, vt longin-
quitate itineris fatigati in balneis lauent, corporaque
curent. Illi pariter pudore ac quadam admiratione de-
fixi, se accepturos negant. Sed vi coacti, ac precibus
non solum Iuonia, sed & procerum Valachicorum
fracti, accepere, gratijsque actis pro tanta in se mu-
nificencia Iuonia, omnes assurgentes, in conspectu
eius steterunt. Ille dextra eis ad lauandam partem castro-
rum suorum, quæ in proximo erant, vt ibi stationem
haberent, innuit. Deinde mittit eis sex grandia va-
sa vini generosissimi, sexcentosque thaleros, vt il-
lud in memoriam nominis sui exhauriant. Nam
alioquin illi militi aqua solum in illis vastis solitudi-
nibus perpetuus potus est. Ad hæc parochos ipsi-
dem, ne quid omnino tam ipsis quam ipsorum iu-
mentis desit, addit. Appropinquante luce, ipse met-
ad ductores velitum venit: quos, vt in tabernacu-
lum suum veniant vnà cum comitatu suo, orat: esse
quod ad eos de summa rei referat, & quid eos face-
re ve-

*Oratio Iuo-
nia ad Ko-
sacos.*

re velit, omnibus exponat. Qui vbi alacres venere,
talem orationem ad eos lingua Polonica habuisse
dicitur. Si de vestra fide, virtute, constantia, fortissi-
mi equites, certò mihi non persuasissem, nunquam
hoc difficili ac periculoso tempore, vos procul è pa-
tria vestra euocassem. Sed cum hæc omnium con-
stanti ore celebrata fuisset, vos huc euocaui, vt mihi
operam vestram & industriam, in hoc bello geren-
do contra Selymum, infensissimum hostem, præ-
beatis: pro qua nauata si vobis certum stipendium
militare constituere velim: non mediocriter perti-
mesco ne meritis vestris minus dignum præmium
detur: sed, quicumque successus nostri contra hunc
teterrimum hostem erunt, omnia vobis, milites, à
me largè suppeditabuntur, commeatus, pecunia, e-
quis pabulum, ac id genus alia ad eam rem pertinën-
tia. Ego vos, pristinae virtutis memores, ita vos ge-
sturos esse hoc in bello arbitror, prout de vobis o-
mnium opinio est, ac eam in animo meo excitatis.
Vobis autem summas, perpetuasque gratias, & ago,
& habeo, quod ad me, hominem Christianum, ipsi
etiam Christiani veneritis: quorum voluntatis erga
me, semper gratum ac memorem me fore polli-
ceor. Qui et si pro magnitudine periculi mei pauci
estis: tamen non minus mihi gratus est conspectus
vester, quam si duodecim millia mihi in auxiliũ ali-
unde missa fuissent. Quare quaecumque stipendium
volueritis, id me vobis dissoluturum recipio. Nec
vos vires Turcarum ita animo pensare velim, quasi à
nobis vinci non possint. Fateor eos hætenus miro
successu vfos fuisse, qui à sordidissimo initio orti, in
tãtam amplitudinẽ peruenere: sed quæ ab eorũ per-

fidia, non virtute profecta, summo cum scelere cō-
iuncta sit. Fateor item Deum immortalem cōsue-
se, quò grauius homines ex commutatione rerum
doleant, quos pro scelere eorum vlcisci velit, his se-
cundiores interdum res & diuturniorem impuni-
tatem concedere. Sic Turcæ si hætenus felici suc-
cessu vsi sunt, id ita volente ac permittente Deo fa-
ctum est, vt quantò altius ascenderunt, tantò gra-
uius corruant. Plura loqui me vis lacrymarum non
patitur. Qui sit animus erga vos meus, vos optimè
& perspicere, & intelligere posse video. Quemcun-
que casum fortuna inuenerit, hūc vobiscum com-
munē ducam. Hæc proloquuto Suierceuius pauca
pro omnibus militariac rudi sermone sic respon-
disse, dicitur: Non stipendium tuum, Iuonia, vt ad te
veniremus, nos pellexit: quod nos semper pro mi-
nimo duximus: sed potiùs virtus nostra singularis,
vt cōtra hunc fœdissimum ac acerrimū Christia-
norum hostem pro incolumitate tua dimicemus.
Stipendium non curamus: qualis tandem fortuna
nostra futura est, exitus belli declarabit: satis à te re-
munerati videbimur, si hoste tuo intra fines regni
hisce nostris dextris represso, honestam pacem cum
eo habueris. Tu verò quid postea nobis præstare
debebis, fortuna nostra id te docebit. Nec vires
Turcarum horremus: quorū successus quales tan-
dem adhuc erunt, eos diuinæ providentiæ iam cō-
mittendos censemus: nos in hostem intenti eri-
mus, vt eum à iugulis tuorum auertere possimus.
Oratione Suierceuij Iuonia confirmatus, duetores
Kosacorum secum prandere iubet, quibus epulum
dat: alteram mensam Logafetus, Veremias magi-
ster

*Suierceuius
pro omnibus
Iuonia re-
spondit.*

ster equitum, cum reliquis Senatoribus occupat.
Hæc acta sunt vigesima die Martij. Cæterum Sely-
mus audito responso Iuoniæ, simul ira, indignatio-
neque accensus, (quam legatus amarulentis verbis,
eò quòd nulla munera à Iuonia acceperat, auxit) si-
ne mora Palatino Transalpinæ Valachiæ triginta
millia Turcarum, duo Vngarorum mittit, vt coad-
unata suorum manu, Iuoniam capiat, eoque ad se
misso, ipse totam Moldauiam occupet, in eaque Pe-
trum fratrem suum, Palatinum constituat. Is man-
dato Selymi alacriter suscepto, suisq; ad arma con-
uocatis, simul cum Turcis ac Vngaris flumen Mol-
dauam tranat. Erant ferè omnium centum duo
millia fortissimorum virorum. Qui non solū Iuo-
niam è Valachia eijcere poterant, sed & quemque
fortissimum regem bello lacescere ac vincere. Hinc
nocturno, diurnoque itinere fatigati, vt tam sua
quàm equorum corpora reficerent, nil de Iuoniæ
inopinato aduentu suspicati, in loca herbida, quæ
supra flumen latè patent, equos effulse euagari pa-
tiuntur. Interea speculatores ad Iuoniam pranden-
tem veniunt: flumen Moldauam maximam vim
hostium tranasse, quibus Turcæ simul cum Vngaris
intermixti sint: nec eorum certum numerum sciri
posse, sed supra centum millia esse suspicari: nunc o-
mnes equis in pascua læta missis, se quieti dedisse.
Quos si Iuonia cū parata suorum manu aggredia-
tur, facile ad vnum deleri, vinci que posse. Hæc tan-
ta alacritate animi à Iuonia audita fuere, vt Suierce-
uium cum suis confestim præcurrere, datis ei sex
millibus Valachorum, qui linguæ Turcicæ gnari,
omnia certius cognoscerent, iussit: ipsemet verò

*Indignatio
Selymi in
Iuoniam.*

*Exercitus
Palatini
Transalpinæ
Valachia
contra Iuo-
niam.*

*Iuonia fræ
de hostibus
certior.*

*Capiuntur
speculato-
res.*

*Luonia de
statu hostiū
cognoscit.*

cum suis, quoniam paulò onustiores armis erant, subsequitur. Suierceuius omnes orat, vt, silata ex hoste victoria potiri velint, quanto silentio possint, ad hostiū castra nullo clamore dissono, aut tumultu edito perueniant. Hisce ita inter se compositis, in speculatores Moldauorum, qui supra castra suorum stationes, ne quis impetus in quietos fieret, agebāt, incidit. Erant verò hi quadringēti: qui omnes à Kosacis circumuenti capiuntur. Quos primò benignè, demum minaciter alloquuntur, quid cōsiliū hostes habeant, vbi sint, quid agant: si indigna nolint pati, vt exponant, cogunt. Illi suppliciter & ingenuè, presentis periculi metu perterriti, fatentur, Valachos Transalpinos pariter cum Turcis, quibus intermixti Vngari sint, non tam longinquitate ac difficultate itineris fatigatos, quieti se dedisse, ac corpora curare, quàm vt Luoniam vegetiores inopinatum aggrediatur. Quos si iam securos ac omni cura dissolutos inuadat, eum faciliè compotem victoriæ futurum. Valachorum Transalpinorum non esse ampliùs septuaginta millia, Turcarum triginta, Vngarorum tria. Hisce Kosaci cognitis, subito ad Ioannem nuntios mittunt, in quo statu res hostium sint, eum certiorē faciunt: vt cum suis maturè (in manu enim victoriā esse) appropere. Ipsi verò non procul ab hostium castris, duabus horis stationes, vigiliasque taciti agunt, ne vsquam hostis commoueatur, aut quicquam incipiat. Quæ vbi celeriter ad Luoniam perlata fuissent, statim ipsemet adest, Suierceuiumque suos disponere, ac quamprimum cum hoste configere iubet. Ipse verò, quoniam multitudine abundabat, sua acie in longitudinem extensa, tribus

ex

ex partibus hostium castra, omni praesidio nudata, aggreditur. Suierceuius parte ab altera cum suis citatissimè ad hostem, antequā Luonia accessisset, peruenit: ibiq; sublato clamore, castra hostium inuadit. Hostes, ignoto & horribili sonitu repente exciti, neque fugere, neq; arma capere, neq; omnino facere, aut providere quidquam poterāt. Ita cunctos strepitu, clamore, & nullo subueniente, Kosacis instatibus, tumultu, terrore, formidine, quasi vecordia ceperat. Ecce tibi in tanta strage hostium subito Luonia cum suis adest: qui & ipse stratos ac perturbatos egregiè cadit. Fugæ nusquam locus est. Nam Moldavi procul equos à se in pascua abegerant, nec quomodo fugerent habebant: omnes nudi, inermesq; hosti, ad primos successus victoriæ exultanti, ingulū præbent. Fit totis castris plâctus, gemitusq;. Ex tanto numero hostiū nemo, præter Palatinum Transalpinæ Valachia, vnà cum Petro fratre, quem in Valachiam fretus tātis copijs deducebat, fugit. Hi igitur, conscensis equis, qui in tanto periculo vix eis oblati erāt, pernicipibus, per lacū qui ex Danubio oritur, tranant, peruenereq; ad arcē Brailouiensem ad præfectum Selymi: reliqui omnes ad vnum castrum alitibusq; obiecti. Tum spectaculum fuit horribile, in cāpis patētibus omnes viri afflictī: ac multi vulneribus acceptis, neq; fugere posse, neq; quietē pati, niti modò, & statim cōcidere. Postremò, omnia quæ visus erat, cōstrata telis, armis, cadaueribus: & humis infecta sanguine. In castris multū opulentiæ repertū fuit: quæ Luonia omnis cessit: quam ille militibus, in primis verò Kosacis dat, qua plurimum ditari fuere. Luonia in iisdem castris quatrduum moratus, vt

*Stratagemā
Luonia.*

*Prima ca-
des hostiū.*

*Fuga Palati-
ni cū fra-
tre Petro.*

*Castrorum
pinnit.*

*Iuonia Palatini
disione
castrat.*

suorum corpora cæde hostium defatigata, viribusq;
exhausta reficeret, cadaver Palatini ac fratris Petri
summa cura requirit. Quo haud reperto, rectè exer-
citum in regionem Palatini Valachia Transalpina
inducit: castella, oppidaq; & natura, & viris parum
munita, adgreditur: quosque obuios nulla feminei
sexus ratione habita, necare, puberes interficere,
villas & vicos pariter cum oppidis igne succendere
imperat. Triste ac miserum ibi spectaculum fuit,
cùm illam partem Valachia Transalpina omnes
fumantem, ac flammareluentem aspiciebant. Tra-
hebantur senes ad cædem, rapiebantur parui pueri
ad necem, matronæ pariter cum virginibus stupra-
bantur: quæque crudelissima & acerbissima pepe-
trabantur. Iuonia vniversos laudat, atque agit gra-
tias: hortatur ad cætera quæ leuia sunt, parem ani-
mum pro victoria gerant: satis iam pugnatum: reli-
quos labores pro præda fore. Hac tali populatione
victor exercitus ad Transylvaniam, siue Sedmigro-
densem regionem peruenit: viciq; Brailouien-
si arce, iter ad inferiorem Danubij ripam deflexit. Ibi
cognoscit Palatinum Transalpina Valachia vnà
cum Petro fratre esse in arce: itaque protinus ad-
uersum illud oppidum suos ducit. Est ciuitas Brailo-
uiensis supra Danubium sita: quæ arcem percom-
modam habet, & natura loci & firmo præsidio be-
ne munitam. Ibi Iuonia non procul ab oppido Brai-
louia, arceque, nactus locum percommodum com-
muniendis castris, sic vt, ex arce tormentis murali-
bus nulla ratione infestari posset, aberat. Hinc scri-
bit literas ad præfectum arcis, easque duobus capti-
uis Moldauis perferendas committit: quibus illum
orat

*Castra Iuo-
nia ad Brailo-
uiam.*

orat vt Palatinum Transalpina Valachia, perennè
hostem suum, vnà cum Petro fratre, qui ob nullum
ipsum maleficium bellum ipsi intulerint, ac post in-
felicitè tentatū prælium ad eum ex acie fugerint,
extemplo sibi tradat: alioquin se exercitum ab op-
pido non remoturum, donec vi adactus eos dedat.
Ad has literas sic præfectus arcis, per quatuor Turci-
ci sanguinis, (quorum duo oppidani erant, duo ex
arce domesticis) respondet, ac simul Iuonia decem
globos grandes tormentarios, totidem minores cu-
duabus sagittis mittit. Audio te (inquit) ministrum
esse Selymi: ideo rationem tui habeo: eos minimè
apud me esse, quos petis, nego: sed cùm ad aures
meas perlatum fuisset, te ingentem multitudinem
exercitus Cæsaris cecidisse, qui mandatis ipsius pa-
rentes, in Valachiam Petrum fratrem Palatini Trans-
alpina Valachia deducebant: edico tibi, nisi hinc
obsidionem quamprimum solueris, huiusmodi fer-
culis cum tuis pascèris: quibus vnà cum exercitu tuo
satiatus, post ructabis. Hoc tale responsum tantam
Iuonia indignationem mouit, vt illis ipsis internun-
tijs quatuor comprehensis, naribusq; eorum simul
cum labijs ac auribus præcis, pedes singulorū sur-
sum versos longissimæ trabi ferreis clauis affigere
iussit, eosque terram capitibus attingentes ante
oppidum sclopetarios ferrè, abijcereque imperarit.
Horrendum id omnibus spectaculum fuit: quo Iuo-
nia præfecto arcis demonstrare voluit, eum similem
exitum vnà cum profugis manere. Hoc tali tristi e-
xemplo edito, nulla mora interposita, pedites scalis
in eum vsum paratis, ad motis, mœniavrbis clamore
sublato conscendere iubet. Nec consilium euentus

*Responsum
præfecti ar-
cis.*



*Iuonia indi-
gnatio in in-
ternuntios.*

*Nonum ge-
nus crudeli-
tatis.*

*Celeritas
peditum.*

*Capitur op-
pidum, ac
caedes ingēs.*

*Funditus de-
letur vrbs.*

moratus est. Nam pedites tanta celeritate sese sub
mœnia oppidi insinuauēre, vt priusquam oppidanī
sefe ad resistendum opponerent, euaderent in mu-
rum: quo diruto, totus exercitus in oppidū irrupit.
Ibi ingens cædes Turcarū facta fuit, nemini parsum:
vbi ex caforū cadaueribus sanguis instar riuī in Da-
nubium profluxit: parui pueri ac vberibus matrum
abrepti, vagientes occisi. Quattriduum ibi in cædibus
perseueratum est: in locis abditis ac occultis latitan-
tes homines quæsi, ex latebrisq; ad cædem tracti:
tota vrbs direpta, ac per iram incensa, nullo homi-
num, ac ne canū quidem inter incendia, ruinasq; re-
lictō. Plurimum ibi auri, argenti, pecuniæ signatę, v-
nionum, margaritarum, repertum est: quæ omnia
præda militum cessēre. Erat ea ciuitas in illis locis o-
mnium opulentissima, eò quod post occupatam à
Turcis Græciam, multū diuq; in pace vixit: qua par-
ta, nullo motu belli conquassata, supremā dum cla-
dem adiit. Nam à victore hoste ne vna quidem do-
mus integra relicta fuit: omnia euersa ac solo adæ-
quata fuēre, præter arcem, quæ omni præsidio vrbs
nudata, sola relicta fuit. Ad quam capiendam Iuonia
suos ad mouere voluit, nī à præsidio, quo arx validē
firmata fuit, clades pœnitēda subeūda foret. Interea
Iuonia in direptione vrbs occupato, speculatores
adsunt, qui ipsum certiorē faciunt, quindecim mil-
lia Turcarum magnis itineribus in subsidium arcis
Brailouienſi venire. Quibus ille cognitis, ac nihil tā-
tā multitudinē hostium territus, confestim Suierce-
uium cum Kosacis, additis ei octo millib. equitū Va-
lachicorum, contra illos mittit. Ad quos vbi is præ-
properē aduolasset, nullo illis spatio ad recolligēdas
vires

vires dato, cum eis alacriter prælium init. Omnes
occisi ac perempti, præter mille equites, quos fuga
subtraxit. Quibus Suierceuius insecutis, multos pel-
lat & cædit. Qui cædi supererāt, fuga ad arcē Teinen-
sem, quæ ditionis Turcarum erat, delati sunt. Erant
in proximo, nō procul ab illa ipsa arce, Turcarū co-
piæ, quibus agmina Scytharū intermixta erāt. Subi-
tō Suierceuius ad Iuoniam cum lato victoriæ nun-
tio mittit, certissimam ex hoste victoriam pollicēs,
modò omiſſa oppugnatione arcis Brailouienſis, cum
omnibus copijs abiq; mora adſit. Ille, tam læto nun-
tio accepto, arce Brailouienſi neglecta, cuius expu-
gnationē & sibi difficilem, & periculosaſſe ſcie-
bat, ad Suierceuium celeriter venit. Quo cum conſi-
lijs cōmunicatis, simul illas ipsas copias aggressi de-
lent, & ad internecionem dant. Hinc ad oppidum
Teinenſe exercitus admotus. Quò facili, sine vllō
oppugnationis labore, & expugnato & capto, o-
mnes oppidanos, pariter cum fœminis, crudeliter,
ne vno quidem ex tanta multitudine relicto, ne-
cat. Hocce Iuoniæ ſuccellus Suierceuius cum ſuis
Kosacis adiuuabat. Nam primus ſemper cum Turcis
haſtatis prælium inibat: in prima frōte equites cum
tormentis manuatijs locabat: quorum horredo ſo-
nitu, crebrisq; ictibus globorum, ſemper Turcarum
aciem nō mediocriter turbabat. A dextro cornu eis
ſagittarios opponebat: qui grandine ſagittarum im-
miſſa Turcicas acies vulnerabant. A leua parte erant
locati, qui erectis breuioribus lanceis, in omnē oc-
caſionē intenti, Turcas eis cōfodiebant. Quos Suier-
ceuius ab his cōturbatos, cedi Valachorū obijciebat.
Interea ſexcēti Kosaci oppidū Bialodrogenſe verſus,

*Victoria
Suierceuij.*

*Alia cepit
Turcarum.*

*Iuonia ad
Suierceuiū
venit.*

*Oppidum à
Iuonia cap-
tur.*

*Stratagemā
Suierceuij.*

Iuonia exercitum quiete reficit.

Iuonia oratio ad Kosacos.

Suierceuius Iuonia respondet.

quod est ditionis Turcarum, citato agmine proficiuntur: quo direpto ac succēso, dimidiata pars ipsius fœdo incendio conflagrauit. Plurimum ibi prædæ nō ignobilis repertum fuit: quā militi obiecta, multum ea ditatus fuit. Iuonia verò cæde Turcarum fatigatus, læta quiete, non procul ab arce Teinicensi, quam nudum in patentibus campis reliquerat, per octiduum suos reficiebat. Vbi iterum repete sit certior, Turcarum simul cum Scythis aliquot agmina, ab oppido Bialogrodenſi proficisci, qui in proximo Iuoniam cum exercitu adesse ignorantes, dispalati huc illuc, reperto vado tranabant. Quos procul Kosaci conspicati, orant Iuoniam ut ipsis potestatem illos inuadendi, pellendique det. Ad quos sic Iuoniam verba fecisse, ut author est Bartholomæus Paprocius, intelleximus. Vestra incredibilis, Poloni fortissimi, virtus facit, hicq; ardor pugnandi, ij vestri successus, ut vobis nolim quicquam à me denegatum esse. Ite Deo comite, proficiscimini felices: hostiumq; exercitus, ut vsu edocti estis, cædite. Tibi autem, Suierceui, hic totus exercitus curæ sit: quos ita contra hostem instrues, prout occasio rerum gerendarum postulat. Hæc ubi dixit, Suierceuius tria millia Valachorum, ut eorum opera contra hostem vtatur, addit. Quibus ille acceptis, ei gratias agit, quod de se tantam opinionem habeat: quam ne fallat, se etiam atque etiam diligenter curaturum. Acceptos igitur Valachos cū Kosacis non miscet, sed ab agmine suorum remotos, ex eis nouam aciem quandam post terga Kosacorum instruit. Suos verò illos ducentos mille Kosacos, in tria agmina disponit. Quadringentos in prima fronte scutis rotundis tectos locat, ac hastatis

hastatis Turcis obijcit. Ipsemet sibi dextrum cornu cum sagittarijs quadringentis sumit. In læuo toridē cum lanceis missilibus locat. Turci eorum paucitatem conspicati, eamque præ se contemnentes, prælio sese expediunt. Quā visa re Suierceuius equites, quos in prima acie collocauerat, tormenta in eos dispendere iubet. Quibus turbatis nimbo sagittarū, in eorum agema suis immisſis ex læuo latere, eos hastis vrgeri iubet. Sic illi ancipiti prælio distenti, (nam in vnicum tantum agmen coadunati erant) egregiè à Kosacis cæduntur: quibus, quā vi possunt, Turcæ simul conglobati resistunt. Ab initio fere horam anceps prælium stetit: donec Valachi, post velites à Suierceuius dispositi, intenti in pugnam, vegeres animo ac corporibus, haud secus quā diuertentæ feræ concitati, cum ingenti clamore ad velites aduolant: qui maxima vi in agema Turcarum turbatum incurrunt, eosque omnibus ex partibus, quibus pedites intermixti erant, aggrediuntur. Pedites nunc equis crura succidunt, nunc ilia suffodiunt: qui in fugam dissipati, omnes ferme terga vertunt, à velitibusque cæduntur. Ex quibus solum tres desiderati, ex Valachicis centū: sic Polonis partum insignis victoria stetit. Iuonia ex longinquo tam inclytæ victoriæ spectator fuit. Hostium castra cum impedimentis & capta, & direpta fuere: plurimum ibi prædæ inuentum: quæ viritim militi distributa. Capti erant hostiū ducenti: qui omnes ad Iuoniam tāquam pecudes adducti fuere. Quos is inter pedites sclopetarios pellere iubet: qui omnes ad vnum, falcibus maioribus, quibus fœnum secari solent, in frustra conciduntur. Dux illius victi exercitus,

Committitur pugna.

Victoria celebrata.

Opulencia
ducis.

in potestatem Polonorum venit: homo tantæ opulentiæ, vt sexies se liberari atq; redimere, modò ne Palatino viuus traderetur, voluerit, bis auro in altera statera posito, ter argento, semel margaritis. Fuit egregie ac procerę staturę, ad promerendamq; grãtiam habilis. Sed apud Polonos plus fides quam luoniã dederant valuit. Nam antè ex tot spolijs Turcarum, auro & argento satiat, omnes pollicitationes eius flocci pendentes, eum viuum in potestatem Iuoniã tradunt. Quo cum ille per aliquot dies colloquium de rebus Turcicis habuit: posthac cum pedibus membratim dissecandum obijcit. Hinc ad Vlsam oppidũ suum copias mouit: vbi tot prelijs fracti exercitus vires refocillauit. Interea Selymus, Constantinopoli tot Iuonię victorijs perturbatus, ac teritus ne plane Valachia exueretur, ac è Graciã (quod illi, opinor, contigisset, ni defectio Czarnieuiacij ad Turcas obstitisset) pelleretur: cum suis Deo more suo supplicat. Nam Turcæ peculiarem religionem, à Muamede, seu Mahomere, hinc ab anno Christi millesimo supra vigesimum, quam Mahometes Saracenis anno Christi sexcentesimo vigesimo tertio obtulerat, acceptam habent. Ne verò quis Saracenos

Preponit se
de origine
Saracenorũ
ac Turcarũ
dicturum.

Saracenorum
descriptio.

& Turcas eiusdem stirpis aut originis esse existimet, nonnulla mihi de origine vtriusq; gentis esse dicenda videntur. Saraceni longè sunt verustiores Turcis. Ij sedes suas, regnante tum Lechone apud Polonos, in ea parte Arabiæ, quæ Petræa dicitur, habuere, vocabanturq; ab incolatu loci Arabes: stipendiumque sub Heracio, tum bellum cum Costrea rege Persarum gerente, merebant. A quo stipendio militari exautorati, vt ignominiam nomini suo inustam vlcisce-

ciscerentur, Mahometo se adiungunt: qui Meccã, in vrbe opulenta, in tanto dissidio Christianorum de religione, adiutus à Sergio, monacho factionis Nestoriana, à Christianis diuersa docere cœpit. Arabes enim vana opinione ducti, se vnicos mortalium esse à Sara, vxore Abrahę, genitos, regniq; celestis legitimos hæredes, opinati sunt: quorum opinioni Muamedes assentiendo, eos ad se pellexit. Vtq; militarem disciplinam inter eos constitueret, multitudini decem duces, ex nobilioribus, potentioribus, ac sibi affinitate iunctis præfecit, eamq; in cohortes ac centurias distribuit: cuius viribus adiutus, Meccã, urbem in Arabia opulentam, demũ aliquot oppida capit, ditionisq; suę facit. Hinc facillè tota Arabia potius, venerabilem se tot populis prestitit. Post cuius mortem, apud Saracenos, pontifices ad Caliphum, seu Mustacenum, in Perside potentes fuere. Hinc Africa potius, pariter cum magna parte Hispanië, sæpe Siciliam, quondã populi Romani, victoris tot gentium, Prouinciã, Italiã, Galliam, infestarunt. Quorum audaciã Carolus Magnus armis vix repressit. Post, anno Christi nongentesimo supra octogesimũ primum, vel paulò plus, minùsve, Scytharũ multitudi, qui præ ceteris ad orientẽ vergũt, circaq; Tanaim sedes suas habent, domo profecta, sine duce, sine legibus, vagi, dispalatiq; ex raptu, prædaq; aliquandiu vixerunt: donec Persas, qui tum Saracenis subiecti erant, bello adorti, eorũ urbem magnam & opulentam, Turcem nominatam, occuparunt: à qua se post eodem nomine Turcas, seu Turcos, dici voluerunt. De Turcarum origine alios diuersa tradidisse video: quos aiunt ex Caucaſi portis egres-

Opinio Arabum de sua stirpe.

Potētia Saracenorum.

XB.

*Asia à Tur-
cis occupa-
tur anno
Christi 844*

fos, primùm finitimas gentes, & in his Armenios, in-
ualisse: inde minorem Asiam, abhinc anno Christi
844. ab eis occupatam fuisse. Quæq; ipsi de se memo-
rant, nō omnino diuersa à superioribus esse videtur,
quorum hæc sententia est. Gentis authores sive ex
Caspjijs montibus ac finitimis pullos, in Persidem &
minorem Asiam descendisse: nec prius apud eos re-
giam familiam cœpisse, quàm sint à Scythia profecti,
cùm antea sine duce, sine legibus viuerent. Inde (vt
sunt humanarū rerum vices) ex cuiusdā Othomani
successu, celebrari vnam familiam cōtigisse: ex qua
reges, demum Cæsares creare cōsueuerint, & hodie
fratres, in ampla & regia fortuna à patre relictī, cū
vicissim imperitare cœpissent, siue pudore impedi-
ente, siue metu, quā parum tutum esset nō cede-
re arati: duo minores natu, Aleus & Othomanus,
regno maiori fratri relicto, domo vterq; cū manu
sua profecti, hic Cappadociam, Galatiam & Bithy-
niam occuparūt: ille Carmaniam, Lycaoniam, & eas
terras quæ Tauro adiacēt. Et hæc Turci de se memo-
rant: quibus perbellē se Scythas esse fatentur. Calis-
Curio, qui Saracenicam historiam scripsit, de origi-
ne gēris, eorumq; regibus prorsus diuersa tradit: qui
vult Turcas originem stirpis ab Hunnis sumere, nec
apud eos tum primū Othomanum regnasse, sed
longē antè, ante Trangolipicem Mucaletum. Ete-
nim Saraceni, in aliquot factiones principū, qui tum
totam Persidem pariter cum Africa obtinebant, di-
uisi, inter se domestica bella gerebāt, seseq; ciuili fer-
ro cōfodiebāt: orto igitur bello inter Muhumetum,
qui tum in Perside regnabat, & Babylonū Calysam,

*Sententia
Curionis de
origine
Turcarum.*

*Tragolipix
primus rex
Turcarum.*

Muhu-

Muhumetes ad se Tragolipicem, qui è Caucaſi mō-
tis angustijs cum Turcica multitudine egressus, circa
fines Persarum vagabundus degebat, accersit. A quo
adiutus, Calysam faciliè vincit, superatq; Turcæ
igitur ex Perside cum duce suo regredi volentes,
transitumq; sibi tutum per pontem qui Araxi flu-
mini impositus erat, concedi à Muhumeto postu-
lantes, (quos ille apud se retinere cupiuit, vt opera
eorum contra Indos vteretur) id se facturum detre-
ctat. Illi, simul ira, indignationeq; accensi, (quorum
solum tria millia erant) veritiq; grauius periculum,
in Curbatidem solitudinem sese subtrahunt, indeq;
crebris excursionibus agros Saracenorum depopu-
lantur. Quorum ferociam Muhumetes reprimen-
dam ratus, triginta millia Saracenorum cum certis
ducibus ad eos delendos mittit. Sed Turcæ, audito
aduentu eorum ad se, in densiores solitudines sese
subducūt, vt captata occasione Saracenos opprime-
re possint. Nec consilium euētus moratus est. Nam
exercitus Muhumetis, Turcas metu cessisse rarus,
nullis stationibus habitis, ab eis per insidias contru-
cidatur. Hac tam insigni clade suorum Muhumetes
irritatus, comparata ingenti manu suorum, ipse met
cōtra Turcas, quorum iam exercitus ex colluue tot
gentium creuerat, proficiscitur. Quibuscū non me-
liori euēntu collatis signis acriter dimicat. Nam Tur-
cæ, assueti Saracenos vincere, Muhumeto occiso, qui
equo lapsa ceruices, cū suos ad acriter prelium in-
eundum adhortaretur, fregerat, ex Saracenis facili
victoria potiuntur. Cuius admiratione Saraceni de-
fixi, illū ipsum ducē Turcarum, Trangolipicē, regem
apud se creant: qui accepta pariter cum suis religio-

Hh iij

*Origo nomi-
nis Sultani.*

ne Mahometana, vnâ cum Saracenis in vnum corpus Reip. coaluit. Trangolipix igitur à Saracenis in Perside rex factus, omnes magistratus, dignitatesq; à Persis in suos transfert, indigenisq; Persis, quorum reliquiae adhuc supererant, oppressis, inter suos ac Saracenos vniuersam Persidem diuidit. Quoq; finitimis terribilior esset, à suis nouo nomine Sultanus (quod nomē lingua Latina summum imperatorem sonat) appellatur. Qui post per manus posteritati suae regnum tradidit. Ac ne qua inter Saracenos ac suos discordia esset, omnes Turcas, à ciuitate quae in Perside diues opum fuit, appellat. Turcae, tanta potentia aucti, illos ipsos Saracenos qui in Africa potentes erant, adorti, cum eis societate ineunt, simulq; armis iunctis, Constantinopolitanis imperatoribus, reliquoq; Romano imperio, terrori, formidiniq; quod ad Germanos trāslatum fuit, fuere. Durauit potentia Sultanorū Turcarum vsq; ad bellum Scythicum, seu Tartaricum, quod Scythae Turcis illis qui Persidem obtinebant, anno Christi 1240. intulerūt. Quibus deletis, (quo etiam tempore vniuersa Polonia, viuo rege Pudico, ab eisdem Scythis magnā cladem acceperat) vix ex tam numerosa multitudine pauci eorum relictī fuere: qui infima plebe sibi ascita, nil secum praeter arcum ac pharetram gestātes, latrocinari coeperunt, nec vllō rege vsi sunt. Nihilominus nomen Sultanorum manit penes illos Saracenos qui in Africa erant: qui se antiquo nomine Saraceno quā Turcico appellare maluerunt. Turcae igitur latrocinis assueti, angustias montiū insident, ex eisq; finitimos agros, & Romani imperij vrbes crebris incurſionibus vexant. Non tamen viribus Scy-

*Turcae à Scy-
this in Per-
sida deleti,
anno Christi
1240.*

*Turcae vires
recuperant.*

Scytharum, quibus finitimi erāt, pares esse poterāt: quos illi ad finitima Graeciae pellebant: & quā infirmi contra Scythas erant, tam fortes contra Graecos existerant: adeo vt tandem etiam cum Graecis Caesaribus ad aperta bella deuenerint: quorum copijs sepe deletis, Romanas prouincias depopulabatur, ad Sangariumq; amnē vsq; populatione perueniunt. Hinc à mari Pōtico atq; à Galatia ad Lycium atq; Carium mare, & Eurymedontem fluiuium, omnia ditionis suae fecere: veterisque nominis sui memores, quod fortassis in gēte non abolitū fuit, Turcas se appellant. Quoniam verò se cōmodē sine ducibus viuere nō posse vident, sex potissimum ē numero suo legunt: inter quos omnes prouincias, quas breui temporis spatio consecuti sunt, partiuntur, eorumq; imperio se subiiciunt. Caramanū. Alisurum: cui Phrygiam mediterraneam, Philadelphiam vsq; & prope Antiochiam ad Mæandrum fluiuium sitam, (à cuius nomine post illa tota regio Caramania appellata est) concedunt. Saracōnem: cui quicquid est Smyrnam vsq; ad interiorem Ioniae oram, dant. Salanum: cui Magnesiā, Priēnem, Ephesum largiuntur. Calanum, eiusq; filium Cerasum: cui Lydiam, Aetoliam, Mysiam quae est ad Hellespōtum sita, impertiuntur. Armarij filios: quibus eas terras quae à flumine Sangario ad Paphlagoniam vsque extenduntur, frundas permittunt. Atmanum, seu Othomanum: quem omnibus regionibus quae circa Olympum sunt, praeficiunt. A quo Othomano hodierni Turcici Caesares hinc ab Christi regis ortu 1301. originem sumunt: à quo tam Italici quā Germanici scriptores historiam suam inchoant. Atque haec quidem

*Turcae inter
suos duces
imperium
partiuntur.
Caramanē
regnum.*

*Saracōnis.
Sasani.
Calani.*

*Armarij
filij.
Othomani.*

*Othomanus
regnare co-
pit an. Chri-
sti 1301.*

*Othomani
imperium
ac felicitas.*

*Orchanes
Othomano
succedit.*

*Baiazethes
à Tamberla-
ne captus,
anno Chri-
sti 1392.*

*Amura-
thes.
Mahome-
tes 2.*

origo Turcarum, eorumque regum successus mihi
verior, ut Cælius tradit, esse videtur, quam quod pri-
mo ad Othomanū referatur: siquidem illi longè an-
tè Turcicis Sultanis, quemadmodū ex superioribus
liquere puto, hinc ferè à sexcentesimo annovsunt.
Othomanus igitur præ illis reliquis, inter quos Tur-
cicum imperium diuisum fuit, longè gloriarerum
gestarum superior fuit: quibus non multò post bel-
lo illato, eidem iugum imposuit. Nec hic successus
ipsius solum cōtra Turcicos imperatores fuit, sed &
cōtra Christianos: inter quos cum discordia gliscer-
ret, Bithyniam & omnes circa Pontum prouincias,
decem annorū spatio (tandiu enim rex fuit) ditionis
suæ fecit. Filius huius Orchanes, paternæ virtutis æ-
mulus, bellum per manus acceptū strenuè est exe-
cutus: miraq; felicitate Mysiam, Lycaoniam, Phry-
giam, Cariam, subegit: armaq; sua in Hellespontum
vsque ad Euxini littora promouit. Post hunc alij qui
regnarunt, celeri cursu victoriæ, vsi mira felicitate,
tot populos vsque ad Baiazethem subegerunt: cuius
Tamberlanes, Scytharū rex, obscuro loco ortus, im-
perium adeò labefactauerat, ut eodē capto, caueretq;
incluso, eum in ludibrium per totam Asiam secum
duceret: cui si quando equus conscendendus erat,
tergo ipsius pro scabello vsus fuit. Post Amurathes
exercitū in Europam deportauit. Mahometes verò
secundus, Cōstantinopolim, toties armis Saraceno-
rum oppugnatam, (quæ olim Byzantium dicta fuit)
occupato regnō Trapezuntis, nomineq; Cælaris oc-
cidentalis assumpto, Græciam omnem, Thraciam &
Mysiam, seu Valachiam, cū Illyrici parte, & ad Istrum
latè omnia per Pontum occupauit. Tam insolenter
Mahometes

Mahometes ac crudeliter, capta Constantinopoli, *Constantino-
polim cepit,
anno Christi
1453.*
victoriam exercuit, ut omnibus Christianis gladio
dissectis, Constantinum eius vrbis Cæsarem inter-
fecerit, eiusque caput ludibrij causa pilo affixum in
castris circumferri iusserit. Post sauitia sua in nobili-
tatem conuersa, omnes inter cōiuiua per ludibrium
contrucidauit. Magna iam tum potentia, post impe-
rium occidentis à Turcis occupatum, Cæsarum Tur-
carum fuit: quam duo potentissimi reges non me-
diocriter infringebant: quorum alter Asimbauts,
quem Vsancaflanum, quasi heroam magnum, Persæ
appellabant, fuit: qui in Parthia & Perside regna-
bat: cuius regnum ibidem initium à Mutare sum-
sit: quem Iozedus, filius Muabiaz, qui post Mahome-
tem Saracenis præfuit, præfecit. Sed Mutaris regnū
in Perside apud Saracenos propemodū extinctum
fuit: quod post longam seriem annorum à quodam
Sopho, qui in Perside Ardenolim oppidum tenuit,
ab anno Christi 1480. qui Mahometanæ religionis
erat, renouatum fuit. De Sophi pietate ac sanctitate,
tanta opinio apud vulgum fuit, ut magno numero
mortalium ad se perttracto, ab eo tēpore in Perside
reges qui Sophini appellantur, regnent. Ibiq; stirps
Saracenicæ, quæ à Turcis extincta erat, renouata fuit:
acerrimaq; bella vsq; hætenus cū Turcicis impera-
toribus gerunt: quorum vires non mediocriter, si
quando bella eis hic in Europa cum Christianis ge-
renda sint, distinentur. Alter, Sultanus in Ægypto:
quorum Sultanorum nomen ab illis Turcarū regi-
bus, qui idē nomē à primo rege Trangolipice sum-
pserunt, desumptum est. Obtinebant nōnulo tem-
pore Ægyptum Hierosolymitani reges: quæ eis

*Duo reges
potentiam
Turcarum
infringunt.
Asimbauts
Turcarum
hostis.
Initium re-
gni Asimbai.*

*Sophi origo.
Sophianorū
regnum in
Perside, an-
no Christi
1480.*

*Secundus rex
Sultanus
Turcarum
hostis.*

Saladinus
regnum A-
gypti oc-
cupauit, anno
Christi
1105.

Stirps Sala-
dini in A-
gypto extin-
cta, anno
Christi
1400.

Regnum So-
phianorum.
Sultanorum.
Turcarum
Caesarum.

à Saladino hinc ab anno Christi 1105. qui stirpis Turcicę fuit, erepta erat. Qui, incolarum molliem pertasus, Calyfaq; (fuit id nomen pontificis summi apud Saracenos) vnā cū vniuersa stirpe deletō, siue à nepote ipsius, nouum genus militiæ ibidem instituit. Nam cūm populos, qui magis ad septentrionē vergunt, australibus ad belli vsum aptiores esse videret, subito cum populis quibusdam circa Meotim & Pontum sedes habentibus, qui à veteribus Zigī, à nostris Circassi appellatur, fœdus iniit: à quibus emptis pueris, adolescentulis, eos in Ægyptum perducit: quos ab ineunte ætate in militari disciplina erudit: armorumq; vsum edocti, ad eō hic in Ægypto ordo creuit, vt penes eos solos armorū vsum, ac belli potestas, omniumq; dignitatum, fuerit: qui Mamaluchi, id est, serui, sunt appellari. Post, Saladini stirpe in Ægypto, anno à nato Iesu Christo 1400. extincta, ad eos Mamaluchos regnum Ægypti trāslatum est: qui è numero suo rege creato, terribiles ac formidolosi Turcicis imperatoribus fuere. Atque eo tempore in oriente tria regna solū potentissima, certis limitibus terminata fuere: Sophianorum, qui in Perside, Media, Mesopotamia atq; Assyria regnabant: Sultanorum Ægypti, qui à Cyrenæis Africa, per oram maritimam Ilicum sinum, qui Ciliciam à Syria disiungit, & introrsus hinc ad Euphratem & desertæ Arabiæ terminos, illinc aduerso vsq; ad arenarum solitudines, læua, dextraq; per Arabicum sinum ad Erythræas angustias extendebatur. Turcarum Caesarum, quicquid Euphrate, & Amanō monte, Cilicioq; mari ac Euxino continetur, erat: hisce adde Græciam omnem, Thraciam & Mysiam, quæ

quę Valachia vocatur, cum Illyrici parte, & ad Istrum latē omnia per Pontum, vsq; ad Theodosiam, Thracię Chersonnesi emporium. Siq; ea concordia Christianorū regum fuisset, vt omnibus ex partibus Turcas aggressi essent, facile eos non solū è Græcia, sed & ex Asia vltra Caucasum montem, vnde primò egressi fuerant, pellere potuissent: cūm & Scanderbechus, Epirotarum regulus, cōtra eos feliciter beligerabat: quorum tum supra trecenta millia ad internecionem dedit, ipseq; Amurathes sub mœnibus Croiæ Turcarum imperator expirare coactus fuit. Sed illi successus Scanderbechi contra Mahometem non profuerunt. Post cuius mortem, ab eo capta Epiro, exercituq; Persarum regum deletō, Turcicę vires à Sultanis Ægyptiacis haud sustineri poterant. Nam Selymus, Batazethis filius, gloriæ & imperij audidus, bello Campsoni Sultano Ægypti illato, eum interemit. Post cuius interitum Tomumbeium à Mamaluchis constitutum, non solū regno, sed & vita, omnibus Mamaluchis deletis, spoliavit. Hinc ferro in promiscuam multitudinem conuerso, vniuersum nomen Sultanorum funditus sustulit, vniuersa Ægypto potitus, illaq; parte Mesopotamiæ in qua Hierosolyma fuit, quæ tum deserta, incultaq; erat, nec à Iudeis, veteribus incolis, qui tum toto orbe extorres, in admissi sceleris pœnā, nec sedem, nec patriā habebant, habitabatur. Huius filius Solymannus, memor virtutis paternę, Rhodum imperio suo memoria patrum adiunxit: Vngarięque bello illato, cūm antè Vladislaus, patruus Sigismundi, qui tum & rex Vngariæ & Poloniæ fuit, ab Amurathe, omni exercitu ipsius profligato, interemptus

Scanderbegus

Selymi bel-
lum contra
Campsonem.

Successus So-
lymanni.

Selym imperium.

fuerit, cum Ludouico, nepote Sigismundi primi, regis Poloniae, collatis signis, fortiter dimicauit: in qua pugna tristi, Ludonicus, omnium eū acerbo desiderio, interijt, suiq; in animis omniū triste desiderium reliquit. Hinc per speciem fetendi opem Isabella, ac Ioanni filiolo, in cunis vagienti, cōtra Ferdinandum tum regem Vngariae, Budam cum adiacētibus locis occupauit, Selymoq; filio amplum ac florens imperium, Caroli Caesaris in Africa sapius classe in alto, Venetorumque depressa, reliquit. Qui Venetis crepta Cipro, supremā cladem Iuoniae, perfidia Czarnieuiacij adiutus, attulit. Vnde quiuis facillē iudicare potest, impiam Turcicam gentem, à tenui principio ortam, ad tantam amplitudinem imperij nulla alia re, solū per scelus ac per fraudem, Christianorum discordia subnixam, occupato regno Aegypti, omnibusq; prouincijs quae Sultanorum erant, peruenisse: quod Alexandri Magni, Romanorumq; potentiae comparari potest, ne dicam anteferri. Quod nō tam facillē vnusq; viribus infringi potest, solū consensu omnium Christianorum: qui in tanta eorum discordia nunquā opinor, futurus est: imō inter eos magis discordiam gliscere videmus, quae eos ad civile ferrum, domesticumq; sanguinem effundendum adducit. Sed nos cēptam historiam cōtinuemus, ad Iuoniamq; vnde digressi sumus, reuertamur.

Redit ad historiam.

Oratio Iuonia ad Czarnieuiacij.

Iuonia post tot ex Turcis partas victorias, ad se Ieremiam Czarnieuiacium Barcabalum, praefectum arcis Chocimensis (eo enim nomine praefecti arcium lingua Valachica appellantur) accersit, sicq; verba fecisse in cōspectu omniū dicitur: Cum optatis nostris fortuna, Czarnieuieci, successibusq; quibus contra Turcas

Turcas, crudelissimos hostes, hactenus vsi sumus, respondeat: est quod gratis animis id prosequamur, ipsiq; Deo Opt. Max. perpetuas ac sempiternas gratias & agamus, & habeamus, quod res nostras contra hosce teterrimos hostes secundat, nobisq; ex eis tot, tantarumq; victoriarum author est. Nunc quid aliud restat, nisi vt exercitum tot laboribus fatigatū domum remittam, proficisci que patiar, vt, cum ad nostras aures de aduentu Turcarum peruenit, illico ad primum signum, quod classico dabitur, recreati adsint. Tu verò, cuius fides erga me constans fuit, hunc exercitum à me (erant autem Valachorū tredecim millia, armis, virisque instructi, qui cuiq; validissimo hosti opponi poterant) cape: quocum ad Danubij ripam proficiscere, transituque, si eum Turcae tentare velint, arce. Est ibi in proximo ex altera parte super Danubium, oppidum Oblacienſe, Turcarum ditionis: in quod tu intentus eris, (ne alibi vado Turcae reperto, Danubium traiciant) meq; de eorum aduentu quamprimum certiores facies. Postquam haec Iuonia dixit, multis tum haec verba lacrymas excusserunt. Demum osculo Czarnieuiacium excipit, vt eum maiore obsequio sibi deuinciret, obsequetioresq; redderet. Ille poplite flexo, fidem, operamq; ei suam pollicetur. Iuonia cōmissō exercitu Czarnieuiacio, alijs nonnullo temporis spatio vacationem militiae concedit, eosque domos reuocare iubet, vt refectis corporibus labore fatigatis, & obsonijs acceptis, quamprimum signum daretur, omnes equis, armisq; instructi, ad persequendum hostem conuenirent. Czarnieuiacius, accepto exercitu, ita vt iussus erat, Danubium versus profi-

Omnium lacryma praenuntia fraudis Czarnieuiacij.

*Bassæ Czarnie-
niecius
ad defectio-
nem solliciti-
sant.*

*Colloquium
Petri cum
Czarnie-
niecio.*

ciscitur, stationes intentissimè agit, ne quis Turcarum Danubiū traiciat. Adfuit eorum infinitus numerus, qui non ausi Danubium tranare erant. Quo viso, Bassæ certos internuntios ad Czarnieciem mittunt: eisque triginta millia nummū aureū Ungaricorum dant, ut quoquo modo animo Czarnieci tentato, ad ipsos colloquendi gratia occultus veniat. Ille, magnitudine pecuniæ illectus, fidem dat se venturum, pecuniāq; missam accipit. Hinc occultè, suis inscijs, in colloquium cum Petro Palatiniade Valachiæ Transalpinæ, qui trans Danubium cum magnis Turcarum cōpijs erat, venit. Coram quo Petrus, in quo & quanto periculo luoniæ res constitutæ sint, commemorat. Ostendit quā in eum Selymus animo offenso, exacerbatoque sit, quod ipsius tributarij tantos exercitus deleuerit: eum Selymo aliter nō posse satisfacere, solum pœna capitis: nec amplius dominatum Valachiæ obtinere posse: se certo certius genti illi imperaturum. Proinde (inquit) si sapijs, cū adhuc integre res sunt, animum Selymi nouo ac recenti aliquo beneficio tibi cōcilia. Omne bellū sumi facilè, ceterū agerimè desinere: non in eiusdem potestate initium eius ac finem esse: incipere cuius, etiam ignauo, licere: non deponi nisi cū victores velint. Habere illum magnam opportunitatem & copiam societatis, atq; amicitia secum coniungendæ, quæ bello potior sit. Et quamuis luoniæ opibus confideret, tamen nō debere incerta pro certis ponere. Nunc accepisti triginta millia nummū aureū: post plura accipies. Proinde si tibi consulere vis, ne florentes res tuas cum luoniæ perdis misceas: verū liberè Turcas

Turcas omnes per Danubium transire permittas. Se enim cum ingenti exercitu ad occupandam Valachiam à Selymo, capiendumq; luoniam mitti. Vbi, cōsecuto Palatinatu Valachiæ, tu quæq; summa adepturus vñ cum tuis es. Opus igitur esse ut aduētum Turcarum coram luonia tantisper occultet, & à Danubio abscedat, dum per ipsum vniuerso exercitu traiecto post luoniam facile capere, ipsiusq; vniuersum exercitū opprimere, cladesq; acceptas superiores vna hora vlcisci possint. Histot, talibusq; precibus & blanditijs, lacrymas addit, oratq; Czarnieciem, ut quamprimum agmine suorum à Danubio remoto, tuto cum Turcis flumen vorticofum transire possit. Czarniecius, Petri promissis inescatus ac infatuatus, accipit conditionem, quamq; iurando fidem confirmatā luoniæ dederat, eam frangit. Hinc ab ea parte Danubij vbi stationes diligenter suorum agebat, agmine seducto, liberum per flumen transitum Turcis permittit. Erant Turcarum tum ducenta millia, qui cum tormentis muralibus, omniq; apparatu oppugnandarum arcium, Danubium tranauere. Transmisso Danubio, iubent ut Czarniecius luoniam ea de re certiore faciat. Hic celeriter ad luoniā veniens, narrat qua ratione Turcæ multitudine suorū subnixi, Danubium transierint, quib. ille nulla ratione obistere potuerit: quare luonia bene rebus suis consuleret, si quāprimum cum exercitu adesset, eorūq; conatibus primis obuiam irer, suasq; infirmas copias iuaret. Non sine læticia hæc luonia audiuit. Quare plenus bonæ spei, Czarnieciem quis & quantus hostium numerus sit, percūctatur. Sunt (inquit) decē: nec amplius duo-

*Lacryma
Petri.*

Dolus Czarnieci.

decim millia. Sed antequam tu cum copijs aderis, in horas numerus eorum augebitur, & ad quindecim millia excreſcet. Erat Iuonia vnà cum ſuis Koſacis ad arcem Teiniceſem, quam expugnare voluit. Demum conuocato ſenatu, qui tū eogi potuit, omnes, quid ſibi faciendum eſſet, conſulit, an arcem prius expugnare deberet, vel hoſti tot cruentis pralijs irritato occurrere, eiſq; copias in fugam conuvertere. Ibi omnium vna ac eadem ſententia erat, vt prius hoſtilem exercitum diſpaleret, deleterq;: quo deletō, poſt arces expugnet. Quorum conſilium ille ſecutus, habita peditum ratione, quarta demum die, ad caſtra hoſtium, quæ à ſuis duodecim milliaribus aberant, cum cantu cornicinum, tubicinumq; peruenit. Nona die Iunij, eiſdem anni, caſtra ab hoſte ad tertium lapidem Iuonia ponit: ibi velites ſimul conueniunt, de ſumma rei conſultaturi. Se quidem paratis animis contra acerrimum hoſtem, tot pralijs irritatum, proſciſci: verum ſe neminem habere qui linguæ hoſtium gnarus eſſet, Iuoniam neſcio quo cōſilio fretum, totam rationem belli certis hominibus credidiſſe, in primis verò Czarnieuićio, cui nos omnino fidere nolimus. Quare in tā rebus noſtris dubijs ac plenjs periculi, vt ipſi met cum Iuonia colloquamur, neceſſe eſt. Igitur ad eum citato grefſu veniunt, factaq; poteſtate dicēdi, ſic Suierceuius pro omnib. verba feciſſe dicitur illuſtris Palatine, nos hætenus fidem tuam ſecuti, tecum contra hunc crudeliſſimum hoſtem, ſocia arma iunximus: in quibus ferendis quæ & quāta opera noſtra exitit, optimè noſti. Huc iterū à te contra eū edućti, ad internecionē cū eo dimicare parati ſumus: nec illi iter

*Conſultatio
Koſacorum.*

in Valachiam patet, ſolū per ſtragem cadauerum noſtrū: ſolū nobis neceſſariō providendum ac cogitandum eſt, ne temere in praliū ruētes, nullo conſilio hoſtium cognito, quantus eorum numerus ſit, quīs caſtrorum tractus, in inſidias præcipitati, ab eis inſtar belluarum maćtemur. Quare quod tibi conſilium belligerandi cum eis ſit, eſſare, proloquereq; Iuonia oratione Suierceuij commotus, alta ſuſpiria ex intimis præcordijs ducens, paucis ac breuibus reſpondet. Et virtus mihi veſtra, equites fortiſſimi, vita mea mihi cariores, nota, perſpecta que eſt, (cuius ſpectator fui) & totius belli omnia conſilia nota. Non igitur obiectos vos temere cadi hoſtium velim, ſed conſilij eorum prius exploratis, nos cum eis dimicare velim. In proximo Czarnieuićius cum exercitu meo eſt: qui in hoſtem intentus, omnia conſilia eorum cognita habet. Nec ego tantam rem cuius commiſi, ſed huic, cuius mihi fides ſemper in dubijs ac difficillimis rebus perſpecta eſt: quem comitem tot peregrinationum mearum, propemodumque exilij habui. Ipſemet modò ad me retulit, Turcarum non eſſe ampliùs quàm quindecim millia. Qui etiā ſi triginta eſſent, eos nos diuino auxilio freti ad ſatietatem cademus. Hæc vbi reſpondit, vt in eo loco ſeſe cum vniuerſo exercitu contineret, Iuoniam Suierceuius orat: ſe cum ſuis aduerſum hoſtem proſecturum, vt aliquē ex caſtris ipſorum capere poſſit, certioraq; de conſilio hoſtiū explorare, cognoscereq;. Iuonia prompto, alacrique animo concedit: cui Veremiam cum ſex millibus Valachorum, magiſtrum equitum adiungit. Qui ſimul proſecti, in ſpeculatores Turki-

*Reſponſum
Iuonia.*

*Iuonia
Suierceuij
contra ho-
ſtes noſtros.*

cos, quorum agmen sex milliū fortissimorum equitum erat, incidunt. Subito cum eis praelio inito, eos pallant, in fugamque conuertunt: ē quorum numero unum capiunt: qui tot, tantisque vulneribus affectus, cum sese subito moriturum praesentit, simulatē narrat paucos Turcas esse in armis. Sed velites, ficta eum narrare animaduertentes, nec contemnendum numerum esse hostium conijcientes, qui in tantam multitudinem speculatorum incidunt: subito de hisce Iuonia certiores faciunt, ut rebus suis consulat, quidque fidendum Czarnieuiocio sit, etiam atque etiam cogitet, videaturque. Qui nil aliud respondisse dicitur, solum illud: iam non est ut perturbemur, aut horrescamus. Ego scio cui fidam: breui numerum hostium ipsi cognoscemus. Ego enim eo animo huc processi, ut patriam meam contra hanc crudelitatem hostium, ad vltimum exitum vitae tuear, defendamque. Atque ita communis castris suorum ad lacum qui ex Danubio profluit, ut opportunam aquationē haberet, iubet equos trecentos adducere, ut velites eis cum Valachis conscensis, qui superiore nocte Turcas pallauerant, omnes simul contra hostem proficiscantur. Erat prope hostium castra collis arduus ac sublimis: quo conscenso cum socijs, Iuonia hostiū castra contemplari voluit. Sed ea nulla ratione conspici potuit, eo quod in decliui loco posita erant, nec a quoquam ē longinquo loco conspici, nisi quis ad ea propē accederet, poterant: solum in diuersis locis quatuor inter se disiunctis, speculatores hostium animaduertit: qui, conspectum Valachorum declinantes, sese in quendam tumultum per diuersos tramites, qui non procul

Iuonia respondit.

Profectio Iuonia contra hostem.

Iuonia hostium castra contemplatur.

cul a suorum castris erant, abdunt. Iuonia, propē hostem adesse suspicatus, totum exercitum suum, (erat autem triginta milliū) quoniā multitudine abundabat, in triginta turmas, per interualla disponit. Ante singulas turmas tormenta muralia mirae magnitudinis collocat. Erant autem octoginta, quae ex sese globos igniferos euomebant. Pedites similiratione ab equitibus semoros, quorum magnus numerus erat, disponit: qui Iuoniam apud se retentum, ad equites haud patiuntur progredi, non mediocriter de vita ipsius, ne a primoribus deceptus, viuis in potestatem Turcarum veniret, pertimescentes: solum ad Kosacos Polonos eum interdum eum commeare patiuntur. Nam pedites, gens rustica, singulari fide ac animo in Iuoniam fuere: quorum arma, falces, arcus, gladij reflexi, Turcicorum similes, ac fustes erant. Instructa acie, firmissimisq; subsidijs firmata, Iuonia, antequam signa canerentur, iterum collem arduum, ut ex proximo loco castra hostium contemplaretur, conscendit: quorum multitudine praeter spem ac opinionē visa, cognoscit, se esse a Czarnieuiocio in fraudem inductum: quare eum ad se accire iubet, qui respondet: sibi iam facultatem ad ipsum veniendi non dari, se statim cum Turcis certamen pro incolumitate ipsius initurum. Habuit autem Czarnieuiocius fortissimorum equitum, quibus praefuit, tredecim millia, optimè armis instructa. Cum igitur signa canerentur, Turcaeque acie suorum optimè disposita, praelio sese expedirēt, ibi proditor Czarnieuiocius, primus praelium init. Cumque illi dimicandum, congregiendumque cum hoste esset, uti cum Turcis constitue-

Stratagemata Iuonia.

Peditum singularis in Iuoniam fides.

Iuonia fraudem Czarnieuiocij cognoscit.

11
11
Luonia pugna cum Turcis.
 rat, iubet suos vexillum demittere, & pileos hastis ensisibusque impositos, eleuare, ac capita flectere. Ibi Turcæ, animaduersa voluntaria deditione, in sublimē hastis suis erectis, eos ad se trāsire iubēt. Hac tali defectione Czarnieuiacij, exercitus luoniæ cōsternatus, omnes retrocedentes, properē ad luoniam accurrunt: rem esse perditam narrant. Quorum ille vocibus minimē consternatus, (vt erat in rebus dubijs, subitisque intrepido animo) eos id pro nihilo ducere, ac contra Turcas sese expedire iubet. Sed Turcæ, postquam turmas Valachicas trepidare vident, agema suorum contra eos mouent: ante se illos ipsos Valachos propellunt, ac tergiuersantes cadunt. Quibus luonia visis, ira percitus, in eos vim tormentorum exonerare iubet. Sic illi partim a suis, partim a Turcis in medio cæsi fuere. Turcæ verò proditorum terga secuti, eisque tecti, per stragem cadauerum ad exercitum luoniæ, sanguine eis iter, qui instar riuī ex cæsis Valachis fluebat, intercludente, peruenēre. Quos Kosaci, more solito, à lateribus aggressi dissipant, non mediocriterque turbant. Ad sunt alij Valachi, animo, armis, vigore, ac viribus corporis, Turcis longē superiores: qui sibi aditu patefacto, Turcas egregiē cedunt. Hinc clamor permissus hortatione, læticia, gemitu oritur: item strepitus armorum ad cælum ferri, sagittæ vtrinque volare cœperunt. Non sustinuēre vim Valachicam Turcæ: subitō terga, seu timore perculsi, seu data opera, dant: ac quingentos passus, vt Valachos ad locum insidiarum pertraherent, vbi vim tormentorū in abditiis locis condiderant, retrocedunt. Sensit eum dolum Suierceuius hostium. Quare sublato clamore,

monet

monet turmas tam Polonicas quàm Valachicas, vt pedem referant. His illi adhortationibus concitati, imminente se periculo manu armata subtrahunt. In hos Turcæ recentes impetum faciunt: sed Valachi eos egregiē sustinent, nullaque memorabili clade accepta, ad castra suorum incolumes reuertuntur. Luonia ex suorum successu lætus, tam Valachorum quàm Polonorum, iuxta tormēta aciem disponit: vbi singuli impletis pharetris pluribus sagittis, lanceis alijs acceptis, intenti in hostem erant. Turcæ recentibus viribus feroces facti, subitō in Valachos irruunt. Quibuscum fortiter congressi, nullius imminentis periculi ratione habita, displosis tormentis in Valachos, eorum aciem non mediocriter turbant. Quorum conatibus Valachi obuiam euntes, fit atrox pugna, eademque propemodum par. Cadebant præcipites tam Turcæ quàm Valachi ex equis: iam vires viris, iam ferro sua vis deerat. Tantus puluis è tormentis, è quibus crebri, violentiq; globi emittebantur, excitatus fuit, vt ip̄us densitas solem obscurauerit: nec vlla vox hominum in tanta multitudine exaudiri potuit, nec quisquam à quoquam videri: nec magistri tormentorum, in quam partem eis globi mittendi essent, scire. Nec in tam aspero negotio luonia territus, suisque succurrendum ratus, sublata voce proclamat, vt retro post tormenta cedant, vexillaque sequantur. Turcæ quoque retro cessere. Oppidani Oblacienses, tantam atrocitatem pugnae ex oppido spectantes, cernentesque copias Turcarum à Valachis prægrauari, fugam parant. Est id oppidum trans Danubium, ditionis Turcarum: ex quo effusa multitudo, in remota Turciæ fugit.

Pugna Valachorum cum Turcis.

Serat agema luonia.

Luonia sua renocat.

Vicimbris. Postquam quasi ex composito, ab utraque parte ab armis discessum fuit, repente ingentibus procellis fusus imber: quo vniuersa agmina tam Valachorum quam Turcarum perfusa fuere: illeque totus puluis, ingenti boatu tormentorum, & pedibus dimicantium excitatus, in terram delapsus, discussus fuit: sed maximo detrimento Valachica tormenta affecit, quæ eis magno adiumento contra omnem vim Turcicam fuere. Nam ea celesti aqua perfusa, globos emittere nequibant. Hodiernorum tam muralium, tam eorum quibus, tam equites quam pedites vtuntur, apud veteres nullus usus fuit. Non ita pridem hæc sunt, circiter annum millesimum, trecentessimum, supra septuagesimum sextum, inuenta. Quæ accepta primò Veneti à Germanis, hisce in eo bello vsi sunt, quod contra Genuenses ad Clodiam fossam gessere. Primi tormenti inuentor fuit quidam Germanus, cuius nomen à scriptoribus non proditur: cui casu in mentem venit tale quid in perniciem hominum inuenire. Fertur enim seruasse domi in mortario puluerem sulphureum, cuiusdam medicinæ causâ faciendæ, illumque texisse lapide: ac inde contigisse, vt cum ignem propè ex silice excuteret, scintilla nitro inciderit, subitoque flamma concepta, eadem eruperit, atque lapidem in altum tulerit. Quam ille rem penitus considerans, postea ferrea facta fistula, & puluere confecto, machinam reperit: in quam immisso prius puluere, demum globo igne admoto, ex eo sonitum terribilem, eundemque violentum edidit. Huius usus est apud omnes gentes: formæ sunt variae, ad expugnandasque vrbes aptissimæ, vt in eis

*Tormento-
rū vsus ca-
pit an. Chri-
sti 1378.
Germanus
inuentor pri-
mi tormen-
ti.*

*Quid sit
Bartolomeus
Sesmarus Pro-
fessus Noua,
et alii*

*Bombarda-
rū Scilicet.*

omnis vis peditum, omnis equestis splendor, omnis denique bellica virtus constet. Cum violentia pulueris globus excutitur, quicquid obuiū offendit, quasi, dissipat, frangit, contundit: adeo vt nullus locus sit, quamuis natura munitus, qui non faciliè expugnetur. Is igitur machinæ huiusmodi repertor, pro mercede (vt opinor) accepit vt nomen eius silentio perpetuo premeretur, ne omni tempore à cunctis mortalibus diris deuoueretur: dignus scilicet qui prior ipse vice Salmonei, fulmine flagrasset: (Salmoneus enim, Æoli filius, cum Iouem vellet in fulminibus iaciendis æmulari, ab eo de cælo tactus, detruditur) quando hæc fulmini, odore, luce, sonitu, impetu simillima est. Sed nos ad institutam historiam reuertamur. Irritatis tam Valachicis quam Turcicis animis certamine, etiā acrius concursum est. Nam Turcæ, eductis suorum viginti millibus in aciem, in læuam partē, vbi tormenta Valachica disposita erant, profiliunt. Ibi Valachi in eos tormenta dispendere nequeunt. Nam iam à cælesti aqua corrupta fuerant. Nihilominus mutuo sese cohortantes, in Turcas magnum impetum faciunt, cum eisq; ad vltimam defatigationē dimicant. Subito adsunt Scythæ, cum recentibus copijs Turcarū: qui, cum sese nullo à tormentis detrimento affici vident, ex inferiore loco per diuersos tramites in quibus latitabant, egrediuntur. Ibi dissōno clamore perterrefaciunt Valachos, & à tormentis remouent, in fugamq; conuertunt: qui per Valachicos patentes capos dispalati, instar pecudum à Turcis caduntur. Nec iam plures ad hoc vsq; tempus, quam ducenti quinquaginta velites, seu Kosaci, supererant. Sic mutata fortuna belli, vnus per-

*Nota de Sal-
mone.*

*Redit ad his-
toriam.*

*Pugna Va-
lachorum
cum Turcis.*

*Victoria
Turcarum.*

Verba Iuonia ad Polonos.

Refaci sese cum pedestribus coniungunt.

Iuonia retrocedit.

dia Czarnieuiacij: quæ non multo post supremam cladem Iuonia attulit. Nam Iuonia accurrens, ad reliquum peditatum, & illos ducentos quinquaginta velites (quos Turcæ fatigati cade Valachorum, aggredi non ausi erant) conuersa oratione sic dixisse fertur: Video, fortissimi viri, nos vnus Czarnieuiacij perfidia in extremum periculum adductos esse: sed ubicunque corpora vestra ferro hostili interfecta iacuerint, ibi & meum inter vestra erit: animæ calum petat. Ad quem ita Suierceuius: Hæc præsens mors, Iuonia, vti fortes viros decet, nos minime mouet, modò summa vi innixi, hosce canes, hostes nominari Christiano insensibilissimos, ad satietatem, antequam nobis intereundum erit, cadamus. Hæc effatus, subito velites ex equis descendunt, seseque cum peditibus coniungunt: quibuscum simul conglobati, sexaginta tormenta muralia Turcis subtraxerunt. ¶ solus Iuonia vno arrepto, quod vix duodecim equi trahere poterant (tantæ vires illi fuere) illud trahit. Quo Poloni viso, illud ipsi ademere, leuiori dato. Hinc compositis pedestribus copijs, quorum adhuc erant viginti millia, Iuonia retrocedit. Quoniam vero tormenta eis maximo impedimento erant, ea abijciunt: sed ita vt Turcis post nulli vsui fuerint. Nam maxima vi pulueris in ea imposita, cum ea Turcæ disploderent, omnia disrupta fuere. Interea Iuonia, qui iam & animo & corpore deficiebat, cum omnibus pedestribus copijs, & nonnullis tormentis, vestigia caesi exercitus sequitur: nec plus vna die, ob ingentem stragem cumulumque cadauerum, quæ passim caesa in vijs inssepulta iacebant, mille passus progredi poterant. Qui cum vniuerso peditatu in locum

cum

cum ubi ante villa incensa fuerat, quædamque recentia rudera extabant, cum venisset, castra sua ibi communit, eaque fossa, ne subito à Turcis occupati possint, cingit. Ea in parte (sed fatis obistere difficile erat) consilium Iuoniæ dignum reprehensione fuit, quòd ibi suos vallo cinxisset, ubi nulla commodæ quatio fuit. Nam siti homines enecti moriebantur, seseque Turcis non multo post dedidere. Sole iam occidente, eadem die decima mensis Iunii, Turcæ à fuga Valachorum, quos persequiebantur, reuersi, subito castra Iuoniæ circumdant, atque coarctant: quorum tanta multitudo fuisse dicitur, vt oculis terminari nequirit. Quibus circumdatis, neminem ex exercitu Iuoniæ egredi patiuntur: utque spem omnem ei commeatus præciderent, villas castris Iuoniæ proximæ, in quibus ampla prædia erant, tota nocte incendio graui consumunt: idque ideo, ne quis obsessorum effugeret: neve extra vallum obscura nocte egressi, ipsos inuaderent. Appropinquante luce, (quæ fuit vndecima Iunii) Turcæ in castra Iuoniæ multitudinem globorum è machinis muralibus emittunt: sed illa nullo detrimento affecta fuere, eò quòd alto aggere obuallata erant, vnde sese Valachi, pariter cum Polonis, contra Turcas egregiè defendebant, in eisque ingentem stragem toto triduo faciebant. Turcæ, difficilem expugnationem castrorum Iuoniæ animo cernentes, per internuntios cum eo colloquia serunt, vt ille omni cunctatione omissa sese dedat: spem ei maiorem debere esse in misericordia Turcarum, quam in suis vllis viribus: præsertim cum omni ope, auxilioque destitutus, post se dedere cogatur. Quare spontanea hac deditione præoccu-

Iuonia castra mansit.

¶ Iunij dies extremæ Iuonia fuit.

Turcæ castra Iuonia insistant.

Colloquia Turcarum cum Iuonia.

*Iuonia re-
sponsum.*

paret animos ipsorum, nec in tam anceps periculū
& suas copias, & Turcicas inijceret. Ad ea sic respon-
det Iuonia: Video ac animo cerno, in quam aduer-
sam necessitatem adductus sim: sed, cum penes me
firmissimas copias pedestres habeam, possum certe
non sine vestra clade cadere. Quare, cum fortuna
hoc tempore cedendum, ac necessitati arbitret, nō
renuo deditionem: solum ductores vestri me a vo-
bis conseruatū iri, ac quascunq; vobis cōditiones
proposuero, vos eas integras conseruaturos iurent:
¶ nec id semel, sed quiniis septies. Hisce dictis, inter-
nuntios extra munimenta castrorum excedere iu-
bet: quibus se quamprimum responsum daturū pol-
licetur. Hisce ita compositis, omnes ad se Polonos,
pariterq; Valachos conuocat, ad quos sic verba fe-
cisse memoratur: Hodierna dies hæc tristis ac mise-
ra à nobis, fortissimi viri, aut deditionem extorquet,
aut hic inter hæc septa enectos mori iuber. Quare
vtrum consultius rebus nostris sit, an sese huic truci
hosti dedere, vel poris castrorū patefactis in indu-
bitatam mortem ruere, ac non sine cede hostiū glo-
riose cadere, in medium consulite. Mors certe sola
finem omnium malorum afferet, quæ corpus à cru-
ciatu, oculos ab indignis rebus auertet, nosq; diuino
conspectu frui efficiet. Plura loqui volentem ac cu-
pientem vis lacrymarū orta præpediuit. Ad quæ sic
Poloni: Mors nobis, Iuonia, nunquā acerbæ ac atrox,
& est, & erit. Quare, si ita animo destinasti, hunc
crudelem hostem inuadamus, potiusq; gloriose ca-
damus, quàm ab ea capti, per ludibrium, per dede-
cus, per varios cruciatus, non sine cōtumelia vitam
finiamus, præsertim cum nulli Christianorum fi-
dem

*Polonorum
responsum.*

*Valachorū
responsum.*

dem datam conseruet. At contrā Valachi, quorum
tantus animus in mortem non fuit. Deditionem
quidem nō ab se abnuere, si pro certo Iuonia sciret,
Turcisq; fidere, quod ipsum incolumem conserua-
turi essent, posset. Si de fide eorum dubitaret, se cum
Polonis ad vltimam internotionem, fidei semel ipsi
data memores, cōtra Turcas malle dimicare, quàm
per fraudem illorum omnibus esset pereundum.
Iuonia huc illuc animo fluctuans, quid sibi facien-
dum esset, animi dubius, in diuersum curis traheba-
tur. Mouebatur indigna calamitate suorū, eò quod
multi siti enecti, in dies magis atque magis morie-
bantur, ac breui post omnibus pereundum erat: se-
rò culpans consilium suum, quod in tam iniquo lo-
co castra posuisset. Quare summo cum gemitu, &
lacrymis sanguinolentis ita exclamat: Malo me ho-
sti dedere, quodque aduersa fors attulerit, pati,
quàm vt mea causa tot millia hominum siti per-
eant. Percunctabor nihilominus legatos ad me mis-
sos, an in hæc conditiones quas eis proposuero, iu-
rare velint: Si iurauerint, tum me eis dedam. Quare
legatos Turcarum, qui extra munimenta castrorum
responsum expectabant, acciri iubet, eosq; ita affa-
tur: Ite, vestrisque imperatoribus hæc nunciate.
Quamuis firmissimas copias, quas ipsi cernitis, ha-
beam: quorum fideli subsidio subnixus, hæce ve-
stras vires sustinere possim: tamen necessitati hoc
tempore cedendum arbitror: Quare si omnes im-
peratores & præfecti vestri, singuli septies, in has cō-
ditiones mihi iurabūt, tum primum me dedam. Pri-
mò, vt vniuersum equitatum Polonicum, singulari
fide ac virtute præditū, vnā cum suis equis ac impe-

*Iuonia lega-
ta lustrat.*

*Iuonia lega-
ta respo-*

Prima cō-

Secunda.

Tertia.

Oratio Iuonia ad purpuratos.

Nonissima oratio ad Polonos.

dimementis, à quavis gente magnificandum, qui ad postulata mea venere, sine vlllo impedimēto saluum reuerti patiantur, liberumque eis trāsītum per Nestrum flumen dent. Secundò, vt me ad Selymum, Turcarum imperatorem, dominum meum, viuum ac incolumē deducant. De Valachis nihil dico: quos æquum est, cūm Cæsaris deditiij sint, conseruare: quos si vos violaueritis, vel trucidaueritis, ingēs detrimentum Cæsari, vel ei quem ille pōst Valachia præficiet, estis allaturi. Hæc legati vbi purpuratis, & arcium præfectis exposuissent, omnes pedibus in conditiones eas eunt: septiesq; singuli omnia postulata iuramento militari, etiam suorum militum nomine, confirmant. Tandem ipsemet ad purpuratos Turcarum, omni metu deposito, impendentisq; periculi nescius, è castris egreditur, coramq; sic pro equitatu Polonico verba facit: Cūm ita Deo Opt. Max. visum sit, vt potestatis vestrae factus sim: vos ego per fidem vestram, quam mihi sacramento militari sanxistis, oro ac obtestor, vt equitatum Polonicum, liberè in equis ad suos cum omnibus impedimentis reuerti patiamini. Digni etenim sunt ij viri, vt eos omnes mortales colant, suspiciant, magnificent. Si quod vestrum odium est in eos, illud in me conuertite: quod ego pro eis ferre, sustinereq; paratus sum. Demum suis paulisper à castris remotis, ad Polonos, quos educebat, illa verba nouissima dixisse fertur: Nunc grauis ac acerba fortuna, viri fortissimi, me à vobis disiungit: quare hanc dextram vobis singulis porrigo, testorq; quoad vsque spiritus meus hoc in mortali corpore supererit, nomen vestrum grata animi memoria me prosequuturum. Non

Non sine lacrymis hæc Poloni audiuerunt: cuius dextram cum flebili vlulatu amplexi exosculabantur. Qui cū iam ad tertium teli ictum à castris abfuissent, Valachos quoque pari ratione è castris educit: quibus non sine lacrymis valedicit. Recordatus auri ac vnionum, quos penes se habebat, iterum ad Polonos reuersus, gladio accinctus vtrinque acuto, omnia eis largitur, tandemq; flens sic inquit: O si mihi iam ad manus vestrae copiae quàm priores ille duplo maiores essent, vel saltem ea integræ: efficerem profectò, Deo adiuuante, ne quis istorū canum ad occasum solis in hac regione, quam mihi Deus propter magnitudinem scelerum meorum adimit, superstes foret. Sed frustra vos, viri fortissimi, voluntate verborū inani detineo: id ferre cogor, quicquid mihi Deus imponet. Vos ita à me discedere velim, & opto, vt vos Deus Opt. Max. incolumes ad patrios lares deducat. Me quoque si Deus è manibus cruentis horum tereterrimorum hostium conseruabit, meq; Turcici Bassæ, vti polliciti sunt, viuum & incolumem Selymo sistent, iureiurando mihi pro re certa polliceor, me pōst beneficio Selymi, cuius sensus omnes calleo, Valachiam iterum habiturum. Vos interim oro, vt dulcissima recordatione semper memoriam mei colatis. Quicquid opum & diuitiarum mihi pōst erit, id in vos conferam, vestraque stirpis Polonicae homines ad summos gradus honoris, quoniam fides, fortitudo, cōstantia vestra, in rebus dubijs est mihi perspecta ac cognita, eueham. Hæc effatus, quicquid residui, vnionum aureorum habuit, id Polonis largitur, inquitens: Nolo vt id in manus horum immanissimorum hostium per-

Valachi à Iuonia educuntur.

Iuonia Serba ad Polonos.

ueniat. Proinde considerans fortitudinem vestram, & fidelem operam, quam mihi adhuc nauastis, & cum affectum sanè mirum, quo me prosequuti estis: omnia vobis dono: animigrati beneuolentiam erga vos, ac omnem gèrem vestram, penes me relinquo: quam semper ad extremum spiritum retinebo: cuius rei testem Deum, huius vniuersitatis creatorem, inuoco: cui vos commendo. Huiusmodi precatio ac obtestatio luonia, omnibus Polonis lacrymas excussit: cui gratias egere. Qui armis à se abiectis, more supplicum, ad castra Turcarum, sumpto secum Polono Osmolio, peruenit: quibuscum integras quatuor horas colloquium habet. Ibi Bassà Capucius, fortassis oratione eius offensus, immemor fidei sacramento militari confirmata, quam luonia dederat, stricto gladio, ventrem, faciemque eius discidit.

*Miserabilis
exitus luoniae.*

Ita vulneratum lanczari corripunt, & semiuivo caput amputant: deinde truncum, pedibus duorum camelorum alligatum, discerpendum obijciunt: quod belluæ in diuersum concitata discerpunt. Caput hastæ infixum: cadauer discerptum, in frustaque minutissima concisum: cuius ossibus inter se partitis, cruore cadaueris recentis gladios perungebant, sanguinemque equis suis bibendum porrigebant, Deo supplicantes quò in ipsis quoque idem virilis animus, & eadem belligerandi ratio esset. Eum exitum luonia, vir memorabilis, habuit: qui perfidia Turcarum tam crudeliter ac nefariè, omnium cum tristi desiderio, è medio sublatus fuit. Quod ei, reor, non accidisset, si in religione Christiana constantior fuisset, & imperata fecisset. Dolendus ipsius casus, in exemplum est, documentumque inconstantiae

*Exemplum
luoniae in-*

stantiae rerum humanarum. Nam sicut antè secundae fortuna rebus supra vota fluentibus, tot, tamque inclytas victorias ex Turcis attraxerat: ita nunc aduersa, quæ ei indulgebat, velut in ostentationem fragilitatis humanæ, destruens quæ cumulauerat, exitum miserabilem, horrendam ruinam, fœdamque mortem luoniae adiecit. Turcæ miserabiliter luonia occiso, subito in Valachos, quos luonia è castris eduxerat, impetum faciunt, eosque instar pecudum crudeliter interficiunt. Poloni velites, visa perfidia Turcarum, nec sibi tutum reditum in Poloniam esse cernentes, in caltra iterum, ex quibus excesserant, regredi volebant. Sed ea à Turcis occupata iam erat. Demum, sese mutuò cohortati, in agmina densa Turcarum, pleni animi, speique summa vi incurrunt: quibus disruptis, disiectisque, omnes fortiter occubuere: pauci grauius vulnerati: qui post Turcis admirationi fuere, quòd paucissimi in numerosos proruisissent, pugnarentque viriliter: quodque, lethali uer saucij, per media castra ambulassent, nec ob id mortui essent. Illi autem præcipui capti è Polonis fuerunt: Suierceuius, cuius præcipua virtus, industriaque singularis in eo bello extitit: Coslouius, Sadorseus, Lancius, Zalescius, Copitscius, Rescouius, Socolouius, Libifouius, Cifouius, Sucinius, Bogficius: qui omnes post ab heris suis grandi ære redempti fuere. Sollicitabant autem eos Turcæ, ut religione Mahometi amplexa, in verba eorum iurarent: pollicentes, fore ut amplissimis bonis à Selymo acceptis apud eos vitâ tranquillam, beatamque ducerent. Sed illi omnibus Turcarum pollicitationibus spretis, maluerunt apud suos vitam inopem agere, quam in

*constantia
rerum hu-
manarum.*

*Extremus
conatus Ge-
litum.*

Capti Polonorum præcipui.

*Constantia
Polonorum.*

*Turca capri-
mos Polonos
laudant.
Propria laus.*

*Captus Cir-
citem suam
eleuant.*

*Selymus to-
tam Molda-
uiam occu-
pat.*

*Pocucensis
arastus.*

opulentia ac omnium rerum affluentia, cum animæ
iactura, apud Turcas: magnæ admirationis virtus
eorum fuit: qui Turcæ, quamuis in suorum laudem
propensi sunt, tamen vulgo sermonibus iactitantur,
in toto regno Polonia, viribus, industria, belligeræ-
di promptitudine, eis minimè pares esse. Illi, hisce
auditis, imò nos omnium (inquiunt) sumus infimi:
qui ob inopiam apud nostros nullo loco habito, in
hasce oras venimus, vel vt honestè patriam defen-
dentes, mortem oppeteremus, vel prædæ nacti, ea-
rent, haud id in animum suum inducere poterant.

Post tam ignobilem cædem Iuonia, Selymus to-
tam Moldauiam occupat: omnes ferè stirpis Vala-
chicæ, tam summos quam infimos, crudeliter è me-
dio tollit. Totaque Valachia occupata, arcibusque
ipsius firmo præsidio munitis, alia multitudine ali-
bi in colonias deducta, in Russiam intentus est. Quæ
sibi vnà cum vniuersa Polonia, à tam potenti, per-
fido & immanissimo hoste caueat. Nam optimè, sol-
lerti animo Turcæ cernunt, occupata à se Valachia,
ac deinde Pocucensi oræ, (quæ est regio inter Hiraf-
sum & Tytam, vltra Camenecium versus Haliciam,
Podoliæ emporium, in vltiore Polonica ditionis
ripa, contra Zuthannam Tyra impositum) pro qua
Poloni cum Valachis ad internecionem pugnabāt,
bello illato, omnia in Podolia ipsorum aperta fore
libidini, quæ se in Poloniam quoque extendere pos-
sit. Nam id est Turcicis imperatoribus in more po-
situm, vt, si finitimi alicui genti sint, aucupata occa-
sione, ac iniectis factionibus inter principes illius
gentis, eam post facile bello aggressum vincant, ci-
que

que perpetuum iugum imponant: vt memoria pa-
trum Græcis fecere, nostra Vngaris, non ita pridem
Valachis. Polonia est eis vndique præsidio tot gen-
tium nudata: quæ hætenus viros eorum, Scythi-
casque, in tanto dissidio Christianorū, qui sese cum
applausu Mahometi, ciuili ferro confodiunt, susti-
nuit. De qua occupanda, non mediocris ea cura sti-
mulat, vt per illam vniuersæ Germaniæ bellum in-
ferre possint: cum ipsis ad Germaniam vastandam
difficilis aditus per Austriam, ob munitiones Vien-
nenses, pateat. Non diu post captam Valachiam Se-
lymus superstes fuit: qui ferè 4. anno post quàm à
patre Solymano regnare cœpisset, fatalem horam
anno Christi 1574. quindecima die Decembris,
obituit: in cuius locum filius, stirpis maximus, Sul-
tanus Amuratha, tanto silentio à Bassis occupandum
imperium accitus successit, vt prius ad Constanti-
nopolim veniret antequàm adesse ab omnibus suspi-
cetur. Qui imperium suum à cæde quinque fra-
trum, duarumque matrum, (quarum vna grauida e-
rat) & multorum procerum, secutus morem vete-
rum Turcarum Cæsarum, inchoatus, omnibus ter-
rori ac formidini studet esse. Hic, vt Ianczaros fre-
mentes placaret, quod ipsis in scijs à Bassis accitus im-
perium inuasisset, hæc eis postulata concessit. Lari-
tus est singulis à summo ad minimum septuaginta
quinque thaleros: stipendium illorum auxit: filios
ipsorum, vbi adolefcerent, Ianczaris ascribendos sta-
tuit. Numerum Ianczarorum duobus millibus ma-
iorem fecit: ita vt iam sint sedecim millia. Postremò,
in prælio mutilatos, immunes à bello fecit, & omnē
victum ad vitam transigendam eis dari iussit. His ita

*Mors Sely-
mi, anno
Christi
1574.*

*Post Selymū
regnat Sul-
tanus Amu-
ratha.*

//
//
1,

*Scythae Rus-
sam vastat.*

compositis, memor cladis quam Iuonia cum Polo-
nis Kosacis, ditionibus Turcicis intulerat, ut aliquan-
do Polonos vlcisceretur, immixtis mense Octobri,
anni 1575. centum & vndecim millibus Scytharum
Præcopiensium, regiones Russicas quaqua versus,
ad quadraginta milliaria peruastravit. Ducenas do-
mos equestris ordinis, ac pagos permultos, flamma
iniecta immixtos hostes exusserunt: senes & plebe,
puerulosq; plorantes contrucidarunt. Nobiles ta-
men haud plures triginta vel in præliis occiderunt,
vel pariter cum vxoribus, liberisque in Valachiam,
miseris modis colligatos abduxerunt: multi greges
bouum, ouiumque, multa equorum armenta, ab illis
abacta sunt. Lassis crura succidebant: viuis coria ad
vincendos homines detrahebant. In traiectu Nes-
tri fluminis, magnus captiuorum planctus auditus
est, quod se iam planè in acerbissimi hostis potesta-
tem venisse viderent. Quos nostri liberaturi fuise-
sent, ni consili vanis promissis Petri Palatini Vala-
chiae, qui se Scythias reditū in patriam, per Valachiam
permitturum negabat, nostrisq; id sanctè promitte-
bat, ad Kiouiam, quā hostis venerat, eadem speran-
tes rediturum, conuersi, paulò tardius ad Nestrum
cōcurrissent. Multi quidem tum Scytharum occisi: plu-
re tamen Russi abacti ab illis sunt: qui passim gra-
fante tam numeroso hoste, cōuenire ad Mieliecium
Palatinum Podoliae, haud potuerunt. Interemptus
quidam Scytharum à Iacobo Niezabitouio, cum septin-
gentis, quos ducebat: cuius frons viginti quatuor
digiti lata fuit: manus & pedes, adeoque totum
corpus stupendae magnitudinis: humi iacens cada-
uer, umbilicum viri stantis attingebat. Dum verò
illi

*Gigas Scythi-
cus.*

isti prædam in Valachia cum Palatino partiuntur,
Kosaci, Borysthenis accolæ, milites generosissimi,
ductore Bogdano Rosinskio, in Scythiam irruunt,
flamma & cadibus omnia complent, fœminarum
vbera abscindunt, alias excæcant, liberos illarum
collidunt, veteres captiuos liberant. Sed iam placet
historiæ finem imponere. Ex qua id inter alia disci-
mus, Turcas vinci à Christianis posse, si sint fideles &
impauidi milites, firma auxilia: ac (quod primum
est) si sit fortis & gnarus militiæ imperator.

EPISTOLA PISONIS AD IOANNEM CORITIVM DE CONFLICTV POLONO-

*rum, & Lituavorum cum
Moschouitis.*

PISO CORITIO S.

SCITO ego ambiguum sibi esse, Coriti mi caris-
sime, in humanis ne sim, an verò minus, qui tō-
tum iam ferme annū, quo Roma absum, tam per-
tinaciter tecum sileam. Par item de te quoq; cogita-
tio me suspēdit, qui nihil omnino scripseris: nisi forte
tuæ mihi reddi non potuerint, in certissimis hucusq;
vagato sedibus. Quæ etiam causa fecit, ut cessator &
ipse fierem, cum alioqui ad scribendū ne mo me sit
minus piger. Nosti quam non spontè obierim hanc
provinciam, ut ad serenissimum Poloniae regem, ac
deinceps ad Moschouiae ducem, quò pacem inter
iplos pōtificis, & legati nomine firmarem proficisce-
rer. Sed non erat integrū reluctari diutius mihi, veni

Kk ij

28. gaudet
 tandem Iulio mense Vilnam, quæ caput est Lituanie, ubi à principe, præterquam, quod pro sedis apostolicæ reuerentia amplissimè acceptus fui, habitus sum pro singulari sua in me veterè alioqui clientem beneuolentiâ, admodum gratiosè: nam humaniter dicere regie celsitudinis dignitas verat. Data deinde diebus duob. sequētibus bis audientia, post tertium aduentus mei diem, rex hinc in castramouit, quo ante dies aliquot, nisi me operiri dignum duxisset, omnino ire statuerat. Iam enim vtrinque ad bellum, & quidem atrocissimum, inclinata erant omnia. Pacis nomine ob interpositas pontificis partes auditum nō ingratè. Cæterum inter tubas, inter tympanas, inter alios armorum strepitus faciliè oppressum. Iam enim & hostis arce Smolensko supra Borysthenē sita per prodicionem potitus, factus erat intolerior. Et rex exercitum validissimum ex equitatu, peditatuque stipendio conduxerat, pugnae avidum in primis. Erant in ijs Cataphracti duo millia, quibus nihil esse possit, neque ornatum, neq; armatum, magis: peditū plus paulò, duo itē millia, in quibus belli postea moles steterit. Fuere deinde alia sexdecim equitum millia fortissimorum virorum. Id enim credas volo, neque vidisse me vnquam maiorem equitatum, quàm constituere hic princeps possit, neque crediturum fuisse, si non vidissem, vt certè, si velit, valeat centum millium equitatum armare. Iam verò maior fide quadrigarum numerus est commeatum ferentium. Neq; enim ipse crederem cuiusq; ita narranti, nisi meos ipse oculos testes habuissem. Quis enim crederet viginti quadrigarum millia cōduci posse: tantum iam abest, vt scribere hæc aude-

rem.

rem. Scribit hæc tibi Piso, Piso iam non poetarum, sed annalium scriptoris æmulus: nisi fortè, ne oculato quidem testi adhuc credis. Fit id non voluptatis, sed necessitatis causa, homini, iumento victus ferendus est, propter loca sola solitudine nobilia, qui tam diu duret, quàm sit manere necesse diu. Centū milliaribus Lituanicis, quæ Germanica centum viginti faciūt (tantū enim viæ est à Vilna ad Smolensko) præter lustra, eadēq; palustria nihil ferme videtur: sterilia & inhospita omnia. Æstima nunc tecum, quanto sit commeatu opus. Adde quod ubi etiam in locum venerimus destinatum, nō minore sis frumenti, aliarumque rerum necessariarum laboraturus inopia, cum ob soli sterilitatem, tum quod hostiliter vastata sint omnia. Eum itaque exercitum ubi rex ipse recensuisset proficisci in hostes iubet: interea præfectus arcis, & domini Poloczka, alia quadam via, terras Moschi inuadit, ibique populatus omnia, ingenti onustus præda reuertitur. Dum itaq; exercitus discessui se parat, videntur in loco quodam exploratores hostium. Nostri cognito illorum numero (erant enim viri bellatores mille trecenti) lectis ad hoc sexcentis equitibus illos obruere, armaque capientes maiore ex parte trucidare, duce eorum, cum nonnullis nobilibus capto. Idem fecere postriedie in alijs mille ducentis pari euentu. Moschus recognita exercitum omnem, qui octoginta millibus constabat, loco quodam ad hæc electo, vltra Borysthenem collocat, ratus nostros pugnae aviditate, armem non formidaturos. Verum id non sine periculo, cum vadum ipsi tam bombardis, quàm milite muniuissent, eumque vnicum: nam alibi Borysthe-

nes, utpote & altus, & vorticosus, neutriq; & vadalibilis. Nostri, relicti aliquot millibus, qui se citra amnem hosti circum equitantes ostenderent, reliqui interim percontato alibi flumine, pōticulum ex ratibus, lintribusq; neſtunt, quo peditatum cum machinis trāsmittant. Equites acie, ut erant, instructa omnes se vno impetu, sed ex ordine coniiciunt in amnem, feliciterq; tranant, credo dijs freri, haud plus vno desiderio. Nō erat hoc incognitum hostibus, & poterant, vel amnem ingredi volentes cohibere, vel iam partim egressos opprimere. Verū cū & ipsi multitudini nimium fiderent, & nostros præ paucitate contemnerent, loco se tantisper, utpote opportuno, mouere distulerunt, dum nostri iam non modō amnem transirent, verū etiam & pugna locum caperent, & ordines vel reficerent, vel mutarent: tantumq; fuit temporis medij, & tribus ferme horis manuum consertione vtrinq; abstinerent. Vbi ad manus deinde ventum fuit, hostes arte vsi, circūuenire nostros à tergo per vallem, vbi non apparebant, (nam & collis dumetis confusus impediebat aspectum) magno impetu nitebantur. Nostri re explorata derepente, ut in subitis sit casibus, mutant consilium. Et ea ex parte in insū pugnam committunt. Nā aliō belli dux acies inclinarat, vbi & ipse tunc ferebatur. Quod cū ex nostris nonnulli bello aliās probè exerciti cōspicerent, neq; aut consulandi, aut ducem conueniendi tempus, locūve daretur, in hostem conclamant, fortiterq; pugnando reprimunt. Hæc à leuo cornu acta, mox à dextro, & omni ex parte conferta manus: tubarum clangor, ut ex ijs, qui interfuere, accepi supra vsitatu modum.

Fuere

Fuere enim tubicines in hostili exercitu plus multō quingentis: atq; ita fortissimè dimicatum vtrinq; inclinante iam ad vespērā sole, timor hostes, mox desperatio occupat. Iam neq; nostrorum imperū ferre diutius, qui proximi erāt, neq; fuge viam à tergo reperire valebant, prementibus vltimis, qui & ipsi ordines facillè explicare nequibant. In ea trepidatione clades facta ingens: fugientes deinde tumultuatim omnes nostri in longam noctem secuti quosunque cedere, nisi qui vel nemorum densitate late-re, vel noctis beneficio elabi poterant. Ibi direpta castra, in prædam versa omnia: cecidere ex hostibus millia circiter quadraginta: capta quatuor millia, & in ijs præfecti exercitus omnes, qui octo fuerant, inter quos primi à duce Moschorum, dux Michael Golycza cum trecentis nobilibus, inter quos sunt Barones multi. Hos secum rex nudius tertius quasi in triumpho Vilnam vexit, conspicuos omnino viros. Mihi certè in omni vita nihil videre circa pompas bellicas, obtrigit gloriosius. Reliqui captiui partim per municipia distributi sunt, partim apud victores: vbi adhuc & signa tenentur, quæ & ipsa ablata fuere ad vnum omnia. Rex enim cum domesticis tantum, paucis admodum redijt, misso, quem secum in præsidij habebat, ad belli duces exercitu recenti millium quatuor, uti victoriam sequerentur, maximè verò, uti arcem Smolensko recuperarent. Moschus enim mox suorum accepta clade, paucis admodum stipatus tam præcipiti ad propria cursu festinarat, ut die atque nocte 300. passuum millia superaret: siue, ut no-

Kk iij

esse similius creditum est, ut famam rei malè gesta præqueret, quò minus fratres rebus nouis molendis, an famam antè caperent, malè tractationis memores, utpote, qui seruitutem apud tyrannum fratrem seruire coguntur. Parum enim ad recuperandum exercitum superesse spei fatentur & captiui, populo Moschum asserentes adhuc plurimo abundare, verum rustico, & bellis inepto, cum in hanc expeditionem omnem ferme nobilitatem duxerit. Sic ille, qui paulò antè capta dolo superbus arce, Polonis omnibus necem: Lituaniis verò compedes minitatus fuerat, turpissimam coactus inire fugam est, ut seipsum tam neci, quam vinculis eriperet. Nam ita certam demens ipse sibi victoriam spoponderat, ut postea apud duces belli captos repertæ cum mandatis atque stratagematis epistolæ fuerint, quibus quid facto cuiuslibet post victoriam opus esset, commiserat, ut scilicet regem in praesidijs positum vno agmine adorirentur: eo utcumque potiti, in tres sese vias diuiso exercitu diffunderent, Vilnamque direptum festinarent. Sed nesciebat homo, & priuatim, & publicè periurus Deum violatæ sine causa fidei vindicem, aliter longè constitutum ire. Dij enim immortales ob periurium (ut ait pro Roscio Cicero) hominibus irasci, & succensere consueverunt. Dedit condignas perfidia suæ poenas: cum ex nostris ne vnus quidem captus sit, vulnerati multi, & ij aduerso corpore omnes. Mortui vix supra quadringentos, & in ijs Barones quatuor elegantissimi, idemque fortissimi iuuenes, quorum corpora huc relata sunt, & tumulata honestissimè, duobus sub infusa episcopis cum vniuerso clero ad ciuitatis portas progressis: quorum

tamen

tamen mors immensa hostium clade piata est, ut certè fateri necesse sit, hæc sine diuinum numine non euennisse: cum alioqui rex ipse re quidem vera Christianissimus sit, semperque fuerit. Assiduus enim pro victoria supplicationibus: ea deinde parta, gratiarum actionibus templa omnia sonabant, quin & publicè ad Deum omnia princeps refert, maximè cum Tartari, qui sub idem tempus iuxta pactum cōuentum adesse maiestati suæ debuissent, fraude se subduxerint. Iam verò & illud non omiserim, esse apud Moschum ducem Michaëlem Glyusky, virum animi & corporis dotibus egregiè insignem. Is olim non leuibus ex causis regē Poloniae fugiens ad Moschum cum suis migravit, qui & priorum, & horum causa motuum fuit. Hunc rex ad serenissimi Vngariæ regis instantiam, in gratiam secretò admiserat, & iam tacito redire parantem, sui, quibus nimium fiebat, Moscho detulere, qui hominem euestigò vinctum, domum sub custodia remisit, incertum, quid de eo velit statuere. Is si fortè transfugisset (ut cōuenerat) ad nostros, magnam sibi huius victoriæ partem vendicare contendisset. Nam id circiter Calendas Septembris contigerat: prælium verò octaua Septembris ipso die natali Virginis factum est. In summa Dei omnino munera sunt hæc præcipuè: deinde principis Deo gratissimi, cuius fortunam utique prælustrem non ex ariolorum nugis, sed ex summa vitæ sanctimonia, prudentia, fortitudine, temperantia atque iustitia, metior. In quo illud pulcrum est, ut si clementiam ipsam velis effingere, nullo certè alio neque ore, neque colore, quam huius principis id præstare possis efficacius. Mihi profectò post exalta-

tostot viarum labores, ex hac victoriatantum accessit latitiæ, vt nihil asperum, siue tetra, siue martulisse videar, siue quia principis huius sum, fuerimque semper studiosissimus, siue quod hac factū præsentē victoria, vt ire ad Moschum nō sit necesse mihi: quæ mea profectō summa est expectatio. Nam præter viarum cum longitudinem, tum difficultatem valde me terret hominis etiam iurati perfidia. Satis mihi est cōfessori esse, superbam martyrij palmam non ambio. Misi ad illum Calend. adhuc Augustis famulum cum literis pro saluo conductu, scio peruenisse, sed neque responsum, neque famulum vidi. Audio in amnem conijci fuisse iussu. Non libenter bibo tam largo cantharo, sed iocor verbis: tamen vera serium est, quod scribo. Scilicet mihi seruabit, si etiam dederit fidem, quam neque regibus, ac ne Deo quidem ipsi seruare solet?

Inunc Schismatico vitam committe tyranno,

Vt te per Scythicas sub Styga mittat aquas.

Nollem in ijs sinistrū mihi omen præcinere, qui initio certē inuitus feci, vt hanc experirer molestiam. Tolerabilia fuere hæctenus omnia, quamuis aspera, in reliquis quoq; superanda omnis fortuna, ferendo est. Nondum satis intelligo, quid firmū de me sit, cum omnis adhuc exercitus, arcis recuperationi studeat; eam breui futuram speramus: quod nisi & viarum sub hæc tēpora difficultas, & anni ratio nostris obstaret, victorē omnino exercitū in ipsa Moschici dominij viscera transferrent, ibidē hybernaturi: quæ illorum sententia facilē residuo itinere absolueret. Sed durare tam diu vix poterunt, commeatus penuria, præsertim pro iumentis. Habent enim præter suum

suum equitatum prædatitios equos circiter viginti millia, quos saluare si possent, plurimum vellēt. Habere enim dicitur Moschouia equos laborib. ferendis admodum idoneos: res diu extrahi non poterit, quicquid erit, non patiar te nescire: tuum erit interea literas has nullo constantes ordine boni consilere. Vt enim sparsim relata mihi sunt omnia, ita varietate congesta, vt licet vix vnus esse corporis videantur. Mitto nummos argenteos sex Moschicos, ex præda ad me missos. Hos tibi cum amicis communes esse volo. Inuenies in illis inscriptiones Græcas partim, partim Ruthenas. Symbolum habent Ruthenæ cum Græcis literis: deinde par etiam est Religio: sunt utique Christiani, sed Schismatici. Tempia habent, hîc præsertim Vilnæ, auro, argento, & gemmis opulenta: paucis etiam hinc annis, ex lapide ædificari cœpta, & quidem sumptuosè, cum lignea tantum prius habuerint, non culta admodum. Sunt autem Rutheni (vt illud quoque auctarium addam) ingenio Lituani promptiore, quò fit, vt operibus non mediocriter excellant. Multi ex ijs peculiare proditiōis vitium habent, quod ad Principum, siue Ducum aliquorum domos irrepsit. Quin & hoc nuper bello Dux quidam Ruthenius ab omnibus suis Moscho se dedit, quamuis egre-gium adolescentem filium in regis aula reliquisset. Sentiant multi ex ijs secretò (vt creditur) pro Moscho, nulla alia magis, quàm religionis causa. Eam enim per omnia communem habent, transfugerentq; passim multi, nisi exploratam Moschi tyrannidem formidaret. Is enim sæuissimis subditos legibus coërcet. Omnia illi nascuntur, omnia crescunt,

omnia adducuntur. Si qui sunt, qui vel genere, vel dignitate magni sunt, in illius nihilominus manu sunt, neq; diutius diuites, quam ipse velit. Commerciorum terra, marique plurima. Aurum, argentum, pro pellibus inferre soliti mercatores, nihil aliud referunt: ea omnia Principi accedunt. Hinc opes ista tanta, quantas neminem vnum in Europa Principem habere, fama est. Populo miris artificijs insigni potēs. Italos habet domesticos multos, & honeste, & vtiliter. Ceterum circa fidē partes coactos sequi. Hæc ab ijs, qui istic versati sunt, didici. Si quando (quod maximè deprecor) eò ierò, redieroque quod precor, vel per literas, vel coram de omnibus affatim: interea autem adhuc & hinc erit, quod scribam. Restat enim nonnihil militibus nostris circa arcis recuperationem, quod negotium extrahi diu non poterit. Si enim deditiōem facere obfessi noluerint, aliud nostri pro rei, & temporis qualitate, consilium sunt apprehensuri. Sunt enim adhuc in exercitu præfecti, & tribuni militum omnes veterani, qui vel sub manu captare consilium non ignorant: ante omnes autem, illustrissime Dux Constantinus, inter nostri temporis Imperatores in re bellica facile Princeps, qui signis collatis ter, & trigesies dimicando victor fuit. Idem iunior tamen apud Moschum septennio manicis, pedicisq; constrictus fuerat, bello captus. Vir est domi Numa religiosior, foris Romulo non inferior, quo duce, & hoc bellū gestum est. In quo nihil esse vno omnes ore aiunt, quod probari nequeat, nisi quia Ruthenus, idemq; Schismaticus sit, ita à parentibus errore, quasi per manus accepto. Neque enim parum refert, quam
quisque

quisque à maioribus religionem acceperit. Ceterum ita maiorum suorum traditiones omnes sanctè obseruat, ut ne latum quidem ab ijs vnguam recedat: qui si ad S. matris Ecclesiæ obedientiam reduci posset, innumeris dubiò procul ad idem agendum præluceret. Tanti est apud suos momenti, Principi autem ob eximias virtutes facile carissimus. Sed de ijs tandem plus satis: veniam tamen mihi dederis (ut spero) non grauatim, culpam ingenuè fasso, qui non epistolam, sed libellum ex bello fecisse me haudquaquam negauerim. Leges aliquando nō pauciora ijs, de itineris mei ratione, quod vtinam non tentassem, parum à Septentrionali disto Oceano, & longius adhuc progredi cogor. Iam hic September initium est brumæ: quæ tā saeva solet ingruere, ut multis sine naso contingat esse. Noctes æstate breuissimæ, hyeme diei parum. Sub diuo Iulio pontifice laudatissimæ memoriæ, minus mense, annū Roma ad duos missus reges, abfui, nō paruo certè labore. Sed nihil ad hæc, quæ hæctenus mihi æquali temporis, sed diuerso laborum calculo incidere, & tamen difficiliora adhuc restant. Leuius sit patientia, quicquid corrigere est nefas. Mihi certè satis erit pontificis, legatq; expectationi respondere. Quod ut facere grātē valeam, pro sanctitatis suæ ac sedis Apostolicæ nomine gloria, amplitudine, ne glacialē quidem (vel sub bruma) sum reformidaturus Oceanū. Sed iam vale, & Volumen hoc boni consule. Ad neminem enim diffusius scripsi: cum sciam mea tibi omnia, utpote mei semper amantissimo, non displicere. Ego valeo, & Principis munificentia bene habeo. Vilnæ, 26. Septemb. anno M. D. XLIII.

EPISTOLA SERENISS.

AC INVICTISS. D. SIGISMVN-
DI REGIS POLONIÆ, MAGNI DV-*cis Lituania, Russia, Prussiaq, domini, & hæ-
redis ad sanctiss. D. Leonem X. Pont.**Max. de Victoria**contra*

SCHISMATICOS, MOSCHOVIOS,

apud Aras Alexandri Magni
parta, &c.

Beatissime pater & domine clementissime, post
pedum oscula beatorum: cum non ignorem V.
sanctitatem, tum ex pastoralis suo debito, tum etiam
ex genuina pierate in religionis sacrosanctæ incre-
mētum, magna cum voluptate audire solere, quan-
do aliquis Catholicorum regum, aduersus infideles,
aut schismaticos inconfutilem Saluatoris nostri tu-
nicam scindentes, ac dilacerantes, Dei virtute adiu-
tus aliquid feliciter gerat. Hinc conuenit, vt ego qui
Turcam infestum, communemque Christiani no-
minis hostem vicinum habeā, Tartaros etiam, alias-
que Transnaitanas Scythicas gentes, numerosas,
feroces, ac infideles, humeris meis à nullo Christia-
norum Principum adiutus, solus sustineam. Et præ-
ter hos omnes magnum Moschouia Ducem, cum
quo nunc atrociam bellagero, Sarmatiae, Asiaticæ ty-
rannum, opibus, armis, & quis, virisque potentem, ac
multis contra alios vicinos suos victorijs tumētē:
blasphemū tamen ac schismaticum, sancte Romane
eccle-

ecclesiæ infestissimum, hostē insolentissimum ha-
beam. Huius belli motus, & præstitam mihi à Deo
victoriam contra ipsum perfidū Moschouitam, San-
ctitati vestræ perscribam. Anno etenim exacto, fra-
ctis inter nos antea pactis, iuramentoq; firmatis fœ-
deribus, immemor præstitæ fidei, & spretæ iuramēti
religione, quæ modica, aut nulla in blasphemo, &
schismatico esse potest, dominia mea in magno Li-
tuanie Ducatu consistentia, exercitu multorum
millium equitum bellatorum comparato, magna vi
machinarum bellicarum, tormentorumque a neo-
rum sublequere, hostiliter inuasit, dumq; arces ali-
quas graui obsidione premeret, nec propter valida
præsidia mea, quæ illic erant, proficeret multis, sicut
anno præterito Sanctitati vestræ significaueram, ex
suis, in oppugnationibus munitorum locorum, &
tumultuarijs prælijs amissis, domum re malè gesta
non absque grauissimo dolore regressus erat, qui
tamen iam aliàs sibi persuasisset, armis, opibus, &
potentiæ suæ cuncta esse peruia, nec aliquid conati-
bus suis (in quo tamē deceptus erat) obstare potuif-
se. Æstate demum proximè exacta, tanquam igno-
miniam susceptam, damnaque prioris expeditionis,
& bellum non satis prosperè anno præterito cœ-
ptum & gestum vindicaturus, iterum validissimum
exercitum comparauit, in quo plures grauis arma-
turæ equites inerant, nixusque est, me certis castris
exuere, & præcipuè castro Smolensko nuncupa-
to: vt subinde tanto facilius totum magnū Ducatum
Lituaniæ, aliæque mea dominia bello atrociori vr-
gere, & totam Rubeorum Russiam sui schismatici
ritus, quæ ditionis meæ est mihi eripere posset.

Potius tandē ex adminiculo fraudis arce ipsa Smolensko est, de suis plurimis amissis. Subinde verò insolentior factus, exercitum auxit, ita ut excederet octuaginta millia hominum equestrium, aususque est sibi polliceri, quod iam faciliè reliqua dominia mea opprimere posset. Progredi itaq; aduersus me suum exercitum vsque ad fluvium Beresinam mandauit. At ego qui in Domino Deo rectè sperauerim, eundem fluvium exercitum meum equitatu, & pediatu, tormentisq; bellicis bene instructum, magna celeritate traicere imperavi, hostisq; exercitum pedem referte, ita ut retrocedere coactus est, compuli. Et dum exercitus hostilis per meum arceretur, vigesima septima Augusti particulari praelio à meis militibus pulcerrima clades eidem hosti inflata est. Alia iterum Calendis Septembris, & ex utroque praelio plures ac insignes captiui mihi adducti sunt, & multi ex hostibus cæsi. Miles autem meus eiusmodi victorijs, quasi auspicijs præludijs accensus, ultro in pugnam ruebat. Equidem verò in præsentissima clementia Dei, & in iusticia, causæ meæ confidens, maximam iam de orta victoria securitatem mihi pollicebar, & feci magno animo meum exercitum procedere, & stationibus hostis appropinquare, dumq; hostis sentiret, meum exercitum sibi imminere, Borysthenem tunc solito magis exuberantem nando traiecit. Meus verò exercitus insigniter animis ad pugnam præparatis, hostem retrocedentem sequutus est, & similiter Borysthenē, dum in re tam subita, & potis faciendi potestas, & nauigia ad transportandum militem deessent, ad præripe partem, in qua iam hostis ordinatis aciebus, tormen-

mentisq; dispositis, conflictum præstolabatur, nando intrepidè transmisit. Et tandem Deo auspice, qui in se sperantes non deserit, & confundit manus filiorum alienorum, die Natali beatissimæ Virginis, quæ erat octaua Septembris, cum hostibus eundem feliciter pugnavit, totumq; eundem validissimum hostis exercitum, qui (ut præmissum est) ex octuaginta millibus hominum fuit, comparatus, vna acie fudit, fugauitq; & tanquam vilissima pecora totis campis cum fœda strage, & multa cæde ultra quadraginta millia passuum ante se egit, itaq; supra triginta millia hostium, & cæsa, & submersa sunt. Castra hostilia plena, opulenta præda, direpta, & decem præcipui Duces, & Satrapæ, & triginta septem Barones, Consiliarij, primores: officiales autem & armigeri nobiles supra duo millia capti, cum signis sui exercitus mihi adducti sunt. De meis verò, Deo auspice, pauci desiderantur. Quamobrem hanc tam insignem, & longo tempore memorandam, sed nec minus mirandam (quoniam dextera Excelli facta est) victoriam vestræ Sanctitati, pro mea in ipsam summa, & eximia deuotione cognitam esse volui, ut Sanctitas vestra ex eadem iucundum, atque alacrem animum concipiat, mihiq; suo deuotissimo filio gratuletur. Quandoquidem pro sacrosancta religione, proq; sede Apostolica, & Sanctitas vestra decorè ad ea, quæ factu sunt possibilia, semper sum paratus. Collocavi namque magnam spem, & cōfidentiam in vestra Sanctitate erga me, regnumq; meum clementia. Quoniam verò hostis ipse adeo superbus, & obstinatus existit, necesse est, ut tãto studiosius ipsum sine intermissione persequar,

& bello vrgeam, ne tam citò vires recuperet, ac re-
 parer, quandoquidem non priuatam meam, & re-
 gni mei rem nunc ago, sed totius Christianæ Reipub-
 licæ, ne tam validus hostis sacrosanctæ Romanæ
 ecclesiæ inimicus, quandoque aduersus sanctam Ec-
 clesiam pro ritu suo, falso, blasphemò, & schismatico
 inualefeat. Et vt hæc mea gesta, quæ mihi ex miseri-
 cordia Dei feliciter enecerunt, audacter vestræ San-
 ctitati scribo, sic etiam semper audire cupio, vt sacro
 sancta Rom. eccl. vniuersalis status omni felicitate
 præfulgeat, atque vt vestra sanctitas incolumem, &
 longæuam, felicemque vitam cum reuerendissimis
 patribus sanctæ Romanæ ecclesiæ cardinalibus du-
 cat. Oratorem autem meum, & res meas vnà me-
cum, vestræ sanctitati commendo, qui quidem ora-
tor meus V. Sanct. tam ea, quæ gesta sunt, quoniam
& gens, & loca, in quibus gesta sunt hæc, sibi cogni-
ta existunt, quam alia è mente mea, planius expo-
net. Datum in castris circa Borisouo, decima octaua
 Septembris, anno Domini, millesimo, quingente-
 simo, quartodecimo.

*Vicesimo quinto Ianuarij die,
 M. D. XV. a Leone Papa
 X. ob eam ipsam victoriam
 Deo opt. maxi. ex apostolica
 habita est in Sixti sacello.*

ORATIO

ORATIO PER REV. PA-
 TREM DOMINVM ERASMV
 VITELLIVM, EPISCOPVM PLOCEN.

in celeberrimo August. conuentu ad Casarem Maxi-
milianum, nomine victoriosissimi regis Polonia Sigi-
smundi, habita coram omnibus sacri Imperij
Electoibus, plurimisq; Germania Prin-
cipibus, die Veneris XX. Augusti,
anno Domini 1518.

ILLVSTRI DOMINO ERASMO RO-
 terodamo vtriusq; Literaturæ principi, &
 Theologorum duci, Iacobus Spiegel
 Selestadien. Imperialis Secreta-
 rius, S. P. D.



RO inuictissimo Polonia rege Sigi-
 smundo, qui non multos ante annos,
 & menses, maxima victoria in Ha-
 maxobias (quos ipsi Moschos ap-
 pellant) & Schytas (quos Tartaros
 dicunt) potius est. Reuerendiss. Dn.
 Erasmus Vitellius episcopus Plocensis, singulari integri-
 tate vitæ, rarâq; doctrina, Romanâq; facundia insignis,
 velleo mihi nomine præcipuè colendus, quia cognomi-
 nis, de te perquam egregiam frequenter facit mentio-
 nem. Primam (vt aulicus, aulico utar verbo) audien-
 tiam coram Casare, sacri Imperij Electoibus omni-
 bus, & ceteris Germaniarum principibus, proceri-
 busq; obtinuit. Sic ornate, sic graniter orauit, vt ad in-
 timasque præcordia auditorum, vehementia senten-
 tiarum penetrauerit, pluresq; ad solum concitauit, et

Ll ij

vero docto simul & facundo, omnes docti, & eloquentes palmam tribuunt. Aderant enim viri non pauci, tum exquisitè docti, tum in iudicando nares emunctissime. Antistes Tergestinus, Peutingerus, Huttenus, Barholinus, Spalatinus, & Stabius ille in nullo doctrina genere non versatus. Henricus Stromer medicus, & Laurentius Zochus iuriconsultus, Cardinalis Maguntini florentissimi principis Cancellarius. Igitur facta mihi primum præ ceteris elegantissime huius orationis copia. Quia digna multorum lectione visa fuit eruditorum calculo, & ab omnibus desiderata, imprimendam curavi, sub augusto tuo nomine, quod omnia pietate sacra iure sibi vendicat, quam haud subducto supercilio accipere digneris. Non dubito quin ut audientibus lacrymas commouit, ita hæc eadem legentibus magis copiosas excutiet, & in rem Christianam propensiores eorum animos reddet. Vallere tecum bene Rhenanum verè beatum cupio, quem animo mecum circumfero, utriq; fila vitæ, quem maxime longæva exopto, ut indies magis ac magis felicibus auspicijs bona litere, & maxime sacra reflorent. Huttenus, quia nihil est visus cecutientibus popularis literationis admiratorib. nominis nihil pepererit. Quem te Frobenio nostro publicandum ierum, si tibi visum fuerit, tradere velim. Mittam eius de vita publica Dialogum quamprimum prodierit in lucem.

Vale iterum ex Augusta Vindelicia, pridie Calend. Septembris, anno post partum Virginis matris, 1518.

ORA-

ORATIO.



ENIMVS à rege nostro, sacratiss. Imperator, ad hunc celeberrimum conuentum, quem solita vigilantia tua pro salute Christiani status æquè commendatè, ut opportunè, hoc loco, & tempore instituere curasti, acturi, maiestatis regie, & amplissimorum eius dominiorum nomine, quæ ad sanctam expeditionem generalem, contra immanissimos Turcas, totiens propositam commodè attinebunt. Quantum verò necessarie sint, simulq; cum vita omnium nostrum desideratissimæ præparationes istæ: Christianorum coadunatis viribus, hostis aucta potentia testatur, ià annos circiter septuaginta post infelicem, & calamitosam Bylantij captionem, quæ parulam ad nos hostibus ianuam præbuit, nihil aliud audimus, quàm clades atque excidia continua Christianorum à Turcis. Et dum omnes ad resistendum (ut par esset) consurgere negligimus, tot principes cum subditis suis, tot reges cum eorum populis: tot deniq; ditissima, cum magna iniuria religionis nostræ, & maxima indignitate Christiani imperij miserabiliter deleta sunt, quæ singillatim enumerare, dolor profectò mœrore plenus prohibet. Quandoquidem neque ea me referre, neque vos audire, sicis oculis liceret, capita utcunque decerptam. Nonne videmus Asiam vniuersam, quæ è tribus orbis triangulis maior est, his & alijs infidelibus occupatam? Aphricam verò totam, impijs ac sceleratis eorum manibus desolatam? Europæ magnam partem,

Ll iij

tot incendijs, & assiduis vastationibus debilitatam, & hucusque dormitauimus. Sed neque his contentus hostis, vt fortior fieret Egypti, & Syriæ regem, quem Soltanum dicunt, aggressus superauit, totiusque Syriæ, & Egypti, ea victoria (sed & Hierosolymæ matris nostræ, vbi salus orta est) vnicum se dominum constituit. Et altero verè imperio longè ante formidabilem potentiam suam auxit. Nos verò torpemus, & bellis intestinis; plus insolenter, quàm necessariò exagitati gladijs nostris, domesticos fidei, aut potius nos ipsos, detestanda malignitate confodimus: nec Prophetæ sapientis verba, quæ aduersus nos, tanquam Ethnicos clamitant, attenduntur, dignaque, facinori supplicia annunciant. Ipsi (inquit) contra sanguinem suum insidiantur, & infrà. Ego verò dum eis repentina ingruerit calamitas, non exaudiam. Parat nunc in Christianos, terra, marique arma sua, instat Turcarum framea, capiti & collis nostris, & adhuc oscitamus, vixque ad pacem mutuo amplectendam, tanta periculi magnitudine urgente, mētes componere volumus Leone sanctissimo, id dies, noctesque curante, hortatur nos hostis, excitat à somno: comone facit desides: torpētes terret, dum iam pridem ad ostia Tiberina: nūc verò ante paucos menses, circum Rachanati mœnia, & hisce iam diebus, dum hic agimus, iterū ad Ostia portus, ferro, & sanguine debacchatus sit. Nos tamen fati sic volentibus omnia hæc, quæ vltimum omnibus exitium minantur, ridiculum putamus, vt iam illud diui Petri naufragantis, dum sibi in fluctibus dexteram dari poposcit, & meruit, dicere libeat: Salua nos Domine, perimus.

Colle-

Collegerat similem conuentum feli. re. carissimus genitor tuus, post insperatam Carniola suæ depopulationem. Multa illic in eam sententiam à viris doctissimis declamata sunt: multa etiam prophético quodam spiritu prædicta, nisi tunc instantibus, & euidentissimis periculis aliter prouisum fuisset. Quæ omnia flebilis tandem effectus completæ, cum nulla consulta inuicem, & constituta nulla, suo ordine, vt necessitas postulabat, debita executioni mandarētur, & omnis rei bene gerendæ commoditas, simul cum tempore amissa fuit turpiter, aut neglecta. Nunc iterum Cæsar inuictissime, pro dignitate & debito tuo, conuentum hunc bono conceptum omine, diligenter prosequeris, vt labenti Reipubl. Christianæ efficaci opera subuenire possis, & iustè quidem: sic enim Christianorum Imperator, re pariter constabis & nomine, dum hi, qui tuo subsunt imperio, à Cæsare suo adiuti fuerint, & defensi. Quam equidem deliberationem multo iam tempore pro connata animi tui magnitudine concœperas, qui annis his proximis tres Christianos reges potentissimos, in Austriæ tuæ vrbe primaria, tum splendide, tum honorificè tecum habueris, federeque simul immaculata fide percussio, plura cum eis in rem Christianam mutuis tractasti consilijs. Quod reuera pro singulari gloria tua, omnium ora passim prædicare non desistent, pluresque Adamantinis scriptis perpetuare curabunt. Neque enim parens tuus, neque Cæsares alij tantum actum, triumphis Octauij meritò æquandum, pro suo vnuquam desiderio efficere poterant. Omitto nunc cateruam immensam victoriarum tuarum, quæ ti-

Ll iij

bi semper optatis vbique successibus respondebant, vt quilibet bonæ mentis metiri ex his possit, quæ & quanta in arbitrio & moderatione tua consistant, quin & luce sit clarius, plus ornamenti imperio tua prudentia, & felicitate allatum esse, quàm tibi Imperij maiestate: atque ideo pater patriæ à tota Germanica natione, quæ sub cælo maior est, meritò appellaris, quibus immorari, vt volui, tēporis verat angustia, dum ista vulgata iam sint, & toti mundo notissima. Tu deinde tua sponte & virtute, regumque illorum hortamentis incitatus, non modò in optimum propositum, & tua amplitudine dignum deuenisse perhiberis: sed vltro etiam totius belligendi progressum, rationes, ordinem, & modum cōcinnè describere curasti. Tanta peritia rei militaris, tantoque studio, & omnium digna consideratione, vt facile appareat, inuentione hac tua, necdum Imperatoris summi, sed excellentissimi quoque armorum ducis, & animum fortem, & consilium circumspēctissimum non deesse. Habet rem hanc cordi, aqua lance, sedes sancta, religionis nostræ caput & magistra, quæ tot annorum concilium feliciter continuans, singulares, & vrgentissimas admonitiones qualibet sessione, ad hunc effectum instituere solebat: vbi etiam Turcarum tela pectoribus suis infixæ. Episcopi declamantes, ostendere visi sunt, vt non verbis tantum, sed rebus, & sanguine ipso pungerent segnitiam nostram, & deiectos Christianorum animos, quantum possent, erigerent: cuius nauiculæ gubernator, verum se Leonem in his præstat, quippe qui saluiferos rugitus, & vigilantissimas cogitationes suas, summoque
& vero

& vero pastore dignas, ad hoc vnum conuertit, vt communi potētia tantis periculis vltimum iam interitum secum ferentibus, quantotius succurratur. Quæ omnia dignissimi hilegati sanctitatis suæ magis abunde explicarunt. Rectè gubernabant populum Dei Moyles & Aaron, Dauid & Nathan, pluresque Romani pontifices, cum imperatoribus Christianis, iuncta simul gratia, vtraque potestas. Binum nobis reliquit gladium, transiturus ad Patrem, Saluator noster: bina coluerunt elemēta Persæ, Ignem, & Aquam: duobus & nos saluamur, Fide, & Opere. Curabis & tu, Cæsar inclyte, cum Leone sanctissimo, vtroque iuncto gladio, eripere de faucibus inimicorum, & tot calamitatibus, oues Christi. Inconutile enim tunicam suam representatis, quæ sub hoc tempore vestro, non abs re profectò inuenta est: adhibebit ignem orationis, & spiritum fortitudinis benedictum sacerdotium, neque impensā deerit. Tu aquam non gelidam, sed feruentissimæ defensionis, cum regibus Christianis, indefessè suggeres, fidemque nostram & spem omnium opere adimplebis, vt à ferocitate Turcæ salui simus, vnica namque est gloria, penates nostros, & religionem, in qua nati sumus, tueri & defendere, pro qua iam omnes maiores tui, tot reges & Cæsares sanctorum nonnulli Cathalogo ascripti, felices & candidissimæ animæ plura bella in Europa, & Asia gloriose susceperunt, qui semper magnanimitate ingēnita, aliena quarere, non sua amittere didicerant. Gignit nos natura miserè, viuimus demum tot onusti curis, & tanquam flos citò arefcimus: decidimus tandem, & morimur, solus is diu viuere perhibetur, qui dum

vita exceſſerit, perpetuam ſui nominis, bene geſſis, aut factis, memoriam propagauerit, quò fit, vt adſimulabſentes, mortuique viuamus. Tritum fuit Adagium apud veteres: Pulcrum mori, decorat vitam. Quod plurimi, vt patriam conſeruaffent, corpus ſimul & animam deuouentes, viuis effectibus comprobarunt. Tu idem ſacraſſime Imperator, vt tui ſecretiores referunt priora de Chriſtiano ſtatu ſecum repetens, & futura ante oculos ponens, mente vt ſit liberiore, dicere ſoles, nullum mortis genus te gratius excipere velle, quàm quod in caſtris militaribus contra infideles, ad viuentes campos feliciter eueniret. O virtus animi commendatiſſima: ſic corporis robori tanti principis inſita & coniuncta. Non hominis proſectò deliberatio iſta eſt, ſed numinis vox quædam, & ſolo digna Cæſare, dum non lectum eburneum: non ſericeum pulvinar: non auratum cubiculum, ſed prata virentia, & fœnum ruſticum pro delicijs regalibus expoſcas, vt debito Imperiali, quo toti Chriſtianitati teneris, ingenuè ſatisfacias, pro quo tibi omnes, mentem ſanam in corpore ſano, vitæque diuturnitatem precabuntur. Et vt in hoc tam glorioſiſſimo propoſito, animo incòcuſſo perſiſtas, erectis in cælum palmis, attentius orabunt.

Sed iam factis res aggredienda foret; conſtanti-
que pectore, ſine omni vltiore cunctatione proſequenda, poſt tot conſilia, & decreta multa: poſt tot conuentus, & exhortationes varias, poſt tot inſtructiones, & tractatus plurimos: armis tandem, non argumentis opus eſt. Iam enim de his tam crebris, ſed vanis, aut nullis conſultationibus, & præpara-

ramen-

ramentis noſtris (vt quidam Mediolanenſis ex Turcia profugus nuper in cōſpectu regis noſtri retulit) ſepius dicit Turca, admodum ſubſanantis, conſulant Chriſtiani, conſulant, & ego faciam, quod re ipſa, & ſtupendis indies victorijs demonſtrat. Nos ſi veri Chriſtiani ſumus, quemadmodū Turca in dedecus potius noſtrū affirmat, Chriſti fidem, ad ſanguinem vſq; , mente intrepida, non oſtentatione ſolum, ſed affectibus ſynceris obſeruare, tueri, & quantum in nobis eſt, manu tenere debemus. Quoadusque vita noſtra, Chriſtiano aduerſabitur nomini? vt qui Chriſtū imitari, pro Chriſto nos opponere, religionis vinculo arctamur, contra eius legem: cōtra oues ſuas: contra ipſum Chriſtum, ignauia, arrogantia, & exceſſibus noſtris, in cælum vſque cum Gigantibus, lethiferas ſagittas, impudenter dirigimus, de locis certamus, publica negligentes; hoſtis verò nos, & noſtra omnia, ac loca ſimul, deglutire contendit. Vnum hoc conclamatum eſt, Turcas conſilij quibuſcunque non conuertemus, ſi armis non vincemus, quæ diuini verbi Concionatoribus elucidanda relinquo, quandoquidem multa nunc eſt meſſis, & operarij pauci.

Neq; id deterreat, quod tam longo tempore, Orientali imperio, hoſtis crudelitas porita ſit, & deſidia noſtra, eius potentia ſic increuerit, vt firmata eſſe videatur. Ad Occaſum intueri volenti, poſſibilia omnia, & facillima comperiet, cum Sarracenorum immanitas Granatam, & magnam Hiſpaniæ partem, ſupra ſeptingentos annos hæreditario admodum iure poſſederit. At Ferdinandi regis victoriſſimi conſtantia, reginaque Elizabeth deuotione,

& suorum fortitudine, paucis annis, nedum recuperata sunt omnia, sed tota infidelium potentia, nō à regni solum finibus abacta est. Verum adusq; inferiora Mauritaniae littora, cum perenni illius regis gloria eiecta. Ille verò proprijs tantum viribus, & vnica suorum manu, strenuè hæc gessit. Tu cōmune bellum paras, & generalem (vt aiunt) expeditionem, tua opera, consilio, & auspicijs, regumque omnium assensu, & horum prudentissimorum principum consilio (qui tuo lateri tanquam validissimæ columnæ adherent) instituere debes. Quis oro, tot regibus, & principibus, tanquam numerosæ multitudinis resistere poterit? Dum & pacem exulantem, multisque ante seculis, inter Christianos desideratam, nūc iam commodissimè pro tui, & Leonis animi satisfactione, restitutam vides, & nouo quodā quinquennali fœdere, cum omnium, qui bonæ voluntatis sunt gratitudine, firmatam intueris, vt nihil est amplius, quod ad rem propositam feliciter gerendam desit, aut quod impedire possit.

Non deerit votis tuis, & Leonis sanctissimi, serenissimus rex noster cum omnibus dominijs suis, & tota illa Septentrionis ora, modò bellis, alijs, quibus continuò impetitur, finem optatum imponere possit. Quos verò hostes regnum nostrum habeat, & quib. difficultatibus, rex ille bellicosissimus detineatur, paucissimis explicabo, ne pijs auribus fastidij præbeam offendiculum. Notum est hac ætate nostra, Sigismundi nomen celebre, longè, lateque plurimis victorijs, fama refertissima peruolante. Nolo nunc genealogiam & ortum clarissimi regis texere, quæ tuæ celsitudini, & his omnibus satis cognita esse

esse debet, Casimirea domus est, quæ regnare semper didicit, & vincere, præsentiam matura pulcritudine, & aspectu iucundissimo decoram, tu nosti, ita ex omni parte compositam, proceræque grauitati coniunctam, vt ad Maiestatem ipsam, natam esse videatur. Hic auito, paternoque & fratrum regno, senatu vocante succedens, bello fortissimum, pace verò splendidissimum se præstitit, & reddit. Quippe qui incomparabili iustitia, elementia, & liberalitate, sic apud suos omnes carus est: sic eorum affectus, æquitate, & mansuetudine, ac modestissimis legibus in se deuinxit, vt inter tot bellorum tumultus, non quod ex veteri instituto solitum est, sed quod rex ipse præcipit, aut nutu solo designat, illico à suis omnibus cum summa animi alacritate perficitur. Quæ profectò suprema laus regum est, dum quisq; subiectionis suæ debitum, amore illectus, non timore perculsus, serena fronte, & libera exequitur, idque efficit, vt dum Scythæ fugaces (quos nostri Tartaros vocant) subito interdum & insperate, fines nostros irruant, mox nobilitas è centro regni primaria, benignitati principis satisfaciens, vitam propriam, & salutem, mera ipsorum virtute defouere, & in media usq; hostium agmina obicere non metuat, spem reponens firmissimam, in optima regis munificentia, qui benemerita cuiusque dignis præmijs excitare consuevit.

Vrgetur namque multis hostibus: regnum illud amplissimū, tribus à parte vna: Scytharum ducibus potentissimis, multa centena millia bellatorum in statione campestri secum ducentibus, qui se etiam Cæsares dicunt, vno Theodosiæ propinquo, post

Borysthenem ad latus maris Pontici, in Tauricare-
fidente, alter circa Tanaim, & paludem Maotidem
loca tener, & is in manibus regis est: tertij sunt re-
motiores. Asiatici vastissimam incolentes solitudi-
nem, & latissimos tenentes campos: hi omnes re-
pētinis incursionibus regnum deprædari, & conti-
nuè defatigare non cessant, famem, sitim, æstum &
algorem, & omnem inedia contemnentes. Sæ-
pius etiā Turcis iuncti, qui Monocauftum, & Lio-
stomum occuparunt, maiora & horrenda damna
nostris inferunt. Turcarum enim Scythæ omnes
dependent, dum eadē se & sit, Mahometicis simul
erroribus implicata: è quibus planè deprehendi po-
test, facilius catulos à maternis ubribus, quàm Tar-
taros à Turcarum assistentia diuelli posse, qui nunc
etiam contra regem Persarum optatas viginti mil-
lium equitum suppetias tulerunt. De his rex noster
multas & insignes reportauit victorias, vt arces, &
loca regni munitissima ostendunt, quæ pacis tem-
pore pro sui nominis immortalitate ornatissimè
restaurat: vbi Scytharum catenatæ acies, latericio in-
muris erigendis certamine quotidie congredi vi-
dentur. Est & alter hostis non minor ad rigentem
Arcton, citra mare glaciale cōsistens, Roxolanorū
dux, quem nos Motchum dicimus, sola perfidia, &
detestando schismate famosus. Is partem regni Li-
tuanorum videlicet prouinciam, magno etiam bel-
lorum motu turbat indies. Sed & hunc rex noster,
patrocinate iusticia, fudit sæpius, eiusq; potentiam
triginta millibus in loco cæsis, profligauit, quàm
plurimis primoribus ad vincula coniectis, qui in o-
mnibus Lituaniæ castris arctissima detinentur cu-
stodia.

stodia. Multis etiam alijs captiuorum millibus per
vniuersum ferè orbem, varijs Christianorum prin-
cipibus, mancipiorum loco dono datis.

Iamq; cruentum hoc bellum decennium supe-
rauit, dum sint, qui eas discordias seminent, concit-
tent, & turpiter alere non verentur. Sed, pro do-
lor, non pudet etiam religionis professores tanto-
rum malorum auctores, & faces esse, qui literis, &
nuncijs ad eam rem fouendam, magisq; irritandam,
terra & mari fursum ac deorsum curlitant, vt reges
& principes alioquin fortè quieturos, ad pugnam in-
flamment. Salutis insignie, & candidam innocentia
vestem deferunt, tanquam pacis amatores, & fra-
trum perniciem sitiunt, bellorumq; fomitem, & to-
tam causam præstant, hi sunt, qui loquuntur pacem
cum proximo suo, mala autè in cordibus eorum, sed
reuera, Deus fucis nō illuditur. Breui nāq; eis secun-
dum nequitiam adinventionum ipsorū retribuet.
Tuè verò sacratissimæ integritatis studium erga se, &
statum suum pacandum cognitū habet rex noster,
pro qua beneuolentia, te vt parentem alterum ob-
seruat, veneratur, & colit, velleq; vicissim eius maie-
statem omni opera, & facultate eniti, vt quacūque
occasione, & modis, tuæ celsitudini mutuò gratifica-
ri, & æquè fraternum officium præstare possit.

Et vt finem dictis imponam, his hostibus & qui-
dem assiduis regnum nostrum à trecentis penè an-
nis premitur. Verum suo ære tantum, suo milite, &
maximis laboribus, totam hanc belli molem susti-
nuit, nemine Christianorū principum suffragante:
spe alebamur cōtinua, & nudis semper pollicitatio-
nibus detinebamur, sumptibus & humeris nostris

vicina hucusque oia fouebamus, vt iam tanquam defessi & imbecilles, à maioribus impensis continere non possemus, & deberemus meritò. Nunc tamen vt priuatos effectus publica vincat vtilitas. Expeditionem hanc generalem commendat summo pere, & approbat, serenissimus rex noster: laudat modum de colligendo neruo bellico, & exercitu congregando. Quem sanctiss. dominus noster, & tuæ celsitudinis prouidentia constituit. Alij; reges & principes Christiani proponunt. Sed neque de eo pro nunc Maiestatem regiam cum senatu, & subditis suis, quicquam decernere potuisse, inter domesticas difficultates, & bellicam occupationem cum ea, quem nemini hostilitate, quibus aliqua ex parte, vt cunq; compositis, & deliberatione huius dignissimi cōuentus procedente, mox maiestatem suam, & de colligendo nummo, & describendo milite, in regno & dominijs suis itidem cōstituere velle. Nec prætermitturum quicquam, quæ vires eius, ac regni, & dominiorum suorum ferre potuerint. Et quæ ad tam sanctum, diuque desideratum opus pertinebunt, dūmodo aliquando cum effectu aliquo Christianæ salutis consulatur, pro qua (vt verbis vtar regijs) & thesauros omnes, & sanguinem ipsum cum vita effundere parata est.

Perge igitur, quo cœpisti, sacratissime Imperator, & tot actatīs gloriosissimis triumphis tuis, vnicum hunc, qui cunctos alios superabit, apponere contendere, vt vtriusque Imperij habenas, Christiani omnes, te moderantem aspiciant, & latentur. Vinces proculdubio in signo crucis hostes detestimos, profligabis cum tanto apparatu, & omnium potentia.

tia. Turcas impios exterminabis cum Leone sanctissimo, & tot regibus spurcissimos, infideles, & ad vltimos vsque fines terræ, tanquam Christo alienos propulabis, vt qui te Augustum in Augusta tua, & mense hoc Augusti, augustè comperimus, post multas de infidelibus partas victorias, Mahometiq; deletò nomine, Augustissimum tādē videamus. Iter autem parabit, & diriget Dominus, cuius res agitur, carmine prophetico attestante, Reuela Domino viam tuam, & spera in eo, & ipse faciet.

VICTORIA SERENISS.
PRINCIPIS, ET D. D. SIGI-
SMVNDI EIVS NOMINIS PRIMI RE-
gis Polonia, magni Ducis Lituania, Russia, Prussia,
ac Massonia, &c. domini, heredis contra Vayvodam
Muldanie, olim Dacia, Turce tributarium, & sub-
ditum: cui subest Valachia, Mysia inferioris pars ad
flumen Tyram influens Pontum Euxinum, quæ à
Deo data fuit terna in Mense Augusto præteri-
to, & consummata XXII. die eiusdem
mensis, anno Domini

M. D. XXXI.



AYEVODA Muldanie, & prædeces-
sores eius, vt perfidorum mos est,
nihil vnquam longo iam tempore
regibus, & regno Polonie, quod te-
nebantur, præstiterunt, cui ipse Va-
yeuoda innixus, hyeme præterita, præter omnem
expectationem fœderibus, & iuramentis, quæ fece-
Mm

rat, neglectis: nullaque hostilitatis denunciatione præmissa, prouinciam regni Poloniæ Pokuczię nuncupatam fide, & honore posthabito, occupauit. Quam iniuriā, quum serenissimus Poloniæ rex diutius ferre non posset, exercitum selectorum mercenariorum militum ex regno suo cōparauit, & conscribi iussit, opera magnifici Domini Ioannis Comitis de Tharnouu, Palatini Russiæ, & exercituum regni Poloniæ capitanei generalis, viri in militatibus, clarisq; alijs in rebus præstantissimi, quem ille varijs in locis, ne hostis certum numerum scire posset, collegerat, & disposuerat, & non multò ante festum sancti Iacobi ad loca, quæ præsidij hostis firmata erant, admoueri iusserat. Constabatq; totus ille exercitus equitibus, præter trecetos pedites, qui machinis, & bombardis erant additi. Ex his equitibus ipse capitaneus generalis præmisit duo millia, & aliquot centum equites, qui præter Valachorum spem, & scientiam varijs in locis prouinciam illam Pokucziæ adorirentur. Valachorum ibidem in præsidij erant fortassis 1400. bello apti, præter aliam colluiem. Poloni milites mādāta capitanei strenuè exequentes, non vna ex parte eam prouinciam inuasērunt, confligentes cum hostibus multos trucidarunt, & non paucos viuos ceperunt, inter quos erant pleriq; ipsius Valachi familiares, & aulici, atq; in duobus diebus totam illam prouinciam recuperarunt, præter castrum quoddā Guosdziecz, quod cuidam nobili Polono Thuuorouuski nuncupato fuerat ademptum. Hoc tamen etiam paulò post obfidentes, in potestatē suā redegerunt, & illi quendam præfectum militum Vlodek nomine præfecerunt,

runt: pauci ex illa Polonorum irruptione, Valachorum, qui superfuerant, euasēre in Valachiam. Huic victoriæ capitaneus generalis Comes de Tharnouu nō interfuit, sed cum potiore exercitus parte rerum euentum non procul præstolabatur. Victoriæ verò nuncium cum quibusdam captiujs, nobilis quidam iuuenis Spitek de Tharnouu serenissimo Poloniæ regi Cracouiam apportauit. Paulò post appulit etiā ad sereniss. Maiest. regiam generosus dominus Hieronymus Schaffranycz, qui plurimos ex ea victoriā captiuos attulit, hīq; hinc inde per castra regia habentur distributi. Post hanc acceptam cladē Vayeuoda Valachus percitus, omnes quas potuit suorum copias cōgessit, & in tres exercitus diuilit, eratq; numerus omnium supra viginti millia. Cum his in prouinciam Pokucziæ perueniens, sex millia equitū ad recuperandum castrum Guosdziecz transiisit. De quo certior factus comes de Tharnouu, capitaneus generalis, maturè cum toto suo exercitu, & his qui vltro se adiunxerant, ad succurrendum obfessis, & castro affuit. Hoc videntes Valachi, 19. Augusti præteriti cum exercitu Polono manus conseruerunt. In eo conflictu, cum Dei adiutorio, Poloni superiores facti, Valachorum illa sex millia profligarunt, & in fugam verterunt: multi illorum cæsi, capti quā plurimi, & præsertim de illis, qui ipsius Vayeuodæ curiæ inseruiunt. Hanc suorum stragem, quā a duobus suis capitaneis, qui ex prælio profugerant, Vayeuoda audiuisset, commotus, iussit illis amputari capita, sed aliorum precibus victus, catenis ferreis vinctos custodiæ mandauit. Hæc est Valachorum consuetudo, vt eos omnes, qui ex pugna euadentes do-

num reuertuntur, supplicijs grauioribus, quàm si in bello cecidissent, afficiant. Hinc fit, vt in cõfligendo multis alijs nationibus sint ferociore. Accẽsus itaq; Valachus ira pariter, & pudore, ipse in persona cum suis omnibus, Polonos septos castris, vt eorum mos est, curribus, & vallis factis, cum multis magnis bellicis tormentis, quæ secum duxerat, aggressus est. Quumq; Poloni sic cincti, non excedentes sextam partem numeri militum, quem secum habuit Valachus, vim globorum vltius ferre nõ possent, prioribus victorijs animati, & ope diuina adiuti, extra vallum in ordinibus suis proficientes prælium commiserunt, & cum hostibus de perfidia expostulantes, & certantes ad quinque horas, sine intermissione cõferuerunt manus, illosq; ad internecionem vsque prostrarunt. Namq; præter multa alia millia caesorum Vayeuoda ipse fugiens duobus vulneribus est affectus. Tormenta bellica magna quinquaginta cum pulueribus, globis, curribus onerarijs, & toto comœtu capta, inter quæ fuerant quædam ante 34. annos Polonis, & superioribus annis ipsis Trãsylvanis Vngaris adempta. Item duo vexilla maiora & principaliora, tympana, & multa alia bellica paramenta. Quæ omnia facta sunt 22. Augusti præteriti. Poloni prosequentes victoriam, insequuti sunt fugientes Valachos per milliare Germanicum vnum & dimidiatum, trucidantes, & plerosque de nobilioribus viuos capientes. Fuit caesorum ingens numerus, & inter eos multi de primoribus Valachi reperti. Hunc lætum victoriæ nuncium attulit sereniss. Poloniae regi quidam præfectus militum, nomine Szuuienzicki 29. Augusti Cracouiam. Postero die

ro die missus à comite de Tharnouu capitaneo generali quidam iuuenis nobilis nomine Sbigneus Szienyenski, quosdam sereniss. Maiest. regiae etiam captiuos attulit. Et inde alius præfectus militum Iaslouiecki duxit secum magnum captiuorum numerum, inter quos est, qui dicitur sermone Valacho Glogofer, quod est apud illos supremi cancellarij nomen. Item & pocillator, seu pincerna, & structor mensæ, cum plerisq; alijs ipsius Valachi officialibus. In summa nihil aliud ex eo conflictu secum, quàm duobus vulneribus saucium corpus asportauit Valachus, qui non immeritò perfidiæ suæ sic dedit poenas. Hinc tantus timor suos in Valachia inuasit, vt multi in Vngariam, & Moldauiam quotidie cum bonis suis profugerent. Christo Domino sit honor, & gloria, atq; omnis gratiarum actio, qui sereniss. Poloniae regem quàm diutissimè contra crucis suæ hostes viuere, & triumphare concedat, Amen.

EXCERPTA est hæc victoriæ historia ex ipsis sereniss. Poloniae regis literis, & quorundam, qui omnia magis peculiariter scripserunt.

Datum Bruxellis, in curia Cæsareæ Maiestatis, 24. Septembris, anno Domini M. D. XXXI.

Per R. D. Ioannem Dantiscum, C. Episcopum Calmensem, oratorem ipsius serenissimi regis.

FRAGMENTVM EX LIBEROBARONE DE HERBERSTAIN-NEYPERG, ET GVETTEN-

*bag, &c. de bello Poloni, &c.
Moschi.*

ERAT Ioanni magno duci ex Sophia, filia Helena, quam collocavit Alexandro Magno duci Lituaniae, qui postea rex Poloniae declaratus est. Sperabant Lituani iam grauissimas utriusque principis discordias eo matrimonio sopitas fore: at longe grauiores inde exorta sunt. In sponsalibus namque conclusum erat, ut templum Ruthenico ritu in castro Vilnensi, destinato loco exaedificaretur, ei que certa matronae ac virgines eiusdem ritus iungerentur, quae cum aliquanto tempore fieri negligerentur, sumit locus causam belli contra Alexandrum: & triplici exercitu instructo, contra eum progreditur. Primum versus provinciam SeWeram in Meridiem: secundum vero in Occidentem contra Toropecz, & Biela instituit, tertium in medio versus Drogobusch, & Smolenczko collocat: ab ijs exercitum in subsidij retinet, quod ei maxime, contra quem Lituanos pugnatore animaduertet, succurrere posset. Postquam autem ad fluvium quendam Wedrasch uterque exercitus venisset, Lituani duce Constantino Ostroski maxima procerum, & nobilium frequentia septo, ex quibusdam captiuis numerum hostium ac ducum quoque cum cognouissent, magnam spem pro-

fligan-

fligandi hostium concipiunt. Porro cum fluuiolus conflictum impediret, ab utrisque transitus seu vadum quaeritur. Primi autem Moschi aliquot, superata ripa, Lituanos ad pugnam lacessunt: atque illi haud timidi resistunt, eosque insequuntur, fugant, ultraque fluuiolum pellunt: mox utrinque acies committuntur, praeliumque atrox oritur. Interea dum utrinque eodem ardore animorum acriter certarent, exercitus in insidijs collocatus, quem paucissimi Rutheni adfuturum sciebant, ex latere in medios hostes inducitur. Lituani metu perculsi, dilabuntur: Imperator exercitus una cum plerisque nobilibus capitur: reliqui perterriti, castra hosti concedunt: se & arcus, Drogobusch, Toropecz, & Biela pariter dedunt. Exercitus vero, qui meridiem versus processerat, cui praerat dux Machmethemin Tartarus rex Calani, forte Brensko ciuitatis praefectum, quem vernacula lingua Waiuodam vocant, comprehendit, Brenskoque ciuitate potitur. Duo post germani fratres, Basilij patruels, alter de Staradub: alter vero Semeczitz dicti, bonam partem provinciae Seueriae possidentes, alioqui Lituaniae ducibus obediens, imperij Moschi se tradunt. Sic unico conflictu, & eodem anno adeptus erat Moschus, quae Vitoldus magnus dux Lituaniae multis annis, maximisque laboribus obtinuerat. Porro cum hisce captiuis Lituani, Moschus crudelius egit, grauissimis catenis vinctos detinuit: egitque cum Constantino Duce, ut relicto domino naturali, sibi seruiret, qui cum aliam spem elabendi non haberet, conditionem accepit, obstrictusque grauissimo iuramento, liberatus est. Huic porro quamuis praedia, possessio-

Mm iij

nesq; pro status sui conditione attributæ essent : ijs tamen placari ac detineri aded non poterat, vt ad primam occasionem, per inuias syluas redierit. Alexander rex Polonia, magnus dux Lituania, qui perpetuò magis pace, quàm bello gaudebat, relictis omnibus prouincijs, & castris à Moscho occupatis, liberatione suorum contentus, pacem cum focero fecit.

Moritur autem Ioannes ille magnus, anno mundi 7014. cui filius Gabriel, postea Basilius dictus, magnus dux successit, habens in captiuitate Deme- trium nepotem ex fratre, qui auo adhuc viuentē iuxta gentis cōsuetudinem legitimus monarcha creatus erat: & ob id viuo adhuc, atq; etiam mortuo pōst nepote, solenniter Basilius creari monarcha noluit. Patrem multis rebus imitatus est: ea quæ sibi reliquerat pater, integra custodinit: ad hæc multas prouincias non tam bello, in quo erat infelicior, quàm industria, imperio suo adiecit, quemadmodū pater Nouogardiam magnam in seruitutem suam rede- gerat, ita & ipse Plescouiam, sociam urbem: item insignem principatum Smolenzko, qui plus quàm centum annis sub ditione Lituatorum fuerat, adeptus est. Mortuo etenim Alexandro rege Polonia, etsi belli causam contra Sigismundum regem Polonia, & magnum ducem Lituania nullam haberet, tamen quia regem ad pacem magis, quàm bellū inclinatum: Lituanos verò bellum pariter abhorrentes videret, occasionem belli inuenit. Sororem videlicet suam, Alexandri relictam, dicebat ab eis minimè pro dignitate tractari: regem præterea Sigismundum instigabat, Tartaros contra se con- cita-

citauisse. Quare bellum indicit, Smolenzko obsidet, ad motis tormentis: ne quicquam tamen oppugnat. Interea Michaël Lynczky, ex principum Ruthenorum nobili stemmate, & familia ortus, qui quondam summam rerum apud Alexandrum tenebat, ad magnum ducem Moschouia profugit, quemadmodum infra patebit: mox Basilius ad arma hortatur, eiq; promittit, se Smolenzko, si iam denuo obsideretur, expugnaturum: ea tamen lege, vt sibi hunc principatum Moschus concedat. Pōst cū ad conditiones à Michaële propositas assensus esset Basilius, atque Smolenzko graui iam denuo premeret obsidione, Lynczky pactioibus, seu largitione verius vrbe potitus, militiaq; præfectos omnes secum in Moschouiam duxit: vno duntaxat excepto, qui ad dominum suum, nullo prodicionis crimine sibi conscius, redierat: reliqui verò centuriones corrupti pecunia, & muneribus, redire in Lituaniā nō audebant: & vt culpæ suæ patrociniū prætenderent, iniecerunt metum militibus, dicentes: Si Lituaniā versus iter arripiemus, passim aut spoliabimur, aut occidemur: quo malo perculsi milites, omnes in Moschouiam profecti sunt, stipendioq; principis aluntur.

Hac victoria elatus Basilius, exercitum suum cōtinuò in Lituaniā progredi iubet: ipse verò in Smolenzko manet. Dein cū aliquot propinquo castra, & oppida deditione capta essent, tum primum Sigismundus rex Polonia obsessis in Smolenzko, coactō exercitu auxilium, sed tardius, misit: mox occupato Smolenzko, vbi Lituaniā versus Moschi exercitum ire animaduertit, ipse Bori-

fou iuxta fluuium Bereſina ſitum aduolat, atq; inde exercitum ſuū Conſtantino Oſtroſkij duce, dimittit: qui cū attigiffet Boryſthenem, circa Orſam oppidum, quod à Smolenczko 24. mill. German. diſtat, aderat tum iam exercitus Moſchi circiter 80. millia: Lituanicis autē non excedebar triginta quinq; millia hominum, adiunctis tamē aliquot bellicis tormentis. Conſtantine menſe Septemb. die 8. anni 1514. ſtrato ponte, peditem yltra Boryſthenem, iuxta Orſam oppidum transfert: equitatus autem anguſtum vadum ſub ipſo caſtro Orſæ ſuperat. Mox ubi dimidia pars exercitus Boryſthenem tranſiſſet, nunciatur Ioanni Andreæ Czeladin, cui ſumma rerum à Moſcho erat commiſſa, vt hāc exercitus partem intraderet, contereretq; . At ille reſpondit: Si partem hanc exercitus oppreſſerimus, ſupererit altera pars, cui fortē alia iungi copiae poſſent, atq; ita nobis maius periculum immineret: expeſtemus tantisper, dum totus exercitus transferatur: tanta enim ſunt noſtræ vires, vt ſine dubio, nec magno labore, hunc exercitum aut opprimere, aut circumuentum Moſchouiam vſque, veluti iumenta agere poſſimus. Tandem, quod vnicum reſtat, totam occupemus Lituaniam. Interim appropinquabat exercitus Lituanicus, Polonis & externo milite mixtus: & cum quatuor millibus paſſuum ab Orſa proceſſiſſet, vterque ſubiſtit. Moſchorum duæ alæ longius ab exercitu receſſerant, vt hoſtem à tergo circumuenirent: acies autem inſtructa in medio ſtabat, ſubductis quibuſdam in fronte, qui hoſtem ad pugnam laceſſerent. Ex aduerſo Lituanus diuerſas copias, ordine longo collocabat: ſinguli etenim principatus, ſua

ſua gentis copias, & ducem miſerant, atque ita ſingulis ſuis in acie dabatur locus. Tandem cohortibus in fronte conſtitutis, Moſchi claſſicum canentes, primi in Lituanos imperum faciunt: illi haud timidi reſiſtant, eosq; repellunt: quibus mox alij in auxilium miſſi, viciffim Lituanos in fugam conuertunt: ſic aliquoties vtraque pars nouis ſubſidijs aucta, alteram repellebat. Poſtremò maxima viceratur. Lituari ſtudio cedentes ad locum, vbi tormenta bellica collocauerant, ea in Moſchos inſequentes conuertunt: extremamq; aciem eorum in ſubſidijs arctius collocatam feriunt, turbant, dirimuntq; . Hoc nouo belli genere Moſchi, qui primos duntaxat in acie cum hoſte conſigentes, in periculo eſſe putabant, terrentur, turbatiq; primam aciem iam iam fuſam putantes, fugam capellunt, quos Lituari conuerſi, omnibus copijs effuſis inſequuntur, fugant, cæduntq; . Hanc eadem ſola nox ac ſyluæ diremerunt. Eſt inter Orſam, & Dobrounam (quæ quatuor mill. German. diſtant) fluuius Cropsna dictus: in cuius dubijs, & altis ripis fugientes, tot Moſchi ſubmerſi ſunt, vt curſus fluminis impediretur. Capti ſunt in eo conſpectu omnes militiae præſecti ac conſiliarij: quorum præſtantes, Conſtantine ſequenti die lautiffimè accepit: dein ad regem miſit, qui per caſtra Lituanica ſunt diſtributi. Ioannes Czeladin cum alijs duobus præcipuis ingraueſcentis iam ætatis ducibus, habebatur, in ferreis compedibus Vilnæ: hos ego, cū à Caſare Maximiliano legatus in Moſchouiam miſſus eſſem, permittēte rege Sigifmundo, acceſſi, eosq; conſolabar: aureos præterea aliquot, obſecran-

tibus mutuò dederam. Princeps porrò accepta suorum clade, Smolenczko continuò relinquens, in Moschouiam fugit: & ne castrum Drogobusch Lituanici occuparent, incendi iubet. Lituanicus exercitus rectà Smolenczko ciuitatem contendit, sed capere eam non potuit: quòd præsidij impositis, Moschus eam bene firmatà reliquerat: & quòd hyems impendens obsidionē impediēbat: tum quod plurimipost conflictum prædæ onusti, satis se effecisse rati, domum repetebant: denique, quòd neque Lituanici, neque Moschi expugnare arces, aut vicapere norunt. Ex ea autem victoria, præter recuperata citra Smolensko tria castra, rex nihil reportauerat. Anno post hunc conflictum quarto, misit in Lituaniā exercitus Moschus, atque intra meatus Duuinæ fluij, & Poloczko castrum confedit: ac inde bonam exercitus partem, quæ Lituaniā abacta præda, cæde, & incendijs depopularetur, dimisit. Albertus Gastold Poloczkijs Vuayuoda vna noctium egressus, flumine superato, aceruum fœni, quod ad longam obsidionem congesserant Moschi, incendit, hostem inuadit: quorum alij cæsi ferro, alij fugiendo submersi, alij capti, pauci euaserunt: cæteri, qui palantes Lituaniā vastabant, pars in locis diuersis deuicti, alij in syluis errantes à colonis trucidati sunt.

MARTINI

MARTINI CROMERI
ORATIO IN FVNERE OPTIMI
ET MAXIMI PRINCIPIS, SIGISMVN-

di, eius nominis primi, Polonorum, Lituanorum, Russorum, Prussorum, & Masouiorum regis,

&c. an. M. D. XLVIII. Calend.

April. defuncti.

SERENISSIMO PRINCIPI ET DOMINO, Domino Sigismundo Augusto Dei gratia regi Poloniae, magno duci Lituaniae, Russiae, Prussiae, Masouiae, Samogitiae, &c. Domino & heredi, Domino suo clementissimo, MARTINVS CROMERVS.



N publico & acerbissimo omnium nostrum luctu, quem tecum pariter, Sigismunde Augusterex inclite, morte sanctissimi regis nostri SIGISMVNDI patristui, nuper haesimus, nulla est (mea quidem sententia) maior, & efficacior doloris leuatio, quam honestissime, & laudabiliter in primis ab eo acta, & religiosè exacta atq; posita vita: beneq; & feliciter sapienter & cum approbatione omnium honorum administrati regni huius recordatio. Quia in parte cum ego promeo de multis bene merendi studio, opis aliquid nobis, neq; maioribus nauis (qui multos annos in Reipublica nostra, & in aula eius regis versati, exactius omnia norunt, & memoria tenent) sed minoribus & imperitis asferre cuperem, prius quam abs te orator

Historia Po-
lonica ab
autore con-
scripta.

ad Pont. max. Paulum eius nominis tertium profect-
scerem, scripsi ei funebrem orationem, siue laudatio-
nem: qua vitam eius penè omnem, resq; gestas illustri-
res, nudè & succinctè, quoad fieri potuit, exponendo,
non verbis amplificando (quod perlongum, & non
mearum sane virium opus futurum erat) complexus
sum, ut esset commentarij vice interim, dum siue à no-
bis ipsis in instituta historia gentis nostræ, siue quod
malim à doctiori atq; disertiori quopiam diligentius
omnia pertractentur. Nec sanè desunt in hoc tuo re-
gno, quod multò florentius, & belli, & pacis artibus
pater tuus reddidit, quàm acceperat: qui, si tua beni-
gnitas accesserit, & libenter id opus suscepturi sint, &
cum dignitate persecuturi. Equidem, si nihil aliud hoc
labore meo assequar, certè doctiorum cessantium ad-
huc studia excutabo, & persequi hac accuratè, & or-
natè volentibus materiam subministrabo. Tibi verò
in primis, inclyte rex, orationem hanc dicare volui,
cui me ipsum non ita pridem addixi, & ad quem hæ-
reditas paternæ gloriæ maximè pertinet: ut siquidem
placebit, nonnulla, si non cum voluptate, certè cum le-
uatione desiderij paterni, domestica decora recogno-
scas: & nostri siue ocij, siue negocij fructum, & quasi
primitias quasdam delibes: sin displicebit (quod ma-
gis credo) melioribus des id negotium, ut ne cum
eorum, qui nunc viuunt, mortalium memoria, sa-
pientissimi, & optimi patris tui laudes intermo-
riantur.

Quamquam visuent ea (nisi me vanum fallit au-
gurium) auo sempiterno, easq; posteri nostri longè
etiā, quàm nos gratiore, & iucundiore memoria
prosequantur. Quod reliquum est, Deum precor,

ut

ut fausta tibi, nobisq; omnibus regni tui initia esse
velit, & latioribus indies successibus id cumulet, ac
diutissimè incolume, fortunatumq; præstet. Cracouia
9. Calend. Aug. M. D. XLVIII.

SANCTI POLONIÆ, &c. RE-
GIS SIGISMVNDI PRIMI E-
pitaphium.

Sigismundus in hoc iacet sepulcro,
Quod viuens sibi prouide parauit.
Primus Sarmatiæ potens feracis
Hoc rex nomine, quem Iagiellianæ
Ex magnis Ducibus vetus propago,
Gestis, iustitia, fideq; clarum,
Produxit: quibus & diu Polonos
Rexit magnanimos, eosq; multis
Auxit diuitijs, honoribusq;
Et tot magnificis ubique passim
Structuris, ut in hac patefuit arce,
Intemplis, & item Deo dicatis.

Armis atque toga probe per omnes
Insignis procul inde nationes,
Veri cultor erat, tenax honesti,
Et prudens, sapiens, pius, modestus.
In cunctis ratione semper usus,
Non præceps, neque concitus notatus.

*Tandem transijt hinc, bis octo lustris
Ex hoc pondere corporis, peractis:
Sanctè sicut in hoc agebat, hoc sic
Est iam tempore, mortuusq; sanctè,
Christus, quo tumultum die reliquit,
Consunctus superùm beatitati.*

Natus anno Domini 1467. prima Ianuarij. Electus
1506. octaua Decembris. Coronatus 1507.
vigesima quarta Ianuarij. Mortuus 1548. pri-
ma Aprilis.

*Ioannes Dantiscus episcopus Varmiensis, domino suo
bene merenti non sine lacrymis posuit.*

SIGISMVNDVS REX IPSE

DE SE.

*Ciuihus, externisq; mea est clementia nota,
Consilium, grauitas, religio, atq; fides.*

*Pax mihi cara fuit: tamen haud me impune laceffit
Teutho, Lino, Moschus, Turca, Scythia atq; Getes.*

ORATIO.



NTemperantius fortasse, Sigi-
simunde Auguste rex inclyte, & vos
Patres amplissimi, ac ceteri viri vn-
dequaq; ornatissimi, abuti facilita-
te, & patientia vestra videor, qui lo-
cum hunc augustum, apud vos hoc
tempore dicturus, conscenderim: nihil neque con-
spectum, confessumq; istum vestrum amplissimum,
gra-

grauissimumq; reueritus: neque rei, de qua dicendū
est, magnitudine deterritus. Neq; ego ita sum hebes, *Alexandri
Magni dele-
ctus pictorū,
& sculpto-
rum.*
vt non intelligam, quid & quantum sit, quod nunc
à vobis expectetur: neque ita mihi ipse placeo, vt nō
perspiciam, quid à me praestari possit. Quod si Ale-
xander ille Magnus, rex Macedonum, qui res maxi-
mas mira celeritate, & rara felicitate gessit, neque
pingi se, nisi ab Apelle, neque fingi, nisi à Lysippo,
praestantissimis suae ætatis artificibus, passus est: quan-
to acumine, quàm varia doctrina, quàm solido iudi-
cio, quàm memoria, quàm vbere denique, & illustri e-
loquentia esse oportet eum, qui de optimi, fortissi-
mi, sapientissimi, clementissimi, & pientissimi regis *Proposio.*
SIGISMVNDI, cuius nunc exequias Polonia, Li-
tuania, Russia, Prussia, Samagitia, & Massouia omnis,
mæsta & pullata celebrat, laudibus, & vita omni, ve-
rè, & pro meritis eius dicere velit? Et effigiem qui-
dem cuiusquam aptè, seu pingere, seu fingere, non
maximi est ingenij, neque laboris, ac ne operapre-
cij quidem. Patent omnium obtutibus corporis li-
neamenta: neque magnopere cuiusquam refert,
quo colore, qua figura oris, quo corporis totius ha-
bitu, quæue statura quisque fuerit, qui inter homi-
nes esse desijt: animorum habitudines, vitamq; o-
mnem, non cuiusvis est neq; exactè perspicere, neq;
dicendo aptè, & ad viuum exprimere. Magnorum
autem virorum, & excellenti virtute præditorum
laudes celebrare, apprime vtile est vitæ hominum,
& necessarium: vt & illis, quoad fieri potest, pro me-
ritis suis gratia referatur: & ceteri habeant, vnde vir-
tutis, & laudis exempla petant, & quod ad benè me-
rendum de suis incitentur. Tantæ sunt autem huius
Nn

*Animorum
habitudines
exprimere
difficile.
Virtutes ex
laude bono-
rum.
Sigismundi
regis virtutes.*

optimi regis virtutes, vt summis pariter ac imis abundè exemplorū, ad vitā rectè, & honestè instituentem suppedient: tanta in nos & in patriam hanc nostram cōmunē merita, & beneficia, vt ea sempiterna immortalitatis laude consecrari à nobis oporteat.

*Authoris
modestia.*

Neque tamen is ego sum, qui id me rectissimè, & cum excellentibus sanctissimi illius regis virtutibus, tum perpurgatis vestris auribus, dignè facere possè cōfidam. Absit hac à me arrogātia: nō adeò effrons, demensq; sum: intelligo nullam in me esse doctrinam, nullum dicendi vltimū, & exercitationem, nullum excellens ingenium, nullam deniq; memoriam. Quānam verò tanta est cuiusquam eloquentia? in quo tantum flumen lectissimorum verborum? in quo tanta vis, & (vt ita dicam, flumen sententiarum) in quo deniq; tanta memoria, & pronuncianti dignitas, vt clarissimis optimi regis virtutibus atq; meritis par esse possit? Sed si lautis & delicatis epulis deficiamus, anne cibarium quidem panem hospitibus apponemus? Et, si auro, gemmis, preciōsq; veste catemus, ne malo quidem coroneo, vel scypho aquæ ex præterlabenti amne hausta, gratitudinem animorum nostrorum sanctissimæ huius regis animæ ostēdemus? Vetus est proverbium, Eos, qui thura nō habent, mola falsa litare. Certè vel cum periculo priuatæ temeritatis, & impudentiæ, nō est prodenda causā publica: neq; committendum est, vt dum singuli pudori nostro consulimus, cuncti hoc extremo laudationis officio in funere talis ac tam bene meriti regis prætermisso, ingrati tudinis (ne dicam impietatis) reprehensionem apud hos ornatissimos magnorū principū oratores, & apud omnes

*Excusatio
insufficien-
tia.*

*Iusta lau-
dāda causa.*

gentes

gentes, quæ humanitatē colūt, meritò incurramus. Audendum est igitur, & eo quidem maiore fiducia, quod ijs de rebus dicendum est, quæ vobis plerisq; omnibus æquè ac mihi notæ, nonnullis etiam notiores sunt: nempe quas vidistis ipsi ferè, & meministis, & quarum (vt ait Poëta quidam) pars magna fuit. Ita enim futurum est, vt me rudi, & inculto, sed plano tamē sermone, capita modò rerum attingente, cætera vos ipsi diligentius mecum recognoscatis, & grata, iucundaq; (vt par est) memoria recolatis. Ac de tribus bonorum generibus, quæ sola sunt laudabilia: primum externa: deinde de corporis: postremo animi eius bona succinctè persequar. Quod dum facio, vos mihi quæso, viri præstantissimi, benignos vos, & attentos præbeatis.

*Virgil.
Paritio.*

Genus paternum Sigismundi à Cazimiro est, Vladislai Iagellonis filio. Nemo est autem sic hospes in Polonia, ac in toto ferme Septentrione, cui non sit auditum de Iagellonum familia, quæ iam supra centum, & quinquaginta annos apud nos regnat, à vetustis Lituanorum ducens originem. Cuius princeps Iagello, cui Vladislao nomen, bono, veroque omine, quasi qui gloria potens esset, maiores nostri indiderunt. Huius auus, tuus autem Sigismunde Auguste, proauus, cum Lituaniæ, & magnæ partis Russiæ dominatu potiretur, expetitus à Polonis, & ad regnum vnā cum coniugio religiosissimæ virginis Hedwigis, de mortui Ludouici regis Vngarorum & Polonorum filiæ, repudiatis quibusdam alijs procis, accitus: religioni Christianæ sese, & cunctam simul Lituaniā addixit, ditionesque suas omnes Poloniæ iungere sempiterno adiunxit

*Iagellonum
Setus stirps.*

*Vladislao
Iagello.
Vladislai
erymon.*

*Hedwigis re-
gina Ludo-
uici filia.
Lituanorū
ad Christiā
conuersio.*

*Iagellonis
studium in
propaganda
religione.
Bohemi.
Vladislai
regis gesta.*

*Iagello cru-
delis, & ca-
didus.*

*Suitrigello-
nis.
Iagellonis
filius.*

*Vladislaus
rex Vngar.
& Pol. apud
Varnam a
Turcis occi-
sus.*

in curanda & prodigiosis demonū superstitionibus ad veri Dei cultum conuertendo gente sua agresti, & barbara, per multum laboris, operæ, sumptuumque impendit. Nec indecorū sibi duxit prapotens rex, doctoris, & apostoli munere fungi apud rudē, & vilem plebeculam, cum nostri sacerdotes eius lingua penitus essent imperiti. In Bohemis quoque, ad sanitatem, priscamque religionem à multiplici errore, quo se authore Ioanne Hussio implicarant, reuocandis, non parum operæ sumpsit: cumque pertinaciores eos esse animaduertisset, regnum ab eis delatum repudiavit. Silesios quosdam, & Russos duces domuit. Cruciferos Germanos non modò Lituaniæ inbiantes, verum etiam Poloniam ipsam, parentem & nutricem suam crudeliter, & impiè laniantes, clarissimis aliquot victorijs repressit: victis, fractisque pacem æquis cōditionibus dedit. Erat enim singulari lenitate, & mansuetudine, ad remittendas offensas perfacilis, & supra modum credulus: quippe qui fallere neminem ipse consueuisset. Quò magis obnoxius, & opportunus fuit dolis, & iniurijs cum Sigismundi Cæsaris, tum Vitouidi, & Suitrigellonis proximorum suorum, de quibus erat bene meritis: per quos factum est, vt in administrando regno plusculum haberet negocij. Huic decrepita valde ætate, cum duodequingenta annos regnasset, vita defuncto, de duobus filijs impuberibus, quos è quarta vxore Sophia Russa Kiouiesium ducis filia suscep- rat, maior natu Vladislaus in regnò successit: is qui Vngarorū quoque regno suscepto, & profligatis summa cum gloria aliquot Turcarum exercitijs, cum prius ad Macedonię, deinde ad Thracia fines, hosti pacem

pacem petēti formidabilis, cum animosiore, quàm validiore exercitu penetrasset, apud Varnam inter confertissimos hostes incautiùs dimicans, certam propemodum victoriam cū vita pariter amisit: cum vndecim ferme apud nos: apud Vngaros verò non totos quinq; annos regnasset.

Post hunc Cazimirus natu minor frater, tuus Sigismunde Auguste, auus, regnum hoc suscepit: cui peruastata à Tattaris (tamen profligatis semel atque iterum) Podolia & Russia, & amissus per defectionem ad Moschos dominatus Seuerienlis, ac domesticus motus, seu veriùs offensæ voluntates multorum, propterea quòd Lituanijs plusculum indulgeret, malisque consultoribus vteretur, non parū de æterna felicitate detraxere. Prussiam tamen, & Pomeraniam per deditionem recepit. Cruciferis fœderum non tenacibus post tredecim annorum bellum supplicibus, & iureiurando in verba sua, & posterorum suorum regum Poloniae adactis, relicta parte Prussiae pacem dedit. Valachorum palatinum bellicosissimum Stephanum, in clientelam accepit, & in cōsilio suo locum ei dedit, ac magno ei ad profligendos Turcas adiumento fuit: cum Vngaris & Bohemis vario Marte bella gessit. Filios sex, & septē filias ex Elizabetha Alberti Cæsaris filia, Ladislai Vngarorum, & Bohemorum regis sorore, fœmina honestissima, & religiosissima, suscepit. Ex his viuens Vladislaum natu maximum Bohemis Cazimirum, ac deinde Ioannem Albertum Vngaris reges dedit. Sed vtroque hoc dissensione partium deserto, Vngariam quoque Vladislaus obtinuit. De quo nati Ludonicus quidem filius, bimulus viuēte patre co-

*Cazimirus
rex.
Prussia per
deditionem
Poloniae ada-
mata.*

*Cruciferi
iurauerunt in
verba regis
Polon.*

*Valachus
clens Polon.*

*Vxor & filij
eius sex, &
filia septem.
Vladislaus
Vnga. &
Bohem. rex.*

*Ludonicus
rex.*

*Anna soror
eius, & &
cor.*

*Ferdinandus
regis Rom.
Ecclesie Ferdin.
Cas. literi.
Cazimirus
filius Caz-
mirus fan-
ctus.*

*Joan. Alber-
tus rex Po-
lon.*

*Alexander
rex Polon.*

*Fridericus
cardinalis.*

*Filiarum Ca-
zimirus de-
sponsatio.*

ronatus, cum ei exacta aetate mortuo, in utroque re-
gno successisset, iuuenis admodum, Turcico bello
ante unum & viginti annos apud Mohatium mi-
serabiliter perijt. Anna verò filia cum Ferdinando
Caesare, qui post Ludouicum apud Vngaros, & Bo-
hemos regnat, nupta, tribus filijs præclaræ indolis,
& nouem filiabus superstitibus relictis, anno ab-
hinc altero parturiens, diem clausit extremum. De
suprà memoratis verò duobus filijs Cazimiri regis,
Cazimirus quidem iuuenis castissimus atque reli-
giosissimus, in Lituania immaturam mortem obiit,
non sine celebri sanctimonie fama, quam complu-
ra miracula ad sepulcrum eius edita confirmant.
Ioannes Albertus post patrem octo, & amplius: de-
inde hunc secutus Alexander quinque annos regna-
runt: ille quidem maximi animi, sed ante susceptum
regnum, quàm regnans, felicior: hic à Moschis apud
Vedrusios victus, eisdem apud Oposcam: Tartaros
verò Tauricos apud Clecicum paucis ante mortem
diebus insignibus prælijs profligauit: vterque extin-
cti properè, credo vt digniori cederent: post hos Si-
gismundus hic noster natus est. Hunc secutus Fri-
dericus, sacris initiatus, Archiepiscopus Gensnen. si-
mulq; episcopus Cracouiensis, & S. Rom. Ecclesie
presbyter cardinalis fuit.

Porrò filiarum Cazimiri duæ immaturè mortuæ:
Hedwigis Georgio duci Bauarorum, Sophia Fri-
derico Marchioni Brandenburgensi, Anna Boguslao
Pomeranorum, Barbara Georgio Saxonum: Eliza-
bertha verò (patre mortuo) Friderico Legnicen-
si, & Bregensium ducibus matrimonio iunctæ
fuere: & omnem penè Germaniam affinitatibus,
& pro-

& propinquitatibus illustrium virorū, & mulierū,
quas enumerare per longum esset, nobis deuinx-
re. Sed ad institutū nostrum reuertamur. Hoc igitur
Sigismundi genus cōpluribus, quæ admodū videtis,
præclaris principibus ac regibus secundum fuit. At-
que is ab ineunte primū pueritia, vna cū alijs fra-
tribus, ab honestissima, & religiosissima matre, san-
ctè ac temperatè educatus, & à præceptoribus, viris
eruditis, bonis, grauib; & pijs ad virtutē in primis,
& pietatem, cultumq; diuinum institutus, in literis
quoq; non cōtemnendos progressus fecit: ita, vt La-
tinè scribentes, & loquentes sine interprete intelli-
geret, nec incōmodè ipse ea lingua vteretur. Germa-
nicā verò, cuius propter finitimos atq; etiā incolæ
Germanos, non exiguus est vsus apud nos, exactiūs
didicit. Porro in diuinis Scripturis ita fuit exercita-
tus, vt multa inde senior meminisset: ac sæpe eas in
ore haberet, nō ad scurrilem iocum, aut ad curiosam
disceptationem, vt nunc improbus, ne dicā impius,
mos inoleuit, sed sermō, & ad moderandas actiones,
vitamq; omnē: eoq; timorē Dei, iustitiam, & virtu-
tē maximè semper præ oculis habuit. Per multum. n.
refert, quib; rebus quis ab ineunte ætate assuefactus
fuerit. Nec scio, an ad vitam sic vel sic degendā lon-
gè plus faciat, quo modo quis à puero eductus, & in-
stitutus, quàm quo modo natus sit. Solent enim
plerunq; etiam bonæ, & generosæ indoles, pra-
uā, atque adeò negligentiore quoque educatione
deprauari: vitiosam verò naturam sæpe bona educa-
tio corrigit. Sic igitur educatis Sigismundus, adole-
scēs singulari indole, modestia, comitate, grauitate,
& industria, quæ res maximè ætatem illam cōmen-

*Educatio
Sigismundi.*

*Linguarum
perita.*

*Pius vsus
sacrarum
literarum.*

*Educatio-
nis bona &
utilitas.
Adolescens
Sigismundi.*

*Favor Sigi-
smundi apud
Vngaros, &
Bohemos.*

*Glogoniensis
& Opavien-
sis domina-
tus, & supre-
ma præfe-
ctura Sile-
sia.*

*Regna ob-
lata, sed non
acceptata.*

dant, magnam sibi non modò nostrorū hominum, sed etiam externorum, Vngarorū, inquam, Bohemorum, Silesiorum, & Germanorum, cum quibus vixit, benevolentiam adiunxit. Nam cum regnante Ioanne Alberto fratre post patrem, iuuenis in Vngariam ad Vladislaum alterum fratrem se contulisset, ibi ea dignatione fuit, ut Vngari, & Bohemi magis eum propemodum, quàm regem suum reuererentur: per eum, quæ cuperent, publicè & priuatim à rege peterent: eius autoritati, & iudicio libenter starent. Usque adeò maiorem vim habet ad tenendos in officio etiam feroces homines, equitatis, grauitatis, constantia, & sapientia opinio, quàm regium sceptrum, quàm etiam carcer, honorū confectio, proscriptio, virga deniq; & secures. Itaque magno omnium favore, Glogouiensem, & Opaviensem dominatum, & summam vtriusque Silesia præfecturam à Vladislao fratre obtinuit: adeoque carus ac venerandus fuit Silesijs, ut hodie etiam eius imperium grata, & iucunda memoria prosequantur. Quid illud, nonne ingens est bonæ existimationis, & benevolentia hominum erga eū documentum? quòd cum regnaret iam in Polonia, à Suetijs, post electum Christiernum regem, & item ab Vngaris atq; Bohemis, post miserabilem Ludouici fratris filij interitum, ut illa quoq; regna susceperet, expetitus est: Neq; deterrebat Suetios tanta terre, marisq; intercapedo, quanta à nobis disiunguntur: ac ne Vngaros quidem, & Bohemos pacta conuenta cum Maximiliani Caesaris liberis, aut Caroli, & Ferdinandi maximorum principum potentia, si Sigismundus delatum sibi regnum suscipere voluisset.

Apud

Apud suos verò quàm gratiofus fuerit, vel illud per magno argumento est, quòd Ioanne Alberto rege mortuo, prælatus fuisset proculdubio in regno, maiori natu fratri Alexandro cunctorum suffragijs, nisi plus publica quies atq; tranquillitas, & vetusta cum Lituaniis, quos iam Alexander ditione tenebat, fœdera valuissent. Iam verò quantum ei honorē summi quiq; Principes habuerint, redite quæso mecum paulisper in memoriam. Primum enim Maximilianus Cæsar, nō minoris animi, quàm prudentie princeps, dudum hostis accerrimus, post celebrē illum congressum Viennensem, eo ipsum honore prosecutus, ea caritate complexus est, ut in loco fratris deinceps eum haberet: eius gratia fœdus cum Basilio magno Moschorum duce ictum respueret, ac non modò defenderet contra Sigismundum Cruciferos in Prussia, quos defendendos susceperat, verum etiam auxilia ei contra illos, si quid noui molirentur suo, nepotumq; suorum nomine promitteret. Qua de re extat apud nos diploma eius.

Huius verò nepos Carolus, qui nunc latè & feliciter imperat, nonne hunc Sigismundo honorem habuit, ut inclytæ huic regina Bonæ, uxori eius coniunctissimæ, Barësem principatum, quem post obitum matris eius in potestatem suam redegerat, redderet: ipsum societate sua, & aureo vellere ultro dignaretur: sape honorificentissimam eius mentionē faceret: neq; vnquam Cruciferis, & alijs Germanis bellum contra eum flagitantibus indulgeret? Adest hic vir clarissimus Stanislaus Lasceus palatinus Sira-diensis, haud ita pridem apud illum potentissimum Imperatorem legatione functus. Adsunt item viri

*Gratiofus
apud Polo-
nos.*

*Amicitia,
& fœdus cū
Maximi-
lian. Imp.
Viennensis
cum Cæsare
congressum.*

*Amicitia
cum Carolo
V. Imper.*

*Stan. Las-
ceus.*

Petrus Opalenus.

Stan. Borgius.

Nicol. Myscous.

Joan. Dantiscus.

Amicitia cum Ferdinando rege.

Et Cesare.

Nicol. Radimilus.

Mar. Grom.

oratores ad Ferdinand.

Amicitia cum maximis regibus.

Et pontificibus Rom.

præstantes, Petrus Opalenius castellanus Gnesnen. Stanislaus Borgius Decanus Cracouiensis, Nicolaus Myscous regis mensæ structor. Vellem adesset etiam vir eruditissimus Ioannes Dantiscus, episcopus Varmienfis: qui omnes idem munus apud eundem imperatorem cum laude superioribus temporibus obierunt. Ex his cuique licet discere, quanto opere ille princeps maximus, & grauissimus Sigismundum regem obseruârît. Quid frater eius Ferdinandus Cæsar & Rex potentissimus? nōne plurimum eum & amauit, & coluit? Nōne eius arbitrio controuersiam suam cum Ioanne rege regno Vngarorum permisit? Non dico, quibus verbis, & rebus præterea sapenumero idem rex quanti Sigismundum faceret declarauit. Possem autem non vano rumore accepta referre, sed quæ cum de grauius uiris accepi, tum ipse explorata habeo, cum nuper ad illum à te, rex Sigismunde Auguste, cum Nicolao Radimilo, viro illustri, & acuto, Lituaniæ summo Marschalco missus essem. Ne illud quidem commemoro, quanto animi dolore idem nuper Sigismundi nostri mortem prosequutus, quantoque studio pariter, & apparatu exequias ei in maxima principum Germaniæ celebritate fecisse dicitur. Vt autem & Gallorum regem Franciscum, qui anno superiore decessit, Iulium secundum, Leonem decimum, Clementem septimum: & hunc qui nunc præsidet, sapientissimum Paulum tertium, pontifices maximos præteream, quorum illustria habiti huic regi honoris documenta commemorare possem: ut magnorum item & grauium quorundam Germaniæ principum perhonorifica de ipso

de ipso elogia, quæ ipse his auribus audiui nuper, omnem mittam. Barbari nōne eum præ cæteris regibus, & monarchis reueriti sunt? Quo enim rege cultior, & populosior fuit Russia, & Podolia? hoc est, quo rege quietiores fuere Tartari, prædis & acpto alioqui viuere soliti? Quid ego dicam de Turcis, qui felicitate sua elati, omnes homines atque Gentes præ se contemnunt? Annōn Solimannus bellicosissimus, & felicissimus eorum imperator, cum eo perpetuum fœdus percussit, & religiosè coluit? negare id alijs postulantibus, aut ad tempus modò concedere, nec admodum superstitiosè seruare solitus. Annōn Valachis ac Tartaris vectigalibus suis, ne Sigismundi regis ditiones infestarent, edixit? Annōn idem, huic etiam eius filio Sigismundo Augusto, per Petrum Opalenium, & Ioannem Ocellum castellanum Biencensem, viros ornatos, pacem, & amicitiam in gratiam patris promisit? Annōn eiusdem intuitu, filiam eius Isabellam reginam viduam, nepotemque, hactenus incolumes esse barbarus tyrannus passus est? qui ne ad Valachiam quidem adspiceret, nisi eum intempestiuè, ne quid aliud dicam, dissensiones nostræ animassent. Quid Selimus Solimanni huius pater, ferox, & in patrem etiam suum impius, annōn Sigismundi amicitiam splendida legatione olim expetiuit? Nimirum admirabantur in eo cuncti virtutem, grauitatem, & constantiam singularem: reuerabantur etiam non nihil eius felicitatem. Quis enim tot annorum spacio in tanta orbis terrarum perturbatione felicius eo regnauit? quis regnum, superiorum regum infelicitate diuexatum ac deformatum, aut pacatius admini-

Barbari Sigismundum reueriti.

Cum Solimanno.

Joan. Ocellus orator ad Solimannum Turc. imper. Isabella regina Vngar.

Regem florens & pacatum.

*Reges, & duces
melys.*

stravit, & retinuit, aut florentius, & opulentiùs reliquit? Quis tot ac tam difficilia bella, tam secunda fortuna, tantaq; celeritate confecit? Cominemorantur à veteribus scriptoribus, Cyrus Persarum, Alexander Macedonum, Mithridates Pòti, Carolus Magnus Germanorum, maximi & fortunatissimi reges. Celebrantur Alcibiades, Conon, Themistocles atq; Timotheus Atheniensium: Agesilaus, Pausanias, Lyfander Lacedæmoniorum: Pelopidas, & Epaminondas Thebanorum: Hannibal, & Asdrubal Carthaginensium: Romanorum verò (vt multos omit- tam) Fabij, Scipiones, L. Lucullus, Gn. Pompeius, & C. Cæsar, clarissimi Duces, & Imperatores. Ne no- strorum quidem Boleslaorum, & Wladislaorum obscura est gloria. Verùm illi omnes partim cum imbellibus populis rem habuerunt: partim bello felices, cæteris rebus infortunati fuerunt: partim cladi- bus victorias propemodum adæquarunt: partim etiã aliquousq; à fortuna euecti, in medio cursu de- stituti, & ad extremum sæuis eiusdem procellis ob- ruti sunt. At Sigismundum nostrum ab initio ad finem

*Comparatio
Sigismundi
cum clariss.
principib.
Bella Sigis-
mundi.*

*Visti ab eo
Tartari di-
uersis præ-
lijs.*

vsq; secundo statu fortuna prosecuta est. Cum quibus verò bella is gessit? Nempe cum potentissimis Mo- schis, ferocissimis Tartaris, acerrimis Valachis, fortissimis Germanis, cum Turcis deniq; vel ipsa victo- riarum perpetuitate formidabilibus. Quarum gen- tium validos exercitus, vel insignibus prælijs vicit, & profligauit, atq; adeò deleuit etiam, vel castris exiit, vel deniq; regiones earum impune vastauit: qualdã etiam domuit. Atque, vt à Tartaris, perpetuis nostris hostibus incipiam: horum quidem nò contemnendos tres exercitus apud Sluſcum tribus prælijs duce

Con-

Constantino Ostrogio, principe omnium seculo- rum memoria dignissimo, ad internecionem penè cæcidit. Deinde apud Vilnoueciam viginti quatuor millia, cum se per Russiã populabunda diffudissent, sexies fusa leuib; & particularibus prælijs, ad ex- tremum tota acie in abeuntis facto impetu, Nico- lao Camenecio palatino Cracouiensi, & eodem Constantino, ducibus profligauit, cum nostri sex mil- lium equitum numerum nò excederent, de quibus vix centum eo prælio desiderati sunt. Hostium ve- rò multò minor pars pernici fuga euasit. In Valachia quoq; ante multos annos à Bogdano Palatino, hu- ius regis auspicijs, & armis ijdem hostes graui prælio victi sunt. Ne illa quidem victoria sunt, quæ apud Voronouiam Ioanne Camenecio, apud Buscũ Stanislao Lanſcoronio, apud Zincouiam arcem Iacobo Sencignouio, atq; iterum palatino Kiouensi, in Vo- linia Constantino, & Ostaphæo ter, apud Ostaco- uiam hostilem arcem eodem Ostaphæo, & Prædis- lao Lanſcoronio Ducibus, & quæ in Podolia Trebi- nij, quæque apud Camenecia, & Vereſtaticium pa- gum, & compluribus alijs in locis Nicolai Senauij viri fortis, & magnanimi, qui nunc palatinus Bel- ſensis est, ductu, & fratrum eius Alexandri, & Pro- copij, ac Bernardi Prætificij Silesij opera parta sunt. Nam leuiora cum his apud Trebouliam, Podhai- ciam, Medibozum, & multis alijs in locis prosperè item gesta certamina, sciens, volensque prætereo, ne sim longior. Tot enim ferè sunt, quot excursio- nes ea gens rapacissima, & famelica, & vel è flamma, quod dicitur cibum petere solita, in ditiones eius ipso regnante fecit: perrarò enim impune id

*Constanti-
nus Ostro-
gius dux.*

*Nicolaus Ca-
menecius.*

*Valachi Si-
lis.*

*Ioannes Ca-
menecius.*

*Stan. Lan-
ſcoronius.*

*Iacobus Sen-
cignouius.*

Ostaphæus.

*Prædislaus
Lanſcoro-
nius.*

*Nicolaus Se-
nauius.*

Bernard.

Prætificius.

abstulit. Quid illa apud Caniouiam in Lituania ante vnum & viginti annos, nonne omnibus seculis est memorabilis victoria, qua viginti sex millia Tartarorum eodem illo Constantino duce parua manu profligata sunt?

*Bella cum
Turcogessa.*

Prad. Lasc.

*Ioann. Tarnouius comes.
Tarnouij laus.*

Cum Turcis nullum hic rex apertè bellum gessit: sed tamen aduersus eos, cum vel Tartaris intermixti è Podolia prædas agerent, vel Valachis opem ferrent, vel denique nostros circum Bialogrodum, quod & Moncastrum vocant, populabundos insequerentur, cum ab alijs, tum à Prædilaao Lancoronie regis huius auspicijs prosperè dimicatum est. Bis contra eosdem in Vngariam Ludouico regi missa auxilia: quo quidem utroque tempore, utinam prius quidem viro illustri, & incomparabili Ioanni Tarnouio, earum copiarum ductori: posterius verò Gnoinio obtemperatum esset. Vterque Turcica arma, viresque periclitatus erat in Podolia: cum illi inde, irritati à nostris, aliquoties prædas egissent. Sed magis comes Tarnouius, cuius præclara virtus enituit, quo tempore Turcæ ad tredecim millia, Podoliam, & Russiam ad Leopolum vsque & fines Vngarie ferro, ignique vastantes, tria millia, plus minùs de suis, particulatibus aliquot prælijs fusi, amisere. Quod si idem robur animi fuisset in eo, penes, quem tunc erat militare imperium, potuerat exercitus ille cunctus deleri. Taceo duodecim millia Turcarum in Austria, ante quindecim (nisi fallor) annos, nostrarium trium millium opera, & virtute in primis penè ad internecionem deleta. Nam ij tunc, quamuis Sigismundo regnante, tamen non publicè, neque Sigismundi auspicijs, sed

sed Caroli Cæsaris, & Germanorum stipendijs militarunt. Iam Valachos dolis atque artibus vltatis fretos, & clade nostrorum Ioanne Alberto regnante apud Bucophinam siluam accepta, Turcarumque ac Tartarorum auxilijs tumentes, quantan modò felicitate, verum etiam celeritate vicit, ac domuit: caelisque eorum copijs, vastatis longè, lateque agris, senatu penè omni capto, Bogdanum regulum gentis, quem Voieudam, & Palatinum vocant, restituentem prædam, quam paulò antè in Russia cœperat, in verba sua iurare coëgit: & amissam maiorum suorum culpa Pocutiam ab eo recepit. Nostra verò memoria, cum Petrus palatinus rebellasset, Pocutiamque rursus inuasisset, primùm sex millia hostium apud Guosdeciam arcem, ac mox viginti duo millia apud Obertinum pagum vix à quatuor millibus nostrorum, duce hoc Ioanne comite Tarnouio viro clarissimo, & primario bellatore, insigni, & inopinata clade profligata sunt, erepta cum bombardis cætera impedimenta, Palatinus ipse saucius vix fuga euasit. Nectamen ad officium redijt, donec postea in arce Chocimensi obsessus, & ad extrema redactus, solenne vnà cum proceribus, & cuncta nobilitate sua regi iusiurandum dedit. Porro cum Germanis Prulliam sibi vendicantibus, quo tempore tu Sigismunde Auguste natus es, bellatum quidem variet, sed nunquam, nisi prosperè à nostris dimicatum est. Nepe apud Prusmarcū, Zeburgā, Gutestadium, Brunbergam, Reslam, & Rastemburgum, à Iacobo Sencignouio: apud Piliam à Stanislao Mallouio-

*Bogdanus
Valachus
Siclus.*

*Petrus Valachus
dux
Tarnouij Siclus.*

*Bella cum
Cruciferis
Teuthonicis
gesta in
Prussia.*

Iacobus Sencignouius.

*Lanſcoron.
Ioan. Za-
remba.
Alexander
Houius.*

*Victoria de
Moſchiſ par-
te.
Ioannes Bo-
ratinius.*

*Georgius
Raduilius.*

rum duce: in ſinu Varmienſi, ſiue Habo lacu nauali
prælio à Gedanenſibus, bis apud Bartenſteinam, ſæ-
piùs à Prædiſlao Lanſcoronio, & Ioanne Zarem-
bam ab Alexandro Houio, Gdani, & Elbinge, cum
eas vrbes adorti eſſent, à ciuibz uſi, & proſtigati: ad
extremum tot cladibus, & inedia, vigilijs, & iugi no-
ſtrorum equitum vexatione fracti, & ad paucos re-
ducti, Pruſſia exceſſere.

Quid ego de Moſchiſ loquar? qui vel præcipuam
gloria, & victoriarum materiam huic regi præbue-
re: Apud Poloſcum, olim quidem ſeptem millia ho-
ſtium à Ioanne Boratinio, viro acri, & animoſo, in-
terfecta: deinde verò tredecimo abhinc anno, cum
ij Lituaniam non ampliùs decem & octo milliarijs à
Vilna metropoli, hyberna excuſſione depopulati,
reuerterentur, mille extremi agminis, quos ſolos
Litua nobilitas cum aulico regis comitatu, tumul-
tuariè accurrens, aſſequi potuit, trucidati. Superiori
etiam quodam tempore in interiore Lituania præ-
dabundi, magnum ſuorum numerum, & prædam,
quam abigebant, Lituaniſ inſequentibus, amiſſere.
Iam apud Starodubum Radogoftiam, & apud Smo-
lenſcum aliquoties ante tredecim annos, ductu Ge-
orgij Radiuili caſtellani Vilnenſis, non ſine magnis
cladibus proſtigati: apud Orſam verò cum primum
Sigismūduſ regnare coepiſſet, ne expectare quidem
noſtros, dum Boryſthenem tranarent, ſuſtinuere,
experti vim eorum in vna, & altera turma, quæ pri-
mo impetu incredibili audacia traiecerant: verum
dilapſi, cum vaſtari ſua vltra Veſnam etiam atque
Drohobulum cernerent, denuo coadunati ad cen-
tum

tum millia, ne adoriri quidē ter mille noſtros mer-
cenarios militeſ cum paucis Lituaniſ longiùs à ca-
ſtris regijs ad Smolenſkum poſitis progreſſoſ, auſi
ſunt. Magniſ verò incommodiſ affecti, Moſiro, Tu-
rouio, & alijs quibuſdā munitionibz, quas dudum
Michael Glinſcius ad eos perſugiens interceperat,
redditiſ, commutatiſque captiuiſ quinquaginta no-
bilioribz ac ſenatorijs ordinis, quos de Lituaniſ A-
lexandro rege victo apud Vedruſioſ ceperant, pa-
cem accepere. Nec maiore ij fuere fiducia longē
poſt, cum Radogoftiam, ac deinde Ioanne Tarno-
uio noſtros ducente, Homiam & Starodubum ar-
ceſ à noſtris partim vi captā, partim in deditiōem
acceptaſ amiſſere. Et Starodubum quidem, cum am-
pliùs quindecim millibz armatorum, qui fuerunt
in eiſ arcibz præſidio: qui ſoli noſtrorum numerum
longē ſuperabant, virtute perpaucorum militum
noſtrorum, & ſulphurati pulueriſ, igniſque adiu-
mento expugnatum, & euerſum. Neq; verò ij tan-
to temporis, hoc eſt, pluſ quā viginti annorum in-
teruallo, quantum inter Orſenſem pugnam, de qua
iam dicam, & hoc extremum Starodubenſe bellum
interceſſit, abiectos ſemel ſpiritus recipere potue-
re. Orſenſem verò illam celeberrimam, & cum o-
mnibz ferè omnium gentium atq; ſeculorum vi-
ctorijs comparandam victoriam, quid hic pluribz
commemorare attinet? Eadem opera ſoli lumen
addere. Quiſ enim eſt, qui neſciat, illo prælio, Con-
ſtantino Oſtrogio principe, & Ioanne Suirzouio
ducibz, octoginta millia Moſchorum bellatorum,
qui omnem noſtrum exercitum nō modò protere-
re poſſe videbātur, verum etiam Boryſthenem tra-

*Orſenſiſ de
Moſchiſ me-
morabilis
victoria.*

*Ioannes
Mitzowius.*

*Basilica
Moschoni-
tarum prin-
ceps.*

nare passi, pecudum in modum flagris abigere in Moschouiam destinarent, ingenti strage interfecta esse: ita ut desideratorum numerus ad quadraginta fere millia peruenisse, vel certe duo & triginta millia superasse dicatur? Ductores eius exercitus, viros illustres, omnemque senatum gentis, & supra quater mille captiuos viuos in potestatem venisse, direpta castra opulentissima: ducē ipsum Basilium bellatorem exercitatum, & contra Tartaros, & alias gentes finitimas victoriosum vsque ad regiam suam Mosquam profugisse: atque ibi amplius centum, & viginti milliaribus bene longis à loco confictus, tamen vix tutò se subsistere posse credidisse. Tantus verò tunc pavor Moschorum animos occuparat, ut Smolenscum, Seueriense Nonogrodum, & complures alias munitiones, quæ fere fraude, & perfidia Russorum, partim hoc ipso rege regnante, partim superioribus temporibus in potestatem hostium venerant, desertas tunc ac vacuas defensoribus, nullo negotio recuperare nostri potuerint, si prosequi statim victoriam per tempus anni quieuisent. Atque hæc quidem sunt bellica huius regis decora præcipua (nam leniora multa prætereo, ne anxie & minutatim cuncta exquirere, & persequi videat) quæ quidem hoc sunt admirabilia, quò magis inopinata: utpote in summa ærarij inopia, & pleraque omnia longè imparibus viribus gesta: ita, ut bene cum nostris agi videretur, quoties non plus duplo hostium multitudo excederet. Hastot ac tantas victorias, tanta imparitate copiarum quasitas, nihil mirum est (ut est rerum humanarum conditio varia, & instabilis) si quæ clades interpolarent. Sed quot-

*Clades pau-
ca & parua
in ista bellis.*

nam, & quantula sunt ea? Vna apud Socalum à Tartaris, temeritate Russicæ nobilitatis accepta, ubi quatuor fortassè millia nostrorum à quadraginta millibus Tartarorum loci opportunitate vsorum, defatigata verius, quàm superata, non incruentam hostibus victoriam concessere. Nostri mille ducenti desiderati, barbarorum verò caesa quatuor millia. Itaque raptim cum præda, quamvis victores retrocessere. Altera apud Serethum amnem, cum perpauci nostri in hostico palantes, à Valachis circumfusi oppressi sunt: ubi tamen non plures, ducentis nostris periére. Nam eum peruastrata longè, lateque circumPescouiam, siue Pleseouiam Moschouia, ab oppugnatione Oposce à valido hostium præsidio reiecti sumus, ignominia illa verius, quàm clades fuit, ductorum incertia, & incuria (nolo dicere regnantia) accepta. Amissa verò magna pars Albæ, Russiæ Michaelis Glinseij, hominis ambitiosi, & Alexandri regis gratia inflati, proditori, & Russorum atque præfidiariorum militum perfidiæ imputanda est. Porro apud Ozaconiam, cum vir in primis strenuus, Nicolaus Senavius eò vsque cum mille (opinor) equitibus priuato consilio populabundus excurrisset, priuata illa, non publica clades fuit, crudelitate eius, & perfidia Tartarorum contracta. Hæ sunt vniuersæ clades, quas Sigismundo regnante accepimus, quæ omnes vna aliqua ex his, quas superius percurrimus, victorijs ab eundem expiæ & compensatæ sunt: nec scio, an quasi nauuli quidam formosum corpus, vel nubecula meridianum solem, tot illas clarissimas victorias illustriores reddiderit. Bellouæ autem tantum clarus, an etiam pace Sigis-

*Michael
Glinseius.*

*Nicolaus
Senavius.*

*Paciæ flum.
dis.*

*Splendor, &
elegantia
Polonorum.*

*Leges.
Arces in-
staurata, &
templa.
Urbes opu-
lenta subsi-
gismundo.
Thesauri
regis.*

*Zatoria, &
Massouia
recuperata.*

*Prussia, &
Pomerani
in clientela
accepti.*

mundus fuit nimò verò pace, quam semper experiuit, clarissimus. Testantur id tantæ opes & facultates hominum nostrorum, tam opulenta cum externis commercia, tantus splendor, ne dicam luxus, tanta elegantia cum in ædificijs, & victu, cultuque corporis, tum in sermone, & moribus, quanta nunquam ante hunc regem in Polonia fuit. Loquuntur leges diligentius aliquanto conscriptæ, clamant tot arces instauratæ, tot exornata templa Dei Opt. Max. tam splendide, & magnificè ex ædificata publicis iuxta ac priuatis ædificijs Cracouia, Posnania, Leopoldus Varsovia, Lublinum, Gdanum & aliæ quedam vrbes atque emporia: tam denique culta, & habitata Russia, Prussia, Lituania, & Podolia, quæ regiones antea syluestres, & incultæ, aut superiorum temporum conditione desertæ magna ex parte iacuerant. Quid ego priuatos Sigismundi thesauros, & ærarium sine vlla cuiusquam iniuria, in extremos Reip. vsus asseruatum? quid tot ac tantas possessiones à maioribus eius oppigneratas, ab hoc verò redemptas, commemorare? Hæc eo sunt maiora, & magis honorifica, quò scèdus fuit ac deformius, quosdam ante eum reges quotidianis quoque sumptibus interdum defectos esse. Iam verò non minima est & illa felicitatis accessio, quòd eo regnante Zatoriensis ditio, & Massouia post quadringentesimum fere annum ad corpus, & compagem Poloniae rediuerunt: Prussia recusatam diu, & aliquoties excussam iugum accepit: Pomerani Strolpenfes ad intermissam aliquandiu huius regni societatem, & clientelam, iure iurando adacti, reuenire: in qua tamē nostra conuiuentia nō diu permansere. Porro in com-

memo-

memorandis coniugijs, & liberis, quæ non exigua felicitatis humana pars est, diutius me immorari necesse nō est. Permulti sunt in hoc cœtu, qui priorem eius vxorem, Barbaram, Stephani comitis Scapulensis, ac Transylvanienfium palatini, cuius ductu nonnunquam cum Turcis Vngari fortiter dimicarunt, filiam, Ioannis postea regis Vngarorum sororem, fœminam sanctissimam, & pienssimam, nouerunt: quæ quidem maximam illam Orlesensem de Moschis victoriam assiduis diurnis ac nocturnis precibus, cum lacrymis, & profusa in egenos beneficentia, asperioreq; cultu corporis, & ieiunio coniunctis, à Deo impetrasse existimata est. Quæ quàm coniunctè cum viro vixerit, magno & longo mœtore, & vberi fletu, ac penè muliebri eiulatu post mortem eius indulgentissimus rex testatus est. Hæc immaturè intratertium annum amissa, alteram suam Maximiliani Cæsaris duxit, Bonam Sphortiam, Ioannis Galeatij Sphortie Mediolanensium ducis & Isabellæ Arragoniæ filiam: cuius auus maternus, Alphonsus eius nominis secundus, Neapolitanorum rex, & stirpis Arragoniorum ac Siculorum regum, de qua Carolus quoque, & Ferdinandus summi monarchæ maternum genus ducunt, antiquitate, & sua virtute fuit clarissimus. Paternus verò proauus Franciscus Sphortia, Sportiæ, qui primus eam familiam rebus magnis gestis fundauit, filius, cum plurima, & grauissima bella cū maximis principibus, potentissimis populis, & præstantissimis bel-latoribus per omnem Italiam prosperè gessisset, nominisq; sui ac terrore eam impleisset, à Philippo Maria Mediolanensium duce, Blanca Mariæ u-

Coniugia.

*Barbara
Sxor re-
sis.*

*Alteræ Sxor
Bona Sphor-
tia.*

*Alphonsus
rex Arra-
gonum.*

*Franciscus
Sphortia
dux Medio-
lan.*

*Bona regi-
na fides &
obsequium.
Sigismundus
plurimum
indulget Bo-
na.*

*Hedwigis
filia.
Quatuor fi-
lia Sigism.
& Bona.*

*Isabella re-
gina Vnga-
ria.*

*Filius Sig-
Augustus
puer coro-
natus.*

lia coniugio, dotaliq̃ue Mediolanensium principa-
tu dignatus est. Hoc igitur tali genere procreatam
Bonam, alteram vxorem Sigismundus rex acce-
pit. De qua, quoniam præsens adest, graui dolore,
& moerore amissi dulcissimi mariti, quemadmo-
dum cernitis prostrata, nihil dicam ampliùs, nisi
quodd triginta ferme annos cum eo nupta, tanti ea
fecit maritum regem, vt his extremis aliquor an-
nis ægotantem, & viribus planè destitutum, non
coniugali caritate, sed ancillari planè ministerio
sine omni fastidio curaret. Quo factum est, vt plu-
rimùm ei vicissim rex amantissimus indulgeret. Ha-
rum verò duarum vxorum è Barbara quidem He-
dugim filiam susceptam, fœminam lectissimam,
Ioachimo Marchioni Brandenburgensi, Electori
Roman. imperij, matrimonio iunxit, & nepotibus
ex ea viuens adhuc auctus est. E Bona verò maximã
natu filiam Isabellam, fœminam excelsò & regio
animo præditam, Ioanni regi Vngarorum affini
iam prius suo nuptui tradidit: nepotemq̃ue ex ea,
quemadmodum fertur, indole puerum suscepit:
quæ mulier complures iam annos post mariti mor-
tem in præcipua laceri, & afflicti regni parte regnat.
Reliquas verò tres, Sophiam, Annam, & Cathari-
nam, virgines spectatissimas, magnorumq̃ue re-
gum connubijs dignas, quas hic dolore imminatè
amissi patris miserabiliter lamentantes, & humi ab-
iectas videtis, elocari ipsi, ita vt optabat, datum non
est. Filius verò vnicus hic Sigismundus Augustus,
puer etiam dum decimum agens annum paterno
regno, ipsius opera, studioq̃ue ante decem & octo
annos inauguratus, post iuuenis factus, vxorem ac-
cepit

cepit voluntate patris, Elizabetham, Ferdinãdi Cæ-
saris, & Vngarorum, ac Bohemorum regis filiam
nati maximam. In qua muliere genus cum forma,
forma cum comitate, & mansuetudine, hæc cum
probitate: probitas denique cum pietate (quæ ipsi
patria virtus fuit) certabat, ita vt nescires, quid in ea
potissimùm admirareris. Quæ vtinam vixisset diu-
tius, & editis focerò optatis ac sui similibus nepoti-
bus, felicitatem eius perfecisset, tranquillitatemq̃;
huius regni stabiluisset. Sed non merebantur hæc,
opinor, nostra scelera. Nunc ad Sigismundũ redeo.
Nonne igitur hoc singularis cuiusdam felicitatis
fuit, rege patre, patruo, auoque: matre verò Cæsa-
ris filia, & magni regis sorore ortum esse: tres fra-
tres, & vnus ex his filium, reges vidisse: regem & i-
psum supra vnum & quadraginta annos tranquille,
feliciterq̃ue regnasse? Summis principibus venera-
bilem, hostibus formidabilem, ceteris admirabilem
fuisse? regnum legibus, opibus, ædificijs, humanita-
te, elegantia, & gloria longè florentius, quàm acce-
perat, reliquisse? Filiam reginam, alteram verò re-
gina non inferiorem, & ex his nepotes & neptes
habuisse? Filium denique regem secum, & post se
fecisse? morientem, permagnum sui desiderium
bonis omnibus reliquisse? Nonne hæc (inquam) ei
præclarissima, & longæ posteritati memorabilia in
hæc vita contigerunt? Atque hæc tamen pleraque
omnia externa sunt bona, in quibus fortuna pluri-
mùm sibi vendicat: sed ab eo tamen ratione & con-
silio moderata sunt. Quid ego nunc formam, & sta-
turam eius, robur cuiusuis honesti laboris patiens,
dignitatem oris, dignamq̃ue, vt ait Poëta summus

*Eliz. abeth
prima Sigis-
Aug. vxor.*

*Eliz. abetha
lana.*

*Nobilitas
Sig. regis &
felicitas.*

*Bona cor-
poris forma.*

*Robur, &
Vires.*

Sanitas.

Ingenium.

Vigor sensuum in quibusdam peccatis.

Imperio faciem depingam? Quod si facere maxime velim, non possim. Prius enim ferè hæc in eo ætate ingrauescente marcescere cœperunt, quàm ego in hanc lucem prodij: sed tamen permanserunt in eo etiam affecta iam ætate, non obscura earum rerum vestigia. Roboris verò, & virium eius argumenta, fractæ inter manus nō semel florentiore ætate ferreæ equorum soleæ, rupti funes canapei crassiores, intente manu balistæ, discepti lusoriarū chartarum fasciculi, à maioribus nati, qui hæc fieri ab eo viderunt, prædicantur. Atq; hæc leuiora fortasse cuiquam videantur. Illa quidem nō in postrema bonorū parte numeranda sunt, sanitas, quæ ipsi perpetua ferè ante extremam senectutem fuit: integritas, & solida compago membrorum, quæ afflictas morbo vires facile recuperabat: vigor sensuum, qui ad extremum vsque eum non destituit: firma, melioribus præsertim annis, memoria: denique acumen ingenij, quo fratres, maioresq; suos longo interuallo antecituit. Sed & hæc omnia, vt sint magis propria hominis, quàm illa superiora, tamen ad corpus ferè, quæ deterior pars hominis est, pertinet, nec magna laude, & admiratione digna sunt, quippe cum quibus nascamur, quæque in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastinis, & baiulis: denique bono viro cum improbis sint communia. Tamen si ne mutæ quidem pecudes, penitus horum bonorum expertes sunt, quin pleraque in illis, quàm in nobis, maiora, & illustriora spectantur. Viribus quidem ab uris & leonibus, agilitate à ceruis, & bisontibus, longævitate ab iisdem ceruis, specie

fortaf-

fortassis ab equis & pavonibus, sanitate à piscibus, sensuum vigore à lyncibus, aquilis, canibus, vulturibus: industria, & ingenio quodammodo ab elephantibus, vulpibus, & apibus: sic alijs rebus ab alijs fortasse superamur. Caterum in animo vera hominis, & propria laus est. Corpus enim partim instrumentum, partim domicilium, partim etiam carcerem, & ergastulum animi, sapientissimi homines esse voluerunt: animum ferè hominis appellatione dignati sunt. Qui verò mollissimè senserunt, partem quidem hominis, sed longè deteriotè corpus dixerunt: in animo omnem hominis excellentiam, & principatum collocarunt. Quocirca his, quæ externa, quæque corporis bona dicuntur, ita obiter transcuris, ad eas, quæ sunt propria hominis, atq; adeò magni & excellentis principis laudes, transeamus. Quas dum, quanta maxime breuitate poterimus, persequemur, quæ so, vt benignè, & attente, quod fecistis adhuc audiat. Virtutem, summam animi, atq; adeò hominis perfectionem, quicunq; rectè philosophati sunt, dixerunt, eiusque virtutis prudentiam, fortitudinem, temperantiam, atque iustitiam, quatuor partes, & quasi fontes quosdam, vnde officium, & omnis honesta & laude digna actio manaret, esse voluerunt. Quanam ergo ex his in hoc præstantissimo rege desiderata est? Prudentiane? quæ ex præteritis & præsentibus, ea quæ deinceps euertura sint, colligit: causas rerum videt, rectè de rebus iudicat, sibi, suisq; in longum prospicit, impendentia mala sapienter avertit: at ea summa & admirabilis in eo fuit. Argumento est, bene & cum approbatione cunctorum, quoad ei per ætatem, atq; morbum licuit,

Bona animi.

Laus propria hominis est in bonis animi.

Virtus, & eius partes. Laus Sigisf. à virtutibus.

Prudentia.

*Gentes &
leges variae.*

*Consilia
quiesca.*

*Regna obla-
ta repudia-
ta.*

*Valachia cur
non subacta.*

*Bellum con-
tra Turcas
cur desista-
rit.*

administrata, & inter tot vndique imminentes ho-
stes per tot annos incolumis conseruata Respubli-
ca. Nam quis sapientius eo, siue ex legibus, & morib.
nostris, siue ex a quo & bono ius dixit? Nihil eum
varietas legū atq; morum, quibus alijs equestris or-
do, alijs oppidani, alijs agrestes, deinde diuersis Po-
loni, Lituani, Massouij, Prussi, Silesijq; vtuntur: ni-
hil diuersa, & pugnantia nonnunquam senatorum
iudicia, quod minus ius suum cuiq; tribueret, pertur-
barunt. Accidit interdum, vt post dictas à senatu sen-
tentias, vltima ipsius, ab omnibus diuersa, & tamen
omniū esset æquissima. Porro in consilijs de Re-
publ. nihil temerè, & inconsultè faciebat, cuncta ad
publicam, non partis, aut ordinis huius, vel illius,
sed omnium vtilitatem referens, fortunę quàm mi-
nimum sese, suæque permittens: ac tuta consilia lu-
bentius, quàm callida, & periculosa semper secutus.
Bella, in quibus fortuna plurimum dominatur, nun-
quam appetiuit: nec nisi necessariò, & graui iniuria
prouocatus, suscepit, & ita quidem, vt ab illa comi-
ci Poëta sententia non discederet: Omnia prius ex-
periri, quàm armis, sapientem decet. Itaque à quie-
tis consilijs nunquam, ne inter media quidem ar-
ma, & rebus ad nutum fluentibus, abhorruit. Re-
gna à Suetijs, Vngaris, & Bohemis (quemadmo-
dum superius dixi) delata reculauit, ne se, patriamq;
suam nouis, & periculosissimis bellis implicaret. Vala-
chos subiugare, siue adeò exterminare, obrup-
ta crebrò fœdera cum posset, noluit: ne vel illi despe-
ratione adducti, Turcis sese dederent, vel redacta
in prouincię formam Valachia, & amoto quasi obi-
ce, ipse difficillimum cum potentissimis Turcarum
tyran-

tyrannis bellum de finibus gerere cogeretur. Non
quoddà pia contra barbaros ac deuotos Christiani
nominis hostes expeditione penitus abhorreret:
sed quoddà suas, illorumque vires iusta lance metire-
tur. Sic enim iudicabat, neque suum esse, neque v-
nius planè cuiusquam principis, tam validum ho-
stem, qui Asia, Aethiopia, Europæque magnam par-
tem ditione teneret, florentissimum Græciæ impe-
rium euertisset, Carannos, Cilicas, Syros, Aegy-
ptios, & nescio quas præterea gentes vnà a stare sub-
iugasset, deniq; latissimè dominantem Persarum regi
grauis esset, debellare. Coniungenda esse Christia-
nis principibus arma, si hostem illum à ceruicibus
suis vellent depellere.

Cum ergo animaduerneret, ceteros principes
feralibus odijs inter se digladiari, ac totum penè or-
bem Christianum plus, quàm civilibus bellis arde-
re, omni honesta ratione semper Turcicum bellum
declinauit: & Ludouico, fratris filio, Vngarorum, &
Bohemorum regi sedulò idem suasisit: qui iuuenis si
patruī, quàm ferociorum quorundam consiliario-
rum suorum, consilijs obtemperare maluisset, obla-
tamq; à Turcis pacem accepisset, seu verius ipsis ex-
peritam dedisset, viueret fortassis adhuc, neq; mu-
nitissimum Christianorum regnorum propugna-
culum Vngariam secum vnà perdidisset. Hæc sanè
fuit causa, cur apud pietissimum, & Christianissi-
mum regem Sigismundum nihil valuerunt lulij se-
cundi, Leonis decimi, Adriani sexti, & Clementis
septimi pontificum maximorum preces, & exhor-
tationes, ad suscipiendum contra Turcas bellum
incitantium.

*Dissuasor
belli Turca-
ci.*

*Consilium
Sigismundi
à Ludouico
rege Vngar.
neglectum.*

*Pontificum
exhortatio-
nes ad bellū
Turcicum.*

*Bellum Tur-
cis comuni
regum con-
filio, & ope
inferendum.
Bataz, etes
pacem peti-
unt à Sigi-
smundo.*

Optabat quidem sapientissimus rex tempus il-
lud, cum Christiani principes restinctis intestinis
bellis, reconciliatisq; inter se animis, ad inferendum
Turcis bellum conspirarent: plurimumq; in id ope-
ra, laboris, & sumptuum impendit, siue quando cum
Maximiliano Cæsare congressus est: siue cum missis
non semel ad dissidentes principes, & ad Pontifices
maximos, veluti præsidēs, & moderatores Reip.
Christianæ legationibus, accuratè ac diligenter ea
de re egit. Et cum initio nonnulla eius rei spes ei af-
fulsisset, non nisi annuas inducias Baiazeti, Soliman-
ni huius aui, petenti dare voluit. Ea verò spe fru-
stratus, sæpe diuinavit, nūquam id se viuente euen-
turum esse, vt Christiani principes aduersus com-
munem illum hostem vires coniungerent. Intelli-
gebat enim, quousq; nonnullarum nationū mutua
inter ipsas odia processissent: nec de fore Turcis,
quos à cæterorum consensu, ad impediendos pios
conatus, auellerent. Quid illud? cum principes Chri-
stiani complures, quos nominare necesse non est,
sub Clemente Pontifice, in suum fœdus, contra Ca-
rolum Cæsarem, partim inuidencia felicitatis eius,
partim potentiæ metu initum, pertrahere eum non
potuerunt? Aut cū nuper primarij Germaniæ prin-
cipes, affines ferè ipsius, & præpotens illa tot opu-
lentorum populorum contra eundem Imperatorē,
& fratrem eius conspiratio, pellicere eum in socie-
tatem suam nequiuit? ne eatenus quidem, vt vel pec-
uniæ non nihil mutuò daret affinibus, & cognatis,
vel conatus illos tacitè approbaret, vel denique, ne
suos homines stipendijs eorum militare prohibe-
ret? Cuius tamen rei non leuem ei exculationem
dabant

*Bellum con-
tra Carolū
Imp. semper
dissuasum.
Smalcaldē-
se fœdus.*

dabāt apud Cæsares, libertas & instituta nostra. Non
modò autē nihil eorū fecit, sed etiam dissuadere co-
natus illos, & pacificatorem sese interponere co-
natus est. Atque vtinam ei obsecundatum esset:
non tam vastā quibusdam locis, neque tam exhau-
sta passim esset pecunijs iuxta ac viris Germania: &
liberi adhuc principes quidam retinerent domina-
tus suos amplissimos. Sed fortasse sic Deo visum, vt
fastum, & contumaciam, prætextu libertatis Euan-
gelicæ, contra sanctissimas leges, & instituta maio-
rum, contra antiquissimum vniuersi Christiani or-
bis consensum, & cōtra legitimos magistratus suos
impie sese efferentem, retunderet. Cum igitur hæc
vel faceret, vel recusaret optimus rex Sigismundus,
nōne magna fuit illa eius prudentia, cum fide ami-
citiae, & constantia coniuncta? Quid? cum Ioanni
regi, bis affini suo, ne regnum Vngarorum Ferdi-
nando Maximiliani nepoti iam prius destinatum,
susceperet, dissuadere frustra studuit? aut cū ei pro-
fugo exilij quidem locū apud se indulgit, vt aliquid
necessitudini, & calamitati eius tamen daret: auxi-
lia verò contra eundem Ferdinandum negauit? aut
cū pacem inter eos componere magna cura
instituit? Cernebat nimirum sapientissimus prin-
ceps à longè, quantum mali in tempesta illa Ioan-
nis ambitio Vngaris aduectura, quantisque malis, &
calamitatibus non modò florentissimum illud re-
gnum, verū etiam finitimas ei regiones inuolu-
turum esset bellum illud inter duos de regno con-
flatum. Iam in reuocandis ad officium Gdanensibus
quodam furore multitudinis ad rebellionem con-
citatis, & in eiiciendis è Prussia Cruciferis Marianis

*Clades Liga
Smalcaldē-
sæ.
Germano-
rum contu-
macia præ-
textu liber-
tatis Euan-
gelicæ.*

*Erga Ioann.
regem Vng.
quomodo se
gesserit.*

*Intempesti-
ua Ioannis
ambitio ad
regnum.*

*Gdanum
pacatum.
Cruciferi
eiccti è
Prussia.*

tam cupidis, tamque contumacibus, ut nunquam ab eis Polonia, & Lituania quiete esse possent, annon magno & exquisito consilio usus est? Ne illud quidem eius consilium sapientia vacauit, quo, cum hinc à Moschis graui bello distineretur, inde Cruciferi non leuius bellum ei ostentarent: Maximilianus verò Cæsar, insensus ipsi adhuc, & hos, & omnes, quoscunque posset, in eum, & in perniciem Polonorum concitaret: Tartaris donatiuum, siue stipendium constituit, non modò ut ab assiduorum incursionibus ditiones suas, alijs quemadmodum dixi, bellis impeditas, liberaret, verum etiam, ut eorum opera in vexandis ac distinendis Moschis, & alijs hostibus suis, paruo redempta vteretur. Quare tantum profecit, ut & Moschos ad petendam pacem adigeret: & tam culta & habitata sit, quam nunquam sub fratribus, patre & patruo eius fuit, Podolia. Quam solidum verò fuit eius iudicium in mandandis honoribus, & magistratibus, & in allegendis in senatum viris idoneis, quoties id ei arbitrio suo facere per quosdam importuniores, quibus impensius indulgebat, licuit? Atque hoc id admirabilius est, quod difficile est non peccare in hac parte maximis quibusque regibus, & principibus, propterea quòd alienis ferè & oculis cernunt, & auribus audiunt. Iam peculiaris illa eius in omnibus dictis & factis cunctatio, ne ipsa quidem sua commendatione caret. Nimirum sapientis est, nihil temerè, nihil precipitanter, sed omnia consultè ac deliberatè agere. Sic enim caueamus, ne cuius nos dicti aut facti vnquam poeniteat. Itaque celebratur etiamnum literarum monumentis,

*Stipendium
Tartaris sa-
pienter da-
tum.*

*Iudici-um
in distribu-
endis hono-
ribus, & ma-
gistratibus.*

tis, non ignobilis populi Roma. Imperator, Fabius Maximus, de quo vulgatus ille Poeta cuiusdam versiculus:

Vnus homo nobis cunctando restituit rem.

Atque hactenus quidem de prudentia Sigismundi regis nobis dictum sit modò. Cuius quidem ipsi causa fuit timor Dei, cum lacte nutricis, ut ita dicam, imbibitus. Initium enim sapientia, quemadmodum sapientissimi reges, Dauid & Salomon inquirunt, est timor Domini. Fortitudine verò & magnitudine animi, quanta hic rex præditus fuerit, quam impiger ad propulsanda, & suscipienda pro salute, & incolumitate suorum bella, quam contemnens earum rerum, quæ maxime in hac vita expetendæ esse videantur (qualia sunt, regna & imperia) satis iam, opinor, intellexistis ex his, quæ superius diximus. Quin ex illo quoque magnitudinem animi eius intelligere licet, quòd Prulico bello, cum terror non modico aduentantiũ e Germania auxiliorum, meliore rursus loco res Cruciferorum esse cœpissent, nihil de conditionibus pacis, hosti prius à se oblatis, mutare voluit: aut quòd cum ipsi Lituania possessionem post mortem Alexandri fratres adeunti, ne nouis quorundam Lituanoꝝ motibus renunciaretur, non est deteritus, quò minus institutum cum paucis comitatu aulico iter prosequeretur. Et cum deinde Michael Glinssium, ducem Russum, qui ad dominatum aspirare, dicebatur, cum valido equitatu aduentare, in balneo tunc fortè sese ablucens, cognouisset, neutiquam turbatus est animo. Venientem cum tranquillo vultu, & comiter accepisset, cuncta ei sece-

*Timor Dei
principum
sapientia.
Fortitudo,
& magni-
tudo animi.
Constancia.*

*Michael
Glinssius.*

Fiducia.

rata consilia (quod Michael ipse postea fassus esse fertur) è pectore excussit. Tantum eius animi magnitudo, in graui & cōstanti aspectu relucens, apud hominem Alexandri regis nimia gratia insolescentem, ac dominandi cupiditate incensum valuit. Sic feroces alioqui canes ad molossorum aspectū projicere sese, & adulari cauda solent. Quid illud? quòd Vngaris, & Bohemis, cum suis regibus Viennam ad Maximilianum Cæsarem proficisci, fideique eius, quem Posonij in constituto cōgressus loco diu frustra expectarant, credere sese ob non leues suspiciones dubitantibus: ipse, non sanè amicū ad eam diem expertus Cæsarem, permagna fiducia ire ad eum perrexit, ac ceteris idem faciendi, data fide pro Cæsare, author fuit?

*Animus in
latis & ad-
uersis con-
stans.**Tolerantia.
Educatio
minus deli-
cata.
Iniuriarū
oblitio.*

Porrò æquabilitate animi in vtraq; fortuna, tanta fuit, vt neque secundis rebus diffunderet, neq; aduersis frangeretur: à superbia, & fastu semper alienus, aditu & affatu facilis fuit. Aestus, frigoris, inedie, & laboris patientissimus: quippe qui ab ineunte ætate molliciei, delicijsque minimè assuefactus esset: crassioribus cibis, & pannis, & captinis pellibus, quod iactitare ipse solitus erat, innutritus. Morbos, & alię virē incōmoda admodum æquo animo ferebat. Quodā tempore ad sectionē digiti pedis, sacro (vt medici dicunt) igne inflammato, nihil est planè commotus. Porrò cūm arx hæc conflagrasset, illa de re tātum angebatur animi, quod dubitaret, tantisper se deinceps victurum esse, donec eam instauraret. Publica suorum incōmoda depellere, damnaque vindicare non libenter neglexit. Priuatas verò suas iniurias, obtrectiones, conuitia, & maledicta

ledicta insolentiorum hominum ita contempsit, vt nunquam vindicaret, nec esset ob id deinceps ad beneficentiam in huiusmodi homines restrictior. lam verò temperantia, & moderatione non modò *Temperantia.* cum laudatissimis omnium gentium regibus, & principibus, verū etiam cum priscis philosophis, quorum seuerior & accuratius instituta fuit vita, certare potuit. Nihil ab eo leuius, nihil cupidius, nihil insolentius, nihil dissolutius, & flagitiosius vquam dictum aut factum. Fuit in eo vultus æquabilis, & ad seueritatem compositus, incessus lenis, sermo perpaucus & grauis, sale tamen & lepore non inurbano, neque petulanti nōnunquam temperatus: à sordibus semper abhorruit: sed frugali tamen victu, & cultu corporis elegantiore, quam splendidiore vsus est, nisi quando externos homines & legatos ad se admissurus erat: nam tunc augustiore habitu commendare maiestatem suam studebat: eademque de causa splendidius, quam quiscumque maiorum suorum habitare instituit. Cuius exemplo, & imitatione eliminata magna ex parte è vita nostrorum hominum pristina barbarie, ciuilitatem, munditiem, elegantiam, & splendorem cum dignitate consecrari passim cœpimus. Itaq; longè alia nunc est facies rerum in Polonia, quàm ante hūc regem fuit. Sobrietatem verò rex idem magnifici- *Sobrietas.* & ab infantia quidem ad senectutem vsq; patris, auique instituto, planè abstemius, & aq̃ue potor fuit: *Abstemius* ingrauescente verò ætate, medicorum suasu vinum *Sigismundus.* bibere didicit, sed ita tamen, vt nunquam eum quiscumque ebrium viderit. Edacior quidem, & libidinofior natura fuit, verū in vtroq; tamen magnopere

*Ciuilitas
Polonorum.**Edacitas.*

*Pudicitia.**Verecundia**Modestia.**Confidentia
caruit.**Moderatio
erga nobili-
tatem.*

sibi imperabat: cum pregrauatum se sentiret, ipse sibi cibum subducere solitus. Quod verò ad Venerem attinet, caelebs quidè viridior ætate laxius aliquanto vixit, & liberiùs: nec tamen alienos thoros contaminauit, nec vim cuiquam honestæ, & pudicæ intulit: neque scdus quicquam, quod honestæ aures abhorreant, admisit: & veros illos lubricæ ætatis lapsus multis clarissimis virtutibus compensauit atque contexit. Maritus verò, coniugij fidem sanctè seruauit. Verecundia summa, & penè virginali, quoad vixit, fuit. Nudū se, aut necessitati naturæ satisfaciētem, non nisi à per paucis interioris cubiculi ministris, conspici passus. Obiurgare & admonere officij eos, qui aliqua dignatione essent, non sine rubore solitus. A probris, maledictis, & acerbioribus verbis, quamuis iratus, omnino sibi remperauit. Quanta verò fuit huius optimi regis modestia? qui cum acri & solido esset cum in iudicando, tum in consulando iudicio: & neq; gratia, neque odio facile deduci se ab æquo, & bono pateretur, tamen nihil ferè maius vnquam sine consilio senatus fecit, aut statuit: ac nonnunquam de recta sententia sua consensu senatus adductus decessit, ne pertinax esse videretur: quod ingens est, & perniciosum plerunq; in principe vitium. Fiunt enim multa interdum iniuste, & inutiliter, atq; etiam temerè, & cum multorum exitio, ab ijs, qui sibi plus, quàm ceteri sapere videntur, dum iudicio suo freti, aliena consilia espèrantur. Iam illud, nonne magnæ fuit modestiæ simul & grauitatis, quod aduersantè sæpe desiderijs suis, vel vtilibus, vel certè non perniciosijs Reipub. nobilitatem, equo, & moderato animo pertulit: neque

que vi quicquam inuitis extorquere aggressus est, neq; imperantiorum cuiusquam in se petulantiam acerbius vltus est: ne tum quidem, cum apud Leopolum cõcitæ multitudinis conatus prodigiosa tempestate diuinitus disturbati, ferociorem eum facere potuerunt? Ac ne eblandiri quidem præter dignitatem aliquid, quod extorquere noller voluit. Non pauca tamè aliquando extra ordinem, & præter debitum huic eius modestiæ consensu, & obsequio multitudinis atq; consiliatorum cõcessa sunt. Ita nimirum sæpe eius impetrat modestia, quàm eximit imperium & violentia, præsertim ab hominibus, ab humanitate & libertate non alienissimis. Ab eo verò, quæ sibi in omni vita proposuerat, modo, neq; cupiditate vlla, aut metu, neq; ira aut odio, neq; aduersitate & ægritudine animi, neque latitia, deniq; & voluptate (quæ res transuersos ferè rapiunt homines) facile vnquam auocatus est, & abstractus. Porro si quando animum grauib; & cõinentibus Reip. occupationibus lassum, & quasi fatiscētem recreare, & relaxare voluisset, equitationib; ac certiorum, onagrorum, aprorum, vrsorum, & bisonum venationibus (quod studium ipsi gentilicium atq; hereditarium fuit) non sine vtili & salubri corpori & virium, atq; etiam industriæ exercitatione id facere solitus est: interdum etiam equestrium certaminum atq; ludorum spectaculis. Scurrilibus quidem iocis, & leuioribus, sordidissive lusibus, mimsitem, & histrionibus, & morionibus nō libèter, præsertim integrioribus adhuc viribus vacauit. Nec plura nunc de regis huius temperantia, & modestia dicam. Reliqua est nobis vna maxima, & præclarissi-

*Leopoliensis turba.**Studium
nobilitatis
erga eum.**Constantia.**Quales animi
recreationes.**Iustitia.*

ma virtus eius, quæ eiusmodi est, vt neq; vesperugo, neq; aurora sit magis admirabilis, quemadmodum inquit Sapiens quidam: Iustitia, inquam, qua firman-
Iustitia. tur folia, vt ait sapientissimus rex Salomon, stabili-
Proverb. 16. unturq; regna: quæ quidem vel maximè in hoc re-
 gere resplenduit. Itaque ergo iure optimo firmatum
Aequitas in est solum eius, regnumq; stabilitum. Nam siue æ-
suedicendo. quabilitatem, & æquitatem eius in dicendo iure, tã diuerso & vario, quàm est in hoc regno, spectes, siue grauitatem, & constantiam inter diuersas ple-
Labor. runq; senatorum, & nonnunquam pugnâtes inter se sententias, studiaq; ad gratiam, vel odium (vt fit) inclinantium, siue laborem & patientiam in exer-
Continen- cendis iudicijs, quoad ei per valetudinem licuit, &
tia Sigif. audiendis etiam infimorum hominum querimonijs, est quod admireris, nedum laudes. Admiranda est, & illa eius cōtinentia, quod nemini vnquam, eo regnante, quamuis luculentas, quãuis amœnas pos-
Fides eius sessiones regijs vicinas habere obfuit: quin illum vi-
in promissis cinum, quàm procures quosdam, cuncti maluitis.
& fœderib. Quid ego fidem eius cum in promissis, tum in fœde-
 ribus, & amicitijs, inimicis iuxta ac amicis specta-
 tam, prædicem? Commemorauī nōnulla superius, quæ ad hanc rem pertinent, nempe quod ad dissol-
 uendam cum Cæsaribus, Carolo & Ferdinando am-
 icitiam adduci se nūquam passus est, ne à necessa-
 rijs quidem & affinis. Promissi verò, quàm tenax
 fuerit, possem hic, si necesse esset, lotupletissimos e-
 ius rei testes citare, nōnullos viros amplissimos, qui
 partim hic adsunt, & hæc taciti audiunt, partim iam
 è viuis excesserunt: quibus quod minus præstaret se-
 mel promissa, neq; gratia, neq; odio, neq; precibus,

neq;

neq; conuitijs, neque lacrymis cuiusquam flecti po-
 tuir. Nihil in eo fallax, aut multiplex: aperti verò &
 simplices fuere mores, pariter & oratio. Et quoni-
 am ea, quæ Respub. continet, tuetur, & florentes fa-
 cit, iustitia pœna, & præmio, sæueritate, & clemen-
 tia maximè constat, de his quoq; pauca dicamus. V-
 trunque ille quidem coluit: nec dum alterum se-
 quitur, neglexit alterum: sed cum intelligeret, li-
 beris, & minimè malitiosis populis se imperare, &
 satis magnam pœnam sceleri & ignauia, institutis
 maiorum nostrorum esse propositam, infamiam
 inquam, & odium bonorum virorum: ad sæuerita-
 tem quidem, & expetendas de fontibus pœnas fuit
 remissior: nec nisi necessitati, quemadmodum ad
 secundum, vrendumq; medici, ad hoc descendebat.
 Vt, cum Cazimirienſes aliquot decurſiones ob-
 cædem nobilium quorundam, tumultu cōcitæ mul-
 titudinis patrata, supplicio capitali affecit, ne quod
 maius malum inde existeret, & vt illi exemplo ef-
 sent in posterum magistratibus, multitudinem re-
 merè concitantibus, concitatamve non refrenan-
 tibus: vel, cum Gdani de capitibus seditionis vrbane
 supplicium sumpsit. Vel denique cum dux adhuc
 Silesiæ, regionem illam omnem latrocinij, quibus
 infamis erat, iam inde ex quo tempore bella ibi à
 Bohemis & Vngaris, Matthia, & Georgio, ac mox
 Vladislao regnantibus, gesta sunt, penitus repurga-
 uit. Quod factum eius cum finitimi omnes laudant,
 tum Silesij quoq; etiamnum grata memoria profe-
 quantur. Ad clementiam verò fuit propensior, ita
 vt cum aliquando eam ob rem, nescio à quo viro se-
 natorio reprehederetur, vrbiori respōso repres-

*Sinceritas.**Sæueritas
& lenitas.**Cazimirienſes
puniti.**Gdanienses
seditionis puniti.**Purgata à
latrocinijs
Silesia.**Clementia
Sigismundi.*

*Clementia
erga Gda-
mens.*

*In Crucife-
ros clementia*

*Albertus
Marchio
Brandebur-
gen. dux in
Prussia fa-
ctus.*

fuisse illam eius acerbitate feratur: Qui scis, inquires, à quonam saueritate istam exordiret? Illud opinor innuens, neque illum culpe exortem esse, & ad multa nonnunquam conuiuendum esse Remp. administranti. Proinde multos capitis reos vita donauit, nonnullis in iustam iure infamiam sustulit: nullius propemodum bona confiscauit: confiscata etiam ijs, quorum fuerant, reddidit. Exules & proscriptos reuocauit, sine accusatore quidem & indicta causa neminem damnauit. Gdanensibus vilis plebecula impetu ab officio discedentibus, nihil ferè de pristina libertate & immunitate, nihil de commodis, quae per ampla sunt ciuitati illi publicè, & priuatim, detraxit, autores modò seditionis paucos inuitus partim interfecit, partim exilio multauit. Hostibus supplicibus libentissimè veniam dedit, ita, ut vel de medio victoriarum cursu non grauatur retrahi se ad veniam, reconciliationemq; pateretur. De Valachis quidem iam diximus. In Cruciferos verò debellatos iam ferè, quàm clementer se gessit? Quod nisi fidem eorum suspectam habuisset, non modò fuisset eos retinere, quae habebat adhuc, sed ablata quoq; ni fallor, eis reddidisset. Magistrum quidem eorum, Albertum Marchionem Brandenburgensem, sororis suae filium, expectatione, & aduentu auxiliorum è Germania, variè tunc, ut quàm leuissimo verbo vtar, secum agerem (dabit mihi veniam princeps amplissimus, vulnus suum necessariò refricanti, & beneficentissimi in se auunculi memoria hoc non inuitus, uti spero, donabit) retinere ea, quae ante bellum illud habuerat, & partim iure belli amiserat, partim amissurus esse videbatur, omnia iussit: & honore auxit,

*Prussia in
fendum con-
cessum Sar-
chionibus.*

*Clementia
in victos
Germania
milites.*

*Libertas in
Republ.*

auxit, Magistri appellatione in ducis nomen, quo omnem deinceps rebellandi occasionem tolleret, commutata: deniq; hereditarium ei, fratribusque eius Cazimiro, & Georgio, in mares duntaxat liberos, principatum illum constituit. Haec annón maxima sunt documeta clementig, hostem, què minimè esse decuerat, & hoste pertinacem, penè deuictum & fortunis spoliatum, meliore quàm fuisset dudum, conditione, in societatem, & amicitiam recipere? Quid illud eodem bello, quòd Germanos milites còtra se militantes, velitationibus, & leuibus nostrorum praelijs exagitatos, & labore, inopia, inedia, vigilijs, vulneribusq; confectos, delere, cum posset, noluit? Captiuos, quorum plenae erant turres, & ergastula in maiore Polonia, & Cuiavia, sine vllo precio liberos, atq; adeò veste & viatico donatos, dimisit? Cuius clementiae, benignitatisq; suae maximū, nisi fallor, fructum cepit: nempe, quòd per tot annos deinceps eo regnante, in Prussiam Germani, & còtra Polonos, quamuis sedulo sollicitatibus Cruciferis, arma non sumpsērunt: non tam viribus, & fortuna regis, ut e quidem credo, deterriti, quàm beneficentia victi. Saepenumero enim ij, qui aliquando victi, fractique sunt, còtra victores sese colligunt. At quos victos seruatis ac iuueris, eos beneficij pariter & fortunae suae recordatio, pristinos spiritus recipere non tam facile finit. Neque illud minus est, nec scio an longè maius clementiae Sigismundi argumentum, quòd cum permagna libertate, cui reges atque monarchae plerique omnes intensi, & infesti sunt, Respub. nostra constituta sit, nunquam eam infringere conatus est: quamuis impellentibus ad id quibusdam,

*Simulacrum
sedator.*

*Simulacrum
procerum.*

*Senium St.
gismundi.*

& maiore nonnullorum licentia aliquando prouocante. Verū cedere furori paucorum, quum detrudere aliquid propter eos de cōmuni libertate, rex optimus maluit. Quod si qui reprehendunt, ijdem sanē reprehendant, quod amari à suis, quā timeri: & patrem se, quā dominum haberi maluit. Huc & illud pertinet, quod procerum simulacra atque dissensiones semper sedauit, quoad potuit: quas alere tyranni, & qui priuata cōmoda sua, quā Remp. pluris faciunt, solent. Nec eā tantum (proh dolor) his extremis eius temporibus inter quosdam inualuissent, magno iustitiæ, & iuris dicūdi impedimento, scelerum impunitate, & periculo, maloq; Reip. dum ea quasi plausum disparibus ac diuersis iumentis, auriga cessante, aut nec quicquam laborante, distrahitur ac discerpitur: non inualuissent, inquam, dissensiones tam pestilentes, si senium, & perpetuus ferē morbus cōsuetudinē, & autoritatē pristinam retinere eum siuisset. Quod fit, vt ipsi iure quodā suo venia danda sit, si nō per omnia eum, quem debuit, quemq; florentiore ipsius ætate tenuerat, cursum Respub. pristino illo sensuum, animi, & memoriæ vigore in eo deficiente, tenuit. Etatis hæc, viri Poloni, & Lituani, non illius culpa est. Ille quidem præclaris virtutibus suis, atq; superioris temporis administratione, & felicitate hæc, si qua fuerunt, extremi corporis incōmoda, penitus (si modò vos æquiores, & gratiores, quā maligniores haberi mauultis) obsecrauit. Neminem vnquam mortalem inuenietis, qui omnes numeros felicitatis absoluat. In carissimis quoq; parētibus, suauissimis vxoribus, dulcissimis liberis, atq; adedò in seruis quoq; vestris multa quo-

ta quotidie vos ferre necesse est, nisi humanitatem exuere prorsus velitis. Quæ enim ista esset iniustitia, & immanitas, atq; adedò impietas, si liberi parentem suum, à quo progeniti, liberaliter educati, & instituti, semper indulgenter habiti, & omni ratione adiuti, & ornati, summa deniq; omnia cōsecuti essent, ad extremum propter olētem animam, mucidasq; nares: addo etiam, si libet, propter neglectam rem familiarem, abominarentur, aut etiam grauius incusarent, superiorum omnium beneficiorum oblitii? Non est hoc vestri moris, neq; ingenij, viri Poloni: qui nō penitus malos reges, nedum bonos, & bene meritos, grata memoria prosequi soletis. Verū ad institutum nostrum reuertamur: fuit igitur in Sigismūdo, quemadmodū videtis, singularis clementia, & priuatim, & publicè. At fuit is restrictior in bene merentes de se ac Repub. Fuerit sanē ita. Sed quis hoc ei vitio vertat? si bene secum reputet, inane ante eum regem ærarium: oppigneratas à maiorib. eius possessiones plerasq; & bona regia: egentes quosdā reges, ne in quotidianos quidem sumptus pecunia suppetente: nō solutas à patre: ab ipso verò exactas omnium, nisi fallor, sororum dotes: dotatas duas filias, tres etiam reliquas dotandas, & pro dignitate sua, regniq; elocandas: persoluta militibus suis, & externis supra ducenta millia florēorum, emeriti apud Ioannem Albertum, & Alexandrum fratres stipēdij nomine debita: deniq; complura bella non sine magnis impendijs gesta, & alia præterea impenduntia. Hæc quisquis rectè secum perpendit, simulq; cogitat, quod indignitatis illa ærarij inopia, patrem, fratresq;, atq; etiam maiores eius nōnunquam im-

Senio cōdandū aliquid.

Cursum largus fuit.

Sumptus.

*Magnificen-
tia Sigisf.*

pulerit, æquior multo in hac parte Sigismundo erit. Et tamen nihil is prætermisit, quod ad splendorem regni, & patriæ dignitatemq; suam, & magnificentiam pertinere existimauit. Vt enim illa, quæ modò attingi, non repetam, vt redemptos à barbaris captiuos: restitutas res, ne belli causâ essent, potèti hosti à nostris prædabundis ablatas: senas nuptias magnificentissimo apparatu factas: cōstructas aliquot locis, & pro veteribus tugurijs regali magnificentia exornatas domos. Vt hæc, inquam, præteream, arces quidem, Camenecensis in Podolia, Leopoliensis, Sandomiriensis, Corcinensis, Vilnensis, Cracouiensis, & hæc quidem bis, & aliæ quædam instauratæ, & munitæ: comparatæ, & instructæ permultæ, & magnæ bombardæ: frequentes legationes ad externos principes missæ, & ab eis vicissim veniētes splendide ac liberaliter acceptæ atq; dimissæ, permagno ei constiterunt. Sumptuosus verò & ille fuit, splendidissimusq; cum Casare Maximiliano, & Vladislao ac Ludouico regibus apud Viennam cōgressus, quo Polonorum & Lituavorum nomen, obscurius antehac, & inopia, inertia, barbarieque opinione contemptibile apud externas gentes, illustrius & admirabilius esse cœpit. Post hos tot, tantosque sumptus, nō in luxum, delicias, & voluptates priuatas profusus, sed ad vtilitatem, salutem, decus & ornamentū Reip. factos, non est sanè reprehendendum, nec scio an valde laudandum, quòd ærarium nō inane reliquit, filij hæredis necessitati, & futuris Reip. vsibus, vt filiarum dotes taceam, vtiliter seruiturū: belliq; si quod alicunde nobis inferretur, nec uuum futurum. Et tamen cū hoc sibi proposuisset, ne

*Arces ab eo
extructæ,
aut instauratæ.*

Bombardæ.

*Legationes.
Regum con-
uentus Vien-
næ.*

*Ærarium
inane.
Beneficentia.*

in

in priuatos quidem benignitatem, & munificentiam suam clausit: & fortes, doctos, ac sapientes viros, aut quauis alia ratione vtilis Reip. cum donis, tum honorib. & alijs beneficijs prosequutus est. Vt enim literatos homines, nostrates pariter & externos, quorum vel opera honorificè in rebus magnis vti se posse existimabat, vel scriptis & præconijs suum, populorumq; suorum nomen illustratum in sperabat, vt eos igitur omittā, ac de fortibus viris aliquot modò insigniores cōmemorem, nōne Constantinum Ostrogensem ducem per amplis beneficijs auxit: nōne Ostapheio plebeio, aut obscuro duntaxat homini, sed in Tartaricis bellis exercitatissimo, & vigilantissimo, cū alijs, tum post obsessam aliquandiu, & oppugnatam à Turcis atque Tartaris: ab eo verò strenuè defensam arcem Cercassiam, permagnum honorem habuit, & multa largitus est: multa sæpe delinquenti indulxit? Quid Nicolaum Senauium, scientia, & vsu rei militaris præstantem, excellētis virtutis ergo collocupletatum, & ad eum, in quo nunc est, honoris gradum euectum? Quidve virū omni laude cumulatissimum, Ioānem comitem Tarnouium, cū alijs non obscuris beneficijs ornatum, tum ad summum dignitatis fastigium euectum, euidentibusq; grati animi indicijs, & præclaris elogijs, cum siue à Moschico bello, & Starodubo euerſo, siue à deuictis apud Obertinum Valachis reuerteretur, ab ipso ornatū, & honorario munere, publico totius Poloniæ cōsensu binis grossis collatis, cohonestatum, cōmemorem? Viuunt hi duo, & adsunt, & hæc mea dicta nutibus renidentes approbant. Tameñ longè maximum hi virtutis

*Constantinus
dux.
Ostapheius.*

Senauium.

Tarnouius.

*Honorarium
publicè de-
cretum
Tarnouio.*

*Bielscius &
Lacius Mo-
schus trans-
fuga.*

*Pietas, &
religio Sigis-*

*Regni fel-
icitas excul-
ta Dei.*

premiū sempiternam rerum à se gestarū gloriam, quæ eos nunquā destituet, arbitrantur. Taceo Bielscium & Lacium Moschos transfugas perhonorificè ab eo acceptos, & luculentis possessionibus donatos, ingenij, fidei, & scientiæ rei militaris ergo. Nō fuit ergo Sigismundus, ne in hac quidem parte restrictior. Aut si quando tandem fuit, non sua voluntate, sed necessitate, idque ingrauescente maxime ætate fuit. Quoniam autem illa quoque vel potissima pars est iustitiæ, quæ cum cælitibus hominum, quasi societatem quandam tuetur, pietas, inquam, & religio, de hac quoque iam tandem postremo loco mihi dicendū est. Consulto autem in hunc eam locum seruaui, ut quæ reliquas omnes virtutes in se continet, & quasi germina quædam ex se emittit, hominisque felicitatem perficit, eadem nobis huius optimi regis perficiat laudationem. Absque hac enim ceteræ virtutes, imagines virtutum, & vmbra sunt verius, quàm virtutes: neque omnino laudabiliter, & beatè, quamuis rebus ad vota fluentibus, viuitur. Qua autem pietate fuerit, quamque sanctè, & religiosè Deum optimū maximū Sigismundus hic rex coluerit, si alia nulla essent, ea quæ hæcenus persecuti sumus, satis magno essent argumento: neque enim ita se ille tum in administrando regno, tum in omni vita gessisset, neque tantus euassisset, neque tot bonis, & felicitatibus, quot percurrere obiter vix potuimus, aut ipse, aut ditiones eius cumulata fuissent, nisi Deum propitium habuisset. Verissimum enim illud est, quod est in epistola diui Iacobi Apostoli: Omne munus bonum, & omne donum perfectum superne descendere, à patre luminum. Eum verò nemo pro-

propitium habere potest, nisi qui agnoscit, reueretur & colit, omnemque fiduciam suam in eo collocat. Sic enim canit Dauid rex & propheta: Inquirentes Dominum, non deficientur vllō bono. Et alibi: Qui confidunt in Domino, erunt sicut mons Sion, qui non commouetur in æternum. Cum igitur Sigismundo tot illa, tantaque bona in omni vita suppetierint, quis negabit eum Deo curæ fuisse? Ut enim non fallitur, ita neque fallit Spiritus sanctus, qui per Dauidem olim locutus est: Quoniam rex sperat in Domino, & in misericordia altissimi, non commouebitur, & quæ præcedunt: Desiderium cordis eius tribuisti ei: præuenisti eum in benedictionibus dulcedinis. Et alibi: Propè est Dominus omnibus inuocantibus se in veritate: voluntatem timentium se faciet, & preces eorum exaudiet, & saluos faciet eos. Custodit Dominus omnes diligentes se. Sed quoniam impijs quoque nonnunquam prosperè multa in hac vita cadunt, elucetque in eis etiam aliquando nonnulla imago virtutis atque probitatis, age videamus, num qua alia ratione pietatem huius regis ostendere possimus. Et ecce occurrunt nobis templa Dei Opt. Max. partim instaurata, partim à fundamentis excitata, & multis, magnisque donarijs, & preciosis vtenilibus, ad splendorem simul, & vsum cultus diuini, regali munificentia exornata. Atque ut Vilnensem basilicam, & Rupensem, siue Scalensem fanum, & quædam alia, quæ nunc in mentem non veniunt, præteream: hoc quidem certè delubrum pulcherrimum, & sumptuosissimum basilicæ huic adiunctum, quod sepulcrum, & monumentum suum ille esse voluit, cum instituto iu-

*Psal. 33.
Psal. 124.*

Psal. 20.

Psal. 144.

*Impiorum
prosperitas.*

*Templa ma-
gnificè cul-
ta, extructa,
& ornata.*

*Sedulitas
intemplis.*

*Observantia
instructoriū
ecclesiasticorum.
Externus
cultus Dei.*

*Tob. 12.
Matth. 6.
Eleemosyna
Sigismundi.*

giter & concinnè Deum colentium sacerdotū collegio, ferit oculos nostros, & quodā augusto splendore perstringit. Huic verò basilicæ quàm multa & ampla donaria contulit? Iam quis nescit, quàm sedulois, dum per artem, & morbum potuit, & quàm religiose sacris, cultuique diuino operam dederit, nulla neque temporis, neque loci incommoditate, neque occupationibus retractus? Quid ego precum eius assiduitatem, quid festorum dierum, ieiuniorumque intemeratam obseruatiam commemorem? in quibus omittendis vix valetudinis gratia atque id extremis demum aliquot annis, medicorum suasu, & episcoporum permissu, ne dicam hortatu, sibi indulgit. Quæ enim à teneris annis cum lacte quodammodo materno imbiberat, ad extremū usque halitum constanter & mordicusea retinebat. Externi hi sunt cultus, ritusque, fateor, neque in his cardo religionis nostræ vertitur: vera & interior pietas in mentibus, & voluntatibus nostris penitus inclusa est. Ita sanè. Sed cum ea soli Deo perspecta & explorata sit, tamē his externis sese nobis prodit, & exierit: ut sic luceat, secundum authorem salutis nostræ Christum, lux nostra hominibus, ut ij videntes opera nostra bona, celebrent, & glorificent patrem nostrum cælestem. Bona est enim, ait angelus ad Tobiam, oratio cum ieiunio, & eleemosyna. Ipse quoque CHRISTVS IESVS apud Matthæum magnopere hæc tria commendat, dum quomodo fieri debeant, præcipit. Quid verò prolixam Sigismundi ingenos, quorum victus, vestitusque parandirationes vel morbus, ætas, vel calamitas aliqua, vel denique arctioris, & addictioris Deo vitæ professio impedi-

pediuiſſet, beneficentiam, & liberalitatem persequar? Eadem opera lucem hanc diurnam accensa lucerna illustrare coner. Cernitis eni ipsorum turmas, non modò templum hoc, verum etiam vias, & plateas complentium, & orbitatem suam, tam benefico rege amisso, miserabiliter deplorantium. Illa verò eius in receptis antiquitus Dei placandi ritibus, & ceremonijs, sacrosanctè retinendis ac defendendis, & in propugnandis Dei ministrorum commodis, præclara voluntas, & constantia, in ista præsertim nostri temporis licentia, & isto nouarum rerum, quo nunc leuissimi quique homines flagrant, studio, seu verius pruritu, nonne maximum est singularis pietatis argumentum? Vidit enim sapientissimus rex, in religione nostra nihil melius, nihil exactius hoc tempore à quoquā inueniri posse, quàm ab ipsis Christi seruatoris nostri discipulis, eorumque successoribus proximis, sanctissimisque patrum Concilij constitutum, & publico Christiani orbis consensu tot seculis retentum esset. Didicerat non hic, aut illic, & in angulis omnino Christum quarendū esse, neque vnus cuiusque esse, arbitrato suo verba, & instituta Dei interpretari: sed ecclesiam, ecclesiam, inquam, in qua certa esset ac perpetua, ut inquitur veritissimi, sanctissimi, & grauiſſimi doctores, Irenæus, Cyprianus, & Augustinus, tot seculis continuata, verorum episcoporum successio, columnam esse, quemadmodum ait diuus Paulus, & firmamentum veritatis. In ea sola dari spiritum veritatis, qui ut author, ita interpres quoque sit sacrae Scripturæ: non dissensionis, verum pacis Deus. Quo quidem illis carere necesse esset, quibus inter ipsos

*Constantia
in fide & religione
catholica.*

*Ecclesia, &
doctores
antiqui.
Matth. 24.*

*1. Tim. 3.
1. Cor. 14.*

*Ritus Christi-
fiani in
moriente.*

*Virtutes Sig-
ismundi in
speculum
principibus
posita.*

*Ætas 82. an-
norum.*

non conueniret: & qui ne ipsi quidem singuli sibi constarent, sed omni vento doctrinæ, quasi nebula turbine exagitata, circumferrentur: iam verò illa, quòd moribundus sacra Christi mysteria ritu Christiano expetiuit, & venerabundus accepit, quòd se totum Deo religiosis verbis, & suspirijs commendabat, quòd in eius clementia, & misericordia fiduciam suam omnem collocabat, quæ & isti euidentissima, nisi fallor, veræ pietatis indicia iudicans, nonne certa sunt piæ, & religiosæ exactæ vitæ testimonia? Cum igitur tanta pietate, quanta genere illo inclyto, & educatione optima digna fuit, prædictus fuerit Sigismundus, nihil mirum, si iustus quoque, clemens, magnificus & benignus: si temperas, moderatus, pudicus, & modestus: si fortis, constans, patiens, & excelso animo: si præteritorum memor, præsentium sagax indagator, futurorum acutus coniectator, & utilium publicè, priuatimque diligens & sapiens prouisor fuit. Non mirum, si in hac breuitate vitæ humanæ, magnisque laboribus viuendo octogesium secundum annum attigit, si viribus & valetudine plerumque firma fuit, si sensuum, ingenijque vigorem ad extremum penè retinuit. Non mirum, si gratia, & auctoritate apud suos pariter, & externos, summos iuxta ac infimos valuit: si amplissimum regnum, elatis post patrem duobus fratribus, maturè adeptus, bellis felix, & victoriosus, pace multa beatus, vxoribus & liberis non infortunatus, ditiorum aliquot accessionibus locupletior, tam bene, tam quietè, tam feliciter, tantoque bonorum omnium favore vno & quadraginta annis id administtrauit: & florentius multò, quàm acceperat, non degeneri, uti

confi-

confidimus, filio reliquit. Non mirum denique, si semper patriæ optimi, & fortunati principis, & patris patriæ nomen atque gloriam, nisi me vanum fallit augurium, apud longam posteritatem celebris, inclytusque rex retinebit: quippe, qui superiores omnes principes, & reges nostros non modico interuallo post se reliquisset. Nam quæ in singulis illis singula laudabilia fuerunt, ea hic vnus omnia complexus est. Boleslai Chrobri, ut ab hoc potissimum ordiar, solertiam & magnificentiam: Cazimiri monarchæ, pacis & instaurandæ patriæ superiorum temporum iniuria afflictæ, studium: Vladislai eius filij mansuetudinem, Boleslai Crinousti victorias, Crispi prouidentiam, Miezislai senis grauitatem, Cazimiri horum duorum fratris iustitiam, Lesci albi excelsum animum, Boleslai pudici religionem ac temperantiam, Lesci nigri moderationem animi: Vladislai Loctici fortitudinem, & in tolerandis aduersis patientiam: Cazimiri magni, in ornando, & muniendo regno studium atque diligentiam: Iagellonis aui, si non propagando, certè in amplificando cultu diuino, pietatem, laborem, & munificentiam: Vladislai patrui magnanimitatem, & clementiam: Cazimiri patris facilitatem, & offensus perbreuem memoriam: denique Ioannis Alberti fratris ad res magnas gerendas, quamquam meliore fortuna, alacritatem. Has, inquam, omnes omnium, illorum virtutes solus Sigismundus non modò æquauit, sed superauit etiam: ita: ut nulla cuiusquam eloquentia, nedum infantia nostra, satis dignè, & pro meritis eum laudare possit. Sed iam ipsum ex augusto illo mau-soleo, in quo heri recòditus est, nos, quibus præfuit,

Pater patriæ Sigismundus.

Polonia regis virtutes.

Sigismundus, omnibus excellentior.

*Pathetica
filij comen-
datio.*

*Consilium
regis.*

alloquentem audiamus. Quàm iuste, quamq; moderate, vobis viri Poloni (liceat enim mihi vos omnes, imperio coniunctos, vno nomine appellare) imperauerim, & quanta felicitate regnum hoc au-
xerim, ornauerim, & cumulauerim, vos ipsi probè nostis: aut si qui per artem intelligere, & iudicare adhuc non potuistis, è maioribus natu, bonis & gra-
uibus viris, discere potestis. Pro his meritis meis, iure meo illud à vobis postulo, vt si quid vnquam imprudens offendi, id vel humanæ imbecillitati, vel ætati meæ condonetis: quam verò mihi debetis gratiam, eam liberis meis dulcissimis referatis, morte mea pupillis. Filium hunc meum vnicum, quem ipsi vobis regem, mihi successorem, me volente, & postulante, iam pridem designasti, eodem quo me, aut maiore etiam, si potestis, studio prosequamini, consilij adiuetis, consentientibus animis atq; viribus protegatis, ætati eius nonnihil etiam indulgeatis. Ne audiat eos, qui dum suam rem agunt, vestram agere videri volunt: & tamèn aliud alibi præ se ferunt, vtrinque vt gratiam ineant, & opes, potentiamque suam augeant, & stabiliant. Cernitis qualia nunc sint tempora, quousque domi progressa sit multorum audacia, quanta huic regno, & communi patriæ pericula à barbaris impendeant. Mature vobis prouidendum est, ne non modò imperium vestrum, & Respub. verum etiam libertas, & vita vestra, vestrorumq; in extremum discrimen veniat. Id verò ita demum rectè prouidebitis, si sublati omnino quorundam factionibus, dissidijs, & simultatibus mutuis, amore, & officio erga vos inuicem: erga regem verò vestrum studio, & beneuolentia certabitis. Sic enim

*Verba Sigis-
ad filium.*

enim fiet, mihi credite, vt qui nunc formidolosi nonnullis videmini, formidabiles vicinis vestris, hostibusque sitis. Ad te verò, fili carissime, hæc mea est oratio. Illo autem habitu, illoque vigore, hæc tu, Sigismunde Auguste, patrem tecum loqui existimato, quo fuit, cum tibi huius regni habenas, scepterq; traderet. Nihil est, quod te vnà cum matre, & sororibus tuis, puellis lectissimis, propter mortem meam tantopere excrucies. Mihi quidè ego meo tempore, annorum, vitæ, gloriaq; satur, non dico mortuus sum, sed ad beatiorē vitam, regnumque melius migraui. Vt autem vestro quoque & horum omnium tempore id factum esse videatur, secundum Deum in te, fili, maximè situm est. Tibi, mi fili, deinceps, & mater, & sorores, & verò Resp. maximè curę esse debebunt. In te spes omnes omnium, quas frustrari te equum, non est, sitę sunt. Nonnihil quidem nobis debet Polonia, quemadmodum audisti, sed nos illi multò plus. Quippe quæ nos sibi, maioresq; nostros, posthabitis quibusdam illustrioribus, & elegantioribus, atque etiam potentioribus fortasse, reges assumpsit, & summa fide, studio obsequioque coluit. Te, quemadmodum ipse nosti, puerulum etiam tum, regio diademate insigniuit. Ad eius igitur salutem atq; dignitatem, vicissim te voluntatem tuam, studia & conatus omnes adiungere in primis æquum est. Id verò ita demum rectè facies, si omnib. te equabilem, familiarem verò non nisi grauissimis, & sapientissimis quibusq; præbebis: si nullius ius, & innocentiam, neq; gratia, neq; odio cuiusquam opprimi fines: & in iudicijs exercendis, non cuius cognatus, necessarius aut cliens quisque sit, sed quàm

*Aurea p̃
patris monita.*

iustam causam habeat, attendes: si tenuiores à vi & iniurijs potentiorum vindicabis: si honestatem voluptati, publica commoda tuis priuatis antepones: si nulla in re leuior, aut præceps eris, neque de maioribus rebus absq; consilio senatus quicquam statues: cum iuuenibus verò, & iuuenili ardore præditis, consilia non temerè communicabis: si assentatoribus aures non accommodabis (blandum enim est malum, sed pestilens in primis regnis atque regibus, assentatio) si dissensiones ordinum, & similitates procerum, inter ipsos autoritate tua penitus extirpabis: si denique pietatem atq; religionem sanctissimam sedulò & ex animo coles: neque ab institutis maiorum, & iam inde ab exoriente religione Christiana apud omnes gētes recepto, & ad nostra vsque tempora transmissò, retentoq; cultu Dei optimi maximi, venerandisque caeremonijs atque dogmatibus, te cuiusquam, vel insidiosis blanditijs, assenationibus, & illecebris auocari, vel importunitate auelli sustinebis. Harum rerum omnium exempla domestica habes, satis, nisi fallor, illustria. Non ignoras, fili, quo successu, qua felicitate, quantaque gloria nos tam diu regnaui-
mus: id nos totum Deo Opt. Max. quem sedulò, recteque coluimus, acceptum referimus. Existimare autem debes, neque regnum, neque quicquam omnino sanctum & inuiolabile esse posse, ubi religio labefactatur. His tibi vijs, fili suauissime, ad laudem, ad beneuolentiam hominum, ad salutem, tranquillitatemque ditiorum tuarum, denique ad decus, & immortalitatem grassandum est. Hac certus est, & exploratus pijs principibus ad cælum aditus. Hac
tecum

tecum Sigismunde Auguste, pater: illa rex vester vobiscum, viri Poloni. Reliquum est, utriusque sanctissimis, & saluberrimis monitis eius obtemperatis, eiusque præclara erga vos merita, assidua pietate, & grata memoria semper prosequamini: omnesque pariter eum, uti debemus, viuorum, & mortuorum Deo, apud quem nemo satis iustus & insons est, assiduus precibus commendemus. Vicissim ille in cælis, uti speramus, pro nobis orabit: & quorum saluti, & incolumitati omni ratione, quoad vixit, consuluit, ijs ne nunc quidem, omni iam rerum terrenarum cura, & molestia solutus, studium suum in placando Deo Opt. Max. deesse patietur.

IN FVNERE SIGISMVNDI
IAGELLONIS, POLONIÆ
REGIS, STANISLAI ORICKOVII
RVTHENI ORATIO.



Ex noster mortuus est, si tamen ille mori potuit, quem sua præstans atque regia virtus immortalem ante obitum reddiderat: quæ ille cum cōstanter in omni vita coleret, quid tandem est, cur hunc mortuum dicamus esse potius, quàm hoc mortali corpore exutum, ad illam immortalem vitam abiisse, ad quam sibi iter sobriè, iustè, ac piè viuendo parauerat? Abijt ergo hinc, nos flentis ac dolentis reliquit in hoc squalore ac sordibus, quibus obsiti, in funere ipsius comparemus, nobis cum illo perière omnia, Equi-
Qq iij

† quadrage-
simis annos
regnaret.

tes: illi verò nihil præter hoc mortale corpus dece-
sit: pro quo tamen ipso, cumulat nunc ipse acta
vitæ æternitate, atq; immortalitate sempiterna. No-
stra autem hæc mors veriùs, quàm vita illius à nobis
discessu, quàm afflictæ, exinanitaque sit, testes sunt
mæror hic vester, ac vestra piæ lachrymæ, quibus de-
stemus non interitum regis nostri, qui nullus illi
est, sed orbitatem nostram. Amisimus enim, equites
non dominum: nihil enim ille minùs nobis fuit, sed
iustissimum regem, atq; indulgentissimum patrem,
qui cum vnum, & † quadragesimum annum regna-
ret apud nos, quod exemplum regnans non dedit
iusti ac moderati Imper. aut quod monumentum
post se non reliquit in hoc regno, humanitatis, man-
suetudinis atque beneficentiæ erga vos singularis?
Quocunq; te animo atq; oculis conuerteris, plena
omnia exemplorum illius sapientiæ, iustitiæ, forti-
tudinis, temperantiæ ac virtutum omnium reliqua-
rum reperies: siue Eccles. Dei videas, quam ille inte-
gram atq; incorruptam in Polonia præstitit: siue i-
psam Rempublicam, quam ille tanquam bonus pa-
ter vnicam filiam in sinu suo complexus, tam domi,
quàm foris, tam pace, quàm bello, fouit, auxit, ac o-
mnibus ornamentis cumulauit, in qua quidem Re-
publica talem se ille regem gessit, vt & omnes an-
te se reges facillè vinceret, & cæteris post se spem
imitandi adimeret. Cedant huic omnes reges: soli
etiam scientiam regnandi concedant. Non Cyrus
ille, non Agesilaus partem laudis æqualem ac glo-
riæ cum hoc petant, qui non tam rebus ipsis, quam
scribentium ingenijs magni fuerunt: de ijs enim
non ad veritatem historia, vt videtur, sed imitatio-
nis

nis exemplum Græci homines multa fide scripte-
runt. At hic noster Sigismundus, regum rex, non so-
lùm bene viuendo ac sapienter regnando Cyrum
atque Agesilaum superauit, aut si quid in regum ge-
nere maius hisce fuit, sed etiam illorum ipsorum scri-
pta, qui de illis regibus eloquentis, copiosissimeq;
scripserunt. Melius hic vixit, quàm illi dixerunt,
melius regnauit, quàm præceperunt. Ita Sigis-
mundus rex noster non fictum, neq; stylo adumbratum,
sed viuum exemplum, atque rebus ipsis expressum.
Cæteris regibus à Deo fuit propositum, vt in hoc
rege, ceu in quodam illustri monumento, essent
repositæ omnes regis virtutes, vnde sumi posset,
quò humanum genus seruari, quò regna admini-
strari, quò iura, mores, instituta, leges in hominum
vita sanctè ac quietè possint retineri. Quid? solus-
ne regibus ille exemplum viuendi fuit? minimè
verò, equites. Nemo enim etiam sortis infimæ re-
perietur, qui ad bene, beateque viuendum ex hoc
rege exemplum non possit sibi sumere: siue enim
religionem ipsam spectes, quem anachoritam san-
ctimonia vita non vicit: siue etiam has virtutes vi-
tæ communis consideres, nempe patientiam, ob-
sequium, modestiam ac temperantiam: quis non
dico in summo Imper. rex, sed homo ipse priuatus,
quem angusta res coërcet, hac ista commendatio-
ne Sigisf. par fuit? Pauci equites, & haud scio, an ali-
quis omnino fuerit. Ita ille summam vitæ absoluit, vt sa-
piëntia reges: priuatos verò moderatione vitæ ante-
celleret, talemq; se in omni vita priuatim ac publi-
cè præberet, vt id nulla orationis copia, vt par est,
explicari possit, ne illius quidem Xenophontis

Græci, cuius ore Musas tum loquutas ferunt, cum
Cyrum illum atque Agefilaum verbis magnos face-
ret. At ne me quis ad Græcorum morem, temporis
ac luctus vestri, causâ magna hæc facere existimet:
ostendam, equites, talem regem nos amisisse, qua-
lis in Polonia ante Sigismundum nemo, extra Po-
loniam verò pauci omnino apud omnes gētes fue-
runt, siue bona ipsius propria spectes, siue quæ illi
natura, aut fortuna largita fuit, consideres, vt me-
ritò mors huius optimi regis dolorem huic senatui,
mœrorem equestri ordini, squalorem Polonia, lu-
ctum ac gemitum omnibus attulerit: &, vt hæc ex
iusto dolore profecta esse, ac amore intimo omnes
intelligant, breuiter mihi dicendum est, quod ge-
nus viri fuerit, qui in regnando mores, quæ fides er-
ga illum, & voluntas vestra. Vtilis erit & grata hæc
oratio non solum nobis in malis nostris, sed etiam
his, qui cum laude viuere, aut gloriose regnare con-
cupuerint. Sic enim de Sigismundo rege loquar, vt
nihil nisi singulare, nisi regium, nisi diuinum, de hoc
rege à me sitis audituri: idque quod dicam, non fa-
cultate orationis meæ, à qua longissimè absûm, il-
lustrabo, sed rebus ipsius gestis atque exemplis, cum
sua sponte clarissimis, tum verò nobis notissimis.
Non abutar enim conscientia vestra, equites: fal-
sam enim gratiam ab illo mortuo quid inire stude-
am, quæ tota morte ipsius sublata est? Sola illius vir-
tus mansit immortalis, de qua sine inuidia audien-
dum est: vt illius clarissimi viri recordatione ac de-
siderio vota faciamus, quo Deus noster similes Si-
gismundo regnare in Poloniavelit, si non omnes,
(nam id sperare ferè iam fas non est) at saltem ali-
quos,

quos, hoc nos certè animo esse in hoc exequiarum
munere conuenit, vt Deus non huic tantum mor-
tuo, sed etiam ipsi Poloniae regno, nobisque sit pro-
pitius, nostrasque res afflictas, atque in desperatio-
nem propemodum adductas, benignus aspiciat
me etiam, vt attentè audiat, etsi rogandi non estis,
mœror enim hic vester vos satis attentos facit, ta-
men vt consuetudinem seruem, rogo.

Sigismundus rex, auum habuit Vladislaum Ia-
gellonem, qui ex Lituanâ gēte in Polonia regnavit
primus: vitum omnibus tam bellicis, quàm religio-
nis laudibus cumulatum: qui cum octo & quadra-
ginta annos in Polonia regnasset, multa trophæa
de hostibus omnis generis constituit, inter quos
Germanos memorabili pugna ad Dumbrounum
in Prussia deuicit: &, quod nulli vnquam regum*,
neque nationum de Germanis licuit, hic solus est in-
uentus, qui, cæsis in acie vno die Germanorum quin-
quaginta millibus, Germanos à Polonis vinci do-
cuerit. Prætereo alias victorias atque triumphos i-
psius varios atque infinitos, quod illi nunc nihil ad
nos, & si ad nos, nihil ad hoc tempus, de quibus ta-
mē eruditi homines multa scripserunt. Hoc tamen
dicam, id quod à patribus traditum meminisse de-
betis, magnum hunc, & excellentem regem, ac ad-
mirabili regnandi sapientia in Polonia fuisse, qui nō
satis se functum officio ad munere regio putabat, si
tantum res humanas administraret, nisi etiam res
diuinas summo studio curaret. Itaque Luthuanam
sine Deo gentem ac impiam antehac, ad ouile Chri-
sti primus adduxit, in Ecclesiamque dicauit: deinde,
cum literas ipse nullas sciret, tamen hic omne li-

in regibus.

terarum genus ac Musas ipsas, tam Latinas, quam Græcas, in Poloniam introduxit, nullum regnum esse ratus absque literis, nihilque sancti ac iusti, neque honesti ibi posse esse, ubi Philosophia non vereretur nomen: quod illa ex agrestibus ciuiles, ex immanibus mites, ex barbaris doctos, ex hominibus postremo Deos faceret. Huic ergo tam excellenti, siue arti, siue virtuti, siue diuinitati potius cui-dam Vladislaus lagello domicilium in ea vrbe collocauit, quæ caput ipsius regni fuit. Cracouia enim gymnasium condidit, quod omni virtutis, ingenij ac doctrinæ laude ad hanc diem floret, vt inde, tantquam ex equo Troiano innumerabiles viri prodierint, sapientia, & doctrina præstantes. In hoc enim gymnasio lagellonis opera, non seposita aliqua Philosophiæ, seu sapientiæ pars tractatur, sed tota ipsa omnibus suis partibus perfecta atque absoluta. Summa hæc laus est, equites, ingens lagellonis gloria, immortale etiam in vos, liberosque vestros meritum huius optimi & diuini regis, quo ille tantquam luce quadam, atque splendore mirifico, obruit omnes victorias, laudesque non solum suas, sed etiam aliorum, qui Sarmatiam illam feram, & indomitam hac ista humanitate literarum expoliuit: vt, cum ferocius gēte Polona antea, fuerit nihil, nunc contra beneficio doctrinæ hæc eadem nihil videatur esse mansuetius, neque humanius. Hanc ego humanitatem, quam in tēplis, quam in foro, quam in regno ac in moribus nostris versari videtis, lagelloni regi omnem debemus: qui accersitis in Poloniam literis, adhibitisque earum Doctoribus, nos ab agresti vita ad ciuilem vocauit, nobisque persuasit,

suasit, humanitate, & doctrina nihil esse melius: contra verò, feritate ac inhumanitate nihil esse homine indignius, quæ vna re atque sola immortalem gloriam ille est adeptus. Nam vincere bello Germanos magnum quidem illi fuit: sed quod victoriæ non honorum virorum sunt tantum, sed interdum etiam malorum, ideo vera carent laude: ac curare, vt pie, castè ac religiosè viuatur ab his, quibus præsis solius est (mihi credere) hominis pij, casti atque religiosi. Iam verò, nisi diuino aliquo animi motu lagello rex maiora concupisset, & nisi fuisset ^{† natina} natura philosophia in huius viri mente quædam, quomodo ille, aut de literis ipsis, aut de illorum Doctoribus, ac de gymnasio condendo cogitare potuisset, præsertim cum literam ipse legeret nullam? Quam autem cara fuerit Deo optimo maximo, hæc lagellonis mens atque voluntas, inde apparet, quod ipsius genus longè, lateque regnare, non in Sarmatia solum, sed in Hungaria, Bohemia, Silesia atque Moravia longæuum ac gloriosum voluit: vt lagellana progenies singulari Dei beneficio edita in hanc lucem esse videatur ad retinendos homines in hac ciuili societate ad erudiendam vitam illorum communem, ad cōstituenda regna, ad vnienda imperia: denique ad proferendos fines humanitatis atque religionis. Iam videtis, equites, quæ vestra est sapientia, è quo fonte profluxerit Sigismundus rex ad hominum vitam gubernandam atque conseruandam, quàm puro, quàm sancto, quàmque repleto omni militia atque sapientiæ laude immortalis. Sed antequam de Sigismundo dicam, audite per quos viros hæc auita virtus ad Sigismundum peruenerit;

Iagellone è viuis sublato Vladislaus eius filius maior natus, huius autem Sigism. patruus, regnum paternum suscepit dignis. filius illo patre, ac successor, in tuendo paterno regno omnium acerrimus: qui extrema pueritia à Polonis rex est factus: ineunte vero adolescentia, rex est ab Hungaris absens expetitus, bello Turcico maximo atque acerrimis hostibus. Tanta opinio de illo animos omnium peruaserat, ut in illius indole salus omnium gentium reposita putaretur, ita ut & Polonis dare salutē, & Hungaros liberare periculis posse videretur. Tanta virtus huius regis fuit, tantus ad virtutem impetus, ut præter ætatem periculosissimis temporibus maximis undique septus hostibus duo regna maxima Sarmatiæ atq; Hungariæ, summa atque incredibili virtute conseruât. Scythas in Russiam irruentes sæpe vicit, Valachos Polonis adiunxit, Amurathem ipsum spe atque cupiditate Hungariæ imminentem cum vniuersa Asia ex Hungaria victum, fugatumque expulit atque eiecit: cui quidem regi, veluti Aaronem quendam sanctissimum atq; fortissimum virum Ioannem Capistranum de familia Francisci, Eugenius Quartus in societatem Turcici belli miserat: quo ille administro atque comite non solum Hungariam, sed omnes Christianorum prouincias ab æterno interitu conseruauit. Nam quandiu vita incolumis Vladislao fuit, tandiu Turcarum genus minus potens, ac minus formidabile prouincijs nostris fuit. Illo verò Varnensi prælio victo, quot ille virtuti ac rebus secundis cōfusus, impari militum manu cum Amurathe conflixerat, tantum Turcarum tyranni postea sunt adepti, quantum nunquam

eo viuo optare sunt ausi, in quo tamen prælio enituit illa Iagellonis excellens atque inuicta in hoc rege virtus: cum enim inclinaret iam victoria, spesq; in sola restaret fuga, & cum ceteri exceptis Polonis, fugerent omnes, ille veluti Cæsar alter, sui oblitus, in confertissimas hostium cohortes, opem laturus suis, cum magna hostium strage se immisit: & cum quidam vi ex prælio reuocare iuuenem conarentur, ferox monitoribus respondit, Non esse sui sanguinis vincere velle, & fugere: o generosam mentem, & magno rege dignam. Non ego te eo prælio periisse dicam, Vladislæ, neq; immaturam mortem hoc loco deslebo tuam. Viuis enim rerum gestarum gloria, & quandiu hic Sol terras adspiciet, viues. Nam quod tibi aut puerilis ætas negauit, aut immatura mors ademit, id tu suppleuisti virtute tibi: quam ad hanc diem, nō Hungari solum, pro quibus sanguinem fudisti, neque Poloni, quorum cum patribus illo in prælio occubuisti, sed illi ipsi Turcæ, gentesque omnes barbaræ à te deuictæ venerantur, fatalemque tuum sanguinem ad delendum Ottomanicum nomen sibi esse arbitrantur. Sed me longius prouexit, equites, recordatio huius regis cum grato quodam desiderio cōiuncta, & quod hoc inuens corpus, de illis quoque recordor, qui ex eodem sanguine erant creati, vnde & hoc erat sumptum. Nunc ergo relinquam patrum Sigismundi, tantæ ac tam inuicti spiritus regem, & ad parentes ipsius iam vobis breuiter ostendendos, descendam. Vos quaeso, quod adhuc fecistis, me diligenter audiaris: Vladislao Varnensi prælio extincto, Casimirus frater, huius autem Sigismundi pater, regnum

suscepit fraternum, atque paternum, & quinque, & quadraginta annos in Polonia regnavit: quo in spacio res ille tantas gessit, ut, si de singulis mihi dicendum sit, abuterer tempore, & auribus vestris, equites, ipse etiam me ignorare viderer, si ad res magnas huius excellentis regis orationem nequaquam parem adhiberem, praesertim cum ad ipsum Sigismundum tota properet oratio. Hinc tamen Casimirus quantus rex fuerit, inde scire potest, quod contra potentissimos reges atque summos Imperatores, non solum suae aetatis, qua ille regnavit, sed omnis ante illum memoriae, Poloniae regnum incredibili virtute defendit. Nam cum Matthia rege Hungariae fortissimo atque bellicosissimo, bellum in Silesia acerrimum gessit, & Stephanum Valachiae Palatinum, bellatorem inclytum parere Polonorum imperio coegit, & Mahometem Turcarum tyrannum ex Valachia expulit, pacemque petere compulit, Prussiam maximo bello perdomuit: Moschouiam deuicit: Scythiam saepe repressit: pacem, ocium ac tranquillitatem, armis atque legibus in suo regno diligenter custodiuit: quibus ille rebus cum esset apud omnes clarissimus, facile obtinuit, ut externis etiam auxilijs regnum Poloniae muniret, quod sciret regna, nisi finitimorum opibus ac beneuolentia iuuarentur, firma non esse. Itaque quod armis atque bello assequi non potuit, ut pax illi tum Germanis de Prussia esset, id vxore ex Germanis ducta est assequutus. Nam de domo Austriae clarissima, atque totius Germaniae potentissima, eaque imperiali, vxorem duxit Elisabetham, huius istius Sigismundi

ma-

matrem: filiam autem Alberti ducis, qui idem Romanis, Hungaris, atque Bohemis rex fuit * cuius * ^{2ue} nuptia, cum essent plenae dignitatis, plenae concordiae, ac regiae cuiusdam maiestatis, ita tamen fecunditate atque prole beatae fuerunt, ut vix e veteri regum memoria vllius nuptiae cum his Casimiri conferri queant: nati enim sunt inde filij sex, omnes patri superstites: quorum serie quadam mirabili atque diuina, Vladislauis natu maior, in Hungaria regnavit viuo patre: Ioannes Albertus autem in Polonia patri successit: illi Alexander, huic vero Sigismundus hic rex: restabant duo, quod illis credo meliora regna hisce terrenis debebantur, Casimirus, & Fridericus, quorum alter in Diuos relictus est: alter vero urbis Romanae cardinalis fuit: filias quoque septem numero, ex hoc eodem matrimonio susceptas, omnes Germanis principibus in matrimonium dedit, atque ita genere ac sanguine suo cunctam Germaniam Casimirus compleuit, ut pauci sint ex omnibus Germanis principibus, qui consanguinei non sint Polonis. Felix Casimirus hac ita Deo grata, ac tam illustri apud omnes gentes sobole, ex quo tot ac tanti orbis terrae conseruatores prodierunt: qui felici or, ne in suscipiendis liberis, an diligentior in educandis fuerit, non facile dixerim. Nam ut filias praetermittam, quae summa pudicitia, & digna illo loco ac genere cura a matre sanctissima atque diligentissima foemina educabantur: filij certe ea disciplina fuerunt instituti, ut non regis filij, sed priuati cuiusdam viderentur esse. Nullus in ijs educandis regius sumptus, luxur nullus, sed summa moderatio in victu, amictu, atque cultu adhibita fuit.

Norat siquidem ille sapientissimus rex atque idem pater optimus, fundamentum esse omnis reliquæ vitæ cum priuatæ, tum publicæ institutionem ipsam educationemque puerilem. Hinc enim petuntur primùm rudimenta illa ad laudem, & ad gloriam disposita, nempe quid honestum, quid turpe, quid iustum, quid iniustum, quid expetendum, quid fugiendum sit, quid Deo, quid parentibus, quid amicis, quid ciuibus, quid legibus, quid ipsi denique Reipublicæ debeas, quæ nisi tu ineunte ætate, in angusta ac seuera vita cognoueris, inutilis homo, perniciosus rex tuis futurus sis, necesse est. Quid enim per Deos immortales ab eo expectes, qui sine ullis honestis præceptis ex puellarum cœtu emerfus, à cantu, à tibis, à luxu, à tripudijs, à vino, à somno, à stupro, ad summum imperium accesserit? lætabit se, mihi crede, illius intemperantia in illa copia insolentius, neque quomodo profit, sed quomodo obstit rebus communibus cogitabit. Nam cum voluptas ipsa per se virtuti sit inimica, tum verò si ad illam potestas aliqua maior, aut imperium accedat, in furorē agitur, de statuque omni mentem exturbat humanam. Ex hac tali ratione illæ humani generis pestes prodire partim crudeles, partim verò effœminati tyranni. Hinc enim Busris atque Phalaris illi veteres: hinc Nerones isti recentiores ac crudeles tyranni: hinc etiā effœminati Sardanapali sunt orti: quorum vitam si inspicias, facillè reperiēs ineuntem ætatem illorum, non parsimoniam, neque disciplinæ radicibus, sed ipsius voluptatis atque licentiæ illecebris nixam fuisse. Horum exemplis admonitus Casimirus rex, nihil prius habebat, quàm ut illam primam

mam filiorum suorum ætatem certis legibus pudoris, verecundiæ, modestiæ, atque ipsius religionis adstringeret, certò sibi persuadens, taleis filios suos in regnando futuros, qualis illorum educatio præderet, & meritò quidem: institutio enim puerilis regum ipsorum, primùm proculdubio medium atque postremum illis in regnando est. Hinc enim omnis ornatus vitæ, regibus est petendus: hinc contra fortunæ tela præsidium sumendum: hinc consilium, hinc autoritas ac gravitas petenda: denique id, quod caput est, quid sit regē esse, quid deceat illum, quod officium regis, qui vultus, incessus, victus, habitus: hæc sola recta institutio regi demonstrat. Non capit hæc, mihi credite, angusta ac nulla bona institutione erecta mens, sed vacillat ac titubat in omni regio officio ac munere. Qui enim rex hæc puer non didicit, is vitam miseram, desertam, contemptam, infamem, ac obtreccionibus expositam agat necesse est. His ergo malis atque his incommodis omnibus ab initio Casimirus itatuit occurrere, præposterè se facturū ratus, si regnum ipsum filiis post se relinqueret: filios autem ipsos, quibus illud seruaret, negligeret: quare ne videretur (ut dicitur) plus curare calceum, quàm pedem: summa ope requisivit, cuiusnam instituendos filios suos traderet. Erat illis temporibus vir doctus, & bonus Ioannes Longus, Olugos à Polonis vocitatus: cuius vita probata, ac inculpati mores, cum illius comendarent doctriam, facillè Casimiro fuit persuasum, qui hunc filiis suis Doctorem accersierit: ut ex eius viti præceptis, atque institutis, veluti ex fonte quodam, atque totius honestatis radice fluere illa regia disciplina,

quam docti homines summam esse rerum omnium voluerunt: quæ mentem, linguam ac rationem futurorum regum, ad Reipublicæ gubernationem cum summa laude dirigeret: sic Casimirus non aliquem externum, aut alienigenam, ac ignotæ virtutis hominem, filijs suis præceptorem delegerat, sed Sarmatam ac Polonum, eundemque spectatæ doctrinæ ac integerrimæ vitæ virum. Itaque non in externa institutione, neque in peregrina adolescere mentem liberorum suorum voluit, sed in Polona atque domestica: nec iniuria. Ut enim semina, si in peregrinam mandentur terram, amittunt vim suam, sæpeque in diuersum genus abeunt: sic puerorum ingenia institutione degenerant à patria virtute, ut ex duro Scythia mollis fiat Arabs, ex Latino Græcus, ex Polono Italus. Quare Casimirus, cum se sciret genuisse reges, non Italis, non Græcis, neque Indis, sed solis Polonis: cavit diligenter, ne quis primam illam indolem, nisi Polonus fingeret. Adhibuit itaque Ioannem Longum, ut Polona institutione, Polonus ipse bonos reges Polonis eò diligentius efficeret, quando in illorum institutione salutem non solum regni, sed suam etiam inclusam esse videret. Hoc ergo munere Longus non minus difficili, quam operoso suscepto, statim ab initio amouit à conspectu illius teneræ ætatis pestem ac perniciem iuuentutis libidines omnes, & illarum authores. Non erant auditi in Longi ludo versus impudici, non cantus, neque symphonia turpis, quæ aculeis nequitie incendunt ad vitium iuuenum mentes, nunquam ibi sunt visi turpiloqui, nunquam ebriosi, nunquam mimi, nunquam amore ac vino, & mendacio cor-

rupti

rupti histriones: denique nunquam illa dijs irata, quam Itali appellant, mascara in ludo illo fuit: nihilque earum rerum omnium, quarum imitatione atque consuetudine in vitium labitur iuuenilis ætas, talisque fit, quales sunt ij, quorum cōiuctu latur: cum claudio enim (ut dicitur) claudus eris. Quare aures illorum regum ab auditu oculos à conspectu talium flagitiorum diligenter fidelis magister continebat. Libri apud illum à regibus illis pro masearis tractabantur: viri boni ac moderati, pro histrionibus cum regibus illis versabantur: parsimonia vitæ, morum reprehensio, malorum irritio, virgæ mediusfidius ipse, atque plaga, administræ illius institutionis erant, atque comites: meminique me audire de nostris senibus, Casimirum dicere solitum, nullum se acroama audire suuuius, quam ciulantem, ac virga cæsum ab illo magistro filium: & regem Sparta dignum, qui in illis lacrymis, ac in illius vitæ angustijs fundamēta bene ac sapienter regnandi filijs suis reposita esse arbitrabatur. Itaque cum magnarum rerum cupiditate, monitore Ioanne Longo, incenderetur assidue præclara illa ad virtutem indoles, videris quos fructus maturitate sua postea tulerit. Quid enim aliud causâ putatis esse, quod omnes vicinæ gentes, atque nationes, ad Casimiri domum, quasi ad Philosophi scholam cōcurrerent, unde non solum reges regnandi, sed etiam magistros bene viuendi peterent? Nulla fuit alia, equites, nisi ipsius institutionis opinio. Hac enim impulsæ sunt Hungari, ut ab illo Vladislauum regem sibi peterent: hac eadem Bohemi adducti Ioannem Albertum expetiuerunt, ita Alexandrum Lituani, ita

Rr ij

Sigismundum Silesij: ô felicem tali prole Casimiri: ô ter, quaterque beatam Poloniam, quæ tantæ indolis primum, deinde virtutis parens atqueATRIX extitit: quæ quanta fuerit, testes sunt omnes gentes atque terrarum oræ vltimæ, quæ ab hac ista virtute, aut seruata, aut deuicta, aut cum Polonia regno sunt coniunctæ. Nec mirum, nacta enim fuit hæc virtus naturam imperio aptam: ad quam cum accessisset vsus, confirmatioque doctrinæ, ad tantam laudem, dignitatemque peruenit: & cum omnes isti optimi atque omni laude dignissimi fratres florent ingenij gloria: sic tamen inter hos Sigismundus excelluit, vt tantum ipse vinceret omnium testimonio fratres, quantum illi vincebāt reliquos omnes. Nam quæ vestra opinio, quæ etiam spes omnium de hoc isto iuvene fuerit, testes sunt comitia illa Casimiro mortuo Pitrokouiz habita, vbi cum de rege deligendo deliberaretis, hunc natu minimum, fratribus maioribus Ioanne Alberto, ac ipsi Alexandro, anteferre ad imperium voluistis: & nisi partim Elisabeth mater, partim verò Sigismundi ipsius continentia, fratri maiori concedentis, obstitisset, antetulissetis. Vos hoc loco appello huius regni robur atque firmamentum, Thencisci, quæ iudicia de hoc isto rege tum fecistis? quanta contentione animorum atque armorum vestrorum hunc regem sufficere patri voluistis? Quid tanto motu rerum spectastis aliud, nisi speciem quandam atque opinionem excellentis virtutis, quæ cum ipsa summa esset in Sigismundi fratribus, in hoc tamen ita excelleret, vt quantum ætate superaretur à fratribus, tantum ille splendore virtutis ac nominis sui, fratres ipsos supera-

superaret? quod autem ille tum se non extulerit, & quod à præfenti iam regno ac oblato abstinerit, nonne hanc abstinentiæ illius laudem cuius regno anteponendam putabimus? nisi enim infedisset in huius viri mente constans ac æquabilis ratio quædam vitæ, nunquam ille, mihi credite, abstinuisset ab eo, quod illi tum summa voluntate ac incredibili vestra conspiratione datum, oblatumque fuit. Nam non volitare cupiditate gloriæ, non inflamari ambitione ad rapienda regna, præsertim cum rex esse possis, hoc omnium difficillimum opus est, equites: hoc solius sapientis, ac huius hominis est proprium: qui tamen hoc ipsum, quod fratribus ante se concesserat, quàm cumulatè postea à vobis sit adeptus, res ipsa docuit. Mortuo enim Ioanne Alberto, deinde Alexandro fratribus, vniuersi hunc ex Silesia ad regnum paternum vocauistis, in summo ipsius regni discrimine, summoque periculo: ita in eo solo restare spem regni, atque salutis vestræ tum putastis: quo quidem regno suscepto, ita illud vnum & quadraginta annos administrauit, vt omnibus opibus florentissimum vobis post se reliquerit. In quo quidem regno, qualem se regem ille gesserit, quibusve artibus illud administrarit, res ipsa iam poscere videtur, vt dicam: fuit enim hoc secundum tribus, quæ de hoc ipso rege dicenda ab initio proposuimus. Utinam, equites, ea in nobis esset orationis facultas, qua, vt par est, dicendo explicare possemus, quinquam huius regis in regnando mores, quæ artes, qui modus fuerit. Nunc verò cum virtuti Sigismundi regis non tantum mea, quæ nulla est, sed nullius, omnino possit par oratio inueniri: date mi-

hi hanc veniam, ut non tam orationem à me ipsam, quam rerum ipsarum, quas is gessit, commemorationem expectetis: quarum recordatione ac memoria, & hoc mœstum illius funus celebremus, & alijs præscribamus, quales reges in regnando esse conueniat. Ego enim sic existimo, in summo rege quatuor has res inesse oportere, sapientiam, iustitiam, fortitudinem, atque clementiam. Quis igitur hoc homine sapientior rex vnquam fuit? qui mox suscepto regno, non vnā aliquam partem regni, sed omnes illius partes animo complexus est: quæ cum laborare viderentur, præsentem medicinam omnibus summo cum præsidio attulit. Nam cum Poloniæ regnum maximis bellis, quæ pater ac fratres ante illum gesserant, exinanitum, ac omni consilio, & auxilio destitutum accepisset, ineundam sibi ante omnia rationem putauit, quo & auxilijs iuuare, & consilijs firmare, & opibus reficere regnum posset. Multa illi ad ea expedienda, quæ animo conceperat, obstabant inopia primum ararij assiduis bellis exhausti: deinde desertum ab amicis regnum. Nullo enim tempore Poloniæ regnum maiori motu rerum fuit, quam eo, quo à Sigismundo est susceptum: hinc enim influebat tota in Russiam Scythia: hinc bello affecta imminebat Valachia: hinc Asia, Turca duce, minabatur nobis tota: cum Germanis etiam non satis certa nobis propter Prussiam pax fuit. Hic Sigismundus solus in medio relictus, ac magnis vndique periculis circumuentus, ostendit patriæ illud speratum lumen animi, ingenij, consilijque sui. Omneis enim finitimos partim societa-

te sibi

te sibi adiunxit, partim fœdere reconciliauit, partim vero bello deuicit. Nam Valachiam insperata victoria de Ioanne Alberto elatam, fregit ac domuit. Scythiam quoque multis prælijs secundis deuictam, ad extremum tandem munificentia, liberalitateque sua in fide habuit: perfecitque ut Scytharum genus hominum ferum ac indomitum, liberalitatem ipsius potius, quam arma experirentur: quem illi honorem, ante Sigismundum, nulli regum, ne illi quidem Alexandro domitori Asia habuerunt: cum Turcarum etiam tyranno, cum ab omnibus derelictus, solus periculosissimum bellum gereret, fœdus ad extremum fecit, magis ex suorum tempore, quam ut id utile rebus communibus arbitraretur: de quo quidem fœdere dicam alio loco, equites: & ita dicam, ut hoc ipsum fœdus, quod nonnulli reprehendunt, magna necessitate factum fuisse ostendam. Nunc dico, in his fœderibus atque bellis Sigismundum aliud spectasse nihil, quam pacem, & ocium suorum: ut videlicet Polonia tot iactata casibus, tot afflicta cladibus, tot denique oppressa malis, requiesceret aliquando, & se ex diuturno labore pace ac quiete reficeret: quæ eo miseriarum iam venerat, ut neque priuatis, neque publicis opibus, posset contra vim hostium subsistere. Ita enim sagello Germanico bello, & Vladislaus Turcico, & Casimirus Prutenico atque Hungarico, & Ioannes Albertus Valachico Poloniâ attinuerat, ut in media victoria victa esse propemodum ipsa Polonia videretur. Quare cum spes restituendi regni nusquam, nisi in pace, Sigismundo restaret: propterea hanc ipsam pacem omnib. bellis,

Rr iij

fœderibus, societatibus atque affinitatibus quaesivit. Nam sorores, quas habebat, in Germaniam nuptum dedit: qua affinitate ille Germaniam cum Polonia non solum coniunxit, sed etiam Germanorum opibus illam contra omnem vim munivit: nobilissimis enim ac potētissimis ex ea gente illos collocauit: qua sanè re perfecit, vt illi primò omnium Polonia: regū pax cum Germanis firma esset. Nam quod is cum Prutenis bellum gessit, priuatum illud bellum Prutenorum fuit, nulla publica ipsius Germaniæ auctoritatem susceptum: & ne quid fortè, quod ad pacem spectaret, pratermittere videretur, cum iam Scythas liberalitate, Valachos deditioe, Moschos victoria, Germanos affinitate sibi ac suis obligatos haberet: restabant Hungari, quos etsi illis temporibus Vladislaus frater cum Polonis coniungebat, tamen Sigismundus longius prospiciens animo, Hungaros in perpetuum Polonis volebat deuinctos esse. Itaq; cum Scepusia domus princeps in Hungaria esset, Stephanusque Transyluania: Palatinus, rerum post regem primus in Hungaria potiretur, eius filiam Barbaram in matrimonium duxit, consentiente senatu, ac approbantibus bonis omnibus. Lata hoc matrimonio Polonia fuit, non tam quod societatem illi nouam attulerat, quam quòd talem reginam ex Hungaria acceperat, quæ ob sanctissimos mores, castissimam vitam, ac ob admirabilem pudoris atq; verecundiæ famam Hester fuit vulgo appellata. Sed hæc voluptas huius lætitiæ nō diuturna Polonis fuit: nam Barbara anno quarto, postquam in Poloniam venerat, vita est functa magno cum mœrore ipsius regis, dolore autem omnium

mnium vestrū incredibile: quæ tamen ipsa moriens, reliquit vobis pignus inita: societatis cum Hungaris: filiam enim ex ea Hedwigim Sigismundus suscepserat: qua Ioachimo Marchioni Brandeburgensi in matrimonium data, pacem Polonis cum Marchia fecit. Ita ille hisce artibus in omnes partes intentus, pace parta, Poloniam assiduis bellis afflictam exinanitam atque proiectam erexit, refecit, ac planè denuò constituit. Quanta hæc fuerit illius sapientia, ex alijs quoque potestis suspicari, equites. Alij enim pace bella quærunt: hic verò nihil bellis, nisi pacem quaesivit. Alij regna suscipiunt: vt finitimos bello vexent: hic regnū absq; finitimorū beneuolentia infirmum esse duxit. Alij fœdera ineunt, vt ad euertendā pacē spaciū habeant: hic omnia fœdera quæ cum Turcis, cū Scythis, cum Moschis, cū Valachis habuit, pace terminauit. Quis hunc regem non ad euertendos homines, sed ad seruandos, non ad bello inter se cōmittendos, sed ad pace coniungendos, natum fuisse neget? cum enim pacem omni regno suo compararet, non tantū suis, sed etiam alijs gentibus atque nationibus pacis author fuit: & quod inter omnes constat, pacem mutuam Christianis prouincijs stabiliorem nūquam fuisse, quàm Sigismūdo rege fuerit: sic ille non tantū quod sibi soli vtile esset, spectabat: sed cōplectabatur ad suam, & ad communem omnium salutem, omnes finitimos reges atq; nationes. Pacis enim author omnibus fuit: ad pacem inuitabat, hortabatur, ac monebat omnes. Valuissetq; vtinam illius diuina vox atque sententia apud Ferdinandum ac Ioannem reges: staret nunc, mihi credite, Hungaria neque Tur-

*Pacis encomia.***deficit.*

cis per illam ad nos, ac ad omnes pateret via. Verum cum illi reges belli, quam pacis, essent cupidiores, Sigismundumq; non audirent, ab Hungaria ambo exciderunt: cuius motu atque casu ea quoque dudum ante habebant, cum magno communiam rerum detrimento, partim affligerunt, partim amiserunt: & merito quidem: pace enim de medio sublata, quid utrique salue esse potuit? Pax enim est parens atq; fons omnium rerum bonarum, equites: sine hac nihil hominibus iucundum in vita, nihil stabile potest esse: quam qui oderunt, feri & indomiti ac crudeles tyranni sunt habiti. Contra vero, qui huius patroni atq; auctores fuerunt soli homines, soli sapientes: ac generis humani conservatores sunt dicti: & iure quidem: pace enim viuunt leges, excoluntur mores, tractantur artes: victus postremo ipse, ad vitam degendam necessarius, ipsius pacis est fructus: quo etiam fit, ut difficilior sit pacificum regem esse, quam bellicosum. Quanto enim quisque ratione magis *deficitur, tanta est ferocior, & ad bellandum procliuior: at pacis auctor, atque custos nemo potest esse, nisi idem vir sapiens fuerit. Eadem enim partes sunt pacis, quae sunt ipsius sapientis. Nam pacis hic finis est, ut in ea conuenienter naturae ac legibus viuatur: qui finis idem profectus est, & ipsius sapientis. Hoc enim solum ille curat, ne quid à natura ac legibus aberret. Quare nihil tam cum sapientia pugnat, ut videtis, quam odium, discordia, ac bellum. Hinc enim existunt regnorum mutationes, hominumque ipsorum ac legum interitus: quae conservare ac constabilire est ipsius sapientis. Quod in Hungaria ne esset tanquam ex aliqua specula denunciabat Sigi-

Sigismundus Ferdinando atque Ioanni tempestatem futuram: quam cum illi non prospicerent animo, demonstrantemque Sigismundum non audirent, repente illa tempestas inuoluit ac corripuit omnia. Hungariamque sine legibus, iudicijs, sine rege, sine fide exposuit direptionibus, & incendijs. At Sigismundus interea cum conscientia consiliorum suorum niteretur, nunquam facere, agere, ac moliri omnia destitit, quo si minus pacem inter illos reges conciliaret, regnum tamen suum ab illorum contentione abduceret. Quam in re tanta sapientia, tantaq; moderatione fuit, ut in summa illorum contentione utrique carus esset, utriq; focius, atq; amicus: cum quibus ut pacem, & amicitiam firmaret, alteri hoc est, Ioanni filiam suam Elisabetham, è secunda vxore, hac ista grauissima atque clarissima Bona Sphorria, de qua dicam alio loco, in matrimonium dedit: alterius vero filiam huic Augusto regi nostro, filio autem suo carissimo atq; vnico, quem nobis ex eadem regina reliquit, collocauerat: quae nuper magno omnium cum dolore, ac mœrore decessit. Ita ille, non arma tantum, opesq; omnes suas, sed etiam sanguinem ipsum, genusque suum vniuersum in pacis rationes conferebat: sanguineq; suo quam plurimas gentes atque nationes sibi, regnoq; suo obstrictas esse volebat, & cum bellicosissimis nationibus, victoriosissimisque populis praesset, tamen hanc tantam copiam, non bellorum opes ac nervos, sed pacis instrumenta esse putabat. Quae pax, inquam, in regno constituta, quanta bona effecerit, quas artes excitauerit, quas opes huic regno tam priuatim, quam publice pepererit,

attendite equites: mentesque vestras paulisper ab hoc mœrore vestro ad res vestras abducite, quarum status, ante Sigismundum, qui fuerit: hæc vestra præsens testatur copia: quam si conferre volueritis cum opibus illis vestris prioribus, inopia summa atq; egestas illa videbuntur esse præ hisce, quæ nunc sunt. An vos illas opes putabitis esse equite Polono dignas? quæ tam modicæ fuerunt, ac penè nullæ, ut legibus etiam vestris cautum fuerit, ne triginta marcas dos equitis filia superaret. Non moderationis, mihi credite, sed postremæ inopiæ hæc ista lex fuit, cuius cum nos (ita me Dij ament) subpuderet, legem hanc dotalem tulimus, ut id, quod inopia fiebat, lege fieri putaretur: cum interim bene se illis res haberet, qui locupletes videri volebant, si illorum sanctius ærarium ipsas triginta marcas haberet. Neque verò hæc inopia tantum in ordine equestri fuit, sed ipsi etiam medius fidius senatores, ne plus centum marcis dotis nomine filia nubenti darent, lege, hoc est, egestate prohibebantur. Sed quid ego dotem huius inopiæ signum fuisse commemoro? cum capita occisorum equitum tanquam pecudum, non ipsius interfectoris capite ac sanguine, sed precio accensum marcis, contra omnia diuina sic humana iura, soluerentur? ut non multa, non pœna, non supplicio, sed tam vili ære capita vestra æstimarentur, cædesque expiarentur. Ex hac tanta, ac tam infami, tamque impia æstimatione apparet, egestas illi regni quanta fuerit: quæ tanta fuisse videtur, ut animam quis pro capite facilius daret, quam hanc pecuniam solueret: quam utique illis temporibus grandè fuisse constat, quæ nunc auctore Sigismundo nulla

nulla est. Quid verò illa macula atq; labes nominis ac generis vestri, parumne indicat, quæ inops pecunia fuerit hoc regnū? Nā si quis fur pecunia furto à quopiā vestrū abstulerit, capite plectitur atq; suspēdio: si quispiam autē eum cuius hæc pecunia fuerit, occiderit, pecunia occisi caput soluit: ò commemorandas leges, & dignas, quæ in hac Rep. versentur, quibus nos, tanquam pecudes, precio ac mercede sicarijs, & interfectoris addicti sumus: quam nos non legem, sed perniciem atque pestem vestram, primo quoque tempore de medio tollite, equites, si salui esse, & boni viri haberi vultis, de quo quidem ipso erit fortasse nobis apud vos alius dicendi locus. Nunc vos iam perspicitis, quanta hæc inopia fuerit, cui omnes leges diuinæ ac humanæ in Polonia cesserant. Quid? in priuatis ne tantum rebus hæc tanta inopia fuit? imò verò multò etiam maior in publicis: Recordamini enim per Deos immortales, illas angustias ærarij amissa vectigalia, bona, villas, vrbes, atque prouincias regias pecunia obligatas priuatis hominibus: tum demum statueris, quantum Sigismundo regi debeatis, qui hæc omnia redemit, recuperauit, ac libera Reipublicæ restituit: quarum rerum inopia erat factum, ut homines historici literis mādarent, Polono rege miserius esse nihil, & ita profecto res est, si tempora illa respicias, quibus illi scripserunt. An vobis rum regnum hoc diues fuisse videbatur, cum subsidia belli ac ornamenta pacis mendicato penè reges vestri quærerent? cum pignoribus, obligationibus, ac mutationibus, non solum bella administrarent, sed etiam domi viuerent? cum ita exinanitum erat ararium, diminuta vectigalia, o-

† *Alia.*

mines villæ, possessiones, salinæ, prouinciæ pignori oppositæ, ac à regio vsu auersæ, vt rex ipse neruis prorsus cateret, quibus Rempubli. gereret? Quis vnquam non dico rex, sed priuatus homo aliquid sepositum ad vsus necessarios non habuit? soli ex omnibus regis vestri sunt inuenti sine vlllo sanctiore arario. Nihil fingo, equites: memoria in medio est res ipsa. Legite priuilegia bonorū obligatorum, facile reperietis eò inopiæ redactos fuisse illos superiores reges, vt, si non dico bellum aliquod ab illis esset gerendum, aut filia elocanda, sed equus ipse emendus, non prius haberent, quàm aliquid adderent ad priuilegij summam. Quare cùm maximus nodus in Republica sit inopia rei pecuniariæ, sæpe fiebat, vt perniciofa consilia regis nostri inirent auferendorum è templis vasorum, ac nouorum imperandorum vobis tributorum, res etiam ipsas ad summam Reipublicæ pertinentes, inchoatas atque affectas, cum magno ipsius Reipublicæ detrimento intermittebāt. Difficile enim est efficere aliquid magni, cùm egeas: quod pecuniæ nerui sint omnium benegerendarum rerum. Ex his tantis, tam diuturnis, tam postremis difficultatibus, angustijsque, quibus omnes res nostræ priuatæ atq; publicæ premebantur, Sigismundus rex summa sapientia atque incredibili celeritate hoc regnum expediuit: comparatis enim pecunijs, vndiq; collectis Ioannis Boneri opera, viri præclari atque industrij, salinas primum, deinde præfecturas, postremò villas, vrbes, possessiones omnes redemit: aræque grandi perluto, vectigalia constituit: fructus prouinciarum auxit: ararium collapsum antè atque effusum, in-

genti

genti pecunia cumulatam atque refertum: vobis rei que vestræ publicè reliquit. Quid verò hoc eodem principe atque duce, res vestræ priuatæ, ex illa Reipublicæ nocte à Sigismundo productæ, quanta luce, & quo splendore nunc fulgeant, quis poterit, vt par est, dicere? Agri medijsfidius ipsi, syluæ item ac nemora, ruraque ac coloniæ vestræ, quæ in pacis sinu à Sigismundo collocatæ, medio (vt sic dicam) ocij gremio nunc continentur: gestire mihi videntur, atque huic authori, parenti, ac conseruatori suo gratias agere, quæ situ antea squallebant omnia: nunc verò hac noua luce opum & copiæ ab hoc illustrata, fulgent, mouentur, seseque ad summam vtilitatem vestram, rei que publicæ dignitatem efferunt. Eos enim fructus iam vobis subministrat, vt hos nullum bellum, quamuis atrox atq; diuturnum, exhaurire possit. Mandate hoc memoriæ, equites: spero multa vos, liberosque vestros, ac maiora indies bona visuros, in hisque semper ita existimabitis, sine Sigismundo rege nihil horum vos fuisse visuros. Nam ante illum quid sperare potuimus, in illis præsertim tantis angustijs? cùm mentes, animique vestri debilitarentur inopia, ipsasque egestas nobis ad omnia, quæ concupieramus, magna atque præclara obstaret, quæ nunc sublata de medio atque remota, res nostras secundas ornavit, aduersus præsidium attulit bello subsidia: paci verò ornamenta suppeditauit, auctæ iam sunt vestræ dotes, quarum modus in lege, vt antea, sed in voluntate vestra pædet: viluit aurum, cuius vsus nimius iam fastidium vobis parit argentum etiam ipsum, non priuatorum hominum videtur esse, sed illorum regum

superiorum. Nihil de ære ipso loquar, quod auro, argentoque vestro obrutum, vix iam comparet. Ita Sigismundus, quasi alter ex Hierosolymis Salomon, non copiam auri atque argenti, sed utilitatem Polonis attulit, & quod in primis laudatur in Salomone rege, quod ille diuturna pace aurum atque argentum lapide vilius Hierosolymis reddiderat, hac certe laude Sigismundus non solum illi par, sed etiam superior fuit. Salomonem enim illa copia demeruerat, ac à Deo suo patrio auerterat: hic verò in vberimis copiis, religiosissimus: in summis verò oppibus temperatissimus ad extremum fuit, nihilque ad vltimum spiritum curauit magis, quam ut ipsius regnum in pace vigeret ingenijs, valeret doctrinis, ac omni humanitatis, & religionis laude floreret. Quando, equites, hoc regnum, quando vberius ingenijs, aut cultius vnquam doctrinis fuit? Nunquam, equites: omnia se simul hoc rege in Polonia profuderunt pax, opes, literæ. Rarum fuit antea ac penè inauditum in Polonia Græcarum literarum nomen, quæ ita erant hominibus nostris incognita, ut id quod quis non intelligeret, Græcum esse diceret. Iam verò Latina ipsa oratio, quàm abscondita fuerit atque barbara, Biga, & Baralerus sunt testes, boni quidem illi viri, sed tamen inepti magistri ac rustici. Conferte nunc cum his ea, quæ & ipsi didicistis, & in quibus liberi exercentur vestri: non barbariam, sed Græciam, non Sarmatiam, sed Italiam dicetis factam esse Poloniam. Ut iam non Musæ Græcæ, neque Latinæ, sed vrbes mediis fidius ipsæ, Roma atque Athenæ, honore, præmio, ac fauore Sigismundi inuitatæ commigrasse in Poloniam videantur.

Ita

Ita mens, sonus ac subtilitas vtriusque orationis non externa, sed vernacula: non peregrina, sed domestica, in ore nostrorum hominū versari mihi videtur. Circumspicite, equites, quàm vndique circumferantur versus optimi: audite quibus laudibus solutæ ac iunctæ orationis suauissimi huius regis à Polonis celebretur memoria. Nihil dico de me, cuius oratio, quantulacunque est, aut si quæ omnino est, huius regis beneficio creuit. Voluimus quidem & nos de hoc rege aliquid dignum ex hoc loco vestris afferre auribus: sed tamē id assequi, rarditate, ut par fuit, non potuimus: studio tamen certè, & voluntate proximillimus, qui literas suas, artesque optimas huic regi acceptas ferunt: & qui hūc quali quendā mortalem Deum, alto cælo demissum, mirantur: ac harum ipsarum literarum opera: quas illius beneficio didicerunt, cupiunt eum esse immortalem. Viues ergo, o diuine rex, laudibus, carminibusque nostris: nosque, è cælo benignius adspicies, tuoque numine ac munere hæc bona propria nobis velis esse, quæ hinc abiens reliquisti. Commouit lacrymas, fletusque interpellauit orationem meam.

Sed tamen quod institueram dicere, par hic pacis artibus Salomoni regi fuit: constantia verò recti propositi, longè illi superior: quod ut æquabiliter in omni vita tueretur, diffusus ingenio, quæ fuit in suo regno socios tantarum rerum tuendarum optimos ac probatissimos. Habuit enim ex delectis viris summa authoritate senatum, ita ut hoc constet, in Polonia simili splendore * consilium nullius regis vnquam fuisse: tria autem præcipuè in deligendis senatoribus, spectare solebat: genus primò ipsum, quod

Ss

* Concilium

maior autoritas apud homines, nescio quomodo spectate nobilitatis sit, quam incognita: deinde sapientia præstantes: postremo, sententia & lingua liberos. Quod si quando in his legendis remissior fuit, in his magistratibus mandatis certe fuit, quib. summa non continetur regni, & in quibus homines non gerunt Rempublicam, sed gerere discunt. In summis autem regni magistratibus quam diligens fuerit, ut non repetam vetera, testes sunt hæc lumina regni. Recensete viros hos, & illorum familias, non ut illos laudemus, sed ut in illis diligendis iudicium ac sapientiam Sigismundi incredibilem admiremur, adest princeps regni Tharnouia domus: quid ex hac eadem domo maius? quid rebus gestis clarius? quid Dijs, hominibusque carius hoc isto Ioanne Tharnouio Castellano Cracouiensi hoc in regno vnquam fuit? cuius tot extant victoriae, quot sunt huius regni inimici: tot trophæa, quot deuictæ provinciae: tot triumphi, quot ab illo sub iugum missi hostes: quo homine Sigismundus rex custode peritissimo, Imperatore acerrimo ac felicissimo, periculosis temporibus, maximisque hostibus, hoc regnum defendit, Scythiamque, Valachiam, ac Moschouiam deuicit: omnesque hostes vestros hoc duce, aut parere vobis, aut certe cedere coegit. Prætermitto Turciam ipsam, quam in Hungaria Ludouico regi infestam, ac inimicam, ne capta Alba Græca, omnia simul euerteret, hoc eodem Ioanne Tharnouio duce prohibuit atque repressit. Quid verò hic, qui hunc ordine consequitur, Petrus Cmir, lumen atque ornamentum huius regni? non splendore Wisnicensis familiae, non sapientia, non autoritate,

non

non iustitia, non rebus gestis à Sigismundo impetravit, ut ad hunc vnum summus magistratus huius regni deferret, Palatinatumque Cracouiensem, Marschalcatum, (vtamur enim verbis nostris) prefecturas item magnas ac illustres illi mandaret? Quid hic Ioannes Lathalicus Posnanienfis Palatinus? homo quidem equestri loco ortus, tanta tamen virtute, tantaque sententiae libertate præditus, ut ipse ius subnixus opibus in Sigismundi senatum ascenderet? Quid vos decus huius regni atque præsidium Thencisci? quæ ornamenta? Quæ insignia summa atque excellentissima virtutis vestra à Sigismundo non estis adepti: Vidistis enim Andream ex vestro ortum loco, paruū quidem illum corpore, sed ingenio ac eloquentia summum Castellanum Cracouiensem. Vidistis etiam Ioannem fratrem Palatinum Sendomiriensem nuper defunctum. Sed quid ego mortuos commemoro? cum tu ipse, Ioannes Sendomiriensis Palatine, coram hic præsens ad sis, qui cum ob amplissimam, & haud scio, an maximam in hoc regno familie tue dignitatem, tum verò ob prudentiam sapientissimo leni dignam, à Sigismundo dignus es habitus loco isto, & ordine. Iam verò quomodo, te, Stanislæ Laski, præteream? cuius genus, & industria, spiritusque illi senatorij, domi ac foris cogniti, apud Sigismundum tibi sunt suffragati, ut Si radienfis Palatinus esses. Verècūdius de te dicerem, Nicolæ Brudzoui, si meo nunc iudicio vterer, non alieno. Quanto enim tua erga me beneuolentia maior est, tantò ego minùs possem de tuo genere, virtute, ac doctrina dicere. Nunc verò quoniam senatum Sigismundi, non priuatos amicos commemoro,

Ss ij

dico Sigismundum in te fuisse secutum, vt Lancien-
 sis illi Palatinus esses, cum genus ipsum, virtutem-
 que egregiam, tum verò vel in primis literas, studia-
 que doctrinæ, quibus instructus atque paratus, vo-
 catu Sigismundi in illius senatum veneras, vt essetis
 cum hoc Petro Firlegio Russiæ Palatino, quasi quæ-
 dam in Sigismundi senatu duo sydera, splendentia
 omni Philosophiæ laude atque doctrinæ. Vestræ
 quidem, senatores, succrescit laudi hic Ioannes Cos-
 scielecius, in Nouuladislauienſi Palatinus clarissima
 atque munificentissima ortus familia, cuius maio-
 res tantum inopia publica, de qua paulò antè dixi,
 commouebantur, vt pergrandem pecuniam, qua
 obligata bona regia habebant, regibus remitterent,
 † Mariabur † Mariaburgoque, ac alijs amplissimis possessioni-
 bus vltro Calimiro regi concederent: cum numum
 nullum ex illa infinita obligatione acciperent: tan-
 ta fides Coscieleciæ gentis erga vestros reges fuit, vt
 in summa sua copia inopes se arbitrarentur esse, ve-
 stro egeno rege. Sed quid ago? aut quo progredior?
 Incidi in numerum vestri, senatores clarissimi, in
 quo difficile est ex vobis non aliquem, nefas quen-
 quam præterire. Sed dabit mihi profecto hanc ve-
 niam: & quòd in ipso cursu orationis tam multos
 prætereo: quosdam autem attingo, partim id tem-
 pori, ac auribus vestris seruiens facio, partim verò,
 quòd me vox, lingua, latera prius in dicendo defici-
 ent, quàm vt par est, explicem, quid in vnoquoq; ve-
 strum deligendo Sigismudus fuerit securus. Quan-
 ta tamen sit autoritas omnium vestrum cum sum-
 ma beneuolentia equitum Polonorum coniuncta,
 cum ex his, de quibus iam diximus, sciri potest, tum
 verò

verò vel maximè ex hoc isto Andrea Gorcano co-
 mite Pofnaniensi castellano, ac superioris Poloniæ
 præfecto: qui adolescens ac penè puer ita comenda-
 tione excellentis virtutis Sigismundo regi carus fuit,
 vt dignus ab illo, & summis honoribus haberetur,
 & qui patri Luca clarissimo viro in amplissima præ-
 fectura, ordineque succederet. Cuius ea est autho-
 ritas apud omnes, ea dignitas, is vitæ splendor, vt nul-
 lius opes in hoc regno maiores vnquam fuerint: in
 quo quidem homine illud, quod Platoni illi Philo-
 sophorum Deo difficile videbatur, vt summæ opes
 cum summa virtute in eodem homine possent esse:
 ita vtrumque cum summa laude excelluit, vt nihil
 in Polonia illo sit ditius, nihil etiam melius. Nam
 bonarum rerum, & literarum, ac ipsius doctrinæ ita
 studiosus est, vt aliud cupere videatur nihil: opes et-
 iam ipsius non libidinum, neque cupiditatum sunt
 instrumenta, sed humanitatis, virtutis, atq; digni-
 tatis singularis. Hoc homine, equites, quoniam ve-
 hemèter nituntur res vestræ, salutem illi ac incolumi-
 tatem, quod facitis, velle & optare debetis. Ex his
 tot & tantis, actalibus viris apparet, qualis rex iste
 fuerit, & haud scio, an aliud signum boni sit regis,
 quàm ipse senatus, apud eum regem præsertim, qui
 non sua, sed conseruandorum hominum causa se
 factum esse regem nouit. Quemadmodum enim
 est in ipsis artibus, in quibus, quales ipsi artifices sint,
 instrumenta illorum declarant: sic etiam, cum ars
 artium omnium scientia sit administrandi regni,
 nulquam ratio ipsius regis magis apparet, quàm in
 ipso senatu, qui instrumentum quoddam bene ge-
 rendæ ciuitatis suo regi est: qui si nequam, si iniustus,

si belluo, si rapax ac sceleratus fuerit: certo scito
 consimilem quoque illi esse regem. Quid ita? quia
 mens ipsa infelix, non iam regis, sed tyranni, cum
 spe atque cupiditate omnia suorum ciuium deuor-
 arit, nihil agit, nihil aliud dies atque noctes moli-
 tur, quàm vt ne quis illi omnino ad ea obster, quæ
 concupiuit. Quare tyrannus omnis veluti quædam
 immanis bellua, in formam humanam insuta, ante-
 quam sternat ciues, vastet leges, ac solus deuoret o-
 mnia, senatum omnem tollit funditus, si quem ha-
 bet: aut curat, ne quis in senatu illius sit genere, sen-
 tentia atq; lingua liber. Ita tyrannus aut senatu caret,
 aut si quem habet, ex obscurissimis quibusq; atque
 nequissimis, linguaque ac mente seruis, collectum
 senatum habet: si tamen senatus dicendus est cœ-
 tus ille infelix, ex teterrimis quibusque hominibus
 ideo conflatus, vt cum his tyrannus scortetur, poterit,
 leges mutet, Rempublicam vexet, ac quorum assen-
 tatione, quasi cæstro quodam, plenus perturbatione
 atque pœnitentia, agatur in furorem, atq; in amen-
 tiam: vt ita viuat sine fide, sine pace, sine certo fœ-
 dere, ac inconcursu plorantium atque tempestate
 querelarum perpetuò versetur, plenus turbarum
 atq; tumultus. Cogitate hoc loco per Deos immor-
 tales, equites, & vestros illos veteres tyrannos, &
 hos etiam aliorum nouos: vt hæc, quæ dico, magis
 ex aliorum contentione, quàm ex oratione mea in-
 telligere possitis: quàm a quous Sigismundi senatus
 fuerit, quàm iustus, sobrius, continens atque san-
 ctus: vt facile appareat, hunc regem, non suæ cupi-
 ditatis gratia, sed vestræ salutis causa, senatum ex
 his viris delectum habuisse. Quem ille ordinem
 tanta

tanta cura coluit, vt ab initio suscepti regni plenum
 senatum semper habuerit optimorum Pontifi-
 cum ac fortissimorum virorum, quod & illi ad-
 iumento atque præsidio, neque ipsum se, neque
 regnum suum putaret esse diuturnum. Quam et-
 iam ob rem tanta veneratione senatus apud illum
 fuit, vt Pontifices, dominos suos: senatores verò
 sincerè dilectos in literis appellaret, ô mentem
 non mortali aliquo regno, sed ipsa immortalitate
 dignam. Cum enim penes solum regni summa
 esset, tamen & regni socios senatores, & Pontifi-
 ces dominos habere volebat, vt regnum cum socijs
 certius administraret, & dominos sua spôte sibi præ-
 ponens in summa potestate nō insolesceret: & cum
 solus omnia in regno posset, nihil tamen seorsim
 ab senatu præter regium nomen haberet: quod ta-
 mē ipsum summa moderatione ipsius senatus tem-
 perabat, à cuius authoritate nūquam dissensit: nun-
 quam ille, suadente senatu pacem bellum gessit nū-
 quam contra, senatu ad bellum hortâte, ille pacem
 fecit. Ita in cōsilio ipsius partes nullæ, dissensio nulla
 fuerunt: sed mirificus illo gubernante atq; prou-
 dente ad cōmunem salutem consensus. Nō senatus
 illi Reipub. clauum in summis tempestatibus guber-
 nanti è manibus præripiebat, non ille vicissim sena-
 tus quasi nautarum remigationem impediēbat. Sed
 cum in senatu alij venientem tempestatem denun-
 ciarent, alij pericula Reipublicæ tanquam nauis o-
 stenderent, alij velis atque remis incumberent: il-
 le tanquam sapiens nauclerus ad gubernacula Rei-
 publicæ immotus sedēbat singulaque momenta

temporum, periculis, hominum ac periculorum
 apprehendens, eò quo spes salutis ostendebatur, consi-
 lia suorum, curamque regni dirigebat. Hæc ratio
 senatus, hæc illius optimi atque sapientissimi regis
 fuit in hac Republica prouidentia: ut mirum iam
 videri non debeat, si vna ex omnibus prouincijs at-
 que terris, in tanto rerum omnium motu, Polonia
 salua atque integra steterit. Non casu aliquo, mihi
 credere, id est factum, neque fato. Rationi enim ho-
 mines subiecti sunt, non casibus, consilijs, non fati,
 apud quos si quid non rectè neque ordine geritur,
 scito ibi non fatum neque casum, sed rationem re-
 ctam defuisse, quæ cum à consilijs nostris abest, res
 nostra cadunt, stare non possunt. Quare, si vos, re-
 gnumque vestrum sapientia regis vestri, fide verò, &
 autoritate senatus ad hanc diem stetit: illos, qui
 iam conciderunt, resque suas amiserunt: stultitia, non
 casu, amentia, non fato perijsse dicemus. An tu si
 quam in nauim ita moratam conscenderes, in qua
 aut naute nauclero remoto, aut nauclerus ipse reie-
 cto clauo, calique ac syderum, ventorumque ratione
 posthabita, vellet ipse remigare, salutem ne tu ullam
 ibi sperares? aut si quid naufragij accideret, fato cui-
 dam potius, quam illis, qui permutatis officijs na-
 uim euerterunt, naufragium illud tribueres? Ad
 eum modum, equites, omnes prouinciæ, quas aut ip-
 si vidistis, aut de quibus ab alijs audiuitis, perierunt,
 dum rex pro senatu ipse sibi esset, aut dum senatus
 officium regis obire vellet: prouidere enim ac mo-
 nere officium est boni senatus: regis verò, gubernare
 ac seruare. Quæ ratio administrandi regni atque
 moderatio, cum semper constans, æquabilisque in
 senatu

senatu Sigismundi fuerit mirum non est, si soli pro-
 pemodum ex omnibus gentibus ad hanc diem in-
 tegri sumus, & si hac ista felicitatis parte Polonia,
 cæteras omnes prouincias antecellat, quarum nulla
 illi hac ista parte est par: non Italia, quæ varijs seditio-
 nibus regum cum plebe libertatem amisit: non Gal-
 lia, quæ sæpius fusa atque cæsa, regem suum captiuum
 vidit: non Germania, quæ nunc studio nouarum re-
 rum, de libertate omni periclitatur, non Hungaria,
 misera atque afflicta: quam discors à rege senatus, puer
 verò rex funditus euertit, non iam omnes ora atque
 exteræ gentes ac nationes se hac parte vobiscum con-
 ferant: quas omnes, aut bellum euertit, aut seditio
 afflixit. Sola Polonia Dei summo beneficio, atque hu-
 ius optimi regis sapientia, ac consilio consentientis
 senatus cunctis nunc floret opibus, viuit suis legi-
 bus, moribus etiam ac institutis antiquis veterem
 suam retinet dignitatem, nec propter aliam causam
 (ut iam dixi) nisi quod in ea, & sapiens ipse re-
 gnabat rex, & reges ipsi (hoc est, senatores) erant sa-
 pientes: qui cum omnia diligenter prospicerent a-
 nimo, rege in ipsa puppi Reipublicæ sedente, ac
 clauum dirigente, nihil fortuna, neque casus in re-
 bus nostris valuit: quæ si quid in rebus humanis va-
 lent, ibi certè valent, vbi non recto consilio, sed præ-
 cipiti temeritate aguntur ac feruntur omnia. Quare
 soli ex omnibus nunquam accusarent hoc rege for-
 tunam, Poloni nunquam de casu sunt questi. Omnia
 enim secundum Deum, & illius prouidentiam in
 Sigismundi ac illius senatus sapientia, tam domi, quam
 foris, tam pace, quam bello erant nobis reposita.
 Subegimus hoc rege gentes antea inimicissimas no-

bis atq; inuictas: nonnullas nobis adiunximus: eaq; omnia incolumi regno, saluis legibus, ac integra libertate, hoc duce gessimus: domi etiam illo auctore atq; principe conuenientissimè in summa beneuolètia publicè viuimus: subsidia belli ac ornamenta pacis parta ab illo, relictaque habemus, ut quocunque oculi nostri inciderint, nihil desiderent ex rebus omnibus, quæ ad vitam tutò ac tranquillè degendam pertineant. Est enim pax à Sigismundo constituta nobis: sunt opes, vigent literæ, est fortis atque sapiens senatus. Restat etiam hic Augustus filius spes vnica regni, atque tantæ laudis atq; gloriæ paternæ hæres: qui ut ea tueatur, quæ illi pater amplissima reliquit, hanc istam sapientiam patris assidue intuebitur: res ipsius gestas, consilia item, atque rationes omnes administrandi regni sibi proponet: quæ nullam rem esse declarant, in munere regio positam, quæ sapientia Sigismundi regis non comprehendatur. Verùm hæc ista sapientia, quam summam fuisse in Sigismundo rege multis argumentis perspicitis, & si per se ipsa summa sit, (est enim oculus quidam mentis, quo à magnis atq; excellentibus viris causæ rerum expetendarum, fugiendarumq; cernuntur) tamē hæc ista sapientia, nisi habeat iustitiam in administrando regno adiunctam, infirmata est, rebus etiam humanis nō multum sanè proficua. Neque enim satis est, ut causam videas, qua stent, cadantq; regni res, nisi etiam causis illis, aut reuerentis, aut remotis, æquabiliter, iustè ac legitime in ipsa Republica versère, utque in primis cures, ut in tanta varietate, rerumque humanarum conuersione, quam minimi motus in Republica existant: quòd si
qui

qui acciderint, ut sine detrimento communi accidant: quod cum sine maximarum rerum vsu vario atq; diuturno teneri non possit, quis hac ista laude Sigismundo excellentior rex fuit? qui cum beneficio longissimæ ætatis (vnum enim & octuagesimum annum agens, decessit) tum etiam prudentia singulari atq; diuina ad eam iustitiæ laudem peruenerat, ut in sua Republica nihil earum rerū esset omnium, è quib. discordiæ, seditiones ac bella ciuilia existunt, quæ tum fiunt, cum virtus exequatur vitio: cum boni præmio, mali verò sua careant pœna: deniq; cum non pro dignitate ac meritis cuiusq; sed pro regnantis libidine, alij plus, alij minùs vtuntur rebus communibus. Ex hac enim inæqualitate ac intemperantia quadam oriuntur in Republica morbi illi insanabiles, quasi in corpore sano atque integro. Hinc enim existunt discordiæ, seditiones, ac bella ciuilia, cum ipsarum legum atque hominum interitu: & meritò quidē. Quid enim in ea Republica salui aut diurni futurum speres, vbi vitium præcurrit virtuti, vbi algent boni, letantur improbi: vbi dignitas cedit pecunia, virtus generi, ingenium socordia atq; negligentia? Postremò vbi indignissimus quisque amatur, colitur, ornatur, ac ad amplissima quæque promouetur, summa cum desperatione bonorum? Ruant necesse est in tali Republica, ac intereant omnia, quamuis illa magna sint atque præclara. Non agam pluribus, equites: neq; exemplis vtar Græcorum ac Latinorum, & ipsorum etiam Barbarorum, qui Respubli. suas potentes ac florentes amiserunt, dum in illis nullus habetur virtuti honos, nulla pœna vitio. Ex ipso enim Sigismundo omnium i-

starum rerum exempla sumi possunt: qui cum sapientia illa magna ac incredibilitatem ipsam videret pestem ac perniciem esse ciuitatis, ad eum finem dirigebat omnia, ut neminem eius Reipublicæ, cuius hic rex fuit, pœniteret: quæcum æquabiliter illo rege vterentur omnes, non metuebat, ne qui vir bonus atq; fortis, contemptus ab illo neglectus, aut res nouas in regno moliretur, aut seditionem, bellumve ciuile spectaret: quod ibi necessarium sit, (ut iam diximus) ubi non æqualiter, neque iuste uiuitur: quare ut remoueret à suo regno omnia hæc mala atq; incommoda, Reipublicam ipsam omnibus ex quo utendam, ac fruendam proposuerat: ita tamen, ut ratione, & boni ad illam admitti, & mali inde pulsi esse viderentur. Neq; enim in Polonia improbitas atq; indignitas desperatione frangebatur vnquam magis, quam Sigismundo rege: contra verò, virtus, probitas atq; dignitas hunc locum honoris, & gratiæ apud Sigismundum habuit, ut cum genus ipsum illustre in claris viris adamasset, tamē ipsa virtute sæpe posterius clarum duxit genus: gradumq; ad honores amplissimos in sua Republica virtutem volebat esse, non genus. Dabis mihi hoc loco hanc veniam, Nicolae Wolsci, ut tuo potissimum exemplo me vera dicere probem: cum enim equestri ortus esses patre, Sigismundoq; non generis, neq; opum, sed virtutis commendatione esses cognitus: hunc tibi honorē ille habuit, ut te, & gynæcæo clarissime atq; pudicissime huius reginæ vxoris suæ præficeret: & ad te Sendomiriensem Castellatum cum multis prouincijs deferret. Hoc ille diuino facto suo docuit, quàm iustus rex esset, cum tantum tuæ excel-

lenti

lenti virtuti, fidei, ac integritati tribueret, ut, quo genere ortus esses, quærendum sibi non putaret. Quid verò tu, Martine Sborouuski? parumne es tum expertus, quàm iustus hic rex erga te fuerit, cum tuæ spectatissimæ virtutis durior aliquando conditio esset? cum enim virtute, constantia, ac magnitudine animi inuidiam, calumniamq; superares, & salutem Reipublicæ, libertatemq; communem, tuæ oblitus, maximo animo defenderes: tantum apud Sigismundum ad extremum dignitate valuisti, ut tua nimia (ut quidam putabant) in causâ cōmuni libertas, tibi ad hunc honoris, & dignitatis gradum non obstaret, quem nunc in Republica tenes: quin verò etiam hæc ista bona, & animi, & ingenij tui in Calisienti hoc isto Castellatu tibi sunt apud Sigismundum suffragata. Sed quid ego hos cōmemoro? cum externi homines ipsi, atq; aliunde orti, tantum apud illum virtute valerent, ut illis non in regno tantum ipso, sed etiam in Sigismundi senatu locus esset. Adest enim Deuerinus Bonerus, vir Wissemburgo quidem profectus, ita tamen ob virtutem, ingenium, industriamq; Sigismundo regi probatus, ut nihil illi obstaret ad honores huius regni externum genus. Cum enim fides ac industria ipsius in omnibus officijs ac muneribus regni amplissimis fuisset cognita, illum Sigismundus, & salinatore fecit, & præfecturas mandauit, ac in senatum introduxit, in quo ille maiestatem Reip. vestre cum his seruaret, qui in hoc regno è vobis sunt orti: & tamen apud Sigismundum caruit inuidia propterea Bonerus, quod alienigena esset, ac Germanus, non ciues neque Polonus: cum illo enim Sigismundus

ob virtutem ipsius præstantem ac singularem communicauit hoc regnum, in quo nunc ille omnibus opibus fortunæ, ingenii, ac dignitatis summa vestra voluntate floret. Ad hunc modum Sigismundus præmijs in Republica propositis, optimi cuiusque virtutem ad ipsam Rempublicam tuendam excitabat: qua sanè ratione tantum profecit, vt nullum tempus in hac Republica ferocius fuerit virtutum omnium. Pro se enim quisque tam pace, quam bello nitebatur, vt sub optimo rege bonus ipse ciuis esset: & ne quis, amplissimis præmijs virtuti propositis, ipse sibi ad laudem deesset. Quare tanto studio ad virtutem, & ad gloriam exarserat omnes, vt summi, medij ac infimi, ad summa contenderent. Testis enim hic est, Ioannes Tharnouius, qui etsi genere clarissimo sit ortus, tamen ad res maximas, pro salute huius regni gerendas, honoribus amplissimis ab hoc rege inuitatus, tantum virtute profecit, vt non solum nostros Imperatores omnes, sed etiam illos veteres externos Scipiones, Marios, ac Maximos, bellica laude adæquaret. Quid verò hic Nicolaus Sieniauski Belsensis Palatinus? qui præmijs à Sigismundo excitatus cum Alexandro ac Procopio fratribus, sic rem militarem in Russia hoc rege administrabat, vt eorum opera Russia illa afflictæ, ac anniuersario hoste penè deletæ, requiescat nunc, ac nouis colonijs solitudines suas compleat atque instauret: ita vt post hominum memoriam cultior Russia nunquam fuerit, quam est nunc Sieniauiorum, & aliorum fortium virorum opera, quorum virtute ad hanc rem Russia steterit: quæ cum assiduus hostibus esset exposita, fortissimorum virorum

rum præsidio eam Sigismundus muniendam sibi putabat: eiusque prouinciæ magistratus his potissimum mandabat, quorum animo ac virtute confidebat: veluti nuper paulò antè quàm esset mortuus Podolia Palatinatum ad Ioannem Mielecium detulit virum fortem, ac genete, ingenio, opibusque præstantem. Prætereo alios multos fortes ac claros viros, quorum virtutem Sigismundus ad res maximas iustitia sua excitauit, beneficijs auxit, præmijs verò confirmauit. Est hæc diuina summi illius viri ac iustissimi laus, qui cū amplissimo ac copiosissimo regno potiretur, illius omnes copias atque opes, non suæ priuata libidinis, neque compendij sui putauit esse, sed eius Reipublicæ, cuius rex fuit. Quare quicquid positum erat, aut in honoribus Reipublicæ, aut in vectigalibus ipsius regis, earum rerum omnium dispensatorem ille se esse putabat, non possessorem neque dominum. Quò etiam fiebat, vt hæc communicaret omnia cum viris fortibus, ac de Republica bene meritis, ita vt cuiusque dignitas ac meritum postulabat: summas opes regum esse ratus copiam bonorum virorum atque fortium, quorum virtus sibi iaceret semper, vbi nullus ei haberetur honor. Quare cū Sigismundus gratus esset erga optimi cuiusque virtutem, commouit præmijs propositis studia hominum, non solum summorum, sed etiam mediocrium atque infimorum. Pro se enim quisque hoc rege excellere in Polonia studebat: nemo erat, qui aliquid non afferret in medium, quo regi suo operam ac industriam probaret. Artifices ipsi mediis fidius, ac omne genus mechanicum commotis studijs, artes suas diligentius hoc rege coluerunt,

cum viderent operas quoque suas placere regi. Itaque tanta copia optimorum opificum atque artificum hoc rege fuit: ut Phidia illi veteres atque Polycleri, & Apelles reuixisse in Polonia viderentur: qui pingendi, fingendi, ac dolandi arte, illorum veterum artificum gloriam adæquarent: quorum cum multa extent in hoc regno opera pulcra atque visenda, tamen huius vnus arcis opus vincit, ac superat omnia, quam ille præstantissimorum artificum opera à fundamentis extruxit, ac Cracouiam hoc isto præsidio muniuit tanto sumptu ac opere: ut non hominum, sed Deorum immortalium sedes arx ista esse videatur. Quid verò Basilica huic templo adiuncta, paruūne accessione sui, huic ædi Venceslai decorem, dignitatemque attulit? in qua & pictorum operæ, & sculptorum ac fabrorum singularia, & magnifica visuntur: quam Basilicam ille, & religioni summi Dei cōsecrauit, & omnibus ornamentis (ut videris) illustrauit, corporique suo tabernaculum hanc esse voluit: in qua illud, quasi quodam regno itinere defessum, non minùs longo, quàm molesto, postremum requiesceret, ac supremam mundi diem expectaret. Quanta hæc Sigismundi iustitia fuit, quàm potens, quàm magnifica, quàm clara apud Deum, quàm nota, & probata apud homines? qui distribuendis æqualiter præmijs, ac muneribus regni, mutua pace, ac beneuolentia suos tenuit: & ad virtutem bonos viros cupiditate rerum optimarum incendit, ac in cōtrario genere hominum hoc ipso modo firmabat rationes bonorum. Nihil enim apud illum contemptius, nihil neglectius, nihil vilius improbis fuit, ut ex hac ista ratione, boni præ-

mia

mia suæ virtuti seruari à bono rege scirent: mali verò nihil præter contemptum ferrent, atque pœnam. Ita illi honores omnes solis bonis ac fortibus viris debere se putabat: quibus cum improbis etiā communicatis boni in officio dolore redderentur remissiores: improbi verò nihilo illis ipsis honoribus fierent meliores. Quare cum præmium, & pœnam æquabiliter dispartiret, seseque ipse sanctissimè gereret: virtutes præmijs, vitia contra pœnis affecit: cuius rei etsi multa extent exempla, tamen haud scio, an aliud sit clarius illo, & ad faciendum cum in re militari, tum in omni vita fidem accommodatius, cum Raduankouium centurionem ob Ornetæ Prussico bello proditiōe infamia publico iudicio notauit: militesque nostros huius calamitate ac ignominia docuit, ut pugnare potius, quàm fugere: morti, quàm fallere vellent. Hisce artibus Sigismundus cum suos ciues, bene viuere, ac iuste agere docuisset, facile illam quoque iustitiæ partem, quæ legibus traditur, absoluit: cuius hæc summa apud Sigismundum fuit, ut conuenienter in hac societate nostra viueremus: ad hunc ille finem omnes leges suas retulit, quibus pax inter nos cum summa beneuolentia constaret: quas leges si inspicias, tanquam in aliquo speculo omnes sensus Sigismundi ac rationes expressas videbis. Nullam in his tyrannicam mentem, nullam vtilitatem ipsius propriam reperies. Vestræ libertatis, equites, vestræ dignitatis, vestræ maiestatis sunt illæ leges, quæ in Polonia solè regnant, ac ex æquo vobis, & Sigismundo regi vestro imperant. Neque enim solutus est rex legibus apud vos: non quod illi vtile, id iustum vobis: non quod lubet, id il-

Tt

licet, Romanæ seruitutis sunt ista carmina, quæ laudat nemo, nisi seruus sit, aut Italus: qui quidem, vt certiùs seruiret, scholas etiam sibi (si Dijs placet) condidit: Doctoresque legum fecit, à quibus nil nisi seruire disceret, qui Doctores, inquam, legum istarum seruiliū transcens Alpibus, venerunt etiam cum talibus præceptis ad vos: quos hic passim iam vagari videtis, cum hoc isto Dijs irato supercilio, ac pessimo libertatis vestræ exemplo: quos vos, id quod facitis, contemnere debetis, equites: & tanquam contagionem quandam hanc istam Neronianam scholam fugere, regnoque vestro pellere: ne istæ immundæ pecudes inficiant puros iustitiæ vestræ fonteis, è quibus Sigismundus hauriebat leges vestras, quibus communiter vobiscum viueret, quarum legum ille lingua, non rex: interpres, non author: patronus, non Dominus fuit: quas etiam ferebat, authore senatu, volentibus ac iubentibus vobis. In qua sanè ratione cum summa moderatione æquitate animi fuisset, omnes illos veteres Solonas, Licurgos, atque Cretas Legumlatores vicisse mihi videtur: nam illi seorsim à populo leges ferebant: hic verò nullam absque senatus authoritate, ac scito vestro communi, legem tulit. Illorum leges libidini populari sæpe seruirebant: Sigismundi verò nulli rei seruiunt, nisi vtilitati communi ac vestræ libertati. Illorum legum nimia licentia tyrannidem in ciuitatibus pariebat: nostra verò legum disciplina, nulli rei magis, quàm tyrannidi, est aduersa. Quid ita? quia apud leges nostras rerū, & criminum, non personarum, neque dignitatum, ratio est. Non quebatur in Sigismundi iudicio, Archiepiscopusne, an

Pala-

Palatinus: Episcopus, an Castellanus: nobilis, an ignobilis: peregrinus, an ciuis reus esset? sed remota dignitate omni reorum ipsorum, de re ipsa iudicium fiebat: in quo nocentes pœna legitima afficiebantur: innocentes verò ex lege absoluebantur. Iam, quanta ipsius Sigismundi maiestas in iudicijs publicis fuerit, quæ animi æquitas, qui modus, recordamini, equites, & illam personam illius regis in iudicio præsentis vobiscum cogitate: in qua expressa facies Reipublicæ vestræ cernebatur: status erectus, ac cellus, lati ac patentes humeri, facies rotunda, rubentes genæ, oculi grandes, ac stabiles: minax supercilium, nasus ipse gryphus ac aquilinus, summo rege dignus: vt non Casimiri regis, sed lovis filius videretur iudicio præsidere: sic omnia ad imperium erant in illo rege nata, vultus, intuitus, vox, latera, silentiū postremò ipsum. In iudicio nunquam audiebatur, nisi cum oportebat: minùs etiam nonnunquam, quàm oportebat. Nutu plura, verbis pauca conficiebat: tantaq; moderatione linguæ ac continentia sermonis fuit, vt illius, in summo imperio, nemo vnquam verbū vllum asperius audierit. Quare cum tanta iustitia, ac tanta moderatione in cōtrouersijs dijudicadis fuisset, æquos, placatosq; reos à se dimittebat, nō solūm eos, secundum quos iudicabat, sed etiam eos, quos contra statuebat: & cum gratia causa in iudicio nihil faceret, grata tamen erant omnia, quæ faciebat. Ita saueritati illius, res maximè distans, miscebatur comitas, sed ita tamē, vt neq; comitas impediretur seueritate, neq; seueritas comitate lenior fieret. Hac fama admirabili virtutū incredibiliū, cum solus ille rex, solus iustus,

Tr ij

solus sapiens, non domi tantum, sed etiam foris videretur: tanta veneratione propter summam iustitiam apud omnes gentes fuit, ut iustitiae illius fama impulsu Bohemi primum: deinde Hungari, Ludouico rege apud Mohacium à Turcis interfecto, huic ultro duo maxima regna offerrent, quae ille tamen non accepit, cum reprehensione multorum, eorum praesertim, qui non perspiciunt, ac multo etiam minus intelligunt, quantum ipsius regni sit opus. Quod cum alta sapientia Sigismundus cognitum, perspectumque haberet, regna illa remisit Hungaris, ac Bohemis: ipse Sarmatia contentus fuit, sufficere sibi hanc materiam ratus, in qua omnem vim ingenij, ac virtutis suae ostenderet: tanta fuit opinio ipsius excellentis iustitiae apud omnes, tanta etiam illius moderatio. Quid verò illud, cum Ioannes, & Ferdinandus reges, summis inimicitijs incensi, arbitrum hunc de Hungariae regno ceperunt? parumne ex eo liquet, quanta existimatione hic rex apud omnes fuerit? quam sanctissimam esse reges illi putabant, ita ut arbitrio illius, non solum regna ipsa, de quibus ambigebant: sed etiam dignitatem suam regiam committerent, id iustissimum fore rati, quod à Sigismundo probatum, decretumque fuisset. Praetereo alia infinita domi, & foris ipsius excellentis virtutis, atque iustitiae documenta, quae ille viuus constituit, ad memoriam regni sui sempiternam. Et quoniam praecipua pars iustitiae est pietas ipsa, parumne hac quoque iustitiae parte excelluit? cum religionem illam patriam atque auitam, caerimonias item omnes sanctissimas, tanta veneratione coleret, ut nihil illis melius, nihil religiosius esset, ne in monasterijs ipsis quidem, non

in

in his, quae nunc sunt, sed in illis, quae olim fuerunt: fide enim in Deum erat summa, hominem peccatorem se confitebatur esse palam: nusquam spem veniae, nisi in solo Christo habebat: benignus in omnes, pius, clemens, ac munificus fuit: in ecclesia verò, ne quid nouaretur, neque ipsius religionis vlla in re fieret commutatio, tanto studio curauit, ut in minimis etiam rebus, quae vix censeas, diligentissimus fuerit. Vos hoc loco appello sanctissimi sacerdotes, qui morasti nunc pro illo sacrificium facitis: ecquis vestrum diligentior omnibus religionibus atque caerimonijs conseruandis hoc rege fuit? Quoties ille vos admonuit, si quid à vobis non rite factum, aut si quid de statuto sacrificio fuerat à vobis praetermissum? Candelam ipsam ceream mediusfidius, ut maiora praetermittam, non suo loco stantem aduerteat: aut si ea sacro deesset, vos admonebat. Neque verò id ille faciebat curiosus in vestro munere: sed quod minimis hisce rebus, aut sublati, aut intermissis, religionem ipsam intermitteri, ac sensim tolli putabat: de qua ne vlla diminutio fieret: non solum praemijs, sed etiam poenis in seditiosos editis prouidit. Gedanienses enim ciues res nouas atque perniciosas non in Rempublicam tantum, sed etiam in religionem molientes, supplicio affecit: summa tamen moderatio ne ac aequitate: paucorum enim poena contentus fuit, ad salutem reliquorum. Ita ille cum fundamentum omnis Reipublicae religionem ipsam sciret esse, & cum sibi multorum exemplis ac literis suaderet, mutata religione, mutari regna: summa religione ipse fuit, & ut ceteri quoque essent, curauit: ad quam colendam ac retinendam, ut expeditior ipse esset, mul-

Tc iij

tis exercitationibus se comparabat : summa enim abstinentia ieiunabat : dies festos celebrabat : nunquam publicè quicquā agebat, priusquā sacrificasset, sacroque interfuisset. Verbum Dei diligenter in concionibus audiebat, ac iuxta illud vivebat : sobrius in omni vita rex fuit : nunquam ebrius est visus : nunquam vino aut amore insolens ac intemperans. Ad hunc modum ille cum summa moderatione victus fuisset, paratus semper erat ad regium illud opus atque munus, in quo exercendo carebat furore illo, qui ex intemperantia cibi atque vini ducitur : quo remoto, summa fuit humanitate ac incredibili religione ad vltimum vsque spiritum, ita vt etiam animam ipsam agens, hunc istum Vitum Monachum de Dominici familia, sacrificantem diligenter audiret, ad singula verba passionis Christi Dei nostri suspirando, ingemiscendo, ac flebiliter precando, quod Deus ipse peccatorum ipsius immemor : beneficio autē Christi in illum, & in omnes memor, clemens ac propicius, illum ad illas beatorum sedes recipe-ret, ad quas Iesus Christus Dominus, & Deus noster ante illum præcesserat : ô fidem veram, & dignam, cui isti ignes luceant, qui quidem signa sunt atq; nota illius ignis intimi, quo fides ipsius ardebat in Deū : caritas autem ipsa sese effundebat in proximum. Hoc ergo isto diuino igne atq; recondito semel in baptismo suscepto, cum ille arderet in omni vita, nullaq; perfidia illum violaret : rectè hæc ista lumina atque ignes, incensæq; facies præferuntur nunc illi mortuo, quod fidem Deo seruaret integram, caritatem autem proximo ad vltimum spiritum, quem cum iam reddiderit Deo ex hac turba, & colluione tanquam

quam ex hospitio, non tanquam ex domo, in illud animorum concilium, cœtumque profectus est, vbi nunc cum fidei Abraham, Isaac, atq; Iacob accumbit : colloquitur cum Dauid : vinit cum Iosia iustissimo atq; religiosissimo rege : auos suos, fratres, ac parentes, reges vestros recognoscit : hunc totum iam complectitur cælum : hunc obuijs vlnis excipiunt omnes beatorum animæ, ac illius conspectu latantur, ab Aquilonisque partibus aduenisse gaudent regē iustitia ac pietate insignem, socium felicitatis suæ, atq; immortalitatis participem : quo nemo vir melior apud nos natus est, nemo pietate præstantior : nūc ille vos ex alto intuens, equites, à Deo Opt. Max. precatur, vt nos felices ac saluos velit esse, vestrumq; hoc regnum conseruet, quod ille summa sapientia, ac singulari iusticia viuis rexit, ac omnibus legibus, præsidijque ornauit, atque instruxit : summaque in illo tuendo, conseruandoque animi magnitudine, fortitudineque fuit : de qua ego breuiter dicam : fuit enim hoc tertium, quod in summo rege inesse oportere diximus. Neque enim satis est, sapientem ac iustum domi esse regem, nisi etiam is regnum saluum præstet, & ab omni externa vi defendat. Qualis utiq; Sigismundus fuerit, constat : qui quo die rex à vobis est factus, motus domestici in illum, deinde externi cum maximo nouarum rerum metu exceperūt. Recordamini enim, equites, qui motus ille in Lituania, qui timor fuerit, cum Michael Glinski homo eius gentis potentissimus, atq; seditiosissimus, mortuo Alexandro rege, principatū Lituaniæ peteret, ad quam illi rem cum & animus non deesset & copia, tamen is Sigismundi primū

nomine, deinde conspectu fractus, debilitatusque arma posuit, pacemque supplex petijt, ad postremò in illius fide fuit. Mansisset autem vtinam in sententia: nunquam tantis cladibus, tantoque hominum interitu Lituaniam cum Moschouia commisisset: cum enim Michael Glinski moliri multa occultè in Lituania nunquam desisset, à Ioanneque Zabresinskio Marscalco Lituaniæ, appetiti principatus reus fieret: non cogitabat, quomodo se regi purgaret, de quo arguebatur, sed quomodo accusatorem suum primo quoque tempore è vita tolleret. Itaque, oblitus clementiæ regiæ, quam primò statim Sigismundi in Lituaniam aduentu, incredibilem erat expertus: lustritiæ etiam huius ipsius regis immemor, in qua etiam nocenti perfugium esse poterat: nullaque ratione harum rerum omnium habita, multa nocte Ioannem Zabresinskium aggreditur, & quiescerem iam, ac nihil tale cogitantem inuasit, ac domi suæ hominem nobilissimum occidit, magnum crimen, scelus ingens, vis non ferenda, cuius ille magnitudine perterritus, vt scelus scelere cumularet, ad Basilium Moschum profugit, illumque ad inferendum bellum patriæ sollicitare cœpit: facileque sua sponte ad id iam parato Basilio persuasit, vt cum Maximiliano Cæsare fœdus faceret, ab eoque futuri belli subsidium contra Sigismundum peteret. Nihil propius est factum, quam vt Maximilianus immemorum nominis ac generis sui, omnibus suis copijs ad inferendum bellum Sigismundo Basilium iuaret: quod tanto apparatu rerum omnium à Basilio erat gestum, vt neque maiori contentione, neque maioribus copijs inter Lituanos, & Moschos vnquã certatum fuisset:

fuisset: Hic Sigismundus, & si eodem tempore alijs quoque bellis Scythicis, Valachicis, atque Turcicis destitutus esset, tanta tamen animi magnitudine in bello Moschico suscipiendo fuit, vt nullum aliud bellum gerere videretur: non terruit illum Maximiliani Cæsaris insperatum cum Moscho fœdus, non copia ab illo suppeditata gerendi belli, non ipsius Basilij exercitus ante hanc diem inuictus. Incredibili enim celeritate exercitu ex Lituania collecto, militibus etiam ex Polonia accersitis, magno animo aduersus hostem contendit, ac Borysthene amne superato, cum hoste acerrimè confligit, quem memorabili pugna deuicit, non in præsens tantum sed etiam in posterum: nam eo prælio videntur omnes vires concidisse Moschorum, quæ antè hac graues Lituaniæ ac inuictæ videbantur esse: & quæ ante illam cladem tantæ fuerunt, vt Moschi præ se ceteros mortales omnes contemnerent, quibus deuictis, tanta gratulatio omnium est subsequuta, vt etiam Romæ à Leone Decimo supplicatio Sigismundi nomine decerneretur, singulari genere verborum & numero dierum. Cum enim in Leonis senatu Nicolaus Wolski legatus, hic Sendomiriensis Castellanus, exposuisset & genus hostium & victoriæ modum, res digna patribus illis est visa, publica ipsius urbis Romæ gratulatione, ac supplicatione singulari. Supplicatum itaque fuit, totaque vrbe dies festi, atque ludi eius victoriæ nomine fuerant instituti, dolente ac mœrente Maximiliano Cæsare, qui captiuos etiam ipsos, per hunc istum Nicolaum Wolski Leoni missos, interceptis, in Moschouiamque contra ius gentium remisit. His victorijs atque triumphis initia re-

gni sui Sigismundus consecrauit, docuitque se eum regem esse, qui & domi regnum legibus tenere & foris armis tueri posset. Neque verò hoc bello tantum illius animi vis extitit incredibilis, sed multis etiam alijs bellis grauib; ac difficilib; . Nam cum vix à Moschico bello respirasset, Scythiam magnis copijs, Russiam prouinciam ferro atq; igne vastantem incredibili virtute ad Wisnio Wicium superauit: illaq; pugna, primus regum omnium, Scythas docuit, pacem bello meliorem esse. Quid autem Valachia ipsa, Turcicis exercitibus contra Sigismundum munita atq; instructa, cum huic regno periculossimè immineret, nonne ad Obertinum postremo ab hoc rege deuicta, pœnas temeritatis suæ dedit, vestroq; imperio, hoc isto Ioanne Tharnouio duce, parere est coacta? Iam verò Moschouia, cum iterum fractas illas vires suas ac desperatas repeteret, bellumque maximum pararet, non ab hoc Sigismundo iterum deuicta bello maximo funditus corruit? Ad quod bellum gerendum Sigismundus, hunc istum Tharnouium Imperatorem, ad conseruandum hoc regnum natum, miserat: qui capto atq; euerso Starodobo, ingenti hominum strage, Moschos in perpetuum deuicisse iam videtur. Prætereo alia bella varia atque infinita, quæ Sigismundus gessit, non libidine regnandi, neque studio gloriæ incensus, sed amore religionis Christianæ conseruandæ. Cum enim Polonia regnum Aquilonem versus vltimum sit regnorum omnium: gens ista regiones finitimas habet inimicissimas, partim Christiano, partim verò Romano nomini. Quare Sigismundus cum his assidue bellum gessit, nō vt finitimarum rerum potiretur,

tiretur, sed vt religionem Christianam contra Scythas atque Turcas: Romanæ verò sedis nomen contra Moschos atque Valachos tueretur: quod hæ gentes huic sedi, hoc isto dissidio Græcorum cum Latinis, sint omnium inimicissimæ. Solus ergo Christianorum, regum omnium Sigismundus non pro augendo, sed pro retinendo regno: non pro sualibidine, sed pro Christiana religione bellum cum tota Asia gessit, cuius Asiæ opes cum magnis ac insperatis victorijs crescere indies videret, seque præ cæteris periculis illis proximum esse seiret, Christianos autē principes mutuis bellis dissidere videret, prouidendum sibi, regnoque suo putauit. Quapropter summa ope est conatus Christianos principes in mutuam gratiam reducere, illorum concordia ac conspiratione suas opes atq; rationes contra Turcarum tyrannum firmare, vt minùs potens, minùsq; formidabilis tyrannus ille vobis esset. Quapropter & Maximilianum Cæsarem reconciliata tam gratia Viennâ adierat: cuius etiam hortatu Vladislaus frater Hungariæ rex, cum Ludouico filio, eò quoq; venerat, quo in conuentu summorū regum ille ostendit, docuit, monuit, Turcarū opes tantas esse, vt ab vno Christiano rege superari non possint, in cōcordia ac mutua pace spè esse, sine qua nihil esset Christianis salui. Itaq; Sigismundo authore atq; duce, iacta erant Viennæ fundamenta communis auxilij: quæ tamē sorte quadam rebus nostris aduersa non diu manserunt. Nam & Maximil. & Vladislaus vita functi, ambo spem Sigismundi sefellerunt. Non cessauit tamen Sigismundus agere, & facere omnia, quo potentia Turcarum occurreret. Quare auxilia

vndique contrahebat: cum finitimis fœdus & amicitias iungebat, neque verò his solis contentus fuit, sed etiam cum sciret Neapolim atq; omnem illam oram Apuliæ, societate Turcici belli cum Polonia coniungi, amicitiam Italiæ expetiuit, hancq; Bonam reginam ex Sphortia familia clarissima atque totius Italiæ nobilissima, ducem Bari in matrimonium accepit: vt hoc ceu quodam illustri ac sancto pignore, socium se belli ac periculorum omnium Italis profiteretur esse. Verum cum hac ista spe finitimorum ac externorum auxiliorum frustra pederet, solusq; sapius cum summo rerum suarum discrimine cum Turcarum ducibus confingeret, de regnoq; suo iam planè dimicaret, fœdus ad extremum cum Solimano fecit. Quid verò illi aliud faciendum fuit? solus erat: opem ferebat nemo, spes ipsa restabat nusquã: regnum porro suum videbat omnibus Turcicis bellis ac periculis esse propositum. Quid tandem quæso est, quod quis Sigismundum huius ipsius fœderis nomine reprehendat? cum videat vnum è duobus illi fuisse necesse, vt aut regnũ suum in postremum discrimen adduceret, aut fœdus cum Turca faceret, quod tamen ille non fœdus potius, quàm inducias sibi putabat datas esse parandi belli. Nouerat enim ille à Turcarum tyranno non fide, neque religione: sed occasione atq; tempore fœdera pòderari. Quare etsi ille fœdus illud sanctissimum esse ducebat, tamen quod nihil huic hosti crederet, inter fœdus illud, rationes suas summo studio futuro bello parabat, vt si quando illi necessariò cum Turca belligerandum esset, eò paratior, instructiorq; in aciem contra illum prodiret. Meminerat, sapius se confli-

xisse

xisse cum hoste summo cum periculo, Ludouicum etiam regem, nepotem ex fratre suum, viderat vitam, & regnum profudisse, cum incertorũ auxiliorum spe bellum Turcicum mallet, quàm fœdus: cuius consilia nunquam probabat Sigismundus, summoq; studio à bello illum reuocabat, ostentabat illi Rhodum atq; Coum nobilissimas insulas consimili spe perijsse: docebat Carolum Cæsarem impeditum esse bello Gallico atque Italico, Ferdinandum autem Rusticano: Germaniam etiam totam, religionis cõtrouersia dissidentem, commemorabat: nusquam spem superesse: prestare fœdus facere, quàm bellum incertum gerere, cuius fidelissimis consilijs cum Ludouicus non obediret, vitam simul cum regno amisit. Quia in re Sigismundus, quàm sapiens rex atque fortis fuerit, ostendit, qui Rempublicam tanquam in alto nauim pro ratione tempestatũ, & locorum, & temporum dirigendam esse ducebat, vt quid tempus Reipublicæ poscat, aut quid veter in primis sapienti regi sit prouidendũ. Interea tamen Sigismundus quoad vixit, cum bellis mutuis Christianorum arderent res, ille non quieuit, sed assiduus bellis pacem regno suo quæsiuit. Nunquam quenquam bello lacessiuit, nunquam nisi lacessitus bellum gessit, propterea etiam (credo) victor semper extitit: singularisq; illa huic vni concessa erat gloria, quòd hic solus regum omnium in Polonia nunquã victus fuit, nisi forrè quis illam acceptam calamitatem apud Socalium bello Scythico huic adnumeret: quæ, remeritate ducum, absente rege bello commissò, à Scythiis accepta fuit, quam tamen calamitatem ille postea infinita hostium cæde compensauit: sic ille

cum nihil temerè, nihil abiecit, neq; demissè, sed summo consilio, magno, & inuictò animo cuncta gereret, facillè fuit inuictus. Res etiam nostras, cum armis vix posset, fœdere à Solimanno vindicauit, quas ille aut perpetua pace cum hoc hoste sanciuir, aut si belligerandum nobis erit, paratiores, instructioresq; aduersus Turcarum opes reddidit.

Reliquum est, vt de clementia ipsius pauca dicamus, sine qua & sapientia nihil prodest regibus, & iustitia etiam obest, & fortitudo ipsa nocentior sit suis, quàm alienis, nisi ipsius clementiæ moderatione temperetur. Hæc enim ferocem animum regis, ferum & indomitum contra regni hostes emollit, suis mansuetumq; ac benignum reddit: vt hac ipsa virtute rex hostem ab amico, peregrinum à ciue, innocentem à reo secernat: reis etiam ipsis, fragilitatis ac imprudentiæ in hac eadem virtute apud regem perfugium est, hæc ista virtus in consilijs, in iudicijs, in bellis regū versetur necesse est, si reges non Tyranni illi volunt perhiberi, hic enim regiæ Celsitudinis ornatus est: hæc illorū cōmendatio est summa: hæc sola atq; vnica ad immortalitatem illis restat via, deniq; ex hac ipsa excellenti & planè regia virtute nascitur suauissima regum ipsorū memoria: gratumq; ac iucundum illorum versatur apud suos desiderium. Vnde enim sunt vestræ istæ lacrymæ? vnde hæc est misericordia, quam nunc vos præstatis mortuo? eblandita credo hæc sunt à vobis spe vlla cōmodorum vestrorum, & non potius expressa vestigia mortoris vestri, recordatione illius optimi atq; clemētissimi viri, qui benignus in bonos, mitis in reos, indulgens in omnes fuit? nunquā ille arrisit

vicio,

vicio, nunquam detraxit virtuti, nunquā blandiens parti se dedit alicui: sed cum rem ipsam sequeretur, hoc vnū propositum illi fuit, ne qua in re aberraret à veritate tanta æquitate ac clementia, vt rerū ipsarum ac criminum magnitudinem, cum rerum infirmitate conferret: virtutem etiam ipsam atque innocentiam, ne approbatione insolesceret, aut dissimulatione, aut leui reprehensione, tēperabat. Iam verò ipsas parteis magnis sæpe odijs incensas, summa grauitate ac æquabili erga vtranq; voluntate audiebat. Possem hoc loco magnas inimicitias clarissimorum virorum commemorare ex Reipublicæ causa susceptas, nisi & vos meminisse scirem, & ipse præterire hæc ignominiam vellem, ne commemorando notare videat authores ipsos. Dabo hoc ergo illorum authoritati: ab hisq; vobiscum vnā petam, vt cōmunis salutis causa remittant animos, æquosque ac placatos retineāt huius istius exemplo regis: qui, cum rex esset, possetq; delinquentem coercere, æquus tamen vtriq; fuit, monereq; ac hortari, interdum etiam rogare ad pacem suos maluit, quàm lege, vi aut minis impellere: ferebat enim æquo animo omnes, in liberaq; Rep. non solum animum, sed etiam odium liberū esse debere duxit. Hæc libertatem ille liberorū populorum cum summā esse sciret, vt videlicet, & amoris, & odij par sit apud ciues ratio, ipse quoq; odia multorum in Rep. pertulit, si tamen odium est dicēda libera expostulatio subditi cum rege. Cum enim benignitas ipsius atq; clementia nimia quibusdam, aut etiam nonnullis in rebus remissior videretur: reprehendi, se palam in senatu patiebatur: sententias in se dictas patienter se-

rebat, & eas æquissimo animo refellebat, aut illis cedebat, & secundum illas, quod admittebat, corripiebat. Iam verò in comitijs ipsis, nullius regis in Polonia aures vobis ac vestris legatis benignius unquam patebant. Attente perorantes vestros legatos audiebat: postulata vestra clementer accipiebat: stultitiam multorum saepe ac intemperantiam perfererebat. Nunquā ille asper verbo, aut immodestius * misso excaudit: nunquā iracundia exiluit: quam ille cum omnib. virtutibus continentia, grauitatis, iustitiae ac humanitatis, à se remouisset, facilis in rebus cognoscendis, in hominibus audiendis, admitendisq; fuit. Quanto enim motu, quanta contentione illa ad Leopolum Valachico bello pro vestra libertate cum hoc rege egistis? cum quaedam non legitime fieri: quaedam etiam negligi ab illo vobis videntur: quæ tum grauitas, quæ animi æquitas, qui modus, quæ patientia huius regis, quæ vestra libertas actionis tum fuit? & tamen cum iuste fortasse nonnullis irasci posset, neminem vestrum ne asperiori quidem verbo propterea appellauit, ita, vt etiam illius ipsius actionis authores atq; duces, maximis affecerit propterea præmijs, veluti hos duos fortissimos ac coniunctissimos fratres, Petrum ac Martinum Sborouios, quorum in Republica singularem fidem, obseruatiam verò erga se summam cum esset expertus, vtrunque honore senatorio affecit, quorum exemplo ille ad tuendam Rempublicam, causamq; communem agendam, multos fortes viros ac industrios ex ordine vestro excitauit, veluti hos duos summa spe ac virtute in causâ communi cognitos, Petrum Boratinski Ruthenum,

& hunc

& hunc Stanislaum Podlodoski ex Sendomiriensi municipio equitē, qui cū in comitijs nuper Pitrakouia habitis, quæ postrema Sigismundo fuerunt, grauiorem causam Reipublicæ suscepissent, quàm vt vtriusque ætas pati videretur: sic tamen à Sigismundo auditi sunt, vt etiam Stanislaum Podlodoski de libertate vestra liberius differentem, lacrymans audiret, & cum hic Sigismundum in Polonia non imperatorem, sed regem esse diceret, legibusque illum certis regnare oportere, summa cum libertate orationis disliceret: annuit ille: ipsoque vultu ac intuitu significauit, se quoque non Imperatorem vel le esse, sed regem. O virum omnium literis, sermonibus ac monumentis celebrandum, & dignum, qui non dico homines, sed Deos ipsos regeret, nō illius tum maiestatis auertit illi à dicēte Podlodouio oculos: non aures illi clausit regiae potestatis conscientia. Imò verò vidit, audiuit, ac summo studio audienda sibi ea putauit, quæ liberè de Republica à Podlodouio dicebantur. Dixisses hæc in Neronis senatu Podlodoni? aut alicuius regis Italiae aures hac istalibertatis voce appetisses? Postremum illo in loco (mihi crede) constitisses, ac vltima vox tibi illa fuisset, quæ tamen ipsa grata Sigismundo fuit, iucunda nobis, gloriosa verò nunc est ipsi tibi. Summa hæc est clementiæ laus, equites, Sigismundi regis, & haud scio, an omnium maxima, in libera Republica liberas velle versari hominum voces, liberas sententias: denique liberas expostulationes, monitiones ac reprehensiones ferre. Quæ qui rex non fert, aut in Republica nō probat, non rex, sed immanis est tyrannus, qui vt homines liberos in ciuitate non fert: ita

Vv

* Emissio.

neq; linguas liberas ferre potest, nec iniuria. Tyrannus. n. ipse viuit cū omniū inuidia, iniuste ac impie, sine fide, sine amore, sine vllō beneuolētię vinculo, vt meritō fidat nulli, credat nemini, nulli religioni, nulli legi pareat. At Sigismūsus cōtra, omnium, qui vnquā fuerunt, rex mitissimus atq; clementissimus cūm meminisset liberi populi regē se esse, certa religione ac certa fide regnātem vobiscū non vt cum seruis, sed cum liberis, nō cum subditis, sed cū socijs atq; amicis, summa beneuolentia in hac Repub. viuendum sibi esse duxit: vt ex æquo & audiret suos, & audiretur à suis. Quare ita ille vobiscū vixit, vt nō tantū aures illius, sed ipsius etiam vitę priuatę recessus nobis paterent. Aperta stabant illius cubicula, patebant atria, peruia erant nobis illius penetralia, nūquam excluderemur, nisi cū erat necesse. Admittebamur, adstabamus, audiebamur: liberę querimonię de aliorum iniurijs apud eum nobis erant, ac qualibet de re facilis aditus, ac penę assiduus cum illo conuictus nobis fuit, vt nō solum mens, sed oculi etiam nostri liberę in vita ac in omnibus cubiculis ipsius versarētur: in quib. nullos mores tyrannicos, nullas contra libertatem nostram machinationes, nullum regni dedecus, nullam turpitudinē, nullam deniq; intēperantiam cernebamus. Omnia erant in illius integerrima vita, honesta: in cubiculis verō, decora, ac cum summa regia dignitate, atq; vestralibertate coniuncta. Iam verō quoties progrediebatur ē thalamo, in publicūque se ac in urbem dabat, quanta tum, Dij immortales, oris illius dignitas? quā maiestas? qui hominis illius habitus? qui incessus? qui comitatus fuit? quā aprus? quā

con-

concinus? quā grauis? quā cultus? quāq; summo rege dignus? quib. rebus cū in animos hominum fluere, ac mentes omnium hac tanta maiestate occuparet: non timuit venena, non insidias, non conspirationes vllas verebatur, propterea etiam carebat pręgustatoribus, quibus tamē ipsis interdum ad speciem vtebatur magis, quā ad aliquā necessitatem. Senatorum turmis ac equitum incedentis latus claudebatur, non doryphoris hisce, neq; seruis mercenarijs: indignum enim bono rege putabat esse, metum, in suo regno prę se ferri armis, ac in cętu suorum hostem vereri, ac propterea ab armatis seruari. Tyrannorum sunt ista pręsidia, equites, & malę cogitantium hominum de rebus communibus. Fide Sigismundus ac beneuolentia vestra satis se munitum putabat esse: neminem etiam ē suis metuebat, cū æqualiter omnes diligeret, omnibusq; ex æquo se amabilem pręberet. Tantūque hac ista fiducia vestri profecit, vt quietē primū ac tranquillē vitam vobiscū degeret: deinde studijs vestris incredibiles huic regno felicitates atq; opes afferret. Qua enim fide ac voluntate erga hunc regem vos fueritis, testantur multa atq; pręclara facinora, huic regi virtute vestra parta, qui cū talem se regem gereret in omni officio suo ac munere, vt ad summam nihil à vobis in eo desideraretur, meritō tales vos quoq; erga illum gessistis, vt ob summa atque amplissima illius in vos ac Rempublicam vestram beneficia, patrē patrię vna voce hunc appellaretis: qui honos post conditā Poloniam huic soli à vobis est habitus: & cū eum, quem natura mortalem genuerat, vos immortalem esse cuperetis, hunc

Vv ij

Sigismundum Augustum filium, pignus esse voluisti fidei ac voluntatis vestrae erga Sigismundū sempiternum. Nam cum hic Augustus admodum puer esset, soloque illo omnes patris spes niterentur, & cum id vobis per leges liberum esset, hunc vos honorem patri habuistis, ut hunc alium ipsius, tum autem puerum, nec tum ad imperium ætate maturum, magna tamen spe præditum: regem viuo patre omnibus vestris suffragiis salutareris, hancque incredibilem voluptatē patri de filio daretis, ut is vestro beneficio filium successorem sibi paratum videret, cui nomen Iagellanae gentis ac familiae amplissimae dignitatem, regnumque patrium atque auitum traderet. Magna haec vestra erga Sigismundum voluntas, summum etiam studium vestrum fuit. Hanc mentem ut retineatis, mortuoque illi conseruetis, vestrae fidei, vestrae constantiae est, equites: tum verò, ut patrem animi voluntatem retineatis in ipsius progeniem totam, quam reliquit, vos ille orat atque obtestatur. Aspicite, equites, hanc lugubrem turbam, haec fletu deformata corpora, hic filius ipsius carissimus, rex vester est: haec verò illius est fidissima ac sanctissima coniunx, illae autem moestae ac dolentes tres filiae. Hūc cœtum atque sobolem clarissimam regis vestri colite, equites, ac summa veneratione, summaque obseruatione habeatis. Tu etiam, Sigismunde Auguste, suscipe hunc ordinem, cuius virtute pater tuus fuit inuictus. Vides in quae pericula regnum tuum incidit: quos hostes habeas, quos etiam metuas considera. Circumstant te vndique pericula: aut auxilijs destitutos nos vides esse: nusquam in finitimis, nusquam in alienis praesidijs spes esse, vndique

que circumfusa premit te Asia, hinc ex Hungaria imminet tibi Turcia, hinc Scythia, hinc bellum renouat Moschouia. Germania postremo ipsa referta genere ac sanguine tuo, non satis tuta tibi denunciat. Vides quam in medio relictus sis solus, ut secundum Deum, spes tibi nusquam restet, nisi in hoc ordine ac in paterno imitationis exemplo: quod si tibi proposueris, & si dies atque noctes in eo recognoscendo fueris, inuenies profectò, quomodo haec, quae tibi amplissima pater reliquit conserues. Nihil enim tibi poterit accidere noui, quod in regnando pater tuus non viderit aut non fuerit expertus: tu modò sapientiae ipsius ingrediare vestigijs, ad exemplumque paternum mentem tuam in rebus optimis exerceas, senatui pareas, iusticiam colas, æquus omnibus, addictus nulli fias, religionem Christi committere conserues, rem militarem augeas, benignius in omnes: pius ac clemens in tuos fias, & breuiter iisdem itineribus ad virtutem eas, quibus pater tuus peruenit. Sustines eius rei non mediocrem spem. Est in te præstans utroque genere natura, est etiam quod adolescentia tua fert, usus rerum magnarum, omnium ora atque oculos vides esse in te vnum conuersos, cum te intuemur, tum de Sigismundo patre tuo, tum de maioribus cogitamus. Veniunt enim nobis in mentem, veniunt, te intuentibus, Iagellones illi veteres: Vladislai item, Casimiri atque patrui tui, clari viri: quorum virtute, dignitate atque estimatione, apud omnes gentes fuimus illustres: qui si quis mortuis sensus est, memoriam nominis sui, dignitatem huius regni, ac omnium nostrum salutem tibi commendant: à te petunt, ut suscipias causam

nam nostram, utque hanc Rempublicam, & pro illorum dignitate, & pro tua gloria, ac pro nostra salute administres. Idem moriens tibi mandat pater, atque hoc in loco iacens à te postulat. Adest enim profecto, adest illa vis hic, coram qua hoc mortale vigeat corpus, & qua hoc isto corpore ad nostram salutem vsa est: hæc inquam vis diuina atque immortalis patris tui, hic coram adstans, te intuetur, tuam fidem implorat, hæc abs te petit, ut ea omnia, quæ in templis, quæ in foro, quæ in regno hinc decedens reliquit tibi pater, virtute, fide atque constantia tua conserues ac defendas: utque memor sis, te Poloniæ regem esse in tua persona huius Reipublicæ faciem expressam esse, utque ob id non publica tantum, sed etiam tua priuata (si tamen quid tui priuati hoc in regno est) ut ea, inquam, omnia ad summam ac amplissimam regiam dignitatem tuam referas. Quod si tu qua in re titubaueris, aut ab officio tuo deflexeris, cadet hoc regnum, stare diu non poterit. Tua enim sapientia illud nitatur, tua iustitia stet, tua virtute defendatur, denique tua clementia floreat, necesse est: hoc magnopere abs te flagitat pater, hoc nos speramus, hocque debitum munus abs te expectamus. Vos etiam Patres conscripti, quos diuina fors quadam huic regi fecit superstites, manete in hac custodia Reipublicæ, in qua vos ille viuus collocauit, vigilate, multæ sunt insidiæ nobis, multæ inimiciæ, hostes infiniti: pericula verò tanta, quanta post conditum hoc regnum non fuerunt. Nulquam salutis spes ostenditur, nisi in vestra concordia. Erigite vos, per Deos immortales, ac odia, si quæ nobis insunt, Reipublicæ causæ ponite, ut commune of-

ne officium senatorium, communi animo ac voluntate defendatis. Quid enim salui in hoc regno fore putabitis, distracto in partes senatu, variatis vestris sententijs, equitibus postremo ipsis, vestris inimicijs diuisis atque incensis? Iam verò metus externi hostis ac imminenti periculi, vos in mutua pace atque beneuolentia contineat: quæ res semper apud optimos ac præstantissimos ciues plurimum potuit, ut, quo die Magistratum inirent, eodem in gratiam redirent, turpe sibi fore rati, cum in Repub. eadem societate coniungerentur, non eadem eos fide coniungi: quæ ibi esse nequit, ubi concordia est nulla. Fecerunt hoc illi veteres sine Deo homines Græci, Scipiones, Lepidi, Metelli. Vos qui certo ac vero Deo viuitis, non facietis? præsertim cum finem legis vestræ, caritatem sciatis esse: quam si ex ordine vestro tollitis, & Remp. amittetis, & vos ipsi peribitis. Non est enim, quod quis speret rectis consilijs ibi locum esse, ubi caritas est nulla, & ubi in locum huius successit odium & iracundia. Ira enim viri, Apostolo teste, iusticiam Dei non operatur. Quid dicam odium *Iacob. 1.* ipsum? quod cum inueterauerit, animi lumen extinguit, densasque menti tenebras offundit. Veniant vobis in mentem, Patres conscripti, quanta odia illa Græcorum, quanta Romanorum, quanta etiam hæc ista recentia Hungarorum fuerunt: quibus odijs potentissima nationes ac florentissima imperia corruerunt: senatorum (mihi credite) culpa illa fuit. Dum enim se quisque in Republica ostentat, dum potentiam suam iactat, dum operam venditat, postremo dum se magnum vult videri, calamitate communi, & senatus, & plebs una perit. Ne hoc sinat Deus

optimus maximus in cuius cura sumus, ut hoc inclutum regnum, hic inuictus populus, vestras discordias publico luat interitu. Quare vincite per Deos immortales animos*, Patres conscripti, ac illos retinete in officio, plus apud vos valeat malum publicum odio priuato vestro. Date hoc Reipublicæ, Patres conscripti, date nobis, date salutem communi, date vobis ipsis, coniugibus, liberisque vestris, quorum supplicio ac interitu expiabuntur, mihi credite, discordiæ vestræ, nisi prouideritis. Reijcite controuersias priuatarum rerum: sit Respublica seges & materia vestræ gloriæ. Hanc exercete per Deos immortales, Patres conscripti, quæ multis circumsepta hostibus, ac magnis vndiq; cinctæ periculis, vobis supplices manus tendit, vos orat atq; obtestatur, ut reconciliatis vestris animis, salutem atque incolumem illam velitis esse, & certè talem, qualis Sigismundo regi fuit. Hoc res ipsa publica, hoc etiam Sigismudus à vobis ipse postulat: qui hunc filium suum clarissimum atque optimū respectans, vos ex alto intuetur, à vobisque petit, per Deum ipsum, quem castè, religioseque in Polonia coluit, per Rempublicam, quam amplissimam vobis reliquit, per salutem vestram, quæ illi vita propria carior viuendi fuit, ut cum hoc Augusto rege, filio autè suo cōiuncti inter vos fidelissima gratia, & religionem Dei Opti. Maxi. & dignitatē Reipublicæ, & salutem omnium conseruetis. Non est, non est tergiuersandi locus: mouent omnia, vrgent omnia atque instant. Quantum tandem huius morte hostium animos creuisse putatis? Num Moschouiam? num Scythiam? num Turciam, atque Valachiam, parum huius morte sperare cœpisse

cœpisse existimatis? Occasionem, mihi credite, huius morte, ad occupandam Poloniam sibi oblatam esse nationes illæ arbitrantur: quæ quidem omnes nullis vobiscum neq; legibus, neq; certo pacis iure sunt coniunctæ. In concordia ergo vestra, ac in mutua beneuolentia spes omnis sita est salutis communis, atque huius Reipublicæ retinendæ. Quæ nunc morte regis sui exanimata, ac propè conuulsa sedibus suis, ad complectendum conseruatorem suum gemens ac mœsta venit: illi gratias agit mortuo, tibiq; in primis, summe Deus, qui hunc hominem ad genus humanum cōseruandum, & ad hoc regnum constituendum in terras miseris: cuius beneficio ad hanc diem stant res nostræ, ac cuius opera hoc regnū floret ingenijs, valet opibus, pace ac ocio fruitur, ac legibus optimis viuit: huius postremò monumenta multa ac præclara æternitate ipsa consecrata assiduè intuetur. Tibi nos, Sigismunde, hæc omnia debemus, tibi hæc accepta ferimus, tua munera sunt ista, tua summa beneficia. Per te nos illustrati sumus, per te exteris gentibus cogniti: te authore atq; duce, Polonum venerabantur nomen omnes gentes, Græcæ, Latinæ, ac Barbaræ: tuis victorijs hostes nostri debilitabantur: tuo fœdere ac societate amici nostri lætabantur. Tu iudex regum, tu pacificator gentium, tu moderator nationum ac conseruator omnium fuisti. Tu hanc Rempublicam affinitatibus primò, deinde cōiugijs cum exteris nationibus coniunxisti: tu author legum nostrarum, tu magister morum ac disciplinæ fuisti: hem nostra lux, nostrum desiderium, Sigismunde iaces. Ad quem nunc confugiemus? à quo opem petemus? quem hosti-

bus nostris opponemus: qua pace, quo bello, quo
foedere nitemur: ô acerbâ mihi, equites memoriam
harum rerum omnium: ô flebiles exequias: ô vitam
infelicem, quæ orbata es hoc isto rege atq; patre. Ti-
bi enim morte huius ornamenta sunt detracta, tibi
præsidia adempta, tibi solatia sublata: solus hic restat
tibi dolor, mæror ac gemitus: in quo tamen ipso lu-
ctu ac mærore nostro, Sigismande Auguste rex, ad
te venimus: tibi nos penitus tradimus: tu spes no-
stras, patris tui morte fractas, restituas: tu salutē con-
serues: tu libertatem nostrā legib. atq; armis defen-
das. Vos etiam, equites, atq; vos Patres conscripti,
memoriam regis vestri piē, inuiolatēque seruabitis.
Plura ne dicā tuæ me, Auguste, lacrymæ, impediunt,
vestræque equites, non solū meæ: quibus moue-
mur, vt à Deo precemur, quo Deus huic mortuo
propitius, nobis verò benignus velit esse.

TER TII BELLI DE-
SCRIPTIO, QVOD MAGNVS
RVTHENORVM IMPERATOR CON-
tra Liouones gessit, an. 1558. quo ciuitas & prouincia
*Torpatensis a principe Moschouitarum ex-
pugnata, victa, & subiu-
gata est.*



Trox & memorabile prælium ges-
serunt Liouones contra Ruthenos
anno Domini 1500. sub ordinis
Teuthonici Magistro D. Waltero à
Plettemburg, excelsi animi, & ma-
gnæ industriæ viro. Nondum vana
doctri-

doctrina, aut vlla hæresis eos à Catholicismo trans-
uersos egerat, sed priscam, auitamque religionem
summa pietate & fide colebant. Igitur cū Teutho-
nicus Magister cum Ruthenis configere statuisset,
publica seruitia, & solennes Litanias triduo ser-
uandas indicit paulò post Natalem Virginis matris,
vt communibus votis diuinam opem, & prospe-
rum prælij euentum obtinerent. Conscribit dein-
de Magister Præfectos, & Commendatores vni-
uersos cum nobilibus totius Prouinciæ, quibus co-
pias, & auxilia sua coniungunt quatuor Liouoniæ e-
piscopi, Rigensis, Torpatensis, Riualiensis, & Hab-
selenensis. Rigensis mille Germanos equites addu-
cit. Torpatensis, quingentos. Riualiensis & Hab-
selenensis, itidem quingentos simul, ita vt Magister
Teuthonicus septem haberet Germanorum equi-
tum millia, & quinque millia Curonum, qui po-
puli sunt Liouoniæ. Hoc exercitu Magister Ruthen-
orum fines inuadit, arcesq; & oppida quædam ex-
pugnat. Inde ipso exaltationis Crucis die ad urbem
Plesconiam tendunt. Iuxta hanc sita est planicieis
duorum milliariorum amplitudine in quam vbi de-
uenere, obuiam illis procedit Ruthenorum im-
perator, cum centenis millibus armatorum, qui in
duodecim acies distributi erant. His adiuncta erat
ingens Tartarorum manus triginta millia confici-
ens. Itaq; Teuthonicus Magister, vbi aut turpiter fu-
giendum, aut ingenti cum animo aduersus tantum
exercitum, barbarie & armis formidabilem, proce-
dendum videt, ne quicquam de victoriæ spe remit-
tens, fortunā belli tentare statuit, & paucis suorum
animos cōfirmat. Præclaram sanè victoriam, inquit,

ô milites hodie nobis obuenturam de numinis benignitate, & vestra omnium fortitudine facile mihi promitto. In causa iustissima, Dij non possunt non esse propitij. Vos tantummodo pristina strenuitatis & constantiæ memores, existimate vos, decus, gloriam, patriam, libertatem, & religionem, in dextris vestris portare. Alios fortasse ingens barbaræ gentis multitudo animo deiiceret. Vos verò milites dum cōsidero, & cum vestra facta æstimo, quibus parentes, patriam, aras, & focos, auitamq; aduersus hæreditarios Catholicæ pietatis hostes, fidem sapenumero tutari estis, eandemque ad extremum vitam, armis, & sanguine vestro vindicare cupitis, magna me spes victoriæ tenet, animus, ætas, virtus vestra hortantur. Hæc ubi dixit non multò post vtrinque signa canuntur, Teuthonicus Magister glandes ferreas, & globos tormentarios, velut crebra, cōtinuæque tonitrua in Tartaros contorquet, inde maximo clamore infestis signis vtrique concurrunt, gladijs, lanceis, omniq; telorum genere resgeritur. Tartari, & Moschouij arcubus, & sagittis assueti, densissimo, crebertimoque telorum iactu æthera obumbrant, quæ tamen vniuersa penè irrita ætrem verberant, donec ultro in terram decidunt. Ingensibi sonitus, ad cælum attollitur, bombardarum fulmina, armorum fragor, vulneratorum gemitus, pereuntium clamor, tympanorum sonitus, equorum hinnitus, omnia & Martem, & mortem referebant. Tartari ubi prælio fusi, fugatiq; succedunt duodecim Moschouiorum acies, animis, & virtute recentes. Teuthonici cæsis, Tartaris ubi bellum recrudescere sentiunt, quantò maiorem hostium vim prioribus succedere

cedere conspiciunt, tantò maioribus animis in hostes irruere, & velut ab integro noua virtute resumpta, ingenti cum fremitu cæsum, punctimq; confingere, vergente iam ad vesperam die, qui ex Moschouijs supererant, furtim se Pleſcouiam subducunt. Prælio ita dirempto, compertum est ex Teuthonicorum agmine vnum duntaxat interemptum: Moschouiorum verò & Tartarorum circiter centena millia trucidatos, vt duobus milliaribus cadauera passim dispersa iacerent. Memorabilis hic erat triumphus & singulare virtutis, & fortitudinis exemplum, ac dignum, quod sempiterna memoria donatum, nunquam aboleatur. Moschouiorum Imperator, (qui ipse in aciem non prodierat) cum summo stupore admiratur tantum exercitum, tam exigua manu, tam turpiter cæsum & prostratum, atq; illico pacē quinquaginta annis cum Teuthonibus firmat. Quæ in ita, omniq; bellico tumultu cōposito, legatū magnus Moschouie dux ad ordinis Magistrū ablegat, rogans, vt vnumquempiam ex ferreis illis militibus. (Rutheni Teuthones ferreos vocabant) qui tantā Moschouiorum multitudinem fuderant, ad se mitteret, se vnā cum legato obsidem mittere, ferreum illum virum non inhonoratum, in donatumque ad suos reuersurum. Magister Teuthonicus haud inuitē vnum è militibus cataphractum equitē Moschouiam versus destinat, quem ubi Moschouie princeps aduentare accipit, confestim vniuersis ducibus, nobilibus, & Præfectis suis denunciant, vt præscripto die Moschouiam conueniant, nouum, visuque dignum spectaculum eos habituros. Destinatio die cataphractus in apertam planiciem iuxta aulam prin-

cupis, numerosa (vt fit) populi corona, circumstante, procedit, & huc, illucq; obequitans, petasum è capite cuiuspiam circumstantis abripit, eumq; in hippodromi centrum proijcit. Illico pleno cursu lanceam in petasum dirigit, eumq; dicto citius cuspidè arreptum terra subleuat. Moschouius Imperator eam equitis agilitatem cõspiciens, vrsi in morem (solent id facere Moschouij admirantes) barrit. Rursum cataphractus demissa paululum lancea, in oppositum parietem perniciosissimo cursu fertur. Ac tametsi parietem inuasurus videretur, ille tamen protinus intacto muro hastam reducit, & equum retrahit. Illud spectaculum denuo principis, omniumq; circumstantium admiratio subsequitur. Resumpta iterato lancea plenissimo impetu in parietè fertur, hastaq; circumuolitantibus vndiq; fragmentis, confringit. Hæc vbi omni dexteritate expedite gessit cataphractus, vocatur ad principem, & accepto insigni munere ad Teutonicum Magistrum remittitur.

Vbi iam quinquagesimus à pace firmata ageretur annus, videlicet anno 1550. vt pactæ induciæ propediem essent expiraturæ. Reuerendissimus princeps D. Iodocus à Reck, episcopus Torpatensis magnæ virtutis, & pietatis vir, magnis impendijs, & sumptibus denuo quinquennales inducias à Ruthenorum Imperatore impetrat, talibus conditionibus, si templa Moschouiorum Rigæ, Riualix, & Torpati diruta, restaurarentur. Præterea si è prouincia Torpatensi, tributa, quæ exigebat, penderentur, & alijs, si quæ essent, querelis, satisfaceret. Quæ omnia si præstarent, pollicetur, Moschouius quindecim annorum pacem deinde concessurum.

surum. Igitur anno 1555. hac quinquennali pace iterum expirante, Teuthonicus Magister, & episcopus Torpatensis Hermannus rursum legatos ad Moschouix principem ablegant, pacis expetendæ causâ. Quibus Moschouius dux respondet, nullam se pacem Germanis indulturum, quâdoquidem basilicas suas non reedificassent, nec tributum persoluisent. Caterùm intercedentibus Moschouij ducis consiliarijs, triennales inducias promittit, modò spondeant, proximo triennio euerâ sana restauraturos, & ex prouincia Torpatensi, singulos homines quotânis singulas marcas tributî loco persoluturos exceptis Catholicæ religionis sacerdotibus, quos ab hac præstatione eximebat. Hæc si facturos se promitterent, & sigillo restaurètur, triennalem pacem in gratiam consiliariorum ac ducum suorum cõcessurum pollicetur. Subsignant legati, maximè quoniam episcopus Torpatensis mandarat, vt saltè quouis modo pacem referrent. Erat autem consuetudinis, vt & Moschouix princeps legatû ad episcopum mitteret, qui firmandæ & stabiliendæ pacis causâ crucem quandam osculabatur. Legatus vbi Torpatum venit, recusat crucis osculum, nisi episcopus & ciuitas Torpatensis idem, quod legati Torpatenses subsignauerant, suo quoq; sigillo cõmunirent. Habebat id temporis episcopus Torpatensis cancellarium Lutheranis dogmatibus impenso fauentem, qui & postea anno 1558. expugnata ciuitate Torpatensi, Habseliæ in carcerem cõiectus, tandem vt facinorosus ignominiosa morte vitâ clausit. Is episcopo suadet, vt securè quod petebatur, subsignaret, ac postea spem Moschouiorum eluderet, Liouones eius

esse roboris & potentia, vt Moschouius princeps haud facile eos bello esset appetiturus. His ita peractis, Moschouij legatus ad principem suum reuertitur. Interea nihil eorum, quæ postulata & pacta erant, præstant Liouones. Elapso igitur triennio, bellum hunc in modum exoritur, anno 1558. circa Epiphaniam.

Habebat id temporis Teuthonicus Magister sex militum Germanorum vexilla, quos aduersus regem Polonię in aciem produxerat. Igitur anno 1557. circa ferias Michaëlis veredarium ablegat Teuthonicus Magister ad magnum Moschouia ducem, sciscitatur, an legatos ad se mittere debeat pacis diuturnioris firmandę causa, an verò pace recusata bellum eligat. Respondet Moschouius, Magistrum adhuc sex militum habere vexilla, quos si seruare proponat, nihil opus esse legatis, nolle se ad inducias compelli: sin eos dimittere paratus sit, mittendos esse legatos, & de pace sancienda tractandum. Hoc responso accepto, omnes Liouonię procures congregantur, & quid faciendum consultant. Quidam atate grandiores suadent retinendum esse militem, facile animaduerti, Moschouium principem bellum meditari, quandoquidem conuentiones initas Liouones non præstitissent: nequaquam igitur dimittendum exercitum, sed totidem signa denuo conscribenda, eaque in sinibus Ruthenorum collocanda. Teuthonicus verò Magister cum alijs quibusdam respondent, non esse dandam Moschouio belli occasionem, dimittendos esse milites. Si quid deinde moliat, Moschouius, superesse adhuc viros & vires, quibus illi aduersum iri possit. Hæc sententia præ-

præualuit, & illico exercitu dimisso paulò post Martini ferias Teuthonicus Magister legatos cum centum equitibus, magno cum fastu, splendore & apparatu ad Moschouium mittit, quibus Satrapam suam coniungit episcopus Torpatensis. Vbi ad magnum Moschouia principem ventum, princeps atrium suum auro vndique resplendens ingreditur, aureum solium occupat, coronaregia & scepro insignitus. Apponitur mensa deaurata, seniores consiliarij numero duodecim lateri sinistro assident, qui vniuersi ac recepto more, quoties consilium agitari contingit, vestes Leuiticas aureas induti: Magnus verò dux palla choralis seu sacerdotali circumdatus. Assumit præterea magnus dux duos interpretes, qui Germanicam simul & Ruthenicam linguam callebant. Interrogat Moschouius, an pacem expeteret? Asserunt illud Liouones, simulque scyphos deauratos à Torpatensi episcopo & ordinis Teuthonici Magistro principi Moschouio missos offerunt. Recipit eos Moschouius, & in proximum triclinium deferri iubet. Moschouius principio recenset eorum perfidiam, qui toties pactas conuentiones elusissent, nec quicquam eorum, quæ sponderant, & sigillis confirmauerant, præstitissent. Maiorum præterea pietatē, fidem & heroicas virtutes refert, à qua ipsos planè degenerasse ait, cultum diuinum à maioribus acceptū abrogasse, basilicas euertisse, sacerdotes & monachos profligasse: denique nullum pristinae pietatis & virtutis vestigium retinuisse, nō illos esse ecclesiasticos principes, sed quouis barbaro magis profanos, qui tam in omne vitiorum, flagitiorumque genus propendeant, eoque pacē nul-

lo pacto illis concedendam. Ad hæc Teutonici respondunt: Se ex maiorum dationibus & computu bene subductis, deprehendere nullum tributum Moschouio deberi, quod autem pacem deneget, id Romano Imperatori se questuros. Respondet Moschouius, quas illi querelas imperatori offerre instituant, qui mandatis eius imperialibus, quibus præceperat, ne templa aut monasteria demolirentur, tam procaciter & obstrepere derogassent? His ita peractis, legati discedunt ad pandochium, equos instruunt, Moschouium principem rogant, ducem itineris concedat, qui in Liuoniam eos reducat. Cæterum dati à Moschouio duces, per ambages ac deuia legatos fraudulentè circumducunt, ita ut in patriam terram non reuerterentur ante principium Quadragesimæ. Interea magnus Moschouia dux missa ad Liuones epistola, bellum indicit, cuius tenor hic erat:

WILHELME LIVONVM MAGISTER, archiepiscopo Rigensis, episcopo Torpatensis, cæteri que episcopi, & vniuersi Liuones. Misistis ad nos legatos vestros, viros bonos, Iuanum Bockhorst, Othonem Grothuis, & Volmarium Wrangel, cum reliquis adiunctis, ut capite coram nobis inclinato, peterent Teuthonico Magistro, archiepiscopo Rigensi, episcopo Torpatensi, cunctisque Liuonia populis, hanc à nobis gratiam fieri, ut dato ad Præfectos nostros Naugardiae & Pleskouiae mandato, pax cum Liuonibus iuxta veterem morem sanciretur. Nos verò Præfectis nostris mandauimus, nullam vobiscum propter vestram iniusticiam vindicare. Cæterum legati vestri Iuanus Bockhorst cum suis collegis eam pacem

pacem à nobis exorarunt, ijs conditionibus: Ut Magister Teuthonicus, archiepiscopus Rigensis, & episcopus Torpatensis, cunctique Liuones, quicquid iniuste contra nos moliti sunt, id restituant, & resarciant. Præterea illico nostris negociatoribus concedant, cum suis negociari mercatoribus, omnisque mercium generibus, utpote cere, seui, loricarum, & armorum mutationes facere. Item ut episcopus Torpatensis cõquirat tributum omnium præteritorum annorum, & vniuersa debita ex tota diocesi Torpatensi, de vno quoque capite marcâ Germanicam, tertio pacis firmata anno mittendam. Atque hoc nostrum tributum deinceps singulis annis dare debeat episcopus sine dilatione omnibus quoque seruitum, aut ministerium præstare volentibus, ex quacunque natione veniant, citra vllum impedimentum liberum in nostras regiones accessum & commercium concedant. Regi quoque Polonia, & magni Duci Lithuania, aut si alius quis in regem Polonia, aut magnum Ducem Lithuania surrogetur, nullas suppetias, & auxilia vlla in referant. Quicquid præterea literarum super pace firmata confecta, quæ multoties descriptæ sunt, & quarum nomine crucem coram omnibus vobis osculati sunt, continent, ea omnia ritè, legitimeque præsteris. Insuper & præfecti nostri magnæ Naugardiae, & Pleskouiae has de pace inita literas, ad vos per nuncium suum Melardum Torpico miserunt: Teuthonicus quoque Magister, archiepiscopus Rigensis, episcopus Torpatensis, ceterique episcopi loco & vice omnium Liuonum super his literis, crucem exosculati sunt, & dextras porrexerunt: octo etiam sigillis easdem coram Melardo

Torpico communiuerunt, & per eundem Melardum nuncium ad nostros praefectos ita communitas transmiserunt: eum in finem, quod iuxta literarum tenore omnia nos, & praefectos nostros concernentia, iuste & legitime exequi velletis, prout in literis scriptum continetur, in hunc usque diem. Horum omnium nihil adhuc prestistis. Interea nos ne Christianus sanguis temere effunderetur, sapenimero per literas vos monuimus, ut haec pacta iuxta contextum, literarum de pace conscriptarum iuste & recte exequeremini. Similiter per legatum vestrum Gerhardum Flemmingk, & nuncium Valentinum, item per Melchiorum cum suis adiunctis, itemque per Henricum Winter vobis nunciauimus, ut a verbis iniustis, & minime veracibus temperaretis, utque probos & integros vos prestaretis in omnibus causis, iuxta literas pacis & crucis osculum, vestramque culpam agnosceretis, ne sanguis innoxius effunderetur. Vos vero nostram clementiam spreuistis, & literas liberi com meatu a nobis postulastis, ea solum de causa, ut res longius protelaretur. Et quoniam legem diuinam, omnemque veritatem postponuistis, nec de crucis osculo quicquam cogitatis, nostramque gratiam & clementiam aspernamini, ea propter meditamur inuocato diuino auxilio, iustitiae nostrae ergo, & vestrae iniustitiae, quam in crucem Altissimi designastis, vos vlcisci, & vestram preuaricationem vindicare. Deo igitur nobis auxilium prestante, & alterutrorum sanguinem profundente, certum erit eum, non nostram ob culpam, sed vestram iniustitiam profundi. Hoc scitote, nos non minus ac vos esse Christianum principem, nec vnquam

quam gratum nobis fore spectaculum, si vilius sanguinem innocentem a nobis profundi videamus, siue Christianus ille sit, siue gentilis. Ut autem iniustitiam vestram agnoscatis, decreuimus nunc magnificam & praepotentem nostram virtutem hac epistola, qua bellum vobis indicimus, ad effectum deducere, quam epistolam per hunc nostrum ministrum ad vos destinamus, iubentes, ne inuitum illum detineatis, sed liberum ad nos regressum concedatis. Datum in nostro dominio, aula & vrbe nostra Mosko, anno 1557. Mense Nouembri.

Nec multo post Epiphaniam, anno 1558. trecentena millia militum conscribit, atque in Liouoniam mittit, ut ferro & incendio vniuersam prouinciam Torpatensem hostiliter vastent.

Moschouius ingentem exercitum longo tempore sustentare potest. Neque enim militibus suis stipendia largitur, sed agros exiguo illis precio elocatur, quo beneficio operam ipsorum demeretur. Conscripsi autem milites coram magno principe comparent, & nummum, quem vocant *eyndenninek*, estimationis vnius stuferi Brabantici principi numerant. Reuersi ex bello eundem nummum repetunt. Occisorum autem numismata retinet princeps, atque ita cognoscit interfectorum numerum. Hic igitur tam vastus & barbarus exercitus, octauo post Epiphaniam die Torpatensem dioecese inuadit, duorumque milliarium latitudine incedentes omnia vastant, diripiunt, despoliant, depradantur aedes, & pagos, & cuncta obuia incendio, homines & pecudes gladio sustollere, iugulare, trucidare, euertere, furtum, deorsumque omnia iactare, non aetati, non

sexui parcere, non gemitu, non luctu, non clamore, & vlulatu pereuntium emolliri, omnia ibi cædibus, sanguine & incendio inundare, configere, conflagrare. Pueros infra annum decimum necant, qui intra decimum & vigesimum annum cõstituti, Tartaris velut mancipia venduntur: qui vigesimum superabant, vniuersi nulla miseratione trucidantur. Greges, armenta & iumenta, quæ nec assumi, nec abduci in Moschouiam poterant, vniuersa maectantur: pagos, vicos ac domos priusquam incendio vastant, prædatoria manu despoliant, omniaq; vñbus suis accommoda diripiunt, ita vt ingentem frumentorum, pecorum, aliarumq; rerum prædam auerent. Quadraginta dies hanc tam immanem truculentiam barbarus ille populus exercet, vniuersam Torpatensem prouinciam miserè & crudeliter fœdans, diripiens ac deuastans, paucis arcibus, & vna Torpatensi ciuitate exceptis, in qua quotquot erant vndique nihil præter flammam & fumum conspiciunt, luctu, clamore, & eiulatu campi, & siluæ reboant. Ac tantum aberat, vt Moschouij Liouones restitutos metuerent, vt iuxta ipsam ciuitatem Torpatensem ædificia penè contigua succenderent.

Maximè autem Moschouius exercitus in Germanos sæuebat, quos vbi deprehendissent miserè & immaniter afflictabant. Viros brachijs truncant: mulieribus vbera abscindunt, alios in frustra disseccant, & membra tremantia huc, illucq; disseminant. Crudèle profectò, & plusquam belluinum spectaculum. Heu cadit in quenquam tantum scelus? Igitur Moschouijs tam inhumaniter & supra omnem modum desæuientibus, & cuncta obuia depopulantibus,

tibus, immensa nobilium, & plebeiorum multitudo in ciuitatem Torpatensem cum vxoribus, liberis, & quas habebant facultatulis, veluti ad asylum confugiunt: non è vicinis duntaxat pagis, sed qui vltra decem, & viginti milliaria debebant, quorum omnium numerus exiguo temporis momẽto in tantam excreuit multitudinem, vt plateæ, cœmiteria, & pomœria vndiq; & vbique scaterent. Et cum ciuitas tam immensam hominum copiam ambitu suo capere non posset, vltra decem millia cum mulieribus, & liberis in fossas ciuitatis confugiunt. Magna ibi calamitas & miseria conspicitur, inopes, nudi, & inermes sub dio passim sternuntur, cum gelu, glacie, frigore & niuib; omnia horreret, asperissima erat hyems, & frigus intensissimum, vt plurimi intoleranda frigoris asperitate, & horrore stupentes enecarentur. Alij fame, siti & inedia consumpti, vix ossibus hærentes, afflictam animam exhalant: alij frigoris, & inedia paulò patientiores, omni miseriorum genere cooperti, omnibusq; vitæ adminiculis destituti, quoad possunt, egrè vitam protrahunt: sed nec tantis arumnis ac doloribus superatis, sperato potiuntur effugio. Superueniens enim Moschouiorum exercitus, in ipsas fossas, vbi infelix hæc plebecula duriter, & miserè latitabat, præcipientes ruunt, gladijs, lanceis, sagittis, omniq; armorum genere eos inuadunt, sauciant, iugulant, cõfodiunt, plagis, & vulneribus opplent, ibi noua calamitas, luctus, clamor, vlularius, miserie miserijs accumulatur. Oppidani tantam hostium vim ac truculentiam cõspicientes, metu, & formidine præsentanei discriminis anxij, nullas ijs, qui foris erant suppetias ferre audent, sed

intra vallum, & mœnia se continent. Quando igitur prodire, & cominus cum hoste confligere formidant, tormentis, & machinis bellicis instructis, glandes, & globos tormentarios in hostes iaculantur, ita ut Moschouij tandem à ciuitate recederent. Igitur prouincia Torpatensi funditus deuastata, in ditionem Teuthonici Magistri per territorium Leidense profiscuntur, ibidemq; uti antea fecerant, vniuersa depopulantur, ut ne tugurium quidem vnum incolume permaneret. Inde in ditionem Neruiensem, Teuthonici quoq; Magistri dominio subiectam, progrediuntur, itidem omnia depredantes, & euertentes, ut res non belli, sed rapinæ potius, & latrocinij speciem haberet. Ingressus erat exercitus Liuoniam ea parte, qua episcopus Torpatensis arcem habet Nyenhufen, rursumq; circa Quadragesimæ principium per territorium Neruiense ingentibus spolijs in Rutheniam regrediuntur, quæ ab inuicem plusquam quadraginta miliaribus distant. Interea per vniuersam illam Liuoniæ prouinciam grassantes, sedecim miliarium latitudinem, peragrarunt, nihil saluum, & incolume relinquentes. Prima hæc fuit id temporis Moschouiorum in Liuoniam irruptio, in qua nec Teuthonicus Magister, nec episcoporum ullus, hostilibus illorum vastationibus, rapinis, & incendijs quicquam restiterunt.

Tanta clade accepta, vniuersi Liuoniæ proceres circa Dominicam Oculi, in Quadragesima, in ciuitatem Wendensem conueniunt, quid in rebus tam deploratis consilij captandum sit, cōsultant. Eodem tempore Torpati ingens ac terribilis cometa conspicitur, oblongo, & formidabili radio vniuersis suspi-

susipientibus horrorem incutiens. Proceres dum consilia inter se conferunt, principio discordare, alij conscribendum militem suadent, & post ferias Paschales finitima quæque Moschouiorum, ferro & incendio depopulanda, suorumque innoxium sanguinem pari crudelitate vindicandum, toties barbarum illum tyrannum, fustum, fugatumque à maioribus, non tantum virium, aut roboris illi accessisse, quin & nunc vinci, superarique possit. Alij bellicas impensas, & hostis potentiam considerantes, cōsultunt, sexaginta aut septuaginta thalerorum millia ad magnum Moschouiæ ducem mittenda, pacemq; redimendam, iniustam, emptamque pacem legitimo bello, hac tempestate præferendam, pecuniam eam haud multis, magnisve stipendijs erogandis sufficere, qua non difficulter pacem sint impetraturi. Qua sententia tandem omnibus suffragijs recepta, Teuthonicus Magister illico circa mediū Quadragesimæ veredarium ad Moschouium principem ablegat, petens quadrimestres inducias, & liberum accessum in Moschouiam pro firmanda pace. Moschouius petitas inducias, ceteraque omnia concedit. Igitur circa octauam Paschæ diem Teuthonicus Magister quosdam deligit, qui legationem ad Moschouiæ principem obeant. Itidem episcopus Torpatensis suos legatos adornat. Et quoniam comperitum habebat Moschouium nonnullis, propter cognitam eorum in rebus nouis moliendis audaciam, plus satis infestum, destinat legationi perferendæ D. Wolfgangum Zager, Metropolitanæ ecclesiæ Torpatensis Decanum virum antiqua pietate, doctrina, & virtute præstantem, qui & nouennio, pu-

blico ecclesiastæ munere perfunctus erat, priusquã D. Philippus Olmen huius historiæ spectator ad idem munus ascisceretur. Erat strenuus catholicæ religionis vindex, & collegium cui præerat pro sua virili penè 20. annis optimè gubernârat, ita vt nouæ factionis sectatores eum Liouoniæ Papam appellarent. Verùm quinquaginta Ruthenicæ ditionis miliaribus emensis, morbo correptus, vitam morte commutat. Erat præterea duobus à Torpato miliaribus quidam equestris ordinis vir, primæ apud Liouones nobilitatis, qui itidem cum familia & subditis in catholica religione perstabat. Hic Decano in legatione perferenda adiungitur. Legati postquam ad magnum Moschouiæ ducem perueniunt, pecuniam paci redimendæ destinatam adferentes, perturbatum infestumq; ducis animum comperiunt, nec ullam pacem, vllasve inducias impetrant. Causa hæc fuit. Habebat Teutonicus Magister oppidum in Ruthenorum confinio situm, cui nomen Neruius, atq; ibi arcem. Habebat quoq; Moschouiæ dux iuxta Neruiam illam oppidum, itidẽ Neruia appellatum, & castro insigni munitum. Hæc duo oppida adeo erant confinia, vt vno tantum flumiolo interlabente distinguerentur. Magistri ciuitas Germanica Neruia, Moschouiæ Ruthenica Neruia vocabatur. Ordinis Teutonici Magister in sua Neruia præter quendam ordinis Commendatorem, qui ciuitatis præfectum agebat, trecentos milites, & centum quinquaginta equites præsidij loco aduersum Ruthenos collocarat. Rebus ecclesiasticis tum in templo, tum in arce Lutheranum cõcionatorẽ præfecerat. Moschouiæ dux in sua Neruia tria millia

Ruthe-

Ruthenorum constituerat. Vbi quadrimestrium illarum induciarum, de quibus paulo antè dictũ est, vnus mensis præterijisset, & legati iam compluribus diebus in itinere fuissent, (distat enim Moschus ciuitas à Torpato centum quinquaginta militaria Germanica) contigit, vt commendatoris ministri è turribus prospicientes, viderent ingentem Ruthenorum turbam in Ruthenica Neruia obambulantem. Illi confestim seu proteruia seu largiore potu stimulante, duos colubros puluere tormentario grauant, in Ruthenos dirigunt, & ferreas glandes in mediam turbam iaculantur. Ceteri Cõmendatoris ministri, & milites qui in vicinis propugnaculis & turribus præsidium agebant, pactas cum Ruthenis inducias expirasse putabant, nec mora grauatis nitro, instructisq; tormētis cerratim eodẽ Ruthenos creberrimis globis ac telis inuadunt, vt plurimi eorum occumberent. Ruthenis religio erat violare inducias, eoq; nullum in hostes telum retorquent, sed cõfestim emissarium ad magnum Moschouiæ principem ablegant, nuntiantes quàm perfidẽ, & iniquẽ Liouones pactas inducias rupissent, plurimosq; Ruthenorum nullo bello legitimè denunciato præter omnium opinionem telis & globis tormentarijs hostiliter inuasissent, & misere traiecissent. Hoc nuncium eodem tempore quo Liouonũ legati Moschum peruenerant, ad magnum ducem perfertur. Legati huius tẽpestatis ignari ad principẽ accedunt de pace tractaturi. Princeps recẽti suorum clade, & Liouonum scelere nũciato commotus, indignabundus exprobrat legatis, quàm perfidẽ Neruienses inducias violauerint, Ruthenos contra ius & fas ex

inopinato oppetiuerint, obruerint, interfecerint, impiam esse doctrinam, quam paucis ab annis susceperint, priori religione profligata, omnē illos virtutem, fidem, constantiam, pudorem simul exuisse. Minatur insuper se tam insignem perfidiam ferro & flamma seuerē vindicaturum, frustra cum illis de pace tractari, quorum animus rapinis, libidinibus, omnibusque flagitiorum generibus turpissimē sit delibutus. Ad suos redeant, pecuniam Magistro referant, se paulō post secuturum.

Legatis in Liunioniam reuerfis, magnus Moschouia dux ingentem exercitum cum prægrandibus bombardis & machinis Neruiam Germanicam versus mittit, ciuitatem obsidet, armato milite & tormentis muros inuadit. Octauo obsidionis die, ignem in ciuitatem iaculantur. Ignis nutrimentum nactus, continuō inualescens, totam per urbē grafsatur, ipsasque portas comburens, hostibus ingressum patefacit. Rutheni patefacto aditu, in ciuitatem irruunt, omnia depopulantes, Oppidani cum auxiliarijs in arcem confugiunt, sed paulō post commeatu destituti Præfectus, seu Commendator deditionem facit, hac cōditione, ut ipsi cum omnibus Germanis militibus liberū abitum concedant. Hoc impetrato, castrum Ruthenis deditur. Commendator cum suis militibus omnibus, quas auferre sperauerant, facultatibus exuti, dimittuntur. Ciues in ius & imperium magni ducis concedunt, eique sacramento se obstringunt. Expugnata Neruia, Moschouiorum exercitus arces, pagos, vicos, domos ac villas vndiq; quindecim milliarium latitudine circumiacentes diripit, & vastat. Noua ibi calamitas,
noua

noua ærumna, & lamentatio exoritur, factumque ita, ut quotquot ibi agricolæ Teuthonico Magistro antea parebant, nunc ab eo desciscētes, in Moschouij ducis iurisdictionem, & imperium cōcederent. Direpto igitur, & vastato Neruiensi territorio, circa natalem Baptista Ruthenicus exercitus in prouinciam Torpatensem progreditur, ac tertio, post Baptista natalem, die primatiam episcopi Torpatensis arcem, cui nomen Nienhufijs, octodecim a Torpato milliariis distantem, obsidet. Ruthenorum nō pauciores erant octoginta millibus. His adiuncta erant a nea tormenta plurima & maxima. Priusquam huius arcis expugnationem referamus, memorabile facinus, quod olim in ea contigisse ferunt, interponemus, ut animus ab his bellicis tumultibus, cædibus, & incendijs paulisper respiceret. Oppugnauit olim hoc castrum magnus Moschouie dux, anno 1381. cui oppugnationi ipse intererat vnā cum trecentenis militum millibus. Ac tandem post diuinam, & pertinacē obsidionem, & crebras irruptiones, mœnia, & propugnacula labefacere incœptant, obsessi cum hostium assultum diu sustinissent, tandem solis viribus humanis diffisi, diuini numinis clementiam, & auxilium quotidianis, ardentibusque votis exposcunt. Præfectus ut in bellicis rebus reliquis præstabat, ita hoc quoque in negotio cæteris feruentior erat. Igitur quadam nocte Veneris diem proximē antecedente in somnis peruigilat, ante arā quandā prosternitur, orat, ut in tam deplorato rerū statu Deus apparere dignetur, felicemque tam grauis obsidionis liberationem clarigii. Exorto Sole, cum Rutheni certa iam arcis ex-

pugnationem sibi promitterent, exurgit è precibus suis praefectus, acceptoq; arcu, telum ferrea, acuminataq; cuspidè in Dei nomine in medium Ruthenorum exercitum è fenestra emittit. Fauent conatibus superi, volat missile ferrum, & ipsius Moschouij principis cor transigit. Concurrent trepidi comites, dominumq; ruentem suscipiunt. Ille manu moriens, telum trahit, ossa sed inter ferreus ad costas alto stat vulnere mucro. Rutheni magno cum vlulatu principis, & imperatoris sui tam funestum, & luctuosum casum deplorant, arreptumq; funus in Moschouiam perferunt. Liiones hoc mirabili, memorabiliq; modo liberati, arcum perpetui trophæi loco in Basilica, quæ ibidem in castro extructa erat, ad altare suspendunt. Solebat in eo templo cultus diuinus quoddam magna pietate, ac deuotione peragi: nunc verò peruersis dogmatibus receptis, nullum pristinae pietatis vestigium conspiciebatur. Arcum ibidè suspensum, vidit venerandus vir D. P. Olmen, quondam Metropolitanæ ecclesiæ Torpatensis stipendiarius Canonicus, nunc ecclesiastes Resensis.

Teuthonicus Magister cognita arcis Nienhusen obsidione, duo Germanorum equitum millia adducit, & vnâ cum episcopo Torpatensi, qui trecentos habebat equites (equester enim ordo Ruthenica depopulatione opibus, fortunisque omnibus exutus erat) obsessis auxilia ferre meditatur. Vbi sex adhuc milliarib. à Ruthenico exercitu abessent, prope castrum episcopi Torpatensis, cui nomē Kieriepe, sua tentoria figunt, ibidemq; ad dies viginti quatuor morantes, omne tempus quieti & luxuriæ cōcedūt. Obsessi, quum præter paucos accolæ, qui in arcem

con-

confluxerant, & sexaginta praesidiarios milites, nulla haberent auxilia, diutina obsidione fatigati, nullaque suppetiarum spe affulgente, & rebus accisis deditionem faciunt, ea conditione, vt ipsi cum fœmineo comitatu securi abscedant. Cæterum duo milliaria progressi, in aliud Ruthenorum agmen incidunt, qui raptis virginibus, & fœminis, illos nudos, omniq; argento spoliatos dimittunt. Teuthonicus Magister deditionem factam intelligens, ira simul ac dolore exacerbatus, castrum episcopi Torpatensis Kieriepe igne succendit. Præclarum hoc fuisse, & gloria dignum, si facinus istud in hostem designasset. Expugnata igitur arce Nyenhusen, & praesidio munita: dux exercitus Ruthenici cum vniuerso agmine ad Teuthonicum Magistrum pergit, prælium cum eo committere constituens. Magister re intellecta, ocyus fugā arrepta, desertoq; episcopo, è Torpatensi prouincia penè ad viginti quinque millia secedit.

Rutheni equites numero triginta millia pergunt in Torpatensem prouinciā, obuios quosq; Germanos trucidant, alios plebei ordinis homines, quotquot parati erant, magno Moschouie duci subijci, illi parere, & iureiurando obstringi, hos in gratiam recipiunt. Imperator Ruthenorum, quoniam ipse bello non intererat, praefecerat exercitui ducem quendam Moschouium, cui nomē Petro Sifegaleider, à septem triremibus Galeaceis, quibus in mari praefuerat, & piraticā exercuerat, ita appellatus. Hic cum vniuerso exercitu, videlicet, quatuor agminibus Ruthenorum, seu Moschouiorum, vno Tartarorum, seu

sclopetariorum, qui duodecim millia cōstituebant, machinis quoq; & tormentis æreis prægrandibus, tanto, inquam, cum exercitu, ad obsidendum Torpatum progreditur. Interea quosdam Germanos deprehendis, viros brachijs truncat, fœminis vbera, & nares abscidit: hos tam miserè & crudeliter deformatos, Torpatum præmittit, denunciat, vt ciuitatē dedant, in Moschouij principis imperium concedant, ni faciant, omnes eadem, & grauiori pœna plectendos. Ruthenicus exercitus sex milliaribus à Torpato castrametatur. Vniuersus militū numerus, vt ferebatur, trecenta millia constituebat. Ciues Torpatēses & reliqui equestris ordinis, cognita obsidione, Cathedralē ecclesiā claudunt, præcipientes ne quisquā Missæ sacrū in ea peragat, præuaricantibus extremum supplicium interminantur. Ingens sanè & horrenda populi cæcitas, dicamne an impietas in tam præsentaneo discrimine, rebus ita nutantibus hostico exercitu muris imminente, nec vlla humana ope vllam salutis spem promittente, diuina præsidia tam prophanè aspernari, ridere & execrari.

Interea dum hostes sex miliarium interuallo castrametantur, quotidie sex aut septē Ruthenorum vexilla ad urbem emicant. Cancellarius Torpatensis, cum quibusdam consiliarijs & nobilibus, episcopum accedunt, simulant se vrbe egressuros, & cœminus cum hoste cōsisturos. Illi portis emissi, deserto episcopo, derelicta ciuitate, perfidi & profugi Rigam omni celeritate se recipiunt. Ciuium quoq; bona pars, opes merces suas Rigam & Riualiam miserant, & paulatim ex vrbe secesserant. Morbo etiam

iam à pascha ad Pentecosten grassante, plurimi sublati erant, vt pauci admodum, qui urbem defensarent, superessent. Hi erant Cathedralis ecclesiæ Canonici & sacerdotes, cum episcopo & paucis nobilibus, & plerisque qui in catholica religione perseuerantes, intra immunitatem (vt vocant) ecclesiæ Cathedralis habitabant: neque enim senatus, aut ciues vllum in ciuitate tolerabant, qui religionem catholicam non abiurabat. Septima mensis Iulij centurio quidam Groningensis cum sexaginta militibus Torpatum venit, ab episcopo in præsidium suscipitur, inde ex opificibus & plebeis adhuc cœtum alleguntur. Vndecimo Iulij Ruthenicus exercitus, Torpatum ad obsidendam urbem pergit. Tunc omnium Torpatensium animos ingens metus & formido inuadit, vt quid inceptare, quid moliri deberent, dubij, anxij & trepidi rerum, haud satis definire possent. Canonici assumpto duce Groningensi, & plerisque nobilibus, in ciuitatem ad forum descendunt, hortantur & obsecrant ciues, vt resumptis animis, viriliter hostium impetū sustineant, se, vxores, liberos, & patriam, aduersus hereditarium Christiani nominis hostem fortiter & fideliter tuteant, facile hostes posse propulsari, si vnanimis, concordibus animis & armis, pro aris & focis dimicent. Ad hæc consul. Si episcopus Hermannus & canonici Romano. Pontifici renuncient, Euangelium amplectantur, velle ipsos ciuitatem seriò & viriliter tueri. Respondent canonici graue hoc & exitiosum tum sibi, tum ipsis futurum, quâdoquidem animaduertant post assumptam illam nouam doctrinam omnia illis aduersa fuisse, nunquam tantam

à Moschouio cladem accepisse, quantam post religionis mutationem pertulerint. Tandem Satrapa pronuntiat, vt quilibet sua in fide ac religione permaneat, nunc non de fide, sed pro patria, parentibus, & liberis decertandum. Illud consilium cum omnibus probaretur, sacramentū præstant, nūquam se Ruthenis urbem dedituros, sed ad extremum usque halitum pro communi omnium salute fortiter dimicatos. Confestim tres ciuitatis portas muro obstruunt, a nea tormēta in turribus & propugnaculis collocant, ipsi vnde quaque in mœnibus & speculis præsidia & excubias agitare. Vndecima Iulij die qua in teriam secundam incidit, mane ante solis exitum, speculatores vniuersum Moschouiorum & Tartarorum agmen urbem obsidere comperiunt. Castra ante portam S. Andreæ ad Orientem fecerunt, eaque vallo munierant. Densissima erant ea nocte tenebræ, ac tametsi sol tertia hora matutina exoriretur, tamen propter nebulam mirè spissam parum, aut nihil prospici poterant. Torpatenses obsidione cognita, æneas glandes & tormētarios globos ea parte qua strepitum audiebant, eiaculantur, sed neque in quenquam collimare, aut quid proficerent, scire dabatur. Sclopetarij seu sagittarij sexaginta quotidie bis ex vrbe emicant, vt leui pugna Ruthenos adoriantur: sed quoniam rari erant, parum efficiebant. Nebula densitas per Lunæ, & Martis, & Mercurij diem cōtinenter durabat, vt vix paucis passibus prospicerent, certoque pateret, obsidionem illam à Deo ex certo vindicandi proposito permissam. Mercurij die equites Torpatenses omnes, hi erūt circiter sexaginta, denuò ad Ruthenos procedunt,

dūt, & leui prælio cōfligūt, multos æneis & plūbeis glandibus traijciunt. Speculatores quoque, & qui in turribus præsidium agebant, tormentarios globos in Ruthenicum agmen iaculantur, tanta vi & copia, vt velut flammis & incendio ciuitas septa videretur. Equites cum ad horas duas acriter cum Ruthenis dimicassent, & hostibus vndiq; accurrentibus nimis essent impares, in urbem se recipiunt, vno duntaxat suorum amisso, equis verò sagittis ac telis Ruthenicis grauiter vulneratis. Ferebatur tunc in vrbe, aliquot Moschouiorum millia grauioribus tormentis interfecta, conspiciebantur quoq; passim equi deiectis sessoribus circumquaque procurentes. Feria quinta Moschouij machinas ac tormenta sua instruunt, non tamen in mœnia ipsa dirigunt, sed in altum leuant, vt globi, (quos vix duo lecti viri eleuassent) in ædium tecta prociderent, quorum pondere parietes, tecta ac ligna collisa ac diruta, pueros, fœminas, passimq; omnes inquilinos repente præter expectationem opprimebant. Tantus erat ea die ac nocte intus & foris bellicarum machinarum fragor ac sonitus, vt vix alterius sermonem exaudiret.

Rutheni proxima nocte qua Veneris die antecedebat, ad portam D. Andreæ, fossam ingētem sub mœnibus fodiunt, & sex vasa pulueris tormentarij substituunt, vt vi pulueris eam mœniorum partem disrumperent, & subuerterent. Sequenti die circa horam nonam matutinam, denuò Rutheni terribili tormentorum fragore oppidanos inuadunt. Fœminarum natura, tum præsentaneo discrimine pauidæ, luctu lacrymis & eiulatu omnia complent.

Quam tam miserabilem miseriam, consules vndique cōspicientes, ad Cathedralē ecclesiā ascendunt, deploratum ciuitatis statum episcopo exponunt, deditionem se facturos aiunt, quoniam tantam suorum calamitatem, luctum & arumnā vltterius corā videre ac sustinere nullo modo queant. Episcopus monet, vt meminerint deditionem sempiternae ipsius turpitudini & ignominiae futuram, deinde perspectam illos habere Moschouiorum, & barbariem, & tyrannidem, fidemque ac religionem in Deum ac Diuos blasphemam, tum ab vniuersa ecclesia, totoque terrarum orbe dissentaneam. Expendant, ne pecudes quidem à Christianis tam immaniter tractari, vt homines à Moschouijs. Considerent quantam truculentiam & plusquam ferinam barbariem in virgines & feminas Christianas exercuerint. Eadem & grauiora, fortassis ipsis imminere, si spontē tam crudelis domini iugum intollerabile subeant. In hanc sententiam cum ad perseverantiam hortaretur episcopus, nihilo secius pertinaciter deditionem vrget senatus, quo factum, vt ingens dissensio in vrbe exoriretur. Nec multo post eodem die circa horam duodecimam legatum ad Moschouij exercitus ducem mittunt, supplices rogant, vt ab obsidione desistat, paratos se fore, si vitam & facultates saluas ipsis promittat, pontifici & imperio Romano renuntiare, & praestito Sacramento in ius & imperium magni Moschouiae ducis concedere, ac deditionem facere. Exercitus Ruthenicus accepta legatione, certam pacem illis promittit, si propositas condiciones inire velint. Hoc responso solide gauisus senatus, duos ex senatoribus

ad

ad ducem ablegat, qui omnium nomine iusiurandum praestent. Ea fama vbi per urbem diuulgatur, ingens tumultus & seditio exoritur. Militum praefectus cum sua cohorte, & Cathedralibus canonicis, reliquisque catholicis, nullo pacto ad sacramentum Moschouio principi praestandum induci sustinent, sed nec deditionem facere, verum armis, vita & sanguine auitam religionem, libertatem, & patriam vindicare parati sunt, impiamque & nefariam senatus defectionem grauitè redarguunt, salua esse adhuc moenia, commeatum praelargum ac sufficientem, praesidiarios tamen non ita multos, tot tamen ac tales, qui & urbem protegere ac defendere possint, eaque fortitudine, animique praestantia praeditos, vt vitam prius & spiritum quam urbem & libertatem amittere velint. Senatus nihil à proposito declinans, & fidem, & religionem, cunctaque vitam posthabenda arbitratur. Atque vt culpae, ac defectionis socium haberet, Episcopum cuius instanciam exploratam habebat, accedit, ipsumque ad arcis cuiusdam & abbatiae Valkena deditionem inducit. Milites, qui centum sexaginta erant, & quadraginta Cathedralis ecclesiae catōres, & canonici, hac defectione ne quicquam à pristina constantia dimouentur, sed mutuam fidem ac tutelam inuicem stipulantur & promittunt, sanguinem prius profundere, quam patriam prodere, auitamque religionem abiurare, statuunt. Hac feria sexta contingebant. Postero die Moschouij exercitus dux, cognita oppidanorum dissensione, vt vrbe potiretur & obsidionem conficeret, nuntiat obsessis, neminem se coacturum vt abnegato imperio Romano, in magni Moschouiae

Yy iij

ducis ius & imperium sese dedat. Vrbe se vel volentibus, vel inuitis oppidanis omnino potiri velle. Qui Moschouio duci sese dedere ac iusiurandum præstare detrectent, illis liberum fore, vt per vniuersum Ruthenorum exercitum securè in Germaniam secedât. Qui verò parati sint in Moschouij principis imperium concedere, illis vitam & facultates saluas fore. Cæteris qui neutrum horum faciant, extrema minatur. Ad sequentē Lunę diem circa septimā matutinam portas apertas fore, interea deliberent, & quid facturi sint, constituent. Milites præsidarij cum Cathedralibus nihilo secius armati duas subsequentes noctes peruigiles ducunt, quandoquidem & senatum cum ciuibus & Moschouios aduersos habebant. Interea plerique nobiles, ciues, & fœminæ catholicismi reliquis paulò obseruantiores, ad Cathedrales concedunt, & voluntarium exilium vnā cum ipsis eligunt, atque ita numerus secedentiū excreuit in 200. armatos, & 200. fœminas ac virgines. Die Lunę portis ad apertis, egrediuntur catholici, quos Ruthenici exercitus dux, per vniuersum agmen iuxta datā fidem, dimittit. Ingens ibi luctus & eiulatus exoritur, maritus ab vxore diuellitur, fratrem soror deserit, liberi à parentibus, cognati à propinquis secedunt. Alij senio, morbo, aliòve incommodo grauati tam longinquum, ignotum, plenumq; discriminis iter suscipere nequeunt, alij bonorum, facultatumq; appetitores, pontifici & imperio Romano renunciant, & Moschouij principis iugum subeunt, catholici vrbe, patria, ac domo profugi, omnibus derelictis, plurimæ etiam matres prolibus onustæ Riualiam contendunt. Dum per Ruthen-

Ruthenicum exercitum gradiuntur, Tartari quorum erant triginta millia, Liouones inuadere parant, eos in prædam sibi datos asserentes, arcus instruunt, & nouo eos, in speratoque prælio appetere instituunt. Fœmineus cœtus præsentaneum periculum conspiciens, protinus in clamorem & eiulatum, vt fit, soluitur. Cæterum Deus mirificè eos tutatur. Clarum erat & serenum cælum, nec à viginti diebus pluerat, nec octiduo post pluebat. Nihilo scius in tanta serenitate, ingens ac formidabile tonitru in medium Tartarorum agmen quinquies immititur, tanto fragore ac sonitu, vt terra cōmoueretur. Tartari quoq; instar pulueris huc, illucq; dispergebantur. Nec multo post Moschouij exercitus dux lituo quem gerebat, designat, vt liberè dimittant Liouones: indicat præterea per interpretem, deducendos eos securè per media castra & vniuersum exercitū, ingentēq; equitū cohortem ipsis adiungit, quò securius euadât. In ipso progressu pleriq; ob æstus vebementiam, & pulueris, quem equitatus ille cōcitabat, densitatem, languidi & emortui miserabiliter cōcidebant. Moschouij agminis dux præsens huic ductui cum aliquot equitū millibus intererat, vinctumq; habebat episcopum, quem ad abbatiam Valkenadensem ducebat, ibidemq; carcerati mancipabat. Eò vbi ventum, dimittit Liouones. Illi paululum progressi noui discriminis, triste nuntium accipiunt. Monetur enim ab agricolis, latere à duobus miliaribus octo Tartarorum millia, quibus Liouones vniuersi prædæ ac direptioni dediti sint, vitæ quoq; ac necis potestatem in ipsos habeât. Idem secrete præmonuerant eos quidam Torpatensium,

qui praestito iureiurando in Moschouij ducis imperium concesserant. Lituones principio conflictum meditantur, postea re penitus considerata, duos agricolas conducunt, qui eos ambitu quodam per nemorosa & palustria loca, quo Tartarorū equitatus penetrare nequibat, triduo circumducunt, inde post quintiduum Riualiam perueniunt, vbi singuli nauibus conscensis, salutem ac prosperitatem sibi inuicem precantes, quo animus, voluntas & consilium ferebat, contendunt.

SIMON SCHARDIVS
DE VITA ET OBITU SIGI-
SMVNDI AVGVSTI REGIS POLO-

*nia, qui obiit anno 1572. Kalen-
dis Iulij.*



NNO 1572. Kalendis Iulij Sigismundus Augustus rex Poloniae, qui superiore mense agrotare incipiens, medicis de ipsius salute desperantibus, in Lituaniā concesserat, ibidem extremum vitae diem claudit, ne quicquam eum proceribus regni subsequenter, ut in praesentia viui de nouo rege deliberarent, ætatis suæ rex potentissimus, ac in orbe Christiano celebratissimus. Natus anno 1520. Augusti die 2. minutis 38. ante tertiam horam matutinam, patre Sigismundo, & matre Bona Sphortia, Ioannis Geleatij Sphortiae Mediolanensium ducis, & Isabel- lae Arragoniæ filia, puer vix decimum annum agens, pater;

terno regno patris opera, studioq; inauguratus est, cumque eo annos octodecim regnavit, post inueniens factus uxorem accepit voluntate patris Elizabetham Ferdinandi Caesaris, & Hungarorum ac Bohemorum regis filiam natu maximam, in qua muliere genus cum forma, forma cum comitate & mansuetudine, hæc cum probitate, probitas denique cum pietate certabat, ita ut nescires, quid in ea potissimum admirareris. Ea verò biennio post nuptias celebratas, magno multorum luctu extincta, atque regni habens post patris octogenarij obitum, anno quadragesimo nono, ad solum Sigismundum deuolutis, Barbaram Radziuilliam Lituanicam inuitis regni proceribus uxorem duxit. Caterum & ea statim post coronationem vita functa, ipse triennio in viduitate transacto, alteram Ferdinandi Caesaris filiam Catharinam, quæ prius Francisco prima Mantuæ duci elocata fuerat, pontifice legibus eum saluente, matrimonio sibi iunxit. Id quod tale fuit, ut plus molestiarum, quam iucunditatis, vel voluptatis conjugalis habuerit. Cum autem hucusque tranquillitatis studiosissimus bella à suis auertisset, atque pacem cum finitimis initam firmiter coluisset, tandem intestina Liucionensium dissensione, ex otio in bellum pertractus, de regni incremento & amplificatione cogitationes suscepit. Nam cum anno 1559. inter archiepiscopum Rigensem Wilhelmum ex Brandenburgica familia natum, & ordinis Teuthonici Magistrum dissensione, cum ob Euangelij prædicationem in ecclesia Rigensi, tum ius comitorum indicendorum exorta, res eo deuenisset, ut archiepiscopus vtrumque impediturus, post varias velita-

tionem in arce Kopenhagen conclusus, fame atq; penuria rerum omnium coactus, se Magistro vnâ cum commilitonibus dedere cogeretur, & toto penè anno, non vt prouincia, ac ciuitatis consors, vel præsul, vel Brandenburgicæ familiæ princeps, vincetus detineretur, sed veluti barbarus hostis tractaretur. Sigismundus nepotis seruili captiuitate cognita, legatum ad ordinis Magistrum Wendam ablegauit cum mandatis, vt quandoquidem in bello, nepos Wilhelmus captus esset, hic indignissimo carcere liberaretur, & omne dissidium inter archiepiscopum, & ordinem Teuthonicum amanter componeretur. Caterum Teuthonici ordinis Magistro legatum in Poloniam re infecta dimittente, Sigismundus, qui operam suam sperni moleste ferret, ordinis Magistro, omnibusq; eius auxiliarijs bellum denunciat. Cuius exitus is fuit, vt etsi ordinis Magister aliquot vexilla peditum, & equitum Germanorum, cum copijs trium episcoporum, Torpatensis, Riualienfis, & Gapsilenfis contra Polonos educeret, tamè cū se à Polonis exercitus multitudine superari videret, pacè à Sigismundo petendam censuerit, eamq; hisce conditionibus impetrarit, vt ordinis Magister archiepiscopus in pristinum statum restitueret, omneq; damnum ac detrimentum eidem illatum rependeret, præterea Polono stipendia in milites erogata refundere. Videbatur harum conditionum acceptione Liuania pacata, quantumuis Liunionibus clanculum mussitantibus, ab ordinis Magistro omnem protinçia thesaurum, & nullo cum fructu, aut ciuium utilitate consumptum: sed ecce Moschus suæ occasione intertus, quod & induciarum antea cū Liunionibus pactarum

etatum finis esset, & Liunionenses inter se alienatos sciret, Torpatensem episcopatum Liuania ingenti exercitu, nimirum trecentorum millium hominum, duce Petro Sisegaleider strenuo olim pirata inuadit, eumq; ferro & igni vastat, & per multa miliaria, omnia cede, rapinis, scedissima barbarie & immanitate complet, pueros infra annum decimum necas, intra decimum & vigesimum constitutos, Tartaris hominibus feris vendens, supra viginti trucidans omnes, pecus omne quod in Moschouiam abduci non posset mactans, Germanos mares deprehensos brachijs truncans, sceminas seclis vberibus diu crucians, plerasq; in frustra discindens, & membra palpitantia hac illac dispergens, in summa nihil crudelitatis prætermittens non tantum in ditione Torpatensi, sed & Neruiensi, quæ Magistro Teuthonico paret, minimè etiam ditioni Rigensis Archiepiscopi parcens. Ideo Liunionici, maxime Rigenses se in tanta necessitate constitutos, cōspicientes, & tardis auxilijs imperij, cuius superioritatem, vt vocat, hætenus coluerat, diffidentes, à Sigismundo defensionem petiere, quâ ipse potentia, fertilitate, ac comoditate vicinæ prouinciæ perpenfa Liunionensibus nõ grauati præstitit, Moschis in Liunioniam à cæde sex millium Tartarorum redeuntibus fortiter sese opponens, & quo Liunionie cōcordie prospiceret, ordinis Teuthonici autoritate in Liuania sublata Gothardum Ketlerum ex nobili familia in Westphalia natum, ex Magistro Teuthonico, ducem Curlandie faciens. Verum enimvero dum Sigismundus Liunionensibus contra Moschos succurrere cogitaret, factum est, vt horum arma in suos Lituanos conuerteret. Nam in mense Februario anni

1563. Moschus defensione Lituanienſium, à Sigismundo ſuſcepta irritatus, Lituaniā omnibus nobilibus & præfectis hoſtiliter inuadit, vt ſic immanitatem & plus quàm beluinā crudelitatem toti orbi notioſiorem redderet. Ingreſſus itaque Lituaniā maximis copijs, arcem munitiſſimā Polockkovi cepit, multis millibus hominum occiſis, & alijs in ſeruitutem abductis. Fuit hæc clades Polonis perquam grauis, cum ob alia, tum verò arcem Polentzko amiſſā. Quare Sigismundus, neſcit quā ſibi conquieſcendum putauit, quo ad ſuos barbarica Moſchi tyrannide liberaret: ideo inducijs ſibi à Moſcho denegatis anno ſubſequenti, qui erat 64. Moſchos in Lituaniā redeuntes, ad Vlium oppidum, virtute Nicolai Ratzuilijs proſtigatos, Lituania eiſcit. Intere verò cum graue ac diuturnum bellum inter regem Daniæ, ſociosq; Lubecenſes, contra Ericum SchWedicæ regem exortum eſſet, atque hunc id moliri cognouiſſet, vt toto mari Baltico occupato, & latronibus atque piratis infeſtato, mare ipſum ſuæ poteſtatis faceret, Polonicasq; ditiones oppugnaret, ipſe, quo conatus Erici infringere, veteremq; maris & cōmerciorū libertatē & ſecuritātē tueretur, ſocietatē cum principib. Pruſſiæ, Pomeraniæ, & Megapoliæ, dictisq; cōfederatis iniit. Eaq; durāte, Chriſtophorū ducē Megalopolenſem electum coadiutorem Rigenſis Archiepiſcopatus, quod in ſuſpicionem veniſſet, quaſi cum hoſtibus regni Polonici conſilia agitaſſet, cepit, eumq; Wildæ clementer exceptum, per aliquot annos in cuſtodia habuit. His rebus ita geſtis publico conſenſu Lituaniā, cæterasq; regiones Poloniæ coniunxit,

xit, actandem inducijs cum Moſchouita factis, vt exitiale bellum SchWedicæ cum inter ſororium Ioannem SchWedicæ & Daniæ reges adhuc durans, aſquis conditionibus componeretur, vnā cum alijs regibus ac principibus interceſſit. De alijs eius priuatis virtutibus à nobis hic plura commemorari neceſſe non eſſe, id alijs facturis quibus eæ notiores ſunt quàm nobis. Beneuolentia verò, qua iuſtiſſimā familiā Brandenburgicā ob agnitionem amplexus eſt, ad omnem poſteritatem prædicanda eſt. Siquidem vt liberationem Wilhelmi archiepiſcopi Rigenſis taceamus, & fratrem eius Albertum primum Pruſſiæ ducem ab imperatore proſcriptum clementiſſimè protegit, & protectum ad amauit ac coluit: filij præterea adoleſcentis Alberti Friderici patre defuncto, tutelam clementer ſuſcepit, vtq; propenſionem erga cognatā familiā Brandenburgicā ad omnem poſteritatem declararet, eam totā, caſu quo proximiores abſq; liberis atque legitimis hæredibus decederent, ſucceſſionis Boruſſiæ ducatus capacem eſſe voluit. Deceſſit nullo ex tribus vxoribus hærede relicto, vltimus regum Polonicorum ex ſtirpe Jagellonea Lituāica, quæ ab anno 1386. in hunc vique diem quo Sigismundum mortuum diximus, magna cum laude res Polonicas rexit: Jagello ſiquidē, ſine Jagula magnus Lituaniæ dux, qui cum matrimonio Hedvigis demortui Ludouici regis Vngarorum & Polonorum filiæ, regnoque, fide Chriſtiana recepta Vladislaus ſecundus eſt dictus, quaſi qui gloria potens futurus eſſet, decrepita admodum ætate, ex quarta vxore Sophia Ruſſa Kiouienſium ducis filia, duobus

filij, Vladislao tertio, & Casimiro, susceptis, post mortem regnum ad Vladislaum filium transmisit, eum, qui Vngarorum quoq; regno suscepto, & profligatis cum gloria aliquot Turcarum exercitibus, cum prius ad Macedonia, deinde ad Thracia fines magis animosiore quam validiore exercitu penetrasset, apud Varnam inter cōfortissimos hostes dimicans, certam propemodū victoriam cum vita pariter amisit. Post hūc autem sine liberis decedētem, cū Polonis vndecim, Vngaris quinq; annis praeuisset, Casimirus natus minor frater regnū suscepit, qui Elizabetha filia Alberti Romanorū, Vngarie & Bohemiae regis, & archiducis Austriae, & Ladislai Vngarorum & Bohemorum regis, sorore in regni sociam ascita, ex illa filios sex, & filias septem sustulit. Ex his Vladislaum natu maximum viuens Bohemis, Casimirus ac deinde Ioānem Albertum Vngaris reges dedit: Sed utroq; hoc dissentione partium deserto Vngariam quoq; cū Bohemia Vladislaus obtinuit. Ex quo & Anna Galla, filia domini de Candalla Vasconis nati. Ludouicus filius, qui bimulus viuēte patre coronatus, cū ei exacta aetate mortuo in utroque regno successisset iuuenis admodum Turcico bello, anno 1526. apud Mohatiū miserabiliter periit, & Anna filia, quae nupta Ferdinando Casari eum quindecim liberis beauit: filij quatuor, Maximiliano, Ferdinādo, Ioanne & Carolo: filiabus vndecim, Elizabetha, Anna, Maria, Magdalena, Catharina, Leonora, Margareta, Barbara, Ursula, Helena, Iohanna, de supra memoratis verò duob. filijs Casimiri regis, Casimirus quē iuuenis castissimus & religiosissimus, in Lituania immaturā mortē obiit, non sine celebri

lebri sanctimoniae fama. Ioannes Albertus post patrem octo & amplius, deinde hūc secutus Alexander quinq; annos regnarunt: ille quidem maximam animi, sed ante susceptum regnum, quam regnans felicior: Hic à Moschis apud Vedrusios victus eodem apud Opascam, Tartaros verò Tauricos apud Clescum paucis ante mortem diebus, insignibus praelijs profligauit. Post hos natus est Sigismundus, Sigismundi de quo loquimur pater. Hunc secutus Fridericus factis initiatus, archiepiscopus Gnesnensis, simulq; episcopus Craconiensis, & Romanae ecclesiae diaconus cardinalis S. Lucia in septem Solijs. Porro filiarum Casimiri duae immaturè mortuae, Hedwigis Georgio duci Bauarorum, Sophia Friderico Marchioni Brandenburgensi, Anna Bugislao Pomeranorum, Barbara Georgio Saxonum, Elizabetha verò (patre mortuo) Friderico Legnicensium & Bregensium ducibus matrimonio iuncta fuere. Caterum Ioanni Alberto, & Alexandro fratribus sine sobole decedentibus, in regno Poloniae successis Sigismundus amborum frater, bellis cum potentissimis Moschis, ferocissimis Tartaris, acerrimis Valachis, & fortissimis Germanis, feliciter gestis clarissimus, qui initio in matrimonium ducta Barbara Stephani comitis Scepusiensis, ac Transylvanienſiū Palatini filia, foemina sanctissima & pientissima, ex ea filiam Hedwigiam suscepit, foeminā lectissimam iunctam matrimonio Ioachimo Marchioni Brandenburgensi, Electori Romani Imperij. Deinde verò ea defuncta ex altera Bona Sphortia, Ioannis Galearij Sphortiae Mediolanensium ducis, & Isabellae Arragoniae filia maximam natu filiam Isabellam

Ioanni regi Vngarorum affini iam prius suo nuptui tradidit: reliquarum verò trium, post mortem Sophia nupsit Henrico iunior duci Brunsvicensi, Catharina Ioanni duci Finlandiæ, iam Svedorum regi potentissimo, Anna adhuc virgo dignas suo genere nuptias expectat. Ad extremum filius Sigismundus Augustus, cum eo quo diximus modo regnasset, sine liberis decedens, obitu suo non tantum exteris compluribus, regni vacantis ambiendi occasionem præbuit, sed & inter regni proceres diuersa studia, grauesq; contentiones excitauit, quibusdam hunc, alijs alterum regem eligi postulantibus.

FINIS TOMI III. RERVM POLON.



FRANCOVRTI EXCVDEBAT IOANN.
Wechelus, impensis Sigif. Feyerabendij.

Sum stercoris, sum tæta tibi, sumq; obruta lymphis.
Sim, quod nulla fin, certi hæc tua Gallia eras.
Pacta mihi, similibusq; gaudiis mihi, perfide, nunquam.
At hypocausta calant sanguis mihi: protera sanguis
Frigida tibi frigant, nixibusq; glaciis
Frigidiora mora: tua cum conuicia balles
Miser, tunc tibi manus imballes pro vit in iras
Sunt mihi communis fœdas, cum coniungo nata
Viris priusq; cubant. Quid vos nisi saparati illa.
Gallia illa hinc, fœdi sui uiscera vora
Flans capit hanc atq; in strueta Lycæonis arto.
Aurora dicit, vestris modoribus facila vestrisq; horis.
Aurora, crada mihi, quod si tua forma speras,
Illa fuisse negat quis Sahimelia nostri
Rapi, cum pferat modoramina Gallis heborot!
Tale, si ille fœder natos dimisit in altum:
Gallis castris suis citius patit, succat: ille
Dante suos, sic nusa suos, crudelis utroq;
Tollit. ut ille fœdit patris, dapi l'us ab oris
Exul. p' hinc regit, si qd pia uirmina possunt,
Emebet pulvis capis, quod turbat adit.
Barbara sum quis iura tibi? cum sanguine qst
Iamdictum quingata fœder: p' barbarisq;
Iugitatis opus, tua qd sunt fœda? rapine?
Quid emor & cædes: qd bella immania fœdas
Præiuras, totiq; fœdas violata pro artas?
Et quas non possum scolorumq; comprandorum formas?
Quis tibi dissimiles Gallos pntatis amentas
Fœdros, cum Marte ungo, tum fœda fatigas.
Gallia p' Virtutis talis, si gloria talis,
Sanguis hanc nos no minus tuum laudatq; manebant,
Atq; tuam potius Virtutem exten fœtis.

